



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



UNIVERSITY OF GENT





Vide Sanjore Bib. crit. t. i. f. 473.

Cela ne vous doit pas détourner
de la lecture de plusieurs dis-
cours que Melancthon a prononcés:
il doit beaucoup exceller dans les
livres de Cicéron, dont il a imité
le style; en quoi il ne cède
guères aux Italiens les plus
polis.

Voyez fol. 384.



SELECTA=

RVM DECLAMATIONVM PHILIP=

*pi Melanthonis, quas conscripsit, &
partim ipse in schola Viutebergensi recita-
uit, partim alijs recitandas
exhibuit.*

TOMVS PRIMVS.



Cum Gratia & Priuilegio.

ARGENTORATI ANNO

M. D. LXIX.



2103118




CLARISSIMO VIRO³

DOCTORI IACOBO MYLICHJO,

nobili Medico & Mathematico,

Nicolaus Gerbelius

S. D.

 Rtoxerxes rex Persarum, primi Artoserxis qui à manu altera longiuscula, *μακρόχειρ* dictus est, ex filia nepos, uir fuit facilitate morum, & eximia quadam liberalitate celebris, eadem erga eos, quibus daret ipse, & à quibus acciperet mansuetudine atq; beneuolentia: cui nihil unquã tam pusillum aut contemptũ oblatum est, quod nõ summo cum gaudio & clementia Rege digna reciperet. Nam cũ illi quidam e plebe malum Punicum insigni pulchritudine ac magnitudine dono dedisset, incredibile di-
A ij ctu,

ctu, qua illud læticia, quàm suauis
ter acceperit, quo præconio indus-
triam atq; ingenium hominis col-
laudarit, testatus, si commodus ei
locus tribueretur, facile ingentem
urbem ex pusilla facturum. Alius
item *αὐτοῦργος* cum uideret neminē
non gratulari regi, se uerò in para-
to nihil, quod tanta maiestate dis-
gnum foret, habere, proximū flus-
uolum conspiciens, properè ac-
currit, haustamq; ambabus mani-
bus aquam, Artoxerxi adorabun-
dus obtulit: Qua hominis urbanis-
tate & beneficencia excitatus, ilico
phialam auream, atq; mille Daris-
cos numos tam iucundo donatori
reddi iubet. Quod si, Mylichidos-
tissime, pro malo Punico, pro tã-
tula aqua, tantam gratiam retulit
suis Rex magnus, suorumq; ani-
mum ac uoluntatem tam clemen-
ter agnouit, quid tibi censes pro
tuo

tuo munere faciendum esse nobis, quod dona illa Persica, quantumvis ea Artoxerxes fecerit, tam superat, quàm à gemmis marini calculi uincuntur. Quanquam enim aspectu uix aliud quicquam Punicis malis sit iucundius, & iuxta Pindarum ἄριστον τὸ ὕψος, tamen Orationes Philippi, quas tu nobis muneri misisti, aliorumque scholæ tuæ clarissimorum nominum lucubrationes, longè maiore honore atque gratia dignæ sunt, quod in illis multa præclara ornamenta ingeniorum, atque illud præcipuum τὸ καλὸν καὶ πρέπον, tum etiam singularis illa commendatio uirtutum, quibus in omni uita nostra nihil maius, nihil præstabilius, nihil diuinius esse uidemus, mirificè eluceat. Quæ enim in his eloquentia, quis succus, quis sanguis, qui Oratorij, nolo ullo prolixius referre.

A in cum

cum ampliora & magis illustria
sint hæc. Tot exhortationes ad uer-
ra studia, ad nobiliores discipulis
nas, ad formanda iuuenum inges-
nia, ad Christianā uitam rectē in-
stituendam, ad instaurandam pie-
tatem, quæ tot iam annis à Sophis-
tis et turpissimis sycophantis mi-
serè iacuit dilacerata. Hæc inquā,
Mylichi, cum elegantissimo mu-
neri tuo insint, atq; alia permulta,
quæ se sponte sua studioso lectori
offerent, sæpe mecum diuq; cogi-
taui, quæ dignæ tibi pro meritis
tuis gratiæ referri debeant, aut pos-
sint. Cum enim neq; aureæ Phia-
læ, neq; Darici numi in facultate
nostra sint, & præclara illa crudi-
torum hominū monumenta pre-
cium omne superent, destitutus
omnibus uiribus, ad humanitatē
tuam atq; suauissimos mores cō-
fugio, quibus fretus, quicquid uel
lem

sem licere mihi putavi. Tibi itaq;
munus tuum dedico, deq; alieno
liberalis sum, & si alijs multis, pos-
tissimum tamen hac ratione, per-
motus, quod sciam Philippum,
uirum omnibus honoribus præ-
stantē, adeò tibi charum esse, ut ni-
hilo sit gratius tibi: uicissim te ab
illo tantopere diligere & amari, ut
piaculum esse ducat, si tui quacumq;
que saltem oblata occasione, non
honorificè etiam recordetur. Tas-
ceo de alijs harum orationum au-
thoribus, à quibus pari modo of-
ficiose obseruari et coleris. Quan-
quam etiam tua in me beneficia &
merita illud exigant, ut qualicumq;
que beneuolentis animi significa-
tione tester, omnia mihi tua bene-
facta semper gratissima fuisse.
Quoniā autem ut uerè dixit Ari-
stoteles, καλὰι sunt τῶν δὲ ἀποκαλῶν
παραινέσις καὶ προτρέψις, omnino
A uñ mihi

mihi persuadeo, has illustrium uirorum doctissimas Orationes, studiosis gratissimas futuras esse. De tuo enim candore, deq̄ perpetua in me beneuolentia tua adeo sum certus, ut planè nihil dubitè, quin hoc officio meo, tuum erga me atq̄que familiam meam amorem, & studium maximopere corroborauerim. Vale Mylichi humanissimè, & me, ut facere soles, ama. D. Martinum Lutherum, & Iustum Ionam, uiros immortalitate dignos, meis uerbis reuerenter saluta. Argentorati, Calend. Ianuarij, Anno M. D. XLI.

Adhorr

9

ADHORTATIO AD CHRISTIANAE DOCTRINAE

*per Paulum prodita, studium,
Phil. Melanth.*



EQVIDEM agnosco, Pauline Philosophiae studium uobis commendaturus, rem me conari non paulò maiorem uiribus. Quae est enim humana eloquentia, nedum mea, quae possit, uel par esse Pauli laudibus explicandis, uel hoc doctrinae genus adserere? quod quantumuis magno Christianae Reipub. malo, seculorum aliquot fastidit consensus, quem si usquam aliàs, certè in literarum studijs, nisi non dolet dissecere quod semel imbibimus, pertinacissimè tuemur. Verum cum in pia causa nullus sit non laudandus conatus, non dubitavi audacius fortasse quàm prudentim, sed pie tamen, rem, quamuis impar, egregiam tentare. Nihil ætas, nihil tenuitas nostra dehortabatur, quando non alius lusus hanc ætatem perinde decet, atq; quaecunq; rerum Christianarum rudimentum. Nam quod noluit Christus noster à se pueros arceri, quasi signo sublato adolescentiam ad sui studium imitauit. Proinde, nisi nihil huiusmodi uotis proficiscitur, optarim mihi, non inimitabilem Periclis, aut Lyasie eloquentiam: Quorum alterius labra Peritho infusa

Peculiare adulescentiae studium Christianae literæ.

A V disse

8 EPISTOLA NVNCVPATORIA.

mihi persuadeo, has illustrium ui-
rorum doctissimas Orationes, stu-
diosis gratissimas futuras esse. De
tuo enim candore, deq̃ perpetua
in me beneuolentia tua adeo sum
certus, ut planè nihil dubitē, quin
hoc officio meo, tuum erga me atq̃
que familiam meam amorem, &
studium maximopere corrobor-
auerim. Vale Mylichii humanisa-
simè, & me, ut facere soles, ama.
D. Martinum Lutherum, & Ius-
tum Ionam, uiros immortalitate
dignos, meis uerbis reuerenter

saluta. Argentorati, Ca-

lend. Ianuarij, Anno

M. D. XLI.


Adhoro

9

ADHORTATIO AD

CHRISTIANAE DOCTRINAE

per Paulum prodita, studium,
Phil. Melanct.



Q V I D E M agnosco, Paulinae Philosophiae studium vobis commendaturus, rem meconari non paulo maiorem viribus. Quae est enim humana eloquentia, nedum mea, quae possit, uel par esse Pauli laudibus explicandis, uel hoc doctrinae genus adserere?

quod quantumvis magno Christianae Reipub. malo, seculorum aliquot fastidit consensus, quem si usquam alias, certe in literarum studiis, nisi non dolet dediscere quod semel imbibimus, pertinacissime tuemur. Verum cum in pia causa nullus sit non laudandus conatus, non dubitavi audacius fortasse quam prudentim, sed pie tamen, rem, quamvis impar, egregiam tentare. Nihil aetas, nihil tenuitas nostra dehortabatur, quando non alius lusus hanc aetatem perinde decet, atque quaecumque rerum Christianarum rudimentum. Nam quod noluit Christus noster à se pueros arceri, quasi signo sublato adolescentiam ad sui studium inuitavit. Proinde, nisi nihil huiusmodi uotis proficetur, optarim mihi, non inimitabilem Periclis, aut Lyfie eloquentiam: Quorum alterius labra Peritho infuse

Peculiare ad
lescentiae studi
um Christianae
literae.

A V disse

Precatio.

disse uetus Comedia testatur: Alterum etiam ille iuxta Apollinis oraculum sapiens Socrates admiratus est: Sed illum ipsum uerè flexanimum Paulinæ lingue spiritum, diuinitus suppeditari, & orationē nostram animaturum, & pectora uestra, ad complectendam coelestem sapientiam inflammaturum. Quid enim magis conuenit, quàm de sacris rebus dicturos, diuini numinis opem cœlo deuocare? Vos item mecum communibus optate uotis, ut benignus Dei spiritus radijs suis animos uestros collustret, & ad hoc philosophiæ genus præparet, quod inauditum esse uiribus humanis, uel hoc indicio est, quod paucis admodum post Paulum contigisse uidemus: recentiores uerò Theologos, quos uocant, etiam obscurasse: quod utinam audacius dicerem, quàm uerius. Equidem, ut uelim Paulinam doctrinam non Monachis, aut Theologis tantum istis scenicis, sed uulgo etiam Christiano familiarissimam esse: ita puto ad formandam uitam, nullam sapiendi rationem accommodatiorem, nullum certius ad fœlicitatē compendium esse. Primum enim ratione quadam et doctrina opus esse, ad instituendam uitam, uel hoc argumento est, quod nulla priuatim domus, nulla ciuitas publicè, citra legum usum administrari posse uidetur, ut literas in hoc repertas uerisimile sit, quo præscriptis, adeoq; duraturis legib. paulatim gliscenti hominū cupiditati frenum inijceretur. Extant uiuendi formulæ, aliæ diuinitus proditæ, aliæ ab ingeniosis hominibus conscriptæ, quale est Hesiodi, item

Homeri

Adis.

Doctrina ad
instituendam
uitam neces-
saria.

Hesiodi & Ho-
meri poëtis.

Homeri poëma, quales philosophorum commentarij, quales pleræq; nobilium ciuitatū leges sunt, quarum memoria, historiarum beneficio, ad nostra tempora propagata est: Verum in his diuinæ leges tantò sanctiores sunt humanis, quantò propius effingunt tum autorem, tum archetypum omnium bonarum rerum, quem non dubium est nusquam certius expressum, quam in ijs literis, quas suis ipse digitis, inestimanda benignitate, lapideis tabulis insculpsit, præcepitq; omnibus postibus ædiū, uestibulis, fimbrijs item uestiū inscribi, & scopi uice, ob oculos, interq; manus reponi, unde uite uniuerse ratio peteretur. Iam & hoc humane leges diuinis scripturis uincuntur, quod legibus Evangelicæ literæ additæ sunt, quæ Christum generi mortalium exhibent, qui spiritū impertit, quo humani animi accensi, nihil non cœleste, sua ipsi sponte adfectant. Lex enim recti uiam monstrat. Sed honestum animis humanis ille Christi spiritus absoluit. Adeo plane fieri inquit, ut solis legibus adiutus, uitam probe instituas. Neq; enim satis est uidere quid agas, sed refert uel omnium maxime, quæ Euangelij sarrago est, scire unde animum petas legibus fauentē, & honesti amantem, nempe, quem à recti amore naturæ genius auocat. Etenim, si solis legibus humanæ mentes ad uirtutem incitabantur, non erat, cur aut Filius Dei carnem indueret, aut Evangelicæ literæ proderentur. Quare cum ad componendā uitam, tum legū, tum Euangelij cognitio necessaria sit, cum unicam salutis compendium

Leges

Euangelium.

dium

In Theologi-
stas, qui huma-
nas traditio-
nes docent.

dium sit sacrarum rerum scientia, quàm omnes certa-
tim animos diuinis literis despondemus? si quidem sua
cuiq; salus esse quàm charissima debet. Alia studia, alijs
uoluptas, alijs quæstus commendat, hoc uerò pijs
omnibus instituendæ uitæ cura, adeoq; plusquam Dio-
medea necessitas. Porro, qui è fictitijs Philosopho-
rum, aut Theologistarum cōmentarijs uitæ formam
peti posse censent, quàm irreuerenter, quàm impiè de
diuinis literis sentiant, uestrum esto iudicium: Nam
si nostris inuentis componi mores humani poterant,
quid erat, cur legem ferret? suisq; describeret articu-
lis, optimus maximus Deus? cur omnibus postibus,
fimbrijs etiam uestium insculpi mandaret? idq; ne ra-
tionis nostræ censuram & consilia sectaremur. Nam
hoc diserte additum est, ne nostras cogitationes seque-
remur, ubi satis indicauit coelestis legumlator, menda-
cem, uanum, ac futilem esse hominis captum, planeq;
regendum, ceu Tbeseo filo labyrinthum aliquem. Imò,
si per sese hominum animi ad uirtutem erigi potuere,
quid erat, cur carne Filius Dei, adeoq; æternus sermo,
uestiretur? cur in uniuersum orbem terrarum euul-
gari præciperet Euangelium? cur æternus Pater tam
religiose commendaret, orbi terrarum filij doctrina-
nam? inquit: Hic est Filius meus dilectus, in quo
mihi complacui: Ipsum audite. Cur sacrosanctam
philosophiam maximi homines tam studiose literis
mandarent? Et doctrinam suam cum tanti uelit fieri
coelestis Pater, quid homunculi nostrâ lactamus so-
mnia?

πημία? quid αλαοσκόπον philosophiam, nugarum re-
 gnū, uite formam appellamus? Quin uidemus,
 quā insanis Philosophi dogmatis cecitatem suam
 testati sint, dum in peruestiganda rerum natura nus-
 quam non haerent, nusquam non hallucinantur, dum
 de bonorum ac malorum finibus disceptant: ubi hic
 uoluptatem, ille indolentiam, hic εὐθυμίαν, ille glori-
 am, Stioicus falso nomine uirtutem, Peripateticus
 multo ineptius uirtutis usum adserit. Videbat ipse So-
 crates, non esse certi quicquam in uniuerso philoso-
 phia genere, cum sapientiam suam uocaret ἀμφισβη-
 τήσιμον ὄναρ. At hominum λογολεχείας etiam diui-
 nis literis nostrorum temporum Theologi prætulē-
 re, quibus debemus, ut nihil hoc tempore sint Christi-
 ane literæ, nisi malitiæ quædam fallacis loquelæ, ut
 ille apud Ciceronem ait. Addo, quod doctrinæ genus
 diuinitus ad corrigendas, confirmandas, consolandas-
 quæ hominū mentes proditum est, friuolæ, addo etiā
 indoctæ sophistarum καὶ βέβηλοι νεοφωνίαι magna
 ex parte extinxere. Vel contemni poterat, si quid
 uulgarium artium interijisset, uerū eam disciplinam
 intercidere, quæ una est periclitantium animorum
 portus et asyllum, adstrictæ conscientie solatiū, quis
 non deploret? Et his literis antiquatis, quib. solis mu-
 niri Christianæ res solebant, quā tyrannidem in o-
 mnes hominū ordines Satan exerceat seuiens, etiam
 dicere horreo. Quondam prudēter in administrandis
 ciuitatibus cauebatur, ne publicæ leges ignorarentur:

Philosophia
 regnum nuga-
 rum.

Socratis de phi-
 losophia sen-
 tentia.

Ab honesto.

nisi

nisi quis æneas decem uirorum urbis Romæ tabulas, aut ligneas Atheniensium *ἄξονας* nescit. Et sapientissimus rex Minos, Iouis, ut ferunt, *ἰαπίρης*, quotannis leges suas æri insculptas, ter circumferri per omnem Cretā uoluit, ne non essent & uulgo notissimæ. Quid memorem, quantum operæ Philosophi dogmatis, suæ quisq; factionis, ediscendis impendant? Pudeat Christianos, quibus solis & Dei & Patris, & seruatoris sui salutaria placita ferè ignorantur. Et qui tot Regis nostri insignibus nobis placemus, lauacro *παιγγευσίας*, item sacro pane, illud ipsum negligimus, per quod unum proximè ad ipsum accedi potest. Siquidem sermo maximi patris Christus est. Non alia ratione Christum certius expresserint animi nostri, quàm sacræ doctrinæ studio, in qua illius uelut in speculo relucet imago. Carnem æternus Dei sermo induit, ut & nos significaret diuini sermonis commercio *ἀποδεδωδαι*. Id quod elegans quidam, & pius nascentis ecclesiæ Theologus testatur, inquit, nos sermone ueritatis genitos esse, ut essemus primitiæ creaturarum. Quod si Christianarum mentium alius est Euangelica doctrina, quæ uesania, quæ impietas est, hominum figmenta preferre? Et in sacris uel maximè necessarij sunt ad formandum animum, Pauli cōmentarij. Nam cum alia uolumina leges præscribant, alia rerum gestarum historiam narrent, Paulus noster methodicā quadā disputatione eos locos persequitur, citra quos non admodū profuerit leges didicisse. Nec Prophetarum

ἰπρόβου.

nam uaticinia, nec Euangelicæ historiæ adiri possunt, nisi huius commentarios, ceu amnem comitem ad mare, methodi uice, sequaris. Nam cum in tractanda hominum natura, tyrannide peccati, legis regno, absolutæ uirtutis origine, ac propagatione, sacramentis, consistat rerum Theologicarum summa, unicus Paulus hos locos palam ob oculos mortalium posuit. Breuiter redemptionis nostræ gratiam, adeoq; Christum ipsum ignoraremus, si Paulū orbi terrarum Deus inuidisset. Neq; enim Christum nouisse, est historiam rerum ab ipso gestarum tenere, sed agnoscere ingentia beneficia, quæ per ipsum in orbem terrarum Optimus Maximus Deus effudit, Spiritum scilicet, et absolutæ uirtutis autorem, et arrabonem gratiæ, quem antea nesciebat mortalitas. Frustra diuinis legibus animi deuoueris, nisi Christū esse, Paulo magistro, scias eum, à quo spiritus petendus sit, amans eorum quæ lege iubetur: Deinde et qui, si quid præter legem, ut imbecillitas humana, deliqueris, ignoscat. Frustra item Euangelicam historiā didiceris, nisi historiæ scopos et usum, illo monstrante, obseruaueris, ubi de legis abrogatione, de peccato, de carne, de spiritu, de filiis adoptionis, de libertate, de seruitute differit, quid aliud agit, quàm ut, ceu methodo quadam, uniuersæ scripturæ lumen adferat? Omitto quæ mysteria, quàm sublimia doceat, ubi cœperis in eū attentius oculos defigere. Satis amplū enim fructum feceris, si uel à limine salutaris. Nam quod ad confirmandas et consolandas consci-

Farrago Pauli-
næ doctrinæ.

Fructus Pauli-
næ doctrinæ.

conscientias attinet, nemo Paulo, mea quidem sententia, præferendus est. Summa cura esto, ut in hoc discas, quò habeas uitæ formam ac regulam. Etenim si discipulandi & litigandi gratia didiceris, uide quàm facias atrocem sanctissimo uiro iniuriam, qui pacis adsertore, præcone Christi, qui solus uera pax est, tam fœdè abuteris. Nam quod quidam Theologica ad scenam, ad uulgi plausum comparant, deplorandum magis quàm insectandum est. Iam & ex Paulo cognoscere licebit, qui fructus longè pulcherrimus est, inter Christianam doctrinam, & Philosophiam propriè quid intersit: quod ut apprimè necessarium est cognoscere, quotquot in philosophicis studijs uersantur, ita neglectum uideo à scolasticis doctoribus in uniuersum: qui è Theologia nobis non aliud fecêre, quàm illam Græciæ hircissantem anum, Philosophiam. De quo discrimine ipse quidem hoc loco dicerem, nisi dehortaretur argumenti difficultas. Verùm, hoc uelim omnibus Christianis mentibus persuasum, prorsus aliud esse Christianismum, quàm uel philosophiam, uel nostrorum hominum Theologiã. Alia ad uirtutè uia est, alius bonorum finis, alia hominis eubœiia, quam præscribit Paulus, quàm quæ Philosophorum scholis docetur. Miseram Rempublicam Christianam, quæ ipsa sui oblita, in alienas scholas detrusa est, imò quæ iuxta scripturã, cõtubernio Moabitidum, alienam linguam, oblita patriæ didicit. Quam calamitatẽ non uideo cui debeamus, nisi insanis istis Magistris nostris, qui se imperite

Scenici Theologi.

Philosophia
γὰρ οὐκ ἔστι
ἡ φιλοσοφία.

Imperita plebecula, e mentito doctrinae titulo, uenditant: Præterea quàm accuratè format Paulus omnes hominum ordines, Principes, Episcopos, iuuenes, senes, matronas: Nam hæc fortasse communia habet cum alijs sacris scriptoribus. Hanc sibi laudem propriè uindicat, quod gratiæ originem ac propagationem, adeoq; peccati & legis uim excussit, quos potissimum locos ab eo requires, Atq; hæc omnia, quàm graui, quàm dilucida, quàm eleganti oratione persequitur? Breuiter quidem, sed ita ut nihil desit, ut nusquam non satisfaciat. Periculis orationem aiunt solitam in auditorum animis tenaces quosdam aculeos relinquere: Huius dici non potest, ut flectat, ut uerset, ut rapiat, ut inflammet legentis animum. Dolet conscientia, consolatur: Sollicitat cupiditas genialis, uocat in uiam, retinet ne frena laxes ægrescenti animo, illum ipsum ostendit Christum, qui seruet. Denique quicquid morborum animum fatigat, ab hoc pete præsentaneum remedium. Neq; ulla tam efficax Panacea est, quàm Paulina oratio, nullum aduersus ueneficia tam salutare Moly, quàm aduersus animi morbos Pauli doctrina. Platonikum Charmidem morbo, ne scio quo, leuaturus Socrates, duplex indicat remedium, & radiculam quandam & incantamentum, censetq; parum profuturam radiculam citra incantamentum, seu, ut Platonico utar uerbo, citra epoden. Porro radiculam interpretatur temperantiam: epoda philosophicam doctrinam, sine qua, quamcunq;

Pauli eloquentia.

Epoda Socratica.

B

uite

Paulus unicus
malæ consciæ
mentis conso-
lator.

uite rationem in eas, incertam & instabilem putat futuram. Quantò amplius precium operæ factururus es, si morbis animi medicaturus, Pauli doctrina utare, tantò quibusuis epodis efficaciore, quantò diuini spiritus uis, humanis præstat omnibus. Sunt animi morbi, tum carnis cupiditas, tum malæ consciæ mentis pauor, quibus quando nemo, ut Paulus, medetur, non est cur alterius desideres epodas. Nam sæuientem cupiditatem alij per leges coercere student. Hic Christum illum nostrum exhibet, qui in hoc carnem induit, ut expiaret. Neq; præcipit modo imperandum animo, sed eum ostendit, qui uires addat periclitanti. Iam uerò uel unū profer qui docuerit, quomodo malè cōsciam mentem, id quod plurimū in rebus Christianis refert, cōsoleris. Non nego esse locos, quibus ad afflictam conscientiam consoleris, & in reliquis scripturæ uoluminibus, sed subobscuris, & quorum nullus usus futurus erat, nisi à Paulo illustrati essent. In humanis doctrinis nego esse in uniuersum, qui sauciæ menti mederi possit. Imò quid agūt aliud scholastici doctores, quā ut ad afflictā conscientiam prorsus excarnificent et enecent? id quod est cernere in formulis casuū, summis, quas uocant, in satisfactionum aduersarijs, et nescio quibus nugis alijs. Sauciant et malè sanæ Pontificum constitutiones, ut iures uerius sanguine scriptas Pontificum, quā Draconis Atheniensis leges. Quod genus doctorū aptè uocat Hieremias aspidēs, quæ nullo carmine uinci queant. Quanquam bone Deus, nufquam

quam meliorē nauasse operam sibi scholastica Theologia uidetur, quā in conscientie censura. Proinde iuuenes Christo inaugurati, Paulinæ Philosophiæ animos addicite, nisi non est uobis salus uestra cura. Hinc formā Christianæ uitæ, hinc animorū solatia, hinc rerum omnium tum diuinarū, tum humanarū iudiciū petite. Et enim iuuentutē in primis refert, nihil antiquius, nihil prius ducere Christiana disciplina, è qua cœuiaticū foeliciter transigendæ uitæ paret. Neq; n. fieri potest, ut probè instituas uitam, ut foeliciter transigas, nisi Paulinis literis, aduersum insidias pertinacissimorum hostium Satanae, et carnis. Reliquas artes omneis uel contemnere licet: Paulina, nisi spem omnē salutis abiecisti, negligi nō possunt. Et Episcopos adniti decebat, ut hæc tenerent, nō modo qui studiosi uocantur, sed planè uniuersum Christianū uulgus. Decebat Academi-
 as nihil maiore cura ac studio docere, quā hoc genus piarum literarum, quas barbara et confusanea disciplina Philosophiā isti e mentito titulo uocant: sœrensibus itē litibus, et sordida quadā Philosophiæ æmula, Theologia, maiores nostri mutarunt, χαλνεία, si Dijs placet, γνωσίωρ. Ipse magno animi dolore, nihil aliud uideo Academi-
 as esse, quā templa Tophet, et funestā sœliorum Ennō uallē: Nempe, exulantibus Christianis literis. Habuerunt Athenæ ex Ariopago, habuit Sparta pædonomos, qui adulescentiam optimis quibusq; modis formabant: Et hi quantō foelicius Ethnici iuuentutem crudiēre, quā nostrorum temporum A-

B ij academiæ?

cademiæ? Quin uos ipsi, studiosi iuuenes, rem capeſſite, fauebit ita conatibus ueſtris, ut ætati, cœleſtis Spiritus: & Chriſtum nuſquam euidentius expreſſum, quàm Paulinis literis, aſſiduò contemplamini. Nullus Deo gratioꝝ cultus, nullum magis pium exemplum, quàm in pias literas uelle transformari. Et res ipſa ſemel tentata, ſuis uos illecebris ita capiet, ut deſerere non libeat. Nam cùm per ſe bonarum rerum cognitio iucunda ſit; Chriſtianarum etiam ſalutaris eſt, ut nihil dubitem multis nominibus iucundiſſimum fore Pauli ſtudium, ubi ſemel deliberaueritis. Fama eſt, Aegyptios, gentem ſine exemplo ſuperſtitioſam, nouo quotannis uere, legum ac literarum ſuarum autori Mercurio quondam ſolenne ſacrum feciſſe, multitudinem undiq; confluentem publica epulatione, melle ficuq; operatum. Sacri uetuſtatem ritus arguit: Nam & aureo illo, quod uocant, ſeculo, publica ſerè conuiuia, ſacrificia fuère; & opimæ deorum hoſtiæ mel ac ficus, quorum uſum deinde et in *μελαινόις* manſiſſe tradunt. Inter epulandum lætæ uoces iactari ſolite, & quaſi pæan quidam Mercurio cantari, neutiquam inconditionum carmē: *γλυκὺν ἡ ἀλγίθεια*. Qua uoce haud obſcurè declarauit Aegyptus, quàm grato pectore Mercurij leges et inſtitutà complexa fuerit. Eodē pæane magna mihi ſpes eſt, Pauli doctrinam uos, ubi deguſtaueritis, celebraturos. Cui enim iuſtiꝝ, quàm quæ Chriſtiana, eademq; optimè & gratioſiſſimè docet, decantari queat hic hymnus? *γλυκὺν ἡ ἀλγίθεια*. Dixi.

ORA=

Dulcis ueritas,

ORATIO IVSTI IONAE DOCTORIS
Theologiae, De studijs Theologicis.

I ego aut quadam felicitate ingenij,
aut doctrina atq; eloquentia, uel usu
et exercitio, aut quacumq; medio-
critate oratoria essem paulò instru-
ctior ad declamandum è publico sug-
gestu, summis uiribus hic incumberem, ut Theologi-
castudia (de quorum dignitate hic pro more dicen-
dum est) omnibus redderem quàm commendatissima.
Nunc cum uobis mea tenuitas non ignota sit, initio
rogo, ne, si forsàn ubertate, copia illa, et splendore
orationis, cui eruditissimæ aures uestre assuetæ sunt,
quem hic locus illustris et argumentum grauißimum
deposcere uidentur, destituar, existimationem id san-
ctissime professionis Theologicæ, quàm mirificis lau-
dibus, diuino aliquo ore, alicuius uerè disertis, omni
omnium linguarum sono, in cælum tolli oportuit,
quod uos imminuat. Meam, meam scitote esse culpam,
si rem cœlesti præconio dignam, frigido encomio cele-
braro, aut non his, quibus meretur summæ lau-
dum insignibus, ornauero. Theologicam professio-
nem nostis esse eiusmodi doctrinam, qua in Ecclesia
docetur et discitur uera cognitio sapientiæ et uolun-
tatis Dei. Scriptura enim sancta, quam à Patriarchis,
Prophetis et Apostolis accepimus, quam non huma-
na uoluntate, sed (ut Petrus ait) Spiritu Sancto in spi-

Professio Theo-
logica.

I.

B iiij

rante,

II.

rante, prodiderunt sancti Dei homines, quæ totum hoc doctrinæ genus (quod Theologiam uocamus) complectitur, tota eò tendit, ad hunc scopum directæ est, ut incomprehensibilem illam, & infinitam bonitatem ac misericordiam Dei doceat nos cognoscere, ut hac uita primum in uerbo & promissionibus diuinis fide apprehendamus cognitionem sapientiæ & uoluntatis Dei. Deinde & in omnibus Creaturis, Cælo, Terra, Mari, & hac tota mundi machina, adeoq; proprii corporis nostri mirabili opificio, infinitam illam, & immensam Dei bonitatem, quotidiana miracula, & præsentiam diuinam, operumq; eius magnitudinem, & ut Paulus inquit, multipliciter uariam sapientiam Dei animaduertamus, quod ipse scilicet non sit Deus à longè, cui non sint curæ res humanæ (sicut imbecillitas humanæ rationis peccato Originis corruptæ somniat) quemadmodum & Homerus Poëta, de Ioue apud Aethiopas conuiuante, eam hebetudinem humanarum mentium taxat, sed Deus admodum nobis præsens, sicut Hieremias Propheta inquit. Et in hunc quidem finem ab initio mundi, uerbum suum dedit Deus, in hoc scriptura sancta prodita est, ut quotidie in cognitione Dei cre-scamus. ut subinde, quod toties inculcat Paulus, magis ac magis proficientes in cognitione uoluntatis diuinæ, letemur in Deo, præsentiam eius in mirificis operibus adoremus, & reuereamur, ut per fidem & spiritum, gustum quandam percipiamus uitæ æternæ, ut tan-

Iupiter apud
Aethiopas con-
uiuans.

ut tandem eluctantes ex tot fluctibus, & periculis regni, mortis & Diaboli, emergamus ad perfectam cognitionem Dei, utq; tandem cum Deo ipso, quod maius quiddam est, quam humana mente concipi hic potest, uita, gloria, claritate, ac beatitudine æterna perfruemur. Et hic quidem finis est bonorum, hoc est illud summum bonum, illa uera & omnibus numeris absoluta sapientia, quam requirimus, illa sola & perfecta beatitudo, de qua extra uerbum Dei inquisierunt Philosophi & sapientes mundi. Sed Deus passus est eos errare longè à Deo in uis suis, ut Paulus in Actis inquit. Veræ autem illius religionis, et Theologie, & solidæ illius sapientiæ inuentor & autor, non est Mercurius aliquis, non heros quispiam clarus, non Philosophus excellens, sed ipse creator omnium rerum, Deus uiuus & uerus, ut Esaias inquit: Qui condidit cælum, & stabiliiuit terram, & c. Et Theologia hæc uera, non est eiusmodi cognitio, aut scientia, comparata solum ad uitam hanc momentaneam, imperiosum strepitum rerum, & umbratile quædam huius mundi, Quemadmodum architectura, aut similes artes, tantum ad huius uitæ usum comparatæ sunt, quas pauci quidam perdiscunt: sed ad hanc cognitionem ueram Dei, ad hanc sapientiam percipiendam, omnes homines super terram, totumq; genus humanum creatum est, atq; illa diuina mens hominis, illa elegantissima corporis humani, omnium organorum, ac membrorum constructio, non in hoc est condita, ut so-

Finis summi boni.

Veræ religionis autor.

Simile.

B iiij lum

lum artes illas, quæ non nisi huic mortali uitæ & corpori seruiunt, exerceat, sed ut infinitam illam sapientiam & bonitatem Dei cognoscat, & magnitudinem & uarietatem & mirificam illam in omnibus uim atq; potentiam operantis Dei contemplans, in Deo & omnibus operibus Dei letetur, & summa exultatione & alacritate gratias agat, sicut Christus ipse Dominus noster breui & grauissima sententia dicit:

Ioan. XVII. Hæc est æterna uita, ut cognoscāt te uerum Deum, & quem misisti Iesum Christum, id est, hæc est uita illa, salus illa, & beatitudo, in hoc tota uis est infinitæ, immensæ, & æternæ consolationis, & fœlicitatis, ad quam homines conditi, & à Deo uocati sumus, ut in hac uita animi nostri erudiantur per uerbum, & concepto Spiritu sancto, illuminentur subinde magis magisq; uera cognitione Dei, ut hic in Ecclesia incipiat renouatio & restauratio collapsæ naturæ, regnum cœlorum, & iustitia & uita æterna: ut tandem in futuro seculo, perfectè letemur in Deo, læticia quadam inenarrabili, & glorificata ineffabili torrente omnium bonorum Dei, adeoq; perfectæ *κοινωνία*, & communionis (quæ in hoc tempore super omnem captum est humanarum mentium) diuinitatis perfruamur.

Theologia sapientia diuinitus prodita.

Sciamus ergo Theologiam non esse eiusmodi quandam cognitiunculam, quæ huic mortali uitæ tantum ancilletur, cuiuscemodi sunt reliquæ artes, quæ suam tamen laudem, durante hac uita, habent, sed eiusmodi quandam diuinitus proditam sapientiam, ad quam percipien-

percipiendam, homo initio conditus, propter quam
 diuinæ particula auræ (ut Poëta inquit) & illud pe-
 ctus cœlestium rerum capax, illa mens cœlo ducens ori-
 ginem, nobis indita est. In quæcunq; ergo uita ge-
 nera uaria tempestas huius uitæ conijciat homines, si-
 ue Iuris prudentiæ, siue rei Medicæ, siue rei militari
 dent operam, siue in Philosophico ocio, siue Repub. **Simile.**
 uersentur, tamen nisi ea cum Theologia coniuncta
 habeant, sciant se à diuina & cœlesti origine degene-
 rasse. Quantumcunq; ergo in tempestuoso mari hu-
 ius uitæ circumerremus, sæpe etiam naufragemur,
 dum hic sollicitudine uictus torquetur, hic siti gloriæ,
 tamen in hoc portu acquiescendum est, tamen nisi ini-
 tium, medium, finis humanarum rerum sit Theolo-
 gia, iam homines esse desymus, & uita est non homi-
 nis, sed beluarum. Nulla usquam ergo occupatio di-
 gnior homine, nulla liberalior, nulla scientiâ aut co-
 gnitio excellentior, quàm cognitio uera Dei & reli-
 gionis. Propter hanc initio Adam conditus est ex gle-
 ba & puluere terræ: Propter hanc Eua ipsius Dei
 creatoris mirifico opere ex costa masculi sculpta &
 edificata est, in formosam foeminam. Et si forsan pri-
 mum auditorem scholasticum, simul & Doctorem
 Theologiæ requirimus, hunc sciamus magnum pa-
 rentem fuisse Adamum, qui ipsum Deum magistrum
 habuit, qui ante lapsum perfusus Spiritu sancto, uerè
 illuminatus fuit Theologus, quo uiro hic sol nihil
 aspxit post ipsum Christum præstantius. Si enim Adā

Quæ occupa-
 tio hominē di-
 gnior.

Primus Theo-
 logiæ scholasti-
 cus & Doctor,
 Adam.

B V non

Lapsus Adami
quibus bonis
penuriam nos.

non fuisset lapsus, tunc omnes posterī, & homines ex eo orti, φύσσει fuissent Theologi: tum uidisses totum orbem terrarū nihil aliud esse, quā spaciosam quandam ac frequētissimam scholam Theologicam, in ipso paradyso, quasi in horto quodam, aut porticu Philosophica, mirabili amoenitate, passim consedentibus, obambulantibus tot discipulis, quorū συμφοδόσφοι essent Angeli, quorum Dominus & magister esset ipse Deus: uidisses masculum & scēminam in summa castitate & puritate, dulci quadam & sincera σοφῶν, uera quadam & perfectā suauitate uitae & morum, de Deo & operibus Dei differere, confabulari: uidisses homines expertos calamitatum, aerumnarum, tristitiæ, ignorās funerum, & sepulchri, liberos à tot terroribus Diaboli, ab omni tristitia, metu, pauore, & miseria, in perpetuo gaudio Spiritus sancti, admirabundos quotidie de operibus Dei, incundissimum in modum colloqui. Non fuissent tenebræ hæc, tot mœstæ cogitationes & curæ humanarum mentium, quæ nūc sunt, sed omnia plena luce, uita, hilaritate, leticia ineffabili: Et eiusmodi cœlestia poēmata ac cantica de Deo & operibus Dei (eiuscemodi uix summis Patriarchis, Dauidi, & similibus canere postea datum est) tum bimuli infantes, & Habel paruulus in cunis, inter ipsa crepundia cecinisset. Nam nisi ē cœli generosa illa & nobilis natura hominis, per peccatum originis et horrendum lapsum Ade, cum in corporis tum animæ uiribus corrupta esset, & lumen illud

lud humane mentis hebetatum, tum mira quadam
 acie mentis & oculorum, motus illos coelestes, solis,
 lune, aliorumq; syderum ratos immutabilesq; cursus,
 iam propè Adam esset intuitus, quàm nos currum in
 terra, aut nauim in mari gubernari uidemus. Et non
 solum cognouissent tum primi illi parentes, quod
 Deus creasset coelum, terram, mare, & omnia quæ in
 eis sunt, sed & mira quadam perspicacia intellexis-
 sent, ipsum perpetuo esse presentem omnibus homi-
 nibus, simul & animantibus dare uitam & halitum,
 atque ita animi & corda eorum iucundissimis affe-
 ctibus gaudij et ineffabilis letitiæ inarhissent, de Deo,
 de minimis & maximisq; operibus Dei, tum quidem
 tanta certitudo, tam firma *πληροφορία* de Deo fuis-
 set in mentibus humanis, ut quoties Adam sub aurora
 orans, aut Eua mane ornans se ad proximi fontis spe-
 culum, solem orientem uidisset, summa cum uolupta-
 te cogitasset: En iterum nobis sydus illud, quod quasi
 sigulus candelabrum finxit pater & Deus noster.
 Deinde Cain & Habel paruuli, & adhuc in cunis
 reptantes, aut alacriter circumuolantes potius, quo-
 ties herbam aliquam odoram, quoties uiolam aut ro-
 sam, quoties pomum generosum, botrum aut uuas
 aspexissent, nō sine iucundissimo sensu infinitæ, et in-
 perscrutabilis bonitatis et sapientiæ Dei, cogitasset:
 Hæc sunt dona nostri illius patris, hic odor, hic succus,
 opera sunt coelestis dextræ: huius botri uel unū pam-
 pinum ego non possem fingere. Et tum Adam & Eua
 coelesti

Cain.
Habel.

Creatio pictu-
ra operum Dei.

eccelesti quadam, beata, & suauissima conuersatione, non aliter atq; tenelli filij sub blando parente, in summa fiducia erga Deum, in summa certitudine & dulcedine cordium, illum Deum uiuum, & uerum suum agnouissent conditorem, nutricatorem, parentem, & admodum perspicua cognitione intellexissent, quomodo tot magnifica & præstantia opera, tot excellentes creature, mera quotidiana miracula, mera specula essent, in quibus fulgor infinitæ bonitatis & potentie Dei redditur. Nam hæc pulcherrima rerum machina in hoc condita est, ut sit æterna, mirifica, & indelebilis pictura, in qua Deus & opera eius certantur, sicut Paulus ad Romanos i. dicit. Multa sunt admodum de se signa dantia, & expressa uestigia diuinitatis in hac tota uniuersitate rerum, pulcherrimum hoc & spaciosum & tot astrorum luminibus distinctum cælum, ingens illa moles terræ, & mirifica eius efficientia, & in omni genere crescentium fecunditas, infinita penè magnitudo maris, & inclusio aquarum eius, ut Psalmus ait, quasi in utero, tot uolucres, tot genera animalium & piscium, tot herbe, tot remedia, tanta in succis, odoribus, uarietas, quos una & eadem terra profert, quæ omnia ex uno eodemq; subolescunt puluere, & incomprehensibili ac occultissimo auctu nascuntur. Hæc quidem satis magna testimonia sunt, quod hic mundus non casu extiterit, nec ex atomis conflatus sit, ut quidam Philosophi sentiant, sed æternam quandam & infinitam esse sapientiam, quæ hæc omnia

Mundus non
casu extitit.

omnia mirificè architectata sit, quæq; eodem elegantissimo ordine conseruet ac gubernet, ut Paulus quoq; in Actis testatur, Quod Deus ideo in tota creatura ita negligia fuit, in singulis penè flosculis, singulis penè arborum folijs reliquerit, & sese depinxerit, ut cognoscamus eum non longè abesse ab unoquoq; nostrum, & penè in nostro proprio corpore, in pane & uino sic à terra producto palpabilem esse. Et hæc quidem omnia, si peccato natura non uitiata esset, omnes populi Adam masculi iuxta ac foeminae, clarissimè cognita habuissent, atque ita totum genus humanum ab Oriente usque ad Occidentem, fuisset Gymnasium quoddam pulcherrimum, & frequentissimum scholarium Theologiae: nisi quod discrimen forsan fuisset donorum, sicut stella à stella differt claritate. Verum postquam primi illi parentes nostri decepti πᾶντοῦ Diaboli, qua non desinit insidiari regno Dei, lapsi sunt, illa diuina & excellens natura hominis horribiliter corrupta est, debilitata, & fracta in uiribus corporis & animæ. Atque illud uitium originis late in omnes posteros Adæ propagatum est, ut iam in omnibus mortalibus, antequam inserantur Christo, horribilis sit cecitas, ut neque Deum tam clarè cognoscere, neque in ulla creatura Dei præsentiam & diuinam operationem ita cernere possint. Atq; de hoc casu schola Theologica, quæ aliàs per totum fuisset diffusa orbem terrarum, ab oriente usq; ad Occidentem, celebratio nominis Domini coacta est in angustum,

Qualis homi-
num conditio
& miseria,

stum, adeo ut inde ab Adam & Patriarchis, omnibus temporibus uera Ecclesia pusillus grex fuerit. Ante quidem horribilem illum lapsum, sic habitura erant res humane, quod Deus ipse domesticè plane, & paternè, sicut Psalmus ait, gubernasset homines, ut tenellos filios tractans. Ibi sincera cognitio Dei, purus cultus, ardentissimus amor uerbi & uoluntatis Dei, summa & indies crescens admiratio operum Dei fuisse, ibi dulcissimus affectus erga Deum, purissima Theologia, omnia plena ueritate, omnia plena instantia, summa uoluptas inuocare Deum, appellare tantam & coelestem illam maiestatem, Patrem, laudare Deum, rimari, & expendere opera Dei. Verum post lapsum Adæ, in illa prima, & aucta etiam, & florenti etate orbis, præ qua nostri nouissimi temporis effæta senectus, podagra, & senilis tussis est mundi, apud maiorem & potentiorē partem hominum omnia repleta idolatria, errore, & ex illo adflatu Diaboli nihil contemptius, nihil aspernabilius esse coepit, uero, sancto, & sincero cultu Dei, ueraq; Theologia. Nam post illud immane et horribile totius generis humani damnum, mera cognitio Dei, et uerbi diuini, et illa uestigia paradysiacy gymnasij manserunt in paucis. Nam cum Adam post lapsum erigeretur rursus, oraculo uiuificæ promissionis diuinae, de semine illo benedicto Christo, transmissum quidem est hoc lumen, & æternæ cōsolationis uerbum, et Euangelium ad posterum. Sed tamē intra parietes in angulis, tantum in familijs Pa-

Apud quos lumen Euangelij
custoditum.

lijs Pa-

lits Patriarcharum, apud Habel tantum, illud lumen Theologorum, apud Noha parentem alterum generis humani, apud Sem uerè magnū, uerèq; augustum Melchisedech, quasi margaritum preciosum, custoditum, conseruatumq; est reliquo toto Cainico et Nimrotico mundo, & ante & post diluuiū, insaniente rabie infiniti erroris, idolatriæ, abominationis, reliqua tota celaluitie hominū tumultuante bellis, cædibus, rixis, contentionibus, hominibus inter se flagrantibus uiperino planè odio, omni genere acerbitalis & crudelitatis. Sunt ergo reliquæ doctrinæ omnes, & Philosophia tota, adeoq; ipse Decalogus, conscriptio legum et statutorum, medicinæ, fomenta, ligamina, et remedia assecti, morboſi & leproſi corporis mundi, & uulnerati generis humani, quibus non opus fuisset in uita hominum, si illius lapsus, & tanti mali hereditaria cõtagio non corripuisset posteros, aut si post lapsum omnes homines Habelicâ fide uerbum & promissionem Dei audire, & retinere potuissent. Verum Theologia illa pura, est doctrina & professio, ad quam integra natura initio cõdita est, ad quam creati, in cruce precio magno redempti, restaurati, et in aternū tandem glorificandi sumus: Theologia, inquā, est illa professio, per quam Adam, Habel, Noha, Sem, & similes summi hominēs sub sole, cum iam totum genus humanum esset potestati Satane subiectum, aliquatenus in hac etiam uita ex regno mortis eluctati sunt in uitam, & e peccato & tenebris, ad originem paradysi

Philosophia & Decalogus sunt medicina corporis mundi.

Theologia pura.

Vera Philo-
sophia.

et regni cœlestis. Proinde cum nulla sit Philosophia excellentior, nulla sapientia sublimior, aut præstantior, quàm Deum et opera eius cognoscere: omnes homines summo studio adniti, et in hoc incumbere debent, ut quamvis Iuris scientia, Medica arte, et si quilibet hæc uita carere non possit, tamen omnibus his rebus, et hoc toto mundo utantur, quasi nō utantur, et totum uitæ cursum eò institutum, et eò directum habeant, ut per studium ueræ religionis, exercitium uerbi Dei, ad hanc primæ creationis, et cœlestis generositatis redeant originem. Sit sanè Theologia, cum aucupio et occasione pecuniarum careat, cum uentos et fumos illos mundanæ gloriæ non habeat, contemptibilis coràm hominibus, at quàm ingens et infinitus thesaurus est coràm Deo. Et quamvis ueræ Theologiæ doctores et discipuli, siue Patriarchæ, siue alios sanctos respiciamus, Habelicis perpetuò subiecti sunt periculis (ut Satanae odium nunquam cessat) duris certaminibus, et uarijs agonibus conflantes cum diabolo et mundo, et quamvis impij perpetuò teneant titulum Cain, hoc est, possessoris, quod regna possideant, querant opes, fruantur uoluptatibus, habeant ingentem gloriam, et quidem prætextu iustitiæ persequantur Ecclesiã, ut Cain in fratrem Habel seniebat. Tamē omnes honesti et pij homines, præcipuè adolescentes, cuiuscunq; sint ordinis, quodcunq; tandem ingrediantur studiorum iter, siue bonarum artium, siue Iuris prudentiæ, hunc honorem debent

Theologia con-
temptissima.

bent habere Deo, ut sacris literis, & Theologiæ stu-
 diosis (sine qua ad finem, in quē creatus est homo, per-
 ueniri non potest) honorē summum habeant. Et nos,
 quibus mandatur prouincia docendi Euangelij, ta-
 met si uocationis, & rei tantæ magnitudo meritò nos
 sollicitos detinet, ut in timore Dei res tantas admini-
 stremus, tamen gratias ex corde Patri cœlesti agere
 debemus, quod relictis in sua cecitate tot Epicureis,
 tot acerbis hostibus Euangelij & religionis, tot hy-
 pocritis, & Phariseis superbis, tot admiratoribus ob-
 sinatis huius seculi, nobis infirmis & indignis Euan-
 gelij lucem, & aliquas tamen scintillas spiritus Chri-
 sti dederit, has primitias, hunc arrobonem cœlestium
 bonorum & æternæ uitæ, omnibus opibus, omnibus
 mundi regnis pluris æstimemus. Habeant sibi suam **Impiorum**
 præclaram beatitudinē, & illa gaudia, qui sine Deo, **gaudium,**
 sine religione, carnalium cupiditatum rabie incitati,
 anhelant toti ad cōmoda & uoluptates huius mundi,
 & præ illis totam Theologiam, totumq; Euangelium
 non unius assis faciunt, non cassâ nuce emptū sibi ue-
 lint. Quicquid sit, uel experientia ipsius mundi testa-
 tur, illos uersari in incerto, & lubrico, ut Christus ait:
 Quid prodest tandem, si unus homuncio potiatur re-
 rum, terra mariq; potens sit, totumq; deniq; mundum
 unus habeat, si animæ iacturam faciat? Ego uerò hîc **Religionis stu-**
 hortor omnes pios animos, potissimum adolescentes, **dium maximū**
 propter quos maximè hæ pompæ in Gymnasijs, ad **faciendum,**
 commendandam dignitatem literarum & religionis
 C adornantur.

adornantur, ut inde ab ineunte ætate assuefaciant se, ad reuerentiam et amorem religionis, utq; de hac sanctissima professione (et si Theologi homines sint) magnifice sentiant & loquātur. Nam et secundum præceptum Decalogi hoc postulat, ut nomē Dei ab omni creatura maximi pendatur, & adoretur: has uerò prophanas uoces, tāquam uenenata spicula Satanæ fugiant, quibus Theologiæ aut Theologorum nomen ironijs acerbis exagitur, quæ animos teneros efferre, & contemptu religionis in omnem reliquam ætatem imbuere, & ueneno Satanico incautos, ut non facile eluatur postea, inficere solent. Satis enim negocij habent, satisq; certaminis hi, qui suspirijs et oratione indefinenter contēdunt, ut in amore religionis maneant, tantum abest, ut non sit periculum, si quis more Cynico in risum iocumq; uertat res tātas, in quarum digna admiratione, uix magnis certaminibus se retinēt, imō à Deo retinentur, qui uerè sunt sancti uereq; pij. Dixi.

ORATIO DE GRADIBVS IN THEologia, habita à Doctore Iona, in promotione trium Doctorem. Anno M. D.

XXXIII. Die Iunij

XVIII.



NON opinor in hoc laudatissimo cœtu quenquam adeo imperitum esse communium officiorum uitæ, ut consilium nostrum in promouendis Doctoribus

cloribus Euangelij reprehendat, præsertim cum uide-
rit in hoc consensu Illustrissimum Principem nostrum,
Saxonie Ducem, Electorem, ceterosq; Principes, et
uiros sapientissimos, qui cum sua præsentia testen-
tur se consilium nostrum probare, nemo poterit si-
ne summa impudentia, suum iudicium istorum au-
thoritati anteferre. Qui cum ita ament Christum, ut
propter Euangelij studium, de dignitate, fortunis ac
uita periclitentur, non erant hæc spectacula probatu-
ri, si existimarēt ea indigna esse Christianis. Itaq; cum
tueri nos summorum atque optimorum autoritate
possimus, non ualde nobis fanaticorum hominum re-
prehensio pertimescenda est. Sed quoniam in hoc lo-
co dicendum est aliquid, pauca de hoc ipso gradu di-
sputabimus. Diu iam, non quidem planè omisimus
hunc promouendi morem, sed non sæpe usurpauimus.
Nam et nos, quia ita sentimus, titulum Doctoris in
professione difficillima, non temerè communicandum
esse multis arbitramur. Nam hic titulus testimonium
est publicum doctrinæ, ac pietatis, quo nullo modo ar-
madi sunt indocti ac improbi. Nihil enim perniciosius
est Rebus pub. quàm inscitia et malitia, cum accēsit
authoritas. Itaq; annis iam aliquot, præcipuè in tanto
Ecclesiarum periculo, paucis admodum hic honos de-
cretus est: idemq; in posterum seruabimus, ut nemini,
uicinius ingenium, doctrinam, et mores longo usu
perpeximus, hunc titulū impertiamur. Neq; quicquā
scimus alienum hoc nostro iudicio, nunc in his pro-

Saxonie Elec-
tor religionis
& studiorum
amans.

Promotionum
ratio & utili-
tas.

C ij mouendis

mouendis, quorum doctrina, pietas, & in omni officij genere diligentia & moderatio, nobis omnibus nota est. Itaq; & illustriss. Princeps noster, Dux Saxoniae, Elector, duxit esse à Repub. ut hoc gradu ornarentur, & nos libenter authoritati illustriss. Principis paruimus, cum ingenia, mores, doctrinamq; eorum in magna uarietate temporum ac periculorum cognouerimus. Etenim cum hos gradus initio constitutos esse arbitraremur, ne temerè admitterentur ad Ecclesias docendas ubi sine publico testimonio doctorum, ac bonorum uirorum, nos quoq; hoc consilio retinemus morè, & ut inexploratos arceamus à nostris Ecclesijs, quantum fieri potest, & ut hi qui uocantur ad docendi munus, habeant quoddam, & uocationis, & doctrinae suae publicum testimonium. Quando autem unquam fuit ullum in Ecclesia tempus, cum haec diligentia seuerius requirenda fuit, quam hoc seculo? in quo postquam lucescere Euangelium coepit, Diabolus odio Christi passim etiam impia dogmata spargit, & magna ex parte serunt huiusmodi perniciosas opiniones indocti ac neophyti, qui nullos audierunt peritos rerum spiritualium, nullum habuerunt usum Theologicarum disputationū, nunquam deliberationibus ullis grauioribus de tantis rebus interfuerunt, deniq; qui repente sunt Cadmaei fratres, quos subito armatos terra edidit, doctores existunt sine magistris, sine usu, sine experiētia, deniq; nihil afferunt ad ministeriū, quod in terris et summum et periculosissimum est.

Promotiones
uocationis
sunt testi-
monia.

Veluti cadmaei
fratres multi
Theologi.

est, nisi inscitiam cum arrogantia, atq; impudentia coniunctam. Huiusmodi sunt, qui passim gignunt nova dogmata, ac multos nominare possem. At Paulus iubet explorare eos, qui ad docendas Ecclesias uocantur, & Timotheum nobis prædicat, non solum quod nutritus sit studio sacrarum literarum inde usq; à teneris, sed etiã quòd comes interfuerit Apostolorũ certaminibus, periculis, disputationibus, deliberationib. Hunc usum nō minus requirendũ censeo, quàm ingenium, & doctrinam. Etenim si in alijs leuioribus artib. doctrina, sine usu atq; experiētia nō satis certa, ac firma est, quantò magis id accidit in hoc genere doctrinae, quod sine maximis certaminibus nullo modo potest intelligi. Quemadmodum & Paulus fatetur se nondum affecutum esse, sed summa animi contentione eniti, ut assequatur, sed tamē uidere se scopum, quo cursus dirigendus est. Porro hi gradus in scholis bene institutis, non solum hoc boni habent, quod explorant eos, qui uocantur ad docendum Euangelium, sed etiam quod hoc testimonium tantum illis tribui debeat, qui annis aliquot audiuerunt alios peritiores, qui uiderunt quid alij de magnis ac dubijs rebus iudicauerint. Nam quod citant ex Ioanne, unctio docet, profecto illa unctio non contingit sine doctrina, & sine maximis certaminibus. Est enim unctio, cum in dubijs atq; asperis rebus, uelut oleo recreat, & reficit imbutas mentes diuinus spiritus. Si quis putat subito sine doctrina & usu Theologum unctione effici, sicut aiunt

Vnctio docet,

Non ut Hesiodus poeta, ita sit Theologus

Plato.

Huius seculi
peruersitas in
iudicando.

Hesiodum, cum pistor esset accepto calamo, à Musis poetam factum esse, longè fallitur, nec quid sit unctio perspicit; quæ primum sine uerbi cognitione nulla esse potest. Deinde etiamsi degustatum est uerbum, unctio nō subito detergit animis omnes maculas. Plato inquit: Satis beatum sibi uideri, cui tandem in senectute contigerit, ut sapientum, uerasq; opiniones assequatur. Id ille uir summus, ac sapientissimus de ijs rebus, quas ratio deprehendere, & peruestigare potest, dixit. Quantò uerius id de spiritualibus rebus affirmari potest, quæ profecto non possunt uerè aspici, nisi in ipsa dimicatione, atque experientia. Quò magis hoc seculum odio dignum est, quòd nunc nemo nō sumit sibi iudicium de rebus obscuris, ac spiritualibus, una aliqua lectione audita, aut lecta una aliqua pagella. Paulus gratulatur sibi, quòd, quamuis procul, scopum tamen uidebat, ita nos hoc demus operā, scopum & requiramus, & in hunc intenti oculos ac mentem defigamus.

Et tamen meminerimus procul nos ab illa meta, ad quam tendendum est, abesse: & oremus Christum, ut ipse nos docere pergat, quemadmodum est pollicitus, libenter audiamus quid alij exercitati iudicent, quid probent: libenter, & placidè inter nos conferamus de Euangelio, & gratulari nobis Dei beneficium, nos quoq; in hac schola merito debeamus, in qua, ut nihil aliud dicam, ille Euangelij scopus diligèter explicatur & ostenditur, nec deest facultas discendi bonis. Christus

ſus gubernet ſtudia noſtra, & ad Euangelij gloriam,
 & ad noſtram, & omnium hominum ſalutem. Cum
 hæc bona inſint in promotione, præſertim in hac ſcho-
 la, nemo ſanus, ut ſpero, conſilium noſtrum in his
 promouendis reprehendet. Et intelligunt illi ipſi, qui-
 bus hic honos decernitur, hunc eſſe aditum non ad o-
 pes, ad gloriam, ad uoluptates, ſed ad maximas æru-
 mnas, ad miſerrimas curas, ad pericula omnis gene-
 ris. Nunquam enim ullo tempore, aut plus in Eccleſia
 periculi fuit, aut maiori in odio fuerunt Euangelij do-
 ctiores, quàm modò. Itaque perhorreſco toto corpore,
 cum intuens in hanc ſcenam, animo perſpicio, quàm
 habeat hæc fabulæ diſſimiles reliquos actus, huius, ut
 ita dicam, proœmij. Sed cum ſciant, Deum præcipuè
 requirere hunc cultum docendi Euangelij, neq; aliud
 Deo gratius ſacrificium præſtari poſſe, poſtquam au-
 toritate ſuperiorũ ad hoc munus delecti ſint, pro ſua
 erga Deum pietate, ſuſceptum onus conſtanter præ-
 ſtare decreuerũt, intuentes in exẽpla Chriſti, Prophe-
 tarũ, et Apoſtolorum, qui nullis odijs, nulla ſeuitia à
 docendo Euangelio deterriti ſunt. Oremus igitur Chri-
 ſtum, ut gubernet eorum mētes, ac ſtudia, eosq; iuuēt,
 ut feliciter conſeruare, illuſtrare, propagare Euāgeli-
 um poſſint, illud etiā meminerimus noſtri officij eſſe,
 ut pro uirili leniamus has ærũnas noſtra gratitudine,
 quia maximis eorũ beneficijs fruimur. Qua quidem
 in re præcipuè laudanda eſt Illuſtriſſ. noſtri Principis
 pietas, qui, cū alij reges, ac principes aduerſus Euan-
 gelij

Aditus ad pe-
 ricula, promo-
 tiones.

Actus huius fa-
 bulæ quam
 diſſimiles.

Pietas Prin-
 cipis.

gelij doctores infinitam crudelitatem summo scelere exerceant, ipse & aduersus Tyrannos magno cum periculo tegit ac defendit, & domi summa cum beneuolentia, officij omni genere cumulat: De qua re, & si ad gratitudinem nostram hæc commemoratio pertinebat, tamen propter eius præsentiam uerecundius dicendum est. Sed hoc nõ erat prætermittendũ, quod non tam ad ipsum, quàm ad alios admonendos pertinet, ut sciant Deum & uindicem futurum huius crudelitatis, & cumulatè remuneraturum bonos, qui tegunt ac defendũt Euangelij doctores. Sic enim inquit Christus, Amen dico uobis, si quis dederit tantũ aquæ potum uni ex minimis horum, in nomine discipuli, nõ perdet mercedem suam. Et in Psalmo scriptum est. Beatus qui intelligit super egenum & pauperem, in die mala liberabit eum Dominus. In his sententijs ostendit Deus, quanti faciat beneficia collocata in Euangelij doctores: ac uicissim significat tyrannos daturus esse poenas suæ crudelitatis. Ac me quidem interdum cogitantem & de Principis, & de uestro, totiusq; Reipub. periculo, ualdè consolantur hæ sententiæ, & insperem erigunt, ut confidam fore. ut Deus clementer defendat Principem, ac totam Rempub. Et si uolumus esse pii, si uolumus esse Christiani, fidem his promissionibus diuinis, et hoc beneficentiæ genere exerceamus, & hac erecti fide, benè precemur et Principi, & uniuerse Reipublicæ.

Dixi.

ORATIO

ORATIO D. DOCTORIS CRVCI-
geri, de puritate doctrine in Ecclesia conseruanda,
in promotione Doctorum Theologie
habita. 1536.



ON existimo à me postulari, ut exponam causas consilij nostri in promouendis Doctoribus Euangelij, cum ex hoc ipso loco non semel ostensum sit, à doctissimis uiris, hunc morem scholarum uti, qui uocantur ad docendū Euangelium, publico testimonio ornentur, maximis & necessarijs de causis, conseruandum esse. Quia enim plurimū refert in Ecclesia, qui ad ministerium docendi Euangelij accessuri sunt, doctrinam & mores probè cognitos esse, & Paulus uetat quenquam nisi ante exploratum, ad docendum admitti, ac iubet requirendos esse homines fideles, & idoneos ad docendum, quibus commendetur ministerium: nos quoq; oportet religiose operā dare, & ne inexploratos ad docendum irrumpere sinamus, eos quorum industria ac studium pietatis nobis probatur, uestro testimonio Ecclesijs cōmendemus. Cum enim hæc sit publica quādā uocatio, necesse est & publicum testimonium ad eam accedere, sed quoniam existimo nostrum consilium à nemine sano reprehendi, non iudicaui de eo pluribus dicendū esse. Cum autem mihi datū sit negociū de more publico hoc loco dicendi, etsi nō ignoro me et elocutione, et alijs facula

Publicum
testimonium
necessarium
Theologis.

C V tatibus

tatibus multis modis imparem esse huic prouincia, et
 nihil afferre posse, quod uel nouitate & gratia argu-
 menti, uel commendatione orationis placere possit, ta-
 men quia propter publicā auctoritatē, quam mihi de-
 tractare non fuit integrum, aliquid dicendum est, sta-
 tuti in presentia sacrarum literarum studiosos, & qui
 ad docendum accessari sunt, admonere de suo officio,
 ut, postquam summo Dei beneficio, hoc tempore pu-
 ra Euangelij doctrina renouata ac restituta est, omnes
 suas cogitationes, curas, & studia conferant ad conser-
 uandam in Ecclesia puritatē doctrinae, ac meminerint
 sibi unum hunc finem propositum esse, ad quem sem-
 per spectare, & quò omnis noster cursus contendere
 debeat. Hæc adhortatio quàm necessaria sit, præsertim
 hoc nouissimo tempore, non solum presentia summa
 pericula, sed etiam maiorum in posterum metus admo-
 nere nos debet, in quæ iam prospicientes homines pij,
 & rerum spiritualium periti, sic iudicant, non posse
 purā religionis doctrinā conseruari, nisi in hoc unum
 communibus studijs, ac coniunctis omnibus uiri-
 bus toto pectore incumbant omnes, quibus in Ecclesia
 commissum est docendi munus. Quod ut fiat, in pri-
 mis opus concordia, siue coniunctione animorum in-
 ter Doctores. Itaque de hac uirtute aliquid hoc loco
 dicam, tamen si hæc adhortatio, multò latius patet,
 quàm ut nunc pertexti possit. Principiò autē, cum de
 concordia Ecclesiastica dicitur, intelligendum est, pri-
 mum omnium requiri cōsensum puræ doctrinae Euan-
 gelij:

Concordia Ec-
 clesiastica re-
 quirat puræ
 doctrinae con-
 sensum.

gelij, hoc enim caput est, & fons omnis Christianae concordiae. Quare hic non sunt audiendi, qui uociferantur nos publicam Ecclesiae tranquillitatem perturbare, concordiam labefactare & conuellere, quia discedimus ab ijs, qui autoritatem, titulum, & nomen Ecclesiae, multitudinis approbatione, et praescriptione longi temporis, sibi arrogat, tamen contra Euangelium, iniusta dogmata defendunt, & nos, quia ipsis non subscribimus, omnibus diris deuouent, in ferro, in flamma & omnis generis crudelitate persequi conantur. Nos uero cum habeamus in scriptura Dei mandatum clarè expressum, ne adiungamus nos falsa & impia docentibus, nec aduersariorum clamoribus, neque ullis propositis periculis moueri debemus, nec probare eorum cōsiliū, etiamsi qui benè studio ducuntur, qui sic mirantur, et expetunt publicam concordiam, ut eam posthabeant puritati doctrinae, et potius ducant in Ecclesijs tolerari, ac dissimulari palam impias opiniones, et manifestos abusus, quàm periclitari tranquillitatem publici status. Scite illud ait dictum esse, amicus,, Plato, amicus Socrates, sed magis amica ueritas. Ita nobis existimemus primam curam esse debere, ut uerā do- Veritas.ctrinam tueamur. Et cum de concordia Ecclesiae praecipitur, sciamus nos cū ijs, quos scriptura uocat Ecclesiam, hoc est, qui puram doctrinā tenent, et in ea consentiunt, coniungere debere. Cum autem nobis Dei beneficium contigerit, ut apud nos extet uera Euangelij doctrina, repurgata ab omnibus impijs opinionibus,

bus, hic intelligamus nobis & concordiam præcipi, et nihil à nobis maiori agendū studio, ac contentione, quàm ut eam inter nos tueamur, & per eam Euangelij beneficium diuinitus datum, quantum in nobis est, conseruare studeamus, ac cogitemus ad doctrinæ conseruationem, nullam esse uirtutem Ecclesiæ in uniuersum magis necessariam & salutarem, quàm ueram & synceram concordiam, & animorum coniunctionem inter Doctores. Etsi enim uerum est, etiam consilio, ac potentia diuina puram doctrinam in Ecclesia conseruari, tamen cum de nostro officio dicendum est, quia Deus ministerio uerbi, per homines in Ecclesia agit, maximi momenti res est, non tantum ad publicam tranquillitatem, & alia commoda, sed etiam ad doctrinæ puritatem conseruandam. Nam cōcordiam uoco, non tantum opinionum & doctrinæ, sed etiam uoluntatum consensionem, uera coniunctione inter se mutuò deuinctos esse animos docentium. Sed ut clarius perspici possit, quàm necessaria sit hæc uirtus, aliquo modo consideremus, quantum malorum secum trahat discordia, præsertim inter eos, qui sunt in ministerio publico. Neq; uerò hoc iudicare difficile est, si tantum aspiciantur exempla, quæ utinam nos nō nimis infeliciter doceant, ac tantum de præsentibus cōqueri, nō etiam futura metuere cogamur. Sed de exemplis mox dicam, nunc hoc prius, ut magnitudinē malorum consideremus, quæ sæpe à leuibus, & exiguis apparet initijs, oriuntur, ubi hæc pestis irrepserit in publicum

Quid uocet
concordiam.

Discordia pe-
ris Ecclesiariū.

Infidie diaboli
quibus turbat
Ecclesiam,

publicum ministerium Ecclesie. Neq; enim securè
 contemnendæ sunt Diaboli insidiæ, aduersus Ecclesi-
 am. Cum enim is uerè sit, ut dicitur mille artifex, &
 Ecclesiam acerbissimo & immortali odio prosequa-
 tur, nec cesset, aut desinat omnes uias & modos qua-
 rere, quibus Ecclesie dissipationem, & perpetuam ua-
 sitatem afferat, ubi alia non potest, hæc arripit initia,
 et occasiones, ut undecunq; inter doctores spargat di-
 scordie, ac dissidiarum semina. Vbi autem maxime
 principio non sunt de doctrina dissensiones, sed aliæ
 priuatae, ac personales offensionum causa, tamen inde
 permanat ad totam Ecclesiam, & ubi simul gliscunt,
 tales, & erumpunt odia, primum periclitatur, mox
 etiam palam læditur ipsa doctrina. Nec enim tantum
 exemplo, & scandalis alijs nocent, propter quæ male
 audit apud aduersarios Euangelij doctrina, & infir-
 morum animi offensi perturbantur, ac incipiunt du-
 bitare de doctrina, aut certè eam minus reuerenter
 complectuntur, sed ex ijs dissidijs, postquam animi
 coeperunt inter ipsos alienari, scedè uoluntatū dissen-
 sionem, sequitur etiam offensionum dissimilitudo, ul-
 trò amplectuntur occasiones inuicem insectandi, fa-
 cile rapiunt in calumniam aliorum dicta, etiam bona
 aut certè tolerabilia, ut ea odio deprauent. Ab his ini-
 tijs decurritur ad factiones & partes, & suam quisq;
 sententiam pergit pertinaciter tueri, quibus potest
 modis, & aduersarium odiosissime criminari, quæ-
 dam etiam tantum ideo defenduntur, non quod uera
 esse

I.
Scandalum

II.
Factiones

III.

Interitus.

esse uidentur, sed quia uoluptati est ab aduersario dissentire. Postea latissimè uagantur factiones, dissidia ab autoribus excitata, non tantum urbes, sed totas terras occupant. Ita quædam priuata odia ulciscuntur, publica Ecclesiarum calamitate. Ac satis apparet, hanc omnibus ferè temporibus extitisse originem hæreses

Origo hæresium

on et Schismatum, iam inde ab initio euulgati Euangelij, quod Diabolus ex ipso corpore Ecclesie pulchre consentientis in uera doctrina, excitauit aliquos qui propter priuatas cupiditates, aut similes causas, ab animorum et uoluntatum dissensione, ad dissensiones de doctrina prouecti, perpetua dissidia in Eccle-

Arii incendiū.

sijs pepererunt. Quam à leuibus principijs excitatum est pestilens Arii incendiū, quo postea omnes propè Orientis Ecclesie cōflagrarunt, quod in electione Episcopatus alius Ario prælatus fuerat. Plena exemplorum est historia omnium ætatum, sed non est opus procul exempla repetere, cum sint ob oculos præsentia. Meminimus ex hac ipsa schola quosdam, cum initio in asserenda pura doctrina Euangelij, nostris uiderentur esse coniunctissimi, postea, cum ex suis quibusdam suspicionibus, non uiderentur se satis admirationis, et gloriæ consecutos esse, nec pari auctoritate, ac estimatione cum Doctoribus haberi, mox exarsisse inuidia, adiunxisse sibi homines furiosos, quorum auxilio spargerent fanaticas opiniones, unde ad extremum Anabaptistarum furor inualuit. Sed quia quidam poenas dederunt, non nomino. Sed plerisque

Anabaptistarum furor.

risq; uestrum notum esse Vuicelium, ut est homo na-
 tura ambitiosus, & de se magnifi. e. sentiens, cum ta-
 men esset homo obscurus, nec quicquam dignū tanta
 opinione eruditus hominibus, quam sibi ipsi induerat,
 protulisset, quia suspicabatur, se non satis pro digni-
 tate tractari, hac sola de causa, coepit à nostris dis-
 sentire. Et cum quaedam eius scripta ab amicis leuiter
 essent reprehensa, exarsit ira atque odio, & miscere
 omnia conatus est, & quicquid potuit ueneni in no-
 stros euomuit. Hæc exēpla docere nos possunt, quan-
 tum malorum afferat in Ecclesia, dissensio uolunta-
 tum inter docentes. Summum malorum est, & cer-
 tissima Ecclesiæ pestis, puræ doctrinæ deprauatio:
 Sed ad hanc occasiones & causas præbet discordia
 docentium. Quare quātum in nobis est, summa cura,
 ac studio cauendum est, ne nostra aliqua culpa eius-
 modi malū inter nos excitetur. Neq; uerò cogitemus,
 nos liberos esse ab his periculis. Nam Diabolus, ut dia-
 xi, non desinit nos omnis generis insidijs atq; arti-
 bus appetere. Et nunquam tam foeliciter agetur in re-
 bus humanis, quin existant etiam inter bonos aliquæ
 offensionū occasiones. Magna est inter homines inge-
 niorū, et naturarū dissimilitudo, itaq; facile potest ce-
 cidere, ut alij aliorū factis ac dictis offendantur. Et cū
 semel admittimus occasiōes, postea ipsi nobis indulge-
 mus, animi paulatim incipiūt alienari, accedūt sinistræ
 suspiciones, quæ etiamsi non erumpunt in simultates,
 et odia, tamē hō abeunt sine incōmodo publico, multæ
 bonæ

Vuicellū ueneni
 num.

Summum
 malorum
 doctrinæ
 deprauatio

bonæ res impediuntur, cum animi nō satis cohærent, nemo alteri confidit, aut sese aperire audet. Ita nō conferuntur studia, ad consulendum Ecclesiæ commodis, non sunt de rebus necessarijs deliberationes, aut collocationes, quomodo obscuriores controuersię religionis, clarè & propriè, ac ad unam aliquam certam formam secundum scripturam explicentur. Sæpe non satis intelligi potest, quid quisque sentiat. Hæc iam satis magna sunt, quid autem futurum est, sic accedūt & illæ pestes, similitates, odia, factiones, tumultus, et amarulentæ criminationes, pugnae, quas merito quisquis est Christianus, toto animo execrari, atq; exhorrescere debet. Quamobrem, tametsi hæc quidem Schola, hætenus pacata fuerit, & inter Doctores singulare studium concordie appareat, tamen ut ea porrò cōseruetur, huc conseramus, coram & cogitationes nostras, ut his malis, quæ dixi, occurramus. Et est sanè ad hanc rem opus singulari cura ac prudentia, & hoc, ut in alijs rebus, ita hic quoq; necessarium & utile præceptum est, quod monet principijs esse obstandum. Litis initium, inquit Salomon, perinde est, ac si alueum ruperit aqua, quæ postea nulla inuitus contineri potest. Ita in Ecclesia à paruis initijs, ortæ dissensionēs, postea cū inualuerunt, nullis remedijs sanari possunt. Quare quantum possumus, uitemus occasiones omnes, præcidamus quicquid impedit, aut obstat, etiamsi quæ iustæ uidentur esse causæ offensionū, condonemus mutuo, dissimulemus priuatas iniurias, propter

Principiis
obsta.

Quomodo ista
Ecclesiæ con-
cordia alenda.

propter publicam pacem, nostra commoditate placeamus aliorum animos offensos, amicè ac placidè conferamus cum alijs de dogmatibus religionis, & grauioribus controuersijs, ipsi nihil temerè pronunciamus, nisi de communi sententia cum doctioribus diligenter collata, si quid ab alijs tolerabiliter dictum est, non statim calumniose exagitemus, si quid erratum, fraternè admonendo corrigamus. Deniq; coniungamus studia & operas mutuas, ut extet clara & consensuens explicatio totius doctrinae, in qua nihil habeat perplexi, nihil ambigui: in summa, quemadmodum alios uidemus pro suis commoditatibus ambiciose & contentiose niti ac pugnare, ita nos φιλοτιμούμενοι, ut Paulino uerbo utar, & quasi affectato studio hoc agamus, ut sit in Ecclesia sancta, tecta, & ad posteros etiam durabilis concordia. Est enim & hoc inter multa huius generis sanctissima praecepta Pauli ad Ephesios: cum omni humilitate, inquit, cum mansuetudine, cum patientia tolerate inuicem in charitate, solliciti seruate unitatem spiritus in uinculo pacis. Unitatem spiritus praecipit, hoc est, ueram consensionem doctrinae, & eam inquit contineri pace & concordia, tanquam uinculo. Deinde huius sollicitum studium requirit, & significat, non posse conseruari Ecclesiae concordiam, nisi adsint haec uirtutes, humilitas, mansuetudo, patientia, quibus inter nos mutuò toleremus. Christus ipse iam discessurus à suis, hoc unū Christus. mandatum ait se relinquere, ut inuicem diligant, nec

D piget

Paulus
Cap. iiii.

piget ipsum hoc præceptum iterum atq; iterum repe-
 tere, & inculcare, ut significet, quantæ curæ uelit esse
 ijs, qui præsumt Ecclesijs. Quare et nobis hoc inculce-
 mus, ut semper ob oculos & infixū animis habeamus.
 Maxima pericula sunt, quæ expectare oportet pios
 doctores propter Ecclesiam, à Satana et mundo, multe
 sunt difficultates, & incommoda, quæ in ipso coetu
 Ecclesiæ incidunt. Hic oportet esse magnam uim dile-
 ctionis, quæ contemnere possit pericula, perferre om-
 nes acerbitates, tolerare, et condonare iniurias, me-
 deri incommodis. Hæc non faciunt, qui non ex animo
 afficiuntur Ecclesiæ miserijs, & eius integritatem, ac
 salutem, sua ipsorum uita chariorem habent. Itaq; sub-
 iiciamus nobis, qua charitate nos complexus sit Chri-
 stus, cū pro nobis liberandis ex diaboli regno, pecca-
 to, morte et inferis, sanguinem suū profudit, et si qui-
 dem eius discipuli haberi uolumus, faciamus ut sentiat
 Ecclesia nostræ quoq; dilectionis aliqua officia, mo-
 ueant nos nō tantum præsentis temporis pericula, sed
 etiam posteritatis, cui certè debemus, quantū per nos
 potest, relinquere Ecclesiam nostra concordia conser-
 uatam, cogitemus nullum nos Christo gratius officiū,
 nullam Deo sacratiorem hostiam, ac acceptatiore cul-
 tum præstare posse. Suauissimum est Dauidis carmen
 de concordia Ecclesiæ, Ecce quàm bonum, & quàm
 iucundum, &c. in quo meminit Sacerdotis Aaron, ut
 significet se de concordia docentium loqui, & esse
 proprium Sacerdotium, & gratissimum Deo cul-
 tum,

Qui doctores
 pericula susti-
 nere possint.

Pal. XXXII.

IN ECCLESIA CONSER.

31

tum, concordibus animis docere purum uerbum Dei. Addit de Balsamo & rore, quia & Ecclesia hac concordia mirificè recreatur, & in uniuersum toti uite hominum nihil ea utilius, nihil salubrius. Sed desino hec longius persequi, uobis uero qui ad docendum accessuri estis, commendo & ipsum ministerium, ut in eo summam religionem uersimini, & ad illud afferatis acerrimum concordie studium. Oremus autem Deum, ut nobis donum Euangelij, quo nullum in terris malus habemus, pro sua misericordia conseruet. Dixi.

ORATIO D. DOCTORIS C. CRV.

cigeri de Dignitate studiorum Theologicorum,

& ministerio Ecclesiastico, habita anno

M. D. XXXVII. in promotione

M. Petri Paladij.



Imposuerunt mihi has partes hoc loco dicendi superiores nostri, quos cum summa pietate, & reuerentia colere debeamus, non fuit mihi integrum eorum auctoritatem detrectare. Peto igitur a uobis omnibus, ut me non ingenij fiducia, aut meo consilio, sumpsisse mihi hoc negotium, sed adductum officio, in hunc locum prodire existimetis, Quare equum est, uos etiam orationem meam boni consulere, quam institui ad commonefaciendos imperitos adolescentes, ut discant reuerenter sentire de stu-

Reuerenter de
sacris literis
sentiendum.

D ij dijs

Rom. I.

Iudicia mundi
de Euangelio.

dijs sacrarum literarum, & professione Theologica. Hec oratio, hoc quidem tempore, in tanta iudiciorum peruersitate, in tanta immanitate odij aduersus doctrinam Ecclesiasticam, imprimis necessaria est: Et si autem non satis authoritatis ad tantam causam affert mea persona, Tamen cum publico nomine habeatur oratio, & tantam sententiam recitaturus sim diuinę scripturę, & caussa tota ad Ecclesię dignitatem, atque utilitatem pertineat, admonitio nostra non erit aspernanda. Vt igitur ueniam ad caussam. Sicut Paulus inquit: Non pudet me Euangelij Christi, ita decet affectos esse omnes pios, ut & uerbum Dei toto pectore ament, & agnoscant esse summum omnium beneficiorum Dei, & ministerium ipsum, hoc est, publicum munus docendi, magna pietate reuereantur, honore afficiant, iuuenes iuxta uocationem defendant, & ornent. Hec debet esse omnium piorum precipua cura: Sed ad hanc Pauli uocem conseramus mundi iudicia. Maxima pars hominum palam contemnit, & odit Euangelium: deinde ministerium, hoc est, munus docendi iudicat esse facem seditionum, & dissipationis totius generis humani, & quidem Paulus ipse acerbitatem odij in hominibus aduersus doctores Euangelij illustribus uerbis descripsit, cum ait, Apostolos haberi pro catharmatis & peripsomatis, hoc est, pro piaculis execrandis, quibus Deus implacabiliter irascatur, à quibus tota rerum natura abhorret, quorum umbra uelut contagio noceat uniuerse societati hominum.

Iam sol stupefactus sceleris magnitudine
 Resistit, & currus pallens inhibet suos,
 Lumenq; terris, terra fruges denegat,
 Et in uetus natura Chaos confunditur.

Neq; enim fieri potest, quin horribilis acerbitas
 odij in istis existat, qui iudicant Euangelium esse aut
 blasphemiam, aut commenticiam fabulam, dissipan-
 tem imperia, leges, constitutas Respub. ordinationes,
 tranquillitatem generis humani. Cum his summis cri-
 minibus maxima pars mundi oneret Euangelium: ta-
 men Paulus ingenti animo aduersus hæc falsa iudicia
 clamat: Non pudet me Euangelij, suaq; uoce nos
 confirmat, ut statuamus certò, Euangelium uerum et
 efficax esse, & eternam Dei uoluntatem esse, ac mu-
 nus docendi Euangelij sanctissimum Dei cultum esse,
 quem præcipue requirit ab hominibus. Verùm tanta
 est infirmitas etiam in his, qui non sunt aperte aduersarij
 aut defensores impiorum cultuum, ut tantum mundi
 iudicijs moueamur, quò minus honorificè de iniuste-
 rio uerbi, id est, de publico docendi munere sentiant,
 huc accedit, quòd, cum doctores Euangelij sint spreti,
 iniuri, & uersentur in assiduis periculis, multi etiam
 fame pereant, deterrentur homines metu periculorum
 & crucis, à ministerio Euangelij, & quoniam hono-
 ris, & ampla præmia proposita sunt, alias que suas
 artes exercentibus, ideo paucissimi se ad hoc studium
 sacrarum literarum, aut ministerium conferunt. Mul-

Quid ab Euan-
 gelio deterreat.

D iij ti etiam

ti etiam putant hoc genus doctrinae sine doctoribus percipi posse. Iacet igitur contemptus iste ordo ministrorum. Quanquam autem hæc uulgo ita fiant, tamen pii adolescentes inculcare sibi hanc uocem Pauli debent: Non pudet me Euangelij, et intelligere quanta dignitas sit huius ministerij, seq; ad id præparare, ut possint Ecclesiæ, cum opus sit, seruire. Hic enim est summus Dei cultus, sicut Christus docet, cum ait, In hoc glorificatur pater meus, ut fructum multum feratis, & fiat mei discipuli. Hic clarè testatur ita glorificari patrem, si alios doceamus uerbum, quos ab ipso tanquam discipuli accepimus, & Propheta ait, quàm speciosi pedes Euangelizantium pacem. Significat enim & Deo, & Ecclesiæ hos nuncios placere, etiamsi mundus eos odit, et ueluti portenta execratur. Hoc ipsum docendi munus uocat Paulus sacrificium, sicut et alibi scriptura sæpe ita appellat. Quare sciamus hunc cultum præcipuè requiri à nobis, & sciamus Deo gratissimum munus esse. Hac consolatione, boni & pii, qui præsunt Ecclesijs, sustentent sese aduersus iniqua iudicia, & sciant se Deo præcipuum & sanctissimum cultum officio docendi præstare. Inuitent etiam hæc præconia plures, ut se ad hæc præconia præparent, ac sciant se quoq; discenda hæc doctrina, sacrificium Deo gratissimum offerre. Sed dicat aliquis, quid hæc Oratio de ministerio ad scholas, & ad hos gradus in scholis attinet? Ego uerò ideo de ministerio dixi, ut, quo consilio tradantur sacræ literæ,

Munus docendi sacrificium.

Ministerium & scholæ.

literæ, ad quem finem hi gradus constituti sint, consideretis. Nam hæc studia in scholis ad conseruationem ministerij Ecclesiastici propriè pertinent. Hoc consilio & olim Alexandria, et in plurimis Collegijs scholæ institutæ fuerunt, ut inde sumerentur doctores, & pastores Ecclesiarum. Christus enim dat Ecclesiæ pastores, Prophetas & doctores, uultq; ab his ecclesiam institui ac doceri, uultq; præparari illos, qui præficiendi sunt Ecclesijs, nec uult præfici eis prorsus indoctos, aut homines imperitos, qui sibi uidentur à uero didactos, & sine ullo usu spiritali ex sese fingunt opiniones. Fuerunt igitur initio in Ecclesijs scholæ, quæ utinam cōseruassent doctrinam puram ab Apostolis traditam. Sed hæc postquam ingenti & admirabili beneficio Dei renouata est, & Deus his postremis temporibus iterum dedit Prophetam, ut alij erudiantur, profecto rursus curare debent ecclesiæ, ut illud beneficium Dei, uidelicet doctrinam Euangelij puram, summo studio cōseruent, & ad posteros transmittant. Plurimum itaq; refert iterum, quos habeamus præceptores, quorum audiamus iudicia de rebus maximis, et de dogmatibus. Sicut sancti Patres sepe

Scholæ Alexandria.

Quos Patres allegant.

D iij uetustius

D. Gregorius.

uetustius testimonium extat, post Apostolorum scripta de Trinitate, quàm huius Gregorij. Tantum autem ei tribuit Basilius, ut dicat sibi adhuc personare aures uoce Gregorij, eiusq; testimonium opponit Sabellicus perturbantibus Ecclesiis Neocæsariensium, Hieronymus audiuit Epiphanium & Nazianzenum, omitto alios multos. Tantum autem hos commemoravi, ut cogitent auditores, singulare Dei beneficium esse audire doctrinam Euangelij, à talibus doctoribus, quorum sequi iudicia tutè possimus. Pertinet igitur Scholæ ad ministerium Euangelij in Ecclesijs, & ob eam causam doctrinæ testimonia bonis, & doctis uiris tribuuntur, ut constet quales doctores audierint, ut certa autoritate doctrina ad posteros propagetur. Hæc fuit in Ecclesia uetustissima consuetudo. postea sine testimonijs docentium, admissi sunt ad gubernandas Ecclesias homines ineruditi, & ut Nazianzenus ait, subito facti doctores, sicut in fabulis subito nati dicuntur Gygantes. Hinc orta est magna doctrinæ confusio. Postquam igitur Deus sua immensa misericordia nobis restituit Euangelij lucem, agamus Deo gratias, & id beneficium, summo studio in Ecclesijs & scholis conseruemus, & curemus, ut hi qui ad ministeria Ecclesiastica accessuri sunt, fideliter instituantur, nec recipiantur uel indocti, uel ἀντροδιδάκτοιοι. Videmus enim nostra ætate fanaticas opiniones Anabaptistarum, tantum ab indoctis, aut ἀντροδιδάκτοιοις ortas esse. Quantum igitur nos debemus Deo, qui nobis gubernato-

Theologi indocti Gygantes.

bernatorem, & doctorem, fide, & recto iudicio præstantem dedit, cuius doctrina aduersus illas fanaticas opiniones præmuniti fuimus, quorum autores sæpe tentarūt Ecclesias nostras, sed cum in Ecclesijs nostris præessent instituti in hac schola, et qui libenter agnoscunt se non esse ἀντοδιδάκτους, sed auditores, periti gubernatores prudenter instituerunt suas Ecclesias, cuiq; diuina ope adiuti, qui piæ doctrinæ fauet, in officio retinuerunt. Pertinent igitur scholæ ad ministerium Euangelij, & uel præcipua pars sunt illius sanctissimi muneris: necesse est enim prius diu & diligenter institui eos, quibus gubernatio Ecclesiarum committenda est. Deinde gradus est testimonium, ut constet à quibus doctoribus acceperint doctrinam. Hoc ut Apostolorum tempore, ita nunc quoq; plurimum habet momenti. Cum enim magnæ sint dissensiones de doctrina, cum magna certamina extiterint de religione, necessaria cura est uidere, quorum sequantur auctoritatem. Ioannes inquit, si quis uenit ad uos, & hanc doctrinam non adfert, non recipiatis eum. Ad eundem modum & alibi sæpe præcipit scriptura. Quare genus doctrinæ diligēter considerandum est, uidendum ex quibus fontibus haustum sit: Magnum igitur onus sustinent doctores in Scholis. Hoc scire oportet, à quibus authoribus acceperint doctrinam, et retinere puritatem, ac cauere, ne admisceantur nouæ & prauæ opiniones. Sicut in Ecclesia Antiochena, cum Paulus Samosatenus suum uenenum spargere cœpisset, intel-

Scholæ præcipua pars ministerii.

Onus doctorum in scholis.

D V ligens

**Malchion pro
dir Samosatani
delirium.**

**Principes scho-
las curare de-
beant.**

**Premia defen-
soribus propo-
sita.**

ligens Malchion, qui erat unus ex doctoribus, nouum ab eo dogma feri, & corrumpi ueterem puritatē, pri- mus clamauit, & uicinis Episcopis. Alexandrino & Hierosolymitano significauit quantū esset periculi. Ita Malchionis fide & diligentia confutatum et extir- patum est Samosatani delirium. Quare ministerium Euangelij, & in scholis, & in Ecclesijs pari cura reti- nendum, et defendendum est. Pij Principes non solum scholas constituere debent, sed etiam eligere genus do- ctrinae, ceu seminarium acceptum certa et firma auto- ritate, et curare, ne illud seminariū corrumpatur. Hæc in scholis cura necessaria est, ut posteritas sciat, cuius notæ doctrinā acceperit. Hanc in principibus et in ec- clesia diligentiam requirit Deus, ad hæc præcipit, ut omnes pro sua uocatione ornent, et adiuuent hoc mi- nisteriū. Ac præcipue uos, qui in studijs uersamini, co- gitate uos non tantum priuata uocatione uestrorum superiorum, sed publica uniuersæ Ecclesiæ uocatione collocatos esse in hanc stationē, ut præcipue doctrinā Euangelij discatis, et ut plurimi se ad ministeriū præ- parent. Qua in re uos grauissimæ comminationes, & promissiones diuinæ moueāt, Christus inquit; Qui re- cipit Prophetam in nomine Prophetæ, mercedē pro- phetæ accipiet, & si quis dederit alicui ex minimis istis potū aque, tantū in nomine discipuli, Amen dico uobis, non perdet mercedem suam. Quare hi, qui benè faciunt ministris Ecclesiarū, à Christo uicissim expe- ctant defensionē, et multa alia beneficia. Quanta im-
manitate

manitate odij Pontifices, et multi Reges ac Principes
 aduersus Euangelium exarserint, quoties iam bellum de-
 nunciarint nostris principibus, quos Deus uocauit, ut
 testium aliquod praebeant pijs doctoribus. nemini obscurum
 est. Inter haec pericula tantum his me promissionibus
 sustento, quibus testatur sibi curae esse, ne opprimantur,
 ne deleantur hi, qui student ornare ministerium Euan-
 gelij, qui pios doctores defendunt. Quam pulchre Chri-
 stus pinxit nobis Ecclesiae imaginem in Lazaro, qui
 egens et laceratus ulceribus, iacet in uestibulo diuitis,
 à quo negligitur et fame necatur? Sed tamen Deus
 testatur, cum sibi curae esse, cum Angelos ad ipsum
 mittit. Ita iacet Ecclesia in Regum et Principum im-
 perijs, et non solum negligitur, sed etiam conculca-
 tur, respicit tamen eam Deus, et mittit aliquos Ange-
 los ac Principes, à quibus defendatur, nec opprimi, aut
 deleri eam finit. Vidua Sareptana exceperat Heliam
 hospitio, cum annona esset arctissima, pro quo bene-
 ficio, Deus eam durissimo illo tempore benignè pauit.
 Ita sciant omnes, Deo gratum officium esse, iuxta uo-
 cationem, iuuare, et ornare ministerium Euangelij.
 Contra uero grauissimas poenas daturi sunt tyran-
 ni atque impij, qui uel contemnunt, uel etiam ode-
 runt, et opprimere ministros Euangelij conantur.
 Sicut in quarto Regum ait Dominus: Vlciscar sangui-
 nem seruorum meorum Prophetarum de manu Iesabel.
 Non erit impunitus contemptus ministrorum Euan-
 gelij, dabunt aliquando poenas suae crudelitatis, ty-

Lazarus ima-
 go Ecclesiae.

Vidua Sarepta-
 na propter He-
 liam pascitur.

Poenae contem-
 ptus.

tyranni

ranni, qui grassantur in pios. Hanc admonitionem adolescentibus hoc tempore necessariā esse duxi. Quia uidemus multos impiorum exemplis corrumpi, et de ministerio Euangelij, ac studio sacrarum literarum irreuerenter sentire. Hoc oportet scire, se Deo precipue hunc cultum debere, ut ament & reuerentur ministerium Euangelij. Deinde etiam pietatem esse præparare ingenium, ut aliquando Ecclesiæ possit esse usui. Quare officium suum discant adolescentes, & intelligere, & facere. Precor autem Dominum nostrum Iesum Christum, ut omnium mentes inflammet sancto Spiritu suo, ut Euangelium ipsius uerè intelligamus, et ei obtemperemus, ut gloria Dei nostris studijs semper illustretur atq; ornatur.

D I X I.

QVERELA LAZARI, PRONUNCIATA à quodam Scholastico
Vuitebergæ.



Scholæ ueluti
Curie &
Synodi.

Ergrata nobis hæc dicendi consuetudo esse debet, non tantum eo, quod Latine lingue exercitium conseruat, propter quod precipue instituta est, sed etiam quia nobis quidem adolescentibus, hic locus imago quædam est Curie, aut Synodi. Hic enim de Republica, de imperijs, de Ecclesia, multa monemus auditores: Sepe querelas nostras

stras exponimus, sæpe sententias dicimus, perinde ac si in Senatu, aut in confesso Synodi oratio haberetur. Ac magnam gratiam Academia debemus, quæ etiam si petulantiam, ac maledicentiam lege prohibuit, tamen honestam et piam dicendi libertatem nobis concedit, fortasse maiorem, quam haberet Synodus ulla Pontificum. Vt Poeta finxerunt Astream fugientem ex urbibus, paulisper adhuc in rure comoratum, et concionatam esse agricolis: ita pulsa ueritas ex Pontificum collegiis et conciliis, nobiscum adhuc Dei beneficio philosophatur. Ex his scholasticis coetibus eius oracula ad aliquas Ecclesias perferuntur. Sed cum hic sæpe alie causæ pertinentes ad communem salutem actæ sint, nunc nostram causam agam: Deplorabo nostras miseras, et omnes gubernatores Reipub. de suo officio admonebo, quod nobis, quod Ecclesiæ, in hoc negotio debent. Christus narrat fuisse diuitem quendam, fortassis etiam dignitate præstantem, qui non tantum sine metu egestatis, sine sollicitudine suauiter uixerit, sed etiam splendorem amauerit in omni apparatu, comitatu, edificijs, quo homines opulenti dignitatem augere putant. In hoc diuitias, tranquillitatem, ac uoluptates, ut fit, secutus est fastus, et neglectio rerum diuinarum, ac pauperum. Quare cum ante ædes eius quissiam pauper, cui Lazaro nomen fuit, iaceret, ægrotus, squalens ulceribus, destitutus omnium hominum ope, peteretque pauxillum cibi, diues sua fortuna cecidit, et oblitus cœlestis mandati, et communis nature,

Liberior Academia
demur quam
Pontificum
synodus.

Historia de
uisc & Lazaro.

tura, quæ nos ad certa officia obligat præstanda calamitosis, miserum illum negligit. Cumq; quotidie ad vestibulum iacentem, in magnis cruciatibus uideret, præterijt tamē ferreo animo, non ali, non sanari curat, fortassis etiam arbitratur, alienum esse gravitate uiri tantialloqui miserum, aut eius causa angi, interea stipem porrigunt aliqui de populo homines pii, et ulcera canes medicantur, lingua detergunt, ac mitigant. Sed post mortē Lazarus donatur cœlestibus donis: Diues ille superbus et crudelis abiicitur in cruciatus æternos. Hanc historiam recitat Christus, ut exemplum uniuerse ecclesiæ omnium temporū proponat. Lazarus erat Ieremias sua ætate, quem Principes ac Pontifices non modò superbe contemnebant, sed etiam acerbè oderāt. Lazari erant Apostoli, quos toto orbe terrarum omnes potentes, tanquam *καθάρματα* execrabantur. Quærendum igitur & hoc tempore qui referant Lazarum, qui imitentur diuitem. Si uerè hoc et simpliciter dicendū est: Nos inopes Scholastici, deinde omnes Sacerdotes, qui uulgò inuisi ac spreti, cum alijs ærumnis conficiuntur, tum uerò cum uxoribus & parulis liberis fame contabescunt, Lazari sunt. Horū cœtum animis atq; oculis proponite: Nos, inquā, inopes Scholasticos, & illos miseros Sacerdotes cum suis familijs. quis est tam ferreo pectore, qui sine lachrymis hunc cœtum aspicere, aut cogitare animo potest, cum quidem nulli in uita munus administrent præstantius, ac cœlestius? nulla militia Deo gratior, ac ecclesiæ magis necessaria

Lazarus sui
temporis Iere-
mias.

Historiæ
applicatio.

*necessaria est. E contra imitatores illius opulenti, qui
 sunt præcipuè Pontifices, Episcopi, Canonici, Mona-
 chi, & horum satellites Tyranni. Hoc argumēto tum
 animis intuemini, & cogitate ab Ecclesia ingentes ac
 regis opes Episcopis & collegijs eorum commenda-
 tas esse, quibus alēdi erant pastores pīj, ac scholastici,
 quæ ad piæ doctrinæ & earum artium, quæ ecclesiæ
 sunt ornamento, conseruationē conferendæ erant. His
 illi ignauī uentres, Sardanapali, parricide, suauissimè
 in ocio et tranquillitate fruuntur. Ac nō modò nos de-
 fraudāt illo munere, quod nobis ecclesia attribuit, sed
 etiam Tyrannico fastu nos contemnunt, & summa
 odij acerbitate aduersus nos inflammati sunt, trucidare
 ac delere nos conantur. An non superant etiam il-
 lum diuitem, qui tamen Lazaro lucis usuram non
 eripiebat, qui locum ad uestibulum concedat. Deinde
 diues suo patrimonio fruebatur: Episcopi, Canonici,
 & Monachi, aliena interuertunt, eaq; turpissimè per
 lucum et libidines dissipant, ac profundunt, nō secus
 & sponi penelopes Vlyssis facultates dilacerabant.
 Nægo nunc de singulorū moribus dicam. Sunt inter
 Canonicos aliqui modestis ingenijs præditi, sed genus
 uitæ reprehendo. Prodigiosum est in Ecclesia esse so-
 dalia regijs opibus donata ad hoc, ut ibi homines o-
 tiosi saginentur. Hæc sodalitia etiam si ueterem disci-
 plinam reuocarent, tamen Ecclesia tolerare nō debet:
 Nam enim de morib. præcipua est querela. Illud queri-
 tur Lazarus, totū illud uitæ genus contaminatum esse
 idola=*

Pontificatus
 prodigiosus.

Ingenia modesta
obscœnitas
semisugiant.

idolatria, ac propter hanc negligi pios scolasticos, ac pastores Ecclesiarum, debitasq; illis mercedes in istis sumptuosis sodalitijs deuorari, deleri studia doctrinae Christianae, ac aliarum literarum. Non compono satyram, non commemorabo eorum flagitia, quæ uer-
 33 recundè nominari non possunt: Nam modesta ingenia
 33 non tantum in moribus, sed etiam in sermone obscœ-
 33 nitatem fugere decet. Nihil dicam de coenis Tyberia-
 nis quorundam, qui nudas puellas saltare ad epulas iubent. Multa prodigiosa prætereo. Ac ne fieri quidem potest, quin ocium, opulentia, inscitia, contemptus religionis, pariant omnis generis uitia. Maxima pars tantum gulae & obscœnis uoluptatibus dedita est: alij magis strenui, et occupati negotijs politicis, aut œconomicis, alunt equos, certant sumptu & splendore cum satrapis: quidam etiam non abhorrent à literis, non ut ecclesiæ seruiant, sed ut aditum habeant ad dignitatem in aulis inter procures: nonnulli eruditionem conferunt ad perniciem Ecclesiæ. Certè isti generi hominum ac ordini, non est curæ ministerium Euangelij, nec pastores quærunť idoneos, nec discipulos adiuuant, nec ad hunc usum decidi & abradi aliquid de suis facultatibus patiuntur: deniq; conspirarunt ad delendam doctrinam Christianam, accendunt regum crudelitatem, ac postea se nominant Ecclesiæ gubernatores: imò constat omnes sic adfectos esse, potius ut malint nomen Christianum funditus deleri, quàm aliquid de tyrannide remittere. Et literas omnes oderunt

runt hanc unam ob causam, quòd suspicàtur literatis tyrannidem displicere. Quàm multæ sunt autem in Prophetis conciones acerrimæ, quæ propriè tale uitæ genus uituperant. Meministis Esaiam, qui inquit: Væ vobis qui mane ad conuiuia surgitis, nec opus diuinũ respicitis. Et Ezechiel: Ecce hæc fuit iniquitas Sodome sororis tuæ, superbia, saturitas panis, ocium, et manu egenti nõ porrigebant. Nullum autem hodie genus hominum durior fortuna conflictatur, quàm pastores ecclesiarũ et scholastici amantes doctrinæ Christianæ. Similis cõcio est apud Zachariam: Ecce pastor erit, qui deferet gregem, et carnes pinguium comedet. O pastor et Idolum. Sed has Propheticas et coelestes comminationes securissimè derident illi Sybaritæ. Verum est enim quod Cato dicebat: Venter caret aurib. Nec tamen interea prorsus extingui coelestem doctrinam Christus patitur, sed habet ipse quoq; suum cœtum pauperum, qui Euangelium et discunt, et propagare studet. Aduersus hos etiamsi omne genus crudelitatis exercent diuites illi, qui tenent ecclesiæ opes, tamen eis non deest hospitium, et uel canes, id est, de populo aliqui, eos complectuntur, adiuuant, lenire æumnas cupiunt. Habent et custodes Angelos, qui uiuentibus et morientibus adsunt. Hæc affirmant oracula cœlestia, et cõprobant ipsi euentus: Seruat enim Deus suam ecclesiam, frementibus illis hypocritis, qui sanguinẽ piorum exorbere cupiunt. Sed non tantum instituti querelã, præsertim cũ hæc uulnera Ecclesiæ nemo

Misera conditio
pastorum
Ecclesiarum.

Canes Ecclesiæ

Angeli.

B non

non deploret : Remedia querenda sunt , quæ utinam
salubria & ἀνιάδυνα monstrare possem. Sed uerè in-

Demosthenes. quit Demosthenes: Reprehendere quilibet potest, da-
re consilium pauci possunt. Cùm autē hæc scholastica
consuetudo , ut initio dixi , concedat nobis, ut de Ec-
clesia, tanquam in Synodo, sententias dicamus, mon-
strabo, ut uocat Demosthenes, τὴν ἐν σοὶ ἡμῶν δυνάμιν
ὑποφύει. Nec, si in Synodo in suffragium eundum erit,
1. aliam sententiam dicam. Bona ingenia adhortor, ut
deserant illa impia sodalitia polluta idolatria, sicut
precipit Deus: Fugite idolatriam. Deinde hoc addo,

2. Reges et Principes debere hæc officia Deo, ut impios
cultus tollant, ad pios usus, ad alendos pastores ac scho-
lasticos, transferant facultates ecclesiarum. Hanc sen-
tentiam non ipse nunc fingo, diuinitus tradita est in
sacris literis, et multa habet luculenta Principum &

Lex Theodosii
de bonis Ec-
clesiasticis.

Synodorum testimonia, quæ uetant res donatas Eccle-
siae, ab ociosis & ignauis deuorari, qui non sunt usui
ecclesiae. Extat lex Theodosij in Codice, quæ disertè
prohibet, ne fruatur redditibus hi, qui cùm titulos fun-
ctionum Ecclesiasticarum habeant, officiū nō faciunt.

Donatistæ.

Tulerat legem Theodosius, ut facultates Ecclesiasticæ
quas Donatistæ tenebant, transferrētur ad piæ Eccle-
sias. Nouum exemplū odiose calumniabantur. Dona-
tistæ uociferabantur alienum esse à pietate, facultates
aliorū appetere, propter certamina de doctrina nemi-
ni facultates eripiēdas esse. Sed Augustinus Theodosij
decretū rectè defendit, affirmat illas possessiones dona-
tas fuisse

Augustinus
Theodosii de-

tas fuisse Ecclesijs pijs, et ad piæ doctrinæ cōseruationem. Has cum impij ac hostes ueræ doctrinæ tenerent, fuit Imperatoris officium, donūis restituere, hoc est, ueræ ecclesiæ. Nec magis licet Idolatricis collegijs huius etatis, res donatas ad ministerij Euangelici cōseruationem tenere, quàm regi Babylonico licuit in conuiuium proferre sacra uasa templi Hyerosolymorum. Quid horum in quæstionem uocari potest? Si Episcopi tumentur impios cultus, si ueram doctrinam opprimunt, ut palàm faciunt, falso titulum usurpant ecclesiæ. Ac regum officium est, facultates Ecclesiasticas transferre ad cœlestis doctrinæ præcones, ad eos qui gloriam Dei uerè ornare student. Utinam Principes intelligerent hanc rem ad officium suum pertinere, quorum præcipuum est munus, religionem ornare, defendere Ecclesiam. Hæc sunt uerè heroica, propter quæ Deus impertit societatem nominis sui bonis principibus, ut ait, ego dixi Dijs estis: hoc est, res diuinis custodientes, Euangelium, pios cultus defendentes, gloriam Dei aduersus Diabolū, qui spargit impias opiniones, qui incendit tyrannos ad exercendam seuitiam. Non tantum corporibus nostris seruit magistratus, sed multò magis gloriæ Dei. Quod si essent alicubi, qui palàm Epicureas opiniones profiterentur, an nō Magistratum oportuit summa seueritate in tales animaduertere? Non est contemnendum preceptum, quòd inquit: Blasphemus morte morietur. Et rursus: Non usurpabis nomen Dei uanè.

cretum confirmat.

Principum munus.

E ij Harum

non deploret : Remedia querenda sunt , quæ utinam
salubria & ἀνὰ δὲ ὅλα monstrare possem. Sed uerè in-

Demosthenes. ²²quit Demosthenes: Reprehendere quilibet potest, da-
re consilium pauci possunt. Cùm autē hæc scholastica
consuetudo , ut initio dixi , concedat nobis , ut de Ec-
clesia, tanquam in Synodo, sententias dicamus, mon-
strabo, ut uocat Demosthenes, τὴν ἐν σοὶ καὶ διὰ καὶ
ὑμῶν: Nec, si in Synodo in suffragium eundum erit,
1. aliam sententiam dicam. Bona ingenia adhortor, ut
deserant illa impia sodalitia polluta idolatria, sicut
precipit Deus: Fugite idolatriam. Deinde hoc addo,

2. **Reges et Principes debere hæc officia Deo, ut impios
cultus tollant, ad pios usus, ad alendos pastores ac sco-
lasticos, transferant facultates ecclesiarum. Hanc sen-
tentiam non ipse nunc fingo, diuinitus tradita est in
sacris literis, et multa habet luculenta Principum &
Synodorum testimonia, quæ uetant res donatas Eccle-**

**Lex Theodosii
de bonis Ec-
clesiasticis.**

siæ, ab ociosis & ignauis deuorari, qui non sunt usui
ecclesiæ. Extat lex Theodosij in Codice, quæ disertè
prohibet, ne fruatur redditibus hi, qui cùm titulos fun-
ctionum Ecclesiasticarum habeant, officiū nō faciunt.

Donatistæ.

Tulerat legem Theodosius, ut facultates Ecclesiasticæ
quas Donatistæ tenebant, transferrētur ad pias Eccle-
siæ. Nouum exemplū odiose calumniabantur. Dona-
tistæ uociferabantur alienum esse à pietate, facultates
aliorū appetere, propter certamina de doctrina nemi-
ni facultates eripiēdas esse. Sed Augustinus Theodosij
decretū rectè defendit, affirmat illas possessiones dona-
tas fuisse

**Augustinus
Theodosii de-**

tas fuisse Ecclesijs pijs, et ad piæ doctrinæ cōseruationem. Has cum impij ac hostes ueræ doctrinæ tenerent, fuit Imperatoris officium, domūis restituere, hoc est, ueræ ecclesiæ. Nec magis licet Idolatricis collegijs huius ætatis, res donatas ad ministerij Euangelici cōseruationem tenere, quàm regi Babylonico licuit in conuiuium proferre sacra uasa templi Hyerosolymorum. Quid horum in quæstionem uocari potest? Si Episcopi tuentur impios cultus, si ueram doctrinam opprimunt, ut palàm faciunt, falso titulum usurpant ecclesiæ. Ac regum officium est, facultates Ecclesiasticas transferre ad cœlestis doctrinæ præcones, ad eos qui gloriam Dei uerè ornare student. Vtinam Principes intelligerent hanc rem ad officium suum pertinere, quorum præcipuum est munus, religionem ornare, defendere Ecclesiam. Hæc sunt uerè heroica, propter quæ Deus impertit societatem nominis sui bonis principibus, ut ait, ego dixi. *Dij estis*: hoc est, res diuinas custodientes, Euangelium, pios cultus defendentes, gloriam Dei aduersus Diabolū, qui spargit impias opiniones, qui incendit tyrannos ad exercendam scuitiam. Non tantum corporibus nostris seruit magistratus, sed multò magis gloriæ Dei. Quod si essent alicubi, qui palàm Epicuræas opiniones profiterentur, an nō Magistratum oportuit summa seueritate in tales animaduertere? Non est contemnendum præceptum, quòd inquit: *Blasphemus morte morietur*. Et rursus: *Non usurpabis nomen Dei uanè*.

cretum confirmat.

Principum munus.

E ij Harum

Minæ Pro-
phetarum.

Sibaritarum
luxus.

Iunonis
spectrum.

Urbis inte-
ritus.

Harum legum custos cum sit Magistratus, haud dubiè
abolere impios cultus debet, restituere pios, & mini-
stris Euangelij stipendia dare, quæ ipsis in Ecclesia
cōstituta sunt, nec putent se leuiter peccare principes,
si id officium negligant: Nam apud Esaiam uocantur
nutritores ecclesiæ. Et Aggeus ac Malachias seuerè ob-
iurgant populum non soluentē pensiones debitas tem-
plo ac sacerdotibus: et minantur sterilitatem ac famē,
nisi liberalius soluant. Cum igitur iniuste teneant hæc
stipendia Episcopi, Canonici et Monachi, cum pasto-
res pios, et horum coniuges et liberos fame perire si-
nant, cum defraudet scholasticos, cum studia deleant,
Deus postulat, ut Principes ueræ ecclesiæ et studiorū
curam suscipiant, et illas pestes ecclesiæ remoueant ab
administratione. Prospicere debent Principes, et ut in
præsentia alantur boni pastores, et ut posteritas ha-
beat eruditos uiros, idoneos ad ecclesias regendas. Hi-
storiæ ueteres commemorant, mirificum fuisse luxum
Sibaritarū, qui quidem ita creuerat, ut præmia etiam
turpitudini, & inuentoribus nouarum uoluptatum
constituta essent. Sed tantam discipline corruptionē
Deus non diu tolerauit: Itaq; exitium ciuitatis uaria
Prodigia denunciarunt, in his spectrum fuit: Iuno ue-
niens in forum clara luce, et uomens magnam copiam
bilis et sanguinis, quo prodigio significatum est fore,
ut breui ciuitas euomeret suas delitias, & sanguinem
bonorum, quos tyranni iniuste trucidauerant. Paulo
post Sibaris deleta est. Ita euoment tandem episcopi,
qui

qui nunc Sibaritarum more uiuunt, rapinas et sanguinem piorum sacerdotum. Monachus quidam in conuisione publica, audiente Imperatore Carolo dixit, Deum non futurum propitium, nisi totum cubitum lauet in sanguine Lutherano. Perhorresco referēs hanc uocem auditu crudelē. Quæ enim fuit unquam adeo fœra barbaries, in qua tanta immanitas, tanta sitis extitit ciuilibus sanguinis, quanta est in istis hypocritis? nulla de causa, nisi quod non applaudimus omnibus eorum opinionibus, quarum multas ipsi fatentur esse impias, et erroris plenas, et defendunt eas tamen quadam pertinacia, quod existimant labefactari auctoritatem, si quid mutent: Talia qui dicunt, utrum ecclesie gubernatores, an furie et Erynnes rectius dici debent? Sed Deo dabunt pœnas, qui solet insignibus exemplis manifestum religionis contemptum punire. Interea uos cõmilitiones adhortor, ut Lazari exemplo, fortissimo præsentes ærumnas feratis, aderit nobis Deus, nosq; alet, ut scriptum est: Iacta curā tuam in Deum, et ipse te enutriet. Nec deterreri uos à rectis studiis, à pia sententia sinite, uel aliarum ærumnarū metu. Quidam languidioribus animis præditi, deficiunt à Christo, et adiungunt se hostibus Euangelij, nec uident quàm miserum, quàm turpe sit, assentari Tyrannis. Hesiodi uersiculus extat, qui præceptum grauißimum continet, quod sæpe inculcant et Prophetæ:

Crudelis uox
Monachi.

μη δὲ κακῶρ ἑταρορμῆς ἐσθλῶν βανεσῆρα.

E iij

No fias

Non conuiueh
dum ad conui
cia aduersus
Doctrinam.

Ne fiat socius improborum, nec conuiciator bone
storū. Hic uersiculus admoneat uos, ne ad societatem
eorum uos adiungatis, qui cum ueritate belligerātur,
ac ne adplaudatis conuicijs, quæ dicuntur aduersus
piam doctrinam. Hæc petulantia habet tristes exitus.
Deum autem rogemus, ut honesta & pia studia gua
bernet ac tueatur.

HISTORIA DE DIVITE ET DE egeno Lazaro, Luca 16. reddita uersibus à quodam studioso Alb.



RBS antiqua fuit fama celeberrima
quondam,
A Solymis clarum nomen adeptu
uiris:

Imperijs storens & sancto gentis honore,
Vix capere ut laudes quiuerit ipsa suas.
Hic quidam ueteri Regum de semine natus,
Nam generis summum creditur esse decus,
Multiplici gaudens cultu rerumq; potente
Ornatu, ingentes diues habebat opes.
Nullius ampla boni deerat cui copia: cuiq;
Possedit culti iugera multa soli.
Et quæcunq; animo ferrent noua gaudia molli,
Delicias studium querere semper erat.
Quicquid & in tota pulchrum aut spectabile ten
India quæ mittit: Parthia quæ uic tulit:

Ille sua congesta domo gazaq; tenebat,
 Et cura hæc illi maxima mentis erat.
 Huicq; uoluptatum naues luxusq; ministræ,
 Verrebant plenæ æquora lata Notis:
 Vesturæ ad Domini lautas noua munera mensas,
 Munera uix ulli cognita facta prius.
 Hic quoq; cum faceret læta conuiuia mente,
 Hospite cognatos exciperetq; domo.
 Ipse suos sæpe est miratus pectore luxus,
 Alta gerens tacita gaudia mente sua.
 Namq; ibi regalis ex omni parte paratus
 Expositi tota conuiuere domo.
 Atria splendebant auratis ampla columnis,
 Cœlesti qualis fulget ab arce nitor.
 Strataq; erant aule Pario de marmore facta,
 Et nitidum primo limine stabat ebur.
 Ipse etiam dominus pulchro spectabilis ostro,
 Regali ornatu conspiciendus erat.
 Et tinctas Tyrio gestabat murice uestes,
 Regia quæ prisco tempore pompa fuit.
 Ergo ita dum uiuit nulli splendore secundus,
 Indulgens Baccho delitijsq; suis:
 Illius ante domum foribus bipatentibus altam,
 Quæ tenet ad dominum maxima porta uiam:
 Lazarus infirmo uix languida corpore membra
 Sustentans, panem supplice uoce petit.
 Et simul ad dominum liuentia brachia tendens,
 Ossæ graui scabie debilitata trahit.

Vtq; est inualidus, limen procumbit in ipsum,

Nec stando corpus sustinuere pedes.

Cum ueluti magno torrentur uicta calore,

Atq; ipsis ingens ossibus ignis inest,

Altaq; per totum serpunt contagia corpus,

Et uires præbent materiamq; malo;

Interea inflantur calido tumefacta cruore,

Et tanquam nodi singula membra rigent.

Non aliter primis foribus miserabilis hæret

Lazarus, exiguae dum stipis orat opem.

Nil ualere preces eadem iam sæpe petentis,

Inmites aures obstruit ille magis.

Que possunt lachrymæ truncos et saxa mouere,

Ponderis hoc penitus nil habuere loco.

Sic igitur tristi uita est cum morte soluta,

Perditus ante fores dum iacet ille fame.

An subeat facinus cuiusquam pectora tantum,

Non ferat ut miseris, quam sibi ferret opem?

Ergo canes etiam nostræ rationis egentes,

Officio uincant pectora nostra suo?

Qui iam non duri, non aspera corda gerentes,

Lingebant artus Lazare sanctæ tuos.

Et fluit inde salus, ubi copia nulla iuuandi est,

Atq; ibi cessat, ubi est copia diues opum.

Sed tamen illa suo tandem quoq; sine probantur,

Amborumq; sequens exitus acta probat.

Lazarus æthereas moriens successit in arces,

Inq; Abrahæ sentit gaudia multa sinu.

Lazarus.

Canes.

**Vtriusque
exitus.**

Nam

Nam chorus angelicus uinclis & mole solutam

Corporea mentem uexit ad astra piam.

Regna sed ille Erebi subiit manesq; profundos,

Tormina sub tristi demone seua ferens.

Sed nos hac monitos uoluit sub imagine Christus,

**Historia
scopus.**

Erudiens isto pectora nostra modo.

Sensibus ut teneant imis mortalia corda,

Atq; alta secum mente reposta gerant,

Qualis in hoc mundo sit fors & uita piorum,

Ingentiq; animo tristia cuncta ferant:

Quantaq; crudeli lateant in corde uenena

Horum, qui sancti nil pietatis habent.

Iussit & euentus amborum discere, namq;

Quisq; suae mortis fine probandus erit.

Iam sic ante fores deserta Ecclesia Regum

Luce carens omni, Pontificumq; iacet,

Hic sibi querit opem, quam non tamen inuenit, inde

Innumeris premitur, sed magis ipsa malis.

Pontifices ipsi sanctorum cede triumphos

Pontifices.

Iniusta titulos seuitiaq; parant,

Incenduntq; odijs Reges, acuuntq; furorem,

Vt contra moueant impia bella pios.

Doctores etiam nullo curante fideles,

Enecat inuisos undiq; dira fames,

Ingenueq; artes, morum uiteq; magistrae

Contemptae, iusto prorsus honore carent.

Inde parum docti spargunt mala dogmata multi,

Qua non pernicies grandior esse potest.

E V

Talia

Talia dum patitur lacerata Ecclesia damna,
 Auxilium Regum sedula uoce rogat.
 Pontifices etiam precibus uotisq; fatigat,
 Ne iaceat tantis obruta tota malis.
 Verum hi duritia silices adamantaq; uincunt,
 Et duro innatum pectore robur habent.
 Nonq; pijs animum inducunt succurrere fessis
 Quos semper solos aspera damna premunt,
 Quin etiam ferro maestant crudeliter omnes
 Qui uera quicquam religionis habent.
 Nec tamen ipse suos ex omni parte relinquit,
 Atq; aliquos saltem seruat alitq; Deus.
 Nam uelut angelici curant te Lazare coetus,
 In mediaq; tibi morte pericula leuant.
 Custodes etiam tales Ecclesia missos
 Imperio Christi, sentit adesse sibi.
 Agmina sic seruant Eliseum ardentia Vatem,
 Hostica cum solus castra ducesq; capit.
 Cum Rex Heroas raperet Chaldaeus in ignem,
 Quod statuæ nollent impia thura dare:
 Angelus inq; rogo flammisq; uoracibus ipsos
 Defendit, caelo iussus adesse uiris.
 Angelus & dura soluit te compede Petrum,
 Omnia coelesti sunt tibi tuta duce.
 Atq; ut lingua canum lambendo urentia lenit
 Vlcers, & exigua mitigat arte malum.
 Sic aliqui Reges, quibus est Ecclesia cura,
 Quæ possunt illam parte inuicere student,

Et l

Custodes
 Angeli

Et laceros agri medicantur corporis artus,
Et pascunt magna cum bonitate pios.
Ergo cum Christo regnum immortale tenebunt,
Hic requies fessis grata laboris erit.
Nam quia te coram rerum Pater optime cernunt,
Perfusi capient gaudia luce tua.
Et sunt ad flatu diuino pectora iustis,
Enthea letitiae plena futura nouae.
Qualem nulla potest mortalis dicere lingua,
Hæc homines utinam cernere dona queant.
Non illis unquam ueniet metuenda senectus,
Deniq; nil atrox mors ibi iuris habet.
Non metuent sæuis mixtos Aquilonibus habres,
Spontè dabit fruges terra inarata suas.
Vndiq; perpetuò florebut omnia uere,
Nec faciet solitas frigida bruma uices.
Aurea sic illis multoq; beatior ætas,
Et ueniet nullos uita habitura metus.
Sed qui sacra Dei uiolarunt iura Tyranni,
Horribiles pœnas tunc sine fine luens.
Tunc scelerum ultrices curæ æterniq; pauores
Urgebunt furijs conscia corda mali.
Inq; Aetnæ fauces alios immitet Erynnis,
Qua uolat indomito plurimus igne globus:
Demergetq; alios stygij sub fluminis undas,
Feruida quas atra de pice spuma tegit:
In uultu ostendent crimen pallorq; fugaq;
Credite, non leuis est uindictis ira Dei.

DE

DE EXEMPLO EMENDATI LATRONIS propugnantis gloriam Christi
in cruce, Declamatio recitata à
Ioachimo Moller Ham-
burgensi.

Supplicium
Christi sit sem-
per in conspe-
ctu nostro.



ULTIS de causis semper in con-
spectu nobis crux Christi esse debet.
Quamquam enim hic pulcherrimus
orbis, dierum ac noctium gratissimæ
uices, anni circuitus, Solis & cæ-
terorum syderum mirandi cursus, terræ fecunditas,
deniq; tota rerum natura nobis ad agnoscendam Dei
uoluntatem, ac præsentiam proposita est, tamen mul-
tò est illustrius testimonium ingentis et ueræ erga nos
beneuolentiæ Dei, supplicium filij, quod illum perferre
nostra causa uoluit. Itaq; ab hoc pignore diuini amo-
ris nunquam oculi deiiciendi erant. Hic discendum
quàm horribilis sit ira Dei, aduersus hominum scele-
ra, cum nulla eam uictima nisi Filij mors placare po-
tuerit. Hic et magnitudo consideranda est misericor-
diæ, quòd Filium pro nobis piaculum fieri uoluit, ac
propter hanc tantam hostiam certam salutem pro-
misit. Hæc capita sunt coelestis sapientiæ, quæ ibi no-
bis proponuntur: deinde accedunt alia multa. Cumq;
omnes Christi gestus aliquid significant, præcipue il-
læ epithasis certaminū ipsius, ecclesiam de multis ma-
ximis rebus admonet. Non temerè pendet inter duos
latrones

latrones, quorum alter est maledicus, alter ex latrone
 fit propugnator Christi. Multa docet nos cum ipsum
 spectaculū, tam maxime duorum altercatio, et Chri-
 sti uelut agonotheae concio interposita, quae ut ipsi
 latroni salutaris fuit, ita non ad ipsum tantum perti-
 nere iudicanda est. Euangelij uox est cōmunis omnib.
 pijs omnium aetatum, quae quidem dulcissimā conso-
 lationem proponit. Itaq; hanc imaginē animo intueēs,
 et illam grauissimam disputationē cogitans, uideor
 mihi uidere Ecclesiam omnium aetatum, audio omni-
 um Prophetarum, et Apostolorum conciones, quarum
 summa in illo breui colloquio comprehensa est. Et si
 autem non dubito plerisq; uestrū has ipsas res melius
 esse notas ac meditatas, quā mibi, tamē cum hoc loco
 dicere iussus essem, et me pericula horum temporum,
 his diebus de hac imagine admonuissent, libenter hoc
 argumentū elegi. ut exemplo latronis, qui seminiuus,
 ac laceratus, tamen gloriam Filij Dei tuetur, et meum
 animum confirmarem, ut adolescentes ad idem decus
 excitarem. Nec id argumentum alienū est ab hoc loco,
 aut his temporibus. Diu iam Pontifices exercent im-
 manem seuitatem in membra Christi, ac nunc, ut uni-
 uersam Ecclesiam deleant, inflammare ciuile bellum
 conantur, Christum omnibus probris onerant, multo
 rabiosius, quā latro maledicus. Applaudunt Ponti-
 ficum furori, Reges, et precipui uiri omniū ordinū,
 quadam inani utilitatis umbra capti. Assentantur his
 docti, ut Silenus Cyclopi in antro, ut est in fabulis
 Euripidis

Altercatio duo-
 rum latronum
 docet nos.

Pontifex latro
 sinister.

Doctores Euan-
gelii latro de-
noter,

Historie
scelus,

Euripidis. Et ut horum seruiant cupiditatibus, sty-
lum aduersus Christum acuunt. Aliqui saniores do-
lent uicem Ecclesie oppressæ horribili Tyrannide,
sed minis potentum perterrefacti iacent, ut Apostoli
dilapsi erant, cum Christus efficeretur supplicio. Tali
tempore, et si nos quidem priuati, oppressi Tyranni-
de, parum prodesse Ecclesie possumus, tamen imite-
mur exemplū semiuiui latronis, qui conuicijs respon-
det, et gloriam Christi sua uoce quantum potest, cum
iam animam inter dentes teneret, defendit. Cum igi-
tur hæc oratio maxime conueniat huic tempori, que-
so ut non solum æquo animo historiam latronum au-
diatis, sed etiam excerpatis exempla uobis utilia, et
animos excitetis ad imitandam uirtutem pij latronis,
qui et fide hunc medium Iesum supplicij socium, ag-
noscit esse autorem uitæ perpetuæ, et fortiter eum
aduersus latronem conuiciatorem propugnat: Repe-
tam igitur totius spectaculi significationem paulò al-
tius. Duo latrones pariter affecti supplicio cum Chri-
sto, significāt uniuersum genus humanum destinatum
esse morti propter peccatum. Hinc igitur non duos
tantū latrunculos pendere cogitabitis, sed omnes ho-
mines omniū ætatū. Cogitabitis et illud, omnes esse la-
trones: Multa enim sunt, et atrocia singulorū scelera,
multi adiuuerunt mala consilia aduersus pios susce-
pta: Deniq; omnes aliquo modo manus attulimus filio
Dei. Porro cum in media morte uersaremur, filius Dei
nobis donatus est, ut uictima fieret pro nobis, ac pla-
cata

cata patris ira, aboleret peccatū et mortem, et redderet uitā eternam. Id beneficiū offert et impertit omnibus, quos erratorum poenitet, quiq; ueniā ab ipso petunt, et freti ipsius promissis, liberationem expectant. Hic iam distrahuntur hominū iudicia ac uoluntates. Maxima pars aspernatur hoc beneficium, praesertim cum uideant Christum perinde ut ceteros calamitatibus cōmunibus constrictari, rapi etiam ad supplicium, interfici. An Epicuræi ab hoc cadauere pendēte in cruce peterent aut expectarent nouam et perpetuam uitam? qui in tanta confusione uitæ, casu omnia fieri arbitrātur, nec statuere possunt, Deo humana curæ esse. Ridet igitur tanquam poëmata aut aniles nenas omnia testimonia, quæ Deus ex de sua uoluntate, et de immortalitate omnibus etatibus ordine tradidit, et tandem misso filio, et post mortem reuocato in uitā, confirmauit. Hic ille sarcasmus est maledicti latronis: Age liberator egregie, tibi et nobis salutē reddito. Sic impij etsi sunt in media morte, tamen nō sentiunt malorum magnitudinem, non quærunt causam ærumnarum, non metuunt Dei iudiciū, ludunt etiam deridendis religionibus, et cum offecturæ sunt ipsorum commodis, delere Euangelium conātur, et expromunt impietatem ac seuitiam aduersus Christum et eius membra. Vt tunc latro uirulentis ironijs exagitabat filium Dei, ita uidetis impios ludere omnibus etatibus. Ac ne putetis nouum fuisse exemplum. Alius est Hostis Christi multo infestior, scilicet Diabolus. Is

Latronis stas
siri imago.

Impiorum
stupor.

Diaboli insag

primum

primum odio Dei auulsit ab eo primos parentes. Is similibus ironijs in paradyso miseram mulierem fefellit, cum promitteret fore similem Deo: Eritis, inquit, sicut Dij, idem calumniator habet fascinatas impiorum mentes omni tempore falsis de Deo persuasionibus.

Diabolus potest.

His abutitur tanquam organis, ad explendam infinitam odij sui acerbiter aduersus Filium Dei. Latro igitur, ut ceteri impij, actor est harum ironiarum, sed ille superbissimus spiritus hostis Dei, est earum Poeta.

Nero in cruce.

Quam misera est autem seruitus, organum esse tanti furoris ac tanti odij aduersus Deum? Talis est uita Neronis & impiorum omnium, qui cum in cruce pendeant, hoc est, sint in media morte, nā uoluptates eorum non sunt diuturnae, tamen liberatorem aspernantur. Et confirmat errorem Diabolus, qui postquam mentibus eorum offudit densiores nebulas, postea pro libidine sua illis abutitur, accendit in eis odium Dei, & seuitiam aduersus membra Christi. Non igitur liberantur à morte, sed ruunt in æternos cruciatus, cum quidem iam bis latrones sint, habent cōmunia scelera toti generi humano. His addunt contemptū beneficij Christi, et crudelitatem, quam in Christum et eius membra exercent. Huius impij agminis uniuersi inuicem est maledicus Latro. Nunc de altero dicā, qui emendatus significat Ecclesiam, quæ est altera pars generis humani, quæ & ipsa latrocinio contaminata est, ac destinata morti, agnoscit se habere peccata, & calamitatibus ingentibus ac morti obnoxia est, ut ceteri homines.

Latronis dextri inuicem.

mines. Sed redditur ei post mortem noua & perpetua
 lux, sapientia, iustitia, & leticia. Hæc quomo-
 do flant, ex hoc colloquio discamus, quod, ut antea
 dixi, omnium Prophetarum & Apostolicarum con-
 sennonum summam complectitur. Agnoscit sua peccata
 hic latro, & ingenti motu animi confugere audet ad
 liberatorem. Audierat de hoc socio supplicij Iesu, quid
 docuisset: audierat eum testimonia doctrinæ suæ non
 indigaria exhibuisse, & senserat eum iniuste, scelere
 Pontificum raptum esse ad supplicium. Audierat &
 quædam eius uoces in cruce, quas animaduuerat nõ
 proficisci à uulgari homine. Videt naturam rerũ, ter-
 re motum, subitas tenebras solis, de eo testimonia ede-
 re. Quare statuit hunc uerè esse liberatorem, & Chri-
 stum. Hac fide excitatus, inquit: Memento mei Domi-
 ne, cum ueneris in regnum tuum. Considerate autem,
 quam miranda lux in hoc latrone fulserit. Non deter-
 rit sceditate supplicij, et morte Christi, quò minus
 docet eum esse promissum liberatorem. Deinde lon-
 ge aliter de Messia sentit, quàm uel Pharisei, uel Apo-
 stoli, utriq; expectabant imperia et opes. Hic latro
 Prophetas interpretatur, docet Messiam libera-
 re nos esse à ueris et æternis malis, à peccato, à per-
 pennis cruciatibus, ac regnaturum non in hac calami-
 tosa, sed post hanc uitam, ubi fruemur Dei con-
 stantia, liberati ab omnibus erroribus & miserijs.
 Hic hanc esse summam, et sententiam omniũ pro-
 pheticarum, quæ Patribus & Prophetis tradite sunt.

Latro inter-
 pres Prophe-
 tarum.

E

Lucet

**Fide impetrat
Paradyſum.**

Lucet ergo in latrone uera fides : & fidei propriam eſt petere ueniam propter ipſum libera: orem filium Dei, nec deterreri noſtris delictis, quò minus ad eum confugiamus, ac beneficium eius expectemus. Latro agnoſcit ſua ſcelera, non adfert ad Chr. ſtum benefacta aut merita, ſed ſentit hunc eſſe hoſtiam pro omnium delictis: uidet uoluntate Dei, huic tantam poenam irrogatam eſſe innocenti, ut fiat hoſtia pro toto genere humano. Talis fides certò impetrat promiſſa à Deo. Quare Chriſtus clara uoce eum abſoluit à culpa, ac promittit ei nouam et perpetuam uitam, confirmans iam interpretationem promiſſionum Prophetarum: Hodie, inquit, eris mecum in Paradyſo. Corpora relinquebant, et tamen unà futuri erant in coetu piorum Angelorum ac Prophetarum, qui Dei conſuetudine fruuntur.

**Dux Euangelij
conciones.**

Audiſtis duas perſpicuas Euangelij conciones, de beneficijs Chriſti, de recòciliatione, de uita perpetua. Latro petit ueniam, fretus non benefactis ſuis, ſed Domini clementia & ſacrificio. Chriſtus promittens ei ueniam, et uitam perpetuam, teſtatur hæc beneficia hoc modo credentibus dari. Poſſent hæc multò uberius exponi, ſed cum apud eruditos habeatur oratio, nolui eſſe prolixior: Dixi ſummam Euangelij in his concionibus comprehenſam eſſe. Hortor etiam ut exemplum imitemur, ac ſimili fiducia ad filium Dei confugiamus. Hæc eſt, ut ſcitis, Doctrina ſumma, de uſu fidei, ſeu de regeneratione, & aditu ad uitam æternam.

eternam. Videamus reliqua. Nec fieri quidem potest, **Cultus & pia opera latronis.**
 ut Ecclesia sit sine cultu Dei, sine sacrificijs, sine bonis
 operibus, sine certaminibus. Ideo enim Deus restituit
 genus humanum, ut inter homines ipsius notitia lu-
 eat ac celebretur: Quare cultus & officia certa po-
 stulat. Num hæc neglexit latro emendatus, num quia
 pendeat nudus ac uinctus, nulla officia Deo presti-
 tit? Ille uero præcipuos honores Christo tribuit, quos
 Deus imprimis flagitat: agit poenitentiam, agnoscit
 suum scelus, rectè sentit de hoc liberatore, nihil deter-
 rit illa miserabili specie morientis, inuocat eum.
 Hæc sunt uerè pia opera. Accedit et dimicatio. **Dimicatio, quæ
 est latronis confessio.** Quan-
 quam enim pendet semiuivus ac laceratis membris, ta-
 men uenit in certamen cum conuiciatore, quo seuerè
 castigato & obiurgato, defendit Christi gloriam.
 Hæc est cōfessio, quam quāti faciat Deus, sepe monet
 scriptura, ut cum ait Christus: Qui confessus fuerit me
 coram hominibus, confitebor eum coram patre cœle-
 sti. Breuiter indicauit bona opera emendati latronis.
 Nunc queso ut uniuersam Ecclesiam eius temporis **Facies Ecclesie
 tum temporis.** consideretis. Filius Dei pendet in cruce, non iam osten-
 dat potentiam suam admirādis factis ut antea, qua-
 m̄ aridetur ac despicitur ab impijs. Apostoli seu du-
 bitatione, seu metu dilapsi erant. Multos auditores
 habuit & illud quod dicitur: Exitus acta probat, qui
 cognoscit hunc nequaquam Messiam esse, cum in tan-
 ta uoluntate uideretur à Deo desertus & abiectus es-
 se. Sola reliqua est **Maria,** in qualucet fides:

E ij hæc

Rerū natura.

hec expectat aliam catastrophē: Nec enim spectatrix esse poterat huius supplicij, nisi fide animus erectus fuisset. Sed quia Apostoli & ceteri homines tacent, iam tota rerum natura incipit concionari, & testimonio suo filium Dei ornare, & in tanta Ecclesie trepidatione, ne desit concionator, excitat Deus latronem de sublimi concionantem toti orbi terrarum.

Latro.

Hic latro testatur hunc Iesum esse promissum liberatorem, & autorem nouæ & Perpetuæ uitæ. Desināt iam Pontifices, Episcopi, Monachi gloriari, suos cœtus, quos uocant Ecclesiam, errare non posse, cum uideant tantam Apostolorum trepidationem. Sed quoniam historia mortis Christi haud dubiè significat præcipuè calamitates Ecclesie postremi temporis, latronum concertatio quædam est imago certaminum huius temporis. Conuiciantur Christo Pontifices, Canonici, Monachi, & horum satellites Tyranni, qui etsi exiguo tempore fruuntur suis uoluptatibus, tamen re ipsa pendent in cruce impij latronis, breui poenas scelerum daturi. Interea cum ante finem mundi renouare doctrinam & confessionem Deus uellet, excita-

Pontifices conuiciantur.

uit, doctis et timidis cessantibus, Germanos milites, homines sine hypocrisi sapientiæ aut iustitiæ. Non potest enim dissimulari aut negari, multos articulos doctrine Euangelicæ ita repurgatos esse per hos, ut satis appareat diuinitus hanc lucem Ecclesie redditam esse. Idem igitur in doctrina nostrarum Ecclesiarum traditur, de reconciliatione, & de fide, quod ibi sentit latro.

**Germania
Christi uindictam
gloriam.**

latro. Nec pudet nos hunc audire Apostolum, cuius
sententiâ & fidem Christus perspicuo testimonio ap-
probat. Utinam Christum etiâ simili fide muocemus.
Etsi nihil dubito multos esse, in quibus similis fidei
scintille ardent. Non enim dubitandum est, in eo cœ-
tu esse membra ueræ Ecclesiæ, in quo rectè traditur
Euangelium, & abolita est ἰδωλομανία. Et nostris
Ecclesijs non desunt testimonia Spiritus sancti: Vide-
mus enim quanta constantia multi pij supplicia per-
ferant. Meminimus honestas matronas luctatas cum
terroribus mortis, egisse Deo gratias, quod agnoue-
rint Christi beneficia, & magna tranquillitate animi,
cum recitant laudes ac hymnos Deo, spiritum exha-
lasse, ut satis appareret in eis cœlestem letitiam in-
choatam esse, antequam e corpore discederent. Addit
Deus & alia testimonia, quod mirabiliter seruat has
Ecclesijs: Aspernantur ueram doctrinâ hostes nostri,
& deesse testimonia miraculorum seu prodigiorum
clament, cum ipsi nec rectè facta, nec miranda ha-
beant. Vt Christus nunc pendens in cruce, non osten-
debat potentiam suam. Nihil inusitati conspicieba-
tur in latrone, præter illam pietatem, quam ridebant
alii. Ita nunc Ecclesia infirma est: Et tamen mira-
re erat, illa ipsa latronis emendatio. Talia miracula
non desunt his temporibus. Sed si uolunt audire ad-
uersarij sua prodigia, pauca commemorabo. An cum
certum putemus Ecclesiam esse, qui flagitiosas libidi-
nes tanta pertinacia defendit, ut interficiat eos, qui

Nostrarum
Ecclesiarum
miracula.

Aduersario-
rum prodigia.

sunt hortatores, ut anteferant honesta coniugia? In qua unquam barbarie auditum est interfici homines propter reprehensus uagus libidines, propter laudem coniugij? Prodigia queruntur: Hæc prodigiosa turpitudine est certum testimonium, totum illum cœtum contaminatum *ιδωλομανία*, periurijs, libidinibus, parricidijs Ecclesiæ, agitari à diabolo. Possem alia Pontificum prodigia multa recitare, quæ nunc omitto: ac redeo ad illum Apostolum, de sublimi concionantem et defendentem gloriam Christi. Non poterat semiuuus ac ligatus pietatem suam declarare iam alijs officijs, gubernare Ecclesias, & latè spargere doctrinam: Hoc unum poterat, castigare conuiciatorem. Ita nos, cum habenas Reipub. teneant aduersarij, cum toties frustra rogauerimus Reges, ut de concordia deliberent, cum reuocare eos ab errore non possimus, hunc tamen cultum Deo præstemus, lingua et stylo celebremus Christum, refutemus aduersarios, taxemus impias eorū leges, ac hypocrisin, ut pij admoniti caueant, ne eorum societate polluantur. Tot iam annos omnia moderata consilia repudiant Pontifices, tantū de cede cogitant faciunt impia et sacrilega fœdera: Quam ad rem? ad defensionem manifesta idolomania, periuriorum, flagitiosarum libidinum, ac parricidiorum. Hæc uera esse, ne ipsi quidē negare possunt. Nec ullius tanta est eloquentia, hæc ut excusare uel inspeciemus queat. Tonet ac licet fulmina torqueat Pericles, ut dicebatur, tamē in hac causa ueritas ita perspicua est, ut

non

Latro Aposto-
lus defendit
gloriā Christi.

non possit τὸν ἡτῶ λόγον κρείττω ποιεῖν. Viderint
 igitur pii, ne se ad tantorum scelerum societatem ad-
 iungant. Cogitent exemplum emendati latronis, osten-
 dant uoce, literis et cæteris officijs, se toto animo ab il-
 la gigantea impietate abhorrere, se nolle administratos
 esse furoris illius Diaboli. Nam illa scelera non ab hu-
 manis ingenijs, sed uerè ac propriè à Diabolo oriun-
 tur. Est quidem in magnis cruciatibus latro, qui Chri-
 stum ueneratur, Sed cogitate, quanta sit beatitudo, te-
 nere certam spem uitæ æternæ. Ita nos, et si multis ex-
 ercemur ærumnis propter confessionem, tamen hanc
 ducamus esse magnam foelicitatē, quòd absumus à cõ-
 silijs Pontificum, à Diaboli foedere, qui, ut Deum con-
 tumelia afficiat, ut quàm plurimos perdat, incendit
 Pontifices, agitat Tyrannos, ut stabiliant ἐδωλομα-
 ρίαν & cætera flagitia. Nihil potest dici atrocius,
 quàm quod inquit Paulus: Si quis aliud Euangelium
 docet, anathema sit. Omnes diras atq; imprecationes
 complexus est uoce anathematis. Et repetit uerbo tri-
 flore eandem sententiã alibi: Si quis non amat domi-
 num Iesum Christum, sit anathema maranatha. Quo
 nomine intelligit certã speciem anathematis, ob quod
 prorsus deleri, et è medio tolli necesse est, ut parrici-
 das, et propter quod Deus toti rerũ naturæ irascitur,
 terra fruges negat, Sol refugiens sistit currus, amittit
 splendorē, deniq; quòd contagio suo nocet toti generi
 humano, ut ille inquit in Tragœdia.

Anathema
 maranatha.

Discedite à me, ne umbra mea noceat bonis.

E uij

Est

Est enim uox Paulina facta ab herē mothā, quod significet rem deuotam, ac destinatam exitio, et morti: nisi quis mauult esse herem & hatta, quod est peccatum. seu scelus, ut Græci dixerunt *ναθέματα* seu *αλάγορας*. Sic igitur Paulus nos de hostibus Christi sentire iubet. Et sepe repetitum est hoc præceptum in concionibus Propheticiis, quod quidem si quis contemnet, re ipsa comperiet Erynnas ac furias uagari per omnes complices, adflare etiam mediocribus peiores impetus, implicare eos erroribus, & horrendis calamitatibus. Has poenas & considerare pij & cauere debent. Quanquam enim parricidæ illi aliquandiu florent, ut Dionysius, Nero, & similia portenta aliquandiu regnarunt, tamen exitus fuerunt tragici: Et interim multi poenas dederunt familiaritatis ipsorū. Pendent unā omnes Tyranni in cruce maledici latronis, etsi cruciatus nondum omnes sentiunt. Nemo sanus libenter uersatur apud eum, quem scit iniustam eadem fecisse. Quantō magis isti fugiendi sunt, quorum mentes contaminatæ sunt idolomania, lingua periurijs, manus imbutæ cruore piorum, cetera membra confpurcata libidinibus. Ac ut de alijs obscurioribus sceleribus non dicam, quis sanus uolet se parricidiorum societate polluere, quæ ab istis sunt quotidie? Quam multi docti & pij ab Episcopis & Monachis ubiq; terrarum interficiuntur? Aiunt nihil seuius esse Pantheris, & tamen sepe leguntur in circo quasi reuerentia quadam pepercisse sanctis Pantheræ: Has superat

Tyranni
crucifixi

Pantheræ mitiores
quam Episcopi & Monachi,

perat rabies Fabri, Mercentij, Nauseæ et similia, qui adeo non parcunt ullis, ut ciuile bellum accendi, et tot nationes deleri, tot honestas matronas, tot infantes iugulari, uasitatem ecclesiarum effici cupiant, eternam: uerum est enim illud Poëtæ:

Alta sedent ciuilis uulnera dextræ.

Vt autem maledicum latronem castigat alter non sicut Apostolus, ita hæc flagitia singulis temporibus à pijs, & præsertim eruditis fortiter taxanda sunt. Quod ita demum grauiter & uerè facietis, si eruditione instructi eritis, ut Paulus inquit: Sit sermo uester sale conditus. Non ut scopulos aut littora feriunt unde ingenti tantum sonitu, ita solo clamore certandum est: Eruditè refutandi sunt aduersarij, ut aliqui sanentur, boni confirmentur, ut in latronis obiurgatione grauissimæ insunt sententiæ, de gubernatione diuina, de prouidentia, quibus Epicureas in altero persuationes refutat. Apud Aristophanem lex dicitur certaturis, ἐλεγχῆ καὶ ἐλέγχου. Causa cum causa congregatur, ueris argumentis certetur, dicatur πρὸς ἑωρ, & reuocetur Antagonius intra metas. Videtis enim quàm uarias rimas quærant nunc ad elabendum, quântum technarum & Sophisticæ excogitent, ad eludendam ueritatem. Antagonistas habemus, astutos, intentos, instructos literis et eloquentia, ac dimicantes non de lana caprina, sed pro focis suis, hoc est, de opibus, dignitate, uoluptatibus, quarum rerum causa acerrime contentiones inter homines existere solent. Vos

Taxandi aduersarii graui-
ter & uere.

Lex Aristophanis in contro-
uerâs.

F V contrâ

Militia Ecclesie

contrà uerè pro aris pugnatis, hoc est, uobis cōmēn-
data est defensio puritatis Euangelij & gloriæ Chri-
sti. Hæc militia non concedit uobis ocium, sed postu-
lat acerrimum studium cognoscendæ cœlestis doctri-
næ, flagitat animum non mollem, non detrectantem
certamina. Hæc ut sæpe multumq; cogitetis, uos etiā
atq; etiā adhortor, ut officium uestrum rectè intel-
ligatis, & agnoscatis uobis non leue munus à Deo
mādatum esse, uosq; in extremo iudicio spectantibus
omnibus hominibus atq; Angelis, rationem admini-
strati muneris reddituros esse: ubi etiā hic noster la-
tro inter iudices asidebit, & strenuos milites Christo
commendabit, de ignauis ac desertoribus supplicium
sumi petet: Quare nunc date operam adolescen-
tes, qui huius signiferi tyrones estis, ut uos diligen-
ter exerceatis, ac præparetis ad uera certamina, in
quo gloriam Christi aliquantò post defendere uos o-
portebit. Hunc honorem Deus flagitat, ut heri in uer-
ficulis significauit:

**Latro in extre-
mo iudicio assi-
debit,**

Vult adfectores laudum nos esse suarum.
Idq; magis poscit, quàm noua thura Deus.

D I X I

ORATIO

ORATIO CASPARIS CRVCIGERI
S. Theologie Doctoris, de Ecclesia Christi, quam ha-
buit 26. Aprilis, cum decerneret titulum Doctoratus

D. Hieronymo Noppo, Et D. Friderico

Bachhofen, &c. Anno

M. D. XLIII.



Voties ego hos honestissimos con-
uentus scholasticos aspicio, mirifica
uoluptate adficio: Quid enim in
hac uita homini, non prorsus alieno
à pietate & literis, potest contingere
incundius, quàm uidere tales coetus uirorum præstan-
tium doctrina, pietate, & uirtute: Quorum authori-
tate, officio, & diligentia, & sanctissimum ministeri-
um Ecclesie, & publicum consilium Reipublice re-
gitur, et literæ, ac bonæ artes omnes Dei beneficio or-
nantur & prouehuntur?

Doctorum uirorum coetus incundissimus

Nec existimo quenquam uestrū esse, qui cum his
congressibus interest, non recreetur cōspectu talium
uirorum, qui uerè sunt, quod græce dicitur ιερός νύ-
κτος, id est, sacer coetus: Tantum abest, ut iudicem à
quoquam reprehendi hos congressus, quos cōstat non
ad inanem pompam, aut spectaculi causa, sed grauissi-
mis de causis, & institutos esse, et à nobis retineri:
Constat enim hos ritus promotionum seu graduum,
ut uocantur, nihil aliud esse, quàm renunciationem
publici testimonij, de doctrina & moribus eorum,

qui

qui uocantur ad aliquod publicum munus, ut uel in Ecclesia doceant, uel in politica gubernatione respōdeant de publico iure, uel alia officia administrēt, quæ sunt necessaria ad tuendam communem uitam & societatem hominum. Et in his congressibus de rebus grauissimis, ad admonendam iuuentutem, & excitanda studia discentium, oratio habetur.

Ecclesia non
esse sine Scho-
lis potest.

Quare ego quidem singulare Dei beneficium esse agnosco, ac Deo gratias ago, quod nobis scholam, & hos coetus conseruat: Nullum est enim in terris maius Dei donum, quàm propagatio doctrinæ cœlestis, quæ conseruari non potest, nisi sint aliquæ Scholæ adiunctæ Ecclesijs, ubi erudiantur hi, qui sunt aliquādo accessuri ad ministeria, aut gubernationem in Ecclesia, ut præparati & exculi doctrina, magis idonei fiant ad dextrè tradendam doctrinam religionis, & ad explicandas controuersias dogmatum, & ad refutandos errores ac corruptelas puræ doctrinæ.

Ad hæc res certè opus est Scholis, sicut historiæ sacræ testantur, inde usq; ab initio semper fuisse aliquos coetus discentium adiunctos, summis illis uirg, Patri- bus, Prophetis & Apostolis, & postea diu in Ecclesijs, ut Alexandrina & alijs, & in plurimis collegijs Scholæ constitutæ fuerunt, ut inde sumerentur Doctores & Pastores Ecclesiarum. Imò et Christus ideo dat Ecclesiæ suæ, ut ait Apostolus, Pastores, Prophetas, & Doctores: quia uult ab his Ecclesiam institui ac doceri: uult præparari eos, qui præficiendi sunt Ecclesijs,

ne acci-

ne accedant prorsus indocti aut imperiti. Qui cum nec alios audierint, & sint sine ullo usu spiritali: tamen sibi uidentur ἀντιόδοι, & temerè sine testimonijs doctrinæ irruunt in Ecclesias, & ex sese gignunt ac spargunt opiniones & dogmata.

Hæ sunt cause, ut ego quidem iudico, satis graves Cause. & magnæ, quare in Ecclesijs & Scholis retineri ac propagari necesse est. Primū quia hæ etiam ad ministrum Ecclesiæ pertinent, uidelicet ut in his instituantur hi, quibus gubernatio Ecclesiarum committenda est: Deinde, quia Scholæ testimoniū dant his, qui præficiuntur Ecclesijs. Et ut constet à quibus Doctoribus acceperint doctrinam, & ut ipsi testentur, se non discedere à perpetuo & uero consensu Catholicæ Ecclesiæ Christi, nec assentiri prauis opinionibus.

Cum igitur Deus sua immensa misericordia nobis restituerit Euangelij lucem, & in hac schola dederit gubernatores præstantes, meritò prædicandum & agnoscendum est Dei beneficium, et gratiæ Deo agende sunt: Et accedere debent piorum uota, ut nobis hoc beneficium conseruet. His precibus si unquam opus fuit Ecclesiæ, nunc certè opus est, ardentissimis uotis & toto pectore omnes petere, ut hoc postremo et periculosissimo tempore, inter tantas tempestates publicas, quæ minantur Ecclesiæ infinitam dissipationē & uastitatem, Deus sua bonitate aliquas Ecclesiæ reliquias conseruet, sicut Pauli nauim iactatam undis, concussam, ac penè iam fractam seruauit.

Quia

Periculoso
rum tēporum.

Quis pius non toto corpore cohorrescat, cum intuetur horum temporum pericula? Videmus impendere Regnorum mutationem ac propemodum interitum uniuerse Reipublicæ horribilē. Quàm latè grassatur, quantam uastationem facit Turcica immanitas, iam etiam nostris ceruicibus imminens? Ad hæc accedunt intestinorum motuum metus, ut taceam alia pericula persecutionum, & acerbissimum omnis generis, quibus duriter concutitur Ecclesia. In his malis quid usquam ostenditur humanitus auxiliij? aut quæ tandem consolatio? nisi hæc una, tanquā extrema & sacra anchora salutis? Quod Deus tamen conseruatus sit aliquam Ecclesiam, sicut testantur promissiones, Ego uobiscum sum usq; ad consensumationem seculi. Item, Non relinquam uos orphanos. &c.

Sed cum mihi mandato superiorū imposita sit necessitas hoc loco dicendi, nec liceat publicam auctoritatem detrectare, etsi undiq; Argumentum quero, tamen quocunq; me uerto, non possum animum & cogitationem abducere ab Ecclesia. Fortasse alia alijs temporibus cōgruunt. Sed hoc tēpore nescio an quisquam pius mentem ac oculos à conspectu Ecclesiæ auertere possit. Cum igitur omninò aliquid etiam nunc dicendum sit, Patiamini quæso me paulisper insistere huic ipso argumento, in quod initio orationis me cogitatio horum temporum induxit, ut aliquid dicam de hoc admirando Dei opere, quo testatur se perpetuò conseruare Ecclesiam in mundo.

Etsi

Et si uerò non ita extremè stupidus, aut perditè cōfidentis sum, ut non sentiā me multum succumbere magnitudini suscepti oneris, nec deterrear imbecillitate mea, quam certè agnosco: Ac ipse maximè optaui de hoc ipso Argumenti genere audire sonantes uoces superiorum nostrorum, qui in diuturna gubernatione Ecclesiæ et ingentibus certaminibus uersati, et intelligunt pericula Ecclesiæ, et magna ui ac robore spiritus confirmare piorum mentes possunt: Sed quia mihi omnino subeundum fuit hoc onus authoritate publici muneris, uos oro, ut mihi ueniā detis pauca dicturo, quantum tēporis angustia patitur, non pro argumenti dignitate, sed ad commonefaciendos & excitandos adolescentes, ut & ipsi de Ecclesiæ periculis cogitare discant, et uota ac preces cum ipsa cōiungant, ut Deus eam in his postremis certaminibus et periculis conseruet. Plena est uniuersa scriptura exemplorum, quæ ostendunt solius Dei potentia mirabili modo Ecclesiā gubernari & defendi: Sed infiniti operis esset, totā historiam ecclesiæ, inde usq; ab initio conduci mundum uelle complecti, quæ nihil aliud quàm stupenda miracula continet, in quibus apparet, quantis ærumnis semper conflictata sit Ecclesiā. Et tamen in ijs mirandis modis diuinitus seruata contra hostem filij Dei Diabolum. Longè superat omnem humanam eloquentiam historia primorum parentum & Patrum, qui secuti sunt usq; ad diluuium. Quanto in luctu & moerore uersati sunt Adam & Hæua, cum accepta pro-

Mirabili potest
tia Ecclesiā
defenditur.

Exēpla primarū
ætatis ecclesiæ

pta promissione de Christo, et concepta certa spe propagandæ Ecclesiæ, natis duobus filiis Cain et Abel, subito uident sibi amplissimas spes præcidi, necato altero filio, qui futurus erat uelut plantarium ueræ Ecclesiæ. Cum alter filius parricida præclaras illas spes, quas de ipso pij parentes cõceperant, frustratus esset. Qui cum essent his moeroribus, totum primæ ætatis centenarium confecti, cum nulla iam esset Ecclesiæ facies, nec posset usquam propagari doctrina cœlesti: quia posteritas Cain paternam impietatem sectabatur, & uideretur prorsus iam concidisse Ecclesiā: tamen à Deo & restituitur & seruatur, dato filio Seth, per quem colligitur aliquis cœtus, in quo sonat uox cœlestis de futuro semine, & hinc propagatur Ecclesiā patrum usq; ad diluuium. Vbi rursus miseranda est Ecclesiæ facies. Non solū Cainica posteritas, sed etiam reliqua orta à Patribus, qui iam annos bis mille gubernarant Ecclesiā, deficit à uera pietate, & ita in arctum redigitur Ecclesiā, ut ex uniuerſa reliqua multitudine totius humani generis non nisi octo animæ seruentur. Postea horum etiam posteritas à uera religione relabitur in Idolatriam & impietatem, & inter paucos ex Patribus seruatur Ecclesiā. Et ex huius reliquijs Abraham reuocatur ab errore & idolatria, ad instaurandam & propagandam doctrinam promissionum de Christo. Ex filiis Isaac ac nepotum peregrinationibus colliguntur deinde aliqui cœtus, et doctrina propagatur etiam in Ægyptum.

Veri

Verè miranda sunt exempla non huius tantū primæ etatis Ecclesiæ patrum, sed omnium temporum, quæ sunt perpetua quedam testimonia mirabilium operum Dei, hoc est, & afflictionum, ac erumnarum, & liberationum Ecclesiæ.

Sed maximè omnium memorabilis est historia liberationis populi Israël et educationis ex Aegypto, & ut adparet omnium historiarum, omnium ætatum, à principio mundi usq; ad finem, excepta ipsa Christi passione & resurrectione, longè maxima. Non solum enim est imago Ecclesiæ omnium temporum, sed etiam præcipua pars, plena ingentium miraculorum, quæ & cæteris temporibus insignia exempla monstrat, quæ testantur, & seruari Ecclesiam, ac regi à Deo sine presidijis humanis, & exerceri uarijs calamitatibus.

Liberatio populi Israëlitiçi stupenda.

Quàm horrendum est in hoc coetu, qui gerit nomen Ecclesiæ Dei, qui habet tot & tam illustri testimonia diuinarum liberationum, tamen præcipuam partem populi multos præstantes uiros, principes et gubernatores horribilibus exemplis puniri, multitudinem toties plecti, donec propemodum uniuersa perierit eorum, qui ingenti numero ex Aegypto exierant. Et tamen seruantur aliquæ populi reliquie, quæ manifestant incorrupte, & retinuerunt doctrinæ puritatem, & experte sunt mirandas liberationes, sicut ordine Historia indicat.

Datum est Manna, datæ carnes, percussa rupe
 & uirga

**Gloria populi
in deserto
maxima.**

uirga Moysi effudit largos fontes: Tecta est multitudo nube interdum, et noctu flammis prælucentibus: in prælijs etiam exhibentur illustria testimonia præsentis Dei. Deniq; in deserto maior fuit gloria huius populi, quàm unquam florente regno in terra Canaan. Sed nimis longum esset huius totius historie seriè uelle persequi. Omissa igitur longiore recitatione, unum exemplum addam, in quo proponitur mirifica imago de gubernatione & conseruatione Ecclesie diuinæ.

**Reuelatio facta
Moysi
miranda.**

Vix est alia magis miranda reuelatio, quàm que Moysi facta scribitur, Exod. 33. ubi uocatur Moyses in colloquium cum Deo, Et eo loco dicitur, Loquebatur Deus cum Mose facie ad faciem (hoc est, coràm & clara uoce) sicut solet loqui homo ad amicum suum. In hoc colloquio primùm petit Moyses, ut Deus ipse adsit gubernator & dux huius populi, cui dedit uerbum & promissiones. Plus satis enim iam docuerāt ipsum exempla, quantum esset mali, populum decurrantem à uerbo, regi humana sapientia & consilijs, cum populus daret pœnas idolatriæ, erecto aureo uittulo, cum Moyses abesset. Ex his imitijs de futuris calamitatibus angitur Moyses: Videt quanta pericula futura sint Ecclesie Dei, quàm leui momento pura doctrina et uiri cultus deprarentur humanis opinionibus. Quare metuit, ne et in hoc coetu extinguatur uera agnitio Dei, et collabefiat Ecclesia, præsertim cū audiret horribiles cōnationes de futuris pœnis populi.

Sic

Sic cogitans de Ecclesiæ reliquijs, nec ipse inuenit
 aliam consolationem, qua sese sustentet, nisi promissi-
 ones datas huic populo de uenturo liberatore Christo.
 Sed cum suā gubernationē intuetur, intelligit quanta
 sit difficultas, quanta pericula, et considerans nullam
 gubernationem foelicem esse sine Deo. Nisi tu ipse nos
 precedas, inquit, ne educas nos de hoc loco. Deinde cū
 petit, ostende mihi gloriam tuam, hīc respondet Deus,
 Faciem meam uidere non poteris: Sed ecce locus apud
 me, ubi consistes innixus petra, cumq; transibit glo-
 ria mea, ponam te in foramine petra, et protegam te
 dextra mea, donec transiero, et auferam manum me-
 am, uidebis et posteriora mea, faciem autem me-
 am uidere non poteris.

Difficultas in
 gubernatione.

Hac est uerē abstrusa et arcana historia, quæ etsi à
 me quidem nō potest explicari pro dignitate, nec hoc
 tēpus patitur: Tamen attingere uolui, ut adolescentes
 eam considerent, nam et doctrinam grauissimā et gra-
 tissimā consolationē nobis proponit de Ecclesia, quā
 testatur in hac uita tegi manu Dei, et postea glorifi-
 candam esse. Sequor enim simplicem et usitatam ex-
 positionem, uidelicet, Mosē petere, ut Deus præmō-
 stret exitus totius gubernationis huius populi, qui
 tunc erat Ecclesia Dei.

Locus expli-
 catus.
 Exo. XXXIII.

Hīc Deus respondet: Nolle se cerni faciem suam,
 hoc est, cōsilia, ante finem consummatæ Ecclesiæ: Sed
 ostendit nobis posteriora, id est, Ad extremum in con-
 summatione uisuros esse gloriā. Interim latet populus

G ij

in fo-

in foramine seu cauerna petrae, id est, in presenti Ecclesia, quae premitur subiecta cruci. Sed innixa est Petra Christo, & tegitur manu Dei, donec Deus transeat, hoc est, donec Ecclesiam consumet. Significat enim Deus, se transire toto tempore mundi, & ita transeuntē colligere sibi aliquam Ecclesiam, in qua et ipse glorificetur, et quā uicissim glorificaturus sit in uita aeterna. Et hanc gubernari non humanis cōsilijs, sed uerbo Euāgelij diuinitus tradito de Christo, et seruari defensam, nō ope et praesidijs humanis, sed sua solius manu.

Pictura de illustri cognitione Dei.

Videtis proponi dulcissimam picturam, in qua etiam latet magis arcana doctrina de illustri cognitione Dei, qua cernitur facies Dei. Vt Philippo petenti à Christo sibi ostendi Patrem, respondet Christus: Philippe qui uidet me, uidet & Patrem. Ita Moses petens illustriorem inspectionem Dei, deducitur ad uerbum in Ecclesia reuelatum de Christo, & docetur, quomodo uelit Deus agnosci in Ecclesia, usq; ad glorificationem, seu resurrectionem mortuorum, cum audit: Nō poteris uidere faciē meam, sed stabis in foramine Petrae, hoc est, insists Christus seu Euangelio, donec transeam, & sic uidebis posteriora mea.

Posteriora sunt uerbum Dei.

Ita Ecclesia nondum potest uidere Deum, seu habere gloriam, quae promissa est: Sed adhuc stans supra Petram, id est, Christum, fide, & in hoc foramine subiecta cruci expectat gloriam, donec Deus transeat, id est, totam Ecclesiam consummauerit. Post hunc transitum restabit alia aeterna gloria, quae corā cernimus

nemus Deum, sed nunc tantum uidemus posteriora, hoc est, in uerbo eum agnoscimus.

Verum hanc abstrusorem interpretationem ommitto: Nam Historiam tantum considerandam proponere uolui adolescentibus, ut sciant pertinere hanc sententiã ad totam Ecclesiam, omnib. temporibus. Et ut pij hinc petant consolationem, qua sese sustentent atq; confirment. Sciant seruari Ecclesiam, Deo mirabiliter protegente sua manu, in his mundi tempestatibus, Deo transeunte usque ad eum diem, quo glorificanda est.

Verè et nunc uelut in deserto uagatur Ecclesia, exul, & errans sine certa sede, sine humana defensione. Interim, ut in illo populo, magna multitudo deficit, & ruit in æternam iram, & æternas pœnas. Videmus Reges & Principes, & maximam multitudinem hominum contemnere doctrinam Euangelij, & accersere sibi horribiles pœnas & exitium: Et exiguum coetum esse profitentium eam doctrinam, orbatum præsidij, & conflictantem uarijs ærumnis. Sed intueamur illas imagines propositas in historia populo Dei: Sciamus nunc quoq; duci Ecclesiam per desertum, & tegi nube & flammis coelestibus, & adesse ducem Christum, ut illis adsuit.

Ecclesia uagatur in deserto, duce Christo.

Quare confirmemus animos, & certò teneamus hanc sententiam, quòd Deus sit seruaturus Ecclesiam, quæ retinet doctrinam traditam à Christo, Prophetis & Apostolis: Sicut testatur dulcissima p̃missio

Ecclesia seruabitur.

G iij apud

apud Esaiam, cum inquit Deus: Hoc foedus meum cum
eis, Spiritus meus qui est in te, et uerba mea, quae posui
in ore tuo, non recedent de ore tuo, nec de ore seminis
tui, Dicit Dominus, à modo & usque in sempiternum.
Sciamus igitur & nostris Ecclesijs ad futurum Chri-
stum, sedentem ad dextram Patris, & regnantem eti-
am inter medios hostes, et seruaturum aliquas reliquias
piarum Scholarum, etiamsi mundum oppriment poe-
nae & calamitates.

Modò nos cogitemus de nostro officio, simus gra-
ti pro data luce Euangelij, retineamus confessionem
purae doctrinae, nostris studijs, uita et morib. ornemus
Ecclesiam, adiuuemus studia & scholas. Interim, eti-
amsi conflictandum est uarijs ærumnis, inuocemus
hunc nostrum magnum ducem et liberatorem filium
Dei, & una uoce precemur, ut Deus Pater æternus
miscatur Ecclesiae suae, & eam seruet propter illum
ipsum Mediatorem & Pontificem nostrum Christum,
& tandem conterat Satanam aduersarium sub pedi-
bus nostris. Dixi.

ORATIO DE PAVLO APOSTOLO

habita à Christophoro Iona, Anno

M. D. XLIII.

Insigne miseri-
cordiae diuinæ
exemplum.



ROPONIT hoc die Ecclesia me-
ditandam Pauli historiam, ac Dei
beneficium celebrat, qui & exem-
plum misericordiae ceteris insigne
ostendit,

ostendit, hoste in gratiam recepto, & nobis Doctorem dedit, qui & uiuus annos ferè sex & triginta Euangelium passim in bona Asia atq; Europæ parte circumtulit. Et postquam ex hac militia euocatus est, relictis utilissimis monumentis erudit Ecclesiam perpetuo.

Nihil autem magis decet præsertim in his congressibus nostris, quàm & uocem nostram, & animos, & uota, cum Ecclesia Dei congruere. Quod cum cogitarem, nulla de re alia potius, quàm de Paulo dicendum esse iudicaui, præsertim cum eius historia nos de his ipsis studiis, in quibus uersamur, et de uniuerso nostro curriculo, plurima monet. Quem enim habemus alium Scriptorem, qui genera doctrinarum, Philosophiæ, et Euangelij, artificiosius discernit, qui usum utriusq; tam perspicuè monstrat, quàm nobis Rempub. nostram, id est Ecclesiam, clarius describit, qui sepius monet quarum rerum doctrina Ecclesiæ necessaria sit? Ac scio nos omnes Pauli nomen ita amare, ut consiliū meū maxumè probaturi sitis. Sed dicā ingenuè, quam nulla in re suauius acquiesco, quàm in cogitatione doctrinæ et actionum Pauli et similium uirorum: tamen amplitudo rerum me mouebat, ut aliud Argumentum potius quærerem: Vt enim Paulinæ disputationes atque actiones, uniuersam Ecclesiam complexæ sunt, ita de eis perspicuè dici non potest, nisi religionis exordia, incrementa, & pleraq; certamina repetantur.

Discrimen Philosophiæ & Euangelij Paulinum.

Pericles.

De his tantis rebus, quoties Paulus ipse concionatur, superari se magnitudine earum fatetur, easq; nulla eloquentia satis explicari posse testatur. Cum autē sic iudicavit uir tātus, qui erat uerius, quā Pericles, orator tonans, fulgurans, & in mentibus auditorum aculeos relinquēs, ardebat enim diuino motu atq; afflatu: Quid nos in hac imbecillitate nostra, dignum hac maiestate rerum dicere possumus? Ac ille quidem sese uocat ἐντρομα, hoc est, scetum immaturum atq; imbecillem, non parem ceteris Apostolis. Sed tamen illustribus testimonijs uocatus ad docendi munus, diuinitus ad eam militiam instructus erat. Nos multo iustius agnoscamus nos ἐντροματτα esse, hoc est, rudes & informes massas, ab ortu editas, immaturas, pollutas.

Ego igitur de mea imbecillitate cogitans, aliud argumentum institueram. Sed me amici ad Paulum, hac oratione reuocabant: Quòd etsi hæc infirma mortalitas nec Dei naturam, nec eius beneficia penitus intraspicere possit, cogitari tamen, agnosci, & aspici ea Deus aliquo modo uelit. Ne solis quidem fulgorem sustinent oculi, neq; tamen propterea lucem fugimus. Quid? quòd ipse Deus pariter se senum, et puerorum uoce celebrari iussit. Deniq; disputabant, & exēplum utile esse ceteris, & bonis nullam orationem gratiorem fore, hoc præsertim die, quā qualemcunq; Pauline Historiæ commemorationem,

Horum obsecutus seu iudicio, seu studio, redij ad
Paul-

Paulum, uosq; oro, ut, etiamsi amplitudini argumenti non respondebit oratio mea, tamen pro uestra pietate, & candore uestro, hanc qualemcumq; operam boni consulatis. Illud etiam in hac tam ampla causa nobis incommodum est, quòd tempus ad dicendum multò breuius nobis conceditur, quàm quantum huius argumenti ubertas postulat. Quare breuiter summa sequar fastigia rerum, ut Poëtæ uerbis utar.

Ac si Panegyricos ueteres imitari instituissem, primum de Pauli genere, patria, incunabulis, dicerẽ: Sed aliunde ordiri decreui. Primum de causis monenda est adolescentia, cur profit has historias cognoscere. Sunt enim tres præcipuæ causæ, quarum prima est: ut quid sit Ecclesia cogitemus, & diuinitus missos esse duces ac gubernatores agnoscamus, ac toto pectore Deo gratias agamus, pro donatis æternis bonis, & ministerijs, per quos ea hominibus impertit.

Altera causa est, ut rerum quas gesserunt, & uirtutum consideratio nos erudiat, ut melius intelligamus, quid profiteantur. Deinde etiam exempla unumquemq; suo loco, & pro sua mediocritate, ad uirtutis imitationem excitent.

Postremo, ut ueris et ardentibus uotis à Deo petamus, ut Ecclesiam seruet, ac nos quoq; faciat organa utilia, adiuuet ac prouehat nostros labores, ut in commune profint Ecclesiæ, sint salutare bonis, nec abiciat nos tanquam pestes generis humani, seu ut Paulus uocat, uasa iræ, quorum infœlix curriculum mul-

G V triplici-

Causæ harum
cognoscenda
rū historiarum

I

II

III

tipliciter nocet communi uitæ, ut iuxit Saul ad extremum, & alij innumerabiles.

Quos alij fines in panegyricis proponāt, hic recitare longum esset. Sed ad hos quos dixi præcipuè referantur hæc Encomia nostrorum Heroum: per quos Deus mirando consilio, & immensa bonitate nos ad cœlestis uitæ societatem uocauit. Ac in horum finium expositione, tota hæc oratio nostra uersabitur.

I.

Ecclesia.

Primum igitur Deo æterno, patri liberatoris nostri Iesu Christi conditori omniū rerum, gratias ago, uosq; mecum toto pectore agere iubeo, quod Ecclesiam sibi perpetuam condidit, ac Doctores ad eam instaurandam subinde excitato: quorum uos ipsi præcipuos animis enume-ate, inde usq; à Nohe. Quid enim iucundius esse bonæ menti potest, quàm de uirtute ac de certaminibus alium uirorum, imò de Dei bonitate cogitare, qui hoc ipso beneficio, quod penè continuis ætatibus instauratores excitauit, testatur est, Ecclesiam sibi magnæ curæ esse. Sed uenio ad secundum membrum institutæ partitionis.

II.

Imperia.

Cum alia multa, tum uerò etiam constitutio & series Imperiorum, testatur hunc mundum Dei consilio ac prouidentia regi, Et, res loquitur in heroicis Ducibus, ut in Cyro, Alexandro, Scipione, Augusto, impetus supra communem hominum naturam flagrare, & accedere fœlicitatem singularem. Hanc Virtutis et Fortunæ excellentiam, sani omnes mirantur, & suspiciunt illos summos uiros, qui aliàs alibi uel

Herodotus
impetus.

con-

constituerūt uel defenderunt, uel instaurarūt imperia.

Et si autem his antecellunt nostri duces, qui Ecclesiam gubernarunt: tamen eorum uirtus non perinde conspicitur ab ignavis rerum diuinarum. Magni facis sapientiam Solonis, Augusti, & simulum, quorum leges, magna imperia, multas gentes cōplexæ sunt. Prædicam Scipionem, cuius fortitudine & foelicitate, Roma difficillimis tempestatibus defensa est. Sunt hæc magna, Sed maius est munus Abrahæ, Eliæ, Esaiæ, Baptiste, Pauli, & similiū, uidelicet, de filio Dei & eius beneficijs concionari, & certis testimonijs patet facere arcanam uoluntatem Dei, de rebus æternis. Ad hoc munus præcipuum, delegit Deus suos Prophetas, & Apostolos, In hanc stationem uocauit & Paulum. Id eius proprium munus intelligere, & ab imperijs discernere discamus.

Prophetæ &
Apostoli.

Multi ignari Ecclesiæ, longè antefecerunt his miseris erroneis Apostolis, Cyrum, Alexandrum, Augustum, & similes. Multi putant artem uulgarem Apostolos circumtulisse, præcepta de moribus, et comparant eos cū Phocylide, Theognide, Hesiodo, aut certe cū Philosophis, ut Epicteto, et alijs. Hæc inrudita somnia abiicienda sunt, et discernendus est Euangelij Doctor, à Ducibus, et legulatoribus, & Philosophis.

Excellentius
hoc genus doctrinæ
quàm
ornatus philosophorum.

Aliud genus doctrinæ commendatum est Prophetis & Apostolis. Et quanquam eadem uox, eademque sententia est Prophetarum & Apostolorū omnium, de Christo, & eius beneficijs, tamen explicatio Paulina

lina

lina illustrior est. Vt igitur in alijs negocijs, aliorum uirtus magis enituit: Elias deleuit idolum Baal in Israël. Esaias depulit Assyrios ab urbe Hierosolyma. Ieremias prorsus nouo modo contra uetera exempla gentem seruauit, suadens deditiōem & triste ac erumnosum exilium: Ita & Pauli proprium quoddam est decus.

Doctrina
Pauli.

Non modò latius sparsit Euangeliū quàm ceteri, sed etiam futuræ Ecclesiæ, ad finem usq; monumenta talia condidit, quæ illustrius discernunt Euangelium à Lege, & politica sapientia, quàm literæ reliquorum Prophetarum & Apostolorum. Id beneficium si qui leue esse ducunt, hi uel inscitiam suam, uel impietatem confitentur. Nam multum omninò refert ueras metas & uera discrimina harum doctrinarum intelligere, legis diuinæ, Philosophie, & Euangelij. Hæc Paulus, tanquam in iudicio finium regendorum, conspicuis limitibus distinxit, & cuiusque generis usum monstrauit.

Ethnicorum.

Hoc discrimen confundere, tristius est, quàm solem è mundo tollere. Sequuntur enim horrendæ tenebræ, obliuio Christi, interitus Ecclesiæ. Quid enim interest inter Ethnicos & Ecclesiam, amissa hac luce, qua statuit Ecclesia, se certò placere Deo, se respici, exaudiri, seruari, propter filium mediatorem. Retinuerant Græci & aliæ multæ gentes, doctrinam de honestis moribus, de disciplina. Quàm multi sapientia & uirtute præstantes, apud Ethnicos, norant esse Deum,

unam

nam quandam eternam mentē, conditricem rerum:
 Vi Plato & eruditē & rectē describit Deū, inquit,
 eternam mentem esse, causam boni in natura. Quid
 Esaias aut Paulus dicere aptius poterant? Quid igitur
 interfuit inter nostros & Ethnicos? inter Platonem
 & Paulum? Euangelium facit discrimē. Et si no-
 rat Plato, esse Deū, esse mentē eternā, causam boni in
 natura: tamen dubitabat se respici, agnoscebat se uitia
 quedam habere, digna poena. Fugiebat igitur Deum,
 non uerē inuocabat, & dubitatio magnam ruinam
 trahit, ut nominat Paulus, peccata quae per legem
 existunt.

Plato.

Contra Paulus agnoscit quidem se habere uitia Paulus:
 digna poena, sed uidet missum esse filium Dei, ut sit ui-
 ctima pro genere humano. Scit certō Deum præcipe-
 re, ut propter hunc statuamus nos recipi in gratiam,
 exaudiri, & seruari. Scit nusquam esse Dei Ecclesiam,
 nisi ubi hæc de filio doctrina lucet. Scit iam se non es-
 se sine Deo, sed inuocat hac fide Deum, et ab eo guber-
 nationem, defensionem & salutem expetit, et expe-
 ctat: Hæc cum ex promissione data primis parentibus
 intelligerent pii, gentes oblitæ promissionis, hanc lu-
 cem amiserunt, quam quidem rursus accendit Deus,
 cum per Apostolos spargi Euangelium istas gentes
 uoluit.

Et ut Paulus clarius testari posset, recipi nos pro-
 pter filium Dei in gratiam, non propter nostras uir-
 tutes, tunc uocatus est, cum acerrimus hostis esset
 Christi,

Nulla meritis
 suo Paulus uo-
 carus est.

Christi, ac iudicaret Euangelium non modò facem esse seditionum, & distractionum Ecclesie Dei, sed etiam cõtumeliosum esse aduersus Deum, arderetq; odio Euangelij non mediocri, etiam aspersus Sanctorũ sanguine, & cruoris sitiens, tristiore carnificinam moliretur. Hæc omni contentione animi agentem Christus uocat. Ac testatur Paulus ipse, commonefieri uniuersam Ecclesiam exẽplo sue uocationis, ut sciamus certò, non propter legem, sed propter filium Dei gratis nobis Deus ignoscere.

In hunc igitur locum incumbit: Docet quomodo Deus inuocandus sit, fiducia mediatoris, docet inchoandam esse obedientiam, & quomodo placeat, monstrat certam & firmam consolationem pijs, quæ est inchoatio uitæ æternæ. Traduntur eadem in Prophetis, et cæterorum Apostolorum scriptis. Vna est enim perpetua uera Ecclesie uox, de beneficijs filij Dei. Sed multum lucis addit Pauli disputatio, qui uerè interpretis est Prophetarum.

Vna Ecclesie
uox perpetua.

Circus huma-
na mens.

Sed ô deplorandam caliginem humanarum mentium. Etsi hæc tantæ res satis perspicuè in Paulo expositæ sunt, tamen & sunt & fuerunt homines alioqui non indocti, qui cum uiderent non quadrare tot peritijs in Paulo ad rationis humanæ iudicium, de iustitia & de lege, discesserunt à Pauli uerbis, et confectis quibusdam corruptelis, transformant Paulum in humanas & Philosophicas opiniones.

Atqui oportuit nos auditores ac discipulos esse.

NON

non Criticos seu censores sapiētia cœlestis, quæ si nihil à Philosophia differret, qui opus esset uoce Euangelij, quod filius Dei ex sinu æterni Patris protulit? Si existimamus Apostolos quod senserunt & uoluisse & potuisse eloqui, profecto conuenit ex ipsorum oratione dextrè collatis membris sumere sententiam, & ut dicit Basilius, *ποτὶ σπάρτορ τὸν λίθον ἐφαρμόζειν*, accommodare Lapidem ad Regulam, non Regulam ad humanas opiniones inflectere. Regula Basilii

Agamus autem Deo gratias, quòd in Ecclesijs nostris rursus simplex & germana sententia lucet, ad quam retinendā, duabus rebus, adolescentes, opus est, uera animi pietate, & acerrimo studio omnium bonarum disciplinarum. Quod Paulus præcipit Timotheo, ut depositum, uidelicet, Euangelium ipsius fidei commendatum, custodiat & tueatur: Idem uobis seuerissimè præcipi statuite, quos ad societatem eiusdem muneris uocauit, quod Christus, Propheta, & Apostoli administrarunt.

Ac sæpe mihi cogitanti de hac Academia, quam meritò amamus, tanquam fidam nutricem, alentem nos & cœlesti doctrina, & omnibus alijs honestis artibus, in mentem uenit eius nauis, in qua Paulus uehitur ex Iudæa ad Meliten usque, quæ etsi inter scopulas ita iactata, ac seuitia tempestatum ac fluctibus cōcussa erat, ut laceratis ac fatiscentibus tabulis uiderentur iam mersura nauigantes, integra tamen in portū peruenit, quia Paulum uehebat. Ita & Academiam spero

Vuireberga
hit Paulum
per mare.

spero mansuram esse, donec Paulum uehet, hoc est, rectè & fideliter enarrabit. Huius enim doctrina lumen est, ut supra dixi, Propheticarum & Apostolicarum concionum.

Moueor equidem temporum periculis: et impendere mutationes Regnorum, quæ sunt fatales poenæ scelerum humanorum, nihil dubium est: Sed tamen seruabit Deus Ecclesiam suam, & defendet aliqua piorum studiorum domicilia. Quare tantisper dum hæc Schola Doctorem Paulum audiet, & hæc studia mediocri diligentia regendorum morum ornabit, hanc sedem & hos coetus Deus, ut spero, proteget. Sed redeo ad Encomium.

Capita Pauli
næ doctrinæ.

Prodest inprimis Ecclesiæ, collatio ut dixi Legis & Euangelij, quæ in Pauli scriptis copiosius & illustrius, quàm alibi explicata est. Possum & alias quasdam materias addere, quæ ab ipso plenius tractantur, Discrimen iustitiæ spiritus, ac politice, & discrimen Ecclesiæ & imperiorum. Damnat item perspicuè ἡθελοβρησκέας: ut sciamus quibus officiis iudicet se Deus honore affici. Munus & pacem ciuilem, ornât amplissima laude totam politicum ordinem, magistratus, leges honestas, iudicia, contractus, militiam, coniugium, æconomiam.

De his rebus sententias huius Doctoris longè antefero Platonis, & Aristotelis politick, etsi hæc quoque sapienter scripta sunt. Sed addit Paulus salutarem doctrinam, restatur hæc nunc officia à Deo ordinata

ordinata esse, ideoq; sic inter se deuinctos esse homines procreatione, educatione, gubernatione, contrariis, ut in his bonis rebus ostendamus alijs nostram de Deo sententiam, exerceamus inuocationem, et mutuam beneuolentiam. Docet item hōs labores Deo uerè placere, et grata munera et sacrificia esse.

Hæ Pauli sententiæ, haud dubiè multos graues uiros, qui sentiunt, quantum onus sit gubernatio, retinent in sua statione. Certè in meo animo, amorem et reuerentiam legum et ciuiliū officiorum ualdè augent. Ac scitis his proximis annis, præcipuè Pauli testimonijs in hoc genere, refutatos esse fanaticos homines multos, qui pleraq; officia politici ordinis suuèter damnabant, ut olim fimiles Marcionis et Manichæorum furores ijsdem de rebus, præcipuè suffragijs Pauli oppressi sunt.

Pauli testimonijs multos esse refutatos.

Hūc accedit, quod in præceptis politicis, quadam non uulgari prudentia monet gubernatorem non hebetè aut rudem, de rebus non leuibus, sed de neruis boni status, et de fontibus maximarum mutationum.

Vfitatum est, peccare gubernatores ignauia, et multi sapiētes et acres peccant πολυπραγμοσύνη. Sepe igitur monet hunc morbum cauendum esse: Et quia ex ambitione oritur, eruditissimè opponit cōtrariam ambitionem, iubet nos hanc gloriam expetere, uidelicet studium manendi intra septa et metas nostri muneris, seu ut dicitur, ut suam quisque Spartam ornet.

Sed popularia ingenia magis gloriosam esse du-

H cunt

cunt πολυπραγμοσύνην, passim se ingerentem, multos laxessentem, tranquilla consilia turbantem, denique negotia undique attrahentem, ut Cæcitas nubes ad sese attrahere dicitur.

Cleon
πολυπράγμων.

Tales fuisse multos in historijs legimus, ut Cleonem, quem dicebant alterum pedem in Castris, alterum in curia habere. Quam multi nunc sunt, qui alterum pedem in curia, alterum in ara collocant? hoc est, qui suis tantum consilijs Respub. regi, & prorsus ad sua iudicia doctrinam attemperari in templis uolunt. Sæpe hoc malum Ecclesiæ nocuit. Sed omitto exempla præceptorum. Nam lector non rudis uitæ communis, si expendit Paulinas admonitiones, animaduertet, cum multa significare, quæ sapienti & sagaci gubernatori providenda sunt.

Paulus fuit
litteratus.

Iam & hoc obseruet iuuentus, Paulum literis & doctrina excultum fuisse, quod lumina uerborum, & ordo rerum in disputatione ostendunt. Utitur enim multis insignibus uerbis, quorum pondera sine liberali eruditione non intelliguntur. Nihil potuit dicere tristius, nihil atrocius, ad significandam acerbitatem odij, quo ardent hypocritæ aduersus Euangelium, quam cum ait, Apostolos dici ναθέματα & περιψήματα. Hæc uerba sic cognitione ueterum historiarum intelligi non possunt.

Sæpe utitur uerbo συμβιβάζειν, cum de mutua dilectione concionatur. Sed historie uim uerbideclarat. Videt Paulus multos de industria hoc agere, ut distra-

hant

hant uolūtates hominum. Monet igitur, ut consilia in actionibus dirigamus ad consociandas uoluntates, & fouendam mutuam beneuolentiam, quod fieri non potest, nisi quadam moderatione, & Philosophia regamus impetus animorum. Ita uocant *συμβουλὰς* cōsilia historiæ, quæ ad hunc finem, quem dixi, directæ sunt. Hanc diligentiam ut nobis commendet, insigni uerbo historicorum usus est.

Iubet Doctores rectè secare doctrinam: Bella metaphora est, à sacrificijs sumpta, in quibus ars erat partiri membra, quorum alia cremabantur, alia erant attributa sacerdotibus. Et hæc imago multa significat.

Possẽm plurima exempla recitare, si tempus pateretur, quæ ostendunt, Paulo nec eruditionem, nec diligentiam defuisse, et ad intelligenda eius uerba eruditione opus esse. Quod eo dico, ut et ipsum legant scholastici attentius, et ut rectius adsequantur, adiungant liberalium artium doctrinam.

Dixi de genere doctrinæ, quod Paulus maxime illustrauit, ac de alijs quibusdam doctrinæ locis. Nam in Apostolo Præcipuè considerandum est genus doctrinæ. Adderẽ etiam quedam de eius uirtutibus: Sed harum quantum decus sit, non ita multò post uidebimus, cum eius consuetudine fruemur, cum res eius gestas à Christo prædicari audiemus, & multa eius auditores sciscitari poterimus: nulla enim oratio, par magnitudini harum uirtutum, excogitari potest.

Sed tamen exempla non negligenda sunt. Et si

H ij

grad 15

Paulus nostrum
exemplum.

gradus uirtutum non imitamur, tamen initia cōmunia esse omnium debent. Confirmetur fides nostra, cū ait, se grassantem hostiliter, ideo uocatum esse, ut discamus Deum uerè propter Christum nobis ignoscere, modò ut confugiamus ad ipsum. Expectemus auxilium & defensionem, cum in eodem munere uersamur, in quo ipse uersabatur.

Postremo pro nostra mediocritate caueamus, ne malis moribus excutiamus cœlestia bona, neue dolore afficiamus Spiritum sanctum. Vt pictor, ut Architectus habent ideam, & exempla operum suorum, in quæ semper intuentur: Ita hæc uiuendi ars postulat, ut aliquos laudatos uiros mente intueamur, quos aliquo modo sequi, & imitari studeamus. Vt Cicero Lælium sibi proponebat, alij alios: ita nos in Ecclesia Paulum, Ieremiam, & similes intueamur, horum exemplis fidem confirmemus, excitemus inuocationem, imitemur eorum tolerantiam, lenitatem, & diligentiam in omni officio.

Hactenus de Paulo, quantum & ingenij mei tenuitas, & temporis angustia concessit, dixi.

Reliqua est pars institutæ orationis tertia.

III.
Pro Ecclesiæ
conseruatione
orandum.

Pie mentis est sæpe multumq; cogitare, quomodo Ecclesia condita sit, quem habeat Ducem, quos hostes, unde sit hæc infirmitas generis humani, unde horribilis cōfusio uitæ, tot gentium atq; imperiorum euerisiones, & qui portus Ecclesiæ sit inter tanta pericula. Cumq; humana diligentia seruari Ecclesia non possit,

possit, oremus Deum ueris animorum motibus, ut sua immensa bonitate propter filium seruet Ecclesie reliquias, & det eis tranquilla hospitia in aliquibus imperijs, defendat & iuuet studia, quibus ipse uerè celebratur, nec sinat extingui noticiam Euangelij sui inter homines, nec sinat totum genus humanum ruere in æternum exitium.

Quis est tam ferreo pectore, aut tanta natura immanitate, ut cogitans, quanta hominum multitudo manifesto furore contemnat Deum, & sibi æternum exitium accersat, non deploret humanam miseriam? Ergo ne tota natura hominū prorsus pereat, excerpti reliquias, ac seruari oremus.

Deinde de sese quisq; cogitet, exēpla uideat omnium ætatum, et consideret, quorum cursus salutaris generi humano fuerit, & horū sequatur uestigia. Contra uerò caueat, ne abiiciatur inter pestes generis humani, quales multi fuerunt, ut Cain, Pharaō, Iudas, Marcion, Manichæus, & alij.

Exempla omnium ætatum consideranda.

Quod in scena dictum est: Vitam regit fortuna, non sapientia, explodatur ex Ecclesia. Regi uitam sapientia, non humana, sed diuina sciamus, quæ duas res complectitur. Iubet te Dei mandatis parere, & ab ipso gubernationem petere. Vt Psalmus inquit: Subditus esto Deo, et spera ab ipso auxilium: hanc sapientiam, si ducem sequemur, erunt *πολλήνυματα*.

Quam longus est catalogus eorum, qui freti sua sapientia, neglecto Deo, & se, & Respub. euerterunt.

Humana sapientia euerit omnia.

H iij

Non

Non dicam de ueteribus, de Pharaone, de Achab, de Zedechia, de Alcibiade, & similibus. Nostra tempora uidete, meministis exordia tumultus Monasteriensis, cum homines fanatici audacter falsas opiniones sererent, & paulatim furor cresceret, ut amentia contemptum Dei sequi solet, exitus quàm tragici & horrendi fuerunt?

Nec tātum hoc deplorandum est, quòd tot homines miseri uel fame, uel ferro, uel alijs cladibus perierunt: sed multò tristius est, quòd Deus contumelia adfectus est, quòd multos error in æternum exitiū precipitauit, quòd Diabolus triumphum egit, tot miseris à Deo auulsis. Hec spectacula intueamur animis, ut queramus sapientiam, quæ mentes ita regat, ne in tales casus cæci precipitemur.

**Politia
Ieremias.**

Econtra conferte Ieremias politiam, quæ in speciem misera est, cum sit salutaris populo, & uerè gloriosa, annos amplius quadraginta concionatur de excidio ciuitatis, de dissipatione gētis, et reditu reliquiarum, toties abijcitur in carcerem, sepe rapitur ad supplicia, tandem interficitur, uel à suis, uel à superbissimo rege Apbrice, cui etiam uaticinatus erat exitium. At hic quanquam exercetur magnis calamitatibus: tamen seruator est sue Reip. Nam huius consilio flos Ecclesie leconias, et aliquot milia ciuium deductionem fecerūt. Hæ reliquie fuerunt seminaria, quæ instruxerunt postea Remp. Nunc cogites animo, quorum similitudo magis optanda sit, Sennedise, Efaie, Ieremias

Jeremie, Pauli: an uerò Alcibiadis, Caiphe, Iudæ, Mar-
cionis, Rullij Monasteriensis.

Hæc si sæpe considerarent iuuenes, profecto essent
modestiores, et cum doctrinam salutarem auidius ex-
peterent, tum uerò etiam à Deo gubernationem po-
stularèt. Vt oras seruari Ecclesiæ reliquias, ita petito,
ut te deilgat inter organa utilia generi humano, nec
te abijciat inter ἀλέσποας, & ut Paulus uocat inter
uasa iræ, Non enim uult deesse Ecclesiæ sua Deus, sed
petentibus, toties clarissimè adfirmat se opitulaturum
esse, & iureiurando confirmat suas promissiones. Cur
ad eum non accurrimus, qui etiam iureiurando nos
inuitat? Sit mediocris diligentia in regendis moribus,
& in studijs, & accèdatur animus ad inuocationem.
Hæc profecto non erunt inania. Sic enim Paulus ad-
firmat, Deus est, qui & ut uelitis efficit, & dat suc-
cessus.

Quomodo pro
reliquiis Eccle-
siæ orandum.

Sciant pij, se à Deo excitatos esse, ut salutaria di-
scant, ut ad Ecclesiæ gubernationem præparentur. Hi
conatus nō erunt irriti, modò ut cursum tuum urgeas,
nec abijcias inchoata studia. Alij uoluptatibus langue-
sunt, alij desperatione præmiorū, alij alijs periculis
deterrentur: ut est magna humane nature infirmitas,
ne doctrina se instruant, qua opus est Reipub. ne uē
partem publici laboris expetant. Multos etiam tem-
porum miseriæ iam frangunt, cum Turcica castra
sunt in conspectu. Quis erit, inquiunt, literarū aut do-
ctrinæ usus, si hæc omnia uastabuntur armis Turcicis?

Quid plerof-
que a studijs
deterreat.

H iij Cohor.

Cohorresco audiens, aut cogitans hæc *Ἀόσφρημα*. Sed optimi adolescentes, ingentibus animis repugnemus, cum cæteris difficultatibus, tum etiam his terroribus. Eò magis colantur studia, quò maius impendet periculum, ut qui erunt superstites, possessionem artium, quæ uitæ utiles sunt, retineant. Etiam si fatales poenæ oppriment mundum, propter Epicureos furores, idola, libidines, & alia flagitia; tamen certò scimus, mansuram esse Ecclesiam Dei, & quidem in hac ultima mundi senectâ futuram angustam, & seruitute oppressam, sed mansuram tamen.

Nervos igitur atq; ornamenta noster ordo retineat: qua in re hac etiam consolatione uos erigite, quòd etsi latè grassatur rabies Turcica, tamen quintam Monarchiam non constituet: non omnes in Europa gentes hæc barbaries opprimet. Sed nihil de imperijs dicam, Deo ~~pauca~~ Germaniam nostram cōmendo, cui in hac calamitate iam proh dolor nimis uerè congruit Almanie nomen. Nam Almāna Ebreis uidua est.

Verùm renoco me, de Ecclesia cogitemus, hanc, etiam si qua erit imperiorum perturbatio, mansuram esse sciamus. Huic seruiat nostra militia, propter hanc retineamus doctrinæ possessionem, ut fecerunt in exilio Chaldaico Daniel, Haggæus, Zacharias, & multi similes uiri docti. Etsi certâ sedes Ecclesiæ non est in imperijs, tamen hoc promittere pijs Principibus possum, transper, dum in hac cymba, id est, in Ecclesia erunt, imperis eorū mansura esse. Sed qui hanc cym-

bam

Ecclesia perpetuo mansura est.

bam excutient, qui uastitatem in Ecclesijs sua negligentia facient, ut faciunt plerique, qui studia literarum extingui sinent, hi audiant has minas. Ecce oculi Dei super regnum peccans, & delebit illud. Addit autem Propheta eandem consolationem, quam toties iam recensui, sed Iacob inquit, non delebo, etsi ut triticum in cribro concutiam, ac purgabo. O miras descriptiones & imagines Ecclesiae, praesertim nostri temporis, quae haud dubie propositae sunt, ad praeemonendos & confirmandos pios, in his ipsis periculis, quae iam ob oculos uersantur. Non est ignauum agmen Ecclesia, sed intelligit sibi in hac uita arumnas omnis generis propositas esse, & tamen interim doctrinae possessionem tuendam esse, nec abijciendam, propter regnorum excidia.

Quare animos uestros confirmate diuinis praemonitionibus, incumbite in studia salutis uiae, & militiam hanc non solum gratam esse Deo statuite, sed etiam ab eo adiuuari. Hac spe si petetis auxilium, certum est, non fore irritos labores uestros, sed salutares uobis, & alijs, quo quid potest homini melius aut gloriosius contingere? Hae eo cogitandae sunt, quia certe hominis est, ad quas metas uita dirigenda sit, & quomodo in tantis fructibus regenda, mediocri quadam diligentia prospicere.

DIXI.

H V

RESPON.

RESPONSIO PHILIPPI MELAN-
thonis ad scriptum quorundam, delecto-
rum à Clero Secundario Colo-
nie Agrippinae.

Liber Coloni-
ensis aduersus
Bucerum.



ON dubito & inter ciues Colonie Agrippinae, & in Academia, imò & in Clero, ut uocant, multos prudentes & graues uiros esse, qui uel scurrilitatem sermonis in libro nuper istic aduersus Bucerum edito, detestentur, uel etiam res desiderent meliores. Ac profectò decuit eos, qui ad tantam causam agendam à duobus præcipuis ordinibus delecti fuerunt, non tam suæ petulantiae morem gerere, quàm seruire, & causæ grauitate & ordinum dignitate præsertim cum & sciant principem honestissima cura adfici, rectè constituendarum Ecclesiarum, & Bucerum meminerint offerre se ad explorationem *νὰ ἀνομιαν*, iuxta Ecclesiasticam consuetudinem. Quid opus erat petulantia, cum moderatione certare, & insuper addere spurciciæ sermonis, excerptis ex Plauti comœdijs oscænis uerbis? Quorsum attinebat tantū conuiciorum, quantum non una nauis uehat, ut ille fortis uir apud Homerum inquit: dicere aduersus Doctrinam ueram, aduersus tot Ecclesias Dei, quæ certè Deum fiducia filij Dei inuocant, aduersus Respublicas, quæ præbent hospitium Ecclesijs. Hæc *παρεργα* displicere multis grauibus

uiris

uiris, non dubium est: Quare cum decreuissem, pauca, commonefaciendi lectoris causa, respondere, initio praefandum esse duxi, me tantum litigare cum auctoribus illius insulsi, & maledici scripti, nec uelle quidquam detractum de urbis celeberrimae splendori, de dignitate Academiae, & uirorum bonorum in clero. Nam, ut de urbe & de collegijs Ecclesiarum nihil dicam, certè Academiæ omnes propter doctrinarum uarietatem ueneror, & Coloniensem peculiariter colui, quòd ingenij mei culturam, quantulacunque est, ipsi aliqua ex parte debeo. Audiui enim adolescens, duos uiros præclarè eruditos, Georgium Simler, & Cunradum Heluetium, alumnos Academiae Coloniensis, quorum alter Latinos & Græcos Poetas mihi primùm interpretatus est, deduxit etiam ad Philosophiam puriorem, sæpè conferens Aristotelicam lectionem, quæ tunc erat in manibus, ad Græcos fontes: Alter Cunradus, Doctissimi & Honestissimi uiri Doctoris Casarij auditor, primùm nobis Heidelbergæ Elementa doctrinæ, de motibus Cælestibus, tradidit: Quam ob causam, & Doctori casario peculiarem gratiam & uenerationem, tanquam præceptori debere me profiteor. Postea cum multis eius Academiae alumniis fœdera amicitiae sancta, & perpetua fuerunt cum Buschio, cum Petro Mosellano, cum Metzlero. Sed longum esset omnes enumerare. Magnoperè igitur bonos omnes in Academia oro, primùm, ne me existimèt cū Academia rixari, deinde, ut ueniam

Præceptores
Melanthonius

Amici.

Atticus cuius
patiens.

I.
Criminatio
auctoris.

Vitiosi cultus
taxandi &
idola.

ut ueniam mihi dent, quòd non, ut multorum iniuri-
as, ita & hæc conuitia paucorum dissimulo. Dicam
uerè quod res est: Facile erat contemnere cætera, me-
mini illud Attici ciuis, qui, cum ei in foro & populi
concione quispiam diu conuicia multa dixisset, & di-
scedentem omnibus probris onerasset, prorsus nihil
respondit, sed tandem abiens, quia iam tenebræ noctis
intendebantur, iussit ministrum suum ad illam tran-
sire, eiq; cum face præire domum redituro. Sed au-
tor libri, quisquis est, in peroratione ait, nostros dice-
re blasphemias aduersus spiritum sanctum. Hanc tam
diram criminationem præterire impietas esset. Multa
Eccius, Pygius, & alij multi rabiose scripserunt: sed
nescio an quisquam hac uerborum atrocitate uti au-
sus sit. Respondeo igitur, nos uerè & ex animo cupe-
re illustrare gloriam Dei, & filij eius Domini nostri
Iesu Christi, & spiritus sancti doctrinam uerè & pu-
rè sonare, & Ecclesiæ saluti consulere, ut uerè inuo-
cet æternum Deum patrè liberatoris nostri Iesu Chri-
sti, fiducia Mediatoris, & petat regi omnes inuocan-
tes Spiritu sancto. Vt igitur mandato diuino obtem-
peremus, & hanc inuocationem in Ecclesia purè so-
nemus, necesse est idola et uitiosos cultus taxari. Et
non dubitamus, Deo & ueræ Ecclesiæ nostrorum stu-
dium probari. Regulam etiam sequimur certam do-
ctrinæ, scripta Prophetarum et Apostolorum Sym-
bola, Apostolicum, Nicenum & Athanasij sententias
Synodorum ueterum, quæ probatur Nicenæ, Byzan-
tine,

inæ, Ephesinæ, Chalcedonensis, & similia purioris Ecclesiæ uetustæ testimonia. Nec dubitamus hoc genus doctrinæ, quod profitentur Ecclesiæ nostræ, uerè esse consensum Ecclesiæ Catholicæ Christi, quem & tuemur, &, Deo iuuante, semper fideliter tuebimur, aduersus omnis generis furores, Epicureos, Iudaicos, Ethnicos, Mahometicos, hæreticos, et quicumq; idola defendunt. Nec ignoramus, ueræ Ecclesiæ hæc certamina subeunda esse, etiamsi has rixas, humana iudicia ualde uituperant. Sentimus enim Euangelium non esse commenticiū, sed ueram Dei æterni uocem. Dissentimus ab Epicureis, qui putant cōfictas esse omnes Religiones, ut initio ad pacem & ciuilia officia inuitari palabunda multitudo posset, & semper præsentem fortunam, qualiscunque est, tuendam esse, ne harmonia politici status conturbetur. Respondi, quantum nunc quidem uidebatur, ad conuiciū omnium atrocissimū. Nec mihi quisquam tam est amicus toto orbis terrarum, quem non ducam esse refutandum, si audiam hoc eum conuitio genus doctrinæ, quod sonat in Ecclesijs nostris, damnare. Cohercere sapientes gubernatores hanc tantam petulantiam deberent, ne hæ uoces publicis cladibus luendæ essent. Deinde quæ unquam spes esse concordie poterit, dum conceditur malis ita debacchari in nostros? Ad hanc breuissimam defensionem pauca addam. Magnopere oro lectorem, ut diligenter consideret, quid in utraq; parte reuera agatur, qua de re utrinque pugnetur. Scio multos Epicureos

Tempus ante
lucem Euan-
gelii.

cureos uel ridere, uel detestari utranq; partem: Sed ad horum Scholam, hæ controuersie non sunt referendæ. Boni, qui non contemnunt Euangelium, considerent & Ecclesiam, & quid in utraq; parte agatur. Antequam hæc causa mota est, magna ubiq; fuit caligo. Humanis ceremonijs monasteria, templa, imò familie omnes ita fuerunt impressæ, ut Gerson & alij multi hanc carnificinam conscientiarum deploraauerint. Ethnico more inuocati sunt mortui: ad statuas concursationes factæ sunt: doctrina poenitentiae fuit obruta spinis disputationum inextricabilium, de confessione, de satisfactione, de indulgentijs: Silentium fuit de fide, qua accipienda est remissio peccatorum. Hæc ignoratio fidei etiam inuocatione corruppebat: Nemo recte discernebat legem diuinam, & humanas traditiones. De lege diuina quàm absurde fuerunt opinioniones, cum scripserunt homines, posse legi Dei satisfacere? Coena domini magna ex parte ad mortuos translata est multis seculis, et horribili idolomania contaminata: De uero usu Sacramentorum silentiū fuit. Conciones publicæ multis locis rarissimæ fuerunt, alibi cōsumptæ sunt in fabulis de Georgio, Christophoro, Catharina, et similibus, aut in augēdo questu Monachorū. Iacebat doctrina de uera inuocatione, de fidei exercitijs in quotidiana uita, de dignitate uite politicae. Si quis negat talem fuisse Ecclesiarum statum, non solum testimonijs optimorum uirorum refutari potest, sed etiam libris monachorum, qui adhuc extant.

extant, & perspicuum signum est: nunquam tot se-
 nes & graues uiri in Germania fauissent initijs rena-
 scentis doctrinae purioris, nisi iudicassent Ecclesiae o-
 pus esse emendatione. Fauebant autem omnes, qui
 non erant palam Epicurei. Quosdam mediocres de-
 tuerunt postea exorti tumultus, ut solet Diabolus
 excitare scandala. Hanc nacti occasionem homines
 prophani, & monachi metuentes suo questui, in-
 flammant Principum animos ad exercendam sa-
 uitiā. Nos, qui interim magno cum labore, & ma-
 gno periculo in Ecclesijs & Scholis doctrinam puri-
 orem tradimus, quid agimus? Num opes aut poten-
 tiam querimus? Res ipsa nos purgat: multi enim do-
 cti & boni uiri, qui in ocio cum dignitate uiuere po-
 terant, etiam uitae suae hanc professionem ante tuler-
 unt, quales fuerunt Henricus Sutphanienfis, Ioan-
 nes Croësus Theologiae Doctor, Adolphus, qui Colo-
 nie crematus est, & possem nominare alios mul-
 tos. Nos qui sumus superstites, ut nihil aliud di-
 cam, tranquillius uiuere poteramus, si ab hac causa
 alieni essemus, multis eruditio aditum ad magnas di-
 gnitates patefecisset: Principes nostri etiam sua on-
 eratione leuia sustinent. Sed hoc unum agimus: cupi-
 mus propter gloriam Dei propugnari & conseruari
 doctrinam puram & salutarem Ecclesijs. Sumus eti-
 am hortatores, ut omnia ciuilia officia colantur à
 postis. Studia literarum quadam non uulgari se-
 ueritate tuemur. Sic ubi exoriri falsae opiniones coe-
 perunt,

Religionis pro-
 fessio gloriosa.

Cultus officio-
 rum ciuiliū.

perunt, summa diligentia & fide repressæ sunt, ut testantur scripta nostra, & ipsa Respub. quæ Dei beneficio omnium in Germania maximè trāquilla, et sunt & fuerunt. Et quòd autor scripti Colonienſis nobis obijciat, accipere nos ab Ecclesia ueras sententias, id planè & libenter fateor & prædico. Nulla enim noua dogmata gignimus, sed ueterem & puram Ecclesie doctrinam, quantum Deus concedit, illustrare studemus. Samson inquit. Nisi arassetis mea uitula, non inuenissetis: ita semper clamamus doctricem Ecclesiam inde usq; ab initio sonantem uocem Dei, audiendam esse. Sed cur inquit, cū multa ab Ecclesia sumenda esset fateamini, non sumitis omnia, cur quædam conuellitis? Responsio uera est. Nullum Ecclesie dogma conuellimus, sed recentes errores, qui in Ecclesiam contra Euangelium, & purioris Ecclesie iudicia irrepserunt, taxamus: deniq; ut Colonienſibus uerbis utar, non Ecclesie, sed Cleri Secundarij, hoc est, nothi, & degenerantis, falsas opiniones reprehendimus. Econtra, quid in altera parte agatur, uix suspicari possum. Vt enim in Psalmo dicitur: oderunt me gratis, ita isti emergentem Euangelij lucem sine causa aliqua opprimere student. Sapientes aliqui præsentem politie Ecclesiasticæ formam aiunt fortiter propugnandam esse, semper fuisse prudentum gubernatorum munus, cauere legum mutationes: Sed si uerè uellent iudicare, intelligerent, correctis uitijs non dilacerari, sed muniri potius Ecclesiasticam politiam.

Minus

Correctis uitijs non dilaceratur Ecclesia.

Minus fortassis esset splendoris, aut plus uerorum ornamentorum doctrinae, pietatis, authoritatis. Diminuerit ergo de splendore, luxu, uoluptatibus, non de politia. Suntq; usitata haec in Ecclesia certamina, & diu indicantur diuinitus. Quomodo diremptum sit certamen Apostolorum, & Iudaicorum Pontificum, uidemus. At tunc Pontifices uel maxime gloriari poterant, se politiam à Deo constitutam propugnare. Nunc defendit Clerus Secundarius humanas, uitiosas, & rescentes leges, & labes politiae Ecclesiasticae, quae fuit initio Ecclesiae multò pulchrior, quàm nunc est, cum nondum receptae essent corruptelae Coenae Domini, et alij abusus, sed collegia coetus essent omnium honestissimorum Doctorum, & discipulorū. Semper enim Ecclesijs frequentioribus collegia adiuncta fuerunt. Vt enim Prophetas agmina comitabatur auditorum, ut testes doctrinae Propheticae, & propagatores essent: ita Apostoli, cum constituisent Ecclesias, delecta agmina habebat studioforum, qui eos familiariter audiebant, & se totos inquisitioni doctrinae dedebant, ut ad posteritatem testes essent, de uera sententia Apostolorum, & succederent in munere docendi. Sic Ioannem Polycarpus, & alij multi audierunt. Et fuisse Gotthica tempora tales in Germania Ecclesiae Scholas, multa uetera monumenta ostendunt. Postquam uerò barbaricae gentes Europam peruaserant, uix sero pacata Germania, cum iam uetus doctrina multis superstitionibus obscurata esset, haec

I noua

Qualis initio
politia Eccle-
siastica.

Ecclesiae &
scholae olim in
Germania.

nova forma politiae paulatim constituta est, quae tamen ipsa iam senescens, facta est squalidior, ut sunt omnium politiarum periodi. Et fortassis dirimet Deus hoc certamen de politia, magnis publicis mutationibus. Interim uoce Euāgelij collegit Ecclesiae reliquias, tanquam tabulas ex naufragio, sicut ante Babylonicum exilium colligit reliquias per Ieremiam, ante excidium Ierosolymae per Baptistam, Christum et Apostolos, ante dilacerationem Romani imperij, per Apostolos, & eorum discipulos. Miro enim modo Deus Ecclesiam suam regit, instaurat collapsam, et seruat, puniens interim impiam multitudinem uarijs cladibus, ut ordine ostendit series historiae omnium seculorum. Et hac de re saepe Prophetae cōcionantur. Quamquam igitur sapientibus obstrepunt illa praecepta politica, defendenda praesenti forma, tamē anteferamus uocem aeterni Dei, qui de filio inquit, Hunc audite, Item mandatū immutabile, Fugite idola. Respondi de cōuijs: nunc de disputatione pauca adijciam, nō ut hic instituam integram harum controuersiarum explicationem, sed tantum, ut de prestigijs scripti rudem lectorē commonefaciam. Nam, si qui studio ueritatis has controuersias cupiunt integras cognoscere, extant scripta, quae uniuersae doctrinae Ecclesiasticae summas continent, & le Tori non calumniose iudicandi satisfacere possunt. Nunc cum ijs rixamur, qui cum agnoscant ueritatem, tamen contra animi sententiam erroribus patrocinantur, & stabiliunt idola. Pugnantes autem

II.

Præfixæ
huius libri.

autem partim ui, partim fraudibus: uis est, cum con- Pugna aduer-
sariorum.
suetudinem, consensum magnæ multitudinis allegant:

Fraudes sunt, quædam absurdiora occultare, ac pro-
mere magis speciosa, pingere quosdã abusus nouis co-
loribus, fateri quædam uitia et promittere aliquã cor-
rectionem. Id simulant, ut arte obsistant principijs o-
mnium emendationũ. Nam qualicunq; emendatione
tentata, uideant secuturam esse magnã inclinationẽ.
Ideo metuunt, ut monet Aristoteles, τὸ παρὰ μιν ποῦρ.

Nec uerò integrè disputat liber delectorum de ulla
controuersia. Ideò facilius fuit ludere præstigijs, cum
possum excerpāt ex materijs quædam plausibilia. Plur-
rimæ pagellæ consumũtur in his locis, de confessione,
de satisfactionibus, de inuocatione mortuorũ, de cœ-
na Domini, de coniugio ministrorum Euangelij.

Præcipuè igitur & ego de his respondebo, in qui-
bus cum uideris lector, qua fide, quo candore causam
agent, sciat hos impostores fugiendos esse.

Vtilissimum est Ecclesiæ, extare doctrinam de poe- Responsio ad
capita libri.
nitentia purissimam, & explicatissimam. Norunt au-
tem omnes fuisse in sententiarijs infinitam confusio-
nem, & infinitos labyrinthos, præcipuè in hac mate-
ria. Recenserem, nisi & longum esset, & libri ipsi te-
stimonium dicerent.

Nec alia res initio studia bonorum ad Lutheri do- Doctrina de
pœnitentia.
ctrinã cognoscendã inuitauit, quàm quod requirebāt
puriorẽ doctrinam de pœnitentia. Estq; hic locus,
Dei beneficio, pie & dextrè à nostris explicatus.

Confessiones & satisfactionum leges erant carnis-
cine conscientiarum, & de fiducia gratuita mise-
ricordie prorsus silentium erat. Fuit igitur necessa-
rium & patefacere doctrinam de fide, qua remis-
sio peccatorum accipitur, propter Christum media-
torem gratis, & qua uera inuocatio accenditur. Et
erudiendæ erant mentes, ne falsæ opiniones de enumer-
atione & satisfactionibus excuterent fidem. Et quid
sentiamus, liquet ex nostris scriptis. Ipsi enumeratio-
nem hinc necessariam faciunt, quam haud dubiè, nec
ipsi præstent. Sed est usitatum hypocritis, imponere
alijs onera, ut Christus ait, quæ non attingunt digito.
Postea calumniose deprauant quædam dicta Buceri.
Non esset discrimen, inquiunt, inter Ethnicorum ope-
ra, & Christianorum, si omnia essent uitiosa. Quid o-
pus est his tragœdijs? Diligenter docemus quomodo
placeat obedientia in renatis propter Christum, cum
tamen sit imperfecta, & semper maneant in hac uita
in renatis peccata. Addimus etiam discrimen peccati
mortalis, seu regnantis, propter quod amittitur gra-
tia, & peccati non regnantis seu uenialis, ut uulgò
uocant. Sed prætereo hanc pagellam, quæ tantum in-
anem calumniam continet, quæ uel malitiam, uel in-
scitiam scriptoris prodit. Si intelligit doctrinam de
iustitia, scit nos rectè sentire: Si non intelligit, arrogan-
tia est, quod se censorem facit.

Satisfactiones

De satisfactionibus tragicè uociferatur. Hæc omni-
no tueri conatur, & ait disertis uerbis, satisfactio-
nem

nam expressam esse scripturæ spiritu, ac miscet Cyprianus dicta, & testimonia scripturæ. Cyprianus loquitur deritu sui temporis, quo ante Absolutionem, seu castigabantur, seu explorabantur hi, qui publica delicta admisserant. Si de his ritibus dimicant, sciunt eos iam multis seculis non observatos esse, umbra manet & nomen. Habemus autem satis graues & magnas causas taxandi errores de satisfactionibus, quas definiunt esse opera indebita, & finxerunt per ea compensari poenas purgatorii, etiam si fiant ab ijs, qui non sunt in gratia. Postea ex hoc fonte orta sunt deliramenta de indulgentijs. An has nenas & imposturas iterum uolunt proponi populo, quia tam studiose dimicant de nomine satisfactionis, de qua tamen Beatus nihil contenderat, cum alias res in hoc scripto suggerit?

Sed in hoc consilio delectorum adhibitos esse quosdam uiros sapientes, qui interdum significarunt, se exoptare publicam Concordiam, quæ tamen ueræ domini lucem retineret. Quæ potest autem fieri concordia unquam, dum talibus sycophantis concedunt sine fine licentiam renouandi certamina? Quod uero de spiritu scripturæ disertis uerbis satisfactionem expressam esse. Quam? Scimus tota poenitentia & bonis operibus mereri pios mitigationem poenarum præsentium, ut scriptum est: Conuertimini ad me, & conuertar ad uos, &c. Sed quid hæc ad illos ritus Satisfactionis ueteres, aut ad umbram, quæ adhuc reliqua est?

An arbitratur scriptor, loqui Prophetas de peregrinationibus ad S. Iacobum, aut ad Annæ caput in hac uicina. Agnosce lector candorem scriptoris, cum ad umbram satisfactionum detorquet dicta Prophetica, quæ loquuntur de tota pœnitentia, de ueris cultibus Dei, de ueris operibus debitis, non de illis, de quibus dicitur: Frustra colunt me mandatis hominum.

Mos tempore
Cypriani.

De more, qui fuit Cypriani tempore, aliàs satis diximus. Nihil ea res ad remissionem culpæ, aut poenarum purgatorii pertinebat, nemo adhuc ineptias istas somniauerat. Sed erant aliæ causæ politice eius ritus. Exempli causa, proderat quasi quadam ignominia notare lapsos, desertores fidei, aut adulteros, nam hæc delicta ethnica nō puniebant. Proderat etiam explorare eorum mentes, an seriò resipiscerent. Et tamen superstitione creuit eius ritus acerbitas, & quedam sunt duriora apud ipsum Cyprianum, quàm ut probanda sint, ut quod ait, non ualere absolutionem, si nō accesserit illeritus satisfactionum.

Umbra uetusti
temporis.

Manet adhuc umbra uetusti moris, in recipiendis homicidis, qui mos non primùm post Apostolos natus est. Sed constat et apud Ethnicos signa fuisse reorum, quæ gerebant homicide, ut de Oreste, de Adraſto legimus: Hæc signa tantisper gerebant, donec certoritu erant expiati. Arbitror autem à primis patribus hanc ceremoniam institutam fuisse, ut consuetudine homicidarum cæteris interdiceretur, ac discernens rudiores, & uitare iniustas cædes, & abominant homicidas.

cidat. Sed hæc exempla nec culpæ, nec poenarum remissionem, quas quidem Deus infligit, merentur, imò Deus uult ipsas poenas nobis tanquam signa reatus esse, ut cum Dauid eijcitur regno, & illa tanta gloria non solum regij nominis, sed etiam sapientiæ & uirtutis exiuitur, hic deformatus à Deo, tanquam signis reatus induitur, hic agnoscit irā Dei, agnoscit se reum esse, et uerè clamat: Tibi tantum sum peccator seu reus, ut tu iustificeris in sermonibus tuis, &c. Sic ipsas poenas communes & proprias, quas sustinemus mortis, morbos, & cæteræ ærumnas intelligamus non esse accideret, ut Epicurei somniant, sed testimonia esse ire Dei aduersus peccata, nosq; reos esse agnoscamus, et confugiamus ad filium Dei, qui factus est propitiatio. Sed desino de hoc loco iam dicere, etsi nihil utilius est, quàm in Ecclesia sæpe et grauiter differere de uniuersa poenitentia, idq; sedulo fieri à nostris scio. Sed ille bene saginatus Monachus, qui scripsit librum delectorum, facit, quod solent Hypocritæ, requirit satisfactiones, quas ipse minimè præstat. Non est ociosa & securæ mentis, de magnitudine peccati, de ira Dei, de fide accipiente remissionē concionari. Sed hæc propria et arcana sapientia est Ecclesiæ Dei, nec discitur nisi in uero certamine, uera lucta, et inuocatione Dei. Deinde ad hanc sapientiā pertinet, dextrè discernere politicos mores, et iustitiā spiritus. Erant autē Canonice satisfactiones, de quibus Cyprianus loquitur, mos politicus. At conuersio, de qua Propheta & Apostoli

Monachus bene saginatus.

concionantur, complectitur motus animi, timorē Dei, fidem, dilectionem, obedientiam in cruce, et alios fructus Spiritus, ut Paulus nominat.

Cum autem hæc tota causa sæpe fideliter explicata sit, & existimem pijs, qui nostrorum scripta legunt, abunde satisfactum esse, nihil opus est hîc longiore refutatione. Pauca igitur de inuocatione mortuorum dicam, de qua, ut sæpe aliàs, opponit nobis antiquitatem, ait Theodosium stratū ad sepulchra mortuorum, suas preces dixisse, &c.

Respondet ad
seculari auctori-
tatem ueterum

Primum igitur de seculo & autoritate scriptorum ueterum ita respondeo: una quedam est Ecclesiæ Dei Catholica perpetua & pura doctrina, per Apostolos tradita, quæ habet Testimonia ecclesiæ, etiā sequentiū ætatum. Sed alij alijs puriores scriptores sunt, ut totū doctrinæ corpus, si quis dextrè iudicet, apud Augustinum purius est, quàm apud Origenem. Miscet et singula secula aliquid contagij, ut hominū natura in hac imbecillitate nunquam est sine uitijis. Et natura fauemus patrijs & presentibus moribus, ideo cum semina superstitionum irrepsissent in Ecclesiam, sancti Patres quedam uel non satis considerabant, uel tolerabant, tametsi non probarent. Nota est omnibus Augustini querela de superstitione suæ ætatis, cum ait, seruauit Ecclesiæ iam duriores esse Mosaica. Sed ferebat hîc quedam uitia, occupatus alijs difficilioribus certaminibus. Deinde nondum adeo creuerant abusus illi, de quibus nunc differimus, ut postea barbaricis temporibus

Querela
Augustini,

bus, & cum accessit quæstus, creuerunt. Erat consuetudo facere mentionem mortuorum in publicis precibus. Nondum accesserat opinio, applicandam esse pro eis cœnam Domini: nondum erat res quæstiosa. Fortassis aliqui priuatim mortuos inuocabant. Nondum tamen erant statuae, nondum distributa erant munera inter mortuos, nondum Anna dabat opes, ut Iuno, nondum Georgius iuuabat Equites, ut Castor et Pollux. Deniq; Semina sparsa erant, quæ adhuc erant exigua: sed tamen ueram lucem fidei obscurabāt: Alij igitur alijs seuerius obsistebant. Narrat Epiphanius, sua etate mulieres in Syria statuam Mariæ circumtulisse, & ei liba, & nescio quas res alias obtulisse. Hunc morem inter hæreses recenset, & oppressam esse inquit diligentia & autoritate Episcoporum, quòd imitatio esset Ethnici furoris. Nunc magna pietas ducitur inuocare Mariam, & donaria liberaliter cumulare.

Mortuorum mentio, & semina superstitionum.

Statua Mariæ in Syria.

Quare quum nobis antiqua exempla obijcitis, hoc respondemus, nos fideliter, ut supra dictum est, tueri consensum catholice Ecclesie Christi, et adfirmamus non dissensisse, à probatis scriptoribus veteribus, congruere etiam etatē illam nobiscum existimamus in cæteris nostris sententijs, si dextrè de iudicetur. Etsi enim ipsi scriptores sæpe negligentius loquuntur, & quedam priuata exempla reperiri possunt, quæ nostris ritibus aduersantur, tamen mos Ecclesie publicus serè conuenit nobiscum. Cœna Do-

I V

mini

mini una communis erat, etiamsi fortassis reperiat exemplum, ubi aliquis sua quadam superstitione priuatim tanquam sacrificaturus, consuetudinem publicam mutauit. Ita et mortuos aliqui inuocabant. Paulatim enim hæc superstitiones irrepsērunt.

Argumentum
ab autoritate
Patrum.

Nec ualet argumentum uestrum, Hæc facta sunt ætate Patrū. Retineatur igitur mos præsens: Est enim dissimilis, ut si quis dicat, Pater tolerat filium sæpius onuiuantem, ergo debet ferre et grassatorem et insidiantem alienæ pudicitie. Ita uos exemplis ueterum, quæ adhuc minus mali habent, posterioris ætatis uitia, quæ iam similia sunt Ethnicis, stabilire conanini. Etiamsi Basilius hac uoce compellat Martyres ὡς ἀγαθοὶ νομικοὶ πορτίδων, ἀληθῶς συνέργου, πρεσβυταὶ δυνάστες τῶν τοιῶντα: non tamen retinendus est mos huius ætatis, cum omnia plena sunt statuari, et ad eas alligatur uel Dei, uel mortuorum inuocatio, et ut olim à Neptuno prospera nauigatio, à Cerere fruges petebantur, ita nunc uarij opitulatores inuocantur. Quare cum uetustum morem constet dissimilem esse posterioribus seculis, omittite illa priuata et pauca exempla, ac ad normā, uidelicet ad scripta Prophetica et Apostolica redite. Lapis inquit Basilius, ad normam accommodandus est, non norma ad lapidem inflectenda. Exempla legibus congruant, ut uulgò dici solet.

Regula Basilii

Hec de scriptorum ueterum ætate hoc loco dicta, uolo etiam ualere in reliquis. Non enim prorsus sine uitio

nitio etas illa fuit , & tamen nec Hieronymus facit mentionem inuocationis , litigans cum Vigilantio de bonaribus mortuorum , nec quid fecerit Theodosius dare dicitur, sed ut fuerit mos dicere: ora pro me Paulle, tamen semina errorum, ut in herbis fuerunt , et his seminibus non est recentium temporum furor confirmandus.

Sed clamatis, aliquid populi infirmitati, et publice tranquillitati condonandum esse: quantulum mali est dicitis, etiamsi pro errore uulgi inuocat mortuos, petit opem ad certas statuas . Semper uulgi aliquid habet ineptiarum. Huic orationi sapientum hoc opponimus, una res est omnium maxima inuocatio Dei, que proprie discernit Ecclesiam Dei à ceteris gentibus: Multi & sunt & fuerunt ignari Dei, qui tamen alijs civilibus uirtutibus omnibus præditi fuerunt, ut Aristides, Scipio, Pomponius Atticus. Sed hæc uirtus defuit, inuocatio Dei. De hac Ecclesiam doceri necessesse est. Hæc est arx piorum, ut dicitur in Salamone, Arx firmissima, nomen Domini. Et quanquam adeo facilis res, & nota ac exposita omnibus inuocatio esse putatur, ut uos magni doctores de ea raro concionemini, tamen facilius corrumpitur, facilius excutitur. Norunt omnes homines naturali iudicio, esse Deum mentem æternam, causam boni in natura, ut Plato definit, Ideo omnes quoquo modo inuocant. Imò quia illam mentem cogitant non esse solam, uult enim agnosci & conspici, addunt ei familiares aliquos: Hos

Inuocatio Dei
arx piorum.

quosq;

mini una communis erat, etiamsi fortassis reperias exemplum, ubi aliquis sua quadam superstitione priuatim tanquam sacrificaturus, consuetudinem publicam mutauit. Ita et mortuos aliqui inuocabant. Paulatim enim hæc superstitiones irrepperunt.

Argumentum
ab autoritate
Patrum.

Nec ualet argumentum uestrum, Hæc facta sunt ætate Patrū. Retineatur igitur mos præsens: Est enim dissimilis, ut si quis dicat, Pater tolerat filium sepius onuiuantem, ergo debet ferre et grassatorem et insidiantem alienæ pudicitie. Ita uos exemplis uetorum, quæ adhuc minus mali habent, posterioris ætatis uitia, quæ iam similia sunt Ethnicis, stabilire conanini. Etiamsi Basilius hac uoce compellat Martyres ὡς ἀγαθοὶ καὶ σωτοὶ προνοήσαντες, ἀεικλῆως συνέπρασσαν, πρᾶττενται δὲ υἱαὶ τῆς ἀρετῆς: non tamen retinendus est mos huius ætatis, cum omnia plena sunt statuarij, et ad eas alligatur uel Dei, uel mortuorum inuocatio, et ut olim à Neptuno prospera nauigatio, à Cerere fruges petebantur, ita nunc uarij opitulatores inuocantur. Quare cum uetustum morem constet dissimilem esse posterioribus seculis, omittite illa priuata et pauca exempla, ac ad normā, uidelicet ad scripta Prophetica et Apostolica redite. Lapis inquit Basilius, ad normam accommodandus est, non norma ad lapidem inflectenda. Exempla legibus congruant, ut uulgò dici solet,

Regula Basilii

Hæc de scriptorum ueterum ætate hoc loco dicta. uolo etiam ualere in reliquis. Non enim prorsus sine uitio

nitio etas illa fuit, & tamen nec Hieronymus facit mentionem inuocationis, litigans cum Vigilantio de honoribus mortuorum, nec quid fecerit Theodosius clare dicitur, sed ut fuerit mos dicere: ora pro me Paulle, tamen semina errorum, ut in herbis fuerunt, et his seminibus non est recentium temporum furor confirmandus.

Sed clamatis, aliquid populi infirmitati, et publice tranquillitati condonandum esse: quantum mali est dicitis, etiam si pro errore vulgus inuocat mortuos, petit opem ad certas statuas. Semper vulgus aliquid habet ineptiarum. Huic orationi sapientum hoc opponimus, una res est omnium maxima inuocatio Dei, qua proprie discernit Ecclesiam Dei à cæteris gentibus: Multi & sunt & fuerunt ignari Dei, qui tamen alijs ciuilibus uirtutibus omnibus præditi fuerunt, ut Aristides, Scipio, Pomponius Atticus. Sed hæc uirtus defuit, inuocatio Dei. De hac Ecclesiam doceri necessesse est. Hæc est arx piorum, ut dicitur in Salomone, Arx firmissima, nomen Domini. Et quanquam adeo facilis res, & nota ac exposita omnibus inuocatio esse putatur, ut uos magni doctores de ea raro concionemini, tamen facillime corrumpitur, facillime excutitur. Norunt omnes homines naturali iudicio, esse Deum mentem æternam, causam boni in natura, ut Plato definit, Ideo omnes quoquo modo inuocant. Imò quia illam mentem cogitant non esse solam, uult enim agnosci & conspici, addunt ei familiares aliquos: Hos

Inuocatio Dei
arx piorum.

quæq;

quoque inuocant. Hinc turba est Deorum apud Ethnicos, hinc mortuorum inuocatio. Quid hæc habent incommodi inquires? plurimum. Tantum ita uult inuocari Deus, ut se patefecit, uult se unum agnosci conditorem & opitulatorem, & placatus est per filium: Huius fiducia uult inuocari. Ceteræ gentes nec agnoscunt Deum æternum, patrē Domini nostri Iesu Christi, nec certò statuere possunt, respici & accipi suas preces. Ecclesia certa est, & uult Deus nos credere promissioni, quòd propter filium nos exaudiat.

Accurrit populus ad statuas, recitat precationem, non cogitat quid inuocet, Deum ne, an animam mortui? nec cogitat, an Deus sic uelit inuocari, & cur uelit certò preces nostras recipere. Hi furores toties damnati concionibus Prophetarum, confirmantur. à uobis, dum defenditis hunc morem quocumq; prætextu. Nihil ne sceleris esse putatis miscere religiones. Ethnicam & Christianam, obruere ueram Dei inuocationem, polluere Ecclesiam Dei, spoliare hanc ærumnosam hominum naturam uero præsidio? Si sic cogitant homines: Quirine depelle morbum, impietas est, quòd tribuunt creature potentiam Dei. Sin autem cogitat, Deus depelle morbum propter preces Quirini, impietas est, alligare Deum ad hanc statuam, & fingere has preces hic magis recipi. Nec scit mens an uelit Deus sic inuocari. Et consuetudo abducit homines à uero mediatore, & intellectu mediatoris. Conditum sumus & redempti, ut Deum agnoscamus, uerè inuocemus, ac cele-

Scelus miscere
religiones &
inuocationem.

ac celebremus, non ut Philosophi putabant, sua quisque opinione, sed ut ipse Deus uoce sua patefecit. Quare ad hunc Deum inuisibilem, qui se patefecit exhibitio filio, et sua uoce iussit nos hunc filium audire, qui cum suo filio et spiritu sancto condidit uniuersam naturam, directa sit oratio, et sit accensa fides, quæ credat recipi preces propter filium mediatorem, et petet nos Spiritu sancto gubernari et sanctificari. Sic sonant Prophetarum, Apostolorum et Ecclesiæ purioris preces. Quoties inchoas precationem, cogitet mens, te uiuum et omnipotentem Deum, æternum Patrem domini nostri Iesu Christi, conditorem uniuersæ creaturæ, et conseruatorem cum filio tuo domino nostro Iesu Christo, et Spiritu sancto inuoco, miserere mei propter filium tuum Dominum nostrum Iesum Christum, quem pro nobis uictimam fieri uoluisti, et mediatorem ac deprecatorem pro nobis constituisti, mirando et inenarrabili consilio, ut iram tuam ueram aduersus peccata generis humani, et immensam misericordiam erga nos declarares, et sanctifica ac regem Spiritu sancto tuo, collige, rege et serua tibi Ecclesiam, rege politias, da nobis uictum, pacem, bona et felicia consilia negotiorum, &c. Talis aliqua forma sit precum, quæ simul discernat inuocationem nostram ab Ethnica, Iudaica, Mahometica, et excitet fidem, quæ statuat recipi preces propter filium, et placere Deo talem cultum. Harum maximarum rerum doctrinam Ecclesiæ necessariam delent, et extinguunt illa

Preces purioris Ecclesiæ.

**Pallium D.
Annæ.**

illæ Ethnicæ opiniones de inuocatione mortuorum, quas uos alitis & confirmatis. Quod idolum hæcenus tollitis? Adhuc pecuniam colligi audio ad pallium Annæ faciendū, in quo, ut in pallio Minerue Attice, intexeris fortassis Gigātomachiam uestrā, qua bellum cælo infertis. Hæc recensui, ut quanta de re agatur, et quid, quo candore agatis, lector consideret.

**Cur mortui
innocandi.**

Allegant causum in pagina E iij. cur mortui innocādi sint, quia, inquiunt, multa requiruntur ad dignā & sanctam orationem, ut habet Cyprianus, quæ citius in sanctis à corpore absolutis, quàm in uiuis est reperire: Expende lector quale sit hoc dictum. Et si orātem oportet adferre ad Deum conuersionem, tamen fiducia petitionis, non debet niti propria dignitate, sed Mediatore Christo, sicut ipse inquit: Quicquid petieritis in nomine meo, dabit uobis. Iubet in nomine suo peti, hoc est, nominato ipso, rogato patre propter filium, et hac fiducia, quòd propter eum uelit nos recipere, exaudire, iuuare, ut Paulus inquit: Per hunc habemus accessum ad Deum. Item: Talem habentes Pontificem accedamus ad Deum. Si suam dignitatem metietur Dauid, quando inuocabit? imò sic accedendum est ad Deum, cum conuersione, et confessione indignitatis, ut ait Dauid. Non iustificabitur coram te omnis uiuens. Item: Tibi tantum sum peccator, &c. Daniel: Non propter iustitiam nostram peto, sed ad misericordiam tuam confugio, et peto propter Dominum, id est, uenturum Messiam. Sic nos Prophete, sic Christus

Christus, sic Apostoli, sic Ecclesia iubet precari. Sed isti deterrent uiuos, ne inuocent Deum, ac iubent interea querere mortuos, qui sint pro eis *προεβυται* ut nemini in quodam pago interrogatos colonos, an scirent preces, respondere, satis esse si sciat eas Pastor, qui propterea conductus sit, ut pro ipsis oret.

Reliquas nenas & calumnias de hoc loco prætereo. Adhortor autem pium lectorem, ne existimet de re leui dimicari, cum de inuocatione differimus, sed cogitet ueram inuocationem præcipuum esse præsidium, ut ita dicam, piæ mentis in tantis arumnis uitæ communis, sicut in Psalmo dicitur. Illi in curribus & equis: Nos autem in nomine Dei nostri inuocabimus. Cogitet item inuocationem ueram præcipuum munus esse, quod Deo præstandum est, & Christi beneficia sine hoc exercitio non posse cognosci. Deinde hæc argumenta sibi proponat. Inuocans naturam inuisibilem, tribuit ei omnipotentiam, quia statuit eam uidere motus cordium in omnibus hominibus. Prætereamens non statuit Deo placere cultum, non comprobatum dicto diuino. Postremo, quoquo modo corrigatur hic ritus, tamen abducit oculos à Mediatore Christo, et labefacit fidem, id est, fiduciam Mediatoris, quæ in inuocatione lucere debet. Et parit multiplices superstitiones, quas horrendæ poenæ comitantur.

Hactenus de inuocatione dixi. Longè aliud est loqui de prædicandis eorum uirtutibus, quæ non solum imitationis causa proponendæ sunt, sed etiam ut discamus

Vera inuocatio.

Sanctorum uirtutes de timore & fide nos docent.

scamus quomodo Deus Ecclesiam gubernet, consideremus quale fuerit Prophetarum, Apostolorum, Episcoporum ministerium, agamus Deo gratias, quod Ecclesiam seruat. Consideremus exempla iræ & misericordie Dei, ut in Dauidis, in Manassis historia, quæ nos de timore & de fide docent. Magnū et mirandum theatrum est hæc tota rerum natura, pulchritudo, et ordo corporum coelestium motuum, leges, terræ fecunditas, fluminum perennitas. Illustria his tot rebus uestigia Dei impressa sunt, sed nullum pulchrius opus, aut spectatu dignius est, aut plura de Deo testimonia nobis cernenda exhibens, quàm homo pius, ut Abraham, Sara, Ioseph, Dauid, Esaias, Ieremias, Elizabeth, Paulus & alij. Multa igitur grauissimè & utilissimè de sanctis dici possunt, remota inuocatione.

Prophanatio
Cœnæ domini.

Nunc de cœna Domini dicturus, obtestor omnes pios, non ut nostra scripta legant, sed ut oculos circumferant per tot templa uniuersæ Europæ, & considerent, quanta sit huius diuini instituti prophanatio. Maxima turba sacrificulorum prorsus ignorans quid agat, & polluta conscientia seruit consuetudini, aut suo uentri. Præterea cum ceremonia instituta sit, ad fidem in uiuentibus exercendam, transfertur indignissimè ad mortuos. Postremò cum sacramenta sint certi generis actiones, isti panem circumferunt prorsus extra institutum usum, et extra Sacramenti actionem, Cum autem Deus ad nullam creaturam alligandus sit sine suo uerbo, certissimum est, extra institutā actionem,

nam panem rem alienam esse à Sacramento. Certum est, cum baptizatur homo, in actione adesse Spiritum sanctum. Iam si quis baptismi aquam circumferret, quasi inclusus ibi Spiritus sanctus maneat, ac iuberet eam adorari, omnes pij hunc errorem execrarentur. Ita de coena Domini sciant pij, ceremoniam in actione sacramentum esse, non panem ad alium usum circumlatum. Si iam reuiuiscerent Ambrosius, et Augustinus, ut non dicam de Apostolis, ac uenirent ad hæc spectacula, in quibus longo ordine incedunt sacrificuli, gestantes ligneas, argenteas, marmoreas statuas, deinde uero sequitur Hierophantes gestans panem, uiderentque circumfusam multitudinem inuocare hunc panem, expauescerent, ac interrogaret ubi gentium essent, et quæ nouæ post suam ætatem Ethnicorum ceremoniæ nate essent: Non enim putarent se in loca Ecclesiæ Christi uenisse. Cum uero audirent Coenam Domini in hunc morem conuersam esse, tum uero simul dolore atque indignatione exardescerent, et magno animi motu populum ad uerum sacramenti usum reuocarent, et de uariis pietatis exercitijs monerent.

Fuit olim similis Persica consuetudo, circumferebatur sacer ignis, quem adorabat populus, ac præibant trecenti sexaginta quinque sacerdotes, ut numerus congrueret ad dies anni, et gerebant certa ornamenta.

Cum igitur tanti abusus in conspectu sint, cur adeo diu estis, ut gemitus piorum, et querelas iustissimas audire nolitis? Deinde quanquam ipsi agnoscitis hæc

Spectacula
Baptistarum.

K uitia

uitia, tamen ea populo excusatis, ne politica Ecclesiastica, ut dicitis, moueatur. Citatis ueterum testimonia, Canones, Synodos, ut indoctis fucum faciatis, & errores confirmetis.

Sacerdos
impostor
Tubinga.

Memini me à grauibus uiris audire, uenisse Tubingam sacrificulū, qui nescio quas reliquias, ut uocant, oscium circūferens, hoc præconio eas populo commēdabat, uidelicet, nihil à pestilentia periculi fore toto anno his, qui semel eas reliquias osculati essent. Eberhardus Princeps sapiens & grauis, non ferendā scurrilem impudentiam in cōciombus iudicans, obiurgat asperē sacrificulum illum. Is respondet, se uera dicere, quia populus nō det osculum reliquijs, sed uitro. Tales sunt uestri colores, quibus nunc excusatis abusus, ut extricetis uos ex piarum reprehensionum laqueis, & tamen in populo praua consuetudo, & error confirmetur. Ambiguae & mutilas descriptiones sacrificij excogitatis: deinde pro mortuis dicitis ualere, si nō adplicationem, at suffragium. Fingitis cothurnos in canone, ut lenitatis absurditates. Nam ibi petitis, ut huic hostiæ Deus faueat. Hoc quid sibi uult, si filium offertis? Deniq; preparatas elusiones in multis materijs habetis uelut Iudæi.

Nostra simplicia sunt & explicata. Constat enim, apud ueteres annis ferē quadringentis fuisse unam communem cœnam, sine priuatis. Huic mori publico, et probato opponitis exemplum, inde usq; ex Aphrica allatū, de priuata missa, qua pulsum est alicubi spectrum

strum. Credibile est, paulatim exēpla eius moris, præsertim apud barbaras nationes irrepsisse: Sed plus ualeat mos publicus & probatus. Paulatim & mentio mortuorum in cœna recepta est. Græcus Canon dicit offerri pro Prophetis & Apostolis. Hæc erat gratiarum actio probanda, non fiebat ad eos liberandos à poenis. Postea opinio nata est de adplicatione, ut mortui à poenis liberentur, quæ tamen naturæ Sacramenti repugnat, quod ad fidem excitandam in uiuētibus institutum est: Sicut inquit Christus: Facite ad mei recordationem. Præterea oratio, quæ non habet testimonium scripturæ, incerta est. Nusquam autem in Prophetis aut Apostolis extat exemplum.

Vetus igitur puritas restituatur, ut populus rectè intelligat uim et usum Sacramenti, & assuescat ad ueram fidei exercitia in usu Sacramenti, non cōcipiat falsam fiduciam de alieno opere, non abducatur ab agnitione beneficiorum Christi, sciant sumentes, se fieri membra Christi, & hanc sumptionem esse pignus, quod testatur, uerè nobis exhiberi, donari, adplicari propter filium Dei, remissionem peccatorū in Euangelio promissam. Et fides excitata hoc pignore nitatur non suo uel ministri opere, sed Mediatore Christo, cogitet de ira Dei aduersus peccatum, de uictima, de Christo gubernante & defendente Ecclesiam, agat Deo gratias, petat regi nos Spiritu sancto, et flectat mentē ad ueram obedientiā. De his tantis rebus in usu Sacramenti commonefaciendi sunt homines, quarum

Vetus mos & puritas in cœna Domini.

K ij

notitia

notitia extinguitur, cum alitur fiducia meriti, & adplicationis sacrificuli, & discernitur adplicationis sacrificuli, à populi adplicatione, qua sua fide quisq; sibi in usu sacramenti, & alias adplicat Christum. Suntq; opiniones de adplicatione sacrificuli, natae ex ignorantia doctrinae de iusticia fidei.

Veterum scriptorum collatio facienda.

Plura autem de tota causa aliàs diximus, nec Deletti quid uelint defendere, ausi sunt integrè dicere, sed allegant mediae & ultimae aetatis scriptorum dicta. Prouoco & ipse ad scripta uetustiora, & magnopere optarim conferri scriptores, ac non solum numerari, sed etiam ponderari suffragia, scio esse magnam dissimilitudinem, & recentiora subinde sunt impuriora. Ultima aetas dicit de interitu panis, & querit quid edat mus, rodens panem consecratum. Inuitus haec recito, & cohorresco cogitans. Quid simile est in ueteribus, Epiphanio, Ambrosio, Augustino, quò hi circumspectius loquuntur?

Nec tam doctrina, quàm fide et attentione opus est in hac controuersia iudicanda. Omnes sani intelligunt hanc sententiam uerissimam esse, Sacramenta certi generis actiones esse, nec extra institutam actionem quidquam retinere Sacramenti rationem. Quare non tam inscitiam, quàm negligentiam reprehendendam arbitror in illis, qui errore aut olim hos abusus auerxerunt, aut nunc stabiliunt. Nam qui nunc admoniti, tamen propugnāt, peccant magis quadam impia peruersitate, quàm errore, pios uerò adhortor, ut fugiāt propheta-

prophanationem coenae Domini, quae fit in Missis priuatis, & illa pompa Persica, de qua dixi, & cogitent officium esse unum omnium summum, propter quod precipue conditi, & redempti sumus, recte inuocare Deum, & meminerint mandatum: Fugite idola. Dixi multò breuius & tenuius de re tanta, & Delectos moneo, ut caueant ne maiora certamina excitent. Ipsi dum suo odio & petulantiae morem gerunt, nouas quaestiones mouent, quarum agitatio ipsis minimè profutura est.

Aliquoties ostendunt Delecti, se quoque expetere emendationem Ecclesiae, & accusant negligentiam superiorum, à quibus hactenus eius rei consilia impedisse queruntur. Haec artificiosa Ironia est χυμὰ πολιτικῶν λόγων, ut uocat Thucydides, cum honesto pretextu praua consilia reguntur, ut in Repub. saepe fieri solet. Simulant studiū Ecclesiae emendandae, cum reuera nolint abusum neruos labefactari, nolunt attingi inuocationes mortuorum, Missam, coelibatum, uota, imò adhuc damnant utentes integro Sacramento. Mordicus retinent errores doctrinae de poenitentia, de iustitia. Qualem igitur expetunt emendationem? dicā: Volunt à Statuis in Templis detergi puluerem, uolunt picturas ueteres absolescentes in templorum parietibus renouari. Et faciant aliquid ex Delphico Oraculo, uolunt aras cubicas duplicari, ut sint angustiores; ferunt leges de non alenda barba, de ἀντολογίας precum non intellectarum. Haec sunt illae

Simulatio
emendationis
Ecclesiarum.

K ij magna

**Papistr non
seruat lucem.**

magnæ res, quarum restitutionem requirunt, quam deplorant impeditam esse à principe. Odium suum et contumaciam significant, ac iniuste traducunt Principem, qui tot iam annos cum uiris præcipuis summorum ordinū, ut ipsi Delecti norunt, deliberauit, quomodo uerè consulatur populi saluti, et uera inuocatio Dei restituatur. Hæc consilia illi præcipue impedierunt, qui nec doctrinæ puræ lucem, nec censuram de suis moribus ferre possunt. Non uoluit Princeps proponi fucosas emendationes, sed fidei, et moribus profuturas. Videbat populi inscitiam, superstitiones, statuarum adorationem, neglectiōē disciplinæ: uidebat pastoribus indoctis commendari Ecclesias, stipendia uerò prædæ esse absentibus. Videbat multis modis prophanari coenam Domini, uidebat mores sacerdotū corruptos frustra ad canonum uincula reuocari. Nec uos quidem Delecti hoc passuri eratis. Fugit igitur longa et tarda rei tantæ deliberatio, ut quaererentur salutaria remedia.

Opto autem ut inueniat congruentia ad Euangelium Dei, quod norma est gubernationis Ecclesiasticæ. Quam enim uos normam proponitis? cum adhuc propugnetis iniustam legē de coelibatu, quam uos ipsi scitis fontem esse multorum ingentium scelerum, quæ Deum horribiliter offendunt, et sepe publicis cladibus puniuntur, et exemplo publicis moribus nocent.

Hic

Hic magnos acervos futilium Canonum, et argumenta futiliora cumulatis, quibus omnibus oppono unam hanc regulam: Providendum est omnibus gubernatoribus, præcipue uero Ecclesiasticis, ne legem condant, quæ impedit ueram inuocationem Dei. Cõstat autem paucos ad coelibatum idoneos esse: ceteri aut uincuntur communi imbecillitate, aut infœliciter fecum ipsi luctantur. Hi impediti maculis cõscientiæ, non inuocant, sed fugiunt Deum. Inde multi in Episcopatum contemptum ruunt, aut desperatione opprimuntur. Quare hæc lex, tot iam seculis, infinita agmina animarum à Deo auulsit, et in exitium æternum impulit. O ferrea pectora omnium gubernatorum, si hæc tanta mala non considerant, si non adficiuntur interitu tot animarum, si non putant, magnum scelus impedire ueram inuocationem, si non cogitant Ecclesijs utiliores esse pastores pios, et doctos maritos, quam leues et indoctos coelibes. Scitis autem uos ipsi, multis locis deesse pastores: scitis iam uiginti annis multa bona ingenia, quæ utiliter Euangelio seruire poterant, propter uinculum coelibatus nõ accessisse ad ministeria Ecclesiastica.

Coelibatus
impius.

Memini quendam Episcopum Ratisbonæ Contareno dicere, necessario concedendum esse coniugium presbyteris, quia alioqui defuturi essent Ecclesijs pastores, et iam multas stare desertas sine ministris. Tum Contareno miratus, posse se mederi inquit huic rei, quia Italia Monachis abundat, quos sit missurus

Episcopus ad
Contarenum
de coelibatu.

Contareno.

Pontifex ad uacuas Ecclesias. Quid agent; inquit ille, cum linguam nostram nesciant? Contarenius respondet, sacrificaturos esse de more. Episcopus uerecunde respondit, necessarium munus esse docere populum, & Euangelij cognitione pietatem esse alendam, non sufficere spectacula ceremoniarum.

Cum igitur tam multe magnæ causæ sint, quæ quidem uobis omnibus notissimæ sunt, ne prohibeatur coniugium, non dubito, multos hanc uituperationem coniugij in uestro scripto, magno cum gemitu lecturos esse. Est quædam ita perspicua ueritas, ut non inscitia esse possit, sed sit impudentia fustibus puniendæ, si quis contradicat, ut cum Academici labefactant principia Geometrica conabantur. Ita cum omnes sani norint quanta Ecclesiæ labes sit, coniugij prohibitio, impudentia non uulgaris est eam defendere. Sed Paulus hac de re atrocius loquitur, qui coniugij prohibitionem inquit doctrinam esse Demoniorum.

Vos uero non tantum defenditis, sed etiam scurrilem uerborum obscœnitatem, & multas calumnias additis. Decem millia sacerdotum sunt iam in Germania, qui sunt coniuges, & habent multos liberos. Nec dubium est, plurimas matronas in hoc coetu Deum uera pietate colere, & heredes esse uitæ æternæ. Hæc omnes Eccius in postremo suo scripto lupas nominat. Et quidem ut facetus uideatur, penè in singulis paginis, in illa sua tanquam Cygnea cantione, idem conuicium repetit. Etiam si causam nō probabat Eccius, tamen

Cœlibatus
fustibus puniendus.

Eccius im-
pudens.

tamen erat hominis, sexui parcere. Quanto uerecun-
 dius Augustinus, qui tametsi uota solui uolebat, tamē Augustinus.
 post uotum, coniugia contracta rata esse uoluit, uidit
 uir sapiens habendam esse rationem mulieris, et de
 uoto dispensabat, ne iniuria mulieri fieret. Nec uetu-
 si Canones primas aut secundas nuptias improbant, Canones.
 tantum à ministerijs remouent eos, qui malebant in
 coniugio uiuere, et uitæ genus probant. Eccius spur-
 cissimo ore coniugium ipsum damnat, et tot honestas
 et pias matronas lupas nominat.

Nec profecto quenquam moderatum uirum in to-
 ta Germania, quamlibet inimicum nostræ causæ, esse
 arbitror, qui non iudicet hanc Eccij rabiem à magi-
 stratibus puniendam fuisse: Vos nunc imitamini, toti-
 us uocatis incestam, item sceleratam consuetudinem,
 et additis alias contumeliosas adpellationes, et Plau-
 tina uerba, quæ non recitabo, legantur hæc delitiæ in
 uestris libris, non enim obscenitate uobiscum certa-
 bo. etsi mores quorundam ex uobis satis magnam ma-
 teriam suppeditant. Sed prudentes Magistratus oro,
 ut hanc uestram petulantiam coerceant, qui si ne-
 gligent, uos tamen admoneo, ne contemptu ingenia
 totiuuenum, qui iam ex his connubijs nati sunt. Ut
 quisq; est generosissimus, ita maxime irritatur contur-
 melia matris.

Non dubito autem Deo, curæ esse familias nostro-
 rum sacerdotum, qui recte et fideliter docent Euan-
 gelium, et magnas erumnas propter Christum susti-
 nent.

nent. Et sunt aliqui non obscuris testimonijs diuinis ornati, quos nominare possem. Seruabit igitur Deus eorū posteritatem, & aditum ad Remp. filijs eorum concedet, qui, mihi credite, non obliuiscuntur has cōtumelias. Et ne obliuiscantur, à multis bonis uiris cōmonefaciendi erunt, qui eos iam optima doctrina instruunt, ut utiliter seruire Reipub. & uestram tyrannidem euertere possint. Tandem ueritas, quamuis diu repressa, eluctabitur ex præsentibus difficultatibus, & uestram hypocrisin, uestras calumnias et imposturas obruet.

Bucerus.

Obtulit se Doctor Bucerus ad placidam disputationem & collationem doctrinae, nec reprehendo eius consilium. Sed quid cum ijs disputare prodest, qui etiam, cum norunt se malam causam propugnare, tamē nullum finem faciunt praestigiarum, ne uideantur cecidisse causa. Quare nolui longas refutationes instituere: quid enim attinet hæc futilia diluere? Nemini hodie nisi uolenti imponitur necessitas, quia nemo nisi uolens adit sacerdotium: Pseudolum ista decent in comœdia.

Ergo onus esse uoluntarium: num propterea lex ualet superstitiosa, maxime multitudini impossibilis, impediens ueram inuocationem, & exitiosa magne parti coelibum? Nemo nisi uolens pecuniam à foenore mutuat sumit. num propterea lex, quæ adprobauit foenus, iusta fuit? Deinde quomodo uolentes dicuntur, ut qui data pecunia uitam redimunt à latronibus.

nibus. Itaque multos pios & doctos deterrent à ministerio. Quare iniustissimū est, addi necessario ordini tam periculosum onus. Doment, inquit, carnem: cur ipsi non domant?

Vtinam crederent, uerè offendi Deum impuritate & incendijs animi & corporis in hoc genere: utinam intelligerent quæ uirtus sit castitas, quàm grata Deo? Gradus humores naturæ Et si natura hominis in hac imbecillitate prona est ad uitia, tamē gradus sunt huius rei. Natura tenera dum crescunt corpora, & ante ætatem talis est, ut nondum ei aliqua coniugali consuetudine opus sit. Ideo in ea etate si mediocris diligentia, & aliqua pietatis exercitia accedunt, puritas rectè conseruari potest. Id sciat iuuentus, ut maiore cura regat mores, nec difficultatis opinione remittat diligentiam.

Multos implicat Diabolus uarijs uitijs, quæ natura adhuc tenera reformidat. Has insidias diaboli, & praua sodalitia cauere iuuentus discat, ac cogitet, Diabolum longam telā texere. Cum semel sunt impliciti, postea plures lapsus, & graues poenæ in omni uita sequuntur, quia uox Dei non fallit, quæ ait: Scortatores & adulteros iudicabit Deus.

Postea homo uegetus in ætatem magis experiri uires sua potest. Si donum habet, ut mediocri diligentia adhibita retineat ueram puritatem corporis, præclare facit, si hoc donum tuetur. Sed si mediocris diligentia non proficit, mandatū Dei est, ut coniugio utatur.

sic

Castitas in
coniugio.

sicut diuinitus sancitum est, & in eo uitæ genere per-
uiuat. Est igitur hîc quoq; castitas, consuetudo coniu-
galis, cum puritate illa coniuncta, quia seruatur na-
turæ ordo, quem Deus instituit, qui & coniungi ma-
rem & foeminam certa lege, & hos coniunctos non
uagari affectibus, nec alijs modis cõtaminari uoluit.
Et pij hac uoluntate uiuentes in coniugio retinere
conscientiæ puritatem, & inuocare Deum possunt.
Mandatum clarè extat apud Paulum: Vitandæ scor-
tationis causa, unusquisq; uxorem habeat. Item: Ne
erretis; Nec scortatores, nec adulteri regnum Dei pos-
sidebunt. Hæc fulmina opponimus superstitiosis ca-
nonibus, qui coniugium prohibent.

Si qui uerò spreto diuino remedio ruunt in libidi-
nes, non retinent cōscientiæ integritatem, nec possunt
Deum inuocare. Sequitur ergo aut Epicureus con-
temptus Dei, aut desperatio, ac res ostendit maximam
partem sacrificulorum in tali Epicureo contemptu
Dei, totum uitæ curriculum conficere. Hæc qui uerè
mala esse ducunt, legem cœlibatus execrentur.

Augustinus.

Sed potest, dicitis, seruari domita carne. Consen-
taneum est aliquos foecundos etiam in ænũ, sed oc-
cupatos magnis & ueris curis, tantisper dum sunt oc-
cupati, retinere puritatem, ut Augustinus, etsi iunior
uixit liberius, tamen postea cum incidisset in certami-
na acerrima cum hæreticis, cumq; admotus guberna-
tioni perpetuis curis exerceretur, facilius hæc incen-
dia restinxit. Et tamen querelas multorum talium
legimus

legimus. Reliqui sunt alij tranquillius uiuentes, qui etsi luctantur secum, tamen puritatem corporis non retinent, ut Gerson alicubi significat. Hæc non est castitas, sed uite ratio dissentiens ab ordinatione diuina. Et hi motus incompofiti sæpe uulnerant conscientias, ac impediunt inuocationem Dei. Quare Paulus dixit: Melius est nubere, quàm uri.

Primum igitur in hac disputatione cogitet pia mens mandatum Dei, quod præcipit castitatē, id est, puritatem animi, & corporis, & consideret horribiles comminationes et pœnas, quibus Deus iram suam aduersus corporum contaminationem declarauit. Note sunt historie. Inter diluuij causas recensentur libidines; postea Sodoma deleta, occisa uiginti quatuor milia hominum in deserto, suspensi omnium tribuum Principes. Tribus Benjamin ferè funditus deleta, propter stupratam Lauitæ coniugem. Dauid propter adulterium Regno expulsus est. Causæ excidij Ierosolymæ, à Ieremia nominantur due præcipue, idolorum cultus, & adulteria, propter has causas & cetera regna toto orbe terrarum uarijs tumultibus quasiata, & mutata sunt. Troia euersa est propter raptam Helenam. Romæ Reges pulsi sunt propter stupratam Lucretiam. Aegyptij reges propter uarias libidines deleti sunt: Deniq; cur Turci Asiam, Greciam, Illyriam, Pannoniam oppresserunt? Non dubium est præcipue puniri hac tristi seruitute propter prophænationem Cœnæ Domini, & libidines.

Mandatum
Dei præcipit
castitatem.

Pœna libidinum.

Vera castitas.

Quare

Vera castitas.

**Coniugii
exercitia.**

Quare cogitatione mandati diuini, et poenarum, nos ad castitatem excitemus, et quæ sit uera castitas discamus ex testimonijs diuinis, non ex rancidis Canonibus. Si cui donum contigit, diligētia tueatur: si quis puritatem corporis extra coniugium non retinet, ducat coniugem, iuxta legem Dei, ut in eo uitæ genere castè et purè uiuat, et sciat hos ordine conditâ esse hominum naturam, ut ἡ ἀγάπη sit mutua in utroq; sexu, et mares suscipiant curam defendendi et fouendi alteram partem gēeris humani: Deinde sciat, hoc ipsam uitæ genus non leuem militiam esse, quia mulieri labores pariendi, et educandi sc̄bolem, uiro multiplices curas domesticas adfert, in quibus uult Deus fidei et dilectionis exercitia lucere. Nec tantum domesticis curis implicatur maritus, sed etiam ciuilibus, magis ei propter familiam imbecillem opus est communi pace, magis statu mediocri posteritatis.

Harum igitur rerum cura, etsi adfici aliquos coelibes, ut Baptistam, Christū, Paulum, et alios uidemus, tamen hi Heroici motus non solent esse in uulgo coelibum, quod expeditè uiuit, non ut se curis publicis oneret, sed ut pericula et molestias fugiat. Μὴ γὰρ δύναται, ἀνδρὶς ἀνδρὶ τὴν γυναῖκα γυνῆ, inquit Euripides, uerū est, difficilem seruitutem esse coniugium, sed Deo grata est, cum mens rectè eam sustinet, exercet inuocationem, meminit generationem sic à Deo institutam esse, qua quidem procreandi sint homines in Ecclesia æterna Deū celebraturi, nec uult tam mirando opere generare.

orationis abuti, ut cœlibes horribiliter abutuntur. Suscipit et reliqua negocia familiæ, ciuitati, Ecclesiæ sue necessaria. Nam ut hæreditatem, ita honestū ciuitatis statū, et Ecclesiæ puritatē liberis præstare debet.

Tales fuerunt cōiuges plurimi, nō solum in populo Israël, sed etiam Episcopi ueteres: Scitis Nazianzenum patre Episcopo natū esse: Is cū prædicat parentū coniugiū, narrat tantā eruditionē et pietatē fuisse matris, ut patris fidē sua collatione et disputatione sæpe erexerit et confirmarit, ait non solum in domestica consuetudine eā leniisse curas patris, sed etiam cū auctoritate in coetu mulierū ualeret, plurimum ad publicam concordiam grauitatem ipsius profuisse. Tales multe fuerunt familiæ presbyterorū initio, & nunc uoluntates multas, quarum exempla profunt totis ciuitatibus.

Nazianzenus
Episcopo patre
natus.

Constituta igitur definitione castitatis, redeo ad refutationem calumniarum, quæ sunt in libro Delectorum. Hortatur Christus, inquit, ad continentiam, Bucerus dehortatur. Vtri auscultandum? ac tales antitheses multas coaceruant, ut fucum rudibus faciant. Vera & firma responsio est: Christus hortatur idoneos ad cœlibatum, ut donū rectē tueantur. Idem Christus ijs, qui puritatem extra coniugium non retinent, præcipit ut purē in coniugio uiuant. De his et Bucer loquitur, prorsus ut Paulus, qui ait: Vitandæ fornicationis causa, suam quisq; uxorem habeat. Item: Melius est nubere, quàm uri.

Christus hortatur
ad continentiam.

Cœlebs curat ea, quæ sunt Domini. An de cœlibe
immuni

**Immundi cœli-
bes nō possunt
inuocare.**

immundo loqui Paulum existimatis, qui aut ruit in libidines, aut infœliciter cum natura fœcunda luctatur? Tales cœlibes cum inuocare Deum non possint, quomodo curabunt res diuinas? Cœlebs dono præditus, et occupatus sua militia, ut Baptista, Paulus, Athanasius, expeditior est ad omnes subitos casus, qui incidunt in tanta mole gubernationes. Sed hic heroicus gradus non est uulgaris. Cæteri igitur fœcundi in sua mediocritate fideliter seruiant. Hi etsi distrabuntur curis domesticis, uxoris, liberorum miserijs, tamen retinent caput, uidelicet bonam conscientiam, ut inuocare Deum possint. Hæc res ueram tranquillitatem parit. Econtra immundi cœlibes hoc præcipuū bonum amittunt, & prorsus à Deo auelluntur, et qui æstimant, quæ perturbationes, quæ mala sequantur, notum est.

Nos coniugium Sacerdotum eò defendimus, ut seruire Deo bona conscientia Sacerdotes possint. Vos cur propugnatis cœlibatū? Ad eò ne omnes homines ubiq; terrarum stipites esse iudicatis, ut causam nemo uideat, nemo suspicari possit? Num propugnatis, ut uita sit purior? ac constat quales sint mores maximæ multitudinis. Num in uitæ puritate inuocatio minus sit impedita? Imò ut quisq; maximè intelligit inuocationem, ita maximè optat hoc onus sublatum esse. Num ut expeditiores sint ad Ecclesias docendas? quotus quisq; docet? Vna est uera & sola causa tuendi cœlibatus, ut opes commodius administrantur, & splendor

dis ordinis retineatur. Propter hanc causam, quæ in Ecclesia minimè ualere debebat, à potentibus lex impiè defenditur, & multi pij sacerdotes interfecti sunt. Nec Delecti non ignorant: Et tamen simulant, se pietatis causa coelibatum, & uota tueri, eaq; sciunt non ueris causis, sed iniusta ui & crudelitate defendi.

Et si autem scio nobis obijci apologum, quem recitat in tertio politicorum Aristoteles, uidelicet, ut quòdam lepores cum leonibus iura daturi essent, dilaniati sunt, ita nos frustra concionari potentibus, & nobis tantum accersere ærumnas. Non potestis, inquit, cogere summos ordines, ut usitatam legem aboleretis. Quid frustra in Republica uociferamini? Talia sunt Ecclesiastica certamina. Et quanquam humanis iudicijs non dirimuntur, tamen non sunt inutilia. Ridebant Pontifices & Principes Ieremiam, Baptistam, Christum, Apostolos, donec Ierosolyma euer-
sa certamen diuinitus direptum est: Interim tamen doctores illi aliquam Ecclesiam collegerant. Ita & noster labor non planè irritus est: Si non flectere possumus potentes, at aliqui priuati mouentur, ut fugiant, ut execrentur idola & libidines. Et ueritas in Ecclesia dicenda est, uel si fractus illabatur orbis. Quo tempore in Sodomis & uicinis oppidis summa fuit nimium corruptio, et turpitudine: Duo uiri erant in uicijs, Sem, & Abraham, qui suis concionibus hæc talia flagitia acerrimè taxabant. Sem ponè in conspectu
in Sodomoram in Salem domicilium habebat, quæ

Concio
leporum.

L

non

Abraham.

non plus octo miliaribus distabat à Sodomis. Et uide-
 rat hic uir mandum ante diluuium, audierat primor-
 dia generis humani à certissimis testibus, gubernarat
 Ecclesiam post diluuium annos iam quadringentas,
 antecellebat sapientia, uirtute, etate, omnibus homi-
 nibus eius temporis. Abraham uerò etiam recens, in-
 genti beneficio urbem adfecerat, cum profligatio ex-
 ercitu hostiū, captos ciues recepit, et in patriam sal-
 uos reduxit. Horum tantorum uirorum autoritate et
 uoce nihil mouebatur urbium illarū Principes. Quid
 miremur igitur nostras conciunculas rideri? qui su-
 mus uerè, ut inquit Christus, pusillus grex. Sed tamen
 hunc pusillum gregem curæ esse Deo scio: Nec erunt
 irriti nostri labores. Multæ sunt bonæ mentes, quæ
 illucescenti Euangelio, ueram Dei inuocationem dis-
 ceunt, et idola ac commenticios cultus fugiunt. Piget
 immorari huic disputationi, etsi de dignitate Coniu-
 gij honesta est oratio: sed eò insuauius est hoc certar-
 men, quia nec aduersarij, nec Dilecti in hac causa di-
 cunt ingenuè quod sentiunt. Prætextu pietatis de-
 fendunt Cœlibatum et uota, cum sciant tantum re-
 timeri hanc formam politie suæ, quia ad opum ad-
 ministrationem et ad splendorem retinendum isti cō-
 modior. Finio igitur disputationē, sed ita, ut eos, qui
 Deum uerè colere, et suæ saluti cōsulare cupiunt, ad-
 horter, ut illa uincula impia fugiant. De uotis etiam
 eò non est opus longa oratione. In monasterijs fœdè
 tetra prophanationes Missarum, inuocationes mæ-
 thorum,

Vota.

tuorum, & exercentur multæ superstitiones aliæ. He-
satis euidentibus causæ sunt, quæ uota soluunt, & libe-
rant addictos huic generi uitæ. Vera est enim regula,
Votum non debere esse uinculum iniquitatis. Certè
non debet alligare hominem ad idolorum cultus. Non
est igitur ad hanc ætatem accommodanda lex Iouia-
ni, quæ loquitur de uirginum collegijs, in quibus non-
dum erant uitiosi cultus, qui nunc defenduntur. Et ra-
pius ea lex prohibuit, quos Iulianus, odio nominis
Christiani, concesserat. Sed uos quicquid usquam in
omnibus chartis odiosissimum inuenistis, quod quo-
quo modo detorqueri aduersus nostros potest, in hoc
scriptum uestrum congesistis, ut doctrinam ueram,
& pijs utilem, qualibuscunq; præstigijs obrueretis, et
uestram tyrannidem confirmaretis. Multis iam secu-
lis captiui & captivæ in monasterijs, iustas et neces-
sarias causas habent deferendi Monasticen, contami-
natam multis uitiosis cultibus. Est enim mandatum
immutabile: Fugite idola.

Dicam ex animo quod res est. Magno cum dolore
legi illam uerborum immanitatem, cum Delecti con-
nubia piorum hominum nominant incesta, sacrilega,
scelerata. Atrox oratio est, & pertinet crimen ad o-
mnes nostros Principes et Respub. Nā si esset incesta
consuetudo, non minus legibus punienda esset, quàm
pericidium. Graue enim scelus est incesta coniunctio,
& sepe cladibus publicis punitur, ut Thebanæ &
Ægyptiæ historiæ indicant. Utinā Delecti suos mores

Atrocitas ad
uersariorum in
connubio
piorum.

L ij con-

contemplarentur, qui nō leuiter polluunt Ecclesiam,
 & uerecundius de pijs hominibus, & de nostris ciuitatibus loquerentur.

Buceri uxor
 honesta,

Prætulit Bucerus periculoso cœlibatui pium coniugium, duxit uirginem honestam Elisabetham, quæ cum ex Euangelio didicisset, fugienda esse idola, uolens reliquit Monasticas superstitiones, fugit statuarum adorationes, mortuorum inuocationes, prophetationem coenæ Domini. Nupta igitur uiro ita uixit, ut eius pietas, pudicitia, & in omni actione modestia, multis bono exemplo essent, fuit puerpera tredecies, sustinuit ærumnas non leues, matri obeundas, rexit œconomiam magna sedulitate, docuit filias, fuit officiosa erga mulieres pauperes. Poterat cum familia fugere grassantem Argentinæ pestilentiam, nisi maluisset socia esse periculorum mariti, qui ex statione sua discedere noluit. Cum igitur contagia non posset uitare, oppressa morbo decessit, sed antea se Deo, fiducia Mediatoris, piè commendauerat.

Nihil ne sceleris esse iudicatis, quod talibus matronis mortuis, & uiuentibus, quæ sunt Christi membra, maledicitis? Exaggerate Canonum autoritatē quantum uultis, tamē hoc uniuersa Ecclesia fatebitur, idola fugienda esse. Non sunt igitur incesta, non sacrilega, non scelerata connubia, quæ, deserta impia monasteriorum seruitute, contrahuntur iuxta Euangelium, ut Deus pura conscientia inuocari possit.

Sed restat maius crimen, ut Delecti uociferantur,
 & pro-

et prorsus inexpiabile. Mortua priore cōiuge, duxit secundam D. Bucerus. Hic tenent irretitum laqueis Canonum, ut putant, inextricabilibus, hic torrendum esse censent in tauro Phalaridis. Nihil agam astute. Nusquam uetusti Canones damnant tale coniugiū, tantum à ministerio remouent eum, qui ducit secundam. In uestro scripto damnatur pia societas coniugum. Cum autem nostro tempore pauci sint idonei doctores, antefertur illi Canoni Ecclesie utilitas. Quanquam cur nobis toties Canonum sententias obijcitis, cum magna ex parte mores uestri publici et priuati dissentiant ab uniuerſa politia Canonum, qui cum iure diuino congruunt? Sed usitatum est hoc quoque hypocrisis, colare culicem, et deuorare Camelum.

Bucerū altera
coniugum.

At Paulus iubet Episcopum unius uxoris uirum esse. Rectè. Et qui mortua priore coniuge, ducit secundam, unius uxoris uir est. Et hanc esse Pauli sententiam uetusti Canones indicant. Etsi autē posterior etas durius interpretata est Paulum, tamen certum est noluisse eum pijs doctoribus ulla periculosa uincula iniicere. Norat, Ecclesie opus esse pijs et doctis ministris, norat cauendum esse, ne inuocatio Dei impediretur. Ideo nominatim concedit eligi castos maritos.

Paulus.

Vos cum ad gubernacula Ecclesie sedeatis, maxime uiuare et ornare Euangelij ministerium oportebat, et ut gloriam Dei illustraretis, et ut saluti populi consuleretis. Hoc scitis esse summi ordinis pro-

Ociosum ge-
nus hominum
Canonici.

L iiij prium

Religio
Papistica

prium munus. Sed quid agitis? maxima pars eorum, quos in summum fastigium euexit Ecclesia, non docet. Desunt multis locis pastores, stipendijs interim fruuntur ociosi Canonici. Deinde uagantur Monachi, ut doceant, qui uel ignorant Euangelium, uel adfectibus aliorum seruientes confirmant idola. Religio interim in quibus rebus populo sita sit, ipsa templa uestra ostendunt: in quibus quanta uarietas est statuarum? Alibi colitur Anna, alibi Maria, alibi stat Seruatius cui pendet de collo marsupium, quia putatur seruare ijs pecuniam, à quibus colitur, denique talia simulacra innumera, in his praesertim locis, uidetis. Ad haec concurrunt uulgus magna frequentia, has ceremonias putat esse religionem. De uera inuocatione, de Christo, de ueris officijs pietatis, de disciplina Ecclesiae silentium est. Interim uos, cum Euangelij ministerium negligatis, ipsi depellere etiam idoneos & salutaes doctores ab hoc necessario munere conamini, praetextu obsoleti Canonis, de eo qui mortua priore coniuge, pie & honestè ducit aliam, & hanc habet unicam.

Sed quid disputo, cum nihil prorsus agatis candidè? Non de illo ueteri Canone dimicatis, sed tantum quaesitus est à uobis praetextus, ut quoquo modo arceretis D. Bucerum. Lucem Euangelij formidatis, & stabiliri uultis populi errores & superstitiones, ne opium uestrum inturbetur, ut nihil aliud dicam.

Dixi initio, me de paucis locis breuiter responsu-

rurus

rum esse, uel cōmonefaciendi lectoris causa, uel ut constet, nos huic Coloniensi scripto reclamare. Neq; enim dissimulanda erant tam atrocia conuicia. Præterea igitur uolens magnos acervos calumniarum, quas liber Delectorum undiq; conuerit: & ab honestis lectoribus peto, ne de Ecclesijs nostris, aut docentium uoluntatibus, & genere doctrinæ, ex maledico scripto Coloniensi, iudicium faciant, sed ex ueris testimonijs. Ego quid profitear in singulis articulis doctrinæ Ecclesiasticæ, in meis scriptis ingenuè, planè, & sine somphisticis labyrinthis exposui. Et hanc esse communem doctrinam Ecclesiarū nostrarum scio, nec dubito hoc totū doctrinæ genus, quod sonat in Ecclesijs nostris, uerè esse consensum Ecclesiæ catholicæ Dei, inde usq; ab initio. Terra mihi potius debiscat, & obruar tota Schola æterna. Aetna, quàm uelim defendere ullas corruptelas doctrinæ coelestis, aut pugnare cum Ecclesia Dei, in qua cupio, ut in æterna schola, post hanc uitam etiam uidere filium Dei, Patres, Prophetas, Apostolos, & eorū frui doctrina & familiaritate. Hanc futuram scholā mente intueor, quoties in nostras scholas ingredior. Nec uelim unquam meum iudicium ab illis optimis doctoribus seiungere. Cumq; audierim Bonnæ Bucerū, sum Doctrina Buceri sana, eiteſtis, purè ipsum & fideliter summam doctrinæ Christianæ integram tradidisse.

Ad id sanctissimum munus cum grauissimo consilio Archiepiscopi & Principis accersitus sit, cumq; præſet in docendo fidē, diligentiam et moderationē,

dignam pio doctore, iniuste uocationem ipsius reprehenditis. Negari non potest, diu à uobis neglectas esse Ecclesias, Quem igitur magis decuit cogitare de salute populi, quam Episcopum & Principem, qui multorum sententias, & in his uestras quoq; audire & conferre uoluit, nec aliud in hac etate & grauitate querit aut spectat, nisi ut populi saluti consulat? Vos ipsi scitis, non uti eum amicitia, nisi optimorum uiro- rum ex summo ordine, quorum prudentiam, & uirtutem scitis probatam esse grauißimis Regibus, & Principibus: nec quicquam, sine his amicis, constituit. Quare de eius consilio & uoluntate modestius uos pronunciare & scribere decuit.

Tragicus
epilogus.

Opes Eccle-
siarum.

Addiderunt Delecti tragicum Epilogum suae criminationi, oratorum more, in quo primum de opibus ecclesiasticis declamitant, postea nostras ecclesias miscent Anabaptistis, et omnes omnium furores in nos transferunt, ac obliti sua scelera, propter nos plebs Germaniam publicis calamitatibus aiunt. Pauca primum de opibus Ecclesiarum respondeo. Scio sapientes angere de concordia, autoritate gubernatorum, politico statu Ecclesiae. Hec, si uerè uellent iudicare, tueri non difficulter possent, si hoc ipsum doctrine genus, quod profitemur, admitterent. Nam Euangelium concionatur de agnitione et inuocatione Dei, et munus politicum ordinem. Sed dum idola et iniusta uincula tueri potentes conantur, dissidia sequi necesse est: Et ex dissidijs in utraq; parte multum mali existere solet. Hoc
quam

quoniam ita accidit, tamen ueritatis professionem
omittere non possumus.

Nec mota sunt hæ controuersie propter opes, ut
leges Agrariae. De luce doctrinae differimus, hanc reti-
nere cupimus. De opibus & imperijs illi deliberent,
ad quos ea res pertinet, & sic profecto æquissimū est
nobis ignosci, cum dolemus fame contabescere pios
pastores, & pauperes scholasticos, & his mediocrem
uictum præberi, & iuuari studia petimus. Sint, si ita
uolunt, magna collegia nobilium, quorum uirtus &
auctoritas possit esse usui Reipublicæ. Quis hæc re-
prehendit? Satis superest Ecclesiasticarum opum ali-
bi, unde iuuari pastores & scholastici, et prouehi stu-
dia possunt. Nec uos Delecti ignoratis, canones præci-
pere harum rerum curam gubernatoribus Ecclesia-
rum, & imperiorum.

Quod uerò dicitis inhiare reformationem opibus Mendacium
Cleri.
Cleri, hunc esse Christum, cui seruiamus, modestissimè
respondeo, & Bucero, & principibus, & multis alijs
atrocem iniuriam fieri, nec regeram crimen: Nam utri-
magis de opibus dimicent, minimè est obscurum.

Nequaquam consentaneum est, tot sapientes Prin-
cipes, tot Senatores cordatissimos ulla mercede quan-
tumpuis magna, uoluisse sibi tantum periculorum &
curarum accersere, quantum adfert Euangelij profes-
sio. Quid nos scholastici? qui propter amorem litera-
rum, cum tranquillitatem opibus, & dignitatibus an-
tulerimus, tamen hanc etiam amittimus in hac mi-
litia

litia confessionis, cum in studijs iucundioribus uersari malletus. Sed Deus tandem dijudicabit quid utrique spectarint, quem oro, ut petulantiae uestrae frenum iniiciat.

*Ecclesiae tenuia
hospitia.*

Exulat Elias apud uiduam Sareptanam, cum impij sacrificuli in regno florerent dignitate, et opibus. Ita plerumq; uera Ecclesia habet hospitia tenuia, et magnae opes sunt penes Euangelij hostes. Quare scimus nos inopiã nostram boni consulere debere, eamq; arte ferre. Sed alij erunt, qui nos ad rationes retrahēt. Neq; tamen deerunt nobis hospitia, nam et librũ ecclestis doctrinae, et studia alicubi conseruari oportet.

*Veræ Ecclesiae
simili.*

Postremò non contenti hac seuitia maledictorum de incestis, et de sacrilegis, lapides tollunt, et nos iam prorsus obruere, et extinguere conantur. Miscēt nos Anabaptistis, clamitāt propter nos, tanquam propter *ἀλάστορας*, toti rerum naturae Deum irasci, hinc morbos et Turcica bella oriri. Audis lector usitata praeconia, quibus pij Doctores ab atheis hominibus ornantur. Ita et Paulus inquit: Apostolos dici *καθάρματα* mundi. Nec aliud onus pij grauius sustinet, quàm haec iniustissima iudicia hypocritarum. Quare pios toties consolatur uox diuina, ne frangantur animis propter tam uirulenta conuitia. Toties autem testati sumus, quid sentiamus, et non solum scripta nostra, sed etiam Respub. ostendunt, nos abhorrere ab Anabaptisticis sceleribus, qui magna ex parte in ijs locis orti sunt, ubi populo uocem Euangelij non licuit audire.

Con

Constat, nostrorum literis clarissime discerni à politicis rebus, seu ab imperijs, regnum Christi: constat magis illustratam esse dignitatem uitæ ciuili nostris scriptis, quàm ueterum. Quare et Ecclesiæ nostræ suo iudicio uitant Anabaptistarum deliria, & ad ea reprimenda alibi nostras lucubrationes prodesse arbitramur. Quæ enim extant uestra scripta contra Anabaptistas? aut quomodo eorum Hypocrisin refutare Monachi possunt, qui similes ineptias profitentur, pietatem esse abdicare proprium, sordido uestitu, quasi perpetuum luctum simulare, abijcere, et contemnere uocem Euangelij de iustitia fidei, & e contra attollere iustitiam operum, induere persuasionem, quod legi Dei homo satisfacere possit, non discernere perfectam obedientiam, quam lex requirit, à disciplina, quam & debent & possunt præstare homines? Hæc Hypocritæ uitæ semina communia sunt Monachis & Anabaptistis.

Christi regnum
& imperia a
nostris illustrata.

Nec uerò fieri potest, quin magnæ opinionum & morum confusiones, & tumultus in discordijs ciuilibus oriatur: Sed culpa penes eos est, quorum iniusta peritinaia causam præbet discordiæ. Si cederet ueritati error, et communibus studijs pij gubernatores disciplinam regerent, aut non orirentur prauæ opiniones, aut natæ ueris & legitimis iudicijs, citò obruerentur. Sed quia hypocritæ odio ueritatis accedunt discordias, magnæ perturbationes sequuntur: Nam in discordia ciuili, ut inquit Thucydides, nihil mali non inest.

Hypocritæ
serunt discor
dias.

Acced

Accedunt simul alie fatales poenae mundi, et in hac extrema mundi senecta, maiores cōfusiones imperiorum impendent, undiq; igitur premitur et concutitur uera Ecclesia, id est, pii, sonantes Euangelij uocē, dispersi passim in imperijs mundi, quos quidem oportet intelligere, et quae sit Ecclesia Dei, et quae eruminae ferende, et quae certamina suscipienda sint, et ad has tantas res animum preparare, ut puram Euangelij doctrinam defendant, et alij tradant. Exitus uerò commendent duci Christo gubernanti suum cœtum, qui etiam illa immania conuicia tandem refutabit. Et si autem fortassis aliquibus haec mea responsio uidebitur asperior, tamen si legent Colonienſe scriptum, magis me lentum et infantē iudicabunt, quam uehementem, quod seuitiam styli Delectorum nō depello acrius. Noui mei ingenij imbecillitatem, et ut in tranquillo flumine nauigare, ita in placidis disputationibus uersari malim, quam contendere maledicendo. Habent Delecti suum theatrum, à quo sciunt sibi plausum dari, et ex quo iudices deligunt. Prouocor et ego ad Ecclesiae iudicia, hoc est, ad omnes pios et eruditos, qui has cōtrouersias dijudicant, ubicunq; sunt. Nam aliter haec certamina dirimuntur, quam causa forenses. Rectē constituit Basilius iudicium: ἀλλ' αἱ ἐπισήμοι, κληθῶσιν εἰς ἀνρόασιν, ἐστὶ κλήρος πατρὸς αἰῶνος τοῦ θεοῦ παροικίαν, συναχθῆτωσαν οἱ δοκῶντες μὴ ἄποιοι, λεγέτω μετὰ παρρησίας ὁ βουλόμενος, ἢ ἐλεγχος ἢ τὸ γινόμενον, καὶ μὴ λοιοδογία. Vtinam tunc con-

hilippi
lenitas.

Basilius iudicium

constitueretur iudicium Ecclesiasticum. Sed uos astutè
 cauetis uobis, præscribitis qualem iudicem uelitis, ui-
 didet, uobis addictum. Multi sunt Apologi, qui mo-
 nent, iniqua iudicia uitanda; sed recitabo recens ex-
 emplum, longè uenustissimum omnium, quæ uel legi, uel
 audiri. Duo sunt in Gallia uiri excellenter docti, Ca-
 stellanus & Bigotius. Et quia Castellani disputationes
 crebro à rege audiuntur, hortatur quispiam ex proce-
 libus, ut Bigotius etiam audiatur. Interrogat rex in
 quo doctrinæ genere uersetur. Cumq; alij honorifico
 testimonio eum ornarèt, tandem Castellanus, quia au-
 gustinus opinionè nolebat, interpellans, quid inquit,
 tantopere prædicatis? Est Aristotelicus. Rex interro-
 gat, qualis sit ea descriptio. Dicam, inquit, Castella-
 nus: Aristoteles ἀριστοκρατία adfirmat meliorem sta-
 tum esse, quàm regnum. Hac uoce apud regem sciebat
 se omnem auctoritatem, & Aristoteli, & eius studiosis
 detraxisse. Cumq; rex interrogaret, an hoc scripserit
 Aristoteles, et cæteri id adfirmarent, audissetq; defen-
 dere Bigotium Aristotelicas sententias, delirare Ari-
 stotelem inquit, & negauit se defensorem harum in-
 optiarum auditurum esse. Facile uicit Castellanus tali
 illice. Hæc narratio imago est iudicij, quod delecti in
 libro suo constituunt. Nec nos defugimus cognitionè,
 sed maxime optamus iudicio uerè ecclesiastico latius
 propagari ueritatem, et iusto modo tranquillitatem
 Ecclesiæ muniri. Sed quantulū hæc cura tangat potè-
 tas, res ipsa ostendit. Interea tamen pij iudicant: &
 regulam

Iniqua iudicia
uitanda

Castellanus &
Bigotius Galli

Ecclesia dissimilis politia.

regulam norunt, uidelicet, doctrinam Propheticam & Apostolicam, & primæ Ecclesiæ testimonia, ut supra dixi. Sciunt Ecclesiam extructam esse supra fundamentum Prophetarum & Apostolorum. Sciunt horum uocem audiendam esse, & anteferendam prauæ consuetudini, quamuis longi temporis. Si uerè iudicamus Deum se patefecisse in hoc uno genere doctrinæ, quod tradidit Prophetis & Apostolis, hanc normam sequi necesse est. Sed multi prophani nunc cogitant, Ecclesiæ politiam esse similem Atticæ, aut Læconicæ, constitutam humanis consilijs, ac propterea semper præsentem formam tranquillitatis causa tuendam esse. Et multi sic sentientes, harum controuersiarum iudicijs præficiuntur, qui hac fascinati persuasione, manifestissimam ueritatem opprimere conantur. Non enim litigamus de rebus obscuris aut perplexis: Nec reuerenter sentiunt de Cœlesti doctrina, qui existimant perplexam & ambiguam esse. Agnoscesse inuocari Deus uoluit, & filium iussit audiri, qui ex sinu æterni patris Euangelium proferens, certam doctrinam Ecclesiæ suæ tradidit. Hunc doctorem qui audiunt, facile has controuersias diiudicare possunt. Ad hos prouoco, & oro Deum æternum patrem Domini nostri Iesu Christi, ut propter filium nos regat Spiritu Sancto, & Ecclesiam suam augeat & seruet.

SIT LAUS DEO.

DE

DE LEGIBVS ORATIO

Phil. Mel.



Esiderant in me plusculum fortasse pudoris aliqui, cum assiduīs declamationibus, & infantiam meam uulgò traduco, & humanissimis in hac schola, patientissimisq; auditoribus

toti odiose obstrepo. Ego uerò agnosco meum utriusq; imbecillitatem, meoq; me pede metior: & cum ipso censurā ago, sentio quā non satisfaciam pessimis quorundam auribus: Verū cum prouerbiis rei literarię causa, hoc, quicquid est operę, adhibetur, studium meū quęso boni consulite. Nam pars quędam publici muneris in hac schola delegata sit, parum meminisse uiderer, quam sustineam sonam, nisi de adolescentium officio nonnunquam crederem.

Quod cum pro uirili faciam, easq; disciplinas iuuentuti commendem, quibus neglectis, cum religionum res bonas alias labefieri necesse est, facillē, ut impetram, ne mea mihi sedulitas fraudi sit. Sūt enim fauore, studijsq; omnium, iuuandi eorum conatus, qui literis non pessimē consultum uolunt. Neq; ob causam modò dicere institui, quā ut qui hic ex more declamare solent, si qui forsā imbecilliores

Ecclesia dissimilis politiae.

regulam norunt, uidelicet, doctrinam Propheticam et Apostolicam, et primae Ecclesiae testimonia, ut supra dixi. Sciunt Ecclesiam exstructam esse supra fundamentum Prophetarum et Apostolorum. Sciunt bonam uocem audiendam esse, et anteferendam prae consuetudini, quamuis longi temporis. Si uere indicamus Deum se patefecisse in hoc uno genere doctrinae, quod tradidit Prophetis et Apostolis, hanc normam sequi necesse est. Sed multi prophani nunc cogitant, Ecclesiae politiam esse similem Atticae, aut Laconicae, constitutam humanis consilijs, ac propterea semper praesentem formam tranquillitatis causa tuendam esse. Et multi sic sentientes, harum controuersiarum iudicijs praesiciuntur, qui hac fascinati persuasione, manifestissimam ueritatem opprimere conantur. Non enim litigamus de rebus obscuris aut perplexis: Nec reuerenter sentiunt de Coelesti doctrina, qui existimant perplexam et ambiguam esse. Agnoscere inuocari Deus uoluit, et filium iussit audiri, qui ex sinu aeterni patris Euangelium proferens, certam doctrinam Ecclesiae suae tradidit. Hunc doctorem qui audiunt, facile has controuersias diiudicare possunt. Ad hos prouoco, et oro Deum aeternum patrem Domini nostri Iesu Christi, ut propter filium nos reuegat Spiritu Sancto, et Ecclesiam suam augeat et seruet.

SIT LAUS DEO.

DE

DE LEGIBVS ORATIO

Phil. Mel.



Desiderant in me plusculum fortasse pudoris aliqui, cum assiduīs declamationibus, & infantiam meam uulgo traduco, & humanissimis in hac schola, patientissimisque auditoribus toties odiose obstrepo. Ego uerò agnosco me admodum uilissimum imbecillitatem, meoque me pede metior: & cum de me ipso censurā ago, sentio quā non satisfaciam politissimis quorundam auribus: Verū cum prouehende rei literariae causa, hoc, quicquid est operae, à me sumatur, studium meū queso boni consulite. Nam cum pars quaedam publici muneris in hac schola delegata sit, parum meminisse uiderer, quam sustineam personam, nisi de adolescentium officio nonnunquam dicerem.

Quod cum pro uirili faciam, easque disciplinas iuuentuti commendem, quibus neglectis, cum religionem, tum res bonas alias labefieri necesse est, facile, ut spero, impetrabo, ne mea mihi sedulitas fraudi sit. Sūt cum fauore, studiisque omnium, iuuandi eorum conatus, qui literis non pessimè consultum uolunt. Neque aliam ob causam modò dicere institui, quā ut iis, qui hic ex more declamare solent, si qui forsā imbecilliores

Socrates exem-
plum pueris.

imbecilliores sunt, meo exemplo nonnihil animi ad-
dam, & tanquam classicum canam: Dein te, ut erudi-
tos omnes publica uoce rogitem, ut in hanc arenam,
& ipsi aliquando descendant, cum pueris collusuri.
Socratem nihil puduit natu grandem, cum paruis fi-
liolis equitare, ut ille ait, in arundine longa: quanto
minus uobis uitio poterit uerti honestissimus cona-
tus, si cum hoc grege de literis nonnunquam commen-
temini, quarum causa quicquid susceperis, quando
mortalia nihil diuinius habent, laudē meretur? Quis so-
itaq; ut scholæ operam suam ea in re candidè impera-
tiantur, quicunq; literis benè cupiunt. Sic enim sta-
tuo, præclare de rebus humanis mereri, qui puerilia
studia honestis exemplis accendunt. Iam & meam fa-
cilitatem ita demum probari uobis iudicabo, si imi-
tari cœperitis, quæ si silentio uestro damnata fuerit,
bone Deus, quàm ipsi nobis displicebimus?

Omnia ex legi-
bus iudicanda.

Sumus autem de legibus dicturi, deq; eo iure, quod
in scholis hoc tempore, & in iudicijs, in bona Euro-
pæ parte regnat. Nam eæ literæ non nuper male ad-
re cœperunt, cum alijs prophanarum legum præ-
cipua professio, insigniaq; Christianis uidetur, alijs
ducunt, ut iudicia non improbent prorsus: nam
Scythæ solent, res ex æquo & bono sine scriptis
bus iudicare. Horum calumnias pro nostri in-
mediocritate, refellere conabimur, ut eos qui ad
dam Rempublicam olim accessuri sunt, ad huius
discipline studium inuitemus. Prægrauant autem
causa

causam mirificè hoc tempore Doctorculi quidam, qui, cum uerè sint *athēoi*, tamen Euangelij prætextu tyrannidem gerūt, & pro libidine cum humanas, tum diuinas leges figunt ac refigunt. A quibus si impetrari poterit, ut nobis dicendi potestatem faciant, sunt enim perquam morosi, docebo breuiter, sacris literis non modo non improbari ciuiles leges, sed præcipi etiam, ut religiose sanctæq; colantur, qua laude nulla potest amplior legibus tribui. Vbi fidem fecero, ciuilem urbium statum nihil pugnare cum religione, exponam quàm prudenter à maioribus factum sit, quòd Romanæ leges potissimùm delegerunt, quas in constituendis ciuitatibus tanquam filum sequerentur, easq; summa cura à nobis studioq; conseruandas esse ostendam.

Sacris literis
non impro-
bari leges.

Quæ malum dementia tandem est, quis furor, falso Christiani nominis prætextu, ciuiliū rerum statum labefacere, & conuellere? Quæ barbaries, qui Scythæ, iudicia, æqui & iniqui discrimen è medio tollunt? Et audent hoc Christo quidam, si superis placeat, Christiani Doctores tribuere: Quid est, si hæc non est contumelia? Qui ex Gentilibus philosophis in Christum stylo debacchati sunt? Vnum hoc ferè causificantur, quòd quædam leges parum uideantur aptæ, ad ciuilem consuetudinem, societatemque hominū tuendam: neq; censent ullo probro Christi dignitatem grauius ladi posse. Horum uincunt mentiam nostri, qui in ipso contemptu publicorum morum, et in euertendo uniuerso ciuili statu, pietatem collocant:

M

collocant: adeò de Christi nomine superstitio peius, quàm qui exprofecto insectatur, meretur. Nã cum uim pietatis ignoret, et pro suo arbitrio sibi Deos somniet, non modò nihilo rectius de Christo sentit, quàm Ethnici, sed pietatis etiam titulum ferè priuatis uitijs prætextit: quo sacrilegio nihil abominabilius fingi potest. Et quia uetuit Deus, humano artificio imaginem sui fingi, seq; è suo sermone cognosci uoluit, ubi se nobis uelut in tabula delineauit, petemus & nos è sacris literis, quid de ciuilibus legibus diuinus Spiritus decreuerit: quas cum cœlesti uoce probari audietis, par fuerit, & cognoscere diligentius, & obseruare sanctius. Sese enim contemni Deus iudicabit, si ciuiles leges tantoperè nobis commendatas uiolauerimus. Sed recenseo locos, qui legibus patrocinantur, docentq; in rebus publicis iudicia esse constituenda, legesq; rationi cōsentaneas de rebus herciscondis, de fontiũ pœnis, & alijs hoc genus, ferri posse.

Loci qui legi
bus parroci
nantur.

I.
Ioannes.

Primum ius faciunt nobis sacræ literæ, uel Gentilibus uel Mosaicis legibus in prophanis rebus iudicandis uti. Et cum iudicia amplissimo testimonio ornant, tum πολυτείας, Mosaicam, & Gentilem iuxta probant. Cum Baptistam milites, haud dubiè de genere uitæ consulturi, rogarent, quid à se fieri uellet, nihil hic exegit, nisi ut suis contenti stipendijs, neminem calumniarentur, aut concuterent. Porro cum stipendijs iubet esse contentos, publicum munus, quod illis mandatum erat, planè adprobat. Quis nescit autem Ma-

gistræ

gistratum arma leges & iudicia esse, quæ domum ac iniuriam à ciuibus prohibent? Quare non dubium est, quin tanti leges faciendæ sint, quanti Magistratum Baptista facit. Paulus Magistratum auctoritatem prædicat, cum gladij usum ordinationem Dei uocat, & Magistratum, Dei minister: à quo oraculo ex diametro disident hi, qui leges impietatis accusant. Est enim hostis Dei, non minister, quisquis ea suscipit, quæ diuinæ leges uetant. Qui alterius uxori uitium offert, qui res aliorum fraude interuertit, qui peruius fallit, qui bellum cum superis gerit, non minister est: denique hostis est, cuiuscunq; functio propriè impia est. Quare cum Paulus magistratum Dei minister uocat, non hostem, negat eius prouinciam cum religione pugnare. Contrà, qui Magistratus damnant, semel uno nomine omnes latrones & Dei hostes esse pronunciant: quod quàm non quadret ad Paulinam sententiam, perspicuum est. Quid enim tam dissimile uoluit ille esse latrocinio, quàm Magistratum? Hunc tranquillitatis publicæ custodem nuncupat Paulus, cum gerere gladium scribit, ut bonos honore adficiat. Quod si latrocinium Magistratus est, custodem bonorum qui cedò appellabit? Iubet enim Paulus piorum uotis Magistratus Deo commendari, ut salui publicam tranquillitatem tueantur. Idemq; exulaturis Iudæis Ieremias præcipit. Ac incolumitatem latrocinio præcari nihilo magis fas est, quàm benè precari lupanaribus. Tàm clarè discernit à latrocinio Magistratum

II.
Paulus.

M ij scriptura:

III.

Exempla pii
Magistratus.

Scriptura: inter quæ si nihil interest, sceleratus erat Ioseph, cum in Aegypto imperaret: scelerati Cornelius & Centurio, cuius fidem Christus unice prædicat: plerique item alij, qui Respub. et Gentilium legibus administrarunt. De Iudaicis Regibus nondum dico, quos putant minus posse ad nostra comparari, sed hos, quos recensui, quæso patiamini melioris notæ Christianos fuisse, quàm hi sunt, de quorum moribus, posteaquàm publicas leges contemnere coeperunt, passim malè audit Evangelium. Sed unde tandem honorifica appellatio? Ecquid præcipit Deus de gladio? Primum minister Dei is est, qui eius iussum facit, quique ex eius se mandato comparat, cui qui auscultat, is non modò nihil peccat, sed quemadmodum sacræ literæ docent, sanctum etiam officium facit. Præcipit autem Deus,

IIII.

Leges veteris
testamenti.

morte mulctari eum qui hominem occiderit: quæ lex, citra controuersiam, totam πολιτείαν complectitur. Etenim ut publicæ tranquillitatis causa fas est, de capite hominis iudicare, ita & ad rerum diuisionem, ad leuiora negotia transigenda, quando aliter publicæ paci consuli non potest, cõstituere iudicia licuit. Extat lex in Genesi ad Noë, uniuerso mortalium generi lata. estque confirmata Mosaicis edictis: quæ tametsi solis Hebræis proposita sunt, tamen arguunt Deum probare morem, cum iudicandi res, tum plectendorum fontium. Nota enim Pauli uox est: Legem iniustis latam esseque monet, ut qui Spiritu Christi non frenantur, cum Hebræi, tum reliqui mortales, legibus coher-

coherceantur, & tanquam carcere septi teneantur, ne quem lœdant, ne cuius rebus damnum dent. Eodē impios omnes numero cum Gentes, tum Iudeos habet, gladioq; seu legi ad unum omnes subdit. Suum autem quoddam Christi regnum est: qui cū non in hoc se nobis ostenderit, ut humanam πολιτεία conderet, mundi regnum non labefacit, imò in id extrudit eos, quos à turpitudine non dehortatur pietas, ut uis remoretur. Prodiit Christus, ut cœlestibus muneribus, ut immortalitate pauculos quosdam, tanquam in alium eductos mundum, donaret, non ut ciuitates constitueret. Regibus hanc prouinciam reliquit tenendam, cōseruandamq; ocij tuendi causa. Ipse in piorum pectora Spiritum suum transfundit, ut diuinitatem cum ijs communicet. Ipse uerbo renouat piorum mentes, καὶ μεταρραΐζει. Nihil hæc ad mundi regnū, quod in componendis tantum moribus, in arcenda uolentia uersatur. Id quod non facile tantum fert Christus, sed probat etiam, cū & suos patēre iubet, & ministerium Dei esse fatetur. Quare qui ad respub. accessuri sunt, hos non modò non retrahit religio, sed monet etiam, pium officium facturos, si publica munera rectè gesserint, si ius candidè dixerint. Qui secus docent, cū de prophanis legibus, tum de Christi nomine, malè merentur.

At litigare uetat Christus. Quis negat? Iudicare uerò non uetat. Quantum autem intersit inter iudicare & litigare, nemo non uidet. Nam ut uiatorem

V.

Litigare Christus uetat, non iudicare.

M iij

pulsare

pulsare Deus uetat, non uetat obligare uultus, si quod is fortè acceperit: ita quanquam odia mortalium inter se execretur, mederi tamen tam perniciosi morbis patitur. Quare uita damnari patiar, remedium, par est, ut grato animo complectamur. Furit hic uindictæ cupiditate; ille res alterius fraude occupat: Quos cum in uiam non reuocet pietas, iudicum auctoritate furor comprimitur. Nihil David, Moses, Salomon peccarunt, quantumuis improbis nebulonibus alicubi ius dixerint. Proinde Christus ut litigantem ac uindictæ amore ardentem damnet, tamen suis iudicibus partes reliquit, siue ex Gentilibus legibus, siue ex Mosaicis ius dicant. Gentium Respub. administrarunt, Ioseph, Daniel, Naaman, Centurio, qui, si flagitiū est Remp. gerere, uel Gentilibus legibus uti, ordine mouendi sunt. Verum nolo hic longius immorari. Nam & aliās accuratè hæc excusimus, & pijs mentibus ij loci quos produximus satisfecerint. Tantum reclamant hi, qui nec sacras, nec prophanas leges pensi habent. Christus optima fide censum Magistratui numerat, ut exemplum colendarum publicarum legum proderet. Id adeo imitari oportebat eos, qui Christianam libertatem ubiq; fortiter iactant. Et cum diuino suffragio ius publicum comprobatū sit, pietas exigit, ut & diligenter cognoscatur, et religiose colatur, & tractetur. Legumlatores ueteres omnes, quò plus autoritatis suis legibus adderent, Deorū oculis probatas adseuerabant. Minos fingeatur nouè

NOTUM

VI.

Christus censum numerat.

VII.

Legumlatorū ueterum autoritas.

annorum spacio Iouis usus familiari consuetudine, ab eo constituendæ Reip. rationem didicisse. Lycurgum ferunt & ab Apolline Deum appellatum esse, & sua edicta *πύττας* uocasse, quod oracula uideri uellet. Numami aiunt simulasse nocturnos cum Egeria congressus. Fingeantur hæc, ut cum diuino iudicio approbatae leges uiderentur, plures fierent. Quamto sanctius à nobis ius publicum coli debet, cum id non commenticia oracula, sed certissima uoces diuinæ nobis grauiissime commendarint?

Porro cum constet, nihil pugnare cum ciuilibus legibus religionem, & in rebus prophanis iudicandis fas esse, uel Gentilibus uel Mosaicis legibus uti, exposulabimus aliquantò liberius cum ijs, qui publico iuri præter meritum iniquiores sunt. Non satis, ita me benè ament Musæ, constituere possum, morosi hi mihi uideantur tantum, an prorsus furere. Nam ut illiberalem cõuiuiam esse censemus, qui apud amicum præsentem copiam nauseat: ita qui præsentem mores, instituta ac leges temerè fastidit, opicus mihi et parum urbanus uidetur. Et cum in omni uita sapientissimi homines præceperint, communibus moribus tanquam scenæ obsecundandum esse, ualdè iniusti sunt, qui tanquam cum rebus humanis bellum gesturi, præter sua, nihil probant. Sordidos ac plebeios animos ferè præsentium poenitet, qui cum libidine sua non ratione omnia metiantur, miro quodam nouandi studio tenentur. Neq; ullus Euripus, ullū fretum tam uarios

Furtosi sunt
legum conrem
ptores.

M iij habet

**Patriæ leges
colendæ.**

habet æstus, ac fluctus, quàm uarij uulgi motus sunt. Quæcunq; commouerit tempestas, subito furit, misceatq; omnia, Contrà, generosæ mentes communibus se moribus attemperant, solentq; utcunq; & ubicunq; opus fuerit, obsequi, quemadmodum ille Terentianus pater monet. Iam non simplex rusticitas, sed furor est planè, patrios mores, ac patria instituta odisse. Etenim cum patriæ sanctum quendam amorem omnibus indiderit natura, prorsus obliti sui uidentur, qui patrias leges tantoperè auersantur. Sapientissimus Poëta fingit Vlyssæm optare, ut uel fumum de patrijs exorientem focus uideat: hi leges contemnunt, ornamentum patriæ pulcherrimum, quarum beneficio ipsi & aluntur, & seruantur, ut ne naturæ quidem plus, quàm his debeant. Mirum, in Vulturio plus est humani, quàm huic generi. Ego profecto, quoties defatigatum animum remittere, recreareq; libet, nulla in re suauius, atq; in patriæ recordatione acquiesco. Id quod fieri non posset, nisi mirum quendam eius amorem in se uisisset natura.

Patriæ amor.

Videor mihi iam agros peruagari, iam in hortis reptare, iam ad flumen deambulare: Hic naturæ opes, industriam colonorum meorum ciuium tacitus contemplor, admiror maiorum prudentiâ, qui agros, qui oppidum ipsum diligētissimè ornarunt & munierunt. Hæc cum animo considero, & propemodum intueor, mediocri ne me uoluptate perfrui cēsetis? Me uerò cum loci amœnitas per sese delectat, tum quia patria

patriæ nomen accedit, ualdè adficior. Nec minus tali
 patria capior, quàm ille Ithaca, qui quamuis sterilem,
 & in asperissimis saxis tanquam nidulum adfixam,
 pluris immortalitate fecit. Et cum tantoperè solum
 ipsum ametur, non possum non fauere & legibus,
 quibus ciuium inter studia uoluntatesq; conciliantur
 & deuinciuntur, quæ domesticam disciplinam, bonos
 mores, popularium libertatem tuentur, quæ profecto
 non minus nos, quam lares nostri, delectant. Proinde,
 cum inflammet nos natura, & adsuescerit consuetu-
 do ad amandam colendamq; patriam, & ingrati erga
 benè merentē, & in penates suos impij, & alieni prorsus
 ab humanitate sunt, quibus domesticæ leges sordēt.
 Capitale est Magistratum pulsare, hi cum prorsus ex
 Repub. Magistratus, iura omnia exterminent, quod
 non supplicium merentur? Nolo hîc causari, frustra
 eos niti, recepta non posse ferè priuato cuiusquam ar-
 bitrio cōuelli. Fingerem succedere. Quid erit ciuitati-
 bus nostris calamitosius? Quas Deū immortalem, hæc
 nouas dabit turbas? Nam ut sine uoletudinis iactura
 nemo uictus rationem mutat, ita nec leges sine publica
 perturbatione mutantur. Nec ad ciuitatum ocium, et
 ad concordiam stabiliendam quidquam perinde con-
 ducit, atq; ueterū legum morumq; conseruatio: quod
 cum urbium exempla passim testantur, tum monet
 aureus ueteris Poëtæ uersiculus.

Leges & uictis
 mutare pericu-
 losum.

Moribus antiquis res stat Romana uirisq;.

Ennius.

M V

Valerant

Valeant igitur, qui uel adeò inciuiles sunt, ut atque temperare se communibus moribus nolint, uel adeò arrogantes, ut rectius se Rebuff. consulturos confidant, quàm maiores, uel adeò ferrei, ut nullus rerum patriarū amor tangat. Et si ita uidetur, in *νεφελοκορυφαίᾳ* commigeēt, Senatui populoq; cuculorum imperaturi. Quanquam autem hæc abundè magnaratio bono uiro sit, cur præsentēs leges amplectatur, quòd usu receptæ sint, et in mores, peneq; in naturam nostram uariarint: (Stultū est enim cum publicis moribus dimicare) tamen excutiamus rem paulò accuratius, temerè ne, an consultò maiores nostri ex scriptis legibus iudicari res maluerint. Non nuper in scholis hac de re altercantur, utrum satius sit, ex scripto iure, an ex Magistratuum arbitrio res iudicare. Verum nos non quod ociosi in schola literatores somniant, sed quod prudentissimi quique probarunt, qui Respublicas tenuerunt, sequemur. Nam cum humanæ prudentiæ ciuilia officia religio commiserit, et prudentū exemplis, et communi sensu hanc causam metiemur. Quæ fuit autem usquam Respub. mediocris sine certis legibus constituta? Scripto iure usi Aegyptij Cretenses, Athenienses, Romani, addam etiam Iudæos. Et Lycurgus, tametsi nullas scripserit leges, certas tamen quasdam prodidit, non tabulis, sed ut uulgo notiores essent, memoriæ ciuium insculpendas. Quare ut nihil ijs patrocinetur, qui hoc tempore scriptum ius tuetur, defendere eos tot gentiū iudicia facile queant, quibus

Scripto iure
utendum.

quibus quo ore cedò, qua fronte reclamare audebitis? Et haud scio, an hæc ueteribus illis legumlatoribus consilij ratio. Quum libertatis ac tranquillitatis publicæ causa conditæ sint ciuitates, & constituta iudicia, ut in tuto sint suæ cuiq; res et uita, et sub iuris auctoritate, tanquam sub umbra lateant: idq; præsidium non maiorū industria, non hominum conspiratio compararit, sed Deus ostenderit: præstandum est ne ius sit obscurū, incertum aut ambiguum. Quæ est enim iuris uis, aut authoritas futura, si subinde uertumini in morem uaret? Nemo fortunas suas uitamq; non satis exploratas, aut infidis custodibus, tutò cōmitti putat. Porro ubi Magistratuum arbitrio sine certis legibus res iudicantur, cum in imperitorum, sepe etiam improborum potestate ius sit, fit ut per imperitiā sepe Magistratus æqui et iniqui discrimen non perspiciat. Quoties recti species decipit? quoties iudicio gratia, aut maleuolentia officit? Neq; enim obscurū est, quā leui momento ab æquitate mediocrium hominū animi sepe abstrahantur. Quid quòd ea imperitorū pertinacia est, ut ad æquitatem flecti nō possint, ubi non cogunt leges. Cedò, quid arbitrare sumpturos sibi Germanicos regulos, nisi leges prohiberēt? Qui, si quando iuris species suffragaretur, citius omnia miscerent, quā de sententia, de possessione decedrent. Nunc cum reclamant leges, deterret à flagitio nonnumquam pudor. Quotus enim quisq; tam corneæ fibræ est, ut publicam legum uocem omnium de se iudicium prorsus

Ex arbitrio
periculosum
iudicare.

Triginta Ty
sanni Athenis.

prorsus contemnat? At si nullæ obstrepant leges, cum
licentia ferè deteriores reddat, uideas aperta tyranni-
de grassaturos, non aliter atq; solebant Athenis tri-
ginta illi, qui cùm pessimo exemplo iudicia sustulif-
sent, perinde quasi publicam carnificinam exercerēt,
optimum quenq; iugulabant. Itaque quemadmodum
in periculosis tempestatibus, non solet uentis temerè
committi nauis, sed gubernator præficitur, qui arte
regat, ita fluctuantes Principum animi, certa lege fre-
nandi, regēdiq; sunt, ne priuatæ cupiditates eos à iure,
uelut à portu reijciant. Et cum in cognoscendis cau-
sis, sepe non pessimis Magistratibus iuris species
imponat, sepe transuersos rapiat ambitio, ne pericli-
taretur libertas, æqui & iniqui formulas præscribi
oportuit, quas in consilium adhiberent ius dicturi.
Nam si Magistratui potestatem feceris, quidquid li-
bet statuendi, uide in quam nos seruitutem conijcias?
Iure possessiones adsignauit, si aliud uidebitur, ius erit
eripere, quod dictum est, indictum fuerit, quod modò
erat ratū, irritū fuerit. Quidquid decreuerit, in uento
et rapida scribere oportet. Aqua, usq; adeo non consta-
bit sibi, & iure subinde mutato in aliam se formam
πρόβους moreuertet. Non domus, non liberi, non con-
iunx, quibus ne nostra quidē uita nobis carior est, in-
tuto erūt. Res bonæ omnes, pietas, humanitas, doctri-
na, artesq; uniuersæ, quæ ociū, pacemq; amant, exci-
dant. At cum his uitij leges medeantur, nec libertatis
nullus præterea fidelior sit custos, quid uetat legū bene-
ficio

uti? *Quæ* Magistratibus fiduciarum tantum nostri potestatem faciunt, ut ius nostrum quoties periclitamur repetere liceat. Aristoteles in ea demum Republica *Aristoteles.* quæ scripto iure regitur, Deos imperare adfirmat, quod libertatem leges tueantur, qua haud scio an hæc uita nihil dulcius habeat. Quid enim foelicius, quam iniuriæ metu uacare, societateq; hominum tuto frui? Proinde ille ne bono quidem uiro sine legibus Rempublicam mandari patitur: Sed recita uerba.

Verum dicet aliquis, malignè me de hominum ingenijs sentire, cum nullius adeo exploratam fidem, ac uirtutem esse duco, cui tuto ciuitas committi possit. Ego uero optarim passim imperare Nestoras, uerum *Rari boni Principes.* uidemus quanta sit optimorum Principum paucitas. Nec obscurum est uetus illud dictum: Omnium bonorum Principum imagines in uno annulo sculpi posse. *”* *”* Quare facile patior, in mediocribus, ut sunt ferè, certo iure uim regi, et officij sui, si qui sunt imprudentes Magistratus, admoneri. Hæc mea est ratio: nec foeliciorem Rempub. somnio, quam qualem existere res humane finunt. Finge autem rerum summam ad Stolicos delatam esse, qui nec gratia, nec odio adficiantur, qui falli nequeant, quid ijs facies, qui, ut est uulgi improbitas, malunt legibus, quam uel sanctissimis Magistratibus credere? Est enim quorundam tanta *Rabies litigantium.* rabies, tantaq; pertinacia, ut æquitate fideq; iudicium satisfieri sibi non patiantur, sed cum summo iure contendant,

Ius scriptum
uelut Mercuri-
alis statua.

tendant, extremaq; omnia experiantur, saepe infensius cum iudicibus, quàm cum aduersario concertent. Hic uerò Magistratuum autoritas periclitabitur, nisi publicè receptæ leges defendant: Adeò non modò aduersus Tyrannidem, in legibus innocentie præsidium est, sed Magistratibus aduersus uulgi importunitatem, hic tanquam aheneus quidam murus est. Deniq; cōmune uinculum inter se Principum, ac multitudinis est, ius scriptum, ad pacem tuendam comparatum. Iam & improbi ciues facilius in fortunas aliorum impetum facient, cum uel nullæ pœnæ certæ absterrebunt, uel ius erit incertum. Contrà, ut ij, qui iter faciunt, cum uiam indicant Mercuriales statuæ, nihil metuunt, nec ubi errent: Ita boni ciues, cum certum ius præpositum est, securi degunt, cum docent leges, & quid pro se quisq; præstare debeat, & quid cuiusq; sit proprium, & improbis certum exitiū minantur. Cum autem libertas nihil nisi inane uocabulum sit, si bonis securitatem demas, crudele fuerit, ius scriptum ē medio tollere, si quid ad securitatem in bonorum animis alendam confert.

Tollit intestinas discordias.

Accedit hūc, quòd, ut modestissimi homines imparent, tamen futurum sit, ut de iure saepe dissentiant, nisi ex certis legibus res iudicentur. Quæ est autem pestis ciuitatibus perniciosior intestina discordia? Quare hæc urbes nō funditus euertit? Quare nulla tam parua res est, quæ modò ad concordiam conseruandam, conducere uideatur, quæ negligenda sit. Sæpe autem
ex leuiss

ex leuissimis iniurijs , non secus atq; ex munitissima
 scintilla , grauissimum incendium oritur. Non raro et
 res grauissimæ in disceptationem ueniunt, ubi si Ma-
 gistratibus de iure malè conuenerit , studijs factioni-
 busq; publica tranquillitas turbabitur, dum suæ quæ-
 que pars sententiæ suffragatores , addo etiam uires,
 publicæ salutis oblita, comparat . Quam autem non
 solitudinem malis , quàm intestinis flagrantem ocij
 urbem colere ? Proinde , cum Hebræos Deus inter se
 quàm coniunctissimos esse, rectissimeq; cōsentire uel-
 let, certas leges tulit , ut ex præscripto res iudicarent,
 nequando ius controuersum disidium pareret. Ple-
 risq; item alijs ciuitatibus uel Principum Tyrannis,
 uel ciuiles discordiæ imposuere legum condendarum
 necessitatem. Nam cum inter se Athenis, de iure pu-
blico, perpetuò conflictarentur , tres per id tempus
 factiones, homines opinor non pessimi, sed malè inter
 se ut sit, in imperio coherentes, eaq; dissensio, morbo
ciuitatis ingrauescente, & gliscentibus odijs, uniuersis
exitium minaretur , Respublica Soloni mandata
 est: is leges tulit, quibus libertatem, & otium urbi re-
 stituit . Et cum cerneret has unicum esse concordie
 uallum, constituit, ut qui ius dicerent, conceptis uer-
bis, iusiurandum darent, se ex Legibus res iudicatu-ros
esse. Qui Magistratum arbitrio simpliciter omnia
 committunt, cum Solone, si libet, expostulent, nō me-
 rum, qui ad consociandos inter se ciuium animos, tam-
 tum facere momentū scriptas leges existimauit , ut ex
 suo ar-

Leges Hebræo-
 rum,

Solonis leges
 pro concordia
 constituenda,

suo arbitrio Magistratus ius dicere uetuerit. Sed recta iusiurandum ἱδρυμένη, sic enim Demosthenes uocat. Fuerunt & hæc ferè causæ, cur Romani scripto iure uti maluerint: Nimirum sibi Principes sumebant: Plebs non satis tuto creditam Optimatibus libertatem existimans, sæpe imperium auctoritatemq; detrectabat, de iure sæpe dissentiebant inter se etiam boni uiri. Hæc coegerunt tum plebis temeritatem, tum Magistratum uim certis legibus moderari: suntq; duodecimillæ tabulæ, fons iuris nostri, prudentissimorum hominum iudicio propositæ. Id iugum cupidè uniuersa ciuitas accepit, cum sentiret urbem non diu futuram incolumem, nisi legibus muniretur.

**Leges xii.
tabularum.**

**Consuetudini
mos gerendus.**

Porro cum ciuitates, orbis terrarum Principes coegerit necessitas penè Diomedea leges condere, quis furor est, apud nos iam usu receptas uelle abrogare, ac indicare? magna consuetudinis uis est, quæ mores omnes, quibus assuefacti sumus, sine perturbatione publica mutari non sinat. Quare leges uel hoc nomine, quod consuetudini mos gerendus est, oportuit conseruari. At cum de rebus humanis etiam benè mereantur, publicam tranquillitatem & libertatem tuentur, obsecro non insaniunt, qui refigere iubent? Actum fuerit de religione, de humanitate, de rebus bonis omnibus, nisi cætus hominum iure cogantur ac defendantur. Neq; uerò inter cætera legum beneficia hoc prætereundum est, quod de expetendis fugiendisq; rebus, rectas ciuibus opiniones inserunt. Id adeo a
formet

formandos mores magnum habet momentum. Errant enim mortalium ingenia, nisi certis præceptis regantur, & ut quidq; maximè commodum in præsentia uidetur, ita maximè lucere putant, oculos mentemq; libido præstringit, ut quod maximè cupimus, sæpe, nisi dehortetur legum autoritas, optimum esse ducamus. Auarus nihil esse uitij in scœnore faciendo existimat. At si ualerent leges, quæ scœnatoribus maiorem mulctam constituerunt, quàm furibus, quis non execraretur scœnus? Sunt quos parum pudet mentiri: At cum ex lege duodecim tabularum è saxo Tarpeio deiciiebatur, qui falsum testimonium dixisse cõuictus erat, cane peius, & angue, mendacium oderat multitudo. Perpetuum ocium nunc in lauta uitæ parte ponunt: At cum Atticis legibus capitalis esset defficta, grauius audiebat. Furem abominamur, quod in eum grauiusimè adnimaduertatur, augetq; crimen poenæ atrocitas. Prædonis loco habes eum, qui debitoris rem aut pecuniam usurpat, nisi sponte datam. Peperit hanc opinionem lex, quæ pronunciat, uim esse, quoties quis id, quod deberi existimat, per iudicem reposcit. Nihil autem cum opinionibus tum moribus nostris instabilius esset, nisi ex certis legibus cõpararentur. Nam ut nautæ cursum ad ea sydera, quæ eodem semper loco circumaguntur, dirigunt: ita patet, ut ad leges, quæ à sapientissimis hominibus latæ, & uirtutis uiam rectissime indicant, & sui nunquam dissimiles sunt, opiniones nostras exigemus. Sed ut

Legum uis atq; autoritas.

Leges idē sunt Reipub. quod nautis sydera.

Leges ab exteris sumptæ.

N

nulla

nulla ratio sit, cur scripto iure utamur, certè Romanæ
 leges merebantur, quas huc importaremus. Quare ma-
 iorum nostrorum prudentiam laudo, quòd Romanas
 potissimum leges delegerunt, quas in iure dicendo se-
 queretur. Et quādo hætenus benignè mihi audiendo,
 operam nauastis, fauete quæso, et reliquæ orationi.
 Exponam enim breuiter, cur tantopere iuuat, à Ro-
 manis leges mutuari. Vetus hic mos est, ab optimè cō-
 stitutis urbibus exempla petere. Nihil puduit Atticos,
 Aegyptias quasdam leges usu capere, ut Herodotus te-
 statur. Nemo Romanis uitio uertit, quòd, cum coge-
 ret publica necessitas leges conscribere, in Græciam le-
 gatos misere, qui inde legum formulas adferrent, et de
 Rep. instituenda summos in Græcia homines consule-
 rent. Id et cū maiores nostri fecerint, cū Romanæ
 Reipub. instituta ad nos attulerint, quid quæso pec-
 carunt? Quæ tandem ars ex liberalioribus illis domi
 nobis nata est? Literas, temperorum discrimina, syde-
 rum ortus et occasus, architectonicam, Musicam ex-
 teri docuere, sine quarū cognitione, uita planè manca
 est: in quibus, si nihil offendit peregrinitas, quid ne-
 tat externis legibus uti? Quis dubitat nostra cultiora
 esse, et literis et legibus Romanis aduectis, quàm fū-
 re prisco illo barbaro seculo, cū nec ingenuis arti-
 bus animi nostrorum priuatim fingerentur, nec pu-
 blico iure, aut certa disciplina mansuescerent. Adeone
 presentium poenitet, ut mutare cum ueterum bar-
 barie libeat? quæ cuiusmodi fuerit, uel ex eo potest
 estimari.

estimari, quòd humanis hostijs apud hos litatum est. Eant quos tantoperè vetustas delectat, & glandibus etiam uestantur. Iam cum Romani literas nos, artes, aliq; docuerint, quid fuit, cur non illorū leges etiam imitaremur, cum nulla fuerit Respub. quæ aut plura nobis, aut illustriora uirtutis humanitatisq; exempla, aut humaniores leges proponere potuerit? Fuit illud omnino unicum uirtutis, atq; humanitatis in terris domicilium. Longum fuerit recensere, qui ibi iuxtà et in toga, & foris omnium belli pacisq; artium periti, clari fuere. Noti sunt Camilli, Curij, Fabricij, Fabij, Claudij, Scipiones, Craßij, Iulij, Cicerones, Sceuole. Didicerant hi Respub. regere, non in umbra, & in ocio, ut Greci, sed in sole ac puluere, usu magistro, uim, inconstantiam, uariasq; uoluntates uulgi, domi forisq; toties experti, norant quibus artibus in officio retinenda tractandaq; sit multitudo, norant, quæ pharmaca ciuitatum morbis conuenirent. Itaq; Vergilius, cum alias artes alijs gentibus cōcedat, Romanis scientiam gerendæ Reipub. tribuit:

Respub.
Romana.

Tu regere imperio populos Romane memento,

Parcere subiectis, & debellare superbos.

Porro cum hi, qui Musica operam daturi sunt, ad nobilissimos se magistros conferant, cum pictores optima sibi exempla proponant, cur non & in gerenda Repub. optime constitutæ urbis tum exempla, tum leges usurparemus? Milesias credo, aut Sibariticas leges isti, ut sunt impuri, uobis serēt, qui Romanas

Exempla optima proponenda

N ij tan

Ius Saxonum
ex Romanis
legibus emen-
datum.

tantoperè oderunt. M. Cicero cum de optima ciuitatis statu disputat, non alias nisi Romanas leges fert, easq; naturæ maximè omnium consentaneas esse censet: cui si quid credimus, à natura discedunt, qui à Romanis legibus dissident. Vernaculo quodam iure Saxones adhuc alicubi utuntur, in quo quàm multa ex Romanis legibus emendata sunt? Quid fuit minus humanum, quàm quod uetere Saxones, ne nepotibus amisso patre, auita hæreditas ueniret? Correcta lex est in comitijs populorum Germaniæ, latumq; ut deinceps Romanum ius ea parte Saxones sequerentur. Et municipalia passim statuta, quoties æquitas poscit, sunt enim ferè barbara, Romanis legibus emendantur. Adeoq; magno consensu ius Romanum tanquam oraculum, nationes omnes de æquitate consulunt, sentiuntq; leges & placita omnia ad hanc regulam exigi debere, & in hoc extare uolunt, ut in dijudicandis pensitandisq; omnibus, quæ in publicis consilijs discernuntur, gnomonis uice sit. Tam sanctam plurimarum gentium conspirationem reprehendere, quid aliud est, nisi insanire? Et meo iudicio sanè, quàm multum interfuerit Reipub. ut maximè in foro, apud nos non uersarentur Romanæ leges, in Bibliothecis eas adseruari, ut inde gerendæ Reipub. rationem, æqui et iniqui iustum discrimen peterent, quicunq; ad publica munera tractanda animum adiecerunt. Quid enim furiosius est, quàm quod ferè euenit, accedere ad Rempub. nullis instructos literis, nulla præditos, neq; humani-

Qui sint ad
Remp. idonei.

manitatis, neq; equitatis scientia? In scenā nemo prom-
 dit, nisi histrionicam probè meditatus: nemo fidibus
 ludit, nisi Musicam teneat: Quantò magis oportet
 eos, qui Respub. capeffunt, qui consilium, qui opem
 innocentibus pollicentur, honestis artibus dedolari
 antea, & in schola bonarum rerum studio, grauiori-
 bus negocijs præludere? Sunt enim hebetiores ferè dis-
 cernendis rebus communibus, quorum iudicium nul-
 le literæ acuerunt, aut confirmarunt, & feri magis
 impotentioresq; , quorum pectora mansuetior disci-
 plina non mollijt. Belluam aliquam immani seuitia, Imperiti in Re-
 ex cauea in mediam multitudinem iures emissam esse, publica bellua.
 non imperare hominem, sicubi in inculti imperitiq;
 magistratus potestate Rempub. esse uideris. Quare à
 doctissimis hominibus de regendis ciuitatibus, de ius-
 re, equo ac bono, multa conscripta sunt, ut uim uir-
 tutis & iustitiæ Principum oculis subijcerent. Extant
 Platonis politici libri non pauci, extant eodem argu-
 mento & Aristotelici, depinxit graphice Principem
 Xenophon, quem Scipio sic amasse fertur, ut nun-
 quam de manu poneret. Fateor de rebus humanis istos
 benè meritos esse, & multa utiliter monuisse, dignosq;
 duco esse, qui in manibus, in sinu gestentur ab omni-
 bus, apud quos in precio uirtus est: uerum nescio, quo
 modo mihi adumbrasse magis, quàm uiuis coloribus Adumbratæ
 expreßisse Respub. uidentur, dum à communi con- Respublicæ
 suetudine, & ciuilibus moribus longius recedunt, et Philosophorū.
 pro suo quisq; stomacho ciuitatem sibi somniat. Plato,

N iij

ut cætera

ut cetera omittam, mulieres etiam militare iubet. Aristoteles dubitat, an oppida mœnibus cingēda sint. Ad hæc frigidis argutijs serè immodicè delectantur. Socrates apud Platonem ex iustitia κλειπικὴν facit. Aristoteles partim Geometricis proportionibus, partim in Arithmeticis consistere iusticiam scribit. Laus ingenij peritur his παρέργοις, ad rem non ita multum faciunt. Absolutam uerò ciuitatis effigiem est cernere, in his legibus, quæ nō in scholis natæ sunt, sed in curia, in foro, ut bonis profugium, et portus, et aduersum improbos teli uice essent. Vt offendunt Mimi, nisi proximè representent, quos imitari instituere: ita et leges parum probamus, à cōmuni captu remotiores. Quare hoc mihi planè persuasi, utiliorē esse Romanarum legum cognitionē, ijs qui Respub. gerunt, quàm Philosophicarum in hoc genere disputationem. Grauitèr, ciuilitèr, et humanitèr omnia consituta sunt à legum autoribus, idq; res cogebat. Erant enim ad ciuilem hominum consuetudinem leges accommodandæ, non aliter atq; pharmacum attemperari oportet ægri corporis naturæ, ac uiribus.

Philosophorum Mimi.

Quarundam gentium leges animam et Spiritum sumunt ex Romanis,

Philosophi sibi in Scholis quædam liberè permittē, quæ in gerendis rebus publicis non fuerit consultum sequi. Sunt quædam in Europa gentes, quæ non iudicant res ex Romanis legibus, sed uernaculis. Et tamen qui ibi Respub. gesturi sunt, serè Romanas leges apud exteros discūt, qui, ut accipio, interrogati, quicquid nostrarum legum non sit apud eos usus, in eis cognos-

cognoscendis tantum operæ ponant, respondere solent: Animam se spiritumq; legum, sic enim loquuntur, excipere, hoc est, æquitatis uim ac naturam hinc decerpere, ut de patrijs legibus rectius iudicent. Laudo prudentissimam uocẽ, qua significant omnia rectius perspexisse summos illos uiros nostri iuris autores, et neminem satis instructum esse ad ciuitatẽ regendam, qui non in his cognoscendis tyrocinium fecerit. Quid quod in his iureconsultorum literis bona pars antiquitatis reliqua est? Veteres mores, sermonis Romani pleræq; figuræ, quas nisi hi explicarent, in alijs scriptoribus nonnunquam non aliter atq; in luto hæreremus, nec intelligi optimorum autorum plerique insignes loci possent. Quod si historia, si aliæ ueterum literæ nobis, ut debent, curæ sunt, cum his passim lucem adferant Iureconsulti, uel à Grammaticis & Rhetoribus eorum cõmentarios adseruari oporteret. Itaque nisi simul omnibus literis bellum indicemus, et planè in belluas degenerare iuuabit, non permittendum est, ut situ ac senio Romanæ leges emoriantur. Quosdam nobilium urbium picturæ, quosdam marmora, quosdam statuae delectant, eaq; summa cura cõseruant. Quæ malum, barbaries est, leges, plusquàm auream pulcherrimæ urbis monumentum, & Germanam uirorũ obliterare? Quidam clarorum hominum sententijs unice capiuntur, parietibus inscribunt, annulis insculpunt, illiniunt omnibus chartis, si qua insigniter placuit. In his uoluminibus tot extat gnoma,

Antiquitas
multa apud Iu-
risconsultos.

Quo in precio
habendæ leges
Romanæ.

N iij quot

quot leges erutæ ex intimis sapientiæ penetralibus, ex doctissimorum Poëtarum, Oratorum & Philosophorum monumentis, & recitant doctissimos rerum humanarum omnium imperatores, et iurisperitos nostrorum rabularum dissimiliores, quàm sunt Chiorum in talis Coi, sed instructi literis, usu Reipub. domi forisq; gerendæ exercitati: uel tantorum uirorum memoriæ hic honos debetur, ut, tanquam exuias, eorum scripta conseruemus. Quod cum summa cetera maiores nostri præstiterint, æquius est, illorum nos exemplum imitari, quàm ijs obsequi, qui non modò legibus male propitij sunt, sed prorsus neq; ius, neque bonum, atq; æquum sciunt, melius, peius, proffit, obfit, nihil uident, nisi quod libet.

Refutatio ad-
uersariorum.

1.

Mutilas esse
leges.

Poscit hic locus, posteaquam sententiam de legibus nostram exposuimus, aduersariorum calumnias refutare, quæ, quia leuiusculæ, & penè ridiculæ sunt, paucis à me perstringentur. Mutilæ, inquit, legum Rhapsodiæ sunt. Publica ea calamitas est, quam insectari minime conuenit, miserescere erat humanum. Optarent autem boni omnes, si quid uotis proficetur, integra ueterum Iureconsultorum uolumina extare. Verum cum hæc tantum fragmenta, fortuna nobis reliqua fecerit, impium fuerit, uelut ex naufragio receptis hostibus, uitam inuidere, præsertim non malis. Nam qui hæc consarcinarunt, integras tamen sententias nobis, & legum capita, quantum satis erat, tradiderunt. De singulis casibus anxie supersticiosq; consuetudine

fituere nihil refert, satis est, genera rerum, et communes quasdam formulas, quemadmodum in alijs sit artibus concipere, quibus similia inter se facta metiamur, ne si res in immensum crescat, nemo cōsequi possit. Deinde in legibus omnibus res cogit breuitatem adfectare, ut animis facilius insigi possint, tanquam breuia ἀποφθέγματα. Sed obganniunt aduersarij, obruta esse omnia, et conspurcata sordidis interpretum commentarijs. Ego uero Romanis legibus patrocinator, non neotericis interpretibus: quorum, si prodesse uoluere, laudandus est conatus, et tamen quidquid istis uisum est, id uniuersum semel imputo inscitiae humanitatis et elegantium literarum: quibus qui non sunt perpolitī, hi nihilo ad tractandas grauiores disciplinas, magis appositī sunt, quā ad Lyram asinus. Primum enim cum Romano sermone conscriptae sint leges, quomodo in eis uersabitur, qui linguae figuras ac uerba non tenet? Iam, etiam si Scythicus legum sermo esset, tamen pinguius iudicant, docent obscurius, et imprudentius, quacumque de re dicere instituunt: dant sine mente sonum, quotquot dicendi artes non attingere. Magna uis est in humaniorum literarum studio, quā animo rectius cernere, quā oratione depingere possumus. Et exempla superioris aetatis comitent, quid sapiant, quotam mentis unciam reliquam habeant ij, qui ab istis artibus alieni sunt. Videt quā ineptē tradiderint suas artes Philosophi, quanto conatu, quantas nugae docuerint. Nihilo sa-

2.

Omnia esse
commentarijs
obruta.

N V niores

Disputatio de
Lazaro.

Ridiculo per-
stringuntur.
inepti iure
consulti.

niores iureconsulti fuere, qui disputarunt de Lazaro, ualuerit ne testamentum, postquam is reuixit, et hoc genus innumera. Solebat apud nos doctus quispiam homo istorum ineptias festiuo commento ridere. Non procul oppido quodam, aiebat, ad flumen pistrinum, ex quo cum non ita multo ante aquatū asinus descendisset, cum in extrema ripa seu lutulenta, seu tenuior aqua fluere, quam ut os imbueret posset, in proximā Cymbam forte pergit, unde uberiorem iusti annis aquam hauriret. Porro cum inscendisset nauiculam, impetu detorquet à ripa in medium flumen, quo cum esset excepta, secundis uentis in scopulum defertur. Hic postquam impigit, fracta est, et imperitus ille Nauclerus in undis perijt. Doluit molitori, ubi rem rescivit, iactura, et piscatorem in ius uocat, damnum dedisse accusat, quod eius nauigio iumentum auectum sit. Contrà ille factam ab asino pauperiem, seq; damnum accepisse exclamat, quod nauigium amiserit, in flumen ab asino impulsus. Vtrinque accerrimè à conductitijs rabulis certatū est. Iudici causa uisa est intricatior, quam ut liceret, non consultis iuris professoribus, pronunciare. Deferunt ad Leguleios. His uero negotium mirum factum est, dum pro se quisque uindicare asinum contendit, disputationes uarias instruunt, rixantur de asino in scholis et conciliabulis pertinacius, opinor, quam Græcus ille de asini umbra, et haud scio, an nondū etiam de summa rei decreuerint. Obsecro nō insanire tibi uideatur, si qui se in tam ridicula cause

causa diu torqueant. Verum, mihi crede, istorum disputationes futiliores sunt hac molitoris contentione. Quotus enim quisque de communibus rebus ciuilitate, et ex communi sensu iudicat? Ingenia in saltis formulariorum literis obbrutuerunt, hasque in scholis et foro, non aliter atque suas epodas Magi non intellectas recensent. Nihil hic de Grammaticis et puerilibus erratis, de barbarie sermonis queror, quam praescriptione tuentur, iudicii inopiam accuso, qua fit, ut nec ius nec fas in plerisque causis cernat. Aduersus eam pestem dicendi, artium studio mens praemunienda est, perinde atque aduersus Circes uenena, Ulysses molyherba Mercurius praemuniit. Si quid iuris interpretes inscitia literarum peccarunt, uestrum est, uestrum inquam, honestissimam provinciam repurgare, et explosis indoctis commentariis a situ et squalore leges adferre, et germano nitore restituere. Id humanius est, quam leges ipsas neutiquam male meritas de nobis, obliterare. Sed audio etiam de professorum moribus nonnullos queri. Primum optarim hos censores in suis uitijs emendandis, nolo enim nunc, quidquam acerbius dicere, tam esse acres, quam sunt in reprehendendis alienis oculati. Deinde cum sint in hoc ordine plerique boni uiri, iniquum est legibus impunitate, si quid adserunt uitij professores. Iam ego ob hanc causam doctissimos et optimos quosque cupio legibus discendis operam dare, ut extrusis ueteratibus et sycophantis illis, iudicia, forumque redeant ali-

quando

Formularia.

Artium studia necessaria.

3.
Querela de professoribus

quando in bonorum ac doctorum uirorum potestate. Modo res iudicant indocti ferè, qui ne nihil sapiant, unum aliquem ex uulgaribus pragmaticis in consilium adhibent, in quibus ut quisq; est indoctissimus, ita est audacissimus & nequissimus. Huius uident oculis, huius audiunt auribus reliqui omnes, quod hic somniarit, reliqui decernunt: Ait, aiunt: Negat, negant. Capita sunt sine linguis, ius ipsi & uim æquitatis ignorant. Leguleius ille naribus omnes tanquam bubulos trahit. In tanto iudicum ueterno, irrepunt in forum, et uanissimi rabulæ causas acturi. qui, quando is quæstus est uberrimus, ex litibus lites serunt, clientes deglubunt, Respub. depeculantur indoctum iudicem nouis subinde technis ludificantur. Non possum adduci ut credam Athenis unquam sycophantas, qui sic dicebantur, ullos nostris impudentiores, nequitioresuè fuisse. Ausim & hæc uitia inscitie elegantium literarum imputare, quarum qui sunt imperiti, nescio quibus artibus ad honestatem flecti possint, quando uim uirtutis, nullæ aliæ literæ perinde oculis nostris subiecere, atq; hæ, quæ humaniores reuerentissimè uocantur.

Et cum ne leges quidem ipsas attingāt isti, tantum ex uersutorum quorundam formulis sapiant, ne possunt quidem contagione pestilentissimarum literarum non infici.

Proinde cū nulla meliore disciplina animi ad uirtutē adsuefacti sint, nihil pudet in quæstu ius habere,
uitiare

uiliare leges, detorquere malitiosis interpretationibus, in quam uolunt partem. Solonem refert Demosthenes, cum reum ageret quendam pernitiöse legis autorem, dixisse: Cum capitale sit numisma adulterare, morte mulctandos esse etiā eos, qui leges uitiant: Propterea quod, ut in priuatis commercijs ac contractibus numismate utimur, ita publicis cōmercijs, & negocijs legis esse numismatis uice. Rectē Solon. Atque utinam eò redeat res, ut in nostris iudicijs petulantia, impudentiaq; rabularum coherceatur, mulctetur dolus. Id adeo fiet, ubi ad Rempub. boni uiri accedent, literis & cognitione iuris instructi, quibus isti imponere nec ausint, nec possint. Itaque Reipub. interest, ut optimi quiq; & uirtutis amantiissimi ius perdiscant, ut si quando publicum munus tractandum est, rectē gerendæ prouinciæ artes teneant. Videmus enim quos ludos Rebuspub. ubique Magistratus imperiti & indocti reddant, quos ut boni sint, necesse est multa incautos peccare, & tamen ferē ita fit, ut deteriores sint, quo sunt indoctiores.

Accusatur a
Solone perni-
ciosæ legis
autor.

Dixi de legibus, longius fortasse, quā ferebat tē-
pus, sed omnino parcius, quā & res poscit, & ego
uolebam. Reliquum est, ut eos, qui in legibus uersan-
tur, adhorter, ut strenuē pergant, nec è medio cursu
reuocari se indoctorum uocibus patiantur. Nam cū
iudicia adprobet religio, non modò non impium, sed
sanctum etiam officium faciunt, qui ritē de iure re-
spondent, aut res iudicant. Pleriq; posteaquam hanc
inducē

Cohoratio ad
studium iuris
prudentiæ.

Iosaphat. II.
Paralip. XIX.

induere persuasionem, uersari se in re prophana, & quam Deus nihil moretur, minore fide curaq; munus suum obeunt. Hos meminisse uolo, Deum et iuris autorem esse, & uindicem futurum. Libra & pondus, inquit Salomon, iudicia Dei sunt. Quare si quid iniquum statueris, non hominum tantum mores uiolari credas, sed Deum, à quo iudicia constituta sunt, offendi sentias. Non hominis, ait optimus Princeps Iosaphat, exercetis iudicium, sed Dei: adest spectator & arbiter consiliorum uestrorum Deus: Sit timor Domini uobiscum, accuratè rem gerite. Hoc uerò diuinus Spiritus oraculum, non illi tantum saeculo, sed omnibus, qui ubiq; ius dicunt, prodidit. Nulla sanctior interris functio est, quàm οἰκονομία Ecclesiastica. Huic proxima est, ius dicere, quam si rectè gesseris, nemo Monachus, nemo Eremita superiore est apud Deum loco. Prophanium munus est, sed quod non minus religiose tractari oportet, quàm ad aram accedendum est sacrum facturis, imò hic uerè sacrum facis, cum publicæ tranquillitati ac paci operam nauas. Quo pluris autem hoc officij Deus facit, eo sunt execrabiliores, qui publicam in foro sycophantiam exercent, bonorū extortores, legū contortores, qui uel ob hanc causam ferendi non erant, quòd à ciuitatibus horum flagitia Deum non raro abalienent, grauiter succensentē constupratis iudicijs. Porro cum nō dissideant cū pietate leges, et usu receptæ sint, nihil moremur eos, qui se infectandis ciuilibus moribus ad uulgus uenditant.

Nam

Sycophantæ
non ferendi.

Nam sine publica calamitate receptas leges mutari nō
 posse, et res docet, et sapientissimi quique monuerunt.
 Extabat apud Locros in bene constituta ciuitate, ea
 de re lex, ut, quisquis aduersus receptas leges rogatio-
 nem ferret, is eam inserto in laqueum collo suaderet:
 quæ si uidebatur à Repub. esse, saluus euadebat autor:
 strangulabatur autem constricto laqueo, ubi oratio
 displicuisset. Neque dubium est, quin id ita constitutum
 sit, ne temerè inducerentur usu confirmatæ, proba-
 tæque maiorum iudicio leges. Et Athenis νομοφύλακες νομοφύλακες
 erant, qui apud præfectos in omnibus publicis concia-
 tijs candidis, fascijs coronati assidebant, ut prohibe-
 rent, ne quid contra receptas leges decerneretur: De-
 inque ut quæque ciuitas optimè constituta fuit, ita mi-
 nimè passa est, leges antiquari. Proinde nos quoque pu-
 blicum ius diligenter tueamur, præsertim cum Romæ
 natum sit, in principe orbis terrarum Repub. in pru-
 dentissimorum, & doctissimorum hominum concilijs,
 quorum non modò literæ nos æqui, & iniqui
 discrimen docent, sed exempla etiam et
 res præclarè gestæ, ad uirtutis
 studium adhortantur.

DIXI.

DE

DE DIGNITATE LEGVM

Oratio.

Utilis et honori
sua legum opinio.



NIL in uita utilius est, quàm in-
serere atq; instillare animis bonam et
honorificam opinionem de legibus.
Nec ulla maior est uita ac morti per-
niciēs, quàm assuefacere animos ad
leges contemnendas, aut cauillandas. Hec sepe in-
culcari adolescentiæ cum sit utilissimum, recte fieri
iudico, quòd in his promotionum spectaculis sepe
idem argumentum, de dignitate legum, repetitur.
Quid & honestius est, quàm prædicare & ornare
dona Dei, & ad earum rerum intellectum & reueren-
tiam exuscitare imperitā adolescentiam, quæ sunt in
uita utilissimæ? Aut quarum rerum commemoratio-
ne potius personare doctorum coetus debent, quàm
his sermonibus, qui prosunt ad ornandam gloriam
Dei, & ad disciplinam iuuentutis, præsertim cùm in
doctorum, & malorum congressus abundant conui-
tijs legum? Ac mihi sepe in mentem uenit, hæc con-
uitia non tantum ex quadam hominum iniustitia, aut
imprudencia oriri, sed spargi à Diabolo, tanquam
spicula, ad sauciendas rudes mentes, ut legum reue-
rentia extinguatur, & sequatur dissipatio discipli-
næ, quæ & religioni & tranquillitati communi no-
ceat. Est autem nostri loci atq; officij, reuellere illa
spicula, hoc est, falsas persuasiones, ex animis hominū,
& cum

Diabolus reue-
rentiam legum
extinguit.

Et cum oratione, tum exemplis illustrare, atq; ornare legum ac iuris dignitatē, ac retinere disciplinam quantum possumus. Cum igitur in hoc loco alius uir clarissimus D. Doctor Hieronymus, quem non solum propter beneficia, quæ in me priuatim contulit plurima, sed etiam propter excellentem uirtutem et doctrinam ueneror, et tanquam patrem colo, grauissimè nos adhortatus sit omnes, ad reuerentiam legum, deinde etiam auditores nostros ad diligentiam in discendo: ego hoc tempore aliud argumentum, etsi uicinum, sumam. Tractabo enim scholasticam disputationē, utilem studiosis, quod Christianis non sit necessarium uti legibus Mosaicis, sed quod liceat uti legibus, quæ iuri naturæ cōsentaneæ sunt, etiam si ab Ethnicis Magistratibus conditæ sunt. Deinde ostendam, Romanum ius antecellere legibus aliarum Gentium, et uerè quandam Philosophiam esse. Scio enim, ante aliquot annos, quendam Iudaico ingenio præditum, contendisse hîc etiam publicè, non licere Christianis Ethnico iure uti, quia Christianos oporteat uerbo Dei gubernari. Postea in publicis concionibus damnabant eius sectatores pœnam usitatam furti, et pleraq; alia instituta ciuilia Imperij horum temporum. Porro hæc tribunitiæ legum abrogationes et iniustæ sunt, et concutiunt Respub. ut euentus in illo terribili motu uulgi, ante annos tredecim ostendit. Sunt et hodie in administratione ciuitatum non pauci, quorum conscientia supersitiosis opinionibus cruciantur, quia

O non

Duo proponit
de quibus
dicturus est.

I.
Christiani gu-
bernandi
uero Dei.

non rectè instituti sunt de rerum politicarum usu:
Nec hi errores nunc primùm nascuntur, uetera Mo-
nachorum deliramenta sunt, quæ Diabolus nunc ue-
lut sopitum ignem rursus exuscitat, ut solet easdem
hereses subinde renouare. Quare prodest iuuenes ad-
monere, & ut de hac questione rectius iudicent, &
ut in dogmatibus iudicandis ueræ Ecclesiæ sententi-
as consulant. Ac primum diluam argumentum quod
opponitur, Christianos gubernari debere uerbo Dei:
quare contendunt, opus esse scriptura in iudicijs ci-
uilibus. Expedita & plana responsio est de corpo-
rali uita, ut de cibus, medicina, architectonica, Chri-
stianos etiam gubernari uerbo Dei, sed generali, quo
sciunt usum harum rerum approbatum esse à Deo,
imò has ipsas res DEI dona esse, condita ad usum no-
strum. Cæterum ut Medicus seu Architectus non su-
munt præcepta suarum artium ex scripturis, ita nec
Legislatorem de rebus politicis opus est, præter
generalem regulam, sumere ipsam artem ex scriptu-
ra: Nam Euangelium cum propriè concionetur de
eterna & spiritali uita, non mutat, non labefacit
Oeconomiam, aut politicam uitam, quæ collata ad
interiores cordis motus, persimilis est domui. Ut e-
nim domus est singulari arte extructa, aptè conti-
gnatis omnibus partibus, ac tegit hospitem aduersus
tempestatum iniurias, interea tamen hospitis animus
non intra hos parietes cohercetur, sed tacitus de Dei
uoluntate & de eternitate cogitans, procul tanquam
in cor-

in cœlum subuolat: considerat enim omnium ætatum mutationes, religionū ortus ac discrimina, Imperiorū uices, tristes casus, quibus hæc humana natura obnoxia est, et è regione beneficia Christi: Deniq; et de hac ipsa domo cogitans, miratur opificiū, et agnoscit etiam corporali uitæ præsidia diuinitus donata esse: Ita uni uersa politia ceu domus quædā est, mira arte diuinitus fabricata, legibus Magistratuū, ordine, contractibus, iudicijs, disciplina, præsidijs armata, poënis, &c. His septi ac uallati muris, tamē Deū agnoscere possumus, ac statuere, hanc ipsam politiā, qua hæc uita defenditur, esse uelut domū diuinitus nobis conditā: nec interest uitæ spiritali ac æternæ, utrū hæc domus, id est, politia, sit à Moyse, an ab alijs Legumlatoribus, ut ita dicam, fabricata, modò ut sit consentanea iuri nature. id primū hoc argumento confirmo. Apostoli in Actis cap. 15. pronūciant perspicuè, nō esse onerandas gentes lege Mosi: Imò Petrus seuerè obiurgat diuersum sentientes, ac inquit, eos tentare Deū, quo durius nihil dici poterat. Nā tentare Deū, est illudere ei, ordinando aliquid prætextu diuinæ autoritatis. Quare Petrus eos, qui Ecclesiā ad legē Mosi adigebant, non leuiter peccare ostendit. Quia enim falso prætexūt diuinam autoritatē, horribiliter illudunt Deo. Ac loquitur Petrus pariter de ceremonijs, et de politicis legib. sicut disputatio integra testatur, ubi allegāt testimoniū Spiritus sancti, quod gentes prorsus alienas à politia Mosi Deus uocauit, & tandem disertè iubent nihil imponi

Politia ceu domus artificiosa

Primum testimonium.

O ij gentibus,

Gentes qui
salvuntur.

Alterum testi-
monium.

Tertium.

Exempla.

gentibus præter ea , quæ in illo decreto continentur:
 & allegant Apostoli scripturam , Gentes salvas fore.
 Propriè autem nuncupantur gentes, quæ non habent
 politiam Mofi: Quare nõ necesse fuit, gentibus legem
 Mofi imponi. Addo & aliud testimonium: Ad Ebreos
 scriptum est, Legem Mofi institutam esse usq; ad tem-
 pus aduentus Christi: Ergo politia illa post id tem-
 pus non est necessaria. Discernit & Christus suum re-
 gnum à corporali, cum ait: Regnum meum non est de
 hoc mundo. Imò ut milites Christus spinis coronant et
 configunt, & in purpura traducunt: Sic illi Christum
 per contumeliam coronant , qui falso prætextu au-
 toritatis ipsius , dilacerant & euertunt politias , &
 nouam constituere conantur. Qui eo etiam peccant,
 quòd obscurant & obruunt Spiritualia beneficia, &
 fidei exercitia, cum hominibus offundunt hanc speciem ,
 quòd Christus nihil nisi illa ciuilia officia Mofi
 requirat. Hæ tenebræ prorsus delent Euangelium. Po-
 stremò mandat Euangelium, ut Magistratibus ethnici-
 cis obtemperemus. Quare necesse est legibus eorum
 obedire: nam lex est uox ipsa Magistratus: nec aliud
 est obedire Magistratui, nisi eius legibus & decretis
 obtemperare. Possem alia multa argumenta addere:
 sed cum hæc perspicua & firma sint, non addam plu-
 ra, præsertim cum sacræ literæ etiam exempla multa
 proponant piorum, extra politiam Mosaicam. Vt et-
 nim non dicam de Patribus ante legem , postea etiam
 multi pij fuerunt inter gentes, & quidem gubernato-
 res

res magnorum regnorum, Naaman, Nabuchodonosor, Darius, Cyrus. Nec Danieli apud Persas licuit hereditates diuidere Iudæorum legibus: quot Rom. Centuriones ac milites in historia Euangelica laudantur? Quare nihil dubitemus, placere Deo, etiam ceteras politias, si tantum, ut dixi, non pugnent cum iure nature, quod est, ut Paulus inquit: Ius Dei diuinitus inscriptum humanis mentibus, ut à Deo haberent regulam, quæ leges gubernaret, et dijudicaret. Postquam igitur ostendimus, placere Deo etiam ceteras politias, bonæ mentes hoc diligenter considerent, illas quoque esse Dei opificium seu fabricationem, ut ita dicam. Nam et Daniel expresse ait, Deum constituerere regna: et Paulus inquit Imperia esse ordinationes Dei. Magnum igitur scelus est, legum uiolatione, quasi telam diuinitus textam dilacerare, id quod Diabolus miris modis conatur. Quid enim pulchrius, quid amabilius esset imperijs, si harmonia societatis humane non interturbaretur? Si principes ueram religionem propagari curarent, ac defenderent, si mores ciuium diligenter regerent, si controuersias cognoscerent, et bonos tuerentur, ac prouerent, improbos uerò cohercerent, ac punirent? Si ciues essent cōcordes et modestè parerent, si Ecclesiæ essent tranquille et rectè gubernarentur, si in scholis artes utiles traderentur, et disciplina seuerè retineretur? An non talis status esset illa aurea ætas, quam Poëtæ describunt? Hic ordo est imperiorum diuinitus institutus,

Harmonia
imperatorum.

Aurea ætas.

O iij

et quem

Pœnz istius
conturbatz
harmoniz
Nero.

Altera pars de
iure Romano.

Et quem Deus conseruat, quatenus bona manent, Sed Diabolus rabiose hunc chorum interturbat, incitat Tyrannos, ut tanquam Gygantes illaturi bellum cœlo abolere religiones conentur, ut iniustis cedibus grassentur in ciues, polluant flagitiosis libidinibus uniuersam rerum naturam, licentiam scelerum confirmant, deleant honesta studia, dilacerent Ecclesias. Talis status Romæ fuit Neronis et similium Tyrannorum tempore. Sic Diabolus corrumpebat harmoniam diuinæ ordinationis, et tamen interea Deus non patiebatur eam prorsus deleri, ac paulo post eam restituebat extincto Tyranno. Vt autem Tyrannus ille erat Diaboli organum, dissipantis diuinam ordinationem: sic sciant omnes legum contempores, se Diaboli organa esse, et daturos Deo pœnas, sicut toties Deus minatur, et testantur exempla omnium ætatum. Cernit Deus omnium uindex, et uel Magistratum sententijs præbet puniendos improbos, uel ipse alijs horrendis pœnis eos excruciat. Non Magistratus coercere Clodium poterant, Milo tandem cohercuit: Non Antonium leges, non Senatus autoritas, non fœdera sanctissima retinere potuerant, quò minus bella ciuilia moueret: itaq; Tyrannus tandem non impetrata uita à uictore, cum miser uidisset reginam Cleopatram sibi mortem consciscentem, ingenti dolore et ipse sese iugulat. Non hæc casu fieri, adolescentibus existimemus, sed ordinatione Dei, qui sic ulciscitur hominum furorem, qui leges contemnunt, et hæc

*harmoniam societatis humane ab ipso institutam
 conturbant. Quare non tantum ex historijs exem-
 pla querenda sunt, sed presens uita suppeditat innu-
 mera. Quare uereri leges, & amare tuerique disci-
 plinam discamus, & sciamus eos, qui non obtempe-
 rant, non tantum cum hominibus, sed cum Deo pugna-
 re, & concutere, quasi domum diuinitus fabricatam,
 hanc politiam qua continemur. Sed dicam nunc de
 altera parte, uidelicet, de Romano iure, quare id po-
 tissimum amplexa sit Respublica. Iudaica leges non
 nisi illi nationi condite sunt, nec possunt conuenire
 pluribus gentibus. Assignant enim certas sedes certis
 familijs, & has uetant mutari: Hoc non potest, nisi
 in angusto loco, obtineri. Spartane leges non di-
 uidunt agros, sed iubent communiter coli, & postea
 fructus diuidi: Ne hoc quidem, nisi inter paucos,
 obtineri potest. Habent & alia uitiosa instituta de
 connubijs. Attica leges propius ad Romanam for-
 mam accedunt: Sed Romanae plus grauitatis habent,
 in plerisque delictis puniendis: melius etiam descri-
 bunt iura testamentorum, discernunt hereditates,
 fidei commissa legata: Denique uberior est doctri-
 na Romanis. Sepe enim miror insolentiam quorundam,
 qui existimant iusta & aequa, sine arte & sine doctrina
 perspicere naturali quodam sensu, sicut apes architec-
 tonicam norunt sine doctrina, sed hi to-
 ta uia errant. Etenim ut in alijs artibus initia que-
 da monstrat natura, ut in mensuris admirandis, deinde
 o iij arte,*

*Quod plus
 grauitatis ha-
 bet ceteris.*

*Iusta & aequa
 sine doctrina
 non perspicui.*

arte, doctrina proficit: Ita in hac iuris & morum gubernatione initia à natura esse fateor. Necesse est enim esse certa principia, sed ex his fontibus duci regule sine doctrina non possunt. Quoties affinitas decipit homines? Vt hoc tempore, quàm turpiter pretextitur interesse immanibus usuris, interdum falso pretextu societatis, interdum simulatis emptionibus uoragines usurarum teguntur. Hæc deprehendi & emendari sine eruditione, doctrina, non possunt. Quæ tenebræ essent iudiciorum, quæ confusio, si non essent arte tradita discrimina actionum? Quis sine doctrina uideret, cur à rei uindicatione publicanum distinguere oporteat? & hoc genus alia multa? Res igitur cogit fateri, necessariam esse artem, & eruditorem doctrinam, ad dijudicanda iusta & æqua, eamq; præcipuam esse partem moralis Philosophiæ. Nihil est indignius homine docto, quàm artis suæ laudem augere aliarum artium uituperatione: sunt enim omnes excellentiæ Dei dona: quare omnes uenerari & amare debemus. Sed cum sit admirabile opus Dei in animis hominum, nosse numeros et ordinem, unde existunt multe artes, Arithmetica & Dialectica, cur non etiam admiramur illas noticias, quæ discernunt iusta & iniusta, ac pariunt doctrinam iuris? Hæ noticias sunt quedam imago Dei, & magis regunt uitam, quàm aliæ noticias seu ludeæ artium. Ex hac admiranda luce & Dei imagine, orta doctrina Iureconsultorum, non minus est ars, quàm ceteræ discipline. Itaq; cum sit arte ali-

qua

qua opus, ad intelligenda & discernenda iusta & iniusta, quos alios artifices, nisi doctissimos, peritissimos homines, qui in sapientissimis consilijs summi imperij hoc disputauerunt, sequeremur? Rectè igitur Romano iure utimur. Quantum fuerit studium doctrine inde usque ab Augusto ad Iustinianum, multa sunt perspicua signa, sed cetera omittam. Augustus cum quidem excelleret ciuili sapientia in quaestionibus iuris, quàm multa de Trebatij, Tuberonis, Labeonis, & Capitonis sententijs constituit? Labeoni etiam liberè aduersanti saepe cessit. Sed ut sunt morosi interdum etiam leni & moderati Principes, Augustus etsi non læsit Labeonem, tamen offendi se eius libertate significauit, eoq; Capitoni minori natu consulatum dedit. Retinuerunt Augusti morem, & post eum Principes, nec sine Iureconsultis ultra decreta in ciuilibus quaestionibus faciebant. Nerva & Cassius adfuerunt Tyberio, Cassius Vespasiano, Traiano & Adriano Celsus, et pleriq; alij. Neq; tamen in consilijs admisi sunt ulli, nisi iudicio Senatus Romani essent Principibus commendati. Postea Antonini Pius & Marcus multò etiam frequentius consilium Iureconsultorū habuerunt. Alexander Seuerus, cuius plurimae extant in codice leges, nullum Decretum, nisi uiginti Iurisconsultis adhibitis, edidit. Hunc morem cum cogito, non possum non reprehendere negligentiam et barbariem nostrae ætatis, qua tam multi summi Reges & Principes respondent, aut sine doctis ui-

Studia doctrinarum apud principes inde ab Augusti temporibus.

O V ris, aut

ris, aut certè sine frequentia & disputatione doctorum. Ideò absurda multa & dissidentia à iure eduntur, quæ existimationi principum non leuiter officiant. Cum igitur illi clarissimi uiri artem effecerint, & omnia exquisitè complexi sint, quæ ad tuendam societatem humanam pertinent, personarum gradus, rerum diuisiones, acquirendi modos, contractus, successiones, hereditates, obligationes, actiones, poenas delictorum: conuenit agere gratias Deo, quòd tale ius imperio reddiderit. Neque enim sine Dei consilio accidit, quòd, cum post inclinationem Romani imperij etiam amissus esset usus harum legum, & successissent barbarici ritus iudiciorum, tamen annis post Iustinianum quingentis, reuocatae sunt in forum, et in scholas Romanae leges. Hæc restitutio multos mores barbaricos correxit, non modò in iudicijs, sed etiam in reliqua uita. Profsuit etiam studijs: quare hoc tantum bonum propter communem utilitatem tot gentium tueamur. Nam scriptum ius est firmum praesidium aduersus tyrannidem, & quò eruditius est, eò plus continet æquitatis. Hoc muro septa est libertas populi aduersus potentum cupiditates. Si tolleretur hoc ius, quæ sequutura esset Tyrannis, cum pro legibus essent potentum adfectus? Facile est enim fingere pretextus, & specie aliqua affectum tegere. Rectè inquit Cicero: Vbi discessum est à iure, omnia sunt incerta. Multo maior esset incertitudo, si prorsus nullum extaret ius scriptum. Natura autem ita fert, ut incertis

Ius scriptum præ
sidiū aduersus
tyrannidem.

cc

cc

incertitudo illa ac Tyrannides rursus præberent occasionem noui iuris scribendi: quod si fieret, scriberetur agrestia, et inerudita, ut nunc fit in aliquibus locis, & dissimilia in singulis oppidis. Nunc non modo æquitas nostri iuris prodest ad tranquillitatem, sed illud etiam conducit, quod multæ gentes iuris similitudine consociantur. Quare hoc ius, quod à sapientissimis uiris in Repub. præstantissima scriptum est, quod magno consilio summorum uirorum restitutum est, quod est æquissimum & maximè consentaneum rationi, quod munit nos aduersus Tyrannidem, quod prodest ad bonos mores, retineamus, & omni studio propugnemus. Tanta est enim æquitas, ut etiam si in forum & curiam non esset receptum, tamen in scholis legi oporteret, ad discendam naturam iustitiæ & æquitatis. Nusquam enim extat perfectior & illustrior imago iustitiæ, quàm in his legibus. Quare etiam à Deo optare debemus, ut hanc doctrinam ad Reipublicæ tranquillitatem conseruet.

D I X I,

O R A

ORATIO IN PROMOTIONE CV-
iusdam Iurisperiti,habita à Doctore Sebaldò Mun-
stero: Res non iudicandas secundum arbi-
trium Iudicis, sed secundum scri-
ptum ius. Anno

1532.



V M ante paucos dies uir clarissi-
mus Doctor Hieronymus, Præceptor
noster optimè meritus, & de magni-
tudine Professionis nostræ sapientis-
simè dixerit, & grauissima oratione
negligentiam discipulorum castigauerit, spero uos pro-
pter autoritatem uiri summi libenter memunisse eius
orationis, eaq; ita affici, ut genus ipsum doctrine sua
magnitudine metientes, statuatis, uobis & solidam
eruditionem expetendam, & ad eam consequendam,
studium acerrimum conferendum esse. Me quidem
ipsum ualdè mouit, & curam mihi sollicitudinemque
maiores, accedenti ad forum & Rempublicam circumde-
dit. Itaque de his ipsis rebus nihil arbitrabar à me di-
cendum esse. Nam neq; autoritatem maiorem ad uos
adhortandos asserre quisquam potest, quàm ille af-
fert, propter summam doctrinam, & maximum re-
rum usum: neque uideo, quid dici grauius in ea causa
possit. Quoniam autem hæc scena me quoq; dicere
aliquid cogit, peto à uobis, quia in hunc locum ascen-
di non priuato consilio, sed autoritate amplissimi or-
dinis

dinis nostri, ut me pro uestra, erga hunc ordinem, beneuolentia dicentem benignè audiat: Institui autem disputare de quadam uulgi persuasione hominū, siue imperitorum, siue inuidorum, qui ius scriptum ex foro & iudicijs eijci uolunt, & iudicari res sine certis legibus, arbitrio eorum, qui iudicia exercēt. Nam hac opinione refutata, facile intelligi potest, hoc doctrinæ genus, in quo uersamur, Reipub. necessariū esse. Nonnulli egre ferunt, sibi in iudicijs nihil loqui licere, nisi dictata à Iureconsultis: Et quia pudet uelut mutas personas assidere in iudicijs, non de publica utilitate, sed de sua existimatione dimicant, iubent auferri hoc scriptum ius, ut ipsi quoque sapere aliquid putentur.

Et applaudunt his indocti atq; imperiti multi, sed reclamant exempla tot Rerum publicarum, & sapientissimorum uirorum, qui leges scripserunt, & usu cōpererunt, non posse teneri tranquillitatem Rerum publicarum sine scripto iure. Atq; ego interdum de his rebus cogitans, conferre soleo Medicinam, & hanc scientiam rerum iudicandarum. Planè ridicula res esset, si quis literas omnes, & doctrinam, quæ Medicinam continet, aboleri uellet, & ex quadam communi prudentia potius consuli ægrotis. Obsecro quale futurū esset hoc medendi genus, sine doctrina, sine experientia, sine obseruatione ulla? Profectò nihil aliud nisi carnificina esset. Ita iudicia in domesticū latrocinium conuerterētur, si sine legibus pronunciare liceret, quidquid aut stulto, aut imperito, aut irato iudici in mentem

Ius scriptum
Reipub. necessarium ad iram
quillitatem
retinendam

Medicina.

mentem ueniret. Et ut maximè iudicia prudentes & boni tenerent, infinite inter bos diffensiones orirentur. Multa enim cadunt ubi aliud alijs uidetur. Et qui uelut ingenuo cedere, rarus erit. Deinde ut maximè conueniat inter hos, qui pronunciant, quomodo poterit persuaderi contentiosis litigatoribus, rectissimū esse, quod illi pronunciant, nisi scriptum unum extet, quod cum sit commune fœdus ciuitatis, ut ille ait, litigatori non licet eius auctoritatem detrectare. Nam his legibus quasi pactus est cum Magistratu, cumque tota Rep. ne quid moueat contra eas. Itaque scriptæ leges muniunt iudiciū auctoritatem aduersus improbos, & contentiosos litigatores. Neque ego ignoro quæ contradicantur, semper enim facillimum est præsertem Rerumpub. statum reprehendere. Sed quid futurum esset, sublatis legibus, si eius status incommoda uidere possemus, præsentem formam magnopere nobis defendendā esse statueremus. Exempla uideamus. Etenim non ferenda arrogantia est, de re omnium maxima dissentire à sapientissimis uiris, qui maximas Respub. constituerunt. Nullum certum ius habebant Athenæ, itaque ex iudiciorum confusione maxime seditiones extiterunt. Nec poterat restitui ciuitatis tranquillitas, nisi certæ leges essent, quibus propositis, nemo possit fidem iudicium in dubium uocare. Idem Romæ accidit: Et quidem populus Romanus Græcæ leges describi, ut optimæ atque humanissime eligi possent, curauit. Quid, quod ita Deus ipse iudicauit, qui

Muniunt iudicium auctoritate scriptæ leges.

Ebrææ gentis leges.

qui cum Rempublicam Ebrae gentis constitueret, cer-
 tas leges tulit, & ex scripto iudicari iussit? Quan-
 quam si rectè estimare uolumus, non hæ tantū Ebra-
 icæ leges diuinitus traditæ sunt, sed sentiendum est uerè
 diuinitus Respublicas etiam apud gentes constitu-
 tas & gubernatas esse, sicut Paulus testatur, omnes
 Respublicas, omnia imperia, à Deo ordinata esse.
 Quare Deus non solum Iudaicarum legum, sed etiam
 harum nostrarum author est, quas sapientissimæ na-
 tiones, & optimè constitutæ ciuitates tenuerunt.
 Extat hæc disputatio & apud Aristotelem, Vtrum
 satius sit, res ex scripto iure iudicare, an ex arbitrio
 iudicum: sed Aristoteles longè præfert ius scriptum:
 Et quidem ita dicit: Qui legem præficit, Deum &
 leges uult præesse, sed qui hominem præficit, addit
 ei beluam, uidelicet cupiditatem & iracundiam, quæ
 sunt beluina, & peruertunt animos etiā in uiris opti-
 mis. At lex est mens sine cupiditate. Sed quid isti Cen-
 tauri iudicium Aristotelis morarentur, qui neq; ma-
 ximorum uirorū, qui Resp. constituerunt, neq; sapien-
 tissimarum ciuitatum, deniq; neq; Dei iudicio mouen-
 tur? Scilicet plus uidēt homines ebrij, stulti, imperiti,
 quàm Solon, quàm Senatus Atheniensis ac Romanus,
 quàm Moyses, deniq; quàm Deus ipse conditor Rerū
 pub. & legum autor. Sed quid in re manifesta opus
 est longa disputatione? Hæc dixi tantum ad præ-
 munendos adolescentes, ne perniciosis illis opinionibus
 indoctorū adsentiantur. Demosthenes in quadam
 grauis.

Aristotelis
 egregia senten-
 tia de iure
 scripto.

”

”

”

Locrensis lex. grauissima causa, dicit legem fuisse apud Locros, ut si quis suasurus esset nouam legē, proponeret suam sententiam uniuerse ciuitati, collo inserto in laqueum, ut si res displicuisset, statim strangularetur, sin autem placuisset noua lex, dimittebatur autor incolumis, exempto collo ex laqueo. Et quia nemo facile iudicium uniuerse ciuitatis subire ausus est, annis amplius ducentis, nulla noua lex lata est. Hec Demosthenes recitat, ut doceat in bene constituta Repub. præcipue hoc caueri, ne temerè leges mutantur. Proinde sciatis uobis adolescentes, nullo modo cum ineptis illis sentiendum esse, qui ius scriptum, & hanc doctrinam quam profitemur, ex foro explodi uolunt. Quia ita cogitate, inter cetera honesta officia hoc quoq; requiri, ut de iure ac legibus reuerenter sentiat. Vos uerò scholastici iuris, memineritis hanc doctrinā non solum ad hoc tradi, ut causidicos efficiat callidiores, sed multò magis, ut uiros iustos ac bonos efficiat. Hoc putetis in hac doctrina præcipi, quod est apud præstantissimum Poëtam:

Virgilius.

Discite iustitiam moniti, & non spernere diuos.
Dabit igitur operam, ut cum ipsa doctrina studium iustitiæ & omnium uirtutū coniungatis. Quod quidem facietis, si ad perfectam doctrinā aspiratis. Nemo enim perfectam doctrinam consequi potest, nisi dignitatem & magnitudinem harum rerum intelligat. Id autem fieri non potest, nisi uim uirtutis intelligat. Et cum perfectam doctrinam expetitis, ordo etiam

adhi-

adhibendus erit, & sumenda ex alijs artibus instrumenta necessaria ad hanc professionem. Quare si quis est, qui contemptis omnibus literis, irruit ad ius, is sciat se ipsi doctrinæ iuris iniuriam facere, quæ neq; uult contemni alias bonas artes, neq; percipi sine magna scientia multarum aliarum artium potest.

Dixi.

ORATIO PVBLICE HABITA VVITENBERGÆ in promotione Doctoris Iuris,
de Scripto iure, & dignitate
ueterum interpretum
iuris.



VTILITER institutum est, ut in quadam frequentia omnium ordinum, & totius scholastici cœtus discernantur gradus, & doctrinæ testimonia. Primum ut publica suffragiorum nostrorum renunciatio plus autoritatis haberet; Deinde ut in hac frequentia iuuentus de studiorum dignitate atq; utilitate admoneatur. Itaq; alij summa cum gravitate hic sæpe de legum dignitate, & de hoc toto genere doctrinæ dixerunt, ac ostenderunt, hæc nostra studia præcipuè ad Rempub. pertinere, secutumq; ingentem confusionem ac barbariæ uitæ hominum, si hæc eruditior doctrina iureconsultorum P deleretur.

**Iuris & doctri-
næ propugna-
tio illustris.**

deleteretur. Nec uerò quicquam honestius est, & omni-
bus bonis uiris, ac præcipuè nostro ordine dignus,
quàm propugnare leges aduersus furorem uel popu-
li, uel Tyrannorū. Nulla uictoriæ, nulli triumphi plus
ueræ laudis merentur, quàm hæc defensio, propugna-
tioq; iuris & doctrinæ, quæ est Reipub. necessaria.
Quamquam autem hæc causa summis eloquentiæ uiri-
bus ornanda erat, tamen omnium laudanda est uolun-
tas, qui etiamsi non possunt parem eloquentiam tan-
tæ causæ adferre, mediocriter declarant suum studium
& iudicium. Alij plus adferunt uel autoritatis, uel sa-
cultatis, sed tamen, quia mihi nunc hæ partes dicendi
à uiro clarissimo Decano collegij nostri, domino Do-
ctore Hieronymo, præceptore nostro summa obser-
uantia fideq; colendo, mandata sunt, equum est, uos
quoq; propter autoritatem Collegij, me bona cum ue-
nia audire, etiamsi non possum pro dignitate hæc no-
stram doctrinam ornare.

**Caligulæ odiū
aduersus scri-
pti iuriscon-
sultorum.**

Suetonius scribit Caligulā, qui uerius fuit immanis
quædam belua quàm Imperator, si uixisset, aboliturū
fuisse omnia scripta Iurecōsultorum. Sunt autem non
pauci hoc tempore, qui similiter oderunt ius scri-
ptum, sed præcipuè tamen iureconsultorum doctri-
nam, ac mallent res iudicari arbitrijs potentum, non
scripto iure, quemadmodum hodie dicuntur Scythæ,
aut aliæ barbaræ nationes regere suas ciuitates, et iu-
dicia exercere sine scripto iure. Horum errorem bre-
uiter refutabo.

Q&e

*Que sunt autem cause, quare potentes oderunt
ius scriptum? Prior est, quia nolunt legum uinculis
coherceri, nolunt suas cupiditates frenari autoritate
certi iuris, sed expetunt Tyrannicā licentiam, et faci-
endi, et decernēdi quicquid libet. Altera causa est, quod
nonnulli fremunt, se suis Iureconsultis in Repub. tan-
quam mutas personas esse, quod uelut in aliena tutē-
la esse, et ad alienum præscriptum decernere cogan-
tur. Hanc seruitutem, ut ipsis esse uidetur, agrè ferūt,
presertim si qui sunt ferocioribus ingenijs præditi.
Nam ut natura alij temperantiores facilius patium-
tur iustas leges, alij intemperantes minus eis sunt mo-
rigeri: Ita in genere sit: aliæ naturæ magis contuma-
ces sunt, et minus patientes freni. Hi sunt odij fontes
quos dixi: Quod cum sit iniustum, et noceat Reipu-
blicæ repugnare bonos et prudentes omni studio, de-
cet, ne abolita doctrina Iureconsultorum, infinita ty-
rannis ac barbaries sequatur.*

*Vetus est autem disputatio, utrum magis expedi-
at, regi ciuitates arbitrijs gubernatorum, an scripto
iure: sed cum oporteat ius esse certum, uoluntates au-
tem gubernatorum sint incertæ, sæpe etiam præuæ, ne
esse est extare certam regulam, quæ dominetur in iu-
dicijs et gubernatione. Ideo præstantissima Respub.
etiam si primum tantum consilij Principum admini-
stratae sint, tamē postea scriptum ius expetiuerunt,
id est, Attica et Romana, ut certi iuris autoritate
tuta esset libertas. Quam pauci sint boni Principes,*

*Causæ tamen
odii.*

I.

II.

*Scripto iure
ciuitates
regendæ.*

P ij

dictum

Rari boni
Principes.

dictum Claudij cuiusdam indicat, qui ait: Omnium bonorum Principum imagines in uno annulo sculpi posse. Deinde & boni facile deprauantur inter tot corruptelas. Nec de nihilo est, quod ille in Tragedia ait: Vt nemo doceat fraudes, & scelus uiuas, regnum docebit. Sæpe uerò optimis & uigilantibus tamen falsa rectæ species imponit. Ideò consensus prudentum testatur, melius esse uti scripto iure: Atq; ita pronuntiat Aristoteles, cuius uerba tanquam oraculum incalcari, præsertim nostræ ætatis hominibus oportuit, sic enim ait: Qui legem uult dominari, uult præesse Deum & leges: qui autem hominis arbitrio uult regi ciuitatem, se uisissimam beluam addit. Nam cupiditates & ira gubernatores deprauant, etiamsi fuerint optimi uiri, quare lex est mens sine cupiditate. Nec disputabo de re manifesta polixius, nemo enim sanas non uidet melius esse uti certo iure, quantum fieri potest, quàm incerto.

Interpretes
adferunt lumē
legibus.

Quanquam autem illi, qui nostræ doctrinæ ini- qui sunt, non prædicant se hoc uelle, ut nullæ extant scriptæ leges, sed illas longas doctorum disputationes & molem commentariorum improbare se dicant. Scio hac in re multos errare, etiam ex Scholasticis, qui imaginantur iuris scripti possessionem, sine disputatione interpretum retineri posse, sed longè fallantur. Tollere doctrinam, est in uniuersum abolere ius scriptum: nec enim leges sine illis lumen habere possunt, neque natura patitur, ut ullum usquam ius extet sine dispu-

disputationibus, sicut grauissimè dictum est à Pomponio in digestis, legibus latis natura licet euenire, ut interpretatio desideret prudentum auctoritatem, & necessariam disputationem. Hæc sententia, cum sit uerissima, gratia potius habenda est peritis, qui illustrauerunt leges suis lucubrationibus, quàm reprehenda industria. Semper omnibus seculis, in ciuitatibus benè moratis, disputationes de legibus extiterunt: scribuntur enim leges de moribus & hominum actionibus, quibus nihil est flexibilius & magis uarium. Non proponuntur, ut in Geometria, sententie de mensura aliqua immutabili figurarum, & tamen opus est regula & arte, quæ negotia ad fontes reuocet, ut id, quod naturæ proprius est, decernatur. Videtis in Theologicis præceptis, tametsi pauca & tantum uniuersalia sint, tamen adhibendam esse explicationem. Nam dicta de facultatum desertione, de non iudicando, quantum parerent absurditatis, si non accederet erudita interpretatio? Quanto magis opus est interpretatione in hac uarietate forensium sententiarum, quæ colligunt multa particularia?

Theologicæ explicationes.

Fuerunt igitur statim initio post natas leges, qui adderent interpretationes: & Athenis à certis Magistratibus interpretatio petebatur. Laudanda est igitur prudentia summorum uirorum, qui postquam Imperatoris Lotharij tēpore rursus ex bibliothecis prolatae sunt humane leges, et in forū, ac curiam reuocate, statim addere commentarios coeperunt.

Lotharius.

Vt autem singulari beneficio Dei arbitror tunc restitutum esse ius Romanū, ita non potuit fieri, nisi diuinitus, ut simul tot præclara ingenia exorirentur, quæ operam contulerunt, ad illam ueterem doctrinam illustrandam. Qua in re si quis cogitat quanta fuerit difficultas initio, non poterit non uituperare stultitiam, atq; ingratitudinem eorum, qui hos Herculeos labores, non magni pendunt. Vetus consuetudo fori ac iudiciorum Romanorum fuerat antiquata, erant ignotæ historiæ ueteres, quæ & ipsæ lumen sæpe afferunt legibus, lingua uetus corrupta erat. In his tantis impedimentis, tamen ingenti animo Irnerius, & deinde alij coeperunt conferre textus, quærere sententiâ ex ipsis legibus, idæam totius ueteris Reipub. animo informare, & quasi imaginem quandam imperij restituere: Ita coepit lingua uetus fieri notior.

Irnerius.

Magna gloria est Solonis, & aliorum, qui ciuitatibus leges scripserunt, et Respub. sapientes constituerunt, nec dubium est eiusmodi opus inter humana omnium longè difficilimum & utilissimum diuinitus regi. Sed non minor gloria debetur meo iudicio Irnerio, & cæteris, qui illius gloriosi laboris focij fuerunt. Necesse est enim scriptores illos, non solum ingenijs, sed etiam usu & peritia administrandæ Reipub. excelluisse: Nec sine acerrimo studio ars integra comprehendere animis potuit. Multa monebat illos peritos uiros usus, quem habuerant in administratione: Nam Irnerius longo tempore fere totam Italianam rexit.

rexit: sed tamen usus sine diligentia, sine studio, non sufficiebat. Tanto labore patefactas, & illustratas leges rursus obruent aeternis tenebris, isti qui interpretes aboleri uolunt.

Vsitata querela est, non intelligere homines presentia bonarum: ita est profecto. Si deessent ueterum commentarij, quis nunc intelligere artem posset? Quare cum sit opus scripto iure, et conseruari has Romanas leges omnes prudentes optent, necesse est etiam his interpretes adhibere, ac sequi tanquam artifices, & monstratores uiae. Sapientissimè inquit Constantinus Constantini dictū sapiens. in Codice de iudicijs, lege, Placuit: Aequitatem scriptam anteferendam esse stricto iure: cum enim multi habeant in ore nomen aequitatis, & hanc uelint anteferre legibus, Imperator illa iudicia laxat, ac reuocat nos ad scriptum, idq; pronunciat aequissimum esse, quod scriptum est. Fortassis autem hanc uocem Constantini reprehendent aliqui, qui dicent aequitatem Vbi locus moderationis. esse moderationem scripti, ut uult Aristoteles, non ipsum scriptum: Sed hæc cauillatio facile dilui potest. Regulariter ea, quæ lege constituta sunt in eo casu, de quo principaliter lex loquitur, sunt æquissima: Vt cū lex recens, furem capitali supplicio puniri iubet, loquitur principaliter de eo, qui atroci consilio furatus est, non de eo, qui uel ætate lapsus est, uel fame impulsus. Iudex igitur in casu, de quo lex principaliter loquitur, non discedat à lege. Nam cū legitimis imperijs obedire nos iusserit Deus, necesse est etiā, parere

P iiij uoci

uoci legum. Deinde quorsum attineret proponi ius scriptum, si liceret iudici privato arbitrio discedere a scripto, quoties uellet? Hæc licentia quid esset, nisi legum dissolutio & abrogatio? Sed cum incidit casus, de quo lex nō principaliter loquitur, propter aliquas circumstantias, ibi locus est illi moderationi, de qua Aristoteles loquitur.

Vacatio
Sabbati.

Lex de Sabbato, præcipiebat uocationem, uidelicet, ut populus audire doctrinam cœlestem posset: At cum Antiochus in Sabbato cessantes Iudeos adoriebatur, nec iam populus audire conciones posset, sed defendere armis ueram religionem deberet, ne funditus interiret, rectè fecerunt doctores populi, qui non obseruata uocatione Sabbati, hostes depulerunt, ac prosligauerunt. Nam lex de Sabbato non complectitur hunc casum necessitatis, Regula est igitur. Scripta æquitas semper in ijs casibus ualet, de quibus scriptum loquitur, nec ab ea regula discedendum est. Sed omitto hanc disputationem, illud tantum moneo adolescentes, ut infigant animis hanc uocem Constantini de scripta æquitate, sciantq; hunc esse interpretum scopum, ut illam scriptam æquitatem collatis textibus ac rationibus colligant.

Extant in præceptis politicis multæ grauissime sententiæ, quæ prohibent non necessariam legum mutationem. Sed recitare plura testimonia longum esset, tantum commemorabo unum quoddam exemplum, quod extat apud Demosthenem. Locris ait legem fuisse, ne

esse, ne aut presentes leges abrogarentur, aut novæ
 ferrentur: Sed si quis esset aut abrogaturus aliquam,
 aut novam laturus, proponeret suam sententiam pu-
 blicè, stans collo inserto in Laqueum, ut, si lex placuisset
 populo, dimitteretur author taxato laqueo: sin au-
 tem displicuisset, laqueo constricto mox strangulare-
 tur author. Nihil est incertius populi iudicijs, idèò
 annis ducentis nemo ausus est subire huius iudicii pe-
 riculū, nec ulla nova lex proposita est, præter unam:
 Ut ambo oculi effoderentur isti, qui unoculo effodisset
 unum illum oculum. Videte quanta severitate veteres
 legumlatores cauere temerarias legum mutationes vo-
 luerunt. Prouidit idem callidè Lycurgus, qui cum exa-
 poneret ciuibus se consulturum oraculum de legibus
 promulgatis, ac peteret, ut iusiurandum darent, se in-
 terim dum abesset, non immutatueros esse leges. Disce-
 dens igitur, non est reuersus, ut perpetuò obligatos
 religione iuramenti teneret. Ita durauerunt leges illæ
 annos quingentos. Hæc atque alia multa à doctis pro-
 ponuntur, ne iura uero consilio recepta, temerè mu-
 tentur. Præcipuè uerò Christianos decet cauere, non
 necessarias disputationes, cum propter Deum legibus
 et uniuerse politiæ reuerentiā debeant. Nec dubium,
 quin si amitteretur hæc erudita iuris doctrina, magna
 confusio, & barbaries in iudicijs & moribus secutu-
 ra esset: quam, ut prohibeat Deus, qui est
 autor boni status politici, opto.

Loecrensi l. 1.

Lex de mono-
culo.Lycurgi pru-
dens calliditas

DIXL

P V DE

DE AEQVITATE ET IVRE STRICTO
ex L. Placuit, C. de iudicijs. 1542.



NOTA est uobis honestissima consuetudo, & propter graues causas in Academia inſtituta, qua ſolemus in his congreſſibus de doctrina uirtutis dicere. Quid enim eſt dignius homini-

bus, praefertim nobis, quorū iudicijs et exemplis uita aliorū quoq; regi debet, quā in conuentibus de Deo, de uirtute, de honeſtis diſciplinis diſſerere, et cum nos ipſos, tum alios ad decus excitare? Nunc uerò etiam tempora poſtulant, ut hæc noſtra exercitia, maiore cura, & diligētia tueamur, et propugnemus: Videmus enim laxatis frenis diſciplinæ, mores populi ſubinde magis efferari, contemni leges, doctrinam uitæ uilē, religionē. Ideò acrius & uehementius pugnare oportet, ne amiſſis literis, legibus, & religionibus, infinita uitæ confuſio, Dei obliuio, libidinum impunitas, & æterna latrocinia ſequantur. Ad hæc mala prohibenda, certè opus eſt eruditione, cultura, & his qualibet ſcunq; exercitijs ſcholæſticiſ, quæ potentes minus adiuuant, quā debent. Quare ut nos ea quantum poſſumus, coniunctis & copijs & ſtudijs, defendamus, optandum eſt. Sæpe autem hoc loco de legum dignitate grauiſſimè dictum eſt. Ac magnoperè prodeſt excitari, ali, et cōfirmari in animis hominum amorem politici ordinis, & ueram reuerentiā erga leges:

Deus cuſtos eſt
politici ordinis

leges:eandem ob causam teneant animis infixam hanc sententiam, Deum uerè esse autorem, & custodem politici ordinis, ac lucere Dei sapientiam & bonitatem erga genus humanum, non minus in ordine politico, quàm in terræ fecunditate, & similibus beneficijs, quibus corpora nostra diuinitus aluntur.

Quare hunc ordinem uitæ contemnere aut uiolare, quid est, nisi Deo bellum inferre? qui assidujs exemplis omnibus ætatibus testatus est, se frenum iniicere legum cōtemptoribus. Quid supplicia assidua latronum, sæua bella omnium temporum? quid sunt nisi uoces Dei, quibus clamat, se sui & suarum legū cōtemptum punire? Et tamen ferrei sunt hominum animi, ut his tam terribilibus exemplis parū moueantur. Sed uos, qui colitis doctrinam uirtutis, certè decet affici uoce Dei, & exemplis iræ diuinæ. Hac uti commemoratione in præsentia uolui, ut præcipuū uobis argumentum proponerem, quod maximè uos omnes ad legum amorem incitare debet, quo si nihil mouentur, hi non oratione regendi, sed tanquam furentes compedibus, & catenis constringendi essent. Et quidem constringet eos tandem Deus æternus, qui est autor politici ordinis et legum custos. Porro cū has cōtiones quotidie in scholis, et in templis audiat, nunc omissa longiore oratione, pauca quædam disputabo de lege Placuit, codice de iudicijs. Nam & hæc ipsa disputatio, ad defensionem et laudes scripti iuris pertinet. Verba legis hæc sunt: Placuit in omnibus rebus præci-

Pœnæ sunt
uoces Dei.

Verba legis
placuit.

precipuum esse iustitiæ, æquitatisq; scriptæ, quam
 stricti iuris rationem; Huius legis uerba quidam inter
 sese pugnare dicunt. Scriptum ius id aiunt esse, quod
 in scripto et legibus urbis continetur: ut strictum ius
 erat Romane legis, eum qui contra Dictatoris inter-
 dictum pugnauerit, interficiendum esse. Pugnauit ab-
 sente Dictatore Papyrio, Magister equitum Quintus
 Fabius contra edictum, inuitatus occasione rei bene ge-
 rende, et uicit. Quid hic facit Papyrius, si scriptam
 æquitatem sequeretur, aut quid interest inter stri-
 ctum ius et scriptam æquitatem? Nullam inquit Pa-
 pyrius uictoriam pluris faciendam esse, quam mili-
 tæris disciplinæ conseruationem. Vt igitur sanciat di-
 sciplinam et legis uerbis obtemperet, iubet magi-
 strum equitum rapi ad supplicium. Si igitur, ut in
 hoc exemplo apparet inter scriptam æquitatem, et
 strictum ius, nihil est discriminis, uidetur absurda esse
 aut ociosa huius legis oratio in codice. Aristoteles
 paulò aliter de æquitate differit, uocat enim æquita-
 tem moderationem scriptam, quæ tamen habet hone-
 stam et probabilem rationem, ut in illo casu Papyrij, Di-
 ctatorem aliquid remittere de seruitute conueniebat.
 Quia magister equitum non ambitione incitatus, nec
 temerè pugnauerat, sed facere se contra utilitatem
 Reipub. et contra uoluntatem Dictatoris iudicaue-
 rat, si occasionem e manibus dimitteret, quam Dicta-
 tor si adfuisset, nequaquam neglecturus erat. Attrin-
 buit igitur Aristoteles sapienti iudici potestatem mo-
 derandi

Aristotelis de
 æquitate sen-
 tentia.

derandi scripti, & penè nimium inflectens legum auctoritatem, ait eas uelut plumbeas regulas ad negotia accommodandas esse. Fit hoc fortasse sæpius quàm prodest, ut & Celsus questus est, ut dicitur in lege, Si Seruum. ff. de uerborum obligationibus, prætenu equi & boni sepe periculose errare. Quanta licentia potentibus conceditur, si permittendum est, ut à scripto iure recedant priuato arbitrio, facile est enim ingeniosis excogitare rationes in speciem probabiles, in humanarum uoluntatum actionibus, quæ sua natura admodum sunt flexibiles, et propter uarietatem causarum & circumstantiarum agitari uariè possunt.

Quare laudanda est Atheniensium grauitas, qui Atheniensium grauitas. lege constituerunt, ut lecti iudices iurarent se pronunciuros esse iuxta leges, hoc est, non priuato arbitrio, non commenticia aliqua legum moderatione. Experientia docuit uitam non posse carere scripto iure, sed uos non solum experientia moueamini, sed multo magis uoluntate diuina: Deus uult scripto iure uitam regi, à quo si licet discedere priuato arbitrio, leuis erit iuris auctoritas, & quantum in exemplo mali est? Deinde ita sentio, ut Magistratui officiū rectè facienti Deus nos parère iussit, ita legum uoci parendum est. Melius igitur Architecti dixerunt: Lapis ad regulam, non regula ad lapidem accommodanda est: Id magis probandum est, quàm quod de plumbea regula dixit Aristoteles. Rectè igitur textus noster in lege placuit, iubet scriptam æquitatem sequi. Idq; Scripta æquitas. semper

Semper æquissimum esse statuamus, quod in lege grati consilio recepta constitutum est. Cur igitur discerni textus ille scriptam æquitatem à iure stricto, quod aliud nō videtur esse, quàm scripti uerba, sed ego strictum ius hoc loco calumniosam interpretationem intelligo. Iudæi tenebant uerba scripti de Sabbato, ne fierent opere seruiles. Ideò in Sabbato nunc quoq; adeo superstitiosum est otium, ut non solum non coquant eo die, non accendant ignes in fornacibus, sed ne quidem mucos decerpant sua manu à lychnis. Causam dicunt non rerum magnitudine, aut paruitate æstimanda esse hæc officia, sed legum uerbis. Speciosa est oratio, & sepe ualet: Sed tamen hæ uerborum angustie, non rarò pariunt absurdas sententias, et rectiora officia conturbant.

De iure stricto.

Illud igitur rectius est, cum qualibet lex de uno aliquo casu qui plerumq; accidit loquatur. Hic casus in accommodanda lege intuendus est, ut sit norma interpretationum. Lex quæ capitali supplicio fures punit, intelligit grassatores & insidiatores, quorum aetas & consuetudo intuenda est. Alia res est, si puer nondum satis intelligens quantum sit in furto turpitudinis, alienum quadam ætatis stultitia auferat, aut si quis modestus, per negligentiam nō reddit alienum: De his casibus legum non loqui consentaneum est. Esset igitur strictum ius calumniosum, uerba referre ad casum alienum à principalis intentione legis. Erat in lege Sabbati principalis intentio: Prohiberi opera seruiles

seruiles, hoc est, astiduas, abducentes à ceremonijs diuinis. Est igitur strictū ius, id est calumniosum, complecti casus ceteros, id est domesticæ necessitatis operas, quæ nō abducunt à ceremonijs. Itaq; noster textus sententiam utilem uitæ, moribus, paci continet. Cum iubet scriptam æquitatē sequi, prohibet Tyrannides et potētibus frenum inijcit, ne ex priuato arbitrio res iudicent: Deus enim uult et ipsos gubernatores teneri legibus, non uult cæcas eorum cupiditates dominari, uult legibus ciuium uitā, corpora, fortunas, connubia munita esse. Non igitur sumendum est ex facultatibus ciuium, quantiū aule possunt profundere, non contra scriptam æquitatem sæuiendum in corpora, aut uitam modestorum ciuium. Cernit Deus omnia uindex, qui potentum iniusta facinora magnis cladibus punire solet. Scriptum est: Regnum à gente in gentem transfertur, propter iniurias: Rursus etiam textus noster occurrat alteri malo, quod prætextu scripti contra iusticiam facit, uidelicet sophistica, seu calumniosa interpretationi: nam in textu nostro, strictum ius de calumnioso intelligitur: cum hoc semper pugnat scripta æquitas. Non est autem rarum scripti prætextu ludere, et ex legibus optimo et diuino consilio conditis ac receptis Cothurnos facere, qui magna imperia sepe grauiter concusserunt. Dixi de textu legis Placuit, quantiū huius temporis angustia fert: Estq; summæ rei, ex scriptis legibus res iudicandas esse, nec concedendum, ut priuatis arbitrijs, fingantur moderationes,

Iniuriæ regnum.

Summæ rei.

Qui ueritatem
succi debeant.

res, sed statuendum, id esse æquissimum, quod uerè sen-
tit lex, neq; tamen calumniose interpretādas esse. Iam
cogitate, quā difficilis & magna res sit, simplicem
ueritatem in tam flexibilibus materijs retinere et tue-
ri. Sint igitur custodes iuris primū uiri boni, & a-
mantes ueritatis & iustitiæ: Deinde etiam eruditi,
uigilantes, exercitati. Nam & boni aliquando specie
recti labuntur. Ideò acerrimo studio opus est, ut intra
metas & septa ueritatis opiniones nostras includa-
mus. Quod in Reipub. gubernatione munus nostrer
ordo sustineat, non est obscurum, nostris consilijs &
sententijs iudicia, fœdera, & penè omnia uincula pa-
cis regi solent. Id munus longè maius est, quā cui hu-
mana sapientia par esse possit, sed Deus facientes ad-
iuuat. Fides, diligentia, studium, animi moderatio à
nobis requiruntur: Hæc si præstabimus, aderit etiam
Deus pijs, & eorum consilia reget, & dabit exitus
placidos. Quare scholastici, uos adhortor, ut profes-
sionis huius difficultatem animo consideretis, ut me-
gnitudo periculi publici, & uestri, uos ad discendi cu-
ram, & ad modestiam inuitet & exarscit. Deus no-
ce parentum & magistratuum destinatos ad hanc
professionem, uocat ad Reipub. gubernationem, que
est res sacra, omnium maxima, difficillima, & pericu-
losissima. Annitendum est igitur omnibus uiribus, ut
ad rem tantam accedamus non prophanis animis, sed
proficientes magnitudinem muneris à Deo impositi,
& adferentes timorem Dei, modestiam, eruditionem
mediocrem,

mediocrem, & studium salutaria agendi: Hoc ut fiat
à vobis, faciat Deus æternus pater liberatoris nostri
Iesu Christi. Dixi.

ORATIO DE DIGNITATE
legum. 1543.



VSITATVM est, hoc loco, et in his
spectaculis aliquid de legum digni-
tate dicere, ad quarum reuerentiam
certè excitari homines maximè pro-
dest. Et si autem & ego de eodem ar-

gumento dicere cupio, tamen quò sepius de imperijs,
de uitæ gubernatione, de legibus & iudicijs, quæ sunt
nerui gubernationis, tranquillitatis, et disciplina, co-
gito, eò nihil difficilius est eligere ex tanta mole rerum
quod dicam. Primum enim quam difficile est respon-
dere Cyclopum et Cætaurorum opinioni, qui in tanta
confusione rerum humanarum, hoc totum quod vo-
camus legem, & politicam sapientiam, dicunt inane
nomen esse, ui & armis rapi imperia, & regi arbitrijs
potentum tantisper dum tenentur. Nam ut uetera
exempla omittam, quid Turcica barbaries ullas leges
curat? Progreditur quoad potest & ui oppressis im-
perat quæ libet. Ante centum annos Constantinopo-
lis florentissima schola fuit nostrarum legum: Nunc
procul pulsa hac doctrina, omnia unius tyranni nutu,
aut barbari alicuius ducis reguntur. Sic cum orbis ter-

Vbi Centauri,
ibi confusio,
nulla sapientia

Q rarum

rarum dilaceraretur ab Alexandri satellitibus, quæ ibi
legû uox, quæ doctrina politica usquam audiebatur?
Cum igitur magis rabie Tyrannorum, et arbitrijs po-
tentum omnia gerantur, qui locus est sapientiæ, et no-
stræ politice arti? Nec enim illud imaginandum est,
nostram artē similem esse militari, quæ nunc hostibus,
nunc ciuibus seruit, & utrinq; iniustis cupiditatibus
operam locat. Alia res est hæc politica ars, seu iuris do-
ctrina, nusquam locum habet, nisi in tranquilla ciui-
tate, & in eo consilio, quod ad normam iustitiæ suas
sententijs accommodat. Vt Athenis donec Solon præ-
fuit ciuitati, ualuit legum autoritas. Romæ legum re-
uerentia mansit, donec Augustus uixit: sed utroq; lo-
co breui post oppressi sunt ciues Tyrannide, & leges
conticuerunt: ut Solone uiuo, Pisistratus rapuit domi-
nationē: post Augustum, mox Tyranni aliquot quàm
crudeliter grassati sunt in Rempub? Hæc exempla se-
pe mouent etiam magnos homines, ut aut nullum, aut
exiguum usum esse nostræ doctrine arbitrentur, qui
quidem dictum illud Ciceronis in ore habent: Inter
arma silent leges. Marius dixit, se legum uocem inter
clastica & tubarum sonos non audiuisse. Et Nazian-
zenus de Iuliano inquit: Voluntatem principis esse
ius non scriptum. Vt igitur ipse meum animum, & si
quos fortasse alios, confirmem, refutare illam uitupe-
rationem nostræ doctrine institui, & ostendam &
esse, & futurum esse usum huius artis, etiamsi magnæ
fuerunt, & nunc sunt, & impendent aliæ rerum hu-
mana=

Aut lex, aut
tyrannis.

Marii uox.

psus legum
Serpentius.

manarum mutationes, nec nobis studium abijciendum esse, sed eò magis colendū, ut conseruetur. Ac primū constituamus esse artem politicam: Non enim frustra Deus indidit humanis mentibus leges naturæ. Harum explicationem uoluit extare in literis & monumentis sapientum, hanc uoluit esse imperiorum & iudiciorum regulam, quæ non propterea nihil est, etiamsi multe aliæ res gubernationem inturbant. Ut ars medica uera, est diuinitus tradita, & salutaris humano generi, etiamsi corpora humana non tantum medicæ artis præceptis reguntur, sed sepe occultis, aut subitis causis leduntur, quæ prouideri non possunt: ita nostra ars uera est, diuinitus monstrata generi humano, et salutaris, etiamsi aliæ res accedunt, quæ hanc sapientiam sepe reprimunt. Lacerantur imperia interdum fatalibus pœnis, uel Diaboli furore & Tyrannorum cupiditatibus: Cedit talibus temporibus sapientia politica.

Simil: ab arte medica.

Quid enim loci erat bonis uiris, cum triginta Tyranni tenerent Athenas? Et quia sepe uiolentia dominatur, et multe existunt subitæ, & improuise mutationes, Epicurei putant res humanas casu ferri, et tantum quemq; obtinere posse, quantum ualeat potentia. Sed nos, qui in Ecclesia Dei instituti, certò scimus Deum esse inspectorem & iudicem uniuersi generis humani, sciamus imperia neq; oriri, neq; interire casu. Deinde hac nos consolatione maxime sustentemus: Etsi concutit Deus aut euertit imperia, tamen eccle-

Deus inspector generis humani

Q ij siam

Politix nautæ
periti pericli
tantur.

siam suam non finit funditus deleri, et hæc, ut maneat, dat hospitia, conseruat connubia, procreationē, educationem, contractus, literas, doctrinam de cælo traditam: Esse igitur cœtus legibus iunctos necesse erit. Quare etiamsi multa incidunt tempora, quibus politica sapientia parum habet loci, ut in seuisſimis tempeſtatibus nautæ periti uincuntur, tamen donec erit Ecclesia, coetus erunt legibus iuncti, hos si regerent indocti, sine certo iure, sine literis & eruditione, quales tenebræ essent uitæ? ac redeo ad exempla superiora. Solon leges tradidit Atticæ ciuitati, quæ etiamsi non sustulerunt omnia uitia, tamen contractus et iudicia quadam humanitate rexerunt, & uoluntates ciuium coniunxerunt. His legibus ad Romanæ tempora annis plus quingentis ciuitas usa est. Et si autem interea urbs bello Persico incensa, & deleta est, cum ciues essent in nauibus, & uxores & liberos abdidissent inter scopulos marinos, tamen non propterea Solonis leges fuerunt inutiles, quæ & antea in pace tranquillitatem retinuerant, & aliquantò post, rursus instaurant ciuitatem. Nec illud urbis incendiū, etsi ligneas tabulas consumpsit, propterea leges delere potuit, quæ infixæ animis ciuium tum maximè ualuerunt. Hac disciplina instituti ciues, norant barbaricos mores non esse admittendos, norant diuincandum esse coniunctis uiribus pro defensione libertatis, hoc est, discipline & honesti status, & ob hanc causam omiſſis priuatis certaminibus, concordiam inter se tueri

Robur legum
in tempeſtatibus.

sequebantur, extabant leges, et quotidie earum exempla spectabatur in factis Themistoclis, Aristidae, Cymonis, et aliorum honestorum civium. Ita cum Roma à Gallis caperetur, non propterea Respub. deleta est, etiamsi ædificia incensa sunt: Mansit enim uirtus et disciplina civium à legibus orta. Hæc præsidio, et saluti sunt civibus. Etiamsi Nero aliquantisper latrocinium inter clues exercuit, ac oppressis legibus etiam Iurisconsulto Cassio Longino oculos effodit: Etiamsi Bassianus fratre necato, etiam Pampinianum Iurisconsultum molientem prætextus fingere ad excusandum parricidium interfecit, tamen non propterea in uniuersum deletæ erant leges. Ne funditus periret humanum genus, Deus adhuc politicum ordinem apud aliquos tuebatur, erant alicubi in prouincijs Magistratus mediocres, qui legum uocem audiebant. Non amittenda est igitur doctrinæ professio, etiamsi aut bella, aut Tyrannides aliquantisper eius usum impediunt: Imò bona ingenia hoc pugnent ardentius de uerarum legum defensione, quia uident in tanta infirmitate humana, in tanta confusione earum auctoritatem sepe, tum negligi, tum opprimi. Ideo tradidit Deus humano generi artem politicam, et hanc ipsam doctrinam, ut quantum potest, sanabiles homines ad iusticiam flectat, et iniustos impetus reprimat. Nihil mirum est eos, qui ignorant causas harum confusionum in imperijs, nec didicerunt ex coelesti doctrina, quomodo confirmandi sunt animi, uehementer odisse

Tyrannis iniuriam legibus.

Q. iij impem

imperia, in quibus raro boni præsent, et ut sunt mediocres, imò boni et sapientes, tamen multitudo et uarietas negotiorum, nō concedit eis, ut in omnia sint intēti. Pompeij iustitiam et integritatem amabant prouincia, ut cū secum duceret multos rapaces comites, tamen has iniurias propter beneuolentiam erga Pompeium dissimularent. De Dauide etiā querelæ sunt filij. Deniq; amentia est in hac naturæ humane imbecillitate, et in tanta Diaboli seuitia, querere animo politiam sine uitij et sine erroribus. Vt igitur imperia oderunt hi, qui causas confusionum nesciunt, ita et leges adspernantur, cum uident eas multis ingentibus malis non mederi, et hanc totam doctrinam uitæ inutilem esse censent: sed nos monet cœlestis doctrina, oriri multas ingentes confusiones uitæ, cum à Diabolo, tum ab humana uel negligentia, uel petulantia, nec posse gubernatorū consilijs, ac legibus reprimi omnium furores, aut corrigi. Et tamen inter has difficultates non esse gubernatoribus curam deponendam, nec inutile esse eorū diligentia: sed quedā mala, uel reprimere, uel mitigare. Iubet item Deum inuocari, ut adsit huic difficillimo labori, et quidem monet sine auxilio Dei, sapientiā illam politicam sæpe hallucinari, et extiosam esse ciuitatibus. Quā multi summis ingentibus præditi, cum quidem patriæ benè uellent, tamen suis consilijs euerterunt Resp. quia freti sua sapientia, res mouerunt non necessarias, ut Pericles, Demosthenes, Pompeius, Cicero, Tota uia erramus, si sine Deo felicem esse

Sine Deo sapientia hallucinatur:

cem esse sapientiam arbitramur. Hac igitur consolatione nos confirmemus, præsertim in his orbis terrarum periculis, et labâte tota mundi machina; sciamus ruere res humanas, et tamen fulciri hanc ruinâ à Deo, et bonos viros debere suo quenq; loco anniti, ut profint cõmuni saluti. Hæc in præsentia duxi commemoranda esse. Nam mihi aspicienti legum libros, & cognita pericula Germaniæ, sæpe totum corpus coherre scit, cum reputo quanta incommoda sequutura sint, si Germania propter bella amitteret hanc eruditam doctrinam iuris, & hoc curiæ ornamentum. Crescent Tyrannides, erunt omnes literæ in maiore cõtemptu, Ecclesiæ magis negligentur, deniq; multiplex barbaries sequetur. Quare primùm oremus Deū, ut pacem nobis concedat, deinde ut hæc studia tueatur, quod quidem eò magis impetrabimus, si nos ipsi consilia nostra fideliter ad gloriâ Dei illustrandam, & salutem communem referemus. Non igitur deterreamur periculis, non frangamur animis, etiamsi interdum uel iniquitate hominum, uel perturbatione communium rerum humanarum, pia, moderata, salutaria consilia impediuntur, nec possessionē studij nostri deseramus, idq; præsertim, cum labor multorum nostri ordinis in consilijs publicis etiam Ecclesiæ Dei seruiat, quam cum Deus seruaturus sit, seruabit & politicas artes Ecclesiæ seruienteis. Non ideo Architectonica deso-
renda est, etiamsi multe arces, uel bellorum cladibus, uel alijs modis euertuntur. Tuendæ & colendæ sunt

Politix serui-
ant Ecclesiæ.

Q uij bone

bonæ artes, & petendum à Deo, ut ipse gubernet studia, & exitus det utiles Ecclesiæ suæ. Quid Daniel, Esdras, Nehemias exules fecerunt? uiderant templum, quod Deus condi iusserat, funditus deletum esse: uiderant urbem reginam omnium solo æquitatam, cui promiserat Deus regnum, neque tamen fracti desperatione, sua studia abiecerunt: imò ne in exilio, & in ea gentis dissipatione, doctrina propria Ecclesiæ interciderat, maiore eam diligentia, & discabant, et suis tradebant, norant enim non interituram esse Ecclesiam Dei. Ita & nos uota nostra & spes nostras, ad ecclesiam Dei adiungamus, hanc intueamur, & hac spe nostra studia colamus. Hæc nauis & nostram doctrinam uehat, & uehet haud dubiè, si nos hanc nauim ornare studebimus. Possunt autem optimè mereri de Ecclesiâ nostri ordinis uiri: cum mentes principum à quibus consuluntur, ad curam defendendi pia studia, & artes salutares humano generi flectunt. Dixi pauca de professoribus. Sed priusquam desino, etiam hic coetus scholasticus de suo officio commonefactendus est, sepe in concionibus sacris, sepe in lectionibus proponuntur uobis diuinæ sententiæ, de disciplina, de bonis moribus, de poenis quæ uiolationem disciplinæ sequuntur. Et poenæ sunt in conspectu. Turci impij grassantur in uicinia, distractæ sunt principum uoluntates, Germania non defenditur, imò & domesticum bellum satis crudele, tum gerit, tum parit. Si be tantæ causæ non mouent nos ut uiuatis modestius, ut

confu-

**Nauicula
Ecclesiæ.**

**Cohortatio ad
pietatem &
studium.**

confugiatis ad Deum, quid mea oratio proficere potest? quid nos de legum dignitate apud eos concionari possumus, qui ut Cyclopes, neque Deum neque leges ullas curant? Pudet talia dicere in schola, quae debebat non solum audire, sed etiam colere uirtutis doctrinam. Si esse Deum conditorem rerum, et iudicem factorum nostrorum sentitis, afficiamini monitis caelestibus, ipsum authorem rerum, et iudicem uestrum agnoscite, et ei in his officiis, quae legum uoce requirit, obedite. Videtis à Deo ordinatas esse uices dierum ac noctium, aestatis et autumnus: Has uices esse secretas, omnes faciemini: cur igitur de praemijs recte factorum, et de poenis malefactorum dubitatis? Certe lege Dei, obriuntur poenis omnes scelerati. An casu putatis subijci iam mundum barbarica tyrannidi Turcarum, qualis alia nulla similis unquam fuit? Nequaquam hoc casu accidit: Sed hoc tristi carcere, hominum furor coercendus et compescendus est, qui nullis legibus frenari suos mores sinunt, qui concedi sibi licentiam, ut beluae uolunt, exercendae petulantiae, ut libet. O deplorandam principum negligentiam: His malis mederi eos oportebat, ut hanc indomitam turbam seuerissimis poenis ad modestiam reuocarent, quod nisi tandem facient, Deus iratus has gentes seruitute Turcica opprimet: sed redeo ad scholasticos. Obtestatur uos hic uniuersus coetus praceptorum uestrorum, et precipit uoce diuina, ut et reueramini Deum, et uiuatis modestius, eaque in re cum uestra saluti, tum communi consu-

Vices praetor
rum & poenarum.

Q V. latis

Ornamenta
vite.

Vox Dei leges.

Nisi enim erunt modestiores mores, profectò hæc bona, lucem doctrinæ de Deo, Ecclesiæ, leges, literas, & cætera vite ornamenta amissuri estis. Quanta bona amisit Adam uno lapsu? Quamdiu Ethnici in tenebris, & horrendis sceleribus uixerunt? propterea quod eorum maiores spreuerant doctrinam primorum patrum. His exemplis uos ad pietatem & modestiam excitare: quod si facietis, non solum dignitatem legum uerè intelligetis, sed etiam in gubernatione uitæ scilicet felices; Deus enim promittit suis sapientiam & successus. Ita intelligetis leges esse Dei uocem, et hunc politicum ordinem à Deo, & institutum esse, & aliquam ex parte conseruari, ut in societate humana innotescat ipse, & nos copulati mutuis officijs, testimoniis nostræ sententiæ, de Deo & de filio Dei, & mutuam beneuolentiam ostendamus, nosque mutuis exemplis ad uirtutem accendamus. Ad hæc intelligenda, profectò opus est, ut dixi, quodam studio uirtutis, timore Dei, modestia, et diligentia regendorum morum.

P I X I,

ORA.

ORATIO IN LAVDEM ARTIS

Medicæ, Vuitenbergæ
habita.



Ereor, Viri amplissimi, ne qui
de Medicinæ dignitate malè exi-
stiment, cum eam subinde lau-
dibus ornari, & encomijs cele-
brari à nostri ordinis homini-
bus audiant. Omnibus enim in
ore est, rebus per se parùm hone-

Medicinam
recte laudari.

stis ac pulchris, alieno ornatu & orationis fūco opus
esse, quibus commendentur, quando nihil in se habent,
quo sibi gratiam aut decus parent: Sicut foemine
inhonestæ ac deformes, quia ipsæ pulchritudine carēt,
à cerussa formæ adiumentum petunt, quo se alijs uendi-
tent. His (si qui sunt) nostri consilij rationē reddēdam
duxi, ne re aliter atq; est intellecta, et falsa persuasio-
ne adducti, de disciplina præclara iniquè iudicent, aut
de honestis factis inhoneste pronuncient. Nos nō præ-
dicamus laudes Medicinæ, ut ei gratiā & uenustatem
conciliemus, quando tantum ei natiua elegantia inna-
tum est decus, ut nullum non modo lenocinium requi-
rat, sed etiā nec ulla arte magis exornari possit, quàm
natiuo pulcerrimo fūco. Sed quoadolescentibus ad-
huc rerum imperitis eius splendorem ac maiestatem
ostendamus, ne ignorent, quantum hæc ars in se boni
habeat, & imprudentes rem singularem prætereant,
ut est

ut est ea etas infirmi consilij, & præceptis, neq; iudicio, sed libidine fertur, si ei dux, quem admonentem sequatur, defuerit. Verum admodum paucis de re amplissima dicam, quod intelligo mihi eam sermoneis copiam, & benedicendi facultatem deesse; quam eum artis uirtutes deposcunt, si hominum oculis exhibere uelis. Neq; eo consilio hanc provinciam suscepi, quod hoc me præstiturum considerem, sed ne in pulcherrimam nostri Gymnasij consuetudinem peccarem, que tanti bonis uiris est, ut non dubitent difficilia & ardua, & prorsus que supra suas uires sunt moliri, modo illam seruent. Quare dum publicæ utilitati inferre conor, & pie quidem, licet parum scilicet: me quaeso benigne & patienter audite. In disciplinis que excellentibus illustrium hominum ingenijs inuenta sunt, & incredibili grauium uirorum cura, & industria perfectæ & expolitæ, ea princeps ac regina existimari sine cōtrouersia debet, que honestatis splendore, utilitatis magnitudine, iucunditatis illecebris, reliquas omnes uincit, tum rebus humanis imprimis necessaria est, quam esse Medicinam, ut uerè, ita & liberè pronunciare nihil ueremur, que honestam rerum naturalium scientiam, & elegantem humane nature cognitionem complectitur, eaq; tradit, quibus uel bonam ualeitudinem tueamur, & sustentemus, uel malam corrigamus ac emendemus, ad hæc, quid commodi aut incommodi quæq; res nobis adferant. Quid autem bono uiro, & excellentis ingenij homini honestum, quid

Medicinæ
dignitas.

Honestum.

quid melius, quid dignius, quàm uersari in earum in-
 quisitione & indagatione, quarum scientia, et splen-
 doris, & magnificentiae plurimum habet? usum uerò
 ac fructum immensum, maximeq; naturam rerum om-
 nium parentem attingit? Iamque animum attollere
 humo, et sublimia petere, iubet, ut aëris naturā et cœli
 um inspicias, & uigilantibus oculis in ijs obserues,
 quæ cura & admiratione digna sunt, quæq; commodi
 aut detrimenti aliquid hominum naturæ portendant,
 ut possis & commoditates ex omnibus decerpere, &
 damna cauere: Iam uerò infinitis herbarum generibus
 contemplandis te dedere, ibiq; diu morari, & pro-
 pius cognoscere admirabiles illas, & planè diuinas ea-
 rum uirtutes atq; opes, quæ tam uariæ, tam præstan-
 tes, tamq; incredibiles sunt, ut nihil profecto in ipsa
 natura sit aut dignius, quod suspiciamus, aut pulchri-
 us, quod inuestigemus, aut iucundius, quod cognosca-
 mus. Videtur enim ipsi naturæ studio fuisse, præclara
 sue benignitatis munera, et non mediocrem boni uim,
 in intimis herbarum medullis recondere & occulta-
 re, quo bonos & alacres uiros ad inquirendum acue-
 ret, & eorum studia, & industriam liberalibus præ-
 mijs remuneraret: Quemadmodum uiri principes,
 eorum uirtuti qui in certaminibus præstiterunt, ex-
 quisitos honores habere solent. Cuius rei locuples te-
 stis Hesiodus est, antiquæ fidei uates, qui deplorat
 homines ignorare, quantum boni in malua & albuco
 reconditum sit. Et Mercurius ille Deorum apparitor,
 Vixi

Rerum natura-
 lium cognitio.

Hesiodi
 querela.

Vlyſſi moly verbam cōmonſtrans, inquit hominibus difficile eſſe, eam inuenire, Dijs autem non item. Hec igitur procul ab omnium oculis in extremis rerum latebris abſtruſa perueſtigare, & magnum inde humane ſocietati fructum, & ſibi ſapientiam colligere, eſt præclari et magni uiri. Quid uerò de gemmarum naturis et uirtutibus dicam, quas uiri Medici ſingulari ingenij acrimonia, et incredibili induſtria perpendentes inuenerunt? quibus tam ſplendida uis tamq; incōparabilis uirtus meſt, ut nihil ſit in rebus humanis, quod cum ijs comparari poſſit. Et ne lōgior æquo ſim, reliquas naturalium rerum partes placet ſilentio præterire, ſi prius de homine, de quo tacere ſat eſſe non puto, dixerim, quo à natura non aliud animal melius aut præſtantius, aut diuinitus conditum eſt. Ad quem contemplandum, Medicina, quæ hoc in cognoscendo accuratior & diligentior eſt, quo quid excellentius et melius, omnem ingenij uim, et animi robur conuertit, omnes eius partes perluftrat, ſingula mēbra ſeorſum propius intuetur, et acri iudicio examinat, ſingulosq; eius angulos perreptat & cognoscit, & in admirabili illa & uiua corporis humani compositione, omnia ſingulatim, ueluti luculentum & illuſtre nobilis architecti ædificium perquirat, & inſpicit, ibiq; aptè & eleganter diſpoſita admiratur, ſi quæ uitium fecerunt, notat, totumq; hoc animal adeo perplexum & ſinuofum, ut non iniuria Momus ei feneftras addendas cēſuerit, quo ea, quæ intus ſunt, cognosci poſſent, huius

Medicina con-
templatur hu-
mani corporis
ædificium.

ccis

Medicina
filium Thesei.

eis oculis perspicit. Si igitur quis, quod pulcherrimum & honestissimum est, semetipsum intus & in cute cognoscere cupit, ueluti labyrinthū ingressurus, Medicinam ducem, seu Thesei filum, sequeretur, si errore implicari, & à uerò deduci non uelit, et minimo negotio rem, qua nihil cognitione splendidius, & inquisitione melius, & oblectatione suauius, consequi. De qua quàm honorificè ueteres illi, uerè sancti et sapientes homines iudicarint, luce clarius est. Homerus enim uates sine dubio rerum humanarum peritissimus, unū Medicum, multis alijs hominibus præstare censuit: quod Poëta acerrimi iudicij nunquam dixisset, si nō uidisset tantum oportere tribui tam eleganti rerum naturæ cognitioni. Quid quod Homero non tantum uetustiores, sed etiam grauiores uiri Medicis diuinos honores habuerunt, eosq; beneficentia et studio in numerum Deorum sustulerunt? Quod grauius quidem illi, et constanter fecerunt (ut eorum ferebat religio) iudicabant enim illi hanc sapientiam, nō humanam, sed coelestem esse, quæ tam arcanas rerum uirtutes, in ipsis naturæ uenis reconditas & abstrusas enoluere, et in lucem proferre posset: neq; hominis, sed Dei esse, tanta hominibus commoda adferre. Quare meritò apud eos in diuino honore erant, à quibus diuina beneficia percipiebāt. Eos uerò, qui de iure respondebant, plurimum admirabantur, et meritò quidem: quis enim tam sanctos iustitiæ custodes, non magni faceret? Sed tamen nemo nullū iurisperitum cælo dignatus

Homerus.

Medici inter
Deos relati.

**Iurisperiti
apud inferos
iudices.**

**Mathematici
& Philosophi
miseri.**

Vile.

dignatus est, uerum ijs quorum magna & celebris iusticie et equitatis opinio fuit, hanc prouinciam detulerunt, ut apud inferos inter umbras, causas cognoscerent. De Mathematicis ueterum iudicium etiam fabulis testatum est, qui Promethea nobilem sane Mathematicum Caucaſo alligarunt, ei pro honestissima disciplina tradita, solitudinem & miseriam reponentes: Neq; his maior honor Philosophis habitus. Hunc nimirum palam est, inter honestissimas disciplinas, principem locum ueteres Medicinæ dedisse, ut interim taceam Græciam, cum omni genere disciplinarum maxime floreret, Hippocrati eos honores habuisse, quos prius Herculi monstra tollenti detulerat. Ex quo Medicinæ dignitas & splendor æstimari debet, cum ea regio, quæ sic uiris sapientibus præstabat, sic optimarum rerum iudicio pollebat, Medicinam iam exquisitis honoribus exornarit, ut dignitate etiam Herculem minorum gentium Deum adequaret. Et ut honestate, ita & utilitate & dulcedine reliquis disciplinis præstat. Quemadmodum enim in Platone & Demosthene, & eiusdem monete bonis scriptoribus, non tantum magna maiestas, & ingens sermone splendor, sed etiam pulcherrimus fructus, & insignis utilitas: Sic etiam Medicinæ non minus uoluptatis, & bonæ frugis, quàm dignitatis inest: nisi quis putat aliquid melius & optabilius esse bonâ ualitudine, quæ Medicinæ beneficio cõseruatur, et eiusdem opera labefactata curatur: Quæ ex uarijs herbis succos quatuor
precij

precij exugit, in ualitudinis subsidium, sicut apes ex
uarijs floribus materiam colligunt, unde mel cōsulent,
quibus nobis à morbis circumuentis, & oppressis o=
pem ferat, qui nobis à fronte, tergo, lateribus, insidias
tendunt, ut ne lanus quidem ab his tutus esse queat, si
non Medicina adsit, quæ ab omni parte morbos tan=
quam è specula obseruet, & nos, qui eos effugiamus,
moneat, uel ab his oppressos, ceu è mortis faucibus eri=
piat. Cuius rei testis est grauißimus ille, non dicendi
modo, sed etiam intelligendi præceptor & magister
Cicero, inquiens: Valetudo sustentatur noticia sui cor= Cicero.
poris, & obseruatione earum rerum, quæ res aut pro=
desse soleant, aut obesse. At sola Medicina obseruat,
quibus nostra natura uehementer oblectetur, & refi=
ciatur, quibusue grauitè lædatur: quare idem author
addit: Valetudinem sustentari arte eorum, quorum ad
scientiam hæc pertinent: & tamen sunt, qui hæc mo=
nentem non audiunt, qui tum demum sua consilia, imò
temeritatem contemnunt, cum iam aut febris concuti=
untur, aut morbo contabescunt: Veluti Athenienses,
qui de pace nō nisi pullati consultabant, sicut Dema=
des inquit: Et discunt isti tandē magno suo malo rectè
sapere, & res uerè utiles non temerè negligendas esse.
Medicina uerò, si ulla res alia, nobis inprimis necessa= **Necessarium.**
ria est, cuius opera incolumes, & salui uiuimus. Sole,
igne, aqua & aëre denique citius carebimus, quàm
Medicina. Nam præstat semel mori, & magnis misè=
rijs defungi, quàm in longis morbis, quibus liberari
R nequeas;

**Cæsarum si
pédia Medicis
data.**

neque u. miserum ducere Spiritum, atq; infelicē uite
re uitam: à quibus multi sic premuntur, à Medicinæ
auxilio destituti, ut sibi manus adferre non dubitent.
Quare Romani Cæsares uideri possunt intellexisse,
quàm salutes & necessarij essent boni Medici Re-
bus. qui eis in singulos annos amplissimum stipendi-
um ducenta et quinquaginta sestertia pendebant, sicut
Plinius author est, cum tamen reliquarum disciplina-
rum professoribus, centena sestertia modò in annum
numerarint. Cuius pecunie si rationem more nostro
intueris, comperies Rhetoribus & Poëtis tria millia
aureùm, et trecentos triginta quatuor numeratos: Me-
dicis uerò octo millia aureùm, & amplius trecentis
in singulos annos stipendium fuisse: ne illi probè ma-
iestatem et operam Medicinæ perspectam habuerunt,
& melius et candidius de honestis rebus iudicarunt.
Quidam liberalibus præmijs bonos Medicos hone-
starunt, tantoq; illum ordinem honore affecerunt. At
nunc eo deuentum est, ut ex libidine, non ex uero ius-
dicemus: ex gratia, non ex merito tribuamus: fiuntq;
paulatim deteriora omnia, et in peius delabuntur. No-
que desunt, quibus nunc Medicina sordet, quæ olim
magnis et sapientibus uiris tanti fiebat. Sed quid mi-
rum? Ut enim scarabei preciosi unguenti odore offensa-
duntur, & sues amaricini fragrantia: sic hi nostri scar-
abei et sues, præclaras & honestas res non ferunt.
Sed quis istos non contemnat? nisi quis leuem & im-
purum seruum Caryonem apud Aristophanem audi-
endum

**Scarabei &
sues contem-
pores Medi-
cinar.**

endum putat, qui uirum Medicum scatophagon, id est, stercoreis uoratore[m] uocat, cum nemini hominum obscurum sit, quod lingua est, ut ille inquit, pars pessima serui. Neq[ue] isti ueteratores, quibus mala mens, malus animus est, aliter faciunt, à quibus uituperari, laudi ducitur: prudentes uiri rectè iudicant. Istos etiam contemnendos duco, qui ebrij inter pocula errant et crepant: Qui medicè uiuit, miserrime uiuit, uidentes aliquem continentiae, et frugalitatis, quàm erapulae amantiorem. Sed quàm miserè istae hominum laruae delirant, qui existimant istum miserè uiuere, qui medicè uiuit: nã isti ignorant, quid mederi, aut Medicina, aut Medicus sit: qui si intelligerent, uerba iuuandi et auxiliandi, uim habere, certè aliter iudicaret. Sed quid moramur hos, quibus nemo respondendum putat, sed helleborum porrigendum, ut purgato cerebro desinant delirare? Neque Medicorum ordini fraudi esse debet quorundam temeritas, et inscitia, qui eius artis titulo se uenditantes, multis fucum faciunt, quibus si quis titulum detraheret, idem sanè eis accideret, quod Cumano leoni, qui pelle nudatus asinus fiebat. Tales nō magis Medicinae officere debēt, quàm honestissimo Theologorum ordini, triobolares isti Theologastri, qui, ceu fœdæ Harpyæ, et sacra, et sanctissimum Theologici nominis ordinem defœdant atq[ue] conspurcant. Vt enim inter pulcherrimas segetes, triticum et siliginem, zizania et lolium sibi esse uolunt locum, ita et perdit quidam homines in ho-

Medice uiuere.

Zizania
Medicorum.

R ij

noratis

noratis uirorum ordinibus quoquo modo esse uolūt,
 qui digni sunt, ut in coruos deportentur, non quibus
 cū boni uiri litigent. Vos quibus melior mens, et hone-
 stior animus est, qui dignitate, splendore, & maiesta-
 te naturalium rerum mouetur, amplectimini Medici-
 nam, qua nihil melius, neq; pulchrius, neq; maius re-
 bus humanis diuinitus contigit: quæ & rei amplifi-
 candæ compendiaria uia est, & tantum oblectationis
 subministrat, quantum humanus animus capere po-
 test. Non enim hīc, ut in pictura, inanes umbræ, &
 uanæ corporum imagines nos oblectant, sed res soli-
 dæ, & uiuum naturæ opus, & incredibile, & uarium
 eius decus, cum summa uoluptate spectatur, tum fa-
 cit, ut his bonis floreamus, quibus ut abundare fœli-
 ciſſimum, ita & carere miserrimum est. Quare qui
 beati, quàm miseri esse malunt, hi putent sibi Medici-
 nam omnibus modis amplexandam. Dixi.

Vinum naturæ
 opus Medicorū

ALIA ORATIO, LAUDEM MEDICINÆ continens.



Medicina pes-
 simam gratiam
 meretur.

E ipsa comperio uerissimū esse, quod
 scripsit quidam Poëta:
 Omnia sunt ingrata, nihil fecisse
 benignè est. Nam cū non alia ars
 de nobis uberius mercatur, quàm Me-
 dicina, tamen uel in primis huic pessima gratia à ple-
 risq;

risq; mortalium redditur, qui, tantum abest, ut agnoscant huius beneficia, ut nullo non genere conuitorum, cum artem ipsam, tum eos, qui in perquirendis his rebus, quæ uitam prorogant, quæ ualeitudinem conseruant, ac morbos arcent, operam collocant, conscindant. Idq; faciunt hi, qui quoties pituita molesta est, tota domo myropolia coemunt, omnes undiq; Medicos conducunt, ueterinarios etiam: & cum Medicinæ ope conualuerint, animi morbum exercent, in accusanda inscitia Medici, in uituperandis exoticis remedijs. Ea est insania, ut ne quidem experti artis beneficia, placari possint. Cum hisce rixemur ne modo, postquam ex more de Medicinæ laudibus aliquid dicendum est? Ego uerò satis scio, non esse tantam dicendi facultatem mihi, ut illos mea oratione ad sanitatem reuocare me posse confidam. Pythagoram aiunt adolescentes quosdam, cum honestæ cuidam foeminæ in conuiuio libidine inflammati, uim asserre conarentur, mutato cantu tibiarum (qui in conuiujs ex more adhibebatur) spondæis tardiusculis flexisse, ut compressa libidine ab incepto desisterent. At hi non tantum nō oratione ulla placari posse uidentur, sed multis hellebori iugeribus ad medicandam stultitiam opus habent: Quare cum his in præsentia non est uisum digladiari: Sed bonis ac studiosis liberalium artium adolescentibus, cupimus fidem facere: Non aliam artem ex prophanis, aut plures utilitates ad uitam asserre, aut digniorē esse, in qua cognoscenda, quicunq; liberalibus

R. iij ingenijs

Medicina se
ipsam com-
mendat.

Veteres Deum
autorem Medi-
cinæ notabant

ingenijs præditi sunt, operam sumant. Et quanquam in hoc argumento optarem mihi esse eam facultatem, quæ pro dignitate exponere, et ornare res dignissimas laude posset: tamen ita extant ob oculos, ita uersantur inter manus Medicinæ commoda, ut ad eam prædicandam non admodum uberiore eloquentia opus sit. Et si usquam uerum est, quod aiunt, probe merci non esse præconæ opus: minimè omnium Medicina postulat uulgaria præconia, cuius utilitas posita in conspectu nostro, omnium mortalium studia fauoremque meretur.

Quæ enim alia ars, aut plura, aut gratiora uite feliciter degēdæ, adminicula nobis promittit? Quod cum animaduertent ueteres tantoperè præstare eam alijs artibus omnibus, cum quidem omnium aliarum disciplinarum inuentionem, imò et literarum, et legum primordia in homines actores referrent, in una Medicina senserunt tantam esse uim, ut neminem mortalium dignum ducerent, cui tantum beneficium acceptum ferrent, sed magno consensu indicarunt à Deo repertam, exhibitamque nobis esse. Et est tanta scientiæ uarietas, quam Medicina completur, ut humano ingenio deprehendi non poterit. Etenim in tam fugaci uita, quamuis multi non poterant tot morborum genera cognoscere, tam uaria remedia, herbarum dissimillimas naturas experiri, hæc cogitabant, opinor hi, qui optimæ artis inuentionem Deo ascripserunt. Et mihi libet credere diuinitus ostensam

ostensam esse mortalibus hanc artem, ex. à primis illis
 autoribus generis humani traditā esse per manus po-
 steris. Nec mihi ullus mortalis labor suffecturus fuisse
 uidetur, tam uarijs corporū naturis, tot causis, tamq;
 abditis ac latentibus morborū, tot ualeitudinis conser-
 uandæ aut restituendæ rationibus, syderum uiribus,
 quas in commutanda corporis humani constitutione
 exercent, tot pharmacis inquirendis. Itaque statua-
 mus nos etiam, Medicinam Dei munus esse, massum in-
 terras, quo infirmitatem uirium nostrarum aliquan-
 tisper sustentaremus. Et cum usus poscit, ita utamur,
 ut agnoscamus non humano consilio, sed diuino be-
 neficio proposita esse remedia uitæ propagandæ. Nam
 & sacre literæ palam docent, Deum ex remedia pro-
 posuisse, et Medicos condidisse, et regere gubernareq;
 Medicorum industriam.

Est hæc uel imprimis magna Medicinæ laus, diui-
 nitus repertam esse, quam laudem, cum huic uni arti
 tribuant sacre literæ, non dubitemus eam longè, cum
 dignitate, tum utilitate præstare omnibus alijs.

Stultitiam esse sentimus contemnere reliquas artes,
 quas humanum ingenium excogitauit. At Medicinam
 aspernari, non stultitia, sed impietas est: Nam cœlestia
 dona contemnere, aut parum religiose colere, conscie-
 ratæ mentis furor, ex sacrilegium est.

Nunc, si libet utilitate metiri Medicinam, quæ
 etas est, quæ uitæ pars, quæ huius ope non indigeat?
 Quod enim in fabulis est, primas hominum glorie

R. iij uictuasse,

Utilitates &
 beneficia
 Medicinæ.

uictitasse, postea monstratas esse fruges à nescio quibus, id eò pertinere mihi uidetur, certam quandam uictus rationem inuentam esse, magno bono publico, cum ad id tempus, discrimen nescissent homines noxiorum in uictu & salubrium. Proinde, hac in parte latissime patent Medicinæ beneficia, præscribentis suam cuiq; uictus rationem. Nam si tollas e culina uictus rationem seu diætetice, quid aliud erit iam culina, nisi carnificina quædam? Aut quid est aliud, quàm sese iugulare, nullam tenere uictus certam rationem?

Sed est Medicinæ manifestior usus in restituenda, quàm conseruanda uale tudine. Ibi mihi expendat aliquis, ab illis uitæ initijs, quàm uarij morbi nos infestent nondum etiam natos, ut quidam non iniuria dubitarint, parentem ne, an nouercam potius humani generis naturam esse censerent: quàm multi casus uterum ferentibus impendent, sæpe exitum allaturi, tum nondum nato foetui, tum ipsi matri, ni Medicus opem ferat? Quàm multa lactis uitia emendat Medicina, ne fame pereat infans? Iam si mihi, ut Poëta inquit, centum lingue sint, oraq; centum, non possem per censere omnes mortalium morbos, in quibus depellendis Medicinæ uim quotidie est experiri. O quoties fugienti uitæ manum uincit Medicus? quoties uelut ab Orco morientem animam retrahit? Quoties necessitatem fati arte differt? quæ quidem palam est diuino beneficio fieri. Sed iam antè diximus Medici industriam

diuina

Prouerbium.

diuina quadam ui gubernari. Atqui si usquam fidem
habet tritum prouerbum : Hominem homini Deum
esse , hac in parte id profecto rectissime usurpatur:
quia diuina ui Medicus aegroti salutem tuetur. Neque
uerò tantum in tollendis corporum malis uim suam
declarat Medicina, sed animos etiam contagione cor-
porum uitiatos sanat. Denique uniuersum uitæ cursum
faciliorem reddit, dum uitare morbos docet, & si qui
acciderint, mitigat. Proinde uehementer ingrati sunt,
qui Medicinam uitæ tutricem ac seruatricem non su-
spiciunt, non admirantur. Quòd si parentibus debe-
amus gratiam, quòd uitam semel dederint, cur nō item
Medicis, qui sæpe amissam propè uitam reddunt? Sed
dicit aliquis: Sæpe frustra tentari remedia, & Medi-
cinam sæpe in curando parum foelicem esse.

Verum est grati hominis agnoscere beneficium,
quoties ars iuuerit, improbi est erratum meminisse,
non meminisse benefacta: quæ si colligas & expen-
das; multos incolumitatem uidebis Medicis debere.
Ita sunt mortalia, ut sæpe uis morbi superet Medici-
nam. Est & cum Medici falluntur, sed multo sapius
egrotantium uitio accidit, cur parum succedat in
medendo.

Fuit apud Antigonum Regem non ignobilis Me-
dicus Epirotus Philippus, is suscepit quendam Re-
gis amicum hydropico morbo implicitum, curandum,
& cum pollicitaretur, confirmaretq; haud dubie il-
lum se sanaturum esse, negauit eum posse sanari alter

Aegrotantium
uitia spectan-
da Medicis.

R V

quidam

quidam Medicus, Chryssippi discipulus: qui egroti intemperantiam norat. Quis de re cum inuicem alterearentur, & Philippus contenderet esse sibi exploratam remedium uim, respondit alter, Philippum ad morbum respicere, se uero ad animum egroti. Neque illum res fefellit: nam cum egrotus summa diligentia non Medici tantummodo, sed etiam Regis custodiretur, tamē malis macta sua deuorando, bibendoq; suam urinam, in exitium se precipitauit. Ita non Medici inscitia aut negligentia, sed sua ipsius intemperantia, egrotus extinctus est.

Quoties putas, accidit, praesertim in ijs nostris moribus, ut egrotus tanquam suo se gladio iugulet, cum detrectat Medico parēre, cum noxijs cupiditatibus alienissimo tempore frenum laxat, & obsecundat. Est autem indignissimum, alienae culpae Medicum reum agere. Attamen ita fit, ut quicquid peccarit egrotus, Medico imputetur. Sed nolo commorari in diluendo hoc conuiuiorū genere, quae cum uino madent, bene poti in conuiuijs, barbari quidam in Medicinam euomunt. Nam & illi ipsi haec recantant paulo post, ubi crapula contraxerint alij alias pestes: Et, quam sero malo coacti, fatentur id quod res est, optime de genere humano hanc artem mereri.

Iucunda contemplatio qua
Deus ut uti apprehenditur.

Neque uero utilitate tantum ducimur ad Medicinam cognoscenda studium, sed ex ipsa naturae contemplatione, in qua uersatur tota Medicina, incredibilem uoluptatem, eamq; honestissimam animus bene liberaliterq;

raliterque institutus capit. Quod enim spectaculum, quilibet magis delectare nos possunt, quam naturæ uarietas, si propius intuearis? Neque tantum in magnis corporibus structuram, ordinem ac uires partium omnium spectare iuuat: sed minutissimæ res uel maximam admirationem pariunt, cum animaduerto nullam esse totius naturæ partem tam humilem, tam contemptam, quæ non magnam uim uedendi habeat: Et non modo in malua & Asphodelo (sicut Hesiodus dixit) sed in stercore etiam suillo, aut si quid hoc uilius est, magnas inesse commoditates. Ego profecto mirabiliter afficior, cum has rerum naturas considero: & cum ipsam architecturam mundi admirror, tum uideor mihi tanquam manu prædere Deum, qui sese fundit in omnes res, uegetat et alit omnia, & suas cuique rei uires, tanquam œconomus distribuit: & uoluit, opinor, in tanta rerum uarietate cerni sese: atque hoc studiū contemplandæ naturæ ita multos tenuit, ut quanquam Medicinam non exercerent, tamen totū fuerint in ea perdiscenda. Verū mihi humanius uidetur, quod didiceris, id etiam expromere in usus hominum, et maiorem laudem meritos esse eos, qui morbos curarunt, quam qui domi inclusam artem tenuerunt, contenti uoluptate, quam ex cognitione capiebant: Est enim hoc imprimis homine dignum, hominum saluti quantum possis, opitulari atque prospicere: Sumus enim profecto nati homines hominum causa, ut quam quisque utilitatē ad uitā præstare posset, eam

citra

citra inuidiam in publicum conferret. Et cum nihil sit melius, aut honestius, aut splendidius, quàm uitam seruare ac tueri, præclarè faciunt, qui artis huius fructus alijs impertire student: atq; eam ob causam mihi Homerus dixisse uidetur: Medicum uirum multis alijs præstare. Nam cum arbitraretur, homini dignissimum esse benè mereri de alijs, tamen illum eximie mereri sentiebat, ac præferendum esse reliquis mortalibus, qui uitam seruare soleret, aut certè in re tanta operam sumeret. Est enim in magnis sepe etiam uoluisse, laudabile.

Medici a Romanis
seruari.

Neq; ulli arti omnium seculorum memoria ampliora præmia fuere: qui gentium consensus fidem facere poterat, hanc artem & maxime salutarem hominibus, & honestissimam semper esse iudicatam. Nam et Romani cum Græcis tota Italia interdixerunt, discentes Medicos exceperunt, & in Italia retinendos esse publicæ salutis causa duxerunt. Quam in re summum honorem arti habitum esse cernitis.

Quare uos adhortor, optimi adulescētes, primū ut ametis & religiose colatis Medicinam, & quia ualitudini uestræ prospicere solet, & quia diuinis laudibus in sacris literis ornata est, nobisq; commendata: Deinde ut quantum quisq; potest in ea opere ponat: siquidem non alia res, quàm naturæ peruestigatio, quæ liberale ingenium, aut magis decet, aut ampliore uoluptate perfundere potest. Non aurei montes, qui in fabulis esse dicuntur, tantum ualent honestam

stam mentem oblectare, quantum earum rerum tractatio cognitioq; quas continet Medicina. Postremo cum iuuare homines, sit & sanctissimum officium, et homine dignissimum, date operam, ut hoc instrumentum amplissimè merendi de alijs, uobis comparetis. Nam ille demum rectè instituit uitā, qui ad publicam utilitatem sua studia & uitae cursum refert. Dixi.

CONTRA EMPIRICOS MEDICOS. M. D. XXXI.
P. M.



DIFFICILE est de Medicina reperire orationem, quae tedium effugiat, cum toties de ea, hoc in loco copiose & luculenter dictum sit. Et alioqui utilitates huius artis ita sunt

in conspectu omnibus, ut iure censendus sit ingratiissimus, si quis non meminit: Magni autem negociij est prestare in re nota, & peruulgata, ne fastidiatur oratio. Ego igitur hoc tempore omisa laudatione nostrae artis, seriam quandam querelam huc asferre decreui, uel ut auditores commonefacerem, ut hanc artem maiore religione tractarent, uel certè, ut dolori meo moram gererem: quem, quo diutius in arte uersor, & dignitatem, magnitudinemq; eius propius aspicio, quotidie maiorem concipio, cum cogito eam ab illiteratis imposita

impostoribus, magna cum perniciē bonūm exerceri, qui contaminant & corrumpunt artem. Et quoniam ex horū moribus et factis, multi de tota professione existimant, uerā doctrinā fides in discrimen uenit. Ut autem Apelles pictor, si precipuam aliquam suarum tabularum collocatam illustri loco, deformari ac aspergi luto uideret, maximo dolore afficeretur, propter artis contumeliā: Ita me quoque misratio quēdam subit, intuentem, quā indignē tractent Medicinam histriones quidam, qui se uenditant pro Medicis, cum artē nunquam didicerint. Neque usquam, opinor, hanc iniuriā artis iustius deplorare queam, quā apud uos, qui cum dignitatem, atque uim maximarum disciplinarum intelligatis, iure me stomachari indicabitis. Et fortasse de suis artibus cogitantes singuli, dolebunt in commune uicem omnium studiorū, cum reputabunt nulli professioni deesse hoc genus histrionum. Ego uerō etsi propter dignitatem studiorum ac literarum, etiam aliarum professionum abusu commoueor, tamen omīssis alijs, tantū de mea arte dicam, quā quo fructuosior & gratior est hominibus, hoc plures habet, qui famam artis affectant. Nullius generis artifices plures reperiuntur, quā Medici. Sed magna est, ut Iurisperiti dicunt, artificum deferentia. Quidam profitentur artem, pollicentur hominibus salutē in maximis periculis, cum nunquam didicerint: sed alicubi in myropolijs, aut constrictis seruiunt, ubi transcripserunt quedam remedia, quorum

Apelles.

Medicæ
histriones.

Abusus omniū
artium, maxi
me Medicinæ.

quorum neque causas, neque vires norunt, neque quo in loco ualeant. Neque uerò tam stulti sunt, ut hoc instrumentum ad existimationem colligendam satis esse putent: Sed mutuantur ex Rhetorica alias quasdam artes, per quas magis, quàm beneficio illorum remedium inclarescunt, prolixè de se promittunt, detrahunt de existimatione aliorum: Scitum est enim laudem ex aliorum uituperatione querere, domi suæ apparant remedia, ut reddant aliorum operam suspectam, callidè obseruât affectus egrotorum, aut istorum, quibus egroti chari sunt, ad hos alludunt, his parastantur. Si in magnis periculis, alij simul adhibiti fuerunt, hîc quedam à collega furati, pro proprijs clam obtrudunt, ut collega detrahant fidem: cùm succedunt alijs, remedia à prioribus scripta tradunt eadè, sed fucata, ne imperiti agnoscant: Si quid bonæ rei euenit, laudem in se transferunt, si quid secus accidit, deriuatur omnis culpa in alios. Et quoniam in hac uanitate ingeniorum humanorum prædictiones etiam requirunt homines, maximeque egroti: ut curiosi satisfaciant, iactant se astra consulere, cùm quidem non ex astris, sed ex coniecturis presentibus uaticinentur. Vidimus etiam qui Magicen adhibebant, qui ex urina non solum de morbo diuinabant, sed narrabant etatem, dignitatem uitæ, formam egroti, etiamsi esset ignotissimus. Talibus artificijs admirationem sibi pariunt, non scientia medendi, et concurrunt ad hos impostores, sicut cõcurrit populus ad sanctos.

Rhetorica
impostorum

Astrologia.

Dignitas &
præmia.

sanctos. Nam hi quoque uidentur exercere Medicinam, ad S. Valentinum, Vitum, Genesefam. Quid est autem indignius, quam præstantissimam artem diuinitus ostensam humano generi, ad uitam tuendam, continentem doctrinam maxime liberalem, uidelicet, naturæ corporum cognitionem, ita corrumpi & adulterari, admixta uel peruersa quadam Rhetorica, uel magia, uel hoc genus alijs imposturis? Leges dant actionem contra illos, qui adulteratas merces uendunt, & atrocia supplicia in eos constituunt. At isti histriones Medicinæ, pro summo scelere auferunt maxima præmia, feruntur in oculis, coluntur à populo, adorantur tanquam Semidei, mercede maxima conducuntur cum summo periculo: Sæpe enim uidimus egrotos dare pœnas inscitie, & audacie horum histrionum. Et cum multa prognostica colligantur ab omnibus circumstantijs, à figura corporis, à gestu ægrati, à locis, à regionibus, ex quibus iudicari de exitu morbi potest: mihi tamen uix aliud signum certius exitium portendere uidetur, quàm si talis histrio adhibitus fuerit. Vulgare est, artem exerceat qui didicit. Nemo enim tam impudens est, ut profiteri Musicam ausit, nisi didicerit. Quomodo enim ludet fidibus is, qui nunquam didicit? Hoc si in his leuioribus artibus accidit, quantò minus ferendi sunt isti, qui cū nunquam didicerint, tamen hanc artem longè maximam ac difficilissimam profitentur? At uidemus quàm plurimos esse, qui quasi ab Aesculapio totam artē per somnium senel

Impudentia.

semel acceperint, uenditant se inter Medicos, etiam si
nullam unquam paginam Hippocratis, aut Galeni,
aut Auicennæ legerunt. Ac uidentur etiam irridere to-
tam doctrinam, quæ in scholis traditur, & sapiunt:
Vidēt enim apud uulgus plus admirationis habere pa-
rasiticam illam, quàm ueram philosophiā: uident ma-
gis quæstuosam esse histrionicam, quàm ueram meden-
di artem. Sed obijciat hīc aliquis, plerosque illitera-
tos magnam experientiam habere, quæ non minus ua-
let, quàm ars, quàm doctrina. Assentior multum po-
lere experientiam: ex hac enim ars paulatim nata est.
Sed postquam ars reperta est, ideò traditur, ne quid
temere, cum periculo aliorum experiamur, sed prio-
rum experimenta imitantes, certam medendi ratio-
nem teneamus. Proinde qui relicta arte, per se se uo-
lunt experiri quid prosit, quid obsit, hos sæpe con-
tinget errare, & discent magno malo ægrotantium.
Nihil est fallacius experientia in tanta uarietate cir-
cumstantiarum, ad quam non adhibetur ratio & do-
ctrina, sicut initio Aphorismorum admonuit Hip-
pocrates, cum inquit, experientiam periculosam esse,
& iudicium fallax. At isti empirici, imò histriones,
abiecta arte, tantum confidunt experientia, & iudi-
cio suo, quorum utrumq; incertissimum est. Hippo-
crates adeò diffusus est experientiæ, ut præceperit,
postquam non respondit euentus Medicinam secun-
dum rationem facienti, ne quid præterea tentet. Vi-
dete autem istos indoctos: collectanea habent reme-
diorum,

Galeni &
Hippocratis.

Obiectio.

experientia est
fallax.

Collectanea
remediorum.

diorum. ab obstetricibus, à tonsoribus, à Magis, à Iudæis transcripta, ex his eligunt initio aliquid, quod illecebras quasdam habet: nolunt enim statim in ipso aditu offendere animos ægrotantium. Hoc si parum profecit, statim aliud experiuntur, & fit sæpenu-
mero, ut ipsa remediorum dissimilitudo, nouum morbum gignat. Hæc sæpe accidere uidi: quare nihil est, quod isti suam nobis experientiam prædicent.

Experientia fit
penes doctos.

Ars gubernat, & imitatur experientiam non indo-
ctorum, sed præstantissimorum. Isti uerò sine præcep-
tore, sine magistris, suis exemplis discunt. Si Dux in
bello eligendus sit, nemo, opinor, eliget Thrasonem,
qui nullum unquam uiderit Imperatorem, quem imi-
taretur, sed suis exemplis promittit se uelle cognosce-
re omnia officia Imperatoris. Ita Medicus adhiben-
dus est, non qui noua experimenta sine ratione qua-
rit, & qui suis exemplis primum medendi uiam col-
ligit, sed qui ueterum doctrinam & experientiam
imitatur. Fœlicem aiunt, quem faciunt aliena peri-
cula cautum: quare non est consultum, omiſſis uete-
rum exemplis, noua remedia, nouam uiam medendi
experiri. Ac ne quis putet me experientiam asper-
nari: Ego uerò illam quam maximè necessariam esse

Experientia fit
ne arte latroci-
nium domesti-
cum est.

ſcio, sed uiciſſim nolo artem contemni. Prudens Me-
dicus coniunget utrumque, artem & experientiam.
Nam experientia sine ratione, sine doctrina, sine ar-
te, nihil niſi domesticum latrocinium est: & poſſem
multa exempla commemorare, quomodo decepti
experi-

*experientia contra rationē Empirici, viros optimos
 crudeliſſimè interfecerint. Quare ſi quos nihil offen-
 det indignitas, quòd homines impudentes audent ſe
 titulo artis uenditare, quam nunquam didicerunt: ita-
 men eſt humanum, periculi magnitudine moueri, quo
 minus ferant iſtos hiſtriones, quorum imperitia mul-
 tos perire conſtat. Et accedit hoc, quod auget peri-
 culum, imperitia parit audaciam, ut Thucydides ait:
 quare inter iſtos, ut quiſque indoctiſſimus eſt, ita eſt
 audaciſſimus. Multi ſunt morbi, quos doctiſſimi, &
 peritiſſimi Medici mouere non audent: multa inci-
 dunt ſymptomata ex cauſis adeò obſcuris, ut etiam
 doctiſſimi uiri dubitent, quomodo occurrant: In-
 credibilis eſt uarietas ſignorum ante Criſin, quæ
 non rarò perturbat Medicum, quamuis ſagacem.
 At hiſtriones iſti, quoniam ſemel perfricuerunt fron-
 tem, fortiter ſunt impudentes, nullum morbum non
 attingunt, nullo ſymptomate, nullis ſignis pertur-
 bantur, & temeritas rarò habet fœlices exitus. leges
 puniunt imperitiam in Medicis: grauiſſimè enim in-
 quit Iuriſconſultus, Non debet impunitum relinqui
 delictum decipientis prætextu humanæ fragilitatis.
 Verùm iſti non ſolum de imperitia tenentur, ſed etiam
 de dolo, cum vires ſuas norint, & tamen exiſtimatio-
 nis tuendæ cauſa, omnia pericula contemnant, omnes
 morbos attingant. Porrò ad legem Aquiliam ſcribi-
 tur, dolum eſſe, ſi quis affectet aliquid, in quo intelli-
 git, aut intelligere debet infirmitatem ſuam alijs perio-
 culofam*

*Iuriſconſultus
 de imperitiis
 Medicis.*

Ciuitates bene
constitutæ.

culosam fore. Si pecunia tantum periclitaretur, sarciri damna possent, nunc ludunt in tali discrimine, ubi si quid secus accidit, neque corrigi peccatum, neque sarciri iactura potest. Quid enim reliquum est homini amissa uita? Quare in re tanta Magistratus debebat impudentiam istorum coercere, præsertim cum multa crimina in uno insint, quorum quælibet poenas habent legibus constitutas. Et prudenter in quibusdam ciuitatibus bene constitutis prouisum est, ne quis exerceat Medicinam sine autoritate collegij Doctorum Medicinæ. Quod si ubique seruaretur, melius consulum esset hominum saluti, cum in morbis non adhiberent nisi bonos uiros, & doctos Medicos. Nunc salutem suam committunt eiusmodi nebulonibus, quibus non auderent exiguam pecuniam committere. Et tamen isti ad curationem nihil etiam adferunt, nisi impudentiam & audaciam plectendam legibus: Sed hanc curam Reipub. Magistratibus commendemus. Vos interim priuatim, si quando opus erit, periculi magnitudo admoneat, quales Medicos consulere debeatis. Tutius est enim adhibere bonos uiros, & qui artem quam exercent, didicerunt, quam leuissimos impostores, & histrionicam magis, quam Medicinam exercentes. Ego uero in hac re, etsi periculo publico maxime moueor, tamen præterea incredibili dolore afficior, propter cõtumeliã artis, et doctrinam. Doleo enim negligi, & contemni tantam scientiam pulcherrimarum in natura rerum, quam autores nostri com-
plexi

Indignum con-
temni adeo
hanc scientiam.

plexi sunt: Neque uerisimile, tantam uarietatem scientiæ reperiri potuisse, nisi Deus istorum uirorum mentes singulari afflatu mouisset ad earum obseruationem, qui eas reppererunt, & pleraque monstrasset abstrusa, quæ humano ingenio erui non poterant. Quæ tandem naturæ pars desideratur, quæ nō sit partefacta atque illustrata horum literis? gemmæ, plantæ, animantia, & partes animantium, temperamentorum uarietates, causæ morborum, causæ remediorum: Multiplex ratio, & conseruandæ sanitatis, & recuperandæ, quomodo inde usque à conceptu ad extremum uitæ actū natura fouenda, & aduersus morbos munienda sit, temperamenta elementorum, aëris, aquæ, locorum, quas habeant causas, quos effectus, quæ sit cognitio qualitatum in corporibus inferioribus cum cœlestium corporum motibus, unde existāt omnes in corporibus mutationes, quæ habeant tantum in materia causas, quæ etiam habeant cœlestes causas: breuiter tota rerum natura, in nostris libris quasi picta cernitur. Quem autem non iuuat ista legere, cognoscere, contemplari? Nam ad harum rerum inquisitionem atq; cognitionem procreati atq; geniti sumus, ut inter sanos homines constat, et Poëta significauit cum inquit:

Fœlix qui potuit rerum cognoscere causas.

Et Plato inquit: Naturam hominis sine Philosophia, mancā atq; mutilā esse. Verè autē hoc affirmari potest, Medicos adhuc in possessione ueteris il-

S iij lius

Rerum natura
in libris Medi-
corum depicta

lius doctrinae esse, quam unâ et solam homines sapientissimi, qui tum apud Græcos, tum apud Latinos, tum apud Arabes extiterunt, ueram Philosophiam esse indicauerunt. Quare necesse est hos, quorum animi non capiuntur hac doctrina, uel à natura hominum degenerasse, uel tanquam monstra, à natura inchoatos esse, non absolutos. An non portenti simile est, homines exercentes Medicinam, & in hoc studio uersantes, tamen, uelut Vlysses obstruxit aures, ne cantu Syrenum detineretur, præterire obstructis auribus atque oculis doctrinam omnium longè suauissimam ac liberalissimam? delectant homines ludi & spectacula. Quod autem gratius spectaculum excogitari potest, quàm ista pictura totius uniuersitatis rerum, quæ extat in nostris autoribus? Quæ possit homini sapienti maior uoluptas cõtingere, quàm oculis atq; animo admirabilem œconomiam, ordinem, uices rerum maximè dissimilium in natura intueri? At istos histriones, neq; utilitas harum rerum, neq; suauitas ad discendum permouet, qui quidē hoc magis odio digni sunt, quod etiam exemplo nocent. Plures enim sunt, ut sit inter homines qui hanc histrionicam, cum habeat cõpendiariam uiam ad opes parandas, imitari uelint, quàm qui perfectam doctrinam expetant, quæ nulli potest contingere sine acerrimo studio: Ita paulatim uera ars corrumpitur, doctrina neglecta paulatim colabitur. Ego uerò quia doleo uicem optime artis, non possum non succensere istis pestibus, quæ ueram Philo-

loso-

lofophiam, qua nullum habent homines ornamentum maius, opprimunt & extinguunt. Ac uideamus etiam alijs temporibus, hoc genus impostorum nocuisse arti; Galenus enim ualde queritur, scelestè corruptà esse à Seruulo quodam nibili homine, Thessalo; Sed Galenus diuina ope, collabentem eo tempore doctrinam, restituit. Nunc non est unus Thessalus, sed ubiq; plena sunt impostorum omnia, & fatalis quædam calamitas artem urgere uidetur. Ac mihi consideranti interdum alias disciplinas, uidentur ex illis etiam plurimi, tantum uenari titulos, ad ostentationem & quæstum: Veram & perfectam doctrinam nemo expetit. Id signum, ut Medicorum more loquar, decernit interitum; Sed nolo malè ominari. Et ut aliquando finem faciam, adhortor uos, qui datis operam Medicinæ, ut magnitudinem, & dignitatem professionis uestre consideretis. Sicarij sunt, non Medici, qui ægrotos attingunt, si sciant suam inscitiam illis periculosam fore. Dabitur igitur operam, ut perfectam doctrinam ad curandum afferatis. Et quia huic ordini, defensio ueteris & germanæ philosophiæ, à Rep. cōmendata est, nolite committere, ut quasi deserta statione, proiecisse ac prodidisse cū maximo publico damno, præstantissimas artes uideamini. Cumq; hic ordo duobus iam millibus annorum (tot enim numerantur anni ab Hippocrate) Philosophiæ professionem, summa cum gloria retinuerit, turpissimum esset eam nunc demum

Impostura temporibus Galeni

Medicinæ antiquitas.

S iij

amittere.

amittere. Atq; ego, tametsi hæc ætas plus quàm ferrea est bonis rebus omnibus, tamen erigor interdum spe quadam, cùm nonnullos uirtutis causa hæc studia tota mente, totoq; animo complecti animaduerto. Et si quis est huiusmodi, huic summa uoluntate hunc honestissimum titulum Doctoratus decernimus. Dixi,

DE ARTIBVS LIBERALIBVS

oratio, à Philippo Melanthonẽ Tu-
binge habita, Anno

1517.

EGREGIA VIRTUTE VIRO IO-

anni Stofflero Iustingensi, Mathema-
tum professori, Phil. Mel.

S. D.



ERMONEM de liberalibus ar-
tibus habui nuper, uir clarissimẽ,
pro more istorũ, qui in Philosopho-
rum scholis rhetoricantur, cum de-
care uisum est tibi, cum quod eiusce-
ouidi sit argumentum, quod adserere nomini ipse tuo
iure queas, tum quòd hoc munere pietatem tibi meam
probar e contendam. Etenim debeo humanitati tuæ,
nõ quantum agnosco, sed quantum agnosse me cupio:
cupio autem quantum decet. Iam quæ te non decent
omnium

omnium insignia laudum, qui tot annos, tanto studio
 Mathematicum abstrusa recludis, qui tanto studiosos
 omnes, atque adeo me fauore complecti, eoq; ceu sti-
 mulo ad gloriam excitare soles? Id quod sensi tacitus,
 cum interpretandi Arati munere nos onerares, nihil
 ardentius, nihil maiore uoluptate unquam coepi, &
 spero rem casuram non infœliciter, modo tu adspires
 porrò. Vertimus aliquantum operis latino carmine,
 neq; uerò quo ueteres modo, qui imitati potius quàm
 interpretati uidentur. Tu interim, dum illud absolu-
 tum fuerit, hanc habe oratiunculam officiosi animi te-
 stem: fortasse lautiores uoles, & magis elegantem,
 sed fieri nequibat, is est rerum aceruus: Breuib; con-
 fudi plurima, & uereor ne non decora sit uarietas,
 perinde atque id est quod Lucianus ait: καμινος ἐν
 ἀργυρίοισιν. Vale, Tubingæ.



Gregius animi uir Plato Athenæus,
 & sapientiæ nomine uenerabilis, in
 dissertatione quam Erastus seu Philo-
 sophia inscripsit, Socratē ait in Dio-
 nysij Grammatici ludum uenientē spe

Socrates in
 schola Dionysij.

ctasse illic ingenijs elegatissimis nobiles pueros, et ex
 ijs fortè duos ultro ac citro cōtendentes: Esse quædam
 de Anaxagoræ uel Oenopidæ scitis, quæ cōtrouersa ui-
 debatur. Sic enim in Ludo illi orbes pingere, flexuras
 ductare, uersilibus punctis finire et, artificii manu ua-
 riegatas undiq; lineolas imitauer. Hec, uti solebat,

S V

penito

penito contemplatus animo senex, cuidam è familiaribus puerorum adfedit, blandè illum officio cubiti admonitum scitatus: Quid hoc, quod meditentur adolescentes tanto studio & cura? Num honestū ac magnum? Continuo iste nugari, nescio quæ, cognitu sublimia et quasdam Philosophias garrire. Socrates contrà impudentiam demiratus hominis, contatur, nūm ergo turpe ducat id, quod ait iuuentus, philosophari? Aderat ibi quispiam non malus uir, is improbè dolens responsū, Socrati, & autoritate tanta uiro, & de sapientiæ studijs modestè roganti, commodum interuenit: Socrati ait, mitiēdum hominem sordidum, squalentibus obrutum uoluptatibus, & indignum planè, cui tūm Philosophiæ disputatio communicetur. Prædenter ille quidem non ad omnes pertinere sacrosanctam rem, sapientiam arbitratus ἀμύνητον, iure solennium interdixit. Idem ego propemodum acturus, nūm ardua res, num pulchra, num laudanda Philosophia, eos mihi auditores dari cupio, quorum ita sint affectæ mentes, ut sponte orantē sequi certent, Si quis ea barbarie, ea immanitate, ut splendore ac pulchritudine sapientiæ trahi non possit, iam relegatus esto, iam quisq; cycladas, aut gyaras malis, quàm ardentis philosophiæ uultus. Neq; uerò hic facundia luditur peregrina ferrugo, neq; fastus ingenij. Ipsa sese res genuina facie bonis mentibus probare solet, quo fit, ut et aperta magis, ac simplex mea sit futura oratio. Artes primū dependemus administras Philosophiæ.

Deinde

Deinde illam ipsam quoq; , si visum fuerit, quæ maius aliquid communi hominum sensu spirans, caput inter nubila condit: Ea est vox Demonij. Omnem istū locum, opinor & hoc anno, Mense Iulio, concione quadam à nobis explicatum cognostis. Hoc eo fiebat studio, cum è suis fontibus deriuarem artes, ut animi naturæ ostenderem insita earum initia, scilicet hanc faciem prima luce insertam mentibus humanis esse, Deum, ut imperiti naturæ iudices, ut abhorrentes à veterum historijs, qui unam gentē aut unum fortasse Mærfyan primitijs artium dignantur cognoscere. Nam ut eadem gētibus omnibus, atq; adeo omni cœlo æquiboniq; ratio, iidem iusti fontes: sic eadem ubiq; naturæ scientia, modo per studium accedat: et, ut in summa dicam, Rex Iupiter omnibus idem. Grandia hæc tum, nec ἀγαθὸν δὲ οὐδὲν τοῦτο ei loco. Sed exporrigo frontē adoleſcentiæ dicturus. Quædam iucundiora, quædam etiam clariora prioribus feram in medium. At interim, si quid ab humanitate uestra, optimi uiri, pietas mea, vel à uobis, adoleſcentes, nunquam nō officiosa uoluntas emereri potest, quæſo non solo argumenti nomine, uerū & mea ipsius causa, pari cum cæteris Oratoribus ueſtris loco pari gratia habete.

Constans & uetusta fama est, natum Ioue Mercurium, quum ad Aegypti flumina puer à Nymphis aleretur, ut erat indoles festiua, per lusum iocumque solitum pleraq; commentari, Deas uasfricere fallere, nouas artes, noua opera miranda posteris effingere.

Eximia

Natus Ioue
Mercurius.

Chelys Mercuri
in eleganter
exposita,

Eximia est, quæ gentibus inde aliquot inter sacra fuit
Lyra: id enim fabulis callido nomē inuento proditur.
Factam aiunt è concha, quam forte fortuna iam in
sicco destituerat Nilus in alueum regressus: Testudia-
nem uocant notiori uocabulo. Festiuum profecto na-
turæ opus, Oblongula est, ut reliqua taceam, et capi-
te quasi in orbem sinuato, ac ob id apta manibus ha-
bendo. Quod cum in ripa ludens puer obseruasset,
utilem ratus ostraci figurā, adit propius aridā, cedit,
sonat ea et nescio quid blandius, statim Deus arripit
letabundus, benè pulchræ rei sperans, pellem neruo
culmis infigit, chordas adstruit septem, intēdit chely,
experitur cātu organon αὐτοχέλιω, miratur, interq;
manus et brachia uersat, placetq; iam non auctori
tantum, sed ipsis etiam Dijs nutricibus: Cœpit esse
laudatum et selectis numinibus: donatur Apollini.
Nec longo post tempore Phœbus operam nauans ho-
minum gratiæ, chelyn dedit Orpheo muneri. Fuit
ἐπτάχορδος, Homero ac Pyndaro magnis testibus,
dum Orpheus Calliopæ studio, de Musarum numero
duas adijceret resticulas. Post Orphei fata, aiunt alij
ad Musæum gnatum uenisse, alij fatidicam in Les-
bon delatam, atq; inde a Terpandro in Aegyptum
patriam, gratissima munera, diuinorum conscijs sa-
cerdotibus. Ibi esse cœpit Aegypto sacra, quam ple-
ræq; secutæ nationes, itidem coluere Mercurij chelyn.
Nomen inde factum syderi, Lyra, quo res ætati po-
stera foret augustior. Hæc est Lyra celebrata nobili-
tas tot

tas tot gentibus, tot literis. Quorsum uerò hæc? quid
de una sibi tantum Lyra placet antiquitas? Quæso Primæ artium
mibi paulisper aurem commodate, rem explicabo origines.
non uanus. Poëtica μῦθος uno eodemq; iucundo in-
uolucro, et populari quidem primas artium origines,
primosq; authores tenet. Mercurius Ioue natus, Iouis
mens habetur ijs, qui ueteris Philosophiæ periti sunt.
Lyram de testudine, non falsa mundi imagine sic in
re parua lufit natura, πολυλόδιον fecit, chordis
ornauit septem: Est enim ille sacer habitus numerus.
Septem hæ sunt artes, ut agam historica fide, supra de
fluxu mēte, quibus omnis naturæ scientia comprehē-
ditur. Iam & præfides Musæ totidem, quæ duæ reli-
quæ septeno choro ius omnium sibi uendicant. Ecce
Dei manu fabrefactam Lyram, ecce Deum munus, Ar-
tes. Mihi uerò iam de naturæ scientia, non Demonij
uoce res est, putoq; nostris ingenijs propria, quæ ra-
tionis usu contingit. Ea est in oratione partim, partim
in rebus. Scientia rerū prior, sed nos uulgari more di-
cemus. Quæ ad sermonem spectant, ingeniorum pue-
riliū exercendi habētur initia. Grammatica prima,
cui, quoniam elementa literarum debemus, nulla ex
parte nō est necessaria: quid enim attinet longius im-
morari palam concessæ rei, quàm utile mortalibus re-
pertum, literæ, & ὁ βροτὸς memoria custodes, popularis
regulæ sermonis, ut mittam cætera? Huic accedit pro-
xima Dialectica, subtilis differendi ratio: nam id in-
dicat nomen literaturæ comes, complexa quicquid
hoc

Dialectica
iter artium &
Oceanus.

Aristoteles.

Augustinus.

hoc omne, quo se aliqua uis effert ingenij: ac si licet
hoc audacius paulò, sola mihi omnium mater artium ha-
beri posse uidetur: Tantum abest, ut dignum docto
speres, ut pectus ad sapientiam formare quouis modo
queas, si Dialecticam politias, uanissime omnium quis-
quis es contempseris. Neque enim ille mercium pater
Oceanus tantum opum, tantum diuitiarum orbi con-
uehit uniuerso, quantum artium una cyclopaedia, Dia-
lectica. Et attingerem ex ijs aliquot, ni passim id so-
narent scholae: at si uultis tamen, ostendam usui fuisse
uel summis ingenijs. Vir animi sagax Aristoteles, ut
hunc nominem, in quem opinio hominum, consen-
tiens multis iam seculis conspirauit, quaeso quid pre-
stat ubique, uel aptius, uel eruditius Dialectica? potest-
que illa quasi Delphico gladio, ut omnium sensa nun-
quam non penitissime confodiat: Inuenit, disponit,
Dialectica debet: ipsa enim quid quaeque res, quid cuique
coherens, & quo ordine, pulcherrime distinctis suis
notat. Iam si Platonicos huc accire datur, quantum
inter illos eminet Augustinus, qui Dialectici ceu Mer-
curij alii, ita Platonici uim animi excelsam uocant,
humana superans, diuina proximus attigit. Audio
quosdam male feriatos homines, qui cum ἀγροῖς μαζοῖς ἢ
ἀποροῖς literas uulgo iactitent, hoc habent primum,
ut à Dialecticis quam longissime absint. Age, bellè ri-
detur haec tota fex à Socrate, non in Gorgia tantum
& Lache, sed omnibus penè dissertationibus Plato-
nis. Habet Grammatica ut doctè loquaris, haec ut ue-
rè, ut

re, ut discriminatum, ut certum, ut solidum, quod enthymemata, syllogismi, theses, finitio, partitio, commentum exhibent. Et sincera sunt et firma, quæ in hanc aleam conueniunt, minimeq; fucata. Dædali statuas quondam suspexit antiquitas, non de adsciticia specie, ut Pausanias ait, sed ingenua quadam forma, cui planè γυσιον hoc erat, admirandam referre ipso decore maiestatem, et propemodum illud melioris seculi θεῶν. Fortassis et de nostris Dialecticis tale quiddam licebit, Stoicos dico, aridi sunt ac ieiuni, sermonum fecundi sensa: uerum hæc aliàs. Omnino de ipso sciendi amore Dialectica inter primores artium recenseri non temerè solet. Quare ualeant ἀντίτεχνος suis complicibus τοῖς τοῦ πᾶρ τὸ δάγχαρον γένος, ut cum Euripide dicam: liberum est enim cuiq; aut bonum esse, aut malum. Vos qui Philosophie nomen dedistis adolescentes, qui boni esse, qui sapere dextra mente, qui prodesse olim Reip. contenditis, in elementa Dialecticæ incambite. Nullo pharmaco magis, aut uegetum, aut acre, nulla harmonia reddi potest ingenium elegantius. Bias rogatus, quid esset cuiq; inter prima dulce, respondit, quod proprium. Est autem uel maximè propria homini ratiocinatio, διάλεκτις, contemplatio cuiusq; diligens. Iam quaeso quid eò suauius? Varium Poëtæ Proteum fingunt, omnium sibi rerum uultus formasq; aptantem: Quo nimirum commento intelligentiæ nostræ metamorphosin in omnes rerū species significant. Discernit autē species rerum

Nihil reddit ingenium elegantius Dialectica.

Rhetorica.

rerum unica Dialectica, perpetua & inconcussa ueri
scientia. Quam uellè hæc pluribus agere liceret per
horam, quò magis perspicuè uobis Dialectica proba-
retur. Sat fuerit adiecisse: Neminem à conditis literis
unquam ullo sapientum iudicio, inter candidatos stu-
diorum cuiusq; generis sensum huius expertem. Sed
aurem Cynthius uellit oranti, & admonet superesse
Rhetoricam. Quid uerò illa? Pars Dialecticæ quos-
dam argumentorum locos populariter instruens. Et
de Grammatica, Dialectica, Rhetorica, Logicis arti-
bus tantum, chordæ illæ tres in chely symphonæ, Mu-
sarum trium ludus: Polymneia, cui nomen est à memo-
ria, literas habet, Euterpe Dialecticā, quòd mira sci-
endi cupidine rapiantur, qui in cōtemplatione tegū:
Melpomene forū demulcens, Rhetoricā. Quæ rerum
est cognitio, pendet omnis è numeraria, quam uocant
Arithmeticam. Si enim, ut uisum Platoni, aliqua re-
rum prima notio inserta est naturā mentibus hominū
qua liceat uti, uel ad uniuersalium contemplationum
principia agnoscenda, *κατὰ πρόληψιν*, ut doctus uir
Epicurus uocat, uel ad uestigandas singularium par-
tes, quæ est alia quàm ordinis, quàm numeri regula?
qua uidetur in unoquoq; quid primum, quid extre-
mum, quid unum, quæ multa. Quæ ut non temerè so-
lent magistra ferula discier, ita natura prius percepta
tenemus. Laratan aiunt, quisquis ille fuit, Pythagoræ
Doctōr, dixisse animam numero matrē esse, uidelicet,
quo significaret congenitam numerandi scientiam
animis

**Arithmetica et
multiplices
eius fructus.****Laratan.**

animis mortalium. Et licet de puerorum rudibus ingenij periculum facere, an nō primum est, quod sci-
re uidentur numeros, par, impar luditur, item cubus
primus & postremus? Quamobrem in erudiendis
pueris à numero auspicandum censet Plato, quo ex-
cultis ijs, quæ natura insunt seminarijs, recipi cætera
promptius queant. Et Pythagoras omnem Philoso-
phandi rationem è natura mentis humanæ cognato-
quæ studio deriuans, principia Philosophiæ numeros
posiat. Tum qui præstitère quōdam sapientia magni
uiri, τὸ ἀριθμεῖν numerare, pro philosophari dixe-
runt, Abenzoar nosse inquit omnia, qui sciat nume-
rare. Et Neocli plato quærenti, cur homo sapientissi-
mum animal? respondit quoniam numeros calleat.
Iam quæ arcana uenati maiores è pari ac impari, quæ
sublimia ex uno, duobus, tribus, quatuor, quinque, sex,
septem, & rursus ex horum congressibus, dies defe-
cerit explicare conantem. Accedunt ad numeros lite-
re, sortes, enigmata, nomismata, & huiuscemodi non
paucæ cōmerciorum notæ. Nec est ut Syros aut Phœ-
nicias memorem uobis autorem numeri. Eadem Gene-
ri hominum ratio, idem hoc ubique præstat, ut signet,
discernat, iudicet, quæ usuræ ueniunt è numeraria.
Sequuntur eam ponderum ac magnitudinum mensu-
re, planæ, solidæq; figuræ, æqua, iniqua proportio,
quæ ferè capita Geometriæ sunt. Hinc admirandæ ge-
neri machine, ac ut Eudoxiæ, Archytæ, Menechmi,
Archimedis, Boëtij automata præteream, quantum
T bombardæ,

A numero inci-
piendum doce-
re pueros.

Abenzoas.

bombardā, nostrate inuentum, bellicis contulit? Ad-
do Plāsticē, & quæ nascitur ē perspectiuis, pictu-
ram, utrunq; ciuitatum uel pulcerrimum ornamen-
tum. Huius generis sunt celandi, sculpendi artes, &
inter eas Calcographica, æreāq; Germanorum scri-
bendi formulæ. Hic artium nexus, hæc origo mecha-
nicōr duabus principibus artibus Arithmetica et Geo-
metria, hic usus est utriusque per tot manuarias ope-
ras. Quod si ad animum transferas, Dij boni, quæ sua-
uitas, quod nectar offundetur cōtemplanti? imò quæ
lux sese ex illo rerum chao aperiet? isthæc mentem
sensilibus hærentem, auellit, seducitq; ad intelligibi-
lem æternamq; naturam. Sic Plāto ἀγὼν τοῦ φιλοσο-
φῆναι, & θεοῦ ἀεὶ γενομένης commodum afficta no-
tatione dixit, id est, semper æternam ueri naturam
intelligendo uersare. De Arithmetica Geometriaque
obiter: in colophone ac fastigio artium, Musica &
Astronomia locantur. Age, quid Musica laudabilis?
elegantis ea harmonia ratio, siue organicam, siue na-
turalem uelis. Insignis utraq; honorē Poëmatum, id
quod alia sum acturus oratione. Plerisq; gratior Mu-
sica orbe artium aliarum, quod hæc ad contemplatio-
nem pariter moresq; conferat. Erigunt aliæ ad cœle-
stia mentes nostras, hæc una cœlo superos ad huma-
na deducit, quo argumento ueteres arbitror Musica
signa passim Deūm statuis appendisse, quasi illis
Dij conciliati nobiscum uersentur. Confert moribus,
quod nullares familiarior trāquillandis animantium
affecti-

Musica

affectibus. Scitis de Orphei Lyra quid, *ex* que Pytha Orphei lyra.
 goree gētis instituta fuerint, *ὁδοῦς χρῆσθαι πρὸς λῶν*
παρ. Ex ea factione Clinias celebris uir, modestissimè Clinias.
 usus disciplinae magistri, quoties animo turbabatur,
 quacunq; causa, statim ad Lyrā properabat, ro-
 gatus aliquoties, quid hoc? nihil respondit prāter
 hoc uocabulum *πράξινομα*. Atq; hi sunt propriè Mu-
 sarum soni, qui ad honestam uitae constitutionem, qui
 ad uirtutem pertinent: Succedunt Musicae saltatoriae Astronomia.
 artes, Arcadum inuentta, sed longior est res, quā à
 nobis agi modò possit. Reliqua Cyclopediae Astro-
 nomia est, numeros, magnitudines, motus, harmo-
 niam, id est, compagem superi atque inferi orbis di-
 mensa, syderum effectiones ac influxum complexa,
 Medicinae parens, fati conscia. Arithmetica, Geo-
 metria, Harmonica ancillarijs disciplinis communi-
 ter utitur. Longius hanc quadruij seriem duxissem,
 sed hora deficiamus, agitq; rem eam publicis scholis
 quotidie Iohannes Stoffler Philosophus, auctoritate,
 fide, literisq; Mathematicum uenerabilis. At hae qua-
 tuor artes, quatuor item in Lyra Mercurij chordu-
 le, suum quaeq; stridens, prima se Terpsichorae debet,
 ordinis ac numeri artificij: habet enim à choris nomen
 Dea: Secunda Thalia, quoniam floreat exculta γει-
 μετρῶν commodis uita. Musicam Erato iucunda re-
 git affectio. Eminent inter socias clarissima in Home-
 ricæ Dianae modum Vrania, principem astrorum
 scientiam decora referens. Septem chordas numerari
 T ij adolescen-

Non licenter
hæc facta.

adolescentes audistis , nec discretæ Lyra voces red-
duntur, plures quatuor, tres orationis funiculi com-
munes quadruvio : Quatuor aliæ chordæ rebus suis
discerpant. Non confingo licenter hæc, auditores, ut
illi Atticorum *ἡθοροπλάτοι* : Platonicis quoque uete-
ribus ratio sapiendi talis fuit, autore Plutarcho. Et de
quaterno Lyre systemate quæ disputavi, Terpantri
sunt, ait ille:

*ἡμῖς τοι τετραγώνῳ ἀποστέφαντες αἰοδήμῳ
ἐπ' αὐτόνῳ φόρμυγι νέης μελεδήσομεν ἡμῶν*

Septena iam forte chely noua carmina uatem,

Quatuor & distincta modis panxisse iuuabit.

Iamne, quæ Mercurij sit lyra tenetis, quot chordæ,
quot artes? Et Musas artium præfides appellare sum
solitus. Illæ uerò quid? Congenitus hominum animis
ardor & strenua sciendi cupido. Testis antiquissi-
mus uates Orpheus, qui Musas hymno canens, in-
quit:

Πάσης παιδὶ εἷς ἀρετὴν γενῶσαι ἀμεμπτον,

Θρεπεῖσθαι ψυχῆς διανοίας ὀρθολότιστα.

Hoc est, si uenerandam Orphei maiestatem carmi-
ne licet nostro imitemur:

Munera uestra Deæ uirtus & gloria uerax,

Quasq; artes agit humanæ uis feruida mentis:

Vos animi dulces etiam ueneramur alumnæ

Aeternum recti quibus inseuistis amorem.

Historia poësis Cense artium numero Musæ septem, due super-
sunt, Cleio & Calliope, quibus æquum in omnes lites
ras ius

ras ius: historia Cleio, Calliopen poëmati præficimus.
 Omnis generis scripta usurpant historia & poëma,
 nec alij maiori fruge operæ leguntur auctores, quàm
 historici Poëtæ: Adolescentes animos è uulgarium stu-
 diorum sorde euellunt, locoq; referunt excelsò, iam
 uiris digna spirantes. De artibus hæcenus, quæ or-
 gana sunt, & quasi quedam præludia magnæ illius
 Dijs genitæ sapientiæ, quibus instructæ mentes homi-
 num, Dei numè cælis demissum excipere queant. Nec
 fas puto de illa plura commētari, quisq; secum bonus
 uir anxie cogitet, quæ illa γυναικὶ οὐλύμῳ ποιοῖ, ut Calli-
 machus ait: Ipsa est quæ in medio artium choro com-
 munit omnibus desidit, omnium rerum certa scientia.
 Sic Apollinem prudens antiquitas in medijs Musis
 pinxit, uniuersitatem omnem cithara temperantem,
 ut est apud Orpheum:

Artes prælu-
dia sapientis.

Apollo inter
Musas.

πᾶντα πόλον κιθαρῆ πολυκρήνῳ ἀρμόζει.

Capita artium, nomenq; τῆς σοφίας, ut licuit,
 breuissimè attigi, non in hoc uersatus, ut magnificè
 laudarem. Egregiè nobilis pictor Timanthes Cyclo-
 pæ in tabula, uti ferunt, breuicula dormientem deli-
 neauit, eius cùm esset magnitudinem expressurus, iux-
 ta Satyros thyrsò pollicem monstri dimetientes fe-
 cit: quo modo nos angustis ingenijs homines ingentia
 molimur, Philosophie laudes, nec ferè nisi dormientis
 sapientiæ oras contingemus. Equidem cùm tempera-
 rem mihi à laudibus, quas multi multas ineptissimè
 effutire solent, hoc egi tantum, ut quam honestæ res

Timanthes no-
bilis pictor.

T iij essent

*Muse passim
prostant.*

essent artes, quippe sacre, intelligeretis. Tum ut admo-
nerem iuuentutem, easdem Musas esse, quas hodie uo-
cant artes. probatio est, cur uelim ut adolescentes
hoc omnes rectissime norint. Passim prostant Muse in
poëmaticis, uitio indoctorum interpretum, qui rem
multo dignam studio negligunt, et quantum conijcio
iuuente operas uani distinent. Idem Mercurius est,
pueri, qui animus nobis nati εἶναι εἰς τὸν οὐρανόν. Eas-
dem Muse, deinde et eadem chordæ, quæ artes, ani-
mi cum habitu suo consonantia, Lyre harmonia. Iam
quis est e uobis, qui non harum rerum honestate ca-
piatur? Conueniebat fortasse, ut inhortarer uos ad
uirtutem, sed uestra iam sponte currentes. Agite, exem-
pla uobis magnorum hominum, qui me circumfi-
dunt, capite: agite, intenti spem patriæ longè pulcher-
rimam, ante oculos, ipsumque animi sensum ponite,
quò nihil esse optandum uobis, nihil contendendum,
præter honestas literas, præter uirtutem, cognoscatis.
Nullis delitijs, nullo errore hominum, regia uia exi-
dite: nulla uos cupido auellat infamis à uirtute. Infamem
appello, quæ aliena sit à studijs literarum, atque
ab ijs, quibus addicti sacris omnes estis. Eleganter ad-
monet dialogo Lucianus, quæ fluctus illi abhorrentes
à uirtute Musisq; eum, quando Caspar Clurrei, bo-
norum studiorum amantiſſimus iuuenis, Latium se-
cit, haud grauatim referam. Iucunda est fabula. Sic
enim Venus natum compellat: Quid o Cupido cete-
ros Deos subegisti omnes, Iouem, Neptunum Apol-
linem,

*Cupido
infamis:*

*Dialogus
Luciani.*

linem, lathonem, matremq; ipsam me, sola uerò absti-
 nes Pallade, ac aduersum istam nulli facularum ignes,
 uacua telis pharetra, tu deniq; inermis arcu, pilisque
 cares? CVP. Pertimesco ipsam, mater: horrenda est **Pallas.**
 enim, actorus aspectu, admodumq; uirilis. Itaque
 quoties intento eam arcu iaculoq; peto, concussam
 galea excutit, exterret, caduntq; manibus contin-
 nuò sagittæ. VEN. An non erat hac Mars formida-
 bilior? & hunc tamen armis spoliatum expugnasti?
 CVP. Imò ille libens me recipit, inuitatq;: Mi-
 nerua uerò obductis supercilijs obseruat semper: Ad
 eam si quando aduolaui temerè, facibus aduolutis,
 ait ista: Per Iouem, si me, puer, adortus fueris, te trans-
 fodiam, aut arreptum pede in tartara conijciam, uel
 ipsæ te dilanijs discerpam: Tum acribus intuetur
 oculis, & circum pectus gestat imagunculam quan-
 dam uiperis capillorum uice comatam. Hanc uehe-
 menter equidem formido, perterret enim me, fugio-
 que quoties adspecto. VEN. At qui Mineruam qui-
 dem metuis, atq; huius gestamen Gorgona, qui Iouis
 fulmen non expauescas? Deim autem Musæ, cur nul-
 lis queunt abs te uulneribus cõfici, suntq; quod aiunt,
 extra tela, num galeas & hæ incutiunt, aut Gorgonas
 obijciunt? CVP. Ipsas ego reuereor mater, castæ sunt,
 et semper aliquid curæ molientes, cõtinuo cantu occu-
 pate. Sepe igitur adsum illis suauitate carminis delimi-
 tus, VEN. Sinito et illas, quod uenerande sint scilicet,
 Dianã cur nã uulneras? CVP. In summa nequaquã possi-
Diana.

bile est adsequi eam, semper per montes fugientem,
 quin illa suo quodam flagrat cupidine. VEN. Quo
 gnate? CVP. Venatu quidem ceruorum ac hinnulo-
 rum, quos insectatur ut capiat, ac iaculo figat, ac pror-
 sum tota rerum eiusmodi studio tenetur, tametsi fra-
 trem eius iaculo potentem, ac eminus ferire solitum.
 VEN. Scio gnate, sæpenumero arma expertum tua.
 Hæc fabula est profutura moribus uestris, si
 frequentem animo agitaueritis:

Sic enim et nugæ seria
 docent.

D I X I.

DE PHILOSOPHIA ORATIO PRO-
 nunciata, cum decerneretur gradus Magi-
 sterij quibusdam doctis et bone-
 stis iuuenibus. Philip-
 pi Mel.

M. D. XXXVI.



PERO mores meos ita uobis o-
 mnibus inspectos, et notos esse, ut
 facile persuadere possim, me non im-
 pudencia, aut fiducia ingenij, aut
 πολυπραγμοσύνη aliqua, hæc mihi
 dicendi partes iterum sumpisse. Nam cum mandaret
 eas mihi uir optimus Iacobus Milichius Decanus col-
 legij

legij nostri, qui propter egregiam uirtutem, ac studiorum & plurimorum officiorum societatem, mihi charissimus est, mouebar quadam officij ratione, ut morem gerendum esse amici uoluntati existimarem. Neque ego sum adeo suffenus, aut ridiculus mihi placeo, ut ignorem plerosq; alios in hac schola esse, & natura magis idoneos, & doctrina melius instructos ad dicendum, quàm ego sum, quibus profecto laudem ingenij & eruditionis largiter tribuo. Sed nolui uideri morosior in recusando, cùm hanc operam à me homo amicissimus flagitaret. Verùm nolo in longiore re excusatione: Nam opinor mores meos satis probatos uobis esse. Et hæc sunt præcipuè ex eo genere, in quo ualet uersiculus: Τρόπος ἐστὶ ὁ πειθιστικὸν λέγειν λόγος, οὐ λόγος: qui ait mores dicentis persuadere, nō orationem. Est autem optimo consilio institutum, ut in his pompis, aut de studijs, aut de laude uirtutum dicatur. Quare ut argumentum conueniens huic loco asferrem, & aliquid de dignitate & utilitate harum artium, quas Philosophia profitetur, dicerem, institui orationem, in qua ostenderem, Ecclesie opus esse liberali eruditione, & non tantum cognitione Grammatices, sed etiam aliarum multarum artium, et Philosophiæ scientia. Quod cùm ita esse statuemus, et si aliæ causæ ad dicendum inuitant, tamen bonæ mentes in hunc finem præcipuè, & acerrimè intueri debent, ut studia ad iuuandam & ornandam Ecclesiam referant: Nihil enim bonis dulcius ecclesie nomine,

Ecclesie opus
est liberali
eruditione.

T V nihil

nihil ea cbarius esse debet. Hec causa maximè hortari & excitare nos debet, ut summa contentione animorum expetamus perfectam doctrinam, ex qua ad Rempublicam et ad Ecclesiam utilitas aliqua peruenire possit. Nec uerò nobis Præceptoribus dignior est oratio de ulla re alia, nec bonis & studiosis quicquam utilius est, quàm animo finem, & quasi metam honestissimi cursus prospicere, ad quam referre sua studia debent.

Inscitia gignit
barbaricam.

Ad hæc artium ipsarum dignitas, & uis non alibi magis conspici potest, quàm si uideamus, quantum opus sit illis in Ecclesia, quantis tenebris obruat inscitia religionem, quantam uastitatem, quàm horribiles dissipationes Ecclesiarum, quantam barbariem, & confusionem totius humani generis pariat. Hæc si quis considerabit, ita demum existimare poterit, quanta sit artium, ac doctrinae uis et magnitudo.

Et si autem nulla oratio par tantis rebus excogitari potest, tamen cum ab imperitis sæpe serantur de hac re prauæ opiniones, adolescentes monendi & præmuniendi sunt: quod quanquam in scholis fit à præceptoribus quotidie, tamen oratio, quæ hoc loco habetur publico nomine, plus authoritatis habere debet. Est enim omnium doctissimorum uirorum in hac consensu communis scientia, quam contemnere profectò fuerit arrogantissimum.

Quare cum & necessaria Reip. & uobis salutaria

via dicam, & hæc mea vox communem omnium vobis sententiam exponat, peto ut me pro uestra humanitate diligenter audiat, & admoniti non tantum, sicut Ulyssis socij Sirenas obstructis auribus præteracti sunt: ita vos eorū inepta iudicia, qui non putant Ecclesie admodum opus esse liberali eruditione, fugatis, sed illos ipsos tanquam teterrimas pestes, & dira portenta execremini. Deinde acuat & excitet discendi curam, quod studia uestra ad Ecclesiam, ac Remp. pertinent, nec tantum ex illis privata utilitas, & uoluptas petitur.

— Primum enim omnino illas malorum est, ineratæ Theologia. Est enim confusanea doctrina, in qua magister non explicantur disertè, miscentur ea, quæ oportet abscingi, rursus illa, quæ natura coniungi postulat, distrahuntur: Sæpe pugnantia dicuntur, vicina arripiuntur pro ieris ac proprijs. Postremo tota doctrina monstrosa est, & similis illi picturæ apud Horatium:

Inerudita
Theologia.

Humano capiti coraicem pictor equum.

• Iungere si uelit, & uarias inducere plumas.

• Nihil in ea coheret, non initia, non progressiones, non exitus cerni possunt. Talis doctrina non potest non gignere infinitos errores, infinitam dissipationem, quia in tanta confusione, alius aliud intelligit, et dum suum quisq; somnium defendit, existunt certamina, et dissensiones: Interim conscientie relinquuntur ambigentes. Et quia nullæ Erynnes uehementius cruciant

cruciant animum, quàm hæc dubitatio de religione, tandem odio quodam abiicitur uniuersa religio, & sunt mentes prophane, & Epicuree.

Cum igitur tantum habeat mali in erudita Theologia, facile iudicari potest, Ecclesie opus esse multis magnis artibus. Nam ad iudicandum, & ad recte & dilucide explicandas res intricatas, & obscuras, non satis est nosse hæc uulgaria præcepta Grammatices et Dialectices, sed opus est multiplici doctrina: Multa enim assumenda sunt ex Physicis, multa est Philosophia morali conferenda sunt ad doctrinam Christianam.

Dux res sunt
comparandam
doctrinam
necessariæ.

Deinde due res sunt, ad quas comparanda opus est magna & uariâ doctrina, & longa exercitatio in multis artibus, uidelicet, methodus, & forma orationis. Nemo enim fieri artifex methodi potest, nisi bene & rite assuefactus in Philosophia, & quidem in hoc uno genere Philosophie, quod alienum est à Sophistica, quod ueritatem ordine, & recta uia inquit & patrefacit. Qui in eo studio bene assuefacti, & sibi parauerunt, reuocandi omnia ad methodum, que intelligere, aut tradere alijs cupiunt, hi norunt etiam in disputationibus religionis informare methodos, enolucere intricata, dissipata contrabere, obscuris & ambiguis addere lumen.

Magna & copiosa doctrina ad alteram rem, scilicet ad formandam opinionem opus est, ut norunt omnes uel mediocriter uersati in literis. Sed ut hanc

ἔτι methodi informandæ nobis comparemus. nō minore studio opus est. Nec potest hæc contingere ijs, qui non assuescunt in pluribus Philosophiæ partibus, in quibus qui non exercentur, etiam si attigerunt Dialecticam, tamen tantum umbram quandam methodi consequuntur. Nec alij sapius vitiosa & Sophistica colligunt, quàm isti. Cumque se artifices methodi esse putent, tota via deerrant, & sunt, ut Homericò uerbo utar ἀλαόσσοποι. Porro non tantum propter methodum, seu ut Plato uocat ἀνάγκη λογογραφίην, opus est Philosophia: Sed ut ante dixi, etiam multa assumenda sunt Theologo ex Physicis; ubi ea est singularum partium ratio, ut his qui solidam doctrinam expetunt, non satis sit, pauca quedam excerpere; sed ars integra, quantum fieri potest, cognoscenda est. Magno instrumento destitutus est Theologus, qui nescit illas eruditissimas disputationes, de anima, de sensibus, de causis appetitionū, & affectuum, de noticia, de uoluntate. Et arroganter faciet, qui se profitetur Dialecticum, si nescit illas causarum partitiones, quæ traduntur tantum in Physicis, & intelligi non possunt nisi à Physicis. Omnino est orbis quidam artium, quo inter se deuinctæ copulatæque sunt omnes, ut ad singulas percipiendas, multa ex alijs assumi oporteat: Quare Ecclesiæ opus est toto illo doctrinarum orbe.

Non opinor quenquam adeo insulsum esse, ut non animaduertat, eos qui instructi sunt Philosophia morali, multas partes doctrinæ Christianæ feliciter tractare

Orbis artium

cruciant animum, quàm hec dubitatio de religione, tandem odio quodam abiicitur uniuersa religio, & sunt mentes prophane, & Epicuree.

Cum igitur tantum habeat mali in erudita Theologia, facile iudicari potest, Ecclesie opus esse multis magnis artibus. Nam ad iudicandum, & ad recte & dilucide explicandas res intricatas, & obscuras, non satis est nosse hæc uulgaria præcepta Grammatices et Dialectices, sed opus est multiplici doctrina: Multa enim assumenda sunt ex Physicis, multa est Philosophia morali conferenda sunt ad doctrinam Christianam.

**Durum est
comparandam
doctrinam
necessariæ.**

Deinde hæc res sunt, ad quas comparanda opus est magna & uariæ doctrina, & longa exercitatione in multis artibus, uidelicet, methodus, & forma orationis. Nemo enim fieri artifex methodi potest, nisi bene & ritè assuefactus in Philosophia, & quidem in hoc uno genere Philosophiæ, quod alienum est à Sophistica, quod ueritatem ordine, & recta uia inquit & patrefacit. Qui in eo studio benè assuefacti, & sibi parauerunt, reuocandi omnia ad methodum, que intelligere, aut tradere alijs cupiunt, hi norunt etiam in disputationibus religionis informare methodos, enoluerè intricata, dissipata contrahere, obscuris & ambiguis addere lumen.

Magna & copiosa doctrina ad alteram rem, scilicet ad formandam opinionem opus est, ut norunt omnes uel mediocriter uersati in literis. Sed ut hæc

§§§

ἵνα methodi informandæ nobis comparemus, nō minore studio opus est. Nec potest hæc contingere iſi, qui non affueſiunt in pluribus Philoſophiæ partibus, in quibus qui non exercentur, etiamſi attigerunt Dialecticam, tamen tantum umbram quandam methodi conſequuntur. Nec alij ſæpius uitioſa & Sophiſtica colligunt, quàm iſti. Cumquæ ſe artifices methodi eſſe putent, tota uia decurrant, & ſunt, ut Homericò uerbo utar ἀλαόστονοι. Porro non tantum propter methodum, ſeu ut Plato uocat ἀνάγκη λόγου γράφειν, opus eſt Philoſophia: Sed ut ante dixi, etiam multas aſſumenda ſunt Theologo ex Phyſicis, ubi ea eſt ſingularum partium ratio, ut his qui ſolidam doctrinam expetunt, non ſatis ſit, pauca quedam excerpere; ſed ars integra, quantum fieri poteſt, cognoscenda eſt. Magno inſtrumento deſtitutus eſt Theologus, qui neſcit illas eruditiffimas diſputationes, de anima, de ſenſibus, de cauſis appetitionū, & affectuum, de noticia, de uoluntate. Et arroganter faciet, qui ſe proſitetur Dialecticum, ſi neſcit illas cauſarum partitiones, quæ traduntur tantum in Phyſicis, & intelligi non poſſunt niſi à Phyſicis. Omnino eſt orbis quidam artium, quo inter ſe deuinctæ copulatæq; ſunt omnes, ut ad ſingulas percipiendas, multa ex alijs aſſumi oporteat: Quare Eccleſiæ opus eſt toto illo doctrinarum orbe.

Orbis artium.

Non opinor quenquam adeo inſulſum eſſe, ut non animaduertat, eos qui inſtructi ſunt Philoſophia maritali, multas partes doctrinæ Chriſtianæ ſcelicius tractare

stare posse. Nam cum multa sint similia, de legibus, deq; politicis moribus, contractibus, & multis uitæ officijs adiuvamur, non solum ordine, ac methodo in Philosophia, sed etiam rebus ipsis diligenter perceptis. Et si qua sunt dissimilia, multum lucis adfert collatio. Porro ut claudus pilam tenet, ita Philosophiam moralem tractat is, quem Physica destituunt. Iam historie, temporum exacta supputatio, requirunt Mathematicen. Sed & hæc pars cum Physicis coniungenda est: inde enim uelut ex fonte pleraq; in Physicis oriuntur. Et barbaries quedam est, ut nihil aliud dicam, contemnere illas pulcherrimas artes, de motibus siderum, quæ nobis annos, & temporum discrimina conficiunt, & multas res maximas uenturas denuntiant, nosq; utiliter monent.

Nec ego ignoro, aliud doctrine genus esse Philosophiam, aliud Theologiam. Nec ego illa ita misceri uolo, ut confundit multa iura coquus, sed adiuuari Theologum uolo in œconomia methodi. Multa etiam mutuari eum ex Philosophia necesse erit. Si quis huic orationi non habet fidem, is consideret indoctorum Theologiam, & apud se reputet, an expedire existimet orbi terrarum, talem confusaneam sophisticam, ambiguam Theologiam inuehi in Ecclesiam. Et indoctos uoco non solum rudes literarum, ut sunt Anabaptiste, sed etiam illos ineptos, qui cum magnifice declamitent, tamen certi nihil dicunt, & quia ad methodum non sunt assuesacti, & quia fontes rerum

non

non satis tenent, propterea, quia cum in Philosophia non sint instituti, non satis uideant, aut quid Theologia profiteatur, aut quatenus cum Philosophia consentiat.

Nihil opus est hic ueteres illos recensere, qui doctrinam Christianam insulsiſſimis argutijs penitus obruerunt. Eruditam Philosophiam requiro, non illas cauillationes, quibus nulle res subsunt. Ideo dixi unum quoddam Philosophiæ genus eligendum esse, quod quàm minimum habeat sophisticæ, & iustam methodum retineat. Talis est Aristotelis doctrina, Sed huic tamen aliunde addenda est illa præstantissima Philosophiæ pars, de motibus cœlestibus. Nam reliquæ sectæ plene sunt sophisticæ, & absurdarum & falsarum opinionum, quæ etiam moribus nocent. Nam ille hyperbolæ Stoicorum sunt omnino Sophisticæ, bonam ualeitudinem, opes, & similia non esse bona. Commenticia est ἀπαθεια, falsa & pernicioſa opinio de fato. Epicurus non Philosophatur, sed scurratur, cum affirmat omnia casu extitisse: tollit primam causam, & dissentit in totum à uera Physicorum doctrina. Fugienda est & Academia, quæ non seruat methodum, & sumit sibi licentiam immoderatam omnia euertendi: quod qui facere student, hos necesse est multa sophisticè colligere: Quamquam is qui ducem Aristotelem præcipue sequitur, & unam quandam simplicem ac minime sophisticatam doctrinam expetit, interdum & ab alijs authoribus sumere

Qualenam requi-
rat Philosophi-
am in Theo-
logo.

Epicurus.

Academia.

sumere aliquid potest. Vt enim Musæ cum cantu cecidissent cum Syrenibus, easque uicissent, ex pennis earum coronas sibi fecerunt, ita et insectis, et si una maximè probanda est, tamen interdum ex alijs aliquid ueri decerpamus, quo nostra sententia ornatur.

Scila ueritatis

Sed de genere Philosophiæ et sectarum discrimine, aliàs dicendum erit. Mihi ad mores etiam conducere uidetur, eligere sectam, quæ studium habeat non rixandi, sed inquirendæ ueritatis, deinde quæ auet moderatas opiniones, non captet plausus indoctorum, præstigijs disputationum, et absurdis sententijs.

Harum rerum consuetudo pessima est, et qui eas ad sacras literas afferunt, ibi uerò ingentes procellas cient. Ad hæc simplex Philosophia, de qua dico, primum hoc studium habet, ne quid affirmet sine demonstratione, ita facile effugiet absurdæ opiniones: quæ hæ non habent demonstrationes, sed tantum præstigijs sophisticis defenduntur. Postremò in uniuersum propter hanc causam etiam conducit Ecclesiæ eruditio, quia indocti sunt et audaciores, et negligentiores. Doctrina frenum iniicit, et ad diligentiam assuefacit. Multa enim eruditis in mentem ueniunt, quæ sunt uicina illi causæ, de qua est pronunciandū: uident quàm facile sit labi ac decipi, et in alijs artibus assuefacti suos ad querendos fontes negotiorum, ad explicanda illa quæ uidentur obstare. Et abeunt studia in mores, quare hæc ipsa diligentia, quæ in inquisitione ponitur, gignit modestiam: Porro audacia cum negligentia

gentia coniuncta, quantum afferat periculi, omnium
etatum exempla in omnibus ciuitatibus, & in ipsa
ecclesia ostendunt, quæ ab indoctis temerè ruentibus,
& antea sæpe dilacerata est, & hoc tempore crudeli-
ter dilaceratur.

Itaq; uos, optimi auditores, primùm adhortor, ut
cogitetis, studia uestra uerè ad Rempub. & Ecclesi-
am pertinere: Nam doctrinæ puritas & concordia,
salutem & concordiam hominum, ac præcipuè Ec-
clesiæ conseruat. Deinde uos propter gloriam Dei,
quem anteferre omnibus rebus debemus, deinde pro-
pter Ecclesiæ salutem, quæ nobis debet esse charissi-
ma, obtestor, ut has optimas disciplinas, quas Phi-
losophia continet, conseruandas esse statuatis, & in
eas maiore studio incumbatis, ut solidam doctrinam
uobis, & utilem humano generi comparetis. Epa-
minondas interrogatus, quid ei in uita iucundissi-
mum accidisset: respondit, inde se maximam uolu-
ptatem coepisse, quòd uiuis parentibus liberaffet ser-
uitute patriam, uictis ingenti prælio Lacedæmonijs.
Testatus est enim, utrunque sibi maximam uolupta-
tem attulisse, patriæ salutem, & parentum letitiam,
quam illis attulisset filij uictoris uirtus et gloria. Vti-
liam sic erga Ecclesiā affecti simus, ut hanc summam
uoluptatem ducamus, uidere florentem & tranquil-
lā Ecclesiā, quæ uerius est patria, quàm illud so-
lum, illi penates, qui nos exceperunt nascentes, &
exstare, ut Ecclesia, hoc est, cælestes Angeli, & uni-

Epaminondas
quid iucundis-
simum.

Ecclesia uerius
patria.

uersus coetus piorum, quem ut parentes uereri & amare decet, ex nostris benefactis solidā uoluptatem capiant. E contra nullos cruciatus acerbiores esse statuamus, quā uidere Ecclesiam dissipatam, & quidem nostris cupiditatibus cōiectos Angelos et coetum piorum in luctum ac dolorem. Non dico hīc de præmijs: decet enim nos uirtute ipsa moueri: debent apud nos ualere Ecclesiæ charitas, & ratio officij, quod Deo debetur: Sed tamen nō defutura sunt etiam præmia rectē discentibus: Deus enim inquit: Glorificantes me glorificabo. Et si sumus Christiani, hac spe officium nostrum facere debemus, ut sentiamus nos Deo curæ esse, ne egeamus nos & liberi nostri. Imō scitote, nostra causa, non tyrannorum, non eorum qui pia studia oderunt, hanc totam rerum naturam à Deo conseruari, solem oriri, efficere temporum uicissitudines, ut agri fiant fecundi. Rectē hoc Stoici, Omnia esse Dei: Philosophos autē esse amicos Dei: Quare omnia etiam sunt Philosophorum. Itaq; ingenti animo hæc studia literarum & defendamus, et in hac statione diuinitus collocatos nos esse iudicemus, eamq; ob causam & maiore cura faciamus officium, & nostri laboris præmia à Deo expectemus.

D I X I

OR.

ORATIO DE PHYSICA, HABITUS la Vuitenberge.



*A X optimarum,
Quas homini nouisse datum est,
Pax una triumphis
Innumeris potior, inquit Poëta, ma-
ximè uerò inter ciues. Hanc igitur à*

*Deo perpetuam petamus, propter Ecclesias alio-
qui satis malè adfectas, & ad has quantulascunque
reliquias literarum retinendas. Ac nunc Deo patri li-
beratoris nostri Iesu Christi gratias agamus, quòd tu-
multum πᾶντων in uicinia ortum sedauit, de quo eò
dico pauciora, quia nunc optandum esset ἀμύρῃ αὐ-
totius rei æternam esse. Sed moniti hoc periculo, nos
quidem Deum maiore pietate & diligentia colamus,
ut parcat Ecclesijs, & his studijs, quæ necessaria sunt
generi humano. Id facilius impetrabimus, si non abu-
temur ocio ad luxum, & obscœnas uoluptates, sed fi-
nem prospiciemus, propter quem Deus pacē politijs Pacis cōmoda
concedit, ut educari, ac erudiri iuuentus, & regi disci-
plina possit, & maiorem assiduitatem in hac nostra
togata militia præstabimus. Vt igitur hoc loco & in
his congressibus, ad cohortandos uos aliàs de alijs seu
artibus, seu uirtutibus dici solet: ita et ego orationem
hoc tempore, de doctrina Physica habiturus sum. Hæc
& initia prima sumit à Mathematicis, & passim ab il-
lis demonstrationes mutuatur, Ideò de Mathematicis et*

V ij sepe

sepe aliàs ; & nuper dixi. Fortassis autem, ut milites non tam uerbis, quàm sua natura, suo dolore, & cause magnitudine accenduntur, Sicut apud Salustium dicitur: Verba uirtutem non addere: Ita hæ nostræ conciuncule ad incitandos animos non ita multum momenti adferunt. Sed tamen bonis ingenijs prodesse eas arbitror, ad iudicandum de artibus, ostendunt fines, docent quò quasi manus dirigenda sit in discendo, quæ materiæ maximè eligendæ sint. Hæ ipsæ admonitiones tamen ad excitandum studium etiam conducunt. Nec opinor morem ducum prorsus inutilem esse, qui non solum oratione, sed etiam tuba milites exuscitant. Habetis in hac Academia Dei beneficio, eruditissimos Lectores, qui Physicæ explicant, qui & rerum bonitate inuitare generosa ingenia, & sua oratione commouere studia solent: Horum & iudicijs & authoritate accendi non distortas naturas nõ dubito. Cùm autem iam de totius Collegij nententia habenda sit oratio, de eodem argumento discendum esse duxi, ut omnium sententias de hoc ipso doctrinæ genere congruere intelligatis. Notus est Virgilij uersus, in quo dicitur:

Æelix qui potuit rerũ cognoscere causas. Et si ætem humana natura imbecilla est, nec uitare omnes seu morbi, seu fatales casus prudentia aut diligentia possunt, tamen nõ existimemus frustra tot artibus uitam instructam esse, quæ quidem diuinitus humano generi monstratæ sunt.

Inter-

Excitari bona
ingenia, ut mi-
lites oratione
ac tuba.

Interdum ars nautica uincitur tempestatibus: Nec tamen ideo frustra ostensa est ars fabricandi naues, ac remigandi. Interdum segetes uel aestu intempestiuo intereunt, uel imbribus strangulantur: Nec tamen ideo agricultura deferenda est. Eodem modo de ceteris artibus omnibus dici potest. Sæpe opitulatur uita Medicina, ac depellit pestiferos morbos, tametsi interdum doctus plus ualeat arte malum. Est autem inchoatio Medicinæ hæc doctrina Physica, quæ adolecentibus propter multas utilitates tradi solet, & de qua iam dicturus sum.

I.
Physica Medi-
cinæ pars est.

Doctrina Medicorum amplissimam eruditionem & salutare uitæ humanæ complectitur. Sed non omnes exercere eandem artem possunt, ut Aristoteles dixit: Ex Agricola & Medico constet ciuitas: Pluribus artibus Reipub. opus est. Traduntur ergo hæc initia Physices, non solum cognitionis, seu oblectationis causa, sed ut seruiant multis uitæ partibus. Etiam si non omnes exercent medendi artē, tamen omnibus, non barbarico more uiuentibus, opus est quadam communi doctrina, de corporum seminibus, quæ uocamus Elementa, de temperamentis, de membrorum & organorum in homine functionibus & natura, de causis morborum, addam amplius, de motibus cæli, & uarijs effectibus, qui motus comitantur. Hæc meminisse fuisse doctrinam etiam matrum familiâs, quia ad ualitudinem tuendam, & ad educationem necessaria est. Domestica quadam scientia tuendæ ualitu-

V iij dinis,

Varro a peste
se suosque
seruat.

dinis, et regendi uictus omnibus opus est. Et literatos decet nosse fontes harum disputationum, qui etiam si uidentur exigui, tamen monere studiosos multa possunt. Non erat professione Medicus Varro, sed tamen ratione et diligentia in prouincia, quæ erat infestæ lue pestilenti, ita seruauit se et comitatum: lussit obstrui omnes fenestras, præter arctas, unde spirant refrigeriores uenti. Consilium id ex puerilibus præceptis, quæ in Physica de uentorum discrimine traduntur, sumptum erat, ut omnes intelligitis.

Antoninus Imperator
uentri
medetur.

Narrat Galenus, Antoninum Imperatorem depellere cruditates uentriculi solitum, in media unius diei, et haurientem cyathum uini, cui aliquantum piperis inspersit. Domestica sunt hæc, sed ut rectè utamur sine Physices cognitione, fieri non potest. Nam Antonino causæ querendæ erant, cur rebus penè inflammantibus uteretur. Animaduertit igitur ex uentriculi frigore sibi cruditates oriri. Quam multos possem recitare Duces ueteres et recentes, qui etsi Medicinam non exercebant, tamen hac Philosophia, et suæ, et aliorum salutis cōsulebant. Alexandri fuit eximium in hoc genere studium, qui sciebat, et Achillem à Chirone Medicinam didicisse, ut apud Homerum legimus. Nec ego nunc de integra Medicorum arte loquor, de hac communi et oeconomica doctrina dissero, qua carere non possumus, si non prorsus belluino more uiuere uolumus.

Alexander studiosus
Medicinarum.

Exempla
Ecclesiæ,

Addam et exempla Ecclesiæ. Hæc ipsa doctrina
Physica

Physica propria fuit Nohe, Abrahæ, Prophetarum
 & Apostolorum. Nam ut authoritate aliqua emi-
 nerent inter ceteros homines, & beneficijs obligaa-
 re multos possent, artem eos Medicam ad professio-
 nem Euangelij Deus adiungere uoluit, & manus eo-
 rum in curando rexit. Nec existimate indecorum uo-
 bis esse, tantorum uirorum imitari studia, qui etsi su-
 sinebant alia munera difficilia, tamen humani cor-
 poris opificium & temperamenta, ac morborum re-
 media inquirebant, alius fortasse alio studiosius: Sed
 tamen hanc communem Physicam omnes callebant,
 quæ sine literis non discitur. Sit igitur hæc prima
 utilitas, quòd quædam Medicinæ particula est. Sed
 sunt & aliæ multæ causæ, cur adolescentibus Physicæ
 traduntur. Manat inde pars magna disputationum
 Ethicarum, quia causæ uirtutum in natura hominis
 querende sunt. Itaque & in negocijs ciuilibus sæpe
 aliquid ex Physica doctrina decerpitur. Et Plato in-
 quit: Periclen ideo antecelluisse ceteris Oratoribus,
 quòd Anaxagoram Physicū studiosè audierat. Quid
 quòd erudita Physica etiam confirmat honestas sen-
 tentias de Deo, & de prouidentia? Nam ex doctrina
 de causis ratiocinamur esse æternam mentem, unam,
 immense potentie, sapientem, ac optimam, et ut Plato
 inquit, boni causam in natura. Nec nihil prodest ad
 disciplinam, imbecilles ac languentes animos his ar-
 gumentis cōfirmare. Non rarò ipse mecū omnes Phy-
 sicorum rationes, de Deo colligo, ut falsarum opinio-

II.
 Physica, pars
 Ethicæ.

Pericles quare
 excellens.

stare posse. Nam cum multa sint similia, de legibus, deq; politicis moribus, contractibus, & multis uite officijs adiuvamur, non solum ordine, ac methodo in Philosophia, sed etiam rebus ipsis diligenter percipit. Et si qua sunt dissimilia, multum lucis adfert collatio. Porro ut claudus pilam tenet, ita Philosophiam moralem tractat is, quem Physica destituunt. Iam historia, temporum exacta supputatio, requirunt Mathematicen. Sed & hæc pars cum Physicis coniungenda est: inde enim uelut ex fonte pleraq; in Physicis oriuntur. Et barbaries quedã est, ut nihil aliud dicam, contemnere illas pulcherrimas artes, de motibus siderum, quæ nobis annos, & temporum discrimina conficiunt, & multas res maximas uenturas denuntiant, nosq; utiliter monent.

Nec ego ignoro, aliud doctrine genus esse Philosophiam, aliud Theologiam. Nec ego illa ita misceri uolo, ut confundit multa iura coquus, sed adiuuari Theologum uolo in œconomia methodi. Multa etiam mutuari eum ex Philosophia necesse erit. Si quis huic orationi non habet fidem, is consideret indoctorum Theologiam, & apud se reputet, an expedire existimet orbi terrarum, talem confusaneam sophisticam, ambiguam Theologiam inuehi in Ecclesiam. Et indoctos uoco non solum rudes literarum, ut sunt Anabaptiste, sed etiam illos ineptos, qui cum magnifice declamitent, tamen certi nihil dicunt, & quia methodum non sunt assuefacti, & quia fontes rerum non

non satis tenent, propterea, quia cum in Philosophia non sint instituti, non satis uideant, aut quid Theologia profiteatur, aut quatenus cum Philosophia consentiat.

Nihil opus est hic ueteres illos recensere, qui doctrinam Christianam insulsiſſimis argutijs penitus obruerunt. Eruditam Philosophiam requiro, non illas cauillationes, quibus nullæ res subsunt. Ideo dixi unum quoddam Philosophiæ genus eligendum esse, quod quàm minimum habeat sophisticæ, & iustam methodum retineat. Talis est Aristotelis doctrina, Sed huic tamen aliunde addenda est illa præstantissima Philosophiæ pars, de motibus cœlestibus. Nam reliquæ sectæ plenæ sunt sophisticæ, & absurdarum & falsarum opinionum, quæ etiam moribus nocent. Nam illæ hyperbolæ Stoicorum sunt omnino sophisticæ, bonam ualetudinem, opes, & similia non esse bona. Commenticia est ἀπάθεια, falsa & perniciosa opinio de fato. Epicurus non Philosophatur, sed scurratur, cum affirmat omnia casu extitisse: tollit primam causam, & dissentit in totum à uera Physicorum doctrina. Fugienda est & Academia, quæ non seruat methodum, & sumit sibi licentiam immoderatam omnia euertendi: quod qui facere student, hos necesse est multa sophisticè colligere: Quamquam is qui ducem Aristotelem præcipue sequitur, & unam quandam simplicem ac minimè sophisticantem doctrinam expetit, interdum & ab alijs authoribus sumere

Qualem requirat Philosophiam in Theologo.

Epicurus.

Academia.

sumere aliquid potest. Vt enim Musa cum cantharibus
tassent cum Syrenibus, easque uicissent, ex pennis earum
coronas sibi fecerunt, ita et insectis, et si una
maximè probanda est, tamen interdum ex alijs ali-
quid ueri decerpamus, quo nostra sententia ornetur.

Secta ueritatis

Sed de genere Philosophiæ et sectarum discrimi-
ne, aliàs dicendum erit. Mibi ad mores etiam condu-
cere uidetur, eligere sectam, quæ studium habeat non
rixandi, sed inquirendæ ueritatis, deinde quæ amet
moderatas opiniones, non captet plausus indoctorum,
præstigijs disputationum, et absurdis sententijs.

Harum rerum consuetudo pessima est, et qui eam
ad sacras literas afferunt, ibi uerò ingentes procellas
cient. Ad hæc simplex Philosophia, de qua dico, pri-
mum hoc studium habet, ne quid affirmet sine demon-
stratione, ita facile effugiet absurdas opiniones: quæ
hæ non habent demonstrationes, sed tantum præsti-
gijs sophisticis defenduntur. Postremo in uniuersum
propter hanc causam etiam conducit Ecclesiæ erudi-
tio, quia indocti sunt et audaciores, et negligentio-
res. Doctrina frenum iniicit, et ad diligentiam affec-
tu facit.

Indocti andaces & negligentiores

Multa enim eruditio in mentem ueniunt, quæ
sunt uicina illi causæ, de qua est pronunciandū: uident
quàm facile sit labi ac decipi, et in alijs artibus affec-
tu facti suos ad querendos fontes negotiorum, ad expli-
canda illa quæ uidentur obstare. Et abeunt studia in
mores, quare hæc ipsa diligentia, quæ in inquisitione
ponitur, gignit modestiam: Porro audacia cum negli-
gentia

gentia coniuncta, quantum afferat periculi, omnium
 etatum exempla in omnibus ciuitatibus, & in ipsa
 ecclesia ostendunt, quæ ab indoctis temerè ruentibus,
 & antea sæpe dilacerata est, & hoc tempore crudeli-
 ter dilaceratur.

Itaq; uos, optimi auditores, primùm adhortor, ut
 cogitetis, studia uestra uerè ad Rempub. & Ecclesi-
 am pertinere: Nam doctrinæ puritas & concordia,
 salutem & concordiam hominum, ac præcipuè Ec-
 clesiæ conseruat. Deinde uos propter gloriam Dei,
 quem anteferre omnibus rebus debemus, deinde pro-
 pter Ecclesiæ salutem, quæ nobis debet esse charissi-
 ma, obtestor, ut has optimas disciplinas, quas Phi-
 losophia continet, conseruandas esse statuatis, & in
 eas maiore studio incumbatis, ut solidam doctrinam
 uobis, & utilem humano generi comparetis. Epami-
 nondas interrogatus, quid ei in uita iucundissi-
 mum accidisset: respondit, inde se maximam uolu-
 ptatem cœpisse, quòd uiuis parentibus liberasset ser-
 uitate patriam, uictis ingenti prælio Lacedæmonijs.
 Testatus est enim, utrunque sibi maximam uolupta-
 tem attulisse, patriæ salutem, & parentum letitiam,
 quam illis attulisset filij uictoris uirtus et gloria. Vti-
 nam sic erga Ecclesiā affecti simus, ut hanc summam
 uoluptatem ducamus, uidere florentem & tranquil-
 lam Ecclesiam, quæ uerius est patria, quàm illud so-
 lum, illi penates, qui nos exceperunt nascentes, &
 prestare, ut Ecclesia, hoc est, cœlestes Angeli, & uni-

Epaminondas
 quid iucundis-
 simum.

Ecclesia uerius
 patria.

uersus coetus piorum , quem ut parentes uereri & amare decet , ex nostris benefactis solidā uoluptatem capiant. E contra nullos cruciatus acerbiores esse statuamus, quā uidere Ecclesiam dissipatam , & quidam nostris cupiditatibus cōiectos Angelos et coetum piorum in luctum ac dolorem. Non dico hic de premijs: decet enim nos uirtute ipsa moueri: debent apud nos ualere Ecclesiæ charitas , & ratio officij , quod Deo debetur: Sed tamen nō defutura sunt etiam præmia rectè discentibus: Deus enim inquit: Glorificantes me glorificabo. Et si sumus Christiani , hac spe officium nostrum facere debemus, ut sentiamus nos Deo curæ esse, ne egeamus nos & liberi nostri. Imò scitote, nostra causa, non tyrannorum, non eorum qui pia studia oderunt , hanc totam rerum naturam à Deo conseruari, solem oriri, efficere temporum uicissitudines, ut agri fiant foecundi. Rectè hoc Stoici , Omnia esse Dei: Philosophos autē esse amicos Dei: Quare omnia etiam sunt Philosophorum. Itaq; ingenti animo hæc studia literarum & defendamus, et in hac statione diuinitus collocatos nos esse iudicemus, eamq; ob causam & maiore cura faciamus officium, & nostri laboris præmia à Deo expectemus.

D I X I

O R A

ORATIO DE PHYSICA, HABITA ta Vuitenberge.



A X optimarum,
Quas homini nouisse datum est,
Pax una triumphis
Innumeris potior, inquit Poëta, ma-
ximè uerò inter ciues. Hanc igitur à

Deo perpetuam petamus, propter Ecclesias alio-
qui satis malè adfectas, & ad has quantulasunque
reliquias literarum retinendas. Ac nunc Deo patri li-
beratoris nostri Iesu Christi gratias agamus, quòd tu-
multum πᾶντοῦ in uicinia ortum sedauit, de quo eò
dico pauciora, quia nunc optandum esset αὐτῷ ἡ
totius rei eternam esse. Sed moniti hoc periculo, nos
quidem Deum maiore pietate & diligentia colamus,
ut parcat Ecclesijs, & his studijs, quæ necessaria sunt
generi humano. Id facilius impetrabimus, si non abu-
temur ocio ad luxum, & obscenas uoluptates, sed fi-
nem prospiciemus, propter quem Deus pacē politijs Pacis cōmoda
concedit, ut educari, ac erudiri iuuentus, & regi disci-
plina possit, & maiorem assiduitatem in hac nostra
togata militia præstabimus. Vt igitur hoc loco & in
his congressibus, ad cohortandos uos aliàs de alijs seu
artibus, seu uirtutibus dici solet: ita et ego orationem
hoc tempore, de doctrina Physica habiturus sum. Hæc
& initia prima sumit à Mathematicis, & passim ab il-
lis demonstrationes mutuatur, idcò de Mathematicis et

V ij sepe

sepe aliàs ; & nuper dixi. Fortassis autem, ut milites non tam uerbis, quàm sua natura, suo dolore, & cau-
 sa magnitudine accenduntur, Sicut apud Salustium
 dicitur: Verba uirtutem non addere: Ita bæ nostræ
 conciuncule ad incitandos animos non ita multum
 momenti adferunt. Sed tamen bonis ingenijs pro-
 desse eas arbitror, ad iudicandum de artibus, osten-
 dunt fines, docent quò quasi manus dirigenda sit in
 discendo, quæ materiæ maximè eligendæ sint. He
 ipsæ admonitiones tamen ad excitandum studium eti-
 am conducunt. Nec opinor morem ducum prorsus
 inutilem esse, qui non solùm oratione, sed etiam tu-
 ba milites exuscitant. Habetis in hac Academia Dei
 beneficio, eruditissimos Lectores, qui Physicæ ex-
 plicant, qui & rerum bonitate inuitare generosa in-
 genia, & sua oratione commouere studia solent: Ho-
 rum & iudicijs & authoritate accendi non distortas
 naturas nō dubito. Cùm autem iam de totius Collegij
 nententia habenda sit oratio, de eodem argumento di-
 scendum esse duxi, ut omnium sententias de hoc ipso
 doctrinæ genere congruere intelligatis. Notus est Vir-
 giliij uersus, in quo dicitur:

Fortunæ qui potuit rerū cognoscere causas. Et si an-
 tem humana natura imbecilla est, nec uitare omnes sen-
 morbi, seu fatales casus prudentia aut diligentia pos-
 sunt, tamen nō existimemus frustra tot artibus uitam
 instructam esse, quæ quidem diuinitus humano gene-
 ri monstrata sunt.

Inter-

Excitari bona
 ingenia, ut mi-
 lites oratione
 ac tuba.

Interdum ars nautica vincitur tempestatibus: Nec tamen ideo frustra ostensa est ars fabricandi naues, ac remigandi. Interdum segetes uel aestu intempestiuo intereunt, uel imbribus strangulantur: Nec tamen ideo agricultura deferenda est. Eodem modo de ceteris artibus omnibus dici potest. Sæpe opitulatur uita Medicina, ac depellit pestiferos morbos, tametsi interdum docta plus ualeat arte malum. Est autem inchoatio Medicinæ hæc doctrina Physica, quæ adolecentibus propter multas utilitates tradi solet, & de qua iam dicturus sum.

I.
Physica Medi-
cinæ pars est.

Doctrina Medicorum amplissimam eruditionem & salutare uitæ humanæ complectitur. Sed non omnes exercere eandem artem possunt, ut Aristoteles dixit: Ex Agricola & Medico constat ciuitas: Pluribus artibus Reipub. opus est. Traduntur ergo hæc initia Physices, non solum cognitionis, seu oblectationis causa, sed ut seruiant multis uitæ partibus. Etiam si non omnes exercent medendi artē, tamen omnibus, non barbarico more uiuentibus, opus est quadam communi doctrina, de corporum seminibus, quæ uocamus Elementa, de temperamentis, de membrorum & organorum in homine functionibus & natura, de causis morborum, addam amplius, de motibus cæli, & uarijs effectibus, qui motus comitantur. Hæc memini fuisse doctrinam etiam matrum familiars, quia ad ualitudinem tuendam, & ad educationem necessaria est. Domestica quadam scientia tuendæ ualetu-

V iij dinis,

Varro a peste
se suosque
seruat.

dinis, et regendi uictus omnibus opus est. Et literatos decet nosse fontes harum disputationum, qui etiam si uidentur exigui, tamen monere studiosos multa possunt. Non erat professione Medicus Varro, sed tamen ratione et diligentia in provincia, quæ erat infestæ lue pestilenti, ita seruauit se et comitatum: lussit obstrui omnes fenestras, præter arctas, unde spirant rigidiores uenti. Consilium id ex puerilibus præceptis, quæ in Physica de uentorum discrimine traduntur, sumptum erat, ut omnes intelligitis.

Antoninus Imperator uentri
culo medetur.

Narrat Galenus, Antoninum Imperatorem depellere cruditates uentriculi solitum, in media unius diei, et haurientem cyathum uini, cui aliquantum piperis inspersit. Domestica sunt hæc, sed ut rectè utamur sine Physices cognitione, fieri non potest. Nam Antonino causæ querendæ erant, cur rebus penè inflammantibus uteretur. Animaduertit igitur ex uentriculi frigore sibi cruditates oriri. Quàm multos possem recitare Duces ueteres et recentes, qui etsi Medicinam non exercebant, tamen hac Philosophia, et suæ, et aliorum saluti cōsulebant. Alexandri fuit eximium in hoc genere studium, qui sciebat, et Achillem à Chirone Medicinam didicisse, ut apud Homerum legimus. Nec ego nunc de integra Medicorum arte loquor, de hac communi et œconomica doctrina dissero, qua carere non possumus, si non prorsus belluino more uiuere uolumus.

Alexander studiosus
Medicinarum.

Exempla
Ecclesiæ,

Addam et exempla Ecclesiæ. Hæc ipsa doctrina
Physica

Physica propria fuit Nohe, Abrahæ, Prophetarum
 & Apostolorum. Nam ut autoritate aliqua emi-
 nerent inter ceteros homines, & beneficijs obliga-
 re multos possent, artem eos Medicam ad professio-
 nem Euangelij Deus adiungere uoluit, & manus eo-
 rum in curando rexit. Nec existimate indecorum uo-
 bis esse, tantorum uirorum imitari studia, qui etsi su-
 sinebant alia munera difficilia, tamen humani cor-
 poris opificium & temperamenta, ac morborum re-
 media inquirebant, alius fortasse alio studiosius: Sed
 tamen hanc communem Physicam omnes callebant,
 quæ sine literis non discitur. Sit igitur hæc prima
 utilitas, quòd quedam Medicinæ particula est. Sed
 sunt & aliæ multæ causæ, cur adolescentibus Physicæ
 traduntur. Manat inde pars magna disputationum
 Ethicarum, quia causæ uirtutum in natura hominis
 querende sunt. Itaque & in negocijs ciuilibus sæpe
 aliquid ex Physica doctrina decerpitur. Et Plato in-
 quit: Periclen ideo antecelluisse ceteris Oratoribus,
 quòd Anaxagoram Physicū studiose audierat. Quid
 quòd erudita Physica etiam confirmat honestas sen-
 tentias de Deo, & de prouidentia? Nam ex doctrina
 de causis ratiocinamur esse æternam mentem, unam,
 immensæ potentie, sapientem, ac optimam, et ut Plato
 inquit, boni causam in natura. Nec nihil prodest ad
 disciplinam, imbecilles ac languentes animos his ar-
 gumentis cōfirmare. Non raro ipse mecū omnes Phy-
 sicorum rationes, de Deo colligo, ut falsarum opinio-

II.

Physica, pars
Ethicæ.Pericles quare
excellens.

V iij num

nam præfigias, quas Epicuri aut Academici oculis
 hominum offundant, refutare clarum possum. Disci-
 mus ex Physicis non posse intelligentem naturam o-
 riri à bruto, aut casu nasci. Mens humana est intelli-
 gens natura, & quidem inmutabile discrimen bone-
 storum & turpium nascens secum adfert: Necessè est
 igitur à mente aliqua præstantiore, eterna, ortam es-
 se. Quis autem non uidet aliu[m] argumentorum co-
 gitationem admodum utilem esse? Sed assentior re-
 gendas esse cogitationes uoce coelesti, in qua Deus ma-
 gis perspicue, & naturam suam & uoluntatem pate-
 fecit. Venio igitur ad Ecclesiæ doctrinā. Et si scio olim
 Manicheos & plerosq; alios fascinosos delirijs fan-
 tasticis, mouisse ingentes tumultus in Ecclesia, malè
 contextis Physicorum sententijs, tamen nihil dubium
 est, Ecclesiæ erudita & sincera Physica opus esse. Si
 qui ineptè tumultuati sunt, hominum furor execran-
 dus est, non ars uituperanda, quam illi ipsi flagitiose
 deprauabant. Et facilius refutari possunt, prolatis
 ueris demonstrationibus. Exempla etiam ostendunt,
 non potuisse interpretes ueteres carere Physicis. Ideo
 enim Nisenus, de hominis partibus, longum cōmen-
 tarium edidit. Et quàm multa sunt in alijs Physiologi-
 ca, cum differunt de partibus, et officijs animæ? Quo-
 ties in grauissimis controuersijs Theologicis dicen-
 dum est de causis, quarum uarietas tantum in Physi-
 cis eruditè traditur?

Quantum refert tenere discrimen partiū animæ,
 cum

III.
 Physica Eccle-
 siæ utilis.

cum tanta sit inter eas discordia . mens retinet legem Dei impressam, monstrat beneficia Dei, docet impendere poenas contumaciae: Sed altera pars animae, quae uocatur Appetens, cuius sedes est in corde , nec beneficiis mouetur, ut constanter amet Deum, nec perhorrescit commonescenda horrendis exemplis omnium aetatum, ut metuat Deum iratum ac uindicem. Quoties dicendum est de affectuum fontibus & sedibus? Et eruditè discerni oportet & a uitiis motibus. Hæc nunquam dextrè explicabit is, qui non adsuatus est ad Physicam doctrinam, quæ in scholis traditur. Videmus interdum etiam ueteres scriptores, non plebeios, hæere in his materijs, tanquam in luto, propter inscitiam physices. Quoties in Ecclesia controuersia mota est de fato? Hic quid dicet imperitus Physices, quomodo labefactabit Stoicorum aut Peripateticorum sententias, quas ignorat? Nec tantum in his materijs , de quibus dixi, usus est Physices, passim in explicatione cœlestis doctrinæ incurritur in Physicos locos, ubi magnum adminiculum est interpreti cognitio horum elementorum, ut Architecto , aut sculptori, mediocris pingendi facultas. Ingens est ornamentum Ecclesiæ, eruditio , quæ complectitur non tantum uerborum cognitionem , sed etiam quandam rerum uarietatem . Nam nec formari iudicium potest sine quadam rerum multarum consideratione et collatione , nec oratio neruos habet aut uim , nisi ex bonis rebus oriatur. Est enim notus uersiculus:

Quæstio de
faro.

V V Scri

Scribendi rectè, sapere est et principium, et fons,

Est igitur & Physica doctrina complectenda, si uolumus Ecclesiam non esse ineruditam. Eaque in re multa nobis prouidenda sunt. Indocti, quia ingenia non cohercent certis metis doctrinarum, facilius deerrant à uia, & difficilius sanari possunt, quia nec norunt, nec obseruant leges, quas in docendo sequi tantquam normam necesse est: deinde Hypotheses ueras non tenent. Hæc incommoda, si uitare uolumus, profectò excoli, & expoliri ingenia uera eruditione ualde opus est. Quales furores sint Anabaptistarum, scitis, quos quidem manifestum est, tantùm ab illiteratis ortos & propagatos esse. Si igitur lumen eruditionis in Ecclesia extinctum fuerit, deliria exorirentur uaria, ut antea accidit. At principes fouere studia literarum oportuit: Sed cum paucos ea cura tangat, nos eò uehementius annitamur, ut hoc Ecclesiæ decus, quantum possumus, tueamur. Hæc propria est ordinis nostri militia, quam quidem & adiuuabit Deus, & ornabit præmijs, etiamsi negligimur à Centauris, & aspera multa ferenda erunt. Sed scitis hoc uirtutis munus esse, recta facere, prodesse cæteris, etiamsi uulgus sit ingratum. Sic confirmatos esse oportet maxime nos in Ecclesia, ubi acriora & seuiora sunt odia, aduersus benè merentes. Quæ gratia Esaie, Ieremie relata est pro summis & diuinis beneficijs? Horum nos exemplis excitemus, ad salutarem doctrinam conseruandam posteritati, ac statuamus Deum suo agmini
non des

*Eruditio in
Ecclesia requi-
ritur.*

non defuturum esse, nec permissurum, ut funditus deleatur coelestis doctrina. Hac spe nos in ærumnis, quæ nostram militiam comitantur, sustentemus atque erigamus. Dixi.

ORATIO DE ASTRONOMIA ET
Geographia, habita Vuitenbergæ.



ET V S legitur Sibyllæ oraculum de Athenis, duas ei pestes exitio futuras esse, fraudes & ducum ignauiam. Sed si communem hominum uitam, & interitus regnorum considera-

Dux pestes
Athenarum
& omnium
Rerumpub.

mus, non tam Athenis, quàm omnibus urbibus ac Imperijs Sibylla uaticinata est. Olim Germania & magnitudine animorum excellebat, & in consilijs ueritate, candore, ac fide: Nunc Technis eertatur, eluduntur recta consilia, uetus illa gloriæ militaris cupiditas et fortitudo extincta est. Ideò uidetis nihil esse presidiorum in tanto periculo publico, non solum Germaniæ, sed uniuerse reliquæ Europæ. De qua cogitans, maxime angor animo de Ecclesia, & de nostris studijs, quibus præcipuè Turcica barbaries uastitatem et interitum minatur. Quanquam igitur impendent fatales pœnæ, ut multa sunt nō solum in astris, sed etiam in morib. hominū, signatamen hac me spe sustento, Ecclesias Deo curæ futuras esse, et filium

Ecclesiæ
Deo curæ.

Dei

Dei propugnaturum nostros coetus, ut Daniel prædixit. Quare hæc studia nobis, adolescentes, non sunt abijcienda desperatione, uel præmiorum, uel salutis. Imò eò ardentius excitanda sunt, ut etiam inter medios hostes conseruentur, si ita ferent fata. Et quoniam hi nostri coetus pars sunt Ecclesiæ, quoties conuenimus, quoties de studijs cogitamus, accedant pia uota, & oremus Deum, Patrem liberatoris nostri Iesu Christi, ut Ecclesiam, & honesta studia defendat, nos seruet ac regat. Hæc præfari uolui, quia in his congressibus præcipuè decet nos, ut de studijs, ita de communibus periculis cogitare, & coniungere uota. Nam ad hos congressus dictum Christi pertinet, cum ait, se interfuturum, ubicunque duo, aut tres, in nomine ipsius conuenerint. Cum autem hoc loco mihi necessitatem dicendi imponat officij ratio, constitui potissimum de ea arte dicere, quam profiteor, uidelicet de doctrina, quæ leges motuum coelestium tradit, & magnitudines, spacia, interualla, metas regionum monstrat. Et si enim scio in hac schola, has diuinas artes non uituperari, tamen quia segnius coluntur, quàm oportebat, nostri est officij, quantum possumus, adolescentiũ studia omni ratione accendere, atq; excitare, eaq; in re optarim nos à principibus adiuuari, sicut in Aegypto regum liberalitas inuitauit ingenia ad has artes colendas & illustrandas, & recens ante trecentos annos, cum Latini homines ne umbram quidem huius doctrinæ tenerent, ingeniosissimus Princeps Fridericus

Secun-

Astronomia.

Reges Aegypti
liberales
has artes.

Fridericus
Imperator.

Secundus, Imperator, ex Arabum monumentis eam transfundi in latinum sermonem, & utcunque instaurari magno sumptu curauit. Ac multa extant testimonio, quæ ostendunt his studiis uetustissimos Reges deditos fuisse, ut Atlantem, Orionem, Chironem. Ideo enim nomina eorum stellis grata posteritas attribuit, ut significaret se ab illis doctrinam de motibus coelestibus, & anni descriptionem accepisse. Et Cæsar. de se inquit apud Lucanum: Media inter prælia semper, Stellarum coeliq; plagis, superisq; uacani. Constat nunc quoq; Imperatorem Carolum V. & in- telligere doctrinam coelestem penè ut artificem, adeo quæ amare, ut cum sibi aliquod interuallum ad quietem sumit, non ludis aut uoluptatibus animum relaxet, sed huius dulcissimæ doctrinæ disputationibus. Scio sedentem in thermis, cum pedis curationi uacare eum necesse esset, ocium sefellisse interdum horologijs artificiosè describendis. Scio diligentissimum esse in querenda longitudine & latitudine regionum, in stellis conferendis ad regionum situs, ut nauigans cœli contuitu cursum dirigere possit. Quid honestius est magno principe, quàm defessum animum tali uoluptate recreare?

Vtinam uerò hoc honestissimum exemplum cateri imitarentur, et ingenijs præmia proponerent, quod si fieret, conseruari hæc artes, & magis illustrari possent. Sed sæpè mihi uenit in mentem, unà cum cœlo eas senescere, & paulatim extinguui, et earum interitu

porten-

Cæsar.

Carolus V:

Astronomia
cum cœlo
senescit.

portendi finem mundi. Interea tamen generose mentes; cœlo ortæ, de patria cogitenti, hanc interdum contemplentur, & statuant non frustra hoc pulcherrimum spectaculum cœlestium corporum, et motuum, hominibus propositum esse, & harum admirabilium rerum ordinem inquirant: quod cum per sese hominis naturæ maximè congruit, tum uerò utilitates ad uitam magnas adfert, quarum aliquas breuiter, ut fert ratio temporis, exponam, ac tantum de motuum doctrina, & regionum metis dicam, omiſſa diuinatrice parte, ne quod mihi certamen accersam. Vt autem in omnibus rebus à Deo ordiri rectissimum est: ita in hac quasi deliberatione de studijs, cum cœlum ipsum contemplabimur, ueniat in mentem Architecti. Hunc cogitemus, nec frustra hunc mirandum ordinem instituisse, nec frustra generi humano noticiam horum motuum tradidisse. Hæc si quis non cogitat, quantum à Cyclope illo distat, qui in antro degens, nec in cœlum aspicit, nec numen ullum æternum ueretur? Si quis autem, ut hominis naturæ conuenit, Dei munera magnificat, is statuet magnarum utilitatum causa has motuum leges institutas, & doctrinam traditam esse. Utilitas motuum omnibus posita est ob oculos. Quid ad animantium conseruationem gratius est uicibus dierum ac nocturnum? quid ad terræ fecunditatem, ad fruges procreandas, & alenda animantia utilius, quàm ueris, æstatis, autumnæ & hyemis dissimiles tempestates? in quibus diligenter

Dens Architectus
seſſus ostendit
se esse

ἡ δὲ ἀρχὴ τοῦ κόσμου

diligentia artificis tanta fuit, non modò ut spacia temporum Solis & Lunæ motibus metienda proposuerit, sed vires etiam addidit, ut terra aliàs foecundo calore tepefieret, aliàs rigaretur, aliàs aresceret, aliàs adstricta gelu quiesceret. Hæc ut arte facta esse intelligeremus, certorum syderum Ortus & occasus, singulis anni partibus conuenientes, Soli adiunxit. Post sementem uernam occidunt Hyades, quod Plinius inquit, sydus esse uehemens, & terra mariq; turbidum. Id ita institutum est, quia terræ eo tempore rigatione opus est.

Hyades sydus
turbidum.

In messe opus est siccis tempestatibus. Tunc igitur Canicula æstus auget. Sic reliquis anni partibus conueniunt certi ortus aut occasus. Hæ utilitates notæ sunt, quæ, ut Xenophon ait, testantur Architectum, cum tam studiosè nostræ necessitati prospexerit, ualde amantem esse nostri generis, seu, ut ipse ait, φίλον ὁμοῖον. Sed hæc fortasse sine doctrina obseruari possunt, quanquam ordo magis conspicitur, cum accedit eruditio. Dicam igitur de ijs utilitatibus, quæ amitterentur, neglecta doctrina. Erunt, inquit Moyses, in signa, tempora, dies, & annos. Hic cœleste oraculum præcipit generi humano, ut certas anni metas diuinitus propositas, discat obseruare, & interualla annorum consideret, quod sine eruditione, & motuum cognitione nequaquam fieri potest. Addidit igitur Deus nobis umbram doctricem, ut æquinoctia & solis conuersiones obseruare possimus, addidit nu-

Canicula.

Cœleste oraculum de obseruandis temporibus.

merorum

merorum & mensurarum scientiam, quæ mentes in
coelum subuehit, ut certas uias luminû, ac metas quasi
oculis signare possimus. Itaq; & primi parentes, &
deinceps gentes eruditiores, & in his ingeniosissimi,
semper elaborarunt in obseruando anni circuitu, ut
certam temporum seriem conseruarent, quorum &
beneficium gratum nobis esse debet, & laudanda so-
lertia, diligentia, assiduitas, uoluntas bene merendi de
genere humano. Sunt autē solertiae & diligentiae te-
stimonium illustria multa, ut Eclipsium prædictiones,
& ipsa anni descriptio, cuius circuitus, ut quantum
fieri posset, certissimè comprehenderetur.

**Varie anni de-
scriptiones.**

Varie certatum est: uetustissimi reditum Solis ad
certam fixam, uerum anni spaciū esse senserunt. De-
inde cum aliquot seculis post animaduersum esset,
Stellas progressas esse, querenda fuit alia uia. Quare
Meto, quem Athenis uixisse scribunt, auus opinor
Empedoclis, descripsit: annum esse reditum in idem
Solstitij æstiuū punctum. Quia enim Atheniensibus
anni initium erat solstitium æstiuum, in eo metam po-
tius constituit. Deinde post Alexandri ætatem, Hip-
parchus maluit obseruare æquinoctia quàm Solstitia.
Quia aliquot diebus circa solstitia uariatio declina-
tionis ad æquinoctialem, sensu deprehendi nō potest.
Definiit ergo Hipparchus annum esse reditum solis
in idem æquinoctij punctum. Hunc secutus Ptolome-
us, & suas obseruationes conferens, tandem anni re-
tionem tradidit cōstantiorem superiorib; , uidelicet
dierum

Meto.

Hipparchus.

Ptolomeus.

alterum trecentorum sexaginta quinque, horarum sex, minus trecentesima parte diei. Nondum hæc diligentia satisfecit posterioribus. Nam post Ptolomæum Alba Albareguinus. tegnius anno septingentesimo quadragesimo tertio, uidelicet ante hanc nostram ætatem, circiter sexcentessimum annum, deprehendit post Ptolomæum opus esse emendatione. Deinde rursus eruditissimi homines primam uitam cum quadam correctione secuti, maluerunt annum esse reditum Solis ad certam Stellam fixam, cum hoc modo longioribus spacijs minor inæqualitas circuitus anni appareat.

Hæc eò recensui, ut diligentiam summorum uiro- Astronomiæ
uariæ utilitates. rum admi-remini, qui certos Fastos, certam anni descriptionem nobis tradere studuerunt. Iam cogitate, quantum hoc sit beneficium. Nisi enim artifices hanc temporum seriem nobis conseruassent, quæ essent religionum atq; omnium historiarum tenebræ, quæ confusio totius uitæ? Non animis retrò legere mundi initia possemus: non sciremus quæ religiones priores, quæ posteriores fuissent: Esset ignota series impetiorum, nescirentur Ecclesiæ initia & propagatio. Has tantas res ut sciremus, Deus & præcipit, ut discamus quid sit annus, & monstrat, annum continere menses duodecim, & initia in æquinoctio constituit; Hæc primis hominibus doctrinæ huius semina fuerunt. Quare celesti illa uoce admoniti, utilitates expendamus, & Dei donum amplectamur, amemus, & excolamus. Coniunctæ artes sunt; doctrina de motibus cœlestibus,

bus, & Geographia, nec diuelli possunt. Quis est autem adeò imperitus communis uitæ, adeò sine sensu communi, ut arbitretur uitam carere posse hac arte, monstrante situs regionum, interualla, naturas?

Nulla nauigatio, nullum iter paulò longius suscipi, aut certè gubernari potest ab huius artis ignaris. Quid in scripturis Prophetis, quomodo uagata sit Ecclesia, quæ res, ubi gestæ sint, unde iudicari posset, si deesset hæc artificiosa regionum descriptio? Quotidie in precibus intuenda est regio, in qua filius Dei uersatus est, et uictima factus: cogitandus est locus, in quo primum sonuit uox cœlestis. Sic enim uult Deus inuocari, ut simul de Sacrificio Filij cogitemus, & de promissionibus. In hisce locis cum quotidie sistere animi uota debeant, quanta est ignauia, non cogitare ubi terrarum sita sint? Hæc spectare etiam indocti cupiunt in picturis. Ac nisi ars extaret, omnes homines infinitum quiddam esse terram cogitarent, ac tantum earum regionum spacia & interualla scirent, quæ adiissent. Hinc multi graues errores in uitâ orirentur. Nunc uerò quàm gratum, quàm utile est, mente complecti totum terræ ambitum, & quidem certa, facili, et compendiaria supputatione cōprehensum? quem si cogitatione tanquam oculis totum contempleris, possis etiam mirari paruitatem, cum sit nostrorum miliariorū quinquies nulle quadringentorū. Hæc sine doctrina motuum cœlestium includi certis descriptionibus, quasi limitibus, non poterant. Iam
quanta

In precibus in
tutuenda regio
filiij Dei.

quanta suauitas ac dulcedo sit huius doctrinae, dicere,
 si uerbis exponere possem: sed hæc experiendo cogno-
 scenda est. Sua cuique naturæ propriissima actio iucun-
 dissima est: ut nare piscibus, modulari Luscinia: ita
 homines magna uoluptate adfici necesse est, cum na-
 turam totam rerum aspiciunt, cum numerorum et ma-
 gnitudinum proportionem inueniunt, cum coelestium
 et inferiorum corporum harmoniam et consensum de-
 prehendant, cum uident omnia certa lege condita es-
 se, ut nos de Architecto admoneant. Ad hanc conside-
 rationem cum nati simus, necesse est eam uoluptati
 esse non monstrosam, non distortam naturis. Et si autem
 initio præfatus sum, me non dicturum esse de parte di-
 uinatricæ, tamen hoc addam, hanc ipsam doctrinam
 motuum coelestium per sese *μαρτυρῆν* esse, et præcipu-
 am ac certissimam diuinationem gubernantem uite
 summam. Nam hæc leges motuum testantur, mun-
 dum non casu ortum esse, sed à mente æterna condi-
 tum, et huic conditori humanam naturam curæ esse.
 Hæc cum perspicuè demonstrèt leges motuum, nega-
 ri non potest, hanc doctrinam uerè esse *μαρτυρῆν* de re
 maxima. Nam hæc de Deo, et de prouidentia senten-
 tia, profecto ad uirtutem animos exuscitat. Prædicat
 Physicus pluuias, si spirant Austri uel Zephyri: si Bo-
 reas, serenitatem. Quanto utilior diuinatio est, con-
 firmare animos de prouidentia, ne casu mundum ex-
 titisse somnient? Magna causa fuit, cur Deus hæc de se
 testimonia nobis proposuerit. Nam cum didicimus

Astronomia
μαρτυρῆν
 de re maxima:

Platonis uis
beatus.

inde, esse Deum gubernatorem omnium, intelligimus ei parendum esse, agnoscimus ordinem ab ipso & in mentibus nostris, & in politica societate institutum esse, et sancitas poenas conturbantium hunc ordinem, quas ne Gygantes quidem, uel si ausint ad se communiendos imponere Pelio Ossan, effugere queant. Denique multa de Deo & de moribus monet cœlestium legum ordo, testificans ad humani generis utilitatem hac rerum uices conditas esse. Quare Plato prudenter dixit, eum uirum tantum beatum esse, qui hanc doctrinam didicerit: hunc mores posse regere: hunc moderatum, iustum & utilem ciuibus fore. Ac addo uerba Platonis, ut tanti uiri uox & authoritas, uos ad amorem, & studium harum optimarum artium exuscitet. Vnum est naturæ uinculum, doctrina numerorum, figurarum et motuum cœlestium: ac si quis aliam uiam ad discendum quæret, fortunam inuocet, ut dici solet. Nam sine his nemo in ciuitatibus unquam beatus existet. Hic modus est, hæc educatio, hæc disciplina, seu facilis seu difficilis. Per hanc ire necesse est, nec fas est negligere Deum, qui gratam de se famam in his artibus generi humano tribuit. Hæc sunt Platonis uerba, in quibus cogitate, quam sapienter dictum sit, gratam Dei famam audiri in his artibus, hoc est, numerorum, ordinis, & cœlestium corporum cognitione necessario nos statuere, mundum à mente æterna conditum esse. Verè igitur hæc ipsa doctrina, de qua loquimur, est μαρτυρία, etiamsi reliquas diuinationes non

Grata Dei fama in artibus.

non scrutemur, de mutationibus aëris, & corporum nostrorum, quarum non omnino nulla est utilitas, si intra iustas metas contineantur.

Cum igitur doctrina de motibus cœlestibus, plena sit eruditionis, cum sit utilis uitæ ad temporum et regionum distinctionem, cum sit dulcissima, cum confirmet in animis honestam de Deo sententiam, cumq; sit occasio discendi, bona ingenia adhortor, ut in hæc studia incumbant & sua, & Reipub. causa, cui honestas artes, uitæ utiles, conseruare debemus.

DIXI.

RATIO DE DIGNITATE Astrologiæ, dicta in promotione Magistrorum, à Iacobo Milichio, Anno

1535.



PTIME institutum est, ut in his spectaculis, de dignitate artium, et de uirtutum laude dicatur, quod ea oratio cum ad formanda iudicia iuuentutis, tum ad accedendos animos ad amorem bonarum rerum, magnam uim habet. Et si aut præcipue solet ad iuuentutis utilitatem hoc loco accommodari oratio, tamen ne cæteris quidem ullum acroama est iucundius, quam artium & uirtutum

X ii] enco=

encomia, quæ ut quisq; intelligit, ita uehementissimè admiratur. Quare etsi oratio nostra aptior futura erat iuuentuti, tamen ne uobis quidem ingratam fore confido: quorum cum maior est eruditio et prudentia, eò magis delectari uos cogitatione ipsa artium arbitror. Dicam autem de ea parte Astrologiæ, quæ de Syderum effectibus in natura inferiore disputat. Idq; argumentum eò sumpsi libentius, quia mihi non in turba imperitorum, sed apud homines doctos, et Philosophiæ deditos, dicendum esse intelligebam.

Definitio artis
 Ut autem Græci Rhetores summa prudentia in definitione artis dixerunt, artem non solum oportere ueram noticiam esse, sed addiderunt etiam, oportere utilem ad uitam esse: Ita ego utranq; disputabo, et ueram esse doctrinam de cœlestibus effectibus, et magnas ad uitam utilitates asferre. Atque hic principio à uobis peto, quod æquissimum est, ne conferatis in artem errata artificum, qua de re longius mihi dicendum esset, nisi apud eruditissimos homines haberetur oratio. Sed aliud est crimen, quod etiam apud doctos detrahit fidem arti, quò uidelicet in hac infinita casuum humanorum uarietate, ars ipsa non præuidet omnia. Negant igitur homines acuti, artem, hoc est, uniuersalem et perpetuam doctrinam existere posse, ex particularibus paucorum euentuum observationibus: quasi uerò aut Medicina morbos cures omnes, aut politica sapientia omnes Rerum temporales prospicere, et mederi omnib. incommodis possit.

Et tæ

Et tamen concedendam est, multa utriusq; artis uera
 & firma præcepta esse, & ad uitam utilia. Ita sunt
 huius diuinatoricis ueræ quedam, & perpetuæ signifi-
 cationes, pauciores fortasse, nihil enim dissimulo, quã
 Medicorum: nam hæc ars uersatur in rebus procul
 positis à nostro conspectu. Et cum hominum tempe-
 ramenta moresq; dijudicet, & uaticinetur de futuris
 maximarum in uita rerum mutationibus, diuinitas
 quedam esse uidetur. Quare etiam si non tam multe
 sunt huius artis demonstrationes, quàm cæterarum
 leuiorum artium, artis hoc magnitudini tribuatur. Et
 quidẽ eò maiore cura quantulumcũq; est huius artis,
 quod superi monstrarunt hominibus, conseruari de-
 bet, eò maiore studio intendenda mens est in has si-
 gnificationes, quæ compertæ sunt. nam harum quoq;
 maxima uis est, & multiplex in uita utilitas.

Non solum inepti, sed etiam improbi sunt, qui fal-
 sis persuasionibus ornare, aut amplificare artes conã-
 tur. Ego ingenuè profiteor, non omnium euentuum
 significationes compertas esse: sed idem affirmo, mul-
 tas esse certas, minimeq; fallaces significationes, quas
 si quis animaduertit, magnum ad regendam na-
 turam, & plerosque fortune impetus gubernandos,
 adminiculum habet. Extenuat hanc artem & Fa-
 uorinus apud Gellium, & dicit, pauca quedam
 præuideri *παχυμερές*: non solum non repugno,
 sed etiam plausum do, quod ait *παχυμερές*.
 amplissimo præconio ornauit artem, siquidem quæ-

I.
 Magnitudo hu-
 ius artis Astro-
 logicæ

Fauorinus.

dam in natura aut moribus præcipue animaduerti
 posse inquit : At ex his homines sagaces plurima pos-
 stea iudicant. Videtis in moribus quàm multa conije-
 ciantur ex uno aliquo gestu, aut cachinno . Ita cum
 certæ notæ quarundam præcipuarum rerum sint im-
 presse nature, multa ex his postea coniecturæ su-
 muntur. Fortassis autem non esset ars ducenda Astro-
 logia, si tantum constaret coniecturis: nam ars est con-
 rum, quæ non fallunt. Verum & hæc ipsa ars, ut Men-
 dicinæ & politica, primum certis obseruationibus
 constat, postea ex his multa oriuntur coniecturæ. Vi-
 dit Astrologus in genesi Catilinæ diros positus atque
 aspectus Planetarum, qui significabant animi cruden-
 titatem, audaciam, præposteris mores, inquietæ et in-
 felicis consilia . Fac non potuisse certò predicere,
 Catilinam Cicerone Consule moturum esse seditionem,
 deinde futurum, ut in acie in Apennini radicibus in-
 terficeretur: At animaduersis illis infauis significa-
 tionibus, quæ quidem sunt certæ, conijcere potuit,
 futurum ciuem turbulentum, seditiosum, & uite fu-
 turum exitum tragicum . Ita insignia quedam in-
 temperamentis ac moribus *παχυμέρεσσι* iudicari
 possunt, quæ non fallunt. Non igitur eo aspernanda
 est hæc ars, quia non omnia præuidet. Quam pauca
 certa sunt in cæteris optimis artibus, et ut iam non
 de Medicinæ, aut de politica dicamus, num idcirco tota
 doctrina de Meteoris uituperanda est, quia pauca
 habet demonstrationes, sed potius plurima confiat
 con-

Genesi,
 Catilinæ.

Artis initium
 certum.

coniecturis? In ipsa Agricultura quàm sepe fallimur? num ideo non sunt colendi agri? Qui potius utamur artium beneficijs, & consideremus, quousque humana mens progredi possit. Me quidem non solum utilitas in his artibus delectat, quam in mendo, & in alijs rebus animaduerto, sed multò magis hoc, quòd cum hunc mirificum consensum corporum coelestium, & inferiorum contemplor, ipse maius ordo & harmonia admonet, Mundum non casu ferri, sed regi diuinitus. Hæc respondere uolui ad uulgare conuiuium, priusquam de arte dicerem.

Est autem initio ueiuti definitio quedam constituenda Astrologia, ut eam à superstitiosis diuinationibus, quas Ptolomæus ἀναιτιολογίαις uocat, separemus. Astrologia pars est Physices, quæ docet, quos effectus astrorum lumen in elementis, & mixtis corporibus habeat, qualia temperamenta, quas alterationes, quas inclinationes pariat. Et quia inclinationibus sepe mores, studia, consilia, casus respondent, ut ille inquit:

Nature sequitur semina quisque suæ:

Ideo horum quoque significationes aliquas monstrat. Quòd si constabit, sydera habere aliquos effectus, planè concedendum erit, hanc artem esse Physices partem, perinde ut predicationes Medicorum. Nec ego nunc de hac parte prolixè disputabo, sed unum Galeni oraculum in hac causa recitabo: qui non solum reprehendit, sed etiam grauius obiurgat illos,

Astrologia
pars Physica

Galeni oraculum
& explicationem

X V qui

qui negent inferiora corpora affici à lumine cœlesti, & inquit: Sophisticum esse, negare manifestam experientiam. Ergo & fatetur se experientia uictum, tribuere magnam uim lumini inferioribus corporibus, & eos, qui dissentiunt, seuerissimè taxat. An dubium est, uices æstatis atq; hyemis effici solis accessu & discessu, Solis lumen calefacere & desiccare, Lunā humectare? Hæc si manifesta & perpetua sunt in his duobus clarissimis syderibus, cur cetera putemus frustra condita esse? Iam perpetua experientia testatur, insignes coniunctiones, effectus, idq; in tempestatibus palam apparet. Vidistis concursum Planetarum in humido signo, anno uicesimo quarto, intumuerunt ubiq; omnes aquæ, humidae tempestates totius biennij fuerunt. Hac æstate pluuiæ crebriores omnium opinione, et insalubres tempestatum uariationes attulerunt, Iupiter in piscibus, Mars in tauro. Possent alia multa exempla recitare, si temporis angustia non prohiberet. Nec uerò dubium est, ut Solis & Lune, ita cæterorum Planetarum lumen uariare tempestates, & aërem & corpora nostra afficere. Res ipsa loquitur, in herbis, in metallis, deniq; in contemptissimis rebus maximam uim esse, & iure laudatur illud, æteris Poëtae

Concursus Planetarum anno
xxiiii.

Hesiodus.

ὅτι καὶ ἐν μαλαχείᾳ καὶ ἀσφοδελῶ μεγά' ὄνειρα.

Quod cum ita sit, cur putemus frustra condita esse illa pulcherrima lumina, cum quidem nulla sit natura prestantior, aut efficacior lumine? Quin ipse deus motuum,

motuum, nonne significant temperari lumen solis & lune ceterorum Planetarum aspectu? Mercurius & Venus nunquam procul à sole discedunt. Superiores Planetae ita discedunt, ut tamen in Epicyclis ad medium apogeon cum Sole semper congruant. Postremo & Hippocrates testatur, tempestates excitari & uariari ui syderum. Et dissimilitudinem non solum regionum, sed etiam ingeniorum ac morum in diuersis regionibus docet oriri à coelestibus causis. Hæc cum sint certa, constat artis initium uerum ac certum esse, uidelicet, quòd lumen coeleste magnā uim habet in elementis, & mixtis temperandis et alterandis. Deinde et hoc manifesta experientia testatur, lumen planetarum dissimile esse: Saturni melancholicū, Iouis temperatum, Martis cholericum, Solis uiuificum, Mercurij siccius, Veneris et Lunæ humidius. Et hæc uariè posita miras mixturas efficiunt, ut cum in medicamentis uariæ herbæ miscentur in cantu uoces. Hæc dixi breuius, non solum quòd habenda fuit ratio tēporis, sed etiam quòd uobis doctissimis hominibus satis probata esse arbitrabar. Venio igitur ad alteram partem, uidelicet, ut de utilitate dicam. Nec uerò existimo quenquam adeò superstitiosum esse, ut neget in medendo conducere obseruationem syderū. Cumq; de hac re et præcepta extent, et nota sit experientia, non ero longior. Quanto est autem illa maior utilitas, nō solum in ægrotis corporibus, sed multo magis in Rebus pub. considerare mutationem maximam

II.
Vale.

[scu]

Agricultor:

seu causas seu significationes, ut accommodare ad eas nostra consilia possimus, et arte mitigare incommoda. Verè enim inquit Plato, syderum circuitus effecere varias uices, non solum animantium corporibus, sed etiam uniuersæ naturæ rerum, uitæ hominum, imperijs, et Rebuspub. Vt autem agricolis præcipitur, ut tempestatum signa obseruent, ita magni uiri in Repub. mutationum signa intelligere, et considerare debent. Et quidem in scriptis politicis colliguntur signa sumpta à moribus et uoluntatibus, sicut Medici morbos ex intemperantia, aut corruptione humorum prædicunt: Sed magno et sapienti uiro magno perè prodest, etiam hæc cœlestia signa animaduertere ut regere aliquo modo fortunam, et cauere seuas tempestates, uel certè mitigare possit. Rectè enim dictum est:

Qui sapit, ille animum fortunæ præparat omni,
Præuisumq; potest arte leuare malum.

Etenim si significationes illæ non sunt consideranda, cur diuinitus in cœlo scriptæ et pictæ sunt? Cum autem Deus has notas impresserit cœlo, ut Rebuspub. denunciaret ingentes casus, impietas est, animos ab hac obseruatione prorsus auertere. Eclipses, coniunctiones, prodigia, traiectiones, comete, quid sunt nisi Dei oracula, quæ minitantur uitæ hominum ingentes calamitates ac mutationes? Hæc si quis contemnit, Dei monita aspernatur. Quatenus autè hæc metui debeant,

Dei oracula
sydera.

beant, quantū omninò tribuendū sit cœlestibus signis, discet idem ille uir magnus ex sacris literis, ne obrepāt animo impia uel confidentia, uel desperatio. Vt in agricultura, in nauigando, non est irreligiosum obseruare prognostica tempestatū: ita in administratione rerum considerare naturales significationes, quas Deus proposuit, ut nos uigilantiores reddat, et curam in nobis acuat, pium & utile est. Sed uideamus priuatos mores.

Si quis naturæ suæ inclinationem intelligit, alere bona & confirmare, & uitare uitia diligentia ac ratione potest. Verum est enim quod ait Ptolomæus: Sapiens animo adiuuat cœlestem operationem, quem admodum optimus agricola arando expurgandoque adiuuat naturam. Hoc latè patet in cura uoletudinis, in diligendo genere uitæ, studij, in suscipiendis negotijs uel aptis uel abhorrentibus ab ingenio. Si Curionis aut Antonij parentes satis intellexissent naturam filiorum, flectere singulari arte fera & inquietia ingenia ad moderationem potuissent. Philippum Macedonē accepimus Regem in primis callidum, cum animaduertisset in filio Alexandro non sanè prauam, sed tamen asperiores & impatientem imperij naturam esse, uideretq; cum nō pati domitorem asperum, cepit consilium doctrina & Philosophia flectendi seum ad suauitatem & comitatem. Hac ratione adeò excoluit illam naturam, ut in ipso cursu uictoriarum uix quisquam fuerit unquam humanior ac moderatior.

Naturæ inclinationes discipulina reguntur

Philippus Macedo.

rator. Ita prodest uidere, quò quenquam ducat natura, ut disciplina idonea ad uirtutem flectatur, & à uitijs abducatur. Possem & alias utilitates œconomicas colligere, sed has persequi longum fuerit. Vos igitur candidati, quia iam Philosophiæ uos publicè addicitis, ut reliquas partes pro uirili amplecti, excolere, & ornare debetis, ita memineritis, hanc quoque partem amandam esse. Non solum stultitia, sed peruersitas est, aucupari ingenij laudem ex insectatione bonarum artium. Nam uiros bonos decet præclaras artes & utiles uitæ pro uirili ornare, ut ad earum studia quàm plurimi inui-
tentur.

D I X I.

DE UTILITATE ARITHMETICES, Oratio.



DVXI uobis initio exponendam esse causam, quare publicè docere incipiam, ne quis existimet me meo consilio impudenter in hoc theatrum pro dire. Ego enim cùm & natura sim timidior, & has artes maximè colam, quæ amant latebras, nec merentur plausus in uulgo: deinde cum uideam, quanta sit non solum scientiæ copia, sed etiam dexteritate, & foelicitate ingenij opus, præsertim in his subtilibus artibus tradendis, mihi uerò conscius sum
mea

meae imbecillitatis, non ambiui hunc locum, diuq; repugnari praeceptoribus nostris hortantibus, ut elementa harum artium, in quibus me mediocriter exercui, publicè traderem, praesertim hoc tempore, cum altera Mathematica lectio interitu viro doctissimi Ioannis Volmarij conticuiisset. Atq; illi quidē petebant, ut hac in re non solum amicitiae ipsorum rationē haberem, sed etiam utilitatis Adolescentium, quia magno perē prodest hae elementa in scholis assiduè inculcari et exerceri. Vicit igitur cū autoritas praeceptorum, tū uerò etiam uoluntas eorū optima erga rem literariam. Videbam enim eos non aliter priuato studio deferre mihi hoc munus, sed ut adolescentibus consulerent, & quantum possent, eos ad has artes, quae sunt uera Philosophiae initia, inuitarent.

Quare cū meam operam deesse Reipub. et adolescentium utilitati nollem, perpulerunt tandem, ut pollicerer, me periculum facturum esse. Quare peto à uobis, ut me hac officij ratione, non arrogantia aut ingenij fiducia in publicum prodijisse existimetis. Minus autem poenitebit me facilitatis meae, si cognouero, etiam frequentiam uestram & diligentiam respondere optimae uoluntati praeceptorum, qui uestrae utilitatis causa mihi hanc personam imposuerunt. Qua in re erit etiam prudentiae atq; humanitatis uestrae meam operam boni consulere. Nam quod ad praecepta ipsa tradenda attinet, spero me uobis satisfacturum esse. Si quid autem uel in oratione mea,

uel

vel in actione desiderabitis, ueniam mihi dari peto: Agnosco enim me impediri pudore ac metu, ac nentura quidem ad scenicam actionem aptum esse. Sed propter hæc incommoda fastidire hæc artes, & studia earum abijcere, ingenij est plus satis delicati & morosi, si tamen professor est sui generis artifex. Ego uero etsi mihi nihil arrego, tamen ea fide & diligentia tradam hæc præcepta, ut sperem, posse percipi atque intelligi.

Exposui causam, quare in publicum prodierim, quæ me, ut spero, suspitione arrogantiae apud bonos & studiosos liberabit. Nunc dicam de meo consilio, uel potius de sententia nostrorum præceptorum. Hi mihi inuinxerunt, ut tradam elementa Arithmetices et Geometriæ, & quod natura harum artium postulat, initium faciam ab Arithmetica. Utinam autem & autoritate & eloquentia tantum ualerem, ut ad harum artium studia adolescentes etiam excitare & accendere possem. Quid enim optabilius esse docenti potest, quam habere auditores incensos & flagrantis discendi cupiditate? Sed quia præceptores nostri quotidie scholasticos ad hæc artes discendas hortantur, & manifesta est earum utilitas, spero plerosque præditos liberalibus ingenijs, satis ad hæc studia colenda incitatos esse,

De Pallade
Græcorum
fabula.

Græci narrant fabulam de Pallade, quæ, cum ei tibia recens inuentas Mercurius donasset, ambulans ad flumen, coepit inflare tibiam. Et si autem demulcebatur

batur sono, tamen cum in aquis uideret faciem ridiculè deformari, inflatus genis, statim abiecit tibia. Has Satyri, qui capiti nouitate soni accurrerant, abiectas statim excipiunt: Ita tibiæ spretæ à Pallade, coeperunt Satyrus in delitijs esse. Ad hunc modum sinamus sanè ingenia illiberalia delectari alijs agrestibus artibus, aut potius quedam fragmenta artium circumferre, seu quæstus causâ, seu ut popularem opinionem colligant. Sed honesti ingenij est, nihil amare ardentius, quàm ueritatem, & hac cupiditate incensum, expetere solidam doctrinam de uniuersa natura, de religionibus, de motibus & effectibus coelestibus, de causis mutationum, nō solū animantiū, sed etiam ciuitatum et imperiorū, de fontibus honestorum officiorum, & hoc genus alijs. Si huius perfectæ doctrinæ admiratio ne atq; amore tenemur, profecto etiam complecti hæc elementa debemus de numeris & mensuris, quæ adiutum patefaciunt ad ceteras Philosophiæ partes, quàmquam per se quoq; multum habent & dignitatis & utilitatis.

Videte enim quàm latè pateat usus Arithmetices in œconomia, & in Repub. Aristoteles scribit, Thracæ quosdam esse, qui numerando non possunt progredi ultra quatuor: Quæso te, an talibus putes commendandam esse gubernationē, non dico magni mercatus, aut uenarum metallicarum, sed alicuius mediocris œconomiae? Existimemus ne à talibus posse rationes paululum modò intricas euolui & explicari?

Vsus arithmetices:

Y

Nequa

Thracos.

Nequaquam. Sed horum Thracum similes sunt in magnis rationibus & obscuris omnes, qui destituti sunt huius artis presidio. Nec solum in mercatu, in metallicis, in cudenda moneta, sed in multis alijs publicis & priuatis rebus computandis, arte ipsa opus est. Qui uersantur in Repub. ararij rationes nosse debent. Sæpe in iudicijs quæstiones incidunt, quæ requirunt eruditam computationem. Ideo non satis est, nosse numeros naturæ beneficio, sed ars addenda est, sine qua nullæ difficiles rationes explicari certò possunt. Quare Socrates apud Platonem in legibus etiam hanc tulit, ut ciues cogantur discere Arithmeticam. Sed quid attinet de re nota prolixius dicere? Nemo enim non uidet in omni uita maximū usum esse Arithmetices, nisi sit stolidior Thracensibus illis, qui non norunt numerare amplius quatuor. Atq; hæc uulgares utilitates inuitare pariter omnes adolescentes ad hanc artem discendam & exercendam debebant: Multi enim incidere casus possunt, ubi singulis magno usui Arithmetica esse potest. Proinde & Romanis magnæ curæ fuit, ut liberi eorum cū primis literis etiā Arithmetice perciperent. Meministis enim uersus Horatii.

Romani.

Romani pueri longis rationibus assem
Discunt in partes centum diducere, dicat
Filius Albini, si de quincunce remota est
Vncia, quid superat?

Multiplex etiam Geometriæ utilitas est, nō solum
in edificatione, in metiendis uasis, sed etiam uirgilio
litico

lítico in cosmographia, in locorum intervallis intelligendis. Sed discedo ab his vulgariis utilitatibus.

Hi, qui in studiis versantur, & perfectam doctrinam expetunt, illam sibi utilitatem proponant, quod ad doctrinam de rebus cœlestibus nullus aditus patet, nisi per Arithmeticam & Geometriam. Et quidem tanta vis est Arithmetices in doctrina de rebus cœlestibus, ut mediocri Arithmetico penè omnia in doctrina rerum cœlestium sint peruia: Certè magnam partem eius doctrinæ, sine ullo negotio assequi potest. Iam uide quàm exiguo labore, quantũ precium operæ possis facere. Nihil facilius est, quàm has ut uocāt, species in arte numerandi discere. His mediocriter cognitis, propemodum tota Astronomia statim percipi sine ulla difficultate potest.

Mediocri
Arithmeticus.

Plato in Phædro fingit duplices animas, quarum alteras ait alas esse, alteris, inquit, decidisse alas. Porro alas ait uolitare in cœlum, fruenter congregari colloquioq; Dei, & pulcherrimo spectaculo cursu cœlestium, & considerare causas omnium mutationum in inferiore natura, in aëre, in animantium corporibus, in hominum studiis & moribus, in uariis imperiorum & ciuitatum casibus. Atq; hæ animæ toto uolitantes cœlo, captæ pulchritudine diuinarum rerum, & illius admirandi ordinis, & suauitate doctrinæ & uirtutis, hac una uoluptate perpetuò frui cupiunt, nec onerant animos obscœnis uoluptatibus, quæ perturbāt harmoniam uirtutis in animis,

Duplices ani-
mæ Platonis.

Alaræ.

X ij & oba

Nudæ.

Et obijciunt caliginē, ne cœlestia aspicere possint. At ille animæ, quibus alæ deciderunt, humi uagantur, et querunt uoluptates impuras ex rebus terrenis, nec enim illam pulcherrimam lucem rerum cœlestium aspi-
ciunt. Et si autem Plato alas intelligit heroicos impe-
tus ingeniorum, tamē ne illi quidem impetus soli ani-
mos subuehant, sed opus est etiam artibus, quibus illi
ip̄si impetus attollantur. Sunt igitur alæ mentis hu-
manæ, Arithmetica et Geometria. Has si alligauerit
sibi aliquis præditus ingenio nō sordido, facillimē pe-
netrabit in cœlum, ac liberē in cœlestium cœtu uaga-
bitur, et illa luce ac sapientia fruetur.

**Alæ mentis
humane.**

Quare illi qui sunt ingenijs non monstrosis præ-
diti, et res optimas maximeq; admirandas, et cognitio-
ne dignas aspicere cupiunt, has alas sibi addant, uide-
licet Arithmeticen et Geometriam. Harum ope sub-
lati in cœlum, lustrare oculis uniuersam rerum natu-
ram, cernere spacia metasq; maximorum corporum,
uidere syderum fatales congressus, deniq; causas re-
rum maximarum, quæ in hac hominū uita accidunt,
animaduertere poteritis. Existimo generosas mentes
hac tanta utilitate capi et incitari posse, ad has ar-
tes discendas, et amandas. Scio enim uobis quidem
satis persuasum esse, magnam dignitatem et utilita-
tem esse doctrine de rebus cœlestibus, uosq; ut decet,
auribus atq; animis abhorre ab Epicuri deliramen-
tis, qui deridet Astronomiam, et somniat Solem esse
uaporem, qui mane accendatur motu, postea aut de-
flagret,

**Epicurei sunt.
Atheni.**

flagret, aut in aqua extinguatur: Ita & stellas esse nubeculis casu incensas. Hæc portenta pro ueris affirmare, homine indignum est, nedum Philosopho. Nulla tam barbara gens fuit, quæ non sentiret, stellas esse certa & durabilia Dei opera, & certis legibus ferri, magnæ alicuius utilitatis causa. Quare contumelia est aduersus Deum, fingere hanc confusionem rerum, Solem uaporem esse casu inflammatum, & casu ferri, ut Lucretius ait:

Quo cibus uocat atq; inuitat euntem,

Flamma per coelum pascentem corpora passim.
 Plus ualeat apud nos authoritas cum doctissimorum
 hominum, qui hæc deliramenta grauissimis argumen-
 tis confutarunt, tum uerò etiam diuina oracula in sa-
 cris literis, à quibus dissentire impietas est. Hæc clarè Autoritas
diuina.
 testantur, Solem, Lunam, & reliqua sydera esse certa
 & durabilia Dei opera, & addunt sacræ literæ, cuius
 utilitatis causa lumina coelestia condita sint: Erunt si-
 gna, & discernent tempora et annos. Hæc descriptio,
 etsi breuis est, tamen res magnas complectitur, &
 Astronomiæ studium approbat. Nam ut reliquas par-
 tes omittam, si Sol ideo conditus est, ut annum confi-
 ciat & gubernet, necessaria est obseruatio cursus So-
 lis. Nam sine obseruatione motus, nulla sunt tempo-
 rum atq; annorum discrimina. Quare non obscurum
 est, & approbari à Deo, & præcipi obseruationem
 coelestium motuum. Nec putemus esse leues causas,
 quare nos ad hanc doctrinam hortetur etiam diuina

Y iij authori-

authoritas. Nam præterquam quòd utilitates magnas affert ad communem uitam, etiam monet nos hic pulcherrimus ordo motuum, hanc naturam non extitisse casu, sed ab æterna mente ortam esse, & gubernari. Proinde ualde confirmat in animis honestas opinionones de Deo, et de prouidentia. Itaq; ex Philosophis soli Epicurei fuerunt ætherei quia hæc illustria de Deo testimonia, uidelicet, certissimas motuum leges, & mirabilem harmoniam aspicere noluerunt. Decet igitur bona ingenia hanc honestissimam doctrinam amare, & quantum fieri potest, aliquid operæ in tantarum rerum inquisitionem collocare. Ac faciliè multa percipient hi, qui mediocriter in Arithmetica exercitati sunt.

III.
facile.

Redeo igitur ad Arithmeticen, quoniam de ea præcipuè dicere cœperam. Postquam autem utilitates commemorauimus, quæ quidem minimè sunt obscuræ, breuiter aliquid adiiciendum putauimus de facilitate. Scio deterreri adolescentes ab his artibus opinione difficultatis. Sed quod attinet ad initia Arithmetices, quæ in scholis tradi solent, & quæ ad quotidianum usum conferuntur, uehementer errant, si hæc putant admodum difficilia esse. Ars oritur ex natura ipsa mentis humane, & habet certissimas demonstrationes. Quare initia nec obscura, nec difficilia esse possunt, imò priora præcepta adeò perspicua sunt, ut pueri etiam ea possint assequi, quia tota res à natura oritur. Deinde multiplicationis, & diuisionis præcepta di-

quanto

Multiplicatio
& diuisio,

quantò plus requirunt diligentie, sed tamen cause citò perspicì possunt ab attentis. Exercitationem et usum requirit hæc ars, ut aliæ omnes. Est enim uerissimum, quod ait Anaxagoras: Manum esse causam sapientie, significans sine exercitatione, et experientia non posse artes rectè percipi. Deinde sicubi est aliquid difficultatis, memineritis nullam esse artem, quæ nihil habeat difficultatis. Et erratis profectò, si styli exercitiū putatis facilius esse, quàm hæc initia Arithmetices. Nec scholæ sunt eò conditæ atq; constitutæ, ut ignavis otium ad perfruendas ineptas uoluptates concedatur, sed requirunt studia curam et acrem animorum contentionem. Nec uerò nego multa ab Arithmetice quesita, et animaduersa esse, quæ procul recedunt à captu imperitorum; nam artes omnes agitatione crescunt. Sed ego loquor de his initijs, quæ et uobis tradi solent, et ad usum conferuntur. Quare adolescentes abijciant opinionem difficultatis, et magno animo, et quadam cum spe ad hanc artem discendam accedant: quod si facient, deinde et rerum suauitas detinebit eos, et sentient ipsa rerum serie difficultatem minui. Exposui quæ utilitates præcipuè petendæ sint ex Arithmetica. Dixi etiam de facilitate. Reliquæ sunt aliæ utilitates, sed obscuriores, de quibus non multa dicam. Verissimum est, cæteras artes facilius percipi, cognita Arithmetica. Est enim Arithmetica intra primas artes, quæ docet diiudicare, ac distribuere unum et multa: ostendit ordinem rerum,

Prima artium
Arithmetica.

Y i.ij

et mo=

Quo ordine
tradiderint
artes ueteres,

et monet confusa euoluenda et discernenda esse. Hec sunt initia ratiocinationis in hominibus. Ideo prima est numerorum intelligentia, idque sensisse opinor Pythagoram, cum definiuit, mentem esse numerum: significauit enim animam esse ratiocinatricem, quae discernit res, et ordinem animaduertit. Hec sunt maxime propria menti, et sunt primae mentis functiones. Quare apte definiuit, mentem esse numerum, uis delictet numerantem. Hec causa est, cur et ueteres Graeci post Grammaticen mox tradiderint Arithmetice, deinde tertio loco proponebant Dialecticem, quarto Geometriam. Videbant enim Dialecticem, initia sumere, ab Arithmetica, et exercitatio multiplicationis et diuisionis optime preparat ingenia ad Syllogismos. Item uis demonstrationum melius intelligi potest, cognita Arithmetica, quia haec habet maxime illustres demonstrationes. Praeterea multi loci in authoribus occurrunt, qui sine hac arte non possunt intelligi. Pythagorici figurate usi sunt uocabulis Arithmeticeis, eaque transfulerunt ad Physicam, et ad moralem Philosophiam: Sic enim Pythagoras Deum definiuit: Deus est excessus maximi numerorum supra proximum numerum, ita uoluit significare, Deum esse unum, et quidem summam naturam. Nam denarium intelligit maximum numerum, huic proximus est nouenarius. Excessus supra nouenarium est unitas. Hoc modo inuoluerunt numeris totam Philosophiam: Et si autem melius est artes proprie tradere,

et non

Et non inuoluere totas figuris, et enigmatibus, ta-
 men interdum etiam alij Philosophi, qui perspicue
 Philosophiam tradere uoluerunt, adhibent exempla Plato.
 Arithmetica, quæ non intelligere turpe est. Plato cum
 dicit, mutari Respub. propter coelestes causas, quæ
 certas uicissitudines rerum efficiunt in ciuitatibus et
 imperijs, inquit: Quemadmodum resistet natura in-
 uocibus, cum sesquitercius fundus iungitur quinario,
 id est, cum $\delta\iota\alpha\ \tau\epsilon\omicron\varsigma\ \acute{\alpha}\gamma\omega\upsilon\ \rho$ additur $\delta\iota\alpha\ \pi\acute{\epsilon}\nu\tau\epsilon$, hoc est,
 cum completa est harmonia $\delta\iota\alpha\ \pi\alpha\omicron\omega\upsilon\ \rho$. Ita cum cir-
 cumsacta est imperiorum periodus, ruunt et mutan-
 tur Respub. Adiecit et causam hanc, quia cum plani
 cubi complentur ad solidos usque, nec enim natura ul-
 terius progreditur, multi dissimiles numeri procre-
 antur: Ita degeneres ciues, qui cum potiuntur Re-
 publica ex prestantioribus orti, euertunt Respu-
 blicas paulatim usque ad periodum. Hic ne uocacula
 quidem intelliguntur sine Arithmetica. Sed hæc utili-
 tates leuiiores sunt, illæ sunt magnæ, quas supra re-
 censui: Quod cum in multis alijs uitæ negocijs hæc
 arte opus sit, tum uerò sine ea ad illam prestantissi-
 mam Philosophiæ partem de rebus coelestibus, nullus
 pateat aditus. Hæc magna et grauis causa est, quæ
 accendere generosas naturas ad hanc artem debet, quia
 qui expectunt solidam doctrinam, et magnis uiris di-
 gnam, omnibus ingenij uiribus contendere debent, ut
 ad cæteras communes disciplinas illam partem de mo-
 tibus et effectibus coelestibus adiungant. Hunc uirum

X V

quæ

qui uniuersam Philosophiam animo complexus, ar-
canas causas plurimarum mutationum in natura, &
hominum uita, & fontes uirtutis, & honestorum of-
ficiorum intelligit, rectè beatum dixerimus, sicut &
Virgilius sapientissimè dixit:

Fœlix qui potuit rerum cognoscere causas.

D I X I.

ORATIO IACOBI MILICHII DE

Dialectica, habita in promotione

Magistrorum, Anno

1 5 2 8.



M V M scholæ consuetudo uobis nota
sit, non arbitrabar mihi opus esse lō-
ga defensione, cur huc ad dicendum
accessem. Imponit mihi dicendi ne-
cessitatem mos publicus, cui si nolim
obsequi, non satis intelligere uidear, quid ad boni uiri
officium pertineat. Atq; utinam, quoniam non suscepi
hoc officium priuato consilio, sed legibus & institutis
sapientissimorum hominū, qui nobis per manus hunc
morem tradiderunt, coactus, plus autoritatis ad uos
oratio mea habeat, quò facilius id quod uolo, persua-
dere uobis possim. Verū est illud ueteris Poëte, Eadē
oratio ab obscuro, & nobili dicta, non idem ualet.
Vos au. em iudi. ab iis hanc non tam meam, quàm to-
tius Senatus Academiæ, in o. legum uocem esse.

EST

Est enim mihi dicendum de ratione ac uia discendi, ac perniciosus quorundam error castigandus, qui ordinem in discendo peruertunt, qua in re profectò & omnium præceptorum uestrorum, & multorum doctorum hominum sententia, uel querela potius, mea tanquam præconis uoce uobis exponenda est. Scitis gradus, quos uocant, à ueteribus institutos Grades a ueteribus instituti, esse, ut præceptores de studijs iuuentutis certis temporibus periculum facerent, & ut iudicio præceptorum hi, quorum profectus probabatur, in alias classes traducerentur. Nos itaque dum hoc tempore horum adolescentium, quibus magisterij titulum concedemus, studia cognoscimus, animaduertimus magnam iuuentutis partem, sine ratione atq; ordine in literis uersari. Vetus hæc multorum bonorum uiuorum querela est, sed quoniam hoc tempore uelut in re præsentì uidi, quàm inutiliter discant quidam, uehementer dolui uicem uestram. quare duxi hoc in loco uos esse uel admonēdos, uel etiam obiurgandos. Nam monuerunt uos hac de re antea sæpe præceptores uestri, sed nescio quo malo fato fiat, ut neq; authoritate illorum, neq; uestre utilitatis respectu moueamini. Quam enim utilitatē aut uos ipsi, aut Respub. ex hoc genere doctrinæ capiet, quod sequi soletis, in quo nulla solida ac firma eruditio inest, & ut de priuata utilitate non dicam, est enim liberalis ingenij, studia ad publicam utilitatem conferre, quid expectare uel consilij, uel opis Respub. ab istis potest, qui cum sine perfecta

**Purpurata
simul.**

Ordo institutis

perfecta doctrina titulum doctrinae tamen habeant, quid aliud quam purpuratae simiae dici queunt? De maximis rebus, de iure, de religione prouocatur ad iudicium eorum, qui docti uocantur. Quid autem iudicabit de obscurissimis controuersijs is, qui non penitus introspexit bonas artes, sed obiter degustauit eas fugiens, uelut canes è Nilo bibunt? Est igitur discendi ratio talis instituenda, per quam earum artium, ad quas contulimus studium, perfectam scientiam consequamur: Id ita fiet, si ordinem quendam in discendo seruabitis. Praclare dixit Xenophon in Oeconomico, nihil ordine neque honestius, neque utilius esse. Cuius sententiae uim cum omnibus alijs rebus experimur, tum maximè in studijs literarum. Vide enim quantum praepostera discendi ratio habeat incommodi: Prius Theologiam aut ius ciuile discunt quidam, quam teneant Dialecticam, et alia Philosophiae elementa: Hic planè, ut Cicero inquit, claudi more pilam tenent. Tractare eas artes, in quibus uersantur, nullo modo possunt, nusquam artium fontes peruide-re, non quae cohaereant, quae dissentiant inter se cer-nunt. Hi cum prodeunt in publicum, et doctrinae opinionem magnificam secum adferunt, hic primum deprehenduntur, hic inscitiam produnt, si quid est definiendum, non uident ubi sit, si quid est partien-dum, omnia unus puluis, si quod nectendum argu-mentum, quam monstrosa forma syllogismi sit? si quod argumentum dissoluendum est, ibi uerò, nisi sola
se impu-

se impudentia tueantur, abiecto clypeo fugiunt. Hic primum poenitet eos neglectæ Dialecticæ: quæ cū sit ars, ut Plato ait, tradendi & accipiendi sermones, unâ tradit uiam & rectè discendi, & perspicuè docendi, nulla sine hoc instrumento ars penitus cognosci aut percipi potest. Nihil igitur isti, nisi histriones meri sunt, qui artem ullam profiteri, nisi Dialecticam teneant, audent. Plato in Repub. spurios philosophos appellat eos, qui sine Dialectica satisfacere se alijs artibus existimabant. Quare sicut spurij non licet hereditatem petere, ita procul ab omnium literarum translatione pratorio aliquo edicto submoueri debebant illi, qui antè irrumpunt in alias disciplinas, quàm hanc artem perceperint. Quidam perlectis præceptis artis, statim se artem tenere putant, qui longissimè falluntur. Vsus quidem adhibendus est, in quo præcepta experiantur, ut discant quomodo arte utendum sit. Sicut non statim pictor est, qui Durerum pingentem uidit, nec Cytharædus, qui uidit Adolphum eruditissimè tangentem fides: ita non putet se Dialecticam calere is, qui nihil scripsit, non disputauit, deniq; qui artem non exercuit. Quæ noua est hæc ingenij fiducia, arrogare sibi scientiam artis, cuius nullum habent usum? Porro cū in omni genere artium consuetudo dominatur, sic enim ait Poëta:

Solus & artifices qui facit, usus erit.

Tum maximam in Dialectica uim habet. Librorum mihi similes isti uidentur, qui præceptis quæ continent.

Definitio
Platonis.

Philosophi spurij qui sunt.

Vsus.

Non exercitati
sunt uelut
mutæ chartæ.

tinent, uti nequeunt. nam cum causam aliquam acce-
 perunt explicandam, nihilo magis ad illam adhibere
 precepta, quam mutæ chartæ possunt. Proinde si
 quis utiliter uersari in alijs disciplinis uolet, is patia-
 tur se prius in his primis artibus exerceri, & ad alias
 disciplinas preparari, & tantisper commoretur in
 hoc genere studiorum, donec ante radices egerint ea-
 rum artium precepta, quas tradimus, donec earum
 sibi ⁱⁿ fecerit, ut quoties usus poscit, sint ad manum,
 ac uelut in numero. Hæc est compendiaria & re-
 cta ad ueram eruditionem uia. Si quis captus splen-
 dore aliarum artium has præteruolat, ut quæ non ma-
 gnoperè ostentari queant, huic planè hoc accidit, quod
 cani Aesopico, qui dum umbram carniū, quod ea
 maior appareat, captat, ueras amisit carnes: quia nisi
 attulerit ad alias artes hoc quod dixi instrumentum,
 fortassis aliquam doctrinæ umbram, solidam uerò do-
 ctrinam non consequetur.

Cuius
 Aesopici.

Elementa
 Philosophiæ.

Dixi hæcenus de Dialectica, quia omnium maxi-
 mè necessariam esse iudico. Porro quid reliqua ele-
 menta Philosophiæ habeant utilitatis, ex eo faciliè in-
 telligi potest, cum Medicina & Iurisconsultorum li-
 teræ sint quædā uelut absolutio & exædificatio Phi-
 losophiæ, quod gradus ad illas artes per hæc prima
 elementa faciendus sit. Hippocrates scribit alicubi,
 Medicum qui sit Philosophus, planè diuinum uirum
 esse. Idem profectò de scientia iuris etiam dici potest,
 quia fontes illarum artium atq; ortus et causa ita de-

mune

num cerni possunt, si accesserit Philosophiæ scientia: adeo summis illis artibus addit Philosophia nō modo lumen, sed etiam dignitatem.

Quanquam autem sacræ literæ non sumant res à Philosophia, tamen quia sermonem à publica consuetudine mutuuntur, sine Dialectica & cognatis artibus, compositio sermonis cognosci non potest. Adhæc cum neminem neq; plura, neq; meliora scire oporteat, quàm Theologum, non conuenit eum aliarum artium rudem esse: ab hoc consilium de maximis rebus petitur: hic censuram non modo de priuatis moribus, sed etiam de publicis legibus agit, quas ad res mihi quidem uberior quædam et locupletior doctrina requirui videtur, quàm uulgo putant: de qua ut in præsentia nō dicā, neq; enim est instituti nostri omnia persequi, tantum hæc ad cōmonēdos adolescentes dico: Quoties de hominis natura ac partibus Theologo dicendum est? At eam rem clarius explicare poterit is, cui notæ sunt nostræ de rerum natura disputationes. Quantum lucis adferet sacris literis, qui Philosophorum doctrinam de moribus cum illis conferet, & ostendet, quæ consentiant, quæ non consentiant? Ego uerò etiam necessariū esse iudico, ostendere utrumq; doctrinæ genus, & interualla certa regionis describere, & fines eorum regere, ut Iurecōsulti loquuntur, ne possit iterum in Christianæ doctrinæ professionem Philosophia trumpere. Quod si fecissent ueteres, non usq; adeo contaminata esset ante hæc tempora doctrina
Ecclesiæ

Philosophia
sacris literis
collata lucem
adfert,

Ecclesiastica? Quid quòd etiam historie cognitione opus est Theologo, in qua ut tempora consentiant, iudicium ex motibus syderum, & ex eclipsibus sumitur, quam ad rem quis non intelligit, quarum artium scientia adhibenda sit? Proinde quid aliud est quàm ἄνθρωπος μυστήρια, qui cum sacrarum literarum interpretes perhiberi uelit, reliquas omnes disciplinas aspernatur. Quare ut finiam, adhortor uos adolescentes, ut iustam operam collocetis in hæc primæ ætatis studia, ut ad reliquas disciplinas instructiores accedatis. Quod si dimidium facti qui benè cœpit, habet, profectò & uos in superioribus disciplinis plus promouebitis, si rectè cœperitis, hoc est, si earum literarum, de quibus dico, scientiam ad eas attuleritis. Hec quamquam sedulò præceptores uestri monent, tamen & ego, quia ita ferebat tempus. iudicavi uobis in memoriam esse redigenda.

D I X I

NECES

NECESSARIAS ESSE AD OM-
 nne studiorum Genus artes dicendi,
 Philip. Melant. Decla-
 matio.

SIMONI GRYNEO SVO PHI-
 lippus Mel. S. D.



SV comperimus, eam esse optima- Artes vulgo
 rum rerum conditionem, ut vulgò se- negliguntur.
 re fastidiantur. Nam cum literis nihil
 neq; melius, neq; pulchrius habeant
 humana, tamen uix paucos, diuino
 haud dubie beneficio nuper restituta, admiratione sui
 cepere: Etenim quod Pindarus optimarum rerum
 aquam, et pulcherrimam possessionem aurum esse ce-
 cinit, nec ille, nisi multitudinis auribus inseruisset, re-
 bus omnibus literas antetulisset: Neq; enim quid-
 quam est, cuius uel usus latius pateat, uel dignitas ha-
 rum amplitudinem superet. At ea est uulgi amentia,
 ut non aliud perinde contemnat, atq; elegantiorum
 literaturam: eamq; cum uiderem hoc potissimū tem-
 pore nostris sordere, breui declamatione laudaui. In-
 stitueram equidem pro eo ac res merebatur ἐπίδειξιν
 copiosiore: Sed cum immorari non liceret, malui
 qualicunq; oratione reuocare in uia studiosos, quam
 causam literarum, ut Græcè dicam, διαγρᾶειν: pla-
 neq; accidit, ut cum amphora, iuxta Poëtam, institui
 Z cœpisset Horatius

cœpisset, currente rota urceus exierit. Verum quid-
quid hoc est operis, tibi mi Simon, propter incredibi-
lem amorem tuum erga meliores disciplinas, dedica-
re uisum est, ut uel tuo exemplo nonnullos ad
literarum studium inuitem.

Vale.

Vuitenbergæ.

DE STUDIO ARTIVM DICENDI

Declamatio Phil. Mel.



Vemadmodum Hesiodo dolet, nescire
mortales, quantum et Malua & Al-
bacum adferre commodi rebus huma-
nis queant, tametsi uiles herbe, ita
nos quoq; non nunc primùm queri-
mur, ignorare adolēcentes, quantū momenti habeant
ad solidam eruditionem parandam dicendi artes, quæ
in speciem nihil profitentur eiusmodi, cui uulgus ap-
plaudat, cæterum utilitate facile res humanas omnes
uicerint. Neq; enim usquam quidquam est in tota re-
rum uniuersitate, unde ad mortales ampliora com-
moda, quàm ex hoc artium genere redeant. Sed cum
earum precium iuuentus ignoret, fit ut plerisque sor-
deant, minimeq; dignæ iudicentur, quibus discendis
operam nauent. Præclarum est Philosophū dici ma-
gnificum, Iurisconsultum audire: Theologico nomine
nihil hoc tempore ad uulgus plausibile est, dicendi
artium.

uiles
a simili,

artium, tanquam Megarensium, nulla ratio habetur. Propterea uisum est, hoc loco ostendere, quæ res maxime nobis earum studium commendare debeant. Atque hic mihi uel Pericleam uim optarim, dum stultam iuuentutem in uiam reuocare contendo, quæ elegantiores literaturam partim errore cõtemnit, quod ad reliquas disciplinas comparandas inutilem esse censet, partim inertia fugit. Est enim et literarum, perinde atque aliarum bonarum rerum ea natura, ut sine summo labore nemini contingant. Notum enim illud est: Difficilia esse, quæ pulchra sunt. Quanquam qui rationem subduxerit, quantulo negotio, quantum lucri faciat? qui commodorum magnitudinem ob oculos posuerit: hunc nullæ res, quantumuis duræ, ab harum artium studio deterruerint, quas, nisi cognoris, ne dici quidem potest, quam infœliciter reliquas disciplinas tractaturus sis. Proinde æquis animis audite, quæ me rationes adduxerint, cur elegantiores literaturæ rebus humanis planè necessariam esse iudicem. Primum, nemo tam uecors est, qui non uideat nobis certamquam loquendi ratione opus esse, qua dilucidè explicemus animorum nostrorum sensa, quacumque de re uel publice, uel priuatim agendum est. Fortasse ridiculum fuerit, hic disputare, quam necessarius homini sermo sit. Nam qui literas contemnunt, neutiquam uideri uolunt homini sermonem adimere, sed orationis cultum adspernantur. Proinde quantum referat certam loquendi rationem teneri, paucis indicabimus. Nam

Propositio.

Argumentum
a definitione.

Z ij qui

qui recte rem aestimare uolet, is intelliget, non ita multum interesse, mutus sis planè, an artem ad dicendum non adhibeas. Neq; enim fieri potest, ut quæ sentis, sic exponas, ut intelligi queant, nisi arte loquendi facultatem & pares & confirmes. Vsu enim compererunt prudentes uiri, nihil esse difficilius, quàm dilacide ac perspicuè de re quapià dicere. Primum enim nisi uim pondusq; uerborū dicendo tueare orationē tuam, quā adsequetur auditor? Nam cū usu, uelut nummi, uocabula probentur, receptis utendum est, quæ, quia eloquentes homines, quasi per manus posteris tradidere, obscuritate uacant. Superiore seculo cum sua sibi quis quæ uerba cuderet, & peregrina Latinis miscerentur, eiusmodi conflatæ est oratio, quæ ne illius quidem ætatis hominibus intelligi potuit: Tantum abest, ut posteritas adsequatur. Quis enim Scotum, aut huius farinæ alium scriptorem hoc tempore intelligat? Deinde uix exercitatisimi præstiterint, nec ubi structuram orationis ac phrasin uiolent: quæ si uitiata fuerit, necesse est orationem obscuriorem reddi. At hīc quàm multa efferunt improprie etiam eruditi? Quoties absurdis, ac ineptis metaphoris sermonem obscurant? Quis enim Apuleium, & huius simias ferat? Sed rectè Apuleius, qui cū asinum representaret, rudere quàm loqui maluit. Postremò, ut uerba phrasimq; satis noris, difficilimum tamen est, suo quæq; loco distribuere, alia deprimere, alia attollere, quædam breuiter adstringere, aliàs euagari libentius, quædam

disimul-

Vocabula usu
ut nummi
probantur.

Scotus.

Apuleius.

disimulare ac tegere, alia promere, ut tanquam inter umbras lumina extent ac emineant.

Est enim eloquentia omnino amplius quiddam, quam tumultuaria uerborum congeries. Verum uideo errore labi iuuentutem, quæ cum nesciat Eloquentiæ cum uim tum naturam, non arbitratur precium aliquod operæ fore, cur eam sibi maiore studio contentioneq; paret, et laudari à nobis professorculis putat uulgari more, quemadmodum sua unguenta solent Pharmacopole: nec optimorum prudentissimorumq; hominum authoritate commouetur, qui ad illius studium una uoce adolescentes, et cōmuni classico inuitant. Miseram hominum conditionem, quando, ut quæq; res optima est, ita longissimè à conspectu nostro recessit, minimeq; agnoscitur. Nec dubitarim ego, quin si oculis cerni posset eloquentiæ dignitas, mirabiles, ut ille ait, amores sui excitaret. Sed cum casu iuuentus, non ratione uiuat, temerario quodam impetu ad ea delabitur, quæ uulgo maxime celebrantur. Quare si quis est non imprudens rerum aestimator, is apud se expendat, primum nihil esse, cuius usus latius pateat, quam sermonis commoda. Omnis hominum societas, ratio uitæ instituendæ publicè ac priuatim, conquirendorumq; omnium, quibus uitam tuemur, deniq; commercia omnia sermone continentur. Deinde persuadeat sibi, neminem appositè, ac dilucidè de ulla re dicturum esse, nisi qui arte quadam, imitationeq; optimorum, et magna cura orationem ea

Eloquentia.

Z iij lingua,

lingua, qua publicè utimur, formari. Quod ubi animadvertitur, haud dubiè nihil prius, nihil antiquius habebit discendis loquendi artibus. Sine enim consilio alij iuvandi sunt, sine docendi, sine tuendū est dogma aliquod, sine de iure, æquo ac bono differendum est, nihilo plus efficias, quàm in scenis mute persone solent, nisi arte elaboratam orationem attuleris, quæ res obscuras tanquam in lumine collocet. Non ignore esse, qui elegantiam à rectè loquendi ratione separant, nec referre putant, modò rem indicent, quam licunque oratione utantur. Quòd si rem propius inspexissent, neutiquam adsciticiū, et supernacaneum ab eloquentiæ professoribus solum requiri iudicaret. Ipsa orationis puritas, nativæque facies elegantia est, quam nisi tueare, non modò non uenuste aut inquitatè, sed improprie, obscure, ac inepte dixeris: Et quemadmodum in fugiendis corporibus eademum elegantia est, ubi iusta proportionem membra omnia inter se consentiunt, si quid secus faciat, monstrosū erit: ita cum germanam orationis speciem nova compositione deformaveris, monstrosam planè ac ineptam facies. Picus in Epistola, qua barbaris Philosophiæ scriptoribus patrocinatur, ludens, credo in adolèsculo argumento, et elegantiam à rectè dicendi ratione separat, et explicari res qualicunque oratione posse censet. Huic equidem nihil succenseo, qui barbariem non magis ex animi sententia tueatur, quàm febrim Favorinus laudabat. Hoc miror, esse quibus

Occupatio.

Picus.

quibus tam frivola argutie seriò persuaserint, nihil referre, quomodo loquamur. An uerò rectè corpus imitabitur pictor, si nulla ratione penicillum regat, si temerè feratur manus, nec ducantur arte lineæ? Ad eum modum nec animi tui sententiam alijs ob oculos posueris, ni proprijs & illustribus uerbis apta uocum compositione, iusto sententiarum ordine utare. Nam perinde atq; corpora coloribus, animi sententiarum oratione representamus. Quare necesse est, dicendo certam aliquam imaginem arte concipi, quæ dissonat inter se tanquam uultus sententiarum. Flagitium est, si quis uia ignaro deuiam semitam monstret. At qui rectè dicendi cura uacant, quoties lectorem à uia abducunt? quoties unius uerbi abusu ludificantur? Non semel imposuere in Philosophia, in sacris literis, solæcismi nostris interpretibus. Quis enim omnium Pauli sententiam in Corinthijs adsecutus est, ubi Grilli isti elegantiae contemptores, uerterunt: Ex multis facierum personis? &c. Quæ Augustinum tempestas aufert, quò minus propositum teneat, in enarrando eo, quod est apud Ioannem, τὴν ἀρχὴν ὅτι καὶ λαλῶ ὑμῖν. Hoc genus extant innumera passim, ubi mediocriter etiam eruditos barbarismi fefellerunt. Adeò non quouis orationis genere Lectori satisfacere, sed cura, studioquæ paranda facultas est, quæ animi tui sententiam perspicuè aliorum oculis subijcere possis, omniaq; commodè, quæ res poscit, eloqui: id est enim eleganter dicere. Quem igitur helle-

Solæcismi
interpretum
scriptura.

Z iiij borum

borum propinamus ijs, qui uenustatem orationis fastidiunt, adeo à communi hominum sensu alienis, ut ne quidem, quid loqui sit, intelligant. Peperit elegantiam necessitas, quòd & barbara omnia incerta sunt, & quæ oratorijs ornamentis illustrata sunt, clarius percipiuntur. Nam in hunc usum adhiberi schemata Fabius scripsit, neq; unquam ueram speciem ab utilitate rectè diuidi sentit. In sacris literis, ut interim prophanas omittam, quid queso desideras Rhetoricorum schematum? At his opinor non usuri erant Prophetæ, si nihil ad rem facere iudicassent. Videtis, quæ ratione uobis eloquentiæ studia commendem, quòd nec exponere, quæ uolumus ipsi, nec quæ de moribus rectè scripta extant, intelligere possimus, nisi certam dicendi normam perdidicerimus. Equidem non uideo, quomodo alijs hominum uice futuri sint, qui nec quæ sentiunt, explicare, nec quod rectè dicitur, adsequi queunt.

Sine eloquentia res humane non consistunt.

Quare ut nulla sit eloquentiæ dignitas, nulla gratia, tamen ea uis est, ut non igni, non aëre, ut aiunt, non aqua pluribus in locis utamur. Quomodo enim consistant res humane, si legum sacrarum & prophetarum patrocinium Eloquentia deferat, si nec publicis, nec priuatis consilijs oratio, quæ intelligi possit, abhibeatur, si res gestæ nullis literis ad posteros transmitti queant? Ecquod uestigium humanitatis in tali Republica reliquum fuerit? Porro ab hac quantulum distabat ætas superior? quum sacrorum librorum sermonem

namque propè nemo iam intelligeret, quotidieq; stultorum Sophistarum arbitrio figerentur, ac refrigerentur sacrae leges. Res gestae illorum temporum aeternis obrutae tenebris iacent: nemo enim erat, qui eis literarum lumen adhibere posset. Disciplina omnes dicendi genere sic obscuratae sunt, ut ne Doctores quidem ipsi, quid profiterentur, satis compertum haberent, Digladiabantur inter se de figuris sermonis Philosophi, tanquam in tenebris Andabatae, nec quisquam à domesticis suis plane intelligebatur. Rectè ille Ἀνάχαρξιν παρ' Ἀθηναίων σολοίνισιν, ἀθηναίους παρὰ σὺνδοαίς. At isti domi suae ἐσολοίνισιν, suamq; singuli didacton mirā libertate comminiscabantur. Iures eis voluptati fuisse, non aliter atq; Heraclito illi, ceteris mortalibus tenebras offundere. Iam cum minimè obscuro sit, quanti nobis eloquentiae contemptus confutit, cur barbariem non abominabimur tanquam nocentissimā pestem? cur non magno consensu è scholis exhibamus? cur ipsi nobis tantisper invidemus eloquentiam, qua nihil melius, nihil amplius in terris hic sol uidit? Haecenus docuimus, quae cogat necessitas certam dicendi rationem sectari ac tueri, quae si quem parum mouet, ei uerè multò iustius asini auriculas Dij addiderint, quàm Midæ. Accedit huc nō contemnendus studiorum eloquentiae fructus, quod earum artium usu, quibus eloquentia cōtinetur, excitantur, erudiunturq; ingenia, ut res humanas omnes prudentius dispiciant, neq; propius umbra corpus asse-

Studiorum
eloquentiae
fructus.

Z V

Etatur

Etatur, quàm eloquentiam comitatur prudentia. De rebus humanis adhuc loquor, de sacris postea. Videbant inter se maiores nostri hæc duo: bene dicendi scientiam, & animi iudicium natura coherere: quare et non inepti quidam orationem esse dixerunt, explicatam animi rationem. Et Homerus Poëta iisdem eloquentiâ ac prudentiam tribuit. Mitto iam alios. Vlyssi, cuius orationem hybernis niuibus comparat, utrumque uno uersiculo adscribit, cum inquit:

σοὶ δ' ἐνὶ μορφῇ ἐπέωρ, ἐνὶ δὲ φρένες ἰσθλαί.

Nec tempero mihi, quo minus recenseam & Latine ab erudito quodam expressum:

Mente uales, iuncta est facundis gratia dictis.

O diuinam sententiam, multoq; digniorem, quam iuuenilibus pectoribus sollicitè inferatur, quàm Delphica aliquot scita. Quid enim spectabat aliud optimus senex, quàm sic inter se copulatas esse prudentiam ac eloquentiam, ut diuelli nulla ratione possint? Atque utinam sibi omnes adolescentes hunc uersiculum propositum putent, quorsum tanquam ad scopum omnia studia sua, rationesq; dirigant, sentiantq; sibi omnem operam, curâ, industriam, cogitationem, mentem deniq; omnem in his artibus parandis figendam esse: quarum Homerus haud dubiè ob eam causam mentionem fecit, quod uideri omnium rerum humanarum, ut sunt, & pulcherrimas et maximè utiles uoluit. Quid in consilio fuisse cœsetis ueteribus Latinis, cur dicendi artes humanitatem appellarint? Iudicabant

bant illi nimirum harum disciplinarum studio non linguam tantum expoliri, sed et feritatem, barbariemque ingeniorum corrigi. Nam cultu perinde ac plerique sylvestrem indolem exuunt, mansuescunt ingenia, circuranturque.

Duae sunt autem causae, cur recte dicendi studio animi iudicium acuatur. Prior est, quod qui pijs artibus operam dant, ad eiusmodi scriptorum exempla se comparent, necesse est, qui in maximis rebus gerendis, ac tractandis uersati, summam prudentiam usu consecuti sunt, quorum commercio fit, ut nonnihil iudicii contrahant Lectores, et tanquam qui in sole ambulant, colorentur. Solet enim iuuenilibus ingentis exemplar aliquod recte dicendi, sentiendique proponi, unde et uerborum uim, et orationis structuram et explicandi figuras discant: Nam et dicendi rationem, perinde ac ceteras artes imitatio adiuuat. Neque enim uerisimile est, pingendi arti tantum ab Apelle uenustatis, gratiaeque adijci potuisse, nisi fingendorum lineamentorum rationem multo ante ostendissent illi, qui primum, *μονοχρώματα*, deinde *κατάγγραφα* pinxerunt. Sic et ex optimis scriptoribus concipienda est certa quaedam et dicendi et iudicandi ratio *καὶ ἰδέα*, quam sequaris, quacunque de re differendum fuerit. Proinde qui disertos scriptores in manibus habent, secum expendant, quid in quouis potissimum mirari, laudare, imitarique deceat. Primi omnium sunt, ad quos cognoscendos inuitatur iuuentus, Poetae Poetae ac Hi-

I.
Lectio.

ac Historici: quos qui uoluptatis tantum causa, perinde atque in conuiujs Cytharistras accersunt, nã illi summorum hominum estimationem grauitè ledunt, Nam et prodesse illi uoluere, & bonas mentes optima potissimum delectant. Est ita ab illis & dicendi forma petenda, & obseruandum quid de communibus rebus uerè iudicauerint. Sæpe ridere soleo Græcorum Grammaticorum uulgus, qui ad Physiologiam totum Homeri carmen referunt, mireq; sibi placent, cum noua metamorphosi belli nugatores ex Ioue æthera, ex Iunone aërem faciunt, quæ ne per febrem quidem unquam somniaturus erat Homerus. Quanto satius fuerat ea ostendi, quæ ille lectoribus propriè admirationi esse uoluit: proprietatem ac lucem in explicando carminis *οἰκονομίαν*, cum uaria consilia, uarios casus miro ordine recenset, cum aptas occasiones nouis euentibus accommodat, quanta decori seruandi cura, quanta sit item uerborum ac figurarum copia, uarietasque ijs locis, in quibus detineri lectorem uolebat. Vides, quàm minimè frigida sit aut ieiuna seditionis descriptio, in secundo Iliados. Nam & motus eius occasionem, & ipsum uulgi furorem, & seditiosas quorundam conciones, qui multitudini frigidam, quod aiunt, suffundebant, & Thersitæ mores, morumq; argumentum, formam, duas item grauissimas eorum orationes, qui multitudinis animos sedabant, in quibus uehementior est Vlyssæa, lenior Nestorea, bone Deus, quàm perspicuè, quàm grauitè tractat: nec rectè dicendi

Quid in Homero obseruandum.

Seditionis descriptio.

cendi archetypum facile usquam reperias hoc loco
 absolutiorem, cuius elegantiam uirtutesq; omnes is
 demum propius cernet, qui imitari & exprimere sty-
 lo conabitur. Caue enim putes Homerum temerè à M.
 Cicerone planè Oratorem uocari, aut inconsultè scri-
 psisse Fabium, excellere hunc Poëtā Oratorijs omni-
 bus uirtutibus. Iam quæ scena res humanas uerius re-
 præsentauit, quàm Homeri carmen, ut fieri nequeat,
 quin obiter & rerum admiratione tangamur, quum
 dictionem consideramus. Offerunt sese ultro spectan-
 da morum exempla, Principum uulgiq; affectus, uà-
 ria rerum gestarum consilia: quibus nisi erudiri ani-
 mos Arcesilaus sensisset, nunquam amasium suum Ho-
 merum uocasset. Mihi quidem omnium quæ homi-
 nū ingenia peperêre, nullum prudentius Homérico
 scriptum extare uidetur. Nec dubitarim adfirmare,
 quod Horatius censuit, Homerum, quid rectum, quid
 utile sit, melius Chrysippo et Cratone docere. Quæ-
 so quī, potuit Regum temeritas festiuus notari, quàm
 cum fingit somnio cōmotum Agamemnonem, uniuer-
 sum exercitum Græcum in discrimen adducere? Con-
 stat enim quàm ob friuolas causas nōnunquam omnia
 misceant Principes. Quid in Achyllis clypeo? nonne
 rerum elementa, & clarissima sydera, præterea ho-
 rum positus etiam ac meatus graphicè descripsit,
 unde postea & Philosophi dimetiendi cœli rationem
 accepêre? Nam & eodem loco circumagi Arcton in-
 quit, nec unquā occidere, & è regione illi oppositum
 esse

Optimus Ora-
 tor Homerus.

Temeritas
 Principum.

Achyllis clype-
 us in quo syde-
 rum nomen
 clatura,

Part.
Bellum.

esse Oriona: qua sententia bonam Astronomie partem complexus est. Quid, quod ibidem, et pacis comoda et belli ærumnas inter se confert, cum duas urbes, alteram pace florentem, alteram bello uastatam depingit? quò magis inuisum, opinor, bellum, rem perniciosissimam, optimo cuiq; faceret. In pacata urbe nuptijs locus est, exercentur iudicia, aguntur cause, admirationi sunt Oratores: In altera iugulantur liberi, silent leges, mutum est forum, postremo miseranda est omnium ciuiliū rerum uastitas. Quid cedit potuit hoc commento excogitari prudentius? Neque enim plures Homeri locos hîc attingere uisum est. Tantum hos indicaui, ut studiosis adolescentibus fides facerem, bonorum scriptorum cognitione, non os tantum ac linguā, sed pectus etiam formari. Id opinor in consilio quondam Græcis fuit, cur Homerum familiarissimum esse suis hominibus uoluerint. Solon enim et Pisistratus lege constituerunt, ut illius carmen ordine digereretur. Nam aureo illo seculo adhuc suarum partium Principes esse sentiebant, præstare, ne quod utile scriptū intercideret. Nunc regium nihil est nisi idem sit ἀμύσσοι. Mox institutum est, ut à Rhapsodis seu Homeristis, publicè in theatri decantaretur Homericum poemā, ut diuino carmine iuuenum aures assiduò personarent, essetq; semper in promptu rectè dicendi, iudicandiq; regula. Fœlicissimè cū Homero certauit ex Latinis Virgilius, planeq; par nisi fallor, utriq; laus, siue dictionem spectes, siue sententiarum

tentiarum grauitatem, debetur. Quid tragici, quàm multis exemplis Tyrannorum mores & fata propo-
suere? Quid comœdia, nisi priuata uitæ speculum? In
uniuersum quid præstare studiosis poetica possit, indi-
cauit Fabius. Ego figurarū copiam præcipuè nostræ
orationi suppeditare uideo, uarietateq; rerum ania-
mos tum erudire, tum delectare.

Historia iudicium formari, dicendiq; facultatem Historia
augeri Demosthenes censuit, cùm Thucydidem adeo
familiarem sibi fecit, ut octies etiam descripserit,
Amavit & Xenophontem Cicero. Et cùm uniuersa
sa historia πολιτεία quædam sit, uarias constituen-
darum rerum publicarum formas adumbrat. Nam ut
hic nihil aliud dicam, quid admirabilius est τῶν πόλε-
ων collatione apud Herodotum, ubi Persarum Sa-
trapæ alij ἀναρχία, alij ὀλιγαρχία, alij μοναρχία
et probant? Quo loco uides grauissimum scriptorem
morbos omnes, uitiaq; ciuitatum, uelut in tabula de-
pinxisse. Verùm nemo tam imprudens est, qui nō hoc
consilio animaduertit conscriptas esse historias, ut
omnium humanorum officiorum exempla tanquam
in illustri posita loco cernerentur. Quæ si nihil ad
erudiendos excitandosq; mortalium animos condu-
cunt, quid fuit, cur Scipio senserit, se clarorum uirō-
rum imagines intuentem, ad uirtutem accendi? Ora-
tores cùm Respublicas administrarint, & in iudicijs
uersati, de iure, æquo ac bono tam multa differuerint,
consentaneum est, pleraq; utiliter monere. Quis enim

Philo-

Philosophia moralis locus est, quem non attigerint Demosthenes ac Cicero? Optimam *ποδίσιαρ* nemo Philosophorum sic *ἐὼργάσασθαι*, ac illi in actionibus suis, cum in improbos, ac seditiosos ciues, tanquam ferrum, stylum stringunt; cum aduersus hostilem uiam Respublicas consilio muniunt. Quid de pace popularius ueriusq; excogitari potuit, quam quod in ea oratione, qua legem agrariam dissuadet, Cicero dixit? Quid ciuilius ea legum praedicatione, quam ex Demosthenica oratione *ναὶ Ἀγιστογέστορος* Iurisperiti in suos commentarios transfudere? Sed quorsum attinet hic prolixius scriptorum *ἐννόμιον* texere? Quam ipsi periculū facite, quid ex classicis quisq; praestet, quanta perspicuitate gratiaq; omnia explicet, quam praedenter omnia colligat, quae ad institutum pertinent. Nisi enim ad horum imitationem te componas, profusus desperanda est recte dicendi iudicandiq; facultas. Superest, ut indicemus ex altera causam, cur eloquentiae studijs iudicium acui statuerimus. Id uero fit, quod bene dicendi cura per sese uegetiorem animum reddit, ut quid in quaque re maxime conueniat, aut profit, rectius perspiciat. Nam ut corporum robur exercitio confirmari uidemus, ita fieri nequit, quin obbeſcant eorum animi, qui nullo ingenioso labore exaltantur. Nemini dubium est, quin multum condonaret honorum scriptorum lectio: Verum nisi ad illam scribendi dicendiq; consuetudo accesserit, neq; prospicere satis acute poteris illorum sententias ac *ἀντιπαρα*, neq;

II.
Stylus.

neq; animo certam iudicandi commentandiq; regulam concipere. Propterea ad comparandam, tum loquendi, tum iudicandi facultatem, nihil perinde necessarium est, atq; styli exercitium. Quid enim aliud uolebat Afranius, cum fingeret usu patre sapientiā prognatam esse, quā assiduō dicendi cōmentandiq; studio animum expergefieri ac erudiri? Reliquit in eam sententiam, dignam memoria posteritatis uocem

Afranius.

Anaxagoras τὴν χεῖρα σοφίης ἀντίαν ἵναί, quod uidebat artes omnes usu comparari, otioq; ingenia serē sterilefcere. Nam ut mechanicas artes experiundo discimus, neq; quisquam tam demens est, qui se mox Appellem fore confidat, ubi penicillum primū in manus acceperit, ita multo usu assuefacienda mens est, ut sese acrius in omnia intendant. Itaque tantū stylo

Anaxagoras.

tribuit Marcus Cicero, ut optimum & prestantissimum dicendi effectorem ac magistrum esse scripserit, solitusq; sit perocium, aliās ē Græcis Latina facere, aliās noua cudere, aliās declamare, qua industria & ingenij uim, ac uigorem tuebatur, & locupletabat facundiam. Sic enim de se ipse in Bruto, ne quid temerē comminisci uidear. Nos autem non desiste-
mus, cum omni genere exercitationis, tum maxime stylo, nostrum illud quod erat, augere, quantumcunq; erat. Demosthenes aliquandiu meditandæ orationis causa, se in specum quendam abdidit, feruntq; pertinacissimē fraudato genio lucubrare solitum. Est-
quē Plutarchus author, lucernis noctu usum esse adsi-

Cicero.

Demosthenes.

A 4

duis,

Studioſi inepti

duis, donec quinquageſimum annum attigit. Didicerunt enim uſu prudentiſſimi homines, quàm non uulgaris artificis ſit, dilucidè apteq; dicere. At ex noſtris iuuenibus quotuſquiſq; uel perpetuo decennio unum aliquem uerſiculum ſcribere inſtituit? Pleriq; compendiariam uiam ad conſequendam eruditionem eſſe cenſent, ſi quam plurima audierint, aut legerint. Itaq; alij totos dies ſurſum ac deorſum currunt, ſcholas omnes perreptant, præceptores paſſim audiunt, miranturq; non intellectos, dictata excipiunt, uncialibus literis elenchos commentariorum notant, minio illuſtrant. In precio ſunt interpretes, qui quàm plurima dictando tempus extrahunt, nec quiſquam ſenſiſſe præceptorè emerit, qui ab hac cōſuetudine, uel tranſuerſum unguem diſceſſerit. Rurſum alij domo nuſquam pedem proferunt, libriſq; ſe tanquam piſtrino cuidam addicunt, chartas uoluunt ac reuoluunt, beatos ſe putant, ubi quotidie magnum numerum chartarum percurrerint. An non utriq; miſeri uidentur, cum tanto labore, tantaq; ualetudinis iactura deſipere tantum diſcant? Primùm enim niſi ſtylo excitetur animus, per ſeſe hebeſcit: deinde cùm immodica ſe, uel auſcultatione, uel lectione obruunt, ingeniorum aciem, ſi qua contigit, obtundunt. Iam et iudiciij inopia ſit, ut ſerè peſſima quæq; cupidiſſimè audiant, ac longant, nec non multa peruagentur. Quos ſi quis cenſum reuocatos interroget, quid hac diſcendi ratione ſequantur, quis finis, quæ meta animo propoſita

sita sit, intelligent, non aliter ac mente captos, quid
 agant nescire. Nec enim uel sententias, uel sermonem
 scriptorū obseruant, cum imitandi cura uacent. Tan-
 tū oculis auribusq; negocium faciunt, animus inte-
 rim Epimenideum quendam somnum dormit: et cum
 nullum certum exemplar exprimere studeant, fit, ut
 et dicendi et iudicandi ratio deprauetur. Gratula-
 tur sibi Demosthenes apud Athenienses dicturus, quod
 ipsi per sese, quæ optima sint cernant. At nos styli ex-
 ercitiū prædicamus his, qui nunquam periculum
 rei fecerunt, nec commodorum, quæ secum hæc exer-
 citatio adfert, uim amplitudinēq; , uel per transen-
 nam uiderunt: quod magis metuo, ne parum fidei ha-
 beat oratio nostra, cum stylo tantum tribuimus. Ve-
 rum si quis est nō planē iniquus Musis, is apud se ex-
 pendat, quæ ueteribus docendī, discendīq; ratio fue-
 rit, qua disciplinæ omnes non tantum illustratæ, sed
 etiam auctæ sunt. Pauci in ludis literarijs authores,
 sed hi optimi proponebantur, quos imitaretur iuuen-
 tus. Et quemadmodum de re rustica præceptum est,
 ne maior fundus sit, quàm qui coli probè possit, ait
 enim Virgilius: Laudato ingentia rura, Exiguū co-
 lito. Sic illi cum uiderent, nec perdisci, nec exprimi
 posse multos fœliciter, turbaq; scriptorum confundi
 potius, quàm erudiri iuuenilia ingenia pauciores ad-
 mittebant, quos sibi studiosi quàm familiarissimos fa-
 cerent. Declamabatur item adsiduò: scribebant aliq̃
 uersus, aliq̃ solutam orationem. Et quia inter se bene

Veterum do-
 cendi discen-
 dique ratio

dicendi studio certabant, cura sollicitudoq; iudicium acuebat. Quo instituto, cum nullum iucundius erat spectaculum, tum nihil priuatim aut publice utilius fieri potuit. Nam ex huiusmodi ludis prodire clarissimi superioribus seculis homines, Græci ac Latini, pleriq; etiam Christiani: quos si imitari studerent nostri, bone Deus, quantò res humanæ magis florerent, & sacræ literæ foelicius tractarentur? Porro cum ueteres tantum operæ in exercendo stylo posuerint, cum nec eruditio, nec eloquentia mediocris citra hoc studium parari queat, cum intelligi non possint, quæ ab alijs prudenter scripta sunt, nisi ipsi styli usu ingenia excitemus: Sinite quæso à uobis impetrari, ut stylo nonnunquam uestras uires experiamini. Rem postulo non perinde difficilem, atq; salutarem: neq; enim aliunde studijs uestris amplior accessio fiet. Cudes autem & uersiculos, & solutam orationem: uideo enim putidiusculè dicere quotquot poëticen non attigerunt, planeq; humi repere, nec uerborum pondus, aut ullam figurarum uim tenere. Iam cum asperæ confragosasq; compositiones multò sit facillimum in uersibus deprehendere, sit, ut qui carmen condunt, de solutæ orationis numeris rectius iudicent. Et haud scio an de literis omnibus actum sit, ubi poëtice fastidiri coeperit. Fit enim, ut ornatus splendorq; uerborum nullo in precio sit, minore cura scribatur, oscitantius legantur omnia, rerum inquirendarum studium frigat. Quare & Romanis temporibus poëtice contemptum

Pœtica.

temptum incredibilis inscitia rerum omnium, infantiaq; secuta est. Et nuper adeo, cum nostri homines uersiculos facere coepissent, cum literis melioribus in gratiam rediêre. Nec uideo ego conseruari posse, quicquid illud est elegantiae, quod hoc seculo reflo-ruit, nisi exercendo stylo carmen iuuentus meditetur. Sensit & M. Cicero facundiam uersibus scribendis ali, eamq; ob causam & saepe scripsisse carmen, & Poëtarum perstudiosum fuisse constat. Vidit posteri- tas pleraq; eius epigrammata, extantq; hodie loci a- liquot illustrium Poëtarum ab ipso Latinis uersi- bus luculentissimè expositi. Plinius Orator editis eti- am poëmatibus testatur, hoc studio dicendi uim adiu- uari. Proinde qui discendo bonas horas benè colloca- re uolent, ueterum exemplum imitentur, styloq; ut Quintilianus ait, fideli & facundiam parent, & iu- dicium acuant. Vehementer enim falluntur, si quid si- ne hac exercitatione promoturos se in literis sperant. Mare uitem citius ferat, quàm eruditionem, aut dicē- di facultatem consequatur is, qui tanquam Man- dragora sopitus, nunquam incalescit, ut ingenium commentando expergesciat. Exposui quae me ratio- nes ad artium dicendi studium inuitent nempe quod

& certa dicendi ratio obseruanda sit, & harum ar-
artium usu studiosis nonnihil iudicij accedat. Quae si
quis ad se nihil pertinere sentit, is haud dubiè ab o-
mni humanitate longissimè abest. Contrà boni, ubi
commodorum uim, quae ad nos à sermone redeunt,

Epilogus.

Aa iij con-

Confutatio.

Theologastri.

contemplati fuerint, animaduenterintq; , & certa ratione dicendi opus esse, & his artibus ingenia cultiora reddi, uelis, ut aiunt, ac remis ad hæc studia properabunt. Verum sunt non parum multi, præsertim hoc tempore, qui bonorum cursum morantur; hi ad Theologicarum literarum tractationem negant dicendi artium scientiam conducere: cœpitq; hic error, ceu contagione quadam latè uagatus, plurimos, qui ne non ualdè Theologicari uideantur, humaniores disciplinas omnes contemnunt. Ego uerò serio illos Theologicari optarim, eaq; præstare, quæ Christianam mentem decent. Nunc uideo Theologicum nomen ignauia tantum prætexi: ceterū nihil minus esse, quàm quod profitentur.

Nam dum piget elegantiam discere, seq; difficilioribus scriptoribus euoluendis, exercendoq; stylo macerare; neq; enim ullarum literarū cognitio sine acris studio contingit, si quando domum benè poti rediēte, canciunculam aliquam legunt, inde ubi decerpserint, quæ ad stomachum faciunt, passim in conuiujs, nam ibi potissimum sapiunt, declamant: & quia uulgus applaudit, iam uerò sibi tantum non absolutè Theologi uidentur, cum de grauissimis rebus obsceni homines, impuro ore, nulla religione disputent. Et cum uetet Paulus *καπηλεύειν λόγον θεῶν*, nemo impudentius cauponatur uerbum Dei, quàm hi, qui cum nec moribus, nec eruditione bonis se probare possint, uulgi fauorem, impia sectarum literarum tractatione ementur.

rentur. Quid multa? uideas eos aspernari literas nostras, quibus res bonæ honestæq; omnes, quibus pietas, quibus mores publici, imò quibus Christus ipse fabula est. In quos, si benè constitutam haberemus Rempub. non nos oratione, sed ui Magistratus animaduertere. Quam enim crucem nō merentur hi, qui ut præterea nihil peccent, exemplo suo iuuentutem à literis auocant? Quæ nisi discantur, posteritatem sumus habituri nihilo saniores superioribus seculis, cum literarum imperitia res omnes humanas ac diuinas labefactasset. Quin igitur sic cogitamus, olim cum grauissimè succenseret Ecclesiæ Deus, creptas esse literas, secuta est & sacrarum inscitia. Nam cum nostris uerbis loqui Deus uoluerit, de sermone diuino inèptè iudicauerint imperiti artium dicendi. Porro quæ illis temporibus cecitas mentes hominum tenebat? Christum quotysquisq; norat? Imò chartæ iam obsoleuerant, quibus continebantur sacra. Articulos Parrisij condebant, quos interim mundus, tanquam diuinas leges adorabat: Pium nihil erat, nisi quod illi somniassent. Et belli homines, cum literas nullas tenerent, unde sapere discerent, fatuam illam sophisticen pepererunt, cooperuntq; rixari de commentitijs uerborum compositionibus, ne nō rhetoricarentur, quid intersit inter hæc, Papam uidi, & uidi Papam, extatq; hodie articulus Parrisiensis, Ego currit, malè latine dici, hæreticum esse quisquis dissenserit. Satin uidentur ultæ contumeliam literæ neglectæ? Quis e-

Literarum impericia iræ Dei exemplum.

Articuli
Parrisiensis.

enim credat cerebrum fuisse talium nugarum authoribus? Hæc uerò calamitas magna ex parte literarum inscitie imputanda est: non enim patebant sacra, tanquam interclusa uirgultis ac frondibus, unde mentis rectè erudiendæ ratio peteretur, negligebantur & deserti scriptores, qui monerent humana. Quantò tolerabilius fuerat, pestilitate aut annonæ caritate plecti Ecclesiam, quàm tanta amentia? Planeq; mihi persuadeo, certum esse diuinæ iræ exemplum, si quando mundo literæ eripiuntur: Nam reliquis poënis pij quorūque non rarò mulctantur: At literarum inscitiam publica comitatur impietas. Nuper uerò cum respicere afflictos iterum cœpisset optimus Pater, essetq; rediturus nobis Euangelium, pro sua liberalitate & literas restituit, quibus Euangelij tractatio adiungetur. Nec magis nouum uideri debet donum linguarum Apostolis collatum, quàm quòd hæc à tanto squallore receptæ, ex tenebris plusquam tartareis in lucem reuocate sunt. Nec in obscuro est, bonis quibusdam uiris auxilio fuisse literarum scientiam, in Theologia restituenda. Primum itaq; ingratus fuero, celeste donum adspernari, deinde cum beneficio literarum restituta sint sacra, impij simus, si nullam harum rationem habeamus, sine quibus stare res Theologica non potest. Et ut paucis exponam, quid iudicem ad sacrarum literarum tractationem conferre linguarum scientiam, non sum in eo errore, ut humani ingenij industria sacra penetrari statuam. Sunt in sacris,

que

que nisi monstrante Deo, nemo unquam cernit: nec innotescit nobis Christus, nisi doceat Spiritus Sanctus. Sic enim Christus ipse inquit, à Spiritu se doctus. Verum præter prophetiam, uis uerborum cognoscenda est, in quibus tanquã in sacrario quodam, diuina mysteria recondita sunt. Quid enim si non intellecta uerba magico more pronuncies? nonne surdo fabulam? At de sermone iudicare nemo rectè poterit, nisi qui rectè dicendi rationem perdidicerit. Quid enim magis proclive est, quàm uerbo aliquo aut schemate falli? Nuper quidam ex magistris nostris, cum enarraret ea, quæ Melchisedec in Genesi prodita sunt: Rex Salem panem ac uinum obtulit: non animaduertens, Salem loci nomen esse, multa de condimenti uis ac natura differuit: Imposuit enim bono uiro uocum affinitas. Nam oscitantius omnia legunt, qui ingenium dicendi artibus non exercuere. Deceperunt et eruditos figure, adeò nulla exercitatio dicendi ac scribendi satis cautos facit. Interrogabat me pridem doctus quispiam homo, ecquid sibi uellet Paulus cum inquit in epistola ad Timotheum: Saluatur mulier per filiorum generationem, si in fide permanserint (nam Græci plurali numero uerbum extulere) Ego cum non haberem quod aptè responderi uideretur, commentarios consulo. Ecce uobis Chrysostomum quàm bellè nugatur, cum uerbum *αἰώνιος* ad sobolem refert. Quod quàm non conueniat sententiæ Paulinæ, facile est iudicare. Nec uidet senex ille Synthesin esse

Salem.

αἰώνιος.
Paul.

Grammaticam, cum uniuersum sexum plurali uerbo complectitur. Similia horum exempla non rara suppedidabit quotidianus scriptorum usus. Postremo quam aliam ob causam Sophistæ sacris libris ablegatis, nouum Theologiæ genus reperere, quàm quod illorum sermonem, & differendi rationem non assequerentur? Quorum exemplum, si quem à barbarie non deterret, is sustuario, non oratione castigandus est; nam si perrexerit iuuentus bonas literas continere, haud dubiè futurum est, optimis neglectis, ut rursum sacræ bonæq; res omnes pessum eant: Fallitur enim quisquis uerbis tantum, non etiam mente barbaros fuisse Theologastros istos censet. Iam si quando Ecclesiasticum dogma tuendum fuerit, quid quæso præstabit is, qui quid sentiat, explicare non potest? An confusaneam aliquam ac Stoicam orationem afferet, in qua de uerborum interpunctione rixetur? Ab hoc auditor cum expectarit perspicuam sacri dogmatis translationem, perinde ac hians coruus discedet, diu frustra molestus distinctionibus fatigatus. Itaq; quos pietatis tenet studium, ij uel Christo, uel publicæ necessitati Ecclesiæ hoc præstent officij, ut rectè loqui discant. Videt huc etiam Paulus, cum in Corinthijs linguarum studium probat, cuius auctoritas merito apud uos ualere debet, quibus in ore tam multus est. Indicaui paucis, quid ad literarum prophanarum ac sacrarum tractationem conducat, rectè dicendi scientia. Nunc uestrum est cum elegantiore literatura in-

gratians

Oratio.

gratiam redire, eamq; cupidè amplecti. Video plerosque intempestivè properare ad grauiiores, ut uocant, disciplinas, quosdam ad Iura discenda, ad Medicinam spes quæstus rapit, alij ad Theologiam contendunt, priusquam robur aliquod fecerint in studio artium dicendi. Qui si suo quæq; ordine aggredierentur, bone Deus, quanto rem foelicius gererent? Nunc male tentato compendio ipsi sese morantur.

Fuit apud nos Morio quispiam, qui in heri culi- Moriones.
nam ex more ligna ferebat; Is solitus est ex infima strue, ea reuellere, quæ moueri sine magno negotio non poterant: Interrogatusq; cur id fieret, respondit, se difficillimam laboris partem primum cōfecturum, summa illa facilius moueri; nec uidit quantum referret, singula ordine tollere. Huius mihi persimiles uidentur, qui fastiditis his artibus, ad sublimia prouolant. Nam & augetur discendi labor, & incommodius omnia tractantur, cum nondum sint perpoliti primis rudimentis. Deum immortalem, quàm infœlíciter cessit maioribus nostris præcipitantia? Nullum genus artium superioribus seculis non foedè conspurcatus est ab his, qui cum elegantiores literas non attingissent, in optimas quasque & grauißimas disciplinas tanquam in rosas porci irruerunt. Theologia stultis & impijs quæstionibus prorsus obruta est. Qui Philosophiam professi sunt, ne nomen quidem artis satis intellexerunt. De iure, æquo ac bono fieri non potuit, ut quidquam sani cōmimiscerentur hi, qui elegan-

elegantioris literaturæ rudes erant , quod & ipsum
 disciplinæ genus ex medijs humanitatis artibus deri-
 uatum sit, & ueterum Iurisconsultorum literæ plene
 sint priscae, utæquæ eruditionis. Neque nunc ego ser-
 monis spurciciem tantum in artium professoribus ac-
 cuso , sed imprudentiam , à quo se uitio adserere non
 possunt, quorum ingenia dicendi artibus non sunt ex-
 culta. Quare non cesso uos adhortari ad elegantie
 earumque artium studium , sine quibus disciplina
 reliquæ non possunt non infœlicissime tractari, quod
 à uobis par est , ut uel publica necessitas impetret.
 Nam ubi disciplinas grauiiores uitari barbaries, pe-
 riclitari solent & hominum mores. Est enim multo
 uerius hoc , comparari mores ex doctrina,
 quàm quod Plato scripsit, ex Mu-
 sicorum canti-
 bus.

D I X I.

DE UTILI

DE VTILITATE STVDIORVM

eloquentiæ, Oratio Georgij Sabini, habita
in Gymnasio Francofordiensi.

Anno 1538.

CLARISSIMO VIRO, CVM GENE-

ris nobilitate, tum uirtute præstanti, D.

Eustachio à Schlieben, patrono suo,

Georgius Sabinus.

S. D.



MAGIS studijs quorundam amiconum, quàm meo iudicio factum est, ut ederetur oratio, quam de eloquentiæ exercitijs ac laudibus more scholastico habui: Videbam enim multò esse tenuiorem, quàm ut responderet argumenti magnitudini. Quæ enim ars alia tantas ad uitam utilitates adfert, quæ res maiores gubernat, quàm eloquentia? Explicat religiones, regit uniuersam togatam administrationem, dominatur in iudicijs, in curia, in Principum consilijs, & infinita negotiorum uarietate: Sæpe etiam bella, & stantes in procinctu acies dirimit. Itaq; præclare Ouidius, cum ad Mercurium inquit; Pacis & armorum Deus arbiter, significat, eloquentiam & in pace res maximas regere, & sæpe bella ac populorum tumultus sedare. Tantam facultatem pro dignitate laudare, nō est mediocrium uirium.

Eloquentiæ
uis.

uirium. Ego autem de me illud multo uerius predicare possum, quod de seipso inquit Ouidius.

Inuidiam spacijs natura coërcuit artibus.

Ingenij uires exiguasq; dedit.

Quare mihi ueniam dari peto, quod suscepto grauissimo argumento, tam tenuē Oraciunculam sine motibus sine splendore aliquo cōposui. Nam si quia est in editione culpa, amicorū est, quibus tamen eo minus repugnaui, quia arbitror omnes in hoc genere exhortationes prodesse iuuenibus, præsertim hoc tempore, cum languescant hæc studia, non solum fatalibus causis, sed etiam hominum ignauia. Et Homerus inquit, ἰπὲρ μοῖραν. Quare omnes boni uiri, maximeq; illi, qui tenent Respub. et qui studijs iuuentutis præstant, excitare debent adolescentiam ad has artes colendas, atque amandas, quibus carere Respub. nullo modo potest. Quales tenebræ in religione, qualis barbaries in iudicijs et negocijs civilibus futura est, amisso literarum elegantiorum et eloquentiæ lumine? Facile igitur patior extare hanc meam qualemcunq; exhortationem.

Cum autem usitato more patronum aliquem huic scripto quærerem, multæ cōcurrerant iustæ causæ, ut tui nominis auspicio ederem, quem scio maxime et studijs, et laudibus eloquentiæ fauere. Et si enim abundas ingenij et fortune ornamentis, tamen his ingens decus addit eloquentia tua, et cetera illustriora efficit. Nam cum natura te ad hanc artem omnium re-

ginam

ginam finxerit, cumque doctrina excultus sis, magnam tibi laudem, magnam admirationem, dicendi facultas parit, non solum in patria lingua, sed etiam Latina, Eaque in re illud inprimis gloriosum est, quod tua eloquentia patriæ præsidio est. Deinde hanc nostram Academiam auctoritate tua apud illustrissimum & clementissimum Principem Marchionem Electorem præcipuè tueri soles: Me quoque singulari comitate adiuuas. Quare hanc ad te Epistolam publicè scripsi, primum, ut omnes intelligerent te à nobis, & propter egregiam erga literas uoluntatem, diligere, & obseruari: Deinde, ut hæc ipsa studia nostra tibi commendarem. Itaque si officio meo delectaberis, præclare me hoc munus collocasse arbitror. Peto igitur, ut pro tua excellenti humanitate, & hoc meum officium specimen esse grati erga te animi statuas, & me tuo fauore atque auctoritate, in hac publica functione defendas: Est enim iustissimum, eloquentiæ studia, ac professores ab ijs defendi, atque ornari, quibus eloquentia summam dignitatem atque auctoritatem in Republica parit. Benè ac foeliciter uale.

le. Francofordiæ ad Oderam, Calen-

dis Nouembris,

Anno

M. D. XXXVIII.

NON



ON ignoro quantum onus suscipiat
is, qui eloquentium scriptorum enar-
rationem instituit. Etenim non solum
genus sermonis ei notum esse oportet,
sed etiam exponenda sunt autho-
rum consilia, multa ex historijs omnium temporum
repetenda: Deniq; ut accomodet ad usum, interpres
non rudis esse debet Reipublicæ. Hæc cum per sese
ardua sint, mihi nouitas ipsa & negocij & loci, multa
tò reddit ea difficiliora. Nam antea nunquam in pu-
blico cœtu docui, & fieri nequit, quin recens hospes
huius Academiæ, magis metuam iudicia uestra. Omni-
um oculi in nouos hospites intenti sunt, multoq; iu-
dicant de eis morosius, quàm de notis et familiaribus.
Itaq; magna in solitudine esse cœpi, postquam hæc
prouincia mihi ab illustrissimo Principe nostro Ele-
ctore mandata est, uosq; magnoperè oro, ne fiducia
ingenij, aut doctrinæ singularis à me expetitam esse
existimetis: sed quodam amore patriæ hic potissimum
uiuere malui, & si quid cõtigit ingenij aut industriæ,
conferre potissimū ad patriæ utilitatem. Quare nō ar-
rogantia, sed quodā probabili consilio, seu studio pos-
tius à me expetitum esse hunc locum putetis: uobisq;
initio polliceor, mihi non defuturam esse diligentiam
in ullo officio, quod à modesto & tranquillo hospite
requiri potest. Academiæ authoritatem maximi fa-
ciam, professorum beneuolentiam, quibus potero offi-
cij, tuebor, perficiam etiam, ne ciues in me humani-
tatem

tatem desiderent. Hanc meam uoluntatem si probabitis, spero uos de ingenio meo, et de his operis scholasticis minus acerbè iudicaturos esse. Ac uerò inprimis decet uiros doctos candor, in prouehendis, et iuuantis tyronibus, qui Reipublice operam nauare student. Quare rogo, ut his auspicijs meis faueatis, mihi què, ut ille ait, crescendi copiam detis: quod si facietis, melius de publicis studijs mereri poterò.

Cùm autem hæc prælectio instituta sit præcipuè, **Propositio.**

ut ad eloquentie seu rectè dicendi studium iuuentus assuescat, dicam aliquid de eloquentie laudibus, ac utilitate. Et quoniam iuuentutis excitanda causa hæc oratio habetur, dicam de ijs utilitatibus, quæ nunc in hac forma Reipublice bonis ingenijs expetenda sunt.

Eximia quedam uirtus est eloquentia, quæ est facultas sapienter et ornatè dicendi, de religione, de Reipublica, deq; alijs artibus, regens imperia, summorum Principum consilia, uoluntates inclinans populorum ac gentium, et uel incensens languentes, uel reuocans ac sedans incitatas, qualem describit Virgilius eloquentiam, cùm ait:

Ac uelui magno in populo cùm sepe coorta est
Seditio, sauitq; animis ignobile uulgus,
Iamq; faces et saxa uolant, furor arma ministrat:
Tum pietate grauem ac meritis si forte uirum quem
Conspexere, silent, arrectisq; auribus astant,
Ille regit dictis animos, et pectora mulcet.

Porro de hac excellenti ui, et perfecta eloquentia,

B b

non

Alacris.

non sum dicturus, sed de his nostris studiis, hoc est, de diligentia rectè dicendi, seu componendæ Latine orationis, quæ tamen pars aliqua est eloquentiæ, et uelut inchoatio. Hæc quantum sit ornamentum, quàm multiplices utilitates afferat, exponā. Primum enim commemorabo, quid conducat studium rectè dicendi ad ceteras artes, uel intelligendas, uel tractandas. Magna est dignitas scientiæ iuris, magnus usus. Cum autem leges sint eruditissimè scriptæ, et multæ in eis compareant uestigia ueteris Reipublicæ, non dubium est, quin multum lucis eis accedat, rectè intellecto genere sermonis, et cognitis historiis. Iudicium autem de genere sermonis, confirmat hæc exercitatio dicendi. Sed non tantum in foro, in iudicijs inter illiteratos uersabitur is, qui iuris scientiam proficitur, uerum adhibebitur ad maiora negocia, ac uerè oratoria, ubi magnæ, et difficiles causæ latinam orationem flagitant. Hoc loco quis non uidet, quantum decus sit homini docto, posse disertè, perspicue, non sordidè, res magnas explicare.

Romæ.

Memini in conuentu Augustano, Liburnorum ad Principum consilium uenire, petitum auxilia contra Turcas, et deplorare calamitates patriæ suæ graui oratione: ibi ceteri Principes omnes detulerunt inuenus respondendi ad illustrissimum Principem Electorem Marchionem Ioachimum I. Non erat nouum, Germanicæ ei causæ committi: sciebant enim à nemine ne splendidius ac ornatiùs agi: sed cum laudem eloquentiæ

quentia præcipuam uni Marchioni tribuerent, & alias Latine dicentem autem dissent, hanc causam etiam ei commendabant. Hoc iudicium cæterorum Principum, nostro quàm fuerit honorificum, omnes intelligitis. Itaque cum audiretur cum summa attentione, honestissimis laudibus ornauit Liburnos propter fidem & fortitudinem, quam in sustinendis, & depellendis Turcarum irruptionibus, tot iam annos præstiterunt, ac bene sperare eos de uoluntate Imperatoris iussit, cuius omnes cogitationes iam in parando bello aduersus Turcas consumerentur. Hanc eius orationem prudentes omnes, propter consilium & sententiarum grauitatem, eruditi etiam propter genus uerborum, magna cum admiratione audiebant. Tantum laudis Principi pariebat latine dicendi facultas. Quare et reliquæ nobilitati, et cæteris qui ad Rempublicæ accessuri sunt, omni studio eloquentia expetenda est, præsertim hac ætate. Videtis enim quante res in hac natione motæ sint, quantum sit negotij nostris Principibus, cum omnibus Regibus Christiani nominis, ubi pleraque omnia Latine agenda sunt. Qua in re & illud considerandum est, nunquam cæteros Reges adeo studiosos fuisse eloquentiæ, ut nunc sunt. Etenim non modo Itali et Galli, sed etiam Poloni et Pannonæ, explosa ueteri barbarie, nunc cum scribunt ad exteros, elegans nitidum, ac uerè latinum orationis genus adhibent. Nec alia ars apud plerasque nationes plus habet dignitatis, quàm latine dicendi facultas.

Oratio Marchionis in conuentu Augusti non ad Liburnos

Eloquentiæ
studium apud
Principes
hodie.

Iam cogitate quàm multa incommoda sint expectanda, si mittantur ad externos legati infantes: Primum ridetur gentis ignavia, detrahitur authoritas nostris, non intersunt consilijs, accipiunt dictata ab alijs, nec raro turpiter falluntur, & tanquam naribus trahuntur, ut non intellecta probent. Cum igitur sit perspicua utilitas, cum imitentur maximorū Regum et Principum exterorū exempla, cur soli Germani huic studio tam luxū, apparatus cōuiuiorum, & nescio quas voluptates anteferimus, qui quidem paulò ante etiā hae laude ceteris nationib. antecellebamus? Sed breui mira est facta huius nationis mutatio: negligitur res militaris, literæ nō solum spernuntur, sed etiā sunt in odio, & honestissimis studijs successerūt multa uitia, luxus, ambitio perfidia, et pleraq; aliæ pestes, quæ intestinas discordias, et alias calamitates pariunt. Quare et Principes, & reliqui, qui authoritate ceteros precedunt, omni contentione iuuentutē reuocare ad recta studia debebant, ac præcipuè ad eloquentiam, quæ in Rep. maximum habet usum.

Germaniarum
mutatio.

Utile in Rep.

Porro si quis hoc studium eò minus curat, quia patat tantum prodesse ad genus sermonis, is longè errat. Etsi enim non est exigua utilitas, instructum esse copia sermonis, tamen exercitatio dicendi etiam de multis rebus format iudicia, & certè animos ad diligentiam assuefacit. Legendi sunt de optimis rebus sapientissimi scriptores, qui non intelliguntur, nisi consilia ac uoluntates eorum ita consideremus, quasi unā

cum

cum illis uiuentes, iisdem interfinis deliberationibus ac negocijs, in quibus ipsi uersabantur. Tota Respub. uetus animo intuenta, & ad præsentem formam conferenda est. Hæ cogitationes aliquid ad prudentiam conducunt, ac de multis magnis rebus nos admonent, de moribus, de iure, de actionum ac iudiciorum uarietate, de natura rerum. Demosthenes dicitur officies descripsisse Thucydiden, ut sibi autorem eloquentem quàm familiarißimum faceret. Nec uerò aucupatus est præcipuè uerba aut genus sermonis. Nam Thucydidis oratio admodum dissimilis est forensi: Sed uariæ Reipub. mutationes ac momenta considerabat in historia, excerpebat Principum consilia, quorum cognitio ipsi quoq; in publicis deliberationibus prodebat. Aliquid etiã grauitatis addidit Demosthenis orationibus, imitatio Thucydidis: Multas enim refert Demosthenes sententias Thucydidis. Citant leges multis in locis Homerum, citant Ciceronem, non uerborum causa, sed tanquam sententias in foro dictas, quarum auctoritatem in iudicijs ualere uolunt. Quo Poetæ Medici citant Poëtæ in natura rerum describenda? Quis enim non uidet Poëtæ uel præcipuè hoc studuisse, ut plerasq; naturæ partes illustrarent? Itaq; complexi sunt summa cum uenustate ortus & occasus siderum, ac totam doctrinam, quæ in uulgaribus libellis de sphaera traditur, descriptiones fulminum, iridis, & reliqua meteora, herbarum plurimarum & multorum remediorum naturas. Cicero uerò & moralem Cicero.

Demosthenes
Thucydidis
studiosus.

Philosophiam totam complexus est, & quosdane locos qui ad Philosophiam naturalem pertinent, quorum lectio non modò copiam sermonis, sed etiam rerum scientiam alere potest. Quid est enim illa disputatione, de immortalitate animæ, in prima Thusculana eruditius ac iucundius? Multò etiam eruditior est libellus de natura Deorum: Ac in utroq; multa sumuntur argumenta ex ea doctrina, quam profitentur hi, qui propriè dicuntur Physici. Fateamur ergo eloquentium scriptorum lectionem, non modò ad copiam sermonis, & phrasin comparandam prodesse, sed etiam ad augendam rerum cognitionem, & iudicia formanda de multis maximis rebus. Deinde diligentia in exercitio styli, illa uerò in primis acuit ingenia. Nam in inueniendo res quæ ad causam pertinent, prudenter omnes inuestigandæ & cogitandæ sunt. Ad hæc deliberandum de rerum ordine et œconomia. Nec minor est cura perspicere quid deceat, quid locis ac temporibus congruat. Postremò compositio & cura elocutionis non leuiter exercet scribentem. Huius exercitij consuetudo parit immensas utilitates, prohibet precipitantiam, & quasi frenum ingenijs iniicit, ne temerè sine delectu, sine ordine, sine cura effundant omnia, quæ sese offerunt, adfert diligentiam, ut ea quæ gignimus, formemus etiam, & arte meliora efficiamus. Id si facerent scriptores uel sacrarum rerum, uel alij, quantò felicior esset status rerum humanarum? Quorum pleriq; si ad curiam in dicendo assuefacti essent,

Styli œconomia.

sent, multò essent in deligendis utilibus argumentis, et in cauendis publicis periculis, diligentiores.

Pericles ascensurus in concionem, ac præmetiens animo, quantum periculi inconsideratè dicta afferrent, solitus est precari à Dijs, ne quod sibi uerbum excideret, quod offenderet Reipub. Et Demosthenes, cum ei obijceretur, quòd meditatus ad dicendum ueniret, respondit, sibi non modò imprudentem, sed etiam improbum ciuem uideri illum, qui de rebus summis, uniuerse ciuitati consilium daturus, auderet dicere, re non antè diu multumq; cogitata: Quare si possit, non solùm scripta, sed sculpta se dicturum asseruit. Adfert ergo inter ceteras utilitates consuetudo exercendi styli, multiplicem diligentiam, causa tota maiore cura expendenda et cogitanda, cum ipsi nobiscù deliberamus, quomodo eam dicturi aut acturi simus: prospicitur etiam quid in actione periculi sit, deliberatur quomodo pericula in agendo cauenda sint. Denique si nihil est futili garrulitate turpius et perniciosius, plurimùm ad uirtutem in unoquoq; et ad publicam tranquillitatem prodest hæc assuefactio, ad exercendum stylum, ad formandam et componendam orationem, ne omnia sine delectu effundantur. Multa etiam ingenij uitia corrigit stylus et cohibet affectus, ne contra decorum concitatus ferantur.

Dixi hæc, quàm sit utile hoc studium rectè scribendi his, qui ad Rempub. accessuri sunt. Togata

Bb

iij

admini-

Periculis cura
in dicendo.

Demosthenis.

Stylus nutrie
diligentiam.

Vtile in Ec-
clesia.

administratio præcipuè gubernatur eloquentia, & multa Latine agenda erunt. Quare ad hanc tantam rem, ut se iuuentus præparet, adhortanda atq; incitanda est acriter. Iam in controuersijs religionis explicandis, quis non uidet magna doctrina, & magna ubertate sermonis, & dicendi facultate opus esse? Sunt enim res obscuræ, et scriptorum dissimilibus disputationibus inuolutæ. Vt igitur ex tantâ caligine euoluantur, ut uerè, propriè, dilucidè explicantur, ea uerò res requirit non mediocres artifices. Est autem bonæ & pie mentis, etiam ob hanc causam expetere eloquentiam, ut ornare gloriam Dei, ut conferre aliquid ad utilitatem Ecclesiæ possit. Ad hunc finem præcipuè referri nostra studia debebant, quod & Plato uidit, qui ait eam eloquentiam expetendam esse, quæ non futilia dicat, sed Deo grata. Vetus Ecclesiæ quàm habuit eloquentes scriptores, Basilium & alios; qui cum haberent studium rectè dicendi, curabant primum, ut res ipsas rectè intelligerent, postea ut propriè & perspicuè alijs traderent. Ideo sincerior apud eos doctrina est, quàm in posterioribus, qui nullam in dicendo doctrinam adhibuerunt. Quid quod ipse sermo in sacris literis intelligi & iudicari nō satis potest, nisi ratio dicendi & figurarum intelligatur? Dicam aliquid etiam de meo artificio, uidelicet, de Poëtica. Psalmi magna ex parte prorsus poëticiis picturis ornati sunt, quæ profectò non possunt agnosci ab his, qui sunt ignari Poëtices. Nec difficile est plu-

rima

Exemplum
poeticum ex
Psalmo.

rima exēpla monstrare. In Psalmo de concordia: Ecce
quā bonum, comparat concordiam balsamo, quo
Pontifex ungitur: significans suauissimam esse, quia
in Rep. in omnibus periculis utilissima est. Vide au-
tem quā uenuste pingat in Pontifice balsamum, in
barbam & in totam pallam defluens. Cur hac utitur
pictura? non solum quia illud Pontificium balsamum
erat praestantissimum, sed etiam ut significet, in Reo-
pub. praeipuum concordiae autorem esse debere Pon-
tificem. Huius munus est, efficere actui doctrinae
consensum. Sed nolo esse prolixior in re manifesta:
nam Theologis opus esse hac cultura, & his literis,
quae rationem dicendi tradunt, minimè obscurum est.
Nescio quae res magis inflammare generosas men-
tes possit, quā publica utilitas, seu necessitas potius.
Ostendi autem Reipub. magnoperè opus esse, prae-
terim hoc tēpore, eloquentiae studio: quod si cogitabunt
adolescentes praediti bonis et rectis ingenijs, accendet
eos, ut spero, ad hoc studium Reipub. amor. Haec cau-
sa in bonis praecipue ualere debet.

Dicerem de praemijs etiam: nam his quoque mouen- Praemia audito-
rum eloquen-
tiae.
tur homines, sed in uita saepe accidit, ut maiora sint
praemia malis artibus. Menandri uersiculi citantur,
quos hoc modo, ut potui, Latinos feci:

Hæc uita gaudet improbis potissimum,
Sed assentator omnium primas tenet,
Viuitque longè iucundissimè omnium,
Deinde sycophantæ proximus est honos,

Bb V Audire

Audire enim calumnias dulce admodum.

At tertius conceditur locus inuido,

Artes nocendi qui scit astutissimè.

Fruantur ergo maioribus commodis assentatores, hypocophantæ, & alij instructi malis artibus. Sed tamen ea quæ uerè dicitur dignitas, non potest nisi illis competere, qui benè merentur de Repub. uidelicet, bonorum iudicijs probari. Hæc est uera gloria, quæ semper in Repub. in ciuitatibus, in imperio maximè floruerunt boni uiri, eloquentia instructi, quales Romæ fuerunt Lælius, Crassus, Cicero, & ceteri Oratores, qui, ut Cornelius Tacitus uenustissimè dicit, ne priuati quidem sine dignitate erant, cum et populum Rom. & Senatum consilio atq; authoritate regerent. Videtis & hodie in Germania magnam esse dignitatem Oratorum in aulis & ciuitatibus. Quare si huius fastigij splendore mouentur aliqui, ut decet, cogitent non exigua præmia huic studio proposita esse. Sed de hac Latine dicendi facultate iam loquor. Et sunt alie artes questuosiores, tamen hæc quoq; parit non mediocria commodà. Est autem moderati animi etiam mediocrè fortunam boni consulere. Et Deo curæ est, ne egeant boni, qui de Repub. bene mereri student, ut significauit Theocritus in fabula Comatæ, quam adulescentibus recitabo.

Fuit quispiam locuples & auarus pastor, apud quem seruiuit Comata, qui fuit Musarum cultor, qui et propter pietatē, et ut grex seruaretur, diuinitus, singulis

Comata
Theocri.

gulis mensibus ouem Musis sacrificabat. Hac pietate impetrabat, ut grex aduersus morbos & lupos tutus esset, & multo fieret fecundior. Sed dominus auarus resciscens singulis mensibus ouem mactari, seruum furti accusat. Ille excusans religionem, commemorat etiam beneficia diuina, gregis incolumitatem, & fecunditatem. Sed hæc oratio non flexit animum impium domini, Ridens igitur cœlesti numen, experiar, inquit, an musæ, quibus te, curæ esse affirmas, sint tibi famem depulsuræ, si te in hanc cauam arbo-rem inclusero, nec dederò tibi cibum. Statim igitur inclusit miserum in arborem, ibi fame eum necaturus. Quid accidit? Post paucos dies grex scabie & pestilentia moritur. Hic cœpit pastorem seuitiæ suæ pœnitere, cum agnosceret se diuinitus puniri. Rediēs igitur ad arborem, seruum inuenit adhuc uiuum, incolumem, & bene ualentem. Cumq; interrogaret, unde interim alitus esset, respōdet seruus. Musas in eam arborē examen apū misisse, quæ mella ibi conficerent, hoc melle se interea sustentatū esse. Petit ergo herus ueniam sceleris, et agnoscit pios Deo curæ esse, eisq; si nō magnas opes, at mediocria cōmoda suppeditari. Hac nos spe confirmemus, & recta ac utilia studia amplectamur. Fortassis etiam Ecclesia erit aliquando tranquillior, cum ad iudicandū adhibebūtur uiri boni et docti, qui controuersias planè et simpliciter explicare poterūt, et cū mitiora studia homines colere cœperint. Quare inuident adolescentcs, magnitudo publicæ utilitatis, dignitas

Incundum.

dignitas eloquentie, deniq; etiam cetera premia, ut se dedant his literis atq; artibus, quæ ad eloquentiam conducant, seq; in hoc genere exerceant, & ad res maximas præparèt, præsertim cùm hic labor hominì ingenioso uoluptates etiam dulcissimas pariat. Primum enim lectio grauissimorum auctorum de maximis in Repub. motibus iucundissima est querentibus exempla uirtutis, & honesta cõsilia uite priuatae aut publicæ. Deinde delectat et ipsa orationis harmonia, cœ Musica quedam: nulla est enim cantilena dulcior, quàm oratio de rebus bonis concinna, & bene cõposita. Postremò ut cantenti, sic scribenti, hæc ipsa exercitatio uoluptati est: lūuat enim inuenire & quasi gignere honesta argumenta, eaq; distribuere, disponere, ornare, cum alijs conferre, & inquirere meliora. Hæc naturaliter delectant sana ingenia, & quedam ad uirtutẽ uia est, assuefacere animũ ad has honestas uoluptates intelligendas & expetendas. Est & illa magna commoditas, quòd hæ elegantiores literæ in omni fortuna usui sunt. Adminicula sunt in negocijs, in ocio ornant nos, & sunt uoluptati: In rebus aduersis leuant mœsticiam, leniunt curas ac dolores. Adiungunt etiam bonos, ut religionis doctrinam melius intelligere possint, quæ utilitas magno estimari à bonis debet.

DIXI.

ORÆ

ORATIO PHILIPPI MELANTHONIS
 in laudem nouæ Scholæ, habitæ Norimbergæ
 in corona doctissimorum uirorum, & totius fœderis
 Senatui.

M. D. XXVI.



Vod uobis, & liberis uestris & uniuersæ Reipub. faustum fœlixq; sit amplissimi uiri, quemadmodum optabatis, ludum literariũ aperiunt hi, quos huc publico consilio ad docendas honestas disciplinas accersistis, idq; uobis mea uoce publice denunciare uoluerunt. Nam cum in scena hoc seruetur, ut ante actionem de Poëtæ uoluntate, seu de fabulæ argumento dicat Prologus, postulauerunt à me isti, pro iure amicitie, quæ mihi cum ipsis peruentus est, ut ego uelut fabulæ ab ipsis agendæ prologus fierem. Neq; mihi fuit integrum eorum uoluntati deesse, tametsi impudentia erat, committere, ut primam in dicendo partes facundissimis propemodum hominibus præripere uiderer. Sed uel cum aliquo meo periculo coniunctissimis hominibus fuit obsecundandum, & suscipiendæ partes, quas non ipse mihi ultra sumpsi, sed illi suo iure imposuerunt.

Quoniam autem hic locus postulat, ut consilium uestrum, quod de constituenda schola cœpistis, ornemus, optarim hanc causam à facundioribus agi, qui pro

Prologi Peritum.

pro dignitate prædicare, et magnitudinem rei oratione æquare possent. Nam mihi in hac infantia mea uerendum est, ne culpa ingenij, laudes uestras deteram minimè uulgaris sapientiæ; & propemodum diuinæ. Etenim quòd perspexistis, uim & utilitatem literarum ignotam uulgò, longissimèq; à conspectu multitudinis positam conseruandas esse, & asserendas ab interitu iudicatis, præsertim hoc tempore, cum ubiq; periclitamur, id profecto diuinæ cuiusdam sapientiæ est. Quæ enim alia res maiores utilitates toti generi humano adfert, quàm literæ? Nulla arte, nullo opificio, non hercule frugibus ipsis terra natis, non deniq; hoc sole, quem uitæ autorem multi crediderunt, tantoperè opus est, atq; scientia literarum. Nam cum sine legibus, ac iudicijs, & sine religionibus, nec tæneri Respub. nec congregari cœtus hominum, gubernariq; possint, hominum genus ferarũ ritu uagabitur, si hæ occiderint, unde bonæ leges procreatæ sunt, nati boni mores & humanitas, per quas propagata religio, ad nostram memoriam durat. Si quis parum fidelis huic meæ orationi habet, is earum nationum mores & uitæ genus consideret, quæ nullas norunt literas, quod ferunt de Scythijs. Hi primùm nullas habent ciuitates legibus constitutas, iudicia nulla, uim est quicquid fecerunt hi, qui aut uiribus, aut factionibus plurimùm pòllent, foris nulla commercia cum uicinis, nullarum commutatio, unum aduersus famem præsidium est latrocinari multos, etiam hospitum car-

nibus

Scientia literarum maxime necessaria.

Scythiarum barbarijs.

nibus uictitare fama est: domi uerò, non modò disci-
plina nulla, sed etiam affectus illi quos natura cõmu-
niter generauit in animis hominum, fides coniugalis,
amor sobolis, charitas propinquorum, et familiariũ,
barbaris moribus extincti sunt. Nulla est scientia edu-
candorum liberorum, sine qua boni uiri nulli fiunt,
nulla uirtutis admiratio, nullus intellectus honesti, nul-
lae honestis officijs copulatae amicitiae, non humanita-
tis ullus sensus. Postremò, nullae de religione, deq; uo-
luntate Dei erga mortales rectae opiniones. Sic in ge-
nere sunt barbari alij plus, alij minus immanes, Cy-
clopicae quandam uitam agentes. Nam cum in hu-
iusmodi barbariem harum gentium mores degenera-
re necesse sit, nisi literis ad uirtutem, ad humanita-
tem, ad pietatem excitentur, ac formentur: praeclare
sapienterq; à uobis factum est, qui in urbem uestram
honestas disciplinas, alumnas omnium uirtutum, ac-
cerxistis, quiq; pro uiribus illas tueri, et cõseruare stu-
detis. Porro his duris temporibus, imprimis meretur
laudari uestrum consilium, cum periculum est, ne nau-
fragium literae in hoc fatali motu Rerump. faciant.
Nam errore quodam uulgi scholae deseruntur. Qui-
dam enim stulti cõcionatores à literis abstrahunt, ma-
gna pars uentri metuens, ad quaestuosas artes se reci-
pit, postquam spes abiecta est, sacerdotum redditibus
uictitandi, quos solos, laboris sui praemia esse puta-
bant. Quotus quisq; enim tantoperè uirtutẽ miratur;
ut gratis eam colendam esse ducat? Cum in hoc diseri-
mine sit

Reguli nostri.

**Episcopi &
Sacerdotes.**

**Norbergæ
hans.**

mine sit res literaria, decuit omnes Reges, ac Principes Rerumpub. periclitantibus disciplinis opem adferre. Sed nostri Reguli partim ita crassi sunt, ut precium literarum non intelligant, partim ita mali, ut Tyrannidi suæ expedire credant, leges omnes, religionem, & civilem disciplinam semel aboleri. Quid de Episcopis dicam, quos & sacris, & studijs literarum nostri Imperatores præesse uoluerunt? Nec aliud fuerunt olim collegia sacerdotum, nisi scholæ, & ut tantum, ac sumptus discentibus abundè essent, amplissimi redditus collegijs constituti sunt. Nec omnino infœliciter apparet, olim ab eo genere hominum tractatas esse cum alias literas, tum sacras. Nunc uidemus nusquam esse infestiores hostes bonarum artium, quam in illis sacerdotum sodalitijs. Proinde necessario tempore nobis in mentem uenit, exulantes suis sedibus literas hospitio excipere, & tanquam domum deducere. Non pigeat adiecisse hoc decus reliquis ornamentis urbis uestre, quæ iam ante opibus, edificijs, opificum ingenijs, ita floruit, ut conferri cum quauis laudatissimarum urbium apud ueteres rectè possit. Neq; alia urbs in Germania doctiores hactenus ciues habuit, qui quia ad gubernandam Rempublicam scientiam optimarum artium adhibuerunt, effecerunt ut reliquis Germaniæ urbibus hæc longè præstaret omnibus. Nunc autem cum hic domicilium honestis disciplinis constituitis, ad illum cumulum laudum nostrarum, incredibile est quanta fiat accessio. Natusq;
pergitis

pergitis excitare hominum studia ad discendum, præclare merebimini primum de patria, & de externis: Cum uobis authoribus rectè fuerit instituta iuuentus, præsidio patriæ erit: Non enim ulla propugnacula, aut mœnia firmiora urbium munimenta sunt, quàm eruditione, prudentia, & alijs uirtutibus præditi ciues. Spartanus dixit muros debere ferreos esse, non saxeos. Ego uerò non tam armis, quàm prudentia, moderatione, pietate defendi existimo. Deinde pertinebit hoc beneficium uestrum ad reliquam Germaniam, quæ huc, modò faueat Deus incepto, excolendam erudiendamq; iuuentutem missura uidetur, & eos inprimis idoneos ad moderandas Respublicas iudicabit, qui in hac urbe tanquam in ludo ad uirtutem instituti, & assuefacti fuerint. Vehitur huius urbis nomen summis laudibus, ab hospitibus apud externos, & uenero beneficio deuinctos animos hominum tenebitis: quæ uos hominum iudicia, nisi fallor, magis quàm ulteriores imperia delectabunt.

Quanquam autem hæc urbs plerisq; dotibus, uel cum Massilia, alijsq; quibusdam urbibus ueteribus, certare possit, tamen malo iam earum urbium exempla nobis proponere, quæ nostris temporibus florere prædicantur. Maximum beneficium paulò ante hæc tempora in uniuersam Europam urbs Florentia contulit, cum primum Græcarum literarum professores patriâ pulsos iussit ad se diuertere, & non modò hospitio iunxit, sed etiam reddidit illis sua studia, postquam

Romæ literæ
sordent.

Theodorus
Gaza,

amplissimis stipendijs ad docendum inuitavit. in reliqua Italia professores artium è Græcia profugos, nemo aspiciebat, & unà cum Græcia linguam, et literas Græcas amisissimus propemodū, ni Florentia doctissimos homines calamitate leuasset, quod absq; Florentinis fuisset futurum, ut prorsus obsolesceret Latina lingua, sic uitata barbarie, conspurcataq; et Græcæ linguae ne quidem ulla iam uestigia extarent, et occidissent unà monumenta religionis nostræ, nec iam sacrorum librorū titulos, amissa Græca lingua, quisquam intelligeret. Nam Romæ miserè esuriebant exules illi, cū pontificiæ opes præcipuè collocari deberent uel in calamitosos, uel in eos, qui tractatione literarum religioni operam nauarent.

Theodorum Gazam, bone Deus, quantum uirum aiunt, cū illos Aristotelis & Theophrasti libros in latinam linguam uersos Pontifici offerret, codicem exhibuisse sumptuosius ornatum, ubi Pontifex interrogans, quanti ornasset librum, nihil præter eos sumptus rependit, nulla auctori pro laboribus, quos in difficilimo opere uertendo exhausserat, reddita merces. Porro ad exemplum pertinebat ampliora præmia dari, uel pro libro non perinde utili ut ille erat. Sed nec utilitas operis permouit Pontificem ad remittendam gratiam uberiolem. Sed postquam Florentinorum beneficio honestæ artes reuiuiscere cœpere, magna utilitas inde ad omnes gentes deriuata est, multorum ubiq; excitata sunt ingenia, ad optimarum re-

rum

rum studium. Nam et Latinos homines Græcorum æmulatione ad patriam linguam instaurandam, quæ penè funditus collapsa erat, extimulauit. In urbibus leges publice emendatæ sunt, denique expurgata religio, quæ iacebat ante Monachorum somnijs obruta, et oppressa. Quia de re quanquam uariant hominum iudicia, tamen ego sic existimo, bonos uiros rectius peruidere uiam naturamque religionis, hoc tempore firmiora solatia conscientiae tenere, quam fuerunt illa, quæ paulò ante Monachi tradiderunt. Non dubium est igitur, quin præclare Florentia de omnibus gentibus merita sit, quæ literas uelut e naufragio in portum recepit conseruauitque.

Huius urbis exëplo, uos his miseris temporibus bonas artes defendite, cum Episcopi pro literis arma tractant, et reliqui Principes hanc curam se indignam ducunt, passim tumultuatur Germania, et ad arma conclamat, et quemadmodum est in ueteri uersiculo:

Pellitur è medio sapientia, ui geritur res.

Id his studijs maximè officit. Nam si inter arma sinitere leges, rectè dixit Cicero, quantò magis hæ nostræ artes obmutescunt, in ocio natae, atque alitæ. In his moribus ruinam omnes bonæ artes minantur, nisi Deus falciat, ac his qui rerum potiuntur mentem det instaurandi literarum studia. Vos uerò ne desistite urgere honestissimum et sanctissimum propositum. Etenim neque Deo gratius à uobis officium ullum, neque uilius ciuitati uestræ præstari potest.

Cc ij

Porro

Inuidia securu
ra honestum
propositum.

Porro cum recte facta plerunq; sequatur inuidia, non dubito quin cum iniquis quorundam iudicijs uobis certandum sit. Sed est fortis uiri, inuidiam in recte factis cōtemnere. fortasse certandum est uobis et cum alijs difficultatibus, quæ consilia uestra in prouehenda schola, remoraturæ uidentur, quas ita uincetis, si cogitabitis. Deo uos in hac re morem gerere. Nam nisi literis conseruatis, durare religio, & bonæ leges non possunt: præterea exigit Deus, ut liberos uestros, ad uirtutem, ac religionem instituatis. Est autem non modò in superos impius, sed planè humana specie beluam mentem tegit, quisquis non dat operam, ut sui liberi rectissime instituantur. hoc inter hominem ac beluam discrimen natura fecit, quòd beluæ deponunt curam sobolis, cum adoleuit, homini iniunxit, ut ex se procreatos non modò in prima infantia aliat, sed multò magis, ut mores eorum, cum adoleuerint, ad honestatem formet.

Homo belua.

Quare in primis in benè constituta ciuitate, scholis opus est, ubi pueritia, quæ seminarium est ciuitatis, erudiatur: ualde enim fallitur, si quis sine doctrina, solidam uirtutem parari posse existimat, nec ad Respublicas gubernandas quisquam satis idoneus est, sine scientia, earum literarum, quibus ratio omnis regendarum ciuitatum continetur. Hæc cum expendetis, non inuidia, non ullis alijs difficultatibus patiemini uos abstinere, quò minus ad discendum uestros ciues inuitetis. De professoribus uestris hæc polliceri uobis possum.

Q. erit

et eruditionem suscepto oneri parem esse, et in fungendo munere summam fidem futuram. Christum precor, ut auspicijs grauißimi negocij faueat, et uestra consilia, studiaq; discipulorum fortunet.

DIXI.

DE LAVDE VITAE SCHOLASTICÆ Oratio, dicta à D. Melchiore Fendio, in promotione Magistrorum.



VM considero eos, qui in hunc locum ad dicendum prodeunt, uel argumenti nouitate, uel eloquentia placere, animaduerto mihi ualdè opus esse humanitate atq; æquitate uestra.

Nam argumentum nouum, quod quidem huic loco conuenire uideretur, nullum reperiẽbam, nec peruulgatis addere aliquid splendoris dicendo possum. Cum autem publici officij ratio imponat mihi dicendi necessitatem, erit humanitatis uestræ, ut uos quoq; æquitate uestra publicum morem conseruetis, me non grauatis audire, et orationem meam boni consulere.

Decreui autem dicere de dignitate uitæ scholasticæ, deq; comparatione uestri ordinis cum cæteris ordinibus, et uitæ generibus: Neq; ego non uideo quan-

Propositio.

Cc iij tum,

tum, quàm amplum argumentū susceperim. Sed quamquam pertexi nunc non poterit, tamen utile erit capitulum rerum attigisse. Quemadmodum autem Medici in præceptis ualitudinis monent, ut aëris qualitatem in quo uersamur, diligenter obseruemus: Ita magnoperè conducit, genus uitæ intelligere, in quo uel nostro, uel alieno iudicio collocati sumus. Et est quedam Philosophiæ pars, gradus humanorum officiorum atque ordines considerare & rectè discernere. Deinde nescia quid alijs accidat, mihi quidem in hac fortune tenuitate, et in his difficultatibus quibus conflctor, hæc res aliquid solatiij affert, quòd hoc uitæ genus, et sanctissimum et hominis naturæ conuenientissimum, & uitæ utilissimum esse cogito. Cùm hæc bona colligo, seræquiore animo incommoda, quæ comitantur hanc uitam, quæ sunt plurima: Nam ad ipsos studiorum labores accedit paupertas, quam perferre posse, magnitudo animi est non uulgaris: Adde quòd superbissimè contemnimur, nō solum ab imperitis, à mercatoribus cætauris, sed etiam ab illis senideis, qui regnant in aulis, propter opinionem doctrinæ, aut sapientiæ. Postremò non tantum contemnimur, sed etiam in odio sumus. Hæc incommoda quàm non sint leuia, res ostendit: deterrent enim plurimos à literis. Ego tamen non dubito ea hic commemorare, ut cogitetis fortitudinem quandam esse, inter has difficultates nō abijcere literas: Deinde monebo, ut his malis opponatis ueræ & non siccata huius uitæ scholasticæ bona.

Initio

Gradus humanorum officiorum.

Semidei aulæ.

Initiò autem prefari uolo, me nihil de dignitate cuiusquam ordinis detrudere. Non delector illa Cynica Philosophia, quæ uituperat omnes artes, omnia uite genera. Melius & humanius inquit Aristoteles, ciuitatem non ex Medico & Medico, sed ex Medico et Agricola constare, hoc est, ex multis ordinibus. Quare singulis tribuo suum honorem: Sed gradus considerandi sunt, quos plerunq; stulti conturbant. Sic igitur statuetis, uitam scholasticam primum necessariam esse Reipub. & maximas ad communem uitam utilitates asferre: deinde & sanctissimam ac Deo gratissimam esse: postremò etiam iucundissimã. Et quidẽ tantas ad uitam utilitates ex uita scholastica peruenire, tantum in hac esse uerã dignitatis, ut quamuis titulo præsent Reges & Episcopi, tamen re ipsa par sit illis ordo Scholasticus. Hoc cum animo constitueritis, etiam opera danda erit, ut hanc uitam omni studio ornetis, ut fortiter labores, & omnes difficultates perferatis, quæ comitantur hoc uite genus.

Ordo scholasticus par regio.

Sed quas tandem ob causas usq; adeò laudamus uitam scholasticam? Vulgus iudicat esse ociosam uitam, atq; inde scholasticam appellarunt: Latini nuntiarunt ludos hos conuentus discipulorum. Quid autem dignitatis in ociosa uita, aut in ludis esse potest? De his appellationibus postea dicam: Prius enim ostendam, minimum esse ocij in hac nostra militia: nec ludum esse hæc studia literarum sed feriam inquisitionem maximarum rerum.

Schola ludus.

Veritatis &
iustitiæ inqui-
sitio.

Duæ res sunt, quibus nihil melius ac diuinius ha-
bet humana natura, uidelicet ueritas & iusticia. Ha-
rum inquisitio & explicatio commendata est scholis.
Nec uerò obscurum est, ueritatis & iusticiæ cognitio-
nem maximè necessariam esse ad bene uiuendum, &
utilitates ad uitam maximas asferre. Non enim sine
doctrina religiones coli, non leges condi aut retineri
possunt. Quanto præsidio destituta esset uita, si Me-
dicinam nemo disceret aut doceret? Quantis orna-
mentis carendum esset, si nemo disceret Mathemata, si
nulla temporum discrimina tenerentur, si res ueteres,
& historiæ mandatæ literis ignotæ essent? Horum
commodorum magnitudo uobis quidem, qui in his
studijs uersamini, nota est. Quare facile iudicabitis
partem Reipub. necessariam esse scholas, & quidem
præcipuas utilitates inde ad communem uitam per-
uenire. Quis enim non uidet, religionibus, legibus &
literis, in uita magis opus esse, quàm fabris aut cer-
donibus?

Sed illud disputant quidam, Ecclesias, aulam, fo-
rum, sedes esse ueritatis et iusticiæ, magis quàm scho-
las. Vocant scholasticam uitam umbratilem, quòd ibi
in ocio ingenia exerceantur, illic aiunt, ueritatem &
iusticiam in acie uersari. Moderati animi est, & bene
instituti, reuerenter sentire de Ecclesijs, de aulis et fo-
ro. Ac debent quidem in illis locis regnare ueritas &
iusticia. Sed constat ex scholis in illa loca hæc orna-
menta asferri. Qualis enim esset doctrina in templis,
si in

si in scholis res non essent agitatae et illustratae? Qualis esset aulicorum consiliorum & fori barbaries, si non extaret quaedam erudita iuris doctrina? Deinde hoc interest, de omnibus magnis rebus scholae consuluntur, scholae pronunciant, non Episcopi, aut aulici aut causidici. Postremo in scholis est simplex studium rerum inquirendarum & patefaciendarum. In Ecclesijs multa in popularibus concionibus dicuntur improprie, multa etiam, quia populus non potest assensui, praetereuntur. Iam in aulis & foro horribile est dictu, quantum sit Sophistices. Itaque saepe mihi uenit in mentem ueteris fabulae de Astrea, quam ferunt pulsam ciuitatibus, postea in rure diu solitam agricolis concionari. Ita mihi uidetur propemodum pulsa ex aulis, ex foro, ex templis, & alijs hominum coetibus Astrea, hoc est, ueritatis & iusticiae doctrina, adhuc haerere in scholis. Quare cum minus sit sophistices in scholis quam alibi, cum bonis unum hoc sit studium eruendae ueritatis, summa laus esse debet uitae scholasticae, quae quidem imago quaedam est illius beatissimi status, in quo aurea illa aetate uiuebant homines, si qua fuit, aut certe uicturi erant, si fuisset illa aurea aetas, si natura hominum fuisset immunis à peccati lae, & à morte. Quid enim tunc fuisset uita hominum, nisi iucundissima quaedam schola, in qua seniores & praestantiores de rebus diuinis, de natura rerum, de immortalitate humanorum animorum, de coelestibus matibus, de omnib. uitae officijs docuissent reliquos?

Astrea in
scholis.

Vita scholasti-
ca imago aurog-
etatis.

In hac Philosophia, & huiusmodi disputationibus tempus omne consumpsissent seniores & iuniores. Nec aliam uitam fuisse Adæ, & similium Principum uirorum iudico. Huius beatissimi status imago est uita scholastica.

Sanctitas uitæ
scholasticæ.

Dixi breuissimè de necessitate & de utilitatibus; addam etiam de sanctitate huius uitæ. Nullum Deo gratius est officium, quàm ueritatis, & iustitiæ studium & propagatio. Nam hæc sunt præcipua Dei dona, in quibus Dei præsentia maximè cerni potest. Hæc Deus præcipuè conseruari postulat, imò ad hunc finem præcipuè conditi sunt domines, ut alij alios doceant de Deo & alijs rebus bonis. Ad hanc utilitatem addita est diuinitus humano generi sermonis communicatio. Quare non dubium est, quin hoc uitæ genus, quod in docendo & discendo uersatur, Deo gratissimum sit, & hoc nomine antecellant scholæ templis & artibus, quia maius est studium ueritatis in scholis. Quare si quis sanctum uitæ institutum querit, non abdat se in solitudines, non putet aliud esse sacratius uitæ genus, sed in his discipulorum cōuentibus maneat, hic conetur benè mereri de genere humano, doceat alios, & sciat hoc officium prodesse ad conseruationem & propugnationem optimarum rerum, erudiat ambigentes conscientias, respondeat de iure, deq; omnibus uitæ officijs, inquirat rerum naturam, morborum remedia, causas mutationum in natura, motus & effectus coelestes, præparet iuuentutē ad maiores artes, enarret

enarret historias, mandet literis res gestas, illustret artes; Hæc quisq; facit, Deo gratissimum cultū præstat, & de genere humano præclare meretur: Conseruat enim doctrinam utilissimam uitæ, format mores, iudicia hominum, retinet pacem, mitigat multa mala publica. Tale uitæ genus non solum præstat monastico, sed uerè diuinum est.

Cicero reprehendit Platonem, quòd dixerit Philosophos, tametsi abstineant à Reip. administratione, tamen iustos esse, propter hanc ipsam magnarum rerum inquisitionem. Sed Plato rectissime sensit. Bæ enim iusticia, suum quæq; officium facere, & fructum eius officij conferre ad communem salutem generis humani. Id maximè facit Philosophus, qui religiones, rerum naturam, causas omnium bonestorum officiorum, leges, explicat, & has res diuinas ceteris impertit, artes illustrat, aut docet: deniq; qui ueritatis & iusticiæ doctrinam conferre ad aliorum utilitatem studet. Nec putemus melius mereri de genere humano uel causidicos aliquos, qui in foro controuersias aut exponunt, aut dirimunt, uel ædiles qui pontes aliquos faciunt, uel mercatores qui iusto pretio res utiles important. Rectè igitur Plato dixit, iustos esse Philosophos, qui doctrinam utilem uitæ tradant. Non gessit Magistratus Isocrates, sed consilijs suis gubernauit Imperatorem laudatissimum Timotheum, & formauit ingenia multorum, qui postea in Repub. principes extiterunt. Nec melius de Rep. meritus est

Cicero non se
re reprehendit
Platonem.

Aeschin

Aeschines causidicus, quàm Aristoteles, qui etsi nec Magistratus gessit, nec causas egit, tamen Alexandrū, & multos alios Principes sinxit ad iusticiam & beneficentiam. Deinde hodie etiam benè meretur de Repub. reliquit monumenta utilia ad religiones, et leges interpretandas, parit Medicos, & iudicia multorum format, qui in foro & negocijs uersantur. Aso Iuris consultus gubernauit magnam Italiae partem. Nec tamen minus de Repub. meretur Bartolus, qui in schola tantum uixit. Philippus, Medicus Alexandri, exercitium secutus est, ac Regem ipsum ingenti periculo liberauit. Neq; tamen minus de Repub. meretur Galenus, qui nullum exercitium secutus est, sed in schola assedit, & scripsit doctrinae suae monumenta.

Increpatio.

Cum igitur non aliud uitae genus utilius sit generi humano, aut magis necessarium, aut sanctius, quàm uita scholastica, satis intelligi potest, hunc esse praestantissimum uitae gradum. Hac uera laude moueri bona ingenia decet, ut magis ament uitam scholasticam, & adhibeant studium & diligentiam dignam tanta professione, & ornent eam optimis moribus. Quid est enim turpius, quàm quòd multi in scholis ita degunt, primum, ut non intelligant suum officium: deinde, ut hoc ocium literarium collocent in turpissimas uoluptates, et sumant sibi licentiam omnium scelerum, quasi scholae non ueritatis & iusticiae, sed petulantiae officinae essent? Quo animo homines pij ueniunt in templa ad facienda sacra, eodem animo uos quoq;

quoque in scholis accedere oportuit: Hic enim res diuinae tractantur. Et magna cura adhibenda est, ut nostra sacra recte faciamus, ne nostra inscitia aut aliqua alia culpa artes corrumpantur. Non minus placidum est, corrumpere artes, quam ceremonias in templis contumelia afficere. Ideo scholis nomen inditum est ab ocio, ut Respub. testetur se liberare nos à sordidis operis, ut dediti esse rebus diuinis possimus. Addidit etiam premia, sicut militibus: Et si autem utilitates sunt exiguae, et si indocti non solum contemnunt, sed etiam crudeliter oderunt literas, tanquam uincula cupiditatum suarum, tamen Deus non patitur omnino deesse premia docentibus literas, et discantibus. Et quò melius quaeque Resp. constituta est, eò est erga studiosos liberalior. Interim nos decet Philosophico animo fortunae iniquitatem ferre, et intelligere causas, quare optima quaeque res maxime sint spreta uulgo. Deinde incommodis etiam opponamus commoda, uidelicet, dignitatem professionis, et sanctitatem, postremo etiam iucunditatem. Itaque de hac etiam pauca adiiciam, uidelicet, nullum uitae genus iucundius esse, quam uitam scholasticam.

Præmia.

Scholasticum
uitae genus
iucundissimum.

Omnes sane mentes incredibilem uoluptatem percipiunt ex ueritatis agnitione: nam ad hanc aspiciendam maxime conditi sunt homines. Hanc uoluptatem in scholis multae causae augent. Primum enim magni ibi artium uarietas est: Omnium disciplinarum profectores esse solent, qui consulti possunt in qualibet arte:

Varietas.

artem. Est & frequentia discipulorum, in qua magna dissimilitudo est ingeniorum & iudiciorum. Quare nostras cogitationes cum multis conferre possumus, audire quid alij iudicent, imitari meliora exempla. Hinc enim est illa apud Hesiodum laudata contentio, de qua dicit, uicinum à uicino ad diuitias properante, inuitari. Ideoq; apud Euripidem uerè dictum est, cōmunicatione opinionum in magna frequentia reperi-
tas esse artes. Et Cicero ait, magnam uim in discendo habere studiū conferendi, quod συζητησις uocat ipse. Et Salomon ait: Ferrum ferro acuitur, ita uir excitatur à uiro. Significat enim tum admoneri ingenia collatione consiliorum atq; opinionum, tum exemplis excitari. Propter has tantas utilitates libenter in hac frequentia uersari studiosos conuenit. Postremò natura fit, ut similes delectentur similibus consuetudine, maximeq; hi, qui similibus artibus dediti sunt. Ipsa etiam celebritas delectat animos, iuuat uidere bene compositos choros docentium et discipulorum. Nullum
sacroama dulcius est, quàm audire de optimis rebus, deq; omni uarietate naturæ, de Repub. de religionibus, quid alij peritiores sentiant. Vetus est dictum: Extra uniuersitatem non est uita, quo significabant iucundissimam esse uitam in scholis. Id dictum opinor ortum esse ab eruditis & prudentibus, qui intelligebant, & quantam hæc consuetudo, & communicatio sermonis uim habeat, & quantam pariat uoluptate. Delectat bonos & uirtuosiorum, qui liberaliter in-
partunt

συζητησις.

Similitudo.

pertiunt doctrinam alijs, qui ex animo consulere po-
 steritati conantur. Et si autem in tanta infirmitate hu-
 mani generis nullus est ordo, nullum vitæ genus pro-
 fus sine vitio, tamē in scholis minus aliquantō est fu-
 ci, odiorum & aliarum malarum artium quā in a-
 lijs multis vitæ generibus. Primum enim doctrina li-
 beralis flectit mediocria ingenia ad uirtutem. Nec se-
 rē quisquam adeo est ferrea natura, ut literis & me-
 diocri disciplina non aliquantō fiat mitior. Est autem
 multo iucundior consuetudo cum eruditis, qui cau-
 sas omnium honestorum officiorum intelligunt, quā
 cum indoctis, quorum iudicia multis in rebus dissi-
 dent à nostris. Deinde illud affirmare amsim, eum qui
 in studijs assuefit ad amandam & inquirendam ue-
 ritatem, amare candorem ac simplicitatem etiam in
 moribus & in uita. Sed doctrina Sophistica deprauat
 uoluntates: transfertur enim calumniandi studium ad
 mores. Vt autem quisquis est studiosissimus, ita maxi-
 mē ingensit amor ueritatis, & Sophistice odit
 acerrimē. Dulcissimus autem conuictus est cum eru-
 ditis & candidis, qui prospiciunt quid deceat, & cer-
 ta quadam ratione moderantur omnes actiones, &
 animi impetus, quasi freno regunt. Itaq; nec dulcio-
 res, nec firmiores sunt amicitie, quā Philosophicæ,
 hoc est, eruditorum amicitie, & societate studiorum
 contracte. Iam o regione confer ad hæc scholastica
 sodalicia, consuetudines cum illiteratis, in quibus eti-
 am si qui boni uiri sunt, tamen minus suauitatis ha-
 bent

Minus mali
 arque fuci in
 scholis.

Philosophicæ
 amicitie.

bent congressus cum illis, quia de doctrina nobiscum colloqui non possunt. Ne Lelij quidem, & Scipionis amicitia tantum suauitatis habuisset, si fuissent *deuse* *aei*. Sed angustia temporis non finit nos omnia uitae scholasticae commoda colligere & illustrare. Haec autem recensui, primum, ut adolescentes intelligant & ament uitae genus, in quo uersantur. Deinde cogitent, quanta uicissim requiratur ab ipsis diligentia, quanta in omni officio moderatio, ut hoc uitae genus ornent. Literati in summo fastigio rerum humanarum collocati sunt. Quare ut muneri omnium difficillimo satisfacere possimus adhibenda est acerrima contentio animorum in docendo. Est & sanctissimum uitae genus, & Deo gratissimum, conseruare & propagare doctrinam uitae utilem. Sciamus igitur Deo poenas datuos illos, qui moribus suis dedecorant scholas, qui non conferunt aliquid operae ad doctrinae conseruationem.

Postremo iucundissima est uita scholastica. Quare digni odio sunt, qui uelut Centauri, aut Lapithae tumultuantur in scholis, & tranquillitatem uniuersi coetus interturbant, disciplinam soluant, quae soluta, dissipari societatem necesse est. Sunt & boni adhortandi, ut haec commoda in conspectu habeant, eaque opponant incommoda, quae multos abstrahunt a literis. Plus ualeat apud bonos dignitas literarum, & publica utilitas, quam iniqua uultus indidia, quam odia Tyrannorum, quam paupertas.

Sic affe-

Sic affectos esse iudico hos iuuenes, qui eò gradum
petiuerant, ut se publicè obligarent ad defensionem
literarum. Iure igitur hunc animum eis gratulamur,
eosq; usitatis honoribus ornandos
esse censuimus.

DIXI.

DE GRADIBVS DISCENTIVM

Oratio Phil. Mel.



NOTVS est Ennij uersiculus de uete-
ribus moribus conseruandis:

Moribus antiquis res stat Roma-
na uirisq;. Idem profectò in re litera-
ria præstiterit seruari in faciendis gra-
dibus discantium, qui non mediocri prudentia à ma-
ioribus instituti, nunc errore quodam hominum, qui
uidentur conspirasse ad abolendos semel omnes uete-
res mores, delendamq; uniuersam ciuilem disciplinã,
antiquantur. Neq; ego nunc suggestum conscendi di-
gladiaturus cum eo genere: tantum adolescentes com-
monefacere decreui, quo consilio & olim gradus in-
stituti sint, & quantum ad communia studia litera-
rum momenti adferat illorum conseruatio. Est autem
ad eam causam opus mihi æquitate uestra auditores:
plerosq; enim tantum fastidium cœpit istius moris, ut
tantum non totam Anticyram putent destinandam esse
his, qui titulos istos graduum decerni sibi postulant.

Dd

Ab hys

Ab his pro meo iure peto, ne nos ex hac schola exhibeant, ne explodant, priusquam orationem nostram cognouerint. Nam pronunciare, cum nondum cognoueris causam, id uerè est iniusti & barbari iudicis. Et ego me sanis omnibus satis facturum esse in hoc negotio recipio.

**Graduum
defensio.**

Est quædam in puerilibus ingenijs infantia et imbecillitas, quæ non sufficit pluribus artibus simul discendis, sed sensim per gradus quosdam, ad grauiores artes traducendi sunt pueri, dum ad fastigium artium peruenerint, hoc est, dum parauerint sibi scientiam non stultè de rebus humanis iudicandi, & mediocrem quandam sermonis copiam, ad docendos alios, demonstrandamq; uim, naturamq; uirtutis. Et quemadmodum nō statim cibus durior idus ora infantium satis firma sunt, sed lacte diu aluntur, postea præmanso cibo, donec grandescant: ita pinguisima quæq; facilimaq; deliguntur, quæ infirmæ primæ etati tradantur, deinde ordine discipline reliquæ. Itaque prudētes uiri in scholis descripserunt classes quasdam puerorum, ut secundum ingenij uires, alij alijs disciplinis adhiberentur, & in sua quisq; classe, tantumquam intra septa detineretur, ne imparatus, & tantumquam sus in rosas, irrueret ad obscuriores artes. In hūc modum gradus quidam facti sunt adolescentiæ, ut primū Grammatica, Dialecticaq; traderentur, quæ primæ artes, planissimæq; sunt. Vbi uidebantur hæc perdidicisse, non temerè ipsi ad Physicam, aut alias artes

irruere

Simile.

**Classes ut
septa.**

trumpabant: Sed præceptores explorabant vires adolescentium, qui si probarentur, admitterebant ad reliquas disciplinas. Nuper adhuc hoc ſervabatur in ſcholis, ne quis attingeret Phyſicen, aut Mathematica, niſi antea in Grammaticis & Dialecticis diu multumq; uerſatus. Poſtea præceptorum iudicio tradebatur ulterius, & primus ille gradus à Lauri Baccæ **Baccalauræi.** nomen habuit: Erant enim honeſto titulo pueri ornandi. Poſtea Phyſicen, Mathematica, Ethica percipiebant, nec ſalutabantur hæc à limine tantum, diu immorabatur iuuentus, dum penitus cognosceret, dum longo uſu iudiciũ confirmaretur. In his tanquam præludijs grauiorum diſciplinarum, cum iam ſatis uiderentur exercitati, præceptores permittebant, ut Sacra, aut Medicinam, aut ius publicum attingerent, ad quas diſciplinæ uſum puerilium literarũ, magnum & acerrimum iudicium uolebant adferri. Itaque prius explorabantur hinc etiam vires adolescentium: **Magiſtri.** Maſteriũ fecerunt claſſi titulum. Profecto plurimum reſert, quomodo inſtruantur, præparenturq; ad ſeniores diſciplinæ adoleſcentes. Non ſunt longè petenda exempla: noſtri ſeculi morem uideamus. Statim ubi in publicam ſcholã miſſi fuerint adoleſcentes, putant ſordidi ingenij eſſe, diu hære in Grammaticis, aut ſimilibus nugis, properant alij ad ſacra, nulla linguarum, nulla dicendi ſcientia antea parta, nulla humaniorum ac ciuiliũ morum cognitione, diſcunt ineptè rixari de ſacris rebus, nec ad uitæ uſum compa-

**Eruptio in
artium facultatibus,**

Dd ij rant.

rant. Volo ego quidem omnium ætatum, omnium uite partium esse religionis studium, sed ea proponantur pueris, quæ assequi possint, quæ pietatem alant, quæ mores forment, non unde petant rixandi materiam.

Quid de alijs professionibus dicam? In iure discendo uideas uersari, qui nullum prorsus usum aliarum literarum habent, cum tamen illud ipsum ius ex Philosophorum ac Rhetorũ literis, tanquam ex fonte ortum sit. Iatricæ uerò manus admouere, nisi physicen didiceris, est sine pēnis uolare. Nam clinica illa Medicina tota ex ea philosophiæ parte nata est, quæ elementorum cognitionem, motus uarietatem, corporum naturam tradit. Porro dum hoc modo non perspoliti puerili doctrina irruunt ad seueriores artes, infirmo iudicio literæ omnes, artesq; sædè conspurcantur. Et quia ex literis rerum publicarum status comparantur, fit, cum parum sani pro concionibus et iudicijs regnum gerant, ut uariè quassentur Respub. Profectò satius erat, nullas literas attingere, quàm hoc modo tractare. Diu erant pueri Grammaticis, Dialecticis, Rhetoricis alligandi. Multum temporis postea collocandum in Mathemata, & reliquam Philosophiam. Vbi maturuisset iudicium, tum erant adhibendi ad eas artes, quibus Respub. gubernantur.

Græci agricolæ.

Græci agricolæ, cum uiderent maturefcere segetes, certo tantum temporis spacio, non colonorum opere, aut soli natura, dixerunt: Annus producit, non agere

ager. Cumq; animaduertissent sæpè immaturas segetes demeti magno damno, et fructum laboris superioris perire, prouentum uniuersum soli tempori tribuere, & patienter expectari uoluerunt iustum messis tempus. Ita mihi in singulis partibus literarum, temporis habenda ratio uidetur, & ut admoneantur ad eas artes adolescentes, quibus ingenij infirmitas assequendis par est, & tantisper detineantur in his, donec maturuerit iudicium, nec messes properent facere ante tempus. Et quia facile iuuenilibus animis obrepit satietas præsentis studij, ut in eo detineri diu sine magno negocio non possint, ideò gradibus tanquam caueæ includendi uidentur: ubi omnibus animi uiribus cogantur in unum aliquod ac certum negotium, quantum satis est, incumbere. Est omnino, ut de alijs omnibus rebus, utiliter præceptum, *ῥαδίως σπεύδειν*: Ita in studijs nõ aliud perinde refert, quàm ne intempestiuè properemus. Nunc fit, ut cum uarias disciplinas peruagentur sine ordine, sineq; ratione, nullam pcenitus cognoscant, nullaq; de re prudenter iudicare queant. Et ut erroneos nullos certos lares habent, nusquã domi sunt, & ut inquit Martialis: Quis quis ubiq; habitat, maximè nusquam habitat: Ita illi, cum tamen omnibus disciplinis sint hospites, nullam habent familiariter notam. Neq; enim fieri potest, quemadmodum reliquit scriptum Xenophon, ut qui multa simul facit, omnia ritè faciat, nec sufficit animus iuuenilis uarijs ac diuersis studijs. Hoc in consi-

Temporis habenda ratio.

Festina lente.

D d iij lio

lio fuit autoribus graduum in scholis. Neq; ego nunc
 quenquam esse puto tam impudentem, qui banc ra-
 tionem damnare ausit. Quid enim in studijs conduci-
 bilius est ordine? hunc classibus gradibusq; factis con-
 seruare conabantur. Vos etiam adolescentes, ut quan-
 ta fide potest fieri ac religione, detis operam, ut in di-
 scendo, iusto quodam ordine utamini. Nam hac con-
 fusanea discendi ratione, nisi Deus aliquis opem
 tulerit accisis rebus, uereor ne res hu-
 manæ funditus euer-
 tantur.

D I X I.

ORATIO DE STVDIIS ADOLE-
 scentium habita cūm titulus Baccalureo-
 rum decerneretur quibusdam, et
 scripta à Vito Vuins-
 hemio.



Irabatur fortasse aliquis, quid nobis
 in mentem uenerit, ut hunc morem
 publicè decernendi istum primum
 scholasticum gradum, tot iam anno-
 rum spacio intermissum, ac uelut
 exoletum, hoc potissimum tempore in scholam reuo-
 caremus. Et fortè non deerunt qui consilium hac in re
 nostrum ut ociosam περιεργίαν, uel inanem ostenta-
 tionem irridebunt, quibus in presentia nihil attinet
 respon-

respondere, cum uiris honestis ac prudentibus hoc nostrum institutum probari non dubitemus. Sed tamen ut adolescentes et de gradu ipso honorificentius sentiant, et hæc studia magis ament, ac pluris facienda ducant, decreuimus utraq; de re, nempe de hoc gradu et utilitate examinum, atq; de his primis artibus paucis in hoc confesso dicere.

Non enim leues aut negligendæ fuerunt causæ, quæ uiros bonos ac doctos mouerunt, ut hunc patrium et peruetustum Academicarum morem, nec sine grauissimo consilio à maioribus institutum, reuocatum ac reuentum cuperent. Quemadmodum enim primis illis scholarum parentibus necessarium uisum est, hæc examina, et discendi ordinem instituere: ita nostri præceptores has successisse partes iudicauerunt, operam dare, ne quod tale exercitij genus in schola defideraretur, et si quid ex his ad tempus prolapsum, aut intermissum foret, ut id rursus instauraretur, et quantum eius fieri posset, conseruaretur. Quorum nos auctoritatem secuti, non curiositate quadam, neque enim ita ocia abundamus, nec propter ostentationem aut ambitionem, cum nostra tenuitas nobis non sit ignota, sed ut utilitati scholæ, et discentium commodis pro nostra uirili parte consuleremus, hoc officium publicè promouendi Baccalaureos liberalium artium suscepimus. Quamuis enim hic primus gradus uerius puerilis quidam ludus, quàm res seria uideri possit, usu tamen compertum est, tantam eius utili-

Causæ promotionum non leues.

Primus gradus uelut iludus.

D d iij tatem

tatem esse, ut non parum ad officium et fidem eorum qui præsunt, pertinere uideatur, operam dare, ut in schola non retineatur modò, sed et quàm maximè uigeat ac frequentetur. Nam primùm, si spectabimus utilitatem, quam affert consuetudo examinum, præsertim huic ætati, in cuius præcipuè gratiam hi primi gradus instituti sunt, tantam eam comperiemus, ut nulla amplior, nec uberior in schola possit esse.

Examina cura-
ram acuunt.

Quanti enim refert, quòd examina discendi curam acuunt, studium, uigilantiam, ac solitudinem augent, et ad omnia quæ traduntur diligentius obseruanda, ac perdiscenda alacriores et excitatiores reddunt? Metuit enim pro se quisq; ne quid se fugiat, quod tenere oporteat. Tum ut accuratius perfectiusq; omnia excutiat ac peruestiget, eadem hæc sollicitudo stimulat, cum sciat, sibi omnia dictata reddenda in examine, et perspicuè explicanda esse. Hic metus acerrimus est ἐγχοδιώντις, ad discendi laborem ac uigilantiam, animos accendens urgensq; qui si absit, uidemus quàm frigide, ac somniculo se studia tractentur. Verùm examinum cura, et sollicitudo apud aliquem excubans, non finit eum obdormiscere, sed expergefascit, ac uelut sedulus et acer paterfamilias instat et urget, ut suum studiorum pensum persolvat. Quæ propter hæc ex multis causis una fuit ueteribus, instituendi examina et gradus, ut his uelut calcaribus incitarent discentes.

Rectè monet Fabius, scripta euoluenda esse cum
tali

tali sollicitudine, quasi nos ipsi ita scripturi, uel dicturi simus, quòd ita fiat, ut uigilantioribus oculis omnia lustremus, nihil nobis elabi patiamur, quod obseruatum dignum sit, & ad omnes uirtutes scriptorum expendendas attentiores reddamur. Idem in consilio fuit his, qui examina instituerunt, nempe, ut circumdarent curam discantibus omnia plenius & exactius cognoscendi, ut aliquid integri, ac solidi perciperent, nec uagabundi in studijs oberrantes, extremis tantum labris uaria degustarent, hinc inde concisas sententias & mutilata membra uenantes: quod nunc à multis fieri uidemus, qui cum excutiuntur, ita stupidi atque ignari, ut turpe sit, deprehenduntur. Dum enim in hoc uno studiū omne suum consumunt, ut fragmenta quædam ex scriptoribus colligant, sit ut nullius rei integram ac perfectam cognitionem consequantur: à quo uago & inuitili labore examina discantes uelut incertam uiam reuocant. Nec ad non necessaria & inutilia respectare sinunt, sed in ijs quæ necessaria sunt, ordine quodam discendis continent. Parit uerò istam in discendo diligentiam præcipuè hæc sollicitudo, cum scimus, nobis in examine uelut rationem reddendam esse eorum, quæ tradita sunt, & magis se intendunt animi in ea, quæ ipsi tanquam nostra alijs exponere atq; explicare cogimur, & ille ipse imago magis euidenter in animis lucent, ac firmitus desiguntur, quas ipsi de rebus doctrina perceptis tractatione & oratione effingimus, atq; exprimimus. Nam quæ

Quomodo xij
orum scripta
enolenda.

auribus tantum hausimus, aut ex lectione percepimus, ea tanquam umbræ per somnium obseruantes incerta hærent, & facile inde fugere atque excidere solent. Quorum uerò ceu uiuas imagines commentando atq; agitando impressimus, ea uelut altius ætæ radicibus hærent: tenacissimè, nec euelli se, aut excuti facile patiuntur.

usufructus.

Leonum foetus.

Est enim commentationis atq; agitationis uis maxima in omni re, plenè perfectèq; percipienda ac discenda, sine qua auditionis & lectionis fructus sterilis, ac prope nullus est: *συζητησις* autem, ut uerè dictum est, omnia potest, & agitando atq; inquirendo omnes artes inuenta, ac exculta sunt. estq; ea uel sola omnis doctrine effectrix. Quemadmodum enim leonum foetus informes ac mortuos edi memorant, & deinde longis parentum uociferationibus uiuificari, ac spiritum recipere, ita primi foetus ingeniorum, hoc est, primæ imagines quas de rebus uel auditis, uel lectione perceptis, concipimus ac gignimus, mortuæ sunt, et informes, quæ deinde dum crebrò de ipsis cum alijs colloquimur, ac commentamur, ab ipsa uiua uoce & tractatione ceu uitam, et perfectam formam recipiunt. Et uerè dictum est ab Aristotele, id primò certum signum esse, quòd aliquis quidpiam rectè sciatur, si de eo ipso loqui, & alium docere possit. Eam gratiam debemus examinibus, quæ uelut uita sunt studiorum, sine quibus lectio omnis & meditatio mortua est. Huc accedit, quod ijs multi errores temerè

com-

concepti, et hærentes in animis corriguntur, eximuntur opiniones falsæ, quæ uel per ætatem, uel ex aliqua fallaci specie, uel institutione corrupta, uel artiũ præceptis malè intellectis, accommodatis uel in animis hæserunt. Et ob hanc præcipuè causam ea à ueteribus instituta uidentur: non enim adolescentum studia temerè, ac sine lege fluere, sed huic examinũ censuræ subiecta esse uoluerunt. Neq; enim eos fugiebat, omnes artes peccando disci, & ut fertiles agri multũ gignunt spinarum, atq; inutilium herbarum, quibus subinde sunt repurgandi ac sarriendi, idem etiam ingenijs & quidem fecundis solet accidere: sæpe enim fit, ut falsas rerum imagines pro ipsis rebus apprehendant. Et quemadmodum Ixion cum nube concumbens, cum putaret se Iunonem amplecti, Centauros gignit, sic ex falsis umbris, quas pro ipsa ueritate consectamur & arripimus, prodigiose opiniones nascuntur, quæ nisi maturè, & antequam altius radices egerint, animis euulsa sint, in perniciosos Ecclesiæ, ac Reip. errores deinde erumpunt. Nam ut lolio, tribulis, lappiisq; & alijs id genus infœlicibus herbis succrescentibus, segetes opprimuntur, ac præfocantur, et sterilescent agri: ita falsis opinionibus, si confirmètur, nec maturè examinantur, atq; ijs uelut repurgètur mentes, ueritas opprimitur, & expugnatur. Ad id uerò non est aliud aptius remedium, quàm examina. His enim explorantur ingenia, si quid adhuc deest, ijs ostenditur, si quid uitij aut errorum hæsit, corriguntur atq; euelluntur.

Estq;

Agri.

Ixione.

Examina uitij corrigunt & facundiam alunt.

Estq; hæc uelut sarritio studiorum, ita necessaria, ut si omittatur, non modò uera ac solida doctrina nulla possit constare, sed ipsius loco infiniti errores succrescant: Vt taceam quòd illæ communicationes & colloquia etiam facundiam alunt, & afferunt quandam animis constantiam, ut & accipere ac intelligere ea, quæ proponuntur possint, & aptè ad quæsitæ respondere. Videmus enim nonnullos seriò de re quapiam interrogatos ita perturbari, ac uelut attonitos obmutescere, ut uix animi compotes esse uideantur. Eorum deinde, si quid fortè discendo etiam consecuti sunt, nullus usus esse potest. In hoc enim omnis studiorum fructus ponitur, ut expromere, in lucemq; proferre, ac explicare id ipsum, quod scias, possit. Vt enim occultæ Musicæ, ita mutæ atque infantis doctrinæ nulla gratia est.

Studiorum cursum intra limites tenent.

Examina uerò ut iudicium formant ac limant, animos confirmant, acuunt ingenia, ita linguam quoque expeditiorem efficiunt, celeritatem quandam cogitandi, & promptitudinem respondendi afferunt. Magna hæc quidem sunt, sed est & alia non minor utilitas examinum, quòd cohercent ac cohibent cursum studiorum intra certos limites: Adolescentes enim nisi intra certa, uelut septa contineantur, ceu nauis in medijs fluctibus rectore destituta, ita ipsi incerto cursu fluctuant, & si quid etiam instituunt, id nullo ordine tractant. Vnde operam illis omnem in discendo consumptam perire necesse est. Et gignit plerumq; hæc

tulmus

tumultuaria ac uaga studia, uanam persuasionem eruditionis, qua nihil nocentius est: ea deinde inflati tumunt, cum de rebus omnibus indoctissime ac stolidissime iudicent: Cum ea enim inscitia coniuncta esse solet insignis arrogantia ac pertinacia, unde fit, ut plerunq; tales Rebuspub. uel Ecclesijs præfecti, tumultibus deinde omnia misceant. His malis tantis medentur examina, et quod maximum est, uanam illam persuasionem doctrinae, atq; arrogantiam animis extirpant, qua non est alia pestis cum rebus omnibus, tum uerò præcipue studijs perniciosior. Sæpe enim aliquis cristas tollit ante tempus, et putat se iam uel nouem artium liberalium Magistrum esse, qui cum examine excutitur, si nihil aliud, hoc certè tamè docetur, quòd adhuc minus sciat, quàm ipse se scire putabat, et isto stulto atq; pernicioso errore liberatur. Quantò uerò ingenia fecundiora sunt, ac magis præcotia, tantò plus ab hac peste periculi est. Videmus enim φιλαυτίæ foelicißima pleratq; ingenia in medio studiorum cursu corrumpi, ac uelut in herba enecari, dum sibi iam nimis placere incipiunt, se ipsos et sua impense admirantur, attollunt supercilia, quibusuis iam se præponunt, quo suos præ se contemnunt, fastidiunt iam hæc, iam illa, censuram sibi de dogmatis sumunt: nulli amplius præceptores, nulli propemodum libri, aut scriptores tam emunctæ naris iudicio satisfaciunt. Ad moneri autem se aut doceri, pro indignissimo ducunt, statim coarguti excalescunt, quid ni? non enim labi posse

Peruasio.

posse, aut errare uideri uolunt. Non Tygrides atrocius aut infestiore ira, pro catulis depugnant, quam illi pro suis erroribus defendendis. Quid hos facturos putemus, ubi sic affecti ad Reipub. aut Ecclesie gubernacula accesserint, & authoritatem ac potentiam aliquam cum isto supercilio & inscitia coniunxerint? Ecquos uos unquam homines audistis perniciosiores Ecclesijs, aut Rebusp. extitisse? Atqui talis arrogancia & alitur & confirmatur in animis, si nulla agatur de studijs censura; ingenia non explorentur coarguanturq; nec moneantur, quid adhuc illis desit, & quam longè adhuc absint ab eo gradu doctrine, ad quem iam euasisse sibi uidebantur.

**Dux studiorum
maxima pestis**

Quapropter si nihil aliud utilitatis afferrent examina, uel ob hanc unam causam tamen in scholis retinenda erant, quòd duabus maximis pestibus studiorum, quæq; plerunq; coniunctæ solent esse, medentur, nempe, ignauia & arrogantia: ad eximendum enim torporem, & excutiendam somnolentiam, uix aliud calcar est acrius & efficacius. Deinde ne nobis ipsis immodicè placeamus, aut ultra nidum, ut aiunt, penas extendamus, salutare est uitia atq; errata nostra nobis ostendi, & assuefieri nos, ut patienter feramus nos redargui ac corripì, ne protinus omnia somnia nostra exosculemur, & pro oraculis adoranda ducamus. Quæ uana persuasio nisi corrigitur, perniciosissimos deinde errores parit. Narcissus in fabulis Poëtarum, dum numium sese amat, contabescit, peritque
 & ipse

**Fabula de
Narcisso.**

Et ipse et illa falsa imago, in quam tantoperè deperibat, et nunc mutatus in florem, monet nos, serò florescens, ne nimis maturè et antè tempus sapere incipiamus, neue nos aut nostra nimis amemus atque admiremur: quod cum in omni etate odiosum est, tum uero in adolescentia prorsum intolerabile. Nam ut abusu rerum solidaq; ac perfectà doctrina et sapientia hæc etas adhuc longissimè abest, ita hæ res nō potest sibi arrogare sine summa turpitudine ac uanitate. Ut enim uuæ et poma non in uere, nec in æstate maturescūt, sed in autumno primū, paulò ante hyemem: ita doctrinæ fructus ingrauescente etate, ac paulò ante hyemem, hoc est, iam senectute instante, primū solent maturescere. Et ut uuæ ac poma ante tempus decerpta, nec esui sunt, nec ulli alijs usui idoneas: ita ingeniorum immaturi fructus acerbi adhuc sunt, et salutare est adolescentibus ostendi, quàm nunc primū florere, aut rubere cœperint illi fructus, nec dum maturuerint: et moneri, quo cultu, quibus auribus solibus, et qua benedictione diuina adhuc sit opus, ut lati ac maturi, talesq; fructus proueniant, quibus Respub. et Ecclesia deinde salubriter possit uti. Hoc efficiunt examina, quæ cuiq; quousq; progressus sit, et quid uiæ adhuc restet, ostendunt, ne se iam metam superasse putent, cum uix dum septis excurrerint. Cum igitur quædam modestiæ ac disciplinæ officina sunt, tum uerò etiam ad κοινωνίαν, hoc est, studiorum communicationem mutuam atq; in conferen-

Simile a
fructibus.

do et

do & disceptando facilitatem, humanitatemq; ad-
 sufaciunt. Quidam enim in his congressibus magis
 sunt intractabiles ac morosi, quàm homines doctrinae
 studijs excultos decet. Alij porro sublimi arrogantia
 subnixi, suam, si qua est, eruditionem, ceu Regum Per-
 sarum mysteria celant, & sola maiestate ac tenebris
 tutam censent, cum nihil promant, nihil quidquam de
 suo in medium proferant, cum nemine communicent.
 Hos si excutias, inuenias plerunq; inanes, & hoc est
 cur examinari atq; excuti tantoperè fugitant: metua-
 unt enim, ne de sua authoritate aut exiflimatione plus
 sculum amittant, si se aperiant. His permittamus ut
 aliorum opinione magni doctiq; sint, sua maximi ac
 doctissimi tumeant quàm uelint, & uel rane Aesopi-
 cae exemplo cum tauris certèt, donec ad summum in-
 flati crepent. Qui rectius mente ualebunt, hi non er-
 rare magis uolent, quàm uiam doceri, atq; examina et
 istos congressus, ut saluberrimos studijs atq; utilissi-
 mos magnifacient, quodq; poterunt, de suo quoq; ad
 ea tanquam ad aliquod magnum publicum bonum
 conferent.

Disciplinam
 custodiunt.

Diximus de examinum utilitate, & si ea tanta &
 tam multiplex est, ut nec in hac temporis angustia,
 neq; à me homine ad dicendum minimè instructo sa-
 tis commemorari possit. Nostris uerò temporibus iu-
 uentus his τριβὰς magis etiam opus habet, quòd haec
 aetas, ut alijs in rebus à legum uinculis libera uult esse,
 & magis quàm credo ante hac ulla, contumax ac
 freni

frangi impatiens, ordinisq; & disciplinae contemptrix est; ita artium quoq; præcepta respuit atq; adspernatur: quorum utrum nocentius sit, haud facile dictu fuerit, cum alterum Rerumpub. alterum artium ac doctrinae ruinam trahat. Quæ duo nempe leges & doctrina, ut foedere quodam inter se iuncta sunt, simulq; & florere & intercidere solent, ita cum sunt labefactata, immani barbarie ac uasitate omnia inuolui necesse est. Quo maiore cura & contentione uiros honestos his præsentibus malis, quæq; his haud paulò grauiora impendere uidentur, omni genere reammediorum occurrere decet. Nec leuiter hæc examina ad disciplinam conducunt, licentiam temporum nonnihil reprimunt, discendi curam augent, & certa lege atq; ordine studia gubernant; atque ad ea discenda adigunt, quibus religio moresq; boni, ac uera et solida doctrina continetur. Nam ea quæ ad hunc gradum institui solent examina, non solum Grammaticæ & Dialecticæ exercitia sunt, sed quædam etiam *τῶν Χρησίων* Ecclesiasticæ doctrinae: Exiguntur enim rudimenta pietatis ab adolescentibus, & si quæ parum commodæ opiniones de religione fortè perperam hæserunt, animis euellantur, atq; aduersus multos noxios errores pectora muniuntur. Quod quàm operæ precium sit, his præsertim temporibus, non satis dici potest. In hac enim tanta securitate hominum & incuria ac negligentia religionis, necesse est hanc tenebram ætatem quoq; uelut publicam cōtagione infectam,

Religionem
stabiliunt.

Ee

propha-

prophanam, ac pietatis contemnentem fieri: quæ cum sit seminarium Ecclesiæ ac Berumpub. & in hoc ueterno huius seculi tantoq; contemptu religionis succrescat, satis apparet, quàm horribiles tenebræ ac uasitas posteros nostros sit exceptura. Cum alioqui, quemadmodum semina ac plantæ in singulos annos degenerare solent, fatis quodam omnia successu temporum in peius trahente, ita homines quoq; singulorum ætatum deteriores nasci, ac semper à superioris seculi ingenio & moribus longè degenerare uideamus. Quare ut agricolæ arte ac diligentia, dum quotannis maxima quæq; manu legunt, illi seminum maturationi mederi student, ita uiros honestos quosq; cum suorum temporum uitijis pugnare oportet: quod nisi fiat, omnia breui in præceps ruitura uideamus. Ad eundem modum, nisi totis uiribus resistatur horum temporum negligentia atq; inertia, metuendum est, ne ad posteros magna ex parte et religionis doctrina, & ceteræ quoq; discipline sint interitura. Nam Ecclesia (non iam dicam de alumnis uel discipulis) Doctores certè non est habitura, & dispensatores mysteriorum Dei, cum ita negligatur uerbi diuini tractatio. Deinde qualem putemus militiam in superioribus disciplinis futuram, cum in his primarum artium rudimentis nullum sit tyrocinium? Non igitur debet prætermitti ulla occasio, qua utcunque rerum tantarum ruina fulciri ac prohiberi possit. Examina uero utrumque præstant, fouent studium Ecclesiasticæ doctrinæ, & ad

Et ad elementa pietatis perdiscenda adigunt adole-
scentes, nec ea prorsum negligi aut intercidere pati-
untur, et harum primarum artium Grammaticæ
ac Dialecticæ rudimenta conseruant. Scimus autem
quàm difficulter ad ea discenda compellantur adole-
scentes, propterea quòd, ut uerè Fabius dixit, plus
habent operis, quàm ostentationis. Neque obscurum
est, quàm harum artium cognitio necessaria sit, ad
quodcunque omnino genus doctrinæ adspirantibus:
Et quam non infœliciter modò, sed et turpiter su-
periores disciplinas tractent, qui hæc fundamenta ne-
glexerunt. Quid enim in quacunque alia disciplina
efficiet, qui sermonis uim ac proprietatem ignorabit?
Quomodo ille scripti alicuius sententiam uenabi-
tur, cum uerba et eorum structuram, non intelliget?
Quàm prodigiosa somnia finget, cum ita ceu uia la-
psus, orationis sensu destitutus, sententiam uelut in
tenebris palrans prehensabit? Rebus quoque cum de-
stituti necesse est, quem oratio et uerba, quibus res
sunt inuolutæ ac proditæ, destituunt. Rectè igitur
Grammatica nutricula dicitur omnium artium ac disci-
plinarum, et illi ceteræ, hunc honorem et gratiam nu-
tricationis libenter tribuunt: Sumunt enim ab ea una-
quælibet certum ac proprium orationis genus, et ara-
cent ac repellunt à se eos discipulos, qui Grammati-
cæ ubera prius non suxerunt. Quintilianus requirit
uel præcipuè nutricis operam in formando pueri ore
ac lingua, nullq; deligi non indiseram, et fabularum

Difficultas
discendi fun-
damenta.

Grammatica ue-
luti nutricula.

Et ij

ac histo-

ac historiarum non ignaram, quæq; cum primo lacte simul purum orationis genus, & quedam liberalioris doctrinæ elementa instillare possit. Quæ uerò nutricula potest ad hæc efficienda magis idonea esse quam Grammatica? Format hæc singulq; os pueri tenerum, ad suæ facit ad sermonis genus proprium ac certum, poematum atq; historiarum notitiam tradit, & illo primo lacte eloquentiæ ac grauioris doctrinæ pectora alit, subigit, præparatq; ad capiendum uberiorem cæterarum disciplinarum cultum. Non igitur tenuis aut ieiuna est eius opera, sed uel præcipua & ex omnibus maximè necessaria, etsi id in speciem minus appareat. Nam quemadmodum fundamentis nixa sunt & fulciuntur ædificia, quæ si parum firma sunt, perit omnis ædificandi labor ac sumptus, et tamen ea neque conspiciuntur, nec magnificentiæ aut splendori ædificiorum quidquam addunt: ita harum primarum artium cognitioni ceu fundamētis innituntur omnes cæteræ discipline, & si ipsæ per se minus habent splendoris aut ostentationis: hoc tamen iuris ac dignitatis obtinent, ut sine ipsis nullum genus doctrinæ disci recte possit, uel tractari. Nam quæ monstragignent in alijs artibus, qui sermonis, quæ Grammatica tradit, ignari erunt? Quam uerò prodigiose iudicabunt, et quas Chimeras, quos Hippocentavros fingēt, ad quamcunq; disciplinam prouent sese, qui Dialecticæ subsidio destituti, neque rem obscuram definendo explicare, nec ambiguum uidere aut distinguere,

nec lo-

Ædificiorum
& artium fun-
damenta,

Dialectica.

nec totam in partes suas distribuere scient, nec ordinem ullum, aut consequentiam rerum intelligent? Nihil firmi nec ipsi discere, neq; alios docere poterunt, suisq; deq; incertis certa, uera falsis nasceant necesse est. Commemorarem quàm noxij tales deinde homines Rebuspub. ac Ecclesijs soleant esse, & quàm sepe ingentium tumultuum atq; cladum autores extiterint, nisi id usu atq; nostrorum etiam temporum experientia nimis notum esse arbitrarer, & angustia temporis me id facere prohiberet. Quapropter iam finem faciam, adolescentes adhortor, ut istum discendi ordinem, quem per hos gradus ueteres descriptum uoluerunt, & examina, quorum tam multiplicem utilitatem esse uident, non contemnant, sed statuunt, eos qui ista instituerunt usu atq; ætate plus uidisse, & fidelissimè doctrinæ, studijs, ac Rebuspub. consultum cupiisse. Dissoluti ingenij est, cum sanctissimis maiorum institutis ac moribus pugnare: & nullas leges, nullum ordinem nosse, temerè omnia citraq; rationem administrare, Cyclopicum est: quæ plus quàm barbarica uita, quia nostro seculo nimis placet hominibus, uidemus quàm multis ingentibus malis laborarent his temporibus res humanæ, quantaq; sit omnium prope rerum perturbatio ac labefactatio, & quàm non paulò grauiora, nisi Deus singulari clementia prohibeat, impendere uideantur. Ut enim in concentu, si uox una ab harmonia distideat, ceteræ omnes Concentus
Musici. dissonare incipiunt, totaq; symphonia perturbatur:

Ec iiij Ita

Ita si una aliqua, in re à legibus disceditur, consequitur alijs quoq; in rebus infinita perturbatio atq; dissipatio ordinis ac discipline. Quapropter neminima quidem contemnenda sunt, præsertim si ad ordinis conseruationem pertinent, & absq; illis maiora teneri non possunt. Neque uerò sine his primis artibus ulla doctrina constare potest, & hi gradus atque examina hunc studiorum artiumq; ordinem conseruant, prohibentq; confusionem ac perturbationem. Porro qui ab his artibus probè instructi, ad superiores disciplinas accedunt, hi fœliciter in illis deinde uersantur, & fructus studiorum suorum uberrimos percipiunt, redduntq;: Est enim hæc prima ac puerilis institutio uelut flos omnium deinceps prouentuū, quos redditura sunt ingenia. Ouidius:

Si benè floruerint segetes, erit area diues;

Si benè floruerit uinea, Bacchus erit.

Si bene floruerint oleæ, nitidissimus annus,

Poma quoq; euentum temporis huius habent.

D I X I.

**SERMO HABITVS APVD IUVEN-
tutem Academiæ Vuitenbergensis, de
corrigendis Adolescentiæ studijs,
autore Phil. Melanth.**

Anno

M. D. XVIII.

Eximie

EXIMIA PIETATE AC DOCTRINA

na uiro, Domino Othoni Beckman, Iurifcon-

sulto, Canonico Vuitenbergensi,

Philip. Melanthon.

S. D.



ON parum refert ad uitæ tuendæ Literæ
rationes, quo genere literarum rudis
et as initio formetur, cum ob alia mul-
ta, tum maxime, quod nihil efficacius
est ad mutanda ingenia, moresque
hominum, literis: Nam fere semper talis est unusquis-
que, qualem studia faciunt. Nec mihi bonæ literæ, nisi
quæ mentis bonæ sunt, uidentur. Itaque præstat optimis
iuuentutem erudiri: mores enim optimos optimæ lite-
ræ conferunt. At uideas hodie passum in Germania
tale quoddam genus iuuenilitum studiorum tractari, quod
non modo sit ad omnem reliquam uitam inutile, sed
omnino etiam perniciosum. Etenim deserta pædia,
quibus nescio nugis ingenia, ceterum fœlicia occupan-
tur, ac franguntur, philosophiâ ipsi uocant. Non hoc
dico, quòd Philosophia studiosos auocem, sed hunc
Philosophandi ordinem ac ductum non probo. Nec
enim angustis adeò finibus circumscripta est Philoso-
phia, ut philosophari nihil aliud sit, quam nugari.
Maxima eius pars contempta iacet, ea uidelicet, quæ
sapientis nomine maioribus nostris digna uisa est. Adole-
scens quispiam ad Xenocratem adductus, percipiendæ

Philosophia
augatrix.

Ee iij

Philo-

Philosophiæ gratiâ, cum nondum quidquam Cycli-
corum attigisset, sapientiæ sacris prohibitus est, Sic
enim ait Xenocrates:

Οὗτος παρ' ἐμῶν νόμος οὐ νραφθῆσεται.

O nos felices, si recte studia Deum favore ren-
scentur, quæ iam ferè caput exerere in Saxonibus cœ-
perunt. Proinde iuventutem nostram sermone nuper
habito inhortatus sum, ut ad bonas literas animis ad-
spiret, atq; hoc unum egi paucis, ut intelligat quæ-
nam sit Barbaricorum, quæ bonorum studiorum ra-
tia, neque dubito, cui satis utrunq; genus cognitum
est, conaturum totis viribus, ut ea parte præstet, quæ
et optima est, et ab optimis sola probatur. Quæ e-
nim uesania fuerit, immenso labore, cura, rugas en-
re? Orationem tuo nomini, Otho doctissime, dedico
ἀόσιμ' ὀλίγῃ τε φίλῃ τε. Debemus enim tibi, qui cunctis
literis profitemur, atque adeo ego multis sane nomi-
nibus, quem pluribus quotidie soles officiis cumulare.
Hoc igitur munus qualecunq; est, si de animo æstimes
meo, amplissimum ac pulcherrimum accepisti.

Vale, Vuitenbergæ Mense Octob.

Anno 1518.

D I X I.

N A E E G O



NE ego plane uidear impudens, atque mei prorsum oblitus, in hoc coetu Magnifice Domine Rector, eximij Principes Academiae, dicturus, quem cum illa & ingenium & umbratile studiorum genitrix, huiusmodi theatris, & hac plausibili Oratorum quasi curia auocet, abstergere modo cum primis rebus, quam acturus sum, difficultas potuit, ut me cum pietas in recta studia, tum officij mei rationes retineantur, quo bonas literas ac renascentes Musas, quae quod maxime commendatas uobis uniuersis uelim. Illarum enim causam suscepi tutandam, aduersus eos, qui uirgo sibi in scholis doctorum titulos ac praemia, Barbari barbaris artibus, hoc est, uel & Francke arrogarint, & haecenus fere malitiosis ingenuis homines retinent. Germanicam iuuentutem paulo superioribus annis adhiberi conatam in hoc foelix certamen literarum descendere, iam nunc quoque non pauci, uelut e medio cursu, commento plusquam Thraeco reuocant: Difficilius esse studium literarum renascentium, quam utilius: Graeci a quibusdam male feriatis ingenijs arripi, ac ad ostentationem patari: Dubiae fidei Hebraea esse: Interim a gentiano literas cultu perire. Philosophiam desertam iri, & id genus reliqua conuicijs.

Barbaries
literarum.

Cum isto grege indoctorum congressuro, quis non intelligat, uel Herculi non uno Theseo opus esse? Adeo suscepto negotio non parum a quo dicar audacior. Ut

Ecce V interim

interim fileam, uix posse hanc à me prouinciam administrari, citra modestiæ periculum, qua dispeream, si quid unquam rerum humanarum prius duxi. Ardeo enim amore recti, et quum studia uestra uehementer iuuari adollescentes cupiam, fiet, ut quedam liberius quam isti uolent, dicam. At quando me huc siue ratio (ita enim uideor mihi) siue casus aliquis impulit uolo hanc mecum, Clarissimi uiri, causam habere uos communem, quorum industria, consilijs, operaq; sit, ut passim à situ et squalore adserantur literæ, natuumq; nitorem ubiq; recepturæ sperentur.

Ratio uera
studiorum,

Placuit igitur paucis commonere iuuentutem illis stris Academiæ nostræ, ut quantum ad summam præclari instituti uestri attinet, intelligat, quæ sit resuscitantium studiorum ratio, quæ illorum, quæ barbari maiores nostri è Scotis in Galliam, è Gallijs in Germaniam inuexerunt, ut ordine ac ductu generis utriusq; cognito, ipsi iudicetis, utrum maiore commodo, periculo minore liceat amplecti. Atq; in hoc omnis oratio mea incumbet, uti spem uobis elegantis literaturæ (de Græca et Latina loquor) faciam. Scio enim in ipso iam uestibulo plerosq; nouitate rei, si non deterreri, certè angere. Præstabat autem orationis argumentum, et quasi filum, ab ipsis studiorum fontibus, et omnium seculorum literatis institutis ducere: sed eascens alterius erunt. Iam quod attinet, breuibus barbara studia cum synceris committam, docebo quibus auspicijs Latina discenda sint, et Græca tentanda. Interim

terim queso dicentem benigni audite, id quod à uobis
uel singulare meum erga uos studium, uel ipsa litera-
rum dignitas impetrabit.

Ruina literarum

Annis ab hinc opinor octingentis, orbe propè uni-
uerso à Gothis commoto, et à Longobardis deuastata
Italia, simul cū Romano imperio Romanae literae sunt
intermortuae, quod unà belli furor & bibliothecas ex-
ciderat, & Musas otio, ita ut sit, negato extinxerat.
Scitis enim quàm non conueniat cum sapientia stu-
dijs, atq; adeò ciuiliū rerum cultu, Marti, quem fin-
git Homerus noster cum Pallade acerbis odijs consti-
stantem, *μαινόμενον*, ut ipse ait, *τυνίσον νανόν*, quo
ferè tempore Gregorius, quem isti Magnum, ego præ-
fultorem *ναὶ δαδίσχορ* Theologiae pereuntis uoco,
ceterum eximia uir pietate, Romanam Ecclesiam ad-
ministravit, & infœlicissimi seculi casum, quo ad po-
tuit, docendo scribendoq; sustinuit. Sub id ætatis ne-
mo, ut uidetur, nostrorum hominum fuit, qui aliquid
insigne scriptum ad posteros dederit.

Gregorius.

Verum hætenus in Scotis atq; Hybernis literas
diuturna pax aluerat, clarebantq; hi cum alijs quibus-
dam, tum maximè uenerabili Beda, græcè & latine
haud uulgariter perito; ad hæc in Philosophia, Mathe-
maticis; sacris sic erudito, ut cum uetustis quoq; cōfer-
ri posset; interim frigebat Italia, frigebat Gallia. Ger-
mania semper armis, quàm literis instructor erat,
eaq; tum potissimum in Italia seuebat: nondum enim
annuata Christum profitebatur. In hunc rerū statum

Beda.

Carolus

Carolus natus, cū fines Romani imperij pacasset, ad instaurandas literas animum adiecit. Nam et ipse præter multarum rerum cognitionem, plerasq; disciplinas, quæ scholis debent, expeditas & compertas habebat. Alcuinum ex Anglia in Gallias duxit, quo auctore Parrisijs literas profiteri cœperunt, auspicio certè læto. Nam puræ adhuc erant, & accedebat Græcarum rerum mediocris peritia. Ea nobis etas Hugones, Richardos, & alios non pessimos scriptores edidit. Philosophia, non uti nunc, ex Aristotele petebatur, sed totam sibi adseruerant Mathematica, quæ magnæ curæ tum literati omnes habebant, id quod indicant ueteres Monachorum Diui Benedicti bibliothecæ: e quibus nemo clarus extitit, qui non opere Mathematico, sit eruditionem suam egregiè testatus.

Deinde usu res acta est, incideruntq; homines quidam, siue libidine ingeniorum, siue amore litium ducti, in Aristotelem, eumq; mancum, & lacerum, & qui alioqui Græcis obscurus, καὶ τὸ λογικὸν similis uideatur, latinè sic redditum, ut etiam Sibyllæ furentis coniecturas exerceret: Huc tamen incauti homines impegerūt. Sensim neglectæ meliores discipline, eruditione græca excidimus, omnino pro bonis non bona doceri cœpta. Hinc prodiere Thoma, Scotti, Durandi, Seraphici, Cherubici, & reliqui, proles numerosior Cadmeæ sobole. Accedit insuper quod non solum contempti ueteres studio nouorum, sed omnino si qui in eam supererant ætatem, seu in Lethen ablegati

Alcuinus.

Mathematica.

Aristoteles
opicus.

gati perierunt, ut dubites, num alia re argutiarum au-
thores plus nocuerint, quàm quòd uercores tot millia Tyrannis
ueterum scriptorum ad interuersionem usq; aboleri
passi sunt. Talibus deinde semel iuris diuini ac hu-
mani potestas facta est, ex horum decretis iuuentis
erudiebatur. Proinde in scientiam Iuris ac rem Medi-
cam pariter posthac seuitum est: Oportebat enim si-
mitem præceptoribus discipulum esse, ut aiunt *ναὺς*
νόσωνος ναὺς νόσων.

Hæc ratio studiorum, annos circiter trecentos, in
Anglia, in Gallijs, in Germania regnauit, ut ne quid
interea dicam immodestius. Quàm perniciofa, conij-
cere licet propemodum ex his quæ dixi, atq; ut planè
intelligatis, animum aduertite.

Primum desertis ueterum disciplinis, quando au-
dax ista commentandi & philosophandi ratio inua- Audax Philoso-
luit simul græca contempta, Mathematica deserta, sa- phandi ratio,
cra negligentius culta sunt. Quo malo, quæ seuior pe-
stis esse potuit? Certè nulla uulgarior unquam fuit.
Nam cum ad eam usq; ætatem, & Philosophia tota
græca fuisset, & sacrorum latinæ literæ, præter Cy-
prium, Hilariū, Ambrosiū, Hieronymū, Au-
gustinū, nullæ insignes extarent, & Græcorū usum
uernaculum sacra Occidentis magna ex parte cate-
nus habuissent, fieri non potuit, quin græcis contem-
ptis, unà quidquid commodi studijs humanis Philo-
sophia confert (confert autem longè plurimum) de-
inde cura sacrorum sensim interiret. Hic casus uerè
Chri-

Christianos Ecclesie ritus ac mores, ille studia literarum labefactauit. Aequius forsitan alterius ruina ferri potuit. Nam & lapsantes literas, incorrupti Ecclesie ritus, facile instaurare poterant, & bonis literis, sic quæ saluæ mansissent, liberum erat, ruinosos Ecclesie mores corrigere, animos hominum iacentes excitare, confirmare, & in ordinem cogere.

At uerò siue fato, siue nostro uitio euenit, simul bonæ literæ non bonis, prisca pietas ceremonijs, hominum traditionibus, constitutionibus decretis, capitulis, extrauagantibus glossis *διευτερώτων* mutata est. Nequeretulit quod Nicena Synodo Patres tam prudenter cauerunt *τὰ ἀρχαῖα ἐθνικὰ θέτω*. Audacius hæc uidear alicui, quàm ex usu uel studiorum meorum: Verum, ut sic dicam, res uestre, ingenui iuuenes, postulant. Nam ut quidam segnius cum bonis artibus in gratiam redeant, nimirum in causa est, quod nondum quisquæ eos liberè admonuit. Iam igitur cognoscite, quanam sit illa barbarorum commentandi ratio, quæ è quibus manarit fontibus, audistis.

Artium genera
tria.

Grammatica.

Artium genera omnino tria sunt: *λογικόν, φυσικόν, ποσειδωνικόν*. Logicum uim omnem ac discrimina sermonis tractat, & cum per ipsum in illa superiora sit iter, primum formæ pueritiæ rudimentum est, literas docet, proprietatem sermonis aut regulis adstringit, aut collatis autorum figuris indicat, quid obserues, id quod ferè Grammatica præstat. Deinde cum paulò progressus fueris, iudicium animis comparat, quo

quo metas rerum, ortus, fines, ductum, sic agnoscas, ut sicubi quid inciderit exacte tractandum, omnia quæ ad institutum pertinent, quasi in numero habeas, & artis adminiculis ita sensus auditorum capias, ut dissentire temere non queant: hæ partes illius sunt, quam nos Dialecticam, alij Rhetoricam uocant: nominibus enim uariant authores, cum ars eadem sit.

Dialectica &
Rhetorica.

Atq; hic docendi ordo quondam fuit, quum uigerent adhuc literæ, donec in bullatos quosdam Magistros incidimus, qui scitis qua mole commentariorum Grammatica primum oppresserant. Sed quando ea reuixerunt, de Dialecticis uideamus, quæ adhuc ex Tartaretis, Bricot, Peruersore, Eckijs, Copulatis burse montis, Exercitijs taurinis & caninis, & alijs huius farinis petimus. Licet hac parte mihi liberius agere, nam & iisdem ego annos iam sex perpetuos penè detritus sum. Et cum rem probè meditatam habeam, non erit difficile mihi suis eam coloribus pingere, ac declarare, non esse dialectica, quæ isti ἀμύστοι, inscitie Magistri profitentur.

Bullati
Magistri.

Primum Dialectica, ut dixi, methodus quedam est omnium questionum compendiariorum, ἀνωγεινή τε καὶ ἀναγκαστική: qua constat ordo & iudicium cuiusq; rei tractandæ, ut in quoque uideamus, quid, quantum, quale, cur, quomodo, si simplex sit: Sin complexum, uerumne an falsum. Simplicium discrimina, notionesq; isti per loca senta situ cogunt, noctemq; profundam.

Dialectica.

ναῦτογία.

*Analytica
posteriora.*

fundam. Complexorum doctrinae, quas tenebras non offuderunt argutijs? Quales sunt? Genus est species. Nullus & nemo mordent se in sacco: Parisijs & Romæ uenditur piper. Arcent foro suo quæ non assentiuntur. Librum *ναῦτογία* aiunt Dialecticæ tabulis non censi, cum inde omne artificium inueniendi, seu è fonte fluat, & *ναῦτογία* non sint nisi *μέθοδοι* quedam simplicium. Et hic argutantur: Num singula genera generaliss. realiter (ut uocant) discrepent, atq; de eo nondum inter Scotistas ipsos conuenit, multò minus cum factionis diuersæ nominibus. Analytica posteriora, cum sint disponendi series, ac ut Simplicius Peripateticus ait, canon ac amplexus artificiosæ disputationis inter Metaphysica nostri retulerunt: Nempe quò rem per se non admodum difficilem, ac mirè utilem studijs honestè tractandis, & difficilem, & inutilem redderent. Hoccine est illud docere quod iactant? Hæccine sunt sine quibus pensum arti cuiq; suum reddi nequit? Hæccine sunt, quæ tam splendidis Philosophiæ titulis auctionantur? At quantò minoris didicissent rectè sapere, quàm desipere. Sed cohibeo animum, ne quem uel bonorum nimia libertas offēdat. Vos à me adolescentes hoc unū agi putetis, utilius quàm quod olim tractabant, studium uideri renascentium literarum. Equidem aliquot noui recti iudicij uiros, quibus cum sæpe rem eandem contulit, prorsum nostræ sententiæ, omnibus calculis adspulantes.

Amicus

Amicus mihi quispiam est non uulgaris, sub quo
 primum puer præceptore in Suevis Tubinge, Diale-
 cticis merui annum unum aut alterum, hæcenus ut
 fratre semper familiarissimè usus, Franciscus Stadianus,
 eruditione acuitæ genere tali, ut à bonis ac do-
 ctis omnibus certatim diligi mereatur, is Analytica
 posteriora Sueuicæ iuuentuti anno superiore præle-
 cturus, à nobis Themistij libellos, quos latinè reddi-
 dit Hermolaus, accepit. Addidi quædam è Philopono
 transcripta, neque enim græca omnia satis mihi pro-
 bantur. Admonui insuper illic ab Aristotele Rhetorica
 doceri. Legit, relegitq; & quo est iudicio, pro-
 tinus ad scopum aduertit animum, ibi re penitus co-
 gnita, & pro felicità ingenij sui aucta illustrataq;
 tot notalibus, acceptionibus, distinctionibus exau-
 thoratis, causam integram, ueluti recuperatorio iudi-
 cio restituit, scholæ simpliciter ac candidè summā rei
 τὸ ἀλφὰ καὶ τὸ μέγα traditurus. Ad hæc malè preta-
 tus nugis, obnixè à me contendit, Aristoteli purgan-
 do socias manus adiicerem: Conaturum omnia sese
 pro uiribus, uti artium elemēta uindicta barbarorum
 liberarentur. Primi nominis studia à sordibus recipi,
 non posse, nisi purgatis adolescentiæ rudimentis. Id se
 re queng; in summis posse, quod infimis assueuerit. In
 summa, omnia sibi de grandioribus polliceri, si exer-
 cendæ iuuentæ ratio melior iniretur. Placuit amici cō-
 filium, & negotium unā literarium suscepimus: Dij
 reliqua secudent.

Ff Nam

Nam quæso uos, quanti facitis huius uiri iudicium, cum in alijs disciplinis οὐ παρέγως, tum in hoc genere summa cum laude annos opinor decem uersati? Hoc egero uobiscum teste, atq; eo sanè iurato, non esse in his uulgatis stromatis, quod probari cuiquam præter personatos quosdam professores, γαλλοὺς μᾶλλον ἢ φιλοσόφους, queat. Iratas habeam Musas, ni hæc ita damnem, ut pro eis meliora foeliciaq; uos amplecti uelim: Alioqui liberum per me cuiq; fuerit, quorsum uel usus uocat, uel ingenium trahit sequi. Sat scio nullum fuisse seculum, neq; Græcorum neque Latinorum, quod non sit egregie nugatum philosophando: ueteres aliquantò quàm noui foelicius. Quare afferas ad ea studia oportet animum acrem et curam, deinde Magistrum adhibeas boni iudicij, qui seligat, quæ nam, et quatenus discenda sint. Dolet enim sanis, esse qui persuaferunt sibi, nisi hæc nugalia didicerimus, non fore ex usu, quidquid studiorum affectemus. Modestus uir Socrates erat, qui cum opinione sapientie uulgò coleretur, dicebat, hoc unum se scire, quod nihil sciret: illi contrà hoc unum nesciunt, quod nihil sciunt. Atque utinam foeliciter eos aliquando ἐγμῆς ὁ λόγος uirga sua demulceat, ut expergesiant, ut desipere se agnoscant. Vt euagarer longius, ipsa mei rei indignitas perpulit: Volo enim fidem studiorum factum, aliud quoddam literarum genus utilius esse, quàm sit quod copulata iactant: atq; hæc in Rhetoricis nostris lōgius. Quin uideamus, et hoc facile ne sit.

hæc

Nugacitas
Philosophandi

Socratis
modestia.

hac enim se commendatione diuendunt: quasi uerò angustis adeò finibus cõtenta uirtus esse debeat, ut quod cuiq; procliue sit aggredi, continuò idem honestum sit. Quantum etatis homini datum est, nedum adolescentiam, insumunt, ut Euripos omnes, sic enim Nazianzenus uocat, Aristotelicos exhauriant: id quod nescio an unquã alicui contigerit. Subinde enim quod exhauritur, influit, felicius id quidem, quàm quod de Danaïdum dolijs ferunt. Adde quod cùm se ueri scientiam meditari gloriantur: plurimum operæ fallacijs nectendisq; dolis linguae nauant, ut festiuiter ludit Iso crates cùm ait: οἱ προποιοῦνται μὲν τῷ ἀλήθειαν ζητεῖν, ἐνθὺς δ' ἐν ἀρχῇ τῶν ἐπαγγελμάτων, ψευδῆ λέγουσιν ἐπιχειροῦσιν. Deinde ex tot factionum diuersis opinionibus uix unam aut alteram, quæ sibi constet, reperias. Solent enim ut ex ueteribus Theologis quidam primi nominis dixit, in omni humano dogmate falsis uera, ueris falsa misceri, καὶ τ' ἀληθὲς πολλοῖς ψεύδεισιν ἐγκρύπτεισθαι, ut Dionysij uerbis utar. Ibi uerò quanto agas negocio, quibus auditorẽ perfugijs trahas, dum sententiæ Doctores inter se conueniant? nimirum ut candida nigris: at nil refert, cadat, an recto stet fabula talo, modo clamatũ sit fortiter. Quanto satius erat, hic uel τὸ ἐπέχειρ nouæ Acedemiæ amplecti. Vereor ne molestum sit uobis, audire tam inconditas nugas, alioquin exemplis hæc comprobarem nō paucis. Interim partium studijs disceditur, aluntur odia, friget humanitas, & cùm à literis nihil abesse

Euripi
Aristotelici.

Est ij debeat

Inuidia nutrit
uana studia.

debeat longius rancore. nam communia erant Musis
& Gratijs quondam sacra, horum studia, quæcunq;
sunt, uel sola nutriti inuidia. Sic imbuti, cum ad subli-
mia, Theologiam, iuris scientiam, aut rem medicam,
effœtis iam annis pedem mouent, quid aliud defectis
ingenij uirib. quàm quod in ludo consueuerūt, agant?
Nugantur ergo bis pueri senes, quanquā si cui paulò
fœlicior est genius, luisse pudet, sed nō incidere ludū.

Gratulatio de
studiorum
correctione.

Porrò uobis adolescentibus uestram gratulor scœ-
licitatem, quibus benignitate optimi ac sapientissimi
Principis nostri Friderici, Ducis Saxonie Electoris,
contigit longè saluberrimis erudiri: fontes ipsos arti-
um ex optimis autoribus hauritis. Hic natiuum ac
sincerum Aristotelem, ille Quintilianum Rhetor-
em, hic Plinium tantum non ditissimum pedes, ac
ueluti quoddam copie cornu, ille argutias sed arte
temperatas docet. Accedunt, sine quibus nemo potest
eruditus censerī, Mathematica, item Poëmata, Ora-
tores, professoribus non proletarijs. Hæc si cognoue-
ritis quo ordine tractanda sint, certo scio, & facilia,
& admirandi profectus uidebuntur. Puerilia studia,
quæ appellant *πρῶτα μαθήματα*, Grammatica, Diale-
ctica, Rhetorica, eatenus discenda sunt, qua ad dicen-
dum ac iudicandum instructus, fastigia studiorum non
temerè affectes.

Græcæ & Lati-
næ literæ con-
iungendæ.

Iungendæ Græcæ literæ Latinis, ut Philosophos,
Theologos, Historicos, Oratores, Poëtas lecturus, qua
qua te uertas, rem ipsam adsequare, non umbram re-
rum,

rum, uelut Ixion cum Iunone congressurus, in nubem incidit. Hoc quasi uiatiko comparato, per compendia uai ἐν πειρώς, ut Plato ait, Philosophiam accende. Nam in ea sum planè sententia, ut qui uelit insigne aliquid, uel in sacris, uel foro conari, parum effecturum, ni animum antea humanis disciplinis (sic enim Philosophiam uoco) prudenter, et quantum satis est, exercuerit. Nolo autem philosophando quenquam nugari: ita enim fit, ut communis etiam sensus tandem obliuiscatur. Sed ex optimis optima selige, eaq; cum ad scientiam naturæ, tum ad mores formandos attinentia. In primis hic eruditione græca opus est, quæ naturæ scientiam uniuersam complectitur, ut de moribus appositè ac copiosè dicere queas. Plurimum ualent Aristotelis Moralia, Leges Platonis, Poëtæ atq; ij sanè, qui et optimi sunt, et in hoc legi possunt, ut animos erudiant. Homerus Græcis fons omnium disciplinarum: Virgilius ac Horatius, Latinis.

Philosophandi
uera ratio.

• Necèssaria est omnino ad hanc rem historia, cui si ausum, me hercè non inuitus uni contulero, quidquid emeretur laudum uniuersus artium orbis. Historia.

Hæc quid sit pulchrum, quid turpè, quid utile, quid non,

• Plenus ac melius Chrysippo et Crantore dicit.

Hæc nulla uitæ pars, neq; publica, neq; priuata uacare potest. Huic administratio rerum urbanarum domesticarumq; debet. Ac nescio an minore incommodo mundus hic noster sole, animo uidelicet suo, caris

- F f iij turus

Philosophiæ
nomine quid
complectatur.

turus sit, quàm historia ciuiliū negociorum ratio. Consensu maiorum nostrorum celebratum est, Musas ex memoria natas esse, eo ni fallor significatum, ex historia omne artium genus manare. Complector ergo Philosophiæ nomine scientiam naturæ, morum rationes, & exempla: quibus qui rectè imbutus fuerit, ille uiam sibi ad summa munijt. Causas acturus, habebit unde diuitem riuum, ac amplam orationem condat: Ciuitatem administraturus, unde æqui, boni, iusti, formulas petat. Nimirum hæc Philosophiæ comoda Demostheni clarissimo oratori uisa sunt, quam accuratè eam adolescenti cuidam commendarit: *νόμισε δὲ* etc. Reliqua ipsi in Erotico legite. M. Cicero nusquam non dedit Philosophiæ primas, & audistis opinor, quid ille in comparatione Seruij Sulpitij, & Q. Scæuolæ: Iurisconsult. quendam σοφόν Romani cognominarunt admirati uberem in eo Philosophicarum rerum scientiam.

Literarum
usus in sacra
scriptura,

Verum quod ad sacra attinet, plurimum refert, quomodo animū compares. Nam si quod studiorum genus, sacra profectò potissimum ingenio, usu & cura opus habent. Est enim odor unguentorum domini super humanarum disciplinarum aromata; Duce spiritu, comite artium nostrarum cultu, ad sacra uenire licet: Sicut ad Herculianum Synesius scribit: *ἐρπώμενως ἐνθυμῶς, διαβιώντες φιλοσοφία χρώμενος, ἐς τὸ θεῖον ποδὺν ἵκσθαι ἀξιογάρσσει*. Id si cui non uidetur, cogitet præter cetera & orichalcū à Tyrijs in templis Solymani

Solymi fabricam collatum esse. Itaq; cum Theologia partim Hebraica, partim Græca sit, nam Latini riuos illorum bibimus, linguæ externæ discendæ sunt, ne uelut *ἡμεῖς ποιοῦμεν* cū Theologis agamus. Ibi se splendor uerborum ac proprietates aperiet, et patescet uelut intra meridiana cubilia uerus ille, ac genuinus literæ sensus. Proximè cum literam percipimus, sequemur elenchum rerum. Faceissent iam tot frigide glossulæ, concordantiæ, discordantiæ, et si quæ sunt aliæ ingenij remora: Atq; cum animos ad fontes contulerimus, Christū sapere incipiemus, mandatum eius lucidū nobis fiet, et nectare illo beato diuinæ sapientiæ perfundemur. At cū in uineis Engaddi cyperū legerimus, occurret sponsus saliens super montes et transfiliens super colles, ductos in palatia Eden *בְּמִדְבָּרָא* succo liquido fragrante, impios animos diffluente inunget, ac more osculi dignabitur. Illius membris inserti uiuemus, spirabimus, uegetabimur, Sion contemplantur, et silentio *קַדְשׁוֹ* Salē adorantes. Hic coelestis sapientiæ fructus est. Eam igitur quā purissimè, non interpolatam nostris argutijs colamus.

Id quod cum aliquoties inculcat Paulus, tum in Epistola ad Titum sedulo à Christiani hominis doctrina exigit, *ἀδιαφθορίαν* integritatē, hoc est, ne lubrica sit fides: Deinde *σεμνότητα* mundiciem, hoc est ne alienis literis improbè sacra contaminemus. Opinor quòd futurum sciebat, si sacris prophana nuscarentur. fore, ut simul prophani affectus, odia, studia factionum,

F f iij

schismata,

schismata, iurgia, consertim succederent.

Proinde qui diuinis initiari uolet, Adam illum uerem exuat oportet, ut incorruptibilem Adam induat, hoc est, humanos affectus, ipsumq; callidi serpentis iugum supra uirtute frangat, excutiat, ut in gloria Domini transformetur in abyssum abyssus. Hoc sanè in causa erat, cur dicerem usu literarum destituam Ecclesiam, ueram ac Germanam pietatem traditionibus humanis alicubi mutasse. Postquam hominum commenta placere cœperunt, & amore operum nostrorū uicti, pro manna Beelphegor gustauimus, homines non Χριστοί esse cœpimus. Hæc uelim ita dicere uidear, ut sentio. Sentio autē omnino aliud nihil, quàm quod Euangelicæ ueritati Ecclesiæ decretis probatur, cruciq; mihi, quod Hebræi dicunt. **וְהָיָה כְּשֶׁנֶּחֱמָה לְלַמֵּד**

Iam ne obscure intelligitis, quantū sit in renascentibus studijs momenti, quantum ad excolendas bonas mentes conducant? Quem non misere scat superioris ætatis, quæ tam clara luce studiorum deserta, in oeci tenebras, & nescio quas feces literarū incidit? Quem non tangat ingens nostri seculi calamitas, quod et uetustis autoribus nostratium incuria orbatum est, deinde quod hi quoq; lucrificissent ex bonis, ni periissent illi desiderati. Superest igitur, iuuenes, ut audiat, quanquam ita se res habeat, & difficilia sunt, quæ pulchra sunt, tamen ita uincet industria difficultatē, ut longē minore impendio bona, quam mala uos sperare affecuturos.

Delia

Facilitas discendi literas.

Deligunt uobis præceptores uestri, quæ ex usu est
 scire, frivola secernunt, atq; hi Latina quidem, simul
 cum latinis Græca disci, & debent, & facile possunt.
 modò succisivas aliquot horas Græcis date, ego faxo
 studio ac labore meo, ne opera uos uestra frustretur.
 Statim enim ab initio difficultatem rei Grammaticæ
 optimorum authorum lectione temperabo, ut quod
 illic regula, hîc exempla doceant. Accedit obiter in
 authoribus interim quod ad mores, uel rerum secre-
 tarum scientiam pertinet: omnia si contuleritis, pul-
 cherrimè absoluent orbem studiorum. Erit enim cura
 mihi, ut pro re quæ uidentur, diligenter admoneam.
 Homerum habemus in manibus, habemus & Pauli
 Epistolam ad Titum. Hîc spectare uobis licebit, quan-
 tum sermonis proprietates, ad intelligenda sacrorum
 mysteria conferat, quid item intersit inter interpretes
 Græcè doctos & indoctos: In alijs nota mala pro bo-
 nis ducantur, in hoc negotio diuitius citra iacturam
 ineptire non licet.

Capeſſite ergo sana studia, et quod à Poëta dictum
 est, animo uoluite: Dimidium facti qui cœpit, habet.
 Sapere audete, ueteres Latinos colite, græca ample-
 xamini, sine quibus Latina tractari rectè nequeunt.
 Ea pro omnium literarum usu, ingènium alent miti-
 tius, ac elegantius unde quaq; reddent. Paucis annis
 prodire in lucè, qui nobis et exemplo et stimulo sint:
 Videor enim uidere mihi tacitus aliquot locis reslo-
 rescere Germaniam, planeq; moribus & communi

Ff V homi-

*hominum sensu mittere , & quasi cicurari , quæ
Barbaris olim disciplinis efferata, nescio quid imma-
ne solita est spirare.*

*Proinde locabitur operam , non modò commodo
uestro, eoq; ad posteros propagando, sed omnino glo-
riæ non intermoriaturæ Principis omnium gentium
consensu optimi, qui nihil adferendis bonis literis ha-
bet potius. Equidem quod ad me attinet, nihil non
connitatur, ne defuisse uel pientissimi principis uolun-
tati, uel studijs uestris, optimi auditores, uidear. Atq;
hoc me nomine uobis clarissimi uiri, Academiæ Sa-
xoniciæ Principes, addico ac deuoueo: uestrum erit,
adoleſcentiam meam bonis literis consecratam, mini-
mè malis artibus imbutam, denique in fidem
uestram sedulò commendatam, beni-
gnè officiosèquè tueri ac
conseruare.*

D I X I.

DE RE

DE RESTITVENDIS SCHOLIS

Oratio habita ab Alexandro Aleſſio Sco-
to, in celebri Academia Francofor-
diana ad Oderam.

1540.



T Paulus inquit: incertis uagamur Ecclesia ex-
sedibus: ita Ecclesia uera Christi las.

exulat in hoc mundo, nusquam cer-
tam ac durabilem sedem habet: Dia-
bolus enim odio filij Dei incendit
ubiq; impios ad eam pellendam & dissipandam. Ita
summos illos heroes, Abraham, Iacob, Moysen, hostes
fugere, querere alia hospitia, legitis. Dauidem et Heli-
am uix remotæ solitudines, & specus in saxis aduer-
sus tyrannos texerunt. Apostoli toto orbe terrarū ua-
gantur. Ipse etiam Filius Dei ueniens in hunc mundum
ex coelesti patria, exulare se fatetur, cum ait: Filius
hominis non habet ubi caput reclinet. Quare etiam si
de exulibus grauiter suspicari homines solent: tamen
Christianos cōmunem Ecclesiæ fortunam cogitare de-
cet, nec exiliū inter probra ducere, si causa sit honesta.
Fateor me iam annos octo abesse à patria, uerè diuina
ope crudelitati cuiusdam sæuissimi Tyrāni ereptum,
qui me, cum quædam errata doctrinæ Ecclesiasticæ
manifesta taxassem, iam uinctum deseruabat, et diram
necem mihi minabatur. Et si autem postea multis peri-
culis conflictatus sum, tamen res ipsa ostendit, Deum

Aleſſius exul;

uere

uerè mihi adfuisse ducem in illis longis peregrinationibus, meq; clementer seruasse, ut spero ad aliquam Ecclesie utilitatem.

Narratio de
suo exilio,

Primum ex patria discedens, ueni in Academiam Saxoniam, eo tempore, quo omnes articuli doctrine diligentissimè disputabantur, ubi consuetudine eruditorum excitatus, multa maiore cura conferre dogmata coepi. Postea Britanniam adij, ubi & docui aliquandiu in Academia, et rursus cum ijs qui excellunt eruditione, de doctrina Christiana collocutus sum accurate. Estque doctrina perspecta mea mens in ea insula prestantibus uiris, Episcopo Cantuariensi, Latimero, & alijs. Cumq; iam defessus tot peregrinationibus, quasi in portum uenissem, manereq; ibi decreuissem, ecce rursus prodeunt atrocissima edicta contra doctrinam Euangelij. Itaque cum aut subunda esset impiorum crudelitas, aut cedendum, secutus sum consilium multorum bonorum uirorum, qui & mihi & alijs pijs, qui palàm dissentiebant ab illis decretis sanguine scriptis, hortatores erant, ut discederemus. Redij igitur in Germaniam ad eas Ecclesias, cum quibus sentire me profiteor, quæ mihi hospitium hoc semestri pergratum præbuerunt. Cumq; eximia liberalitate Ducis Saxonie adiutus sum, tum hoc accessit, quod iterum de doctrina licuit cum hominibus pijs & peritis conferre. Deinde mihi illustrissimus Princeps Marchio elector locum in Academia uestra clementer tribuit, ac munus commendauit re ipsa amplius.

amplissimum, uidelicet, doctrinae Ecclesiasticae explanationem. Hæc eò commemorauī, ut sicut meipsum series mearum arumnarum & exitus monent, ut diuinitus me seruatum esse ad aliquam Ecclesiæ utilitatem existimem, ita & uos benè & amanter de hospite sentiatīs, nec me propter exilium aspernemini. Laudatur uetus Germania propter singularem fidem & humanitatem, qua excipere & tegere hospites solita est. Et uos arbitror adhuc retinere plurimum priscae & antiquae uirtutis, ad quam accedere etiā pietas est.

Præcipuè autem hoc officium Christus flagitat, ut eos qui uagantur uel docendi, uel discendi Euangelij causa, ceteri amanter complectantur, ac promittit mercedem inquit : Amen dico uobis, si quis dederit uel aquæ potum uni ex minimis propter doctrinam, mercedem accipiet. Quare & uobis spero Deum benefacturum esse, si nos complexi fueritis, qui qualescunq; sumus, tamen ex illo coetu sumus, de quo Christus loquitur, Euangelium enim circumferimus, & si fateor me uerè esse omnium, qui docent, minimum.

Sed cum ordinis ac functionis dignitatem Christus magnificat, erit uestræ pietatis, me non grauatim audire. Maiores uestri reuerenter exceperunt multos ex insula Scotorum egressos, Gallum, Bonifacium, & alios, qui in Germaniam intulerunt Euangelium: horum uos honesta exempla imitari decet, præsertim cum his miserrimis temporibus doctrinam Christianam ubiq; terrarum horribili amentia Pontifices

ac Re-

Emendatio
scholarum.

ac Reges delere conentur. In tanto publico periculo credite uos Deo gratissimum officium facere, quod Euangelij Doctores benignè excipitis, tuemini & auditis. Hæc de me ipso præfatus sum: nunc in genere de scholis & de professione mea dicam. Nam si quis cogitabit, quantum referat, hoc præsertim tempore, restitui emendatas scholas, hunc mihi quoq; & cæteris mei ordinis hominibus æquiores fore spero. Nemo est tam impudens ac sine fronte, qui negare ausit, multos non dissimulandos errores à Pontificibus & Monachis in Ecclesiam inuectos esse. Quàm multi boni & docti uiri ante aliquot secula deplorauerunt misæ sarum nundinationem, idolomaniam in inuocatione sanctorum? Reprehendunt ipsi ueteres, Ambrosius, & Augustinus errores satisfactionum, & renouant doctrinam de poenitentia, & de fide. Quàm multi deplorauerunt libidines sacrificulorum? Episcopi quid agunt dignum suo munere? Hæc cum iam iterum reprehendi Deus uoluerit, ac instaurare Ecclesiam, ne prorsus omnes homines pereant, uidetis quantum certamen exortum sit: Epicuræi, Pontifices et Monachi, uentri metuentes, adeò fremunt se reprehendi, ut deleberi nomen Christi, & uniuersam doctrinam Euangelij, & omnes Ecclesias in uastitatem redigi cupiant. Res ipsa loquitur eos sic affectos. Pergunt enim defendere suos errores, moliri bella ciuilia, cumulant flagitia, negligunt Ecclesias, & scholas.

Tali tempore necesse est bonos & pios Principes
proxi-

prouidere, ne funditus intereat religio Christiana. Quare ut Ecclesiæ restituere, ita et scholæ instaurare debent. Nunquam enim uera Ecclesiæ sine scholis aliquibus fuit, ac ne potest quidem diu conseruari doctrina, nisi scholastici cætus adiungantur ad Ecclesiæ. Haud dubiè primis patribus, Adæ, Noæ, Sem, ideò prorogata est uita tot seculis, ut auditores haberent testes ætioris de prima origine generis humani, deq; initio doctrinæ. Postea familiæ Abrahamæ, Isaac, Iacob, prorsus scholæ fuerunt. Deinde cùm lex Moysi data est, iam clarum mandatum de scholis additum est: Constitutum est enim, ut ad tabernaculum semper essent cætus docentium et discipulorum. Ita Samuel traditus est in disciplinam illi collegio, perinde ac si esset in Academiam benè constitutam missus: postea cùm negligenter studia sacerdotes, Deus excitauit Prophetas, qui magnas cateruas discipulorum secum traxerunt, ut, tantum agmen erat auditorum Elisei, ut cùm antea in Iericho habitassent, propter eius loci angustiam, quærent ad Iordanem aliam sedem. Nec putate ociosos greges Monachorum fuisse, sed illos summos uiros audiebant de promissionibus differentes, de regno Christi, de peccato, de lege, de gratia, de iustitia, de ueris cultibus Dei, de maximis mutationibus orbis terrarum.

Nulla uera Ecclesiæ sine scholis,

Scholarum fundatio.

Extant adhuc uetera quedam dicta, quæ ab illis scholis quasi per manus accepta fuerunt, ut dictum de sex millibus annorum mundi, id habet titulum do-

Testimonia.

mus

mus Eliæ, hoc est, scholæ Eliæ. Meministis enim sententiam: Sex millibus annorum durabit mundus, postea destruetur: Duo millia inane, duo millia lex, duo millia Messie: Et si qui anni deerunt, propter peccata nostra deerunt. Ex huiusmodi dictis existimari potest, in illis sapientiss. sodalitijs fuisse disputationes de reb. maximis. Ac cogitate quanta felicitas fuerit, et si erant Reges impij, et si erant omnia plena bellorū ac seditionum, illi coetus Ecclesiam regebant, nam ita alijs succedebant, quasi in acie, ut aliquo excellenti Propheta extincto Deus mox alium, quasi in id uestigium collocaret. Cum Elias docuit annos circiter uiginti, successit Eliseus, qui annos circiter septuaginta gubernauit Ecclesiam in Israël. Huic successit Ionas, quem arbitrantur fuisse filium mulieris Sareptane, ab Eliæ reuocatum ex morte. Deinde abductis decem tribubus, successit Esaias in Iuda, qui docuit annos circiter octoginta, et regnum liberauit ingentibus bellis, nam quilibet Propheta habet aliquod insigne *politium*. Post Esaiam excitatus est Ieremias, qui annos circiter quadraginta concionatus est. Fuitq. eius *politium* in speciem triste, sed omnium maxime scelerum eo tempore: fuit enim hortator faciendæ dectionis, atq. ita formauit reliquas gentes, cum alijs antea depulsi boniferos patrum seruassent. Ideo cum hic homo exemplo dectionem suscitaret, quæ uidebatur turpis et ex-
 11. inosa uarij contemtus est à Pontificibus. Sed Deus
 12. non humanis conspicijs, sed suo gubernat Ecclesiam, castiget.

Elias.
Eliseus.

Ionas.

Esaias.

Ieremias.

castigat, & castigatam mirandis modis restituit.

Daniel in.
Babylone.

Quid in exilio Babylonico? an tunc defuerunt scholæ? Imò cum Iudaici Reges non aluissent Doctores, iam alunt Babylonici. Daniel cum collegis instituitur doctrina Caldæorum, sed uicissim hunc postea Reges omnium maximi, tanquam discipuli, audiunt, Nabugdonosor, Euilmerodach, Darius, Medus et Cyrus. Quem uirum ex omnibus ætatibus nominare quisquam potest, qui tantos heroes discipulos habuerit? Post Daniele extiterunt Esdras & Nehemias, qui attigerunt Alexandri Macedonis ætatem. Post Alexandrum celebrat liber Sirach Simonem Oniæ filium, qui doctrinæ puritatem conseruauit. Deinde paulo ante Maccabeorum tempora, cum Pontifices certarent inter se ambitione, emerent Pontificatum à uicinis Regibus, doctrinam negligeret, collapsis scholis, magnum uulnus accepit religio: uoluit tamen Deus superesse aliquas reliquias, Maccabei restituerunt doctrinam. Post hos creuit impudentia in populo Dei, repudiatis Prophetarum monumentis, cœperunt prophana ingenia amare græcam Philosophiam: hinc extiterunt sectæ diuersæ Phariseorum & Sadduceorum, qui palam Epicureas opiniones professi sunt.

Esdras.
Nehemias.

Sirach.

Maccabæi.

Itaque cum diu horribiles essent tenebræ in populo Dei, rursus excitauit Deus scholas per Ioannem Baptistam, deinde per Christum. Hos habuisse scholasticos cœtus, historia Euangelij non obscure testatur.

Ioannes.
Christus.

Gg

Postea

Apostoli,

Postea exempla Prophetarum, & Ioannis ac Christi imitantur Apostoli. Nam hos quoque suas scholas habuisse apparet ex Irenæo, qui ait, Ioannem habuisse assiduos auditores multos, & in his Polycarpum.

**Polycarpus.
Alexandria.**

Hunc morem postea seruauit & ipse Polycarpus Smyrnæ. Fuit autem frequentissimum Gymnasium Alexandriae, ex quo multa lumina Ecclesiæ exorta sunt. Inde mittebantur pastores ad Ecclesias uicinarum regionum. Hæ scholæ consulebantur de doctrinâ. Ibi enim extabant testimonia dogmatum ab Apostolis accepta, ut certò constaret, quæ fuisset Apostolica sententia. Cogitate autem quàm gratum pijs, quàm utile fuerit ad cōformandas mentes, scire ueteres Apostolorum sententias, scire per quos authores propa-

Clemens.

ta doctrinâ fuerit. Clemens ait se peruagatum esse totam Asiam, & de singulis doctrinæ articulis consultasse eruditos ubique; Sed postquam uenit Alexandriam,

Pantænus.

fuisse se contentum iudicio Pantæni, quem ait eruditione & pietate eximia præditum fuisse, ac ornatum testimonijs Spiritus Sanctus, seu miraculis. Vt igitur hæ scholæ ab Apostolis inchoatæ conseruarentur, Collegia in Ecclesijs Episcoporum instituta sunt, & donata uictu. Sed postquam opes creuerunt, in Collegijs doctrinâ extincta est. Quid enim nunc sunt illa ægmîna Canonicorum, nisi sodales Apicij? Quarum rerum studia in illis locis uigeant, non ignoratis: sed de his non dicam hoc tempore. Ceterum hæc longa commemoratio de Prophetis et Apostolicis Aca-

demijs

demijs quò pertinuit? Illud ostendere uolebam, Deo
 placere conseruationem scholarum, nec posse florere
 Ecclesias sine scholis, & quidem magna artium ac
 literarum uarietate opus est. Nam etiam illi uete-
 res Prophetarum auditores, & si præcipuè disce-
 bant cœlestia oracula, tamen alias artes etiam adiun-
 gebant: discebant aliquid de natura rerum, quere-
 bant historias, alij Musicam, alij Medicinam prosi-
 tebantur. Ita nunc uidetis sine literis, sine linguarum
 cognitione, sine Dialectica, sine aliqua liberali erudi-
 tione, profectò neminem satis idoneum esse ad expli-
 candas controuersias religionis. Ergò in scholis mul-
 tarum artium exercitia instituta sunt, quarum ple-
 reque & si multiplicem in uita usum habent, tamen
 præcipuè conducunt ad Ecclesiasticam doctrinam il-
 lustrandam.

Hæc cum ita sint: cum scholæ necessariae sint Eccle- Principum ca-
ra de scholis.
 sijs, ardentissimis uotis optare omnes pij debent, ut
 Deus exuscitet Principum animos ad restituendas &
 ornandas Academijs, ad exercitanda & prouehen-
 da literarum ac bonarum disciplinarum studia.
 Cumq; ea in re optimam uoluntatem Princeps Mar-
 chio ostenderit, gratulari hanc foelicitatem Reipub.
 debemus, ac precari Deum, ut auspicijs honestissimis
 atq; utilissimæ rei faueat. Profectò melius de suis po-
 pulis, & de tota posteritate hac in re meretur, quàm
 si nouas auri, aut argenti uenas tam largas, quàm fue-
 rūt uenæ Lydiæ, quæ Cræsi opes tantoperè auexerāt,
 Gg ij reperire

reperiret. Hoc munus præcipuè flagitat Deus à Principibus. Ideo enim Deus ad societatem condidit homines, ut alij alios de religione doceant, ut quidam uenustissime scripsit:

Vtq; alios alij de religione docerent,

Contiguas pietas iussit habere domos.

Cùm autem Principes sint custodes humane societatis, certè hoc efficere debent, quantum ipsi possunt, ut Deus rectè celebretur. Armentarijs satis est, pecudibus pabulum curare. Hi, qui hominum cœtus regunt, non tantum custodes sunt uitæ corporum, sed legis ac disciplinæ: Ideo Deus impertit societatem sui nominis, ut Dei dona, id est, religionem, iustitiam, disciplinam, pacem, inter homines tanquam uicarij Dei tueantur.

Oro igitur Dominum nostrum Iesum Christum Filium Dei, ut gubernet & augeat hanc scholam, & studia harum gentium exuscitet, ad salutem Ecclesiæ, quam Filius Dei sic amat, ut eā sanguine suo redemerit. Vos etiam qui hanc urbem, & hanc Academiam regitis, obtestor, ut cùm operam scholasticam Ecclesiæ necessariam esse intelligatis, me hospitem, & uersantem in difficili munere, uestra beneuolentia confirmetis. Sumus nos quidem longè inferiores illis summis uiris, de quibus antea dixi, qui olim Ecclesiæ studia rexerunt, Elia, Eliseo, Esaia, Ieremia, Daniele, Esdra, sed in munere prorsus eodem uersamur. Nec raro ego ipse toto corpore perhorresco, cogitans
magna

Onus scholasticum.

magnitudinem oneris, quod sustinemus, & intuens animo illos ueteres Duces nostros, quos longo intervallo sequimur inertes, & ignavi: atq; hanc dissimilitudinem cum reputo, non solum docentium imbecillitatem, sed Ecclesiam deploro, quæ quasi senectæ imbecillitate, omnia membra habet languidiora, & tamen postremis temporibus plurimum periculi habituram esse, Christus prædixit. Nam quò propius instat dies extremi iudicii, eo Diabolus furiosius irascitur Christo, iam scilicet formidans sententiam, in qua omnibus creaturis patefiet turpitudine immensa superbissimi spiritus, & cruciatus ipsius horrendi augebuntur. Itaq; odio Christi incitat Turcas, Pontifices, impios reges, deniq; omnia sua organa aduersus Ecclesiam. Eò magis uigilandum & pugnandum est nobis, ut furor Diaboli impediatur: Reges turpißimè sinunt grassari Turcas, Episcopi negligunt Ecclesias.

Finis mundi.

Quare pios Principes & ceteros, qui præsent, anniti decet, ut quantum suo quisq; loco potest, sarciant illorum negligentiam, bonos doctores quærant, constituent Ecclesias, curent ad posteros propagari Euangelium. Auditores etiam propter Christum Dominum, ac officij dignitatem, amanter tractent fidos Euangelij interpretes, inter quos me quoq; uobis commendando. Nam et fidem ac diligentiam præstabo, et genus doctrinæ pium profiteor. Amplector enim uerè et ex animo consensum Catholicæ Ecclesiæ Christi, hoc

Genus doctrinæ quod profertur.

Gg iij est,

Discordiae
diuinius
excitatae.

est, doctrinam Christi, & Apostolorum, & explicat
tionem traditam in symbolis, Apostolica, Niceno,
& Athanasiano. Et cum inciderint discordiae, fatea
or me sentire cum Ecclesijs, quarum extat confessio
Augustana, & has iudico tueri perpetuum consen
sum uerae Ecclesiae omnium temporum, Prophetarum,
& Apostolorum. In his iudico multos articulos
doctrinae Christianae rectè & piè renouatos & illu
stratos esse. Cum his iudico etiam uerè congruere scri
ptores puriores dextrè intellectos, Ambrosium, Au
gustinum, Hilarium, Basilium, Epiphanium, Nazia
nzenum. Et quanquam odiosum est nomen discor
diae, tamen sentio haec certamina, quae de doctrina mo
ta sunt, necessaria & diuinitus excitata esse. Quia
Daniel et Paulus uaticinantur, postremis temporibus
hos futuros esse agones piorum aduersus impios Pon
tifices in Ecclesia, defendentes manifestam εἰδωλομα
viαν, & exercentes Neronianam seuitiam in mem
bra Christi. Ac praeuocauit nos Spiritus Sanctus, ut cū
inciderint certamina, cogitemus ubi sit uera Ecclesia,
non terreamur titulis sceleratorum Pontificum, nec
simus socij & administri impiae Tyrannidis. Non igitur
nouum doctrinae genus comminiscar: una est per
petua Ecclesia, in qua Filius Dei per patres, Prophe
tas, & Apostolos, ueram Dei noticiam tradidit. &
taxat persuasiones contumeliosas aduersus Deū, quas
spargit Diabolus odio Dei. Ad illam ueram Christi
Ecclesiam, nunc quoq; belligerantem cum Diabolo.
& disc.

Et dissentientem à pontificibus, qui idolomaniã defendunt, Et trucidant membra Christi, ut omnes pij adiungere se debent, ita me quoq; tota mente Et toto pectore adiungo, ac precor ex animo Filium Dei, Dominum nostrum Iesum Christum, ut ministeriũ meum gubernet, ac per me sit efficax, ut adsuit Patribus, Prophetis, et Apostolis: ipsius enim laus uictoriæ: ipsi triumphus debetur, qui uincit Diabolum: nostra infirmitas non est par tantæ dimicationi, sed ipse uult pijs adesse, Et conculcare caput serpentis, hoc est, ut Iohannes interpretatur, destruere opera Diaboli.

Fuit Ecebolus quidam Rhetor tempore Constantij, is ut gratiã aucuparetur Principis, baptizatus est, Et ut fuit in dicendo uehemens, acriter solitus est taxare idolomaniã. Postea sub Iuliano, cùm uideret hunc abhorrere à Christi nomine, Et restituere Idola, defecit Et ipse à Christianis, eisq; in gratiam Imperatoris rabiose maledixit. Ita animi sententiam de religione inflexit ad Principum uoluntates. Non fuit autem diuturna Tyrannis Iuliani: sed statim successit Iouianus bonus Et pius Princeps, ubi cùm uideret multo maiore in odio esse illos, qui ut assentarentur Iuliano, defecerant à Christo, quàm ceteros Ethnicos, rursus ipse sese retextit, redit ad Christianos, abiicit se ad templi fores, iubet se pedibus conculcari, ut sunt Hypocritæ tanquam histriones ad has præstigias idonei. Nec nulli sunt hoc tempore tales Eceboli, qui alia alijs temporibus, Et apud alios probant.

Ecebolus Rhetor Apostata.

Hypocritæ
histriones.

Gg üij Ego

Ego igitur simpliciter professus sum quid sentiam, & opto ut in hac me sententia confirmet Deus, et ut Filius Dei gubernet meum ministerium. Certè illud Eceboli nunquam facturum sum : non stringam stylum aduersum ueram Ecclesiam, non deformabo eam calumnijs : sed ingenium meum seruiet gloriæ Dei, & Domini nostri Iesu Christi.

D I X I.

ORATIO CASPARI CRVCIGERI,

De ordine discendi, habita in promotione Magistrorum,

Anno 1531.



VM ex hoc loco sepe dictum sit de uniuerſa Philosophia, deq; harum artium omnium dignitate, quæ in scholis ideò traduntur, quia ad bene beateq; uiuendum iudicantur esse necessaria: ego pro ingenij mei mediocritate, omiſſis illis præconijs superiorum disciplinarum, quas arbitror propter manifestam utilitatem commendatissimas esse omnibus, pauca quædam dicere institui de hoc genere disciplinarum, quod nos profitemur, & quo prima ætas ad percipiendas maiores artes præparatur. Quamquam enim & harum utilitates quotidie uobis in scholis decantant Præceptores, tamèn
hic

hic aliquid de ea re dicendum est, ut publico mori seruiamus.

Et quia à me publico nomine habetur oratio, tantum ei tribuetis authoritatis, adolescentes, quantum existimatis esse in hoc collegio uirorum optimorum & doctissimorum, præceptorum uestrorum, qui mihi hanc personam imposuerunt. Nam horum omnium sententia mea uoce ad uos perfertur : qui cum uobis optimè consultum uelint, non desinunt uos hoc in loco adhortari ad hæc studia colenda, quæ tum uobis priuatim honesta atq; utilia, tum Reipub. retinendæ necessaria esse iudicant. Si quis autem huius ordinis authoritatem aspernatur, & iudicia contemnit hominum, non solum peritorum, sed etiam toti Reipub. optimè cupientium, in hoc iure desideranda erit humanitas.

Publica uox
Academiz.

Duxi autem uos adhortandos esse, ne studia inferiorum artium negligatis, quæ etsi ad populum parum habent ostentationis, tamen ad cognoscendas superiores artes, quæ continent administrationem Reipub. uiam sternunt, Itaq; etiam de ordine discendi pauca addemus, qui in omnibus reb. ualet plurimum, ut suauissimè dixit Xenophon:

Inferiores artes non negligendæ.

οὐδέμ' οὐτως ἐυχρηστον οὐτὶ καλὸν ἀνθρώποις ὡς
ἡ τέξις.

Et ut inde sumam initium, societatem quandam artium inter se esse scitis. Quare etiam si quedam inuita excellere atq; eminere uidentur, tamen aliarum

Gg V ope

ope indigent. Quare impudenter faciunt quidam ambitione, aut spe quæstus incitati: properant ad illas superiores, quarum fructus uersantur ob oculos etiam imperitis, reliquas disciplinas negligunt & contemnunt, quasi ad uitam inutiles.

À literis simile

Ac mihi cogitanti interdum uidetur huius societatis quedam in ipsis elementis literarum similitudo esse, ubi etsi dignitate præstant uocales, tamen sine consonantibus sermo nequit existere. Et quoniam ex literis omnes artes procreantur, uestigia quedam in ipsis elementis animaduertere possumus, ut in seminibus artium dissimilitudinis. Longè antecellunt omnibus uocales, quæ per se uitam & spiritum habent, quibus perfectum sonum edunt, non adiutæ ab alijs. Reliquæ quasi tibiæ ab his inflatæ sonum accipiunt.

Vocales.

Significant igitur uocales principem omnium artium, doctrinam religionis, quæ longè supra alias artes collocata, gubernat omnia uitæ consilia, negocia, et studia. Nec uerò ciuilis disciplina sine religione retineri potest: Et iuris scientia plurimum à doctrina religionis mutuatur. Ideò sicut semiuocales, etsi habent obscuram quandam uocem, tamen suum munus tueri non possunt sine uocalibus: ita in disciplina politica, religio ciuilibus institutis uocem addit, tuetur auctoritate sua ius humanum, & emendat cum opus est.

Semiuocales.

Mutæ literæ quasi priuatam uitam significant, quæ uerè muta est, hoc est, agrestis, & fera sine religione, & ciuili consuetudine. Vt igitur sermo ex dissimilibus

similibus literis contextitur, ita diuersa genera artium atq; actionum in uita necessaria sunt.

Quaquam autem iamdudum uereor, ut uiri docti in hoc confesso has ineptias æquo animo ferant, tamen quoniā habetur oratio ad iuuentutem, spero eas boni consulturos esse hunc ludum, in quo & societatem et gradus artium pingere uoluimus. Et uisum est in ipsis elementis literarum pingere, ut quoniam hæc quotidie ob oculos uersantur, sepe ueniant ista in mentem scholasticis, quorū cogitatione nobis quidem uideatur ac ui & formari iudicium de utilitate artium. Et ego in hac schola professor Grammaticus, libenter sumpsi orationem ex hoc artificio, quod exerceo.

Cogitate autem, Adolescentes, quid futurum sit, si quis consonantibus omisis, tantum uocalibus uti uelit in loquendo. Is profecto cum tota rerum natura pugnabit: Ideo enim literæ uocantur elementa, quod sicut in natura necessaria sunt elementa, ex quibus corpora constant, ita literæ necessariae sunt ad sermonem componendum. Quare sicut illa diuina series in uniuersitate rerum perturbaretur, exempto uno elemento, ita abiectis cōsonantibus, nulla articulata uox existere posset. Itaq; sicut dissimilium literarum naturalis inter se societas est, ita dissimiles artes inter se copulatæ atq; deuinctæ sunt. At hunc chorum artium perturbant isti, qui sentiunt inferiores disciplinas ad uitam inutiles esse, quia earum fructus imperitis non ita in conspectu est.

*Literæ cū
elementa.*

Si quis

Si quis admirator cœli ac stellarum (quid enim his corporibus pulchrius cogitari potest?) uelit aquam ex rerum natura tolli, quod impar sit stellarum claritati, nonne hunc insanire diceremus? Si quis propter admirationem doctrinæ religionis, iubeat e uita tollere omnia iura atq; instituta ciuitatum, omnia uincula domesticæ uitæ, nonne hunc omnes sani homines ui atq; armis coercendum esse iudicarent?

Et uidemus his annis quosdā ἀνοσίως θεολογῶντας dementatos huiusmodi fanaticis opinionibus, erroris sui poenas dare. Meministis enim Monetarium et Anabaptistas, et hoc genus alia portenta. Ad hunc modum iudicate insanire eos, qui chorum et concentum artium perturbant, neglectis et contemptis inferioribus artibus. Quare sicut de literarum elementis cogitantes, totum ἀλφα καὶ βῆτα necessarium esse ad sermonem ducitis, ita disciplinas omnes, quæ in scholis traduntur, existimabitis ad uitam esse necessaria.

Nam is demum rectè sentiet de artibus, qui cùm gradus earum animaduertit, intelliget singulas certæ utilitatis causa repertas esse.

Hæc dixi ad cōmonefaciendos adolescentes, quorum multos uidemus magno non tantum suo, sed Reipub. incommodo, intempestiuè properare ad superiores disciplinas. Nam studia uestra non tantum ad uos, sed ad Rempub. pertinent.

Et hunc finem studiorum uestrorum uobis proponere debebatis, ut ea ad dandum consilium Reip.

et ad

Et ad docendas Ecclesias, Et ad retinendam doctrinam religionis conferenda esse statueretis, quorum nihil prestare poteritis sine perfecta doctrina. At perfecta doctrina nulli continget sine disciplinis inferioribus.

Cum hac cogitatione animus conformatus est, pro **Ordo discendi** xima de ordine discendi deliberatio esse debet. Neque ego hoc loco dicam, quanta sit vis ordinis in genere, quæ res et nota est, et latius patet, quam ut hic explicari possit. Si agricola prius serere uelit, postea arare, aut si uelit sub Canicula sementem facere, sub Bruma arare, labor atque impensa perierit: ita si in percipiendis disciplinis non seruetur iustus ordo, profectus omnis desperandus erit.

Bonum, malum fit, aiunt, non datum in tempore; proinde etiam optimarum et maximarum rerum studia nocent, si non apto tempore suscipiantur. Quare maiores nostri, ut ordinem discendi constituerunt, certos gradus quasi classes excogitauerunt, per quos ordine ab inferioribus artibus traduceretur iuuentus ad superiores: nunc quasi perfractis illis repagulis, nullo ordine res geritur. Subito sicut fungi nascuntur nobis Theologi, Iurisperiti, et Medici, sine Grammatica, sine Dialectica, sine ratione dicendi, sine incunabulis Philosophiæ naturalis ac moralis: quorum cognitio, non solum quia perliberalis olim tradebatur communiter omnibus, priusquam admitterentur ad superiores disciplinas: sed etiam quia iudicium acuit, et præparat

Ut fungos,
nasci doctos.

parat a tres maiores percipiendas. Modò autem satis est afferre ad illas disciplinas grauissimas, magnum pileum, & insignem contemptum omnis doctrinae humanioris.

Hanc temeritatem nisi leges ac Magistratus cohercebunt, breui nullæ erunt in Repub. literæ, nulla doctrina ullius rei. Nam isti Theologi, Iurisperiti, ac Medici, subito nascentes, nulla præditi liberali doctrina, non solum alias artes interire sinent, sed nec suas professiones tueri poterunt. Nec nihil pertinet hæc cura conseruandarum literarum ad Magistratus: Ideo enim appellantur Dii à Spiritu Sancto, ut diuina dona in terris, religionem, ciuilem statum, & omnes honestas artes tueantur ac retineant. Propter hanc procuracionem diuinarum rerum gerunt augustum titulum, quo nullum habet Magistratus ornamētum maius, aut uenerabilius.

Quare conuenit eos prospicere, ne perturbato discendi ordine, honestæ disciplinæ intercitant. Plato inquit, Respub. mutari, si contingat Musicam mutari. Neq; id abs re dictum est. Sed hoc multò uerius est, Mutatione studiorum mutari Respub. Omnes autem mutationes Rerumpub. ad Magistratum curam pertinent. Et peruersa ratio discendi, maximarū atq; optimarum rerum ruinam trahit. In primis igitur in hac re uigilantes esse Magistratus oportet. Neq; dubito, quin olim de his rebus nouas leges cōdituri sint, cum præsentēs turbæ atq; motus Rerumpub. consiliscunt:

Magistratus
Dii cur uocantur.

ſcent : quibus utinam contingat Dei beneficio , faciliſ & mollis ναταςφορῇ.

Interim tamen quantum nos authoritate, ſtudio, ac diligentia conſequi poſſumus, dabimus operam, ut ordine diſcat iuuentus.

Sed hoc magna ex parte in uobis quoq; poſitū eſt: Lectioes.
nos enim et diligenter hac de re adhortamur uos , & lectiones optimas in omnib. diſciplinis proponimus: Summa fide traduntur artes, quæ continēt rationem dicendi: Elementa Philoſophiæ et Mathematicum planiſſimè proponuntur. In qua ſchola ſecundus liber Pli- nij tam perſpicuè enarratus eſt, ut hīc erratur? Re- liquum igitur eſt, ne uobis ipſi deeſſe uelitis, ſed præſentibus commodis fruamini.

Quod quidem ut faciatis, adducere uos debet cū ipſa cogitationis ſuauiſ, tum etiam utilitas. Nam in- credibilem uoluptatem parit eloquētia: Mirè delectat homines hiſtoria rerum geſtarum , quæ et ipſa tradi- tur, cū dicendi exempla proponuntur. Et nihil dul- ciuſ eſt, quā intueri animo eaſ res, quæ in Philoſo- phia nobis traduntur, de magnitudine cœleſtium cor- porum ac terræ, de uarijs motibus ſyderum, quomodo lumina cœleſtia uariè mixta inter ſe ac temperata, di- uerſos effectus pariunt in hac inferiori natura , ſicut aliter atq; aliter mixtæ uoces diuerſas cantiones effi- ciunt. Iuuat etiam uidere cauſas officiorum ciuiliū in natura diuinituſ ſcriptaſ , & mirabili prudentia à doctis hominib; animaduerſaſ.

Iam

Iam utilitas maximè percipitur ex his studiis: sunt enim, ut Græci dicunt, ἀπὸ ὀδῶν in superioribus artibus, quæ certè dicendi scientiam requirunt. Quid enim promouerit aliquis, si sermonis genus non queat iudicare? Et multa ubiq; sumuntur ex Philosophia naturali ac morali: quorum qui non uident fontes, turpiter interdum hallucinantur.

Quid Reipub.
debeamus.

Et quoniam Reip. interest, bonas artes conseruare, omnes sentiatis hoc à uobis Remp. petere, ut detis operam, ne uestra negligentia artes intercitant. Cum autem maiora beneficia omnes à Repub. quàm à priuatis ullis, siue parentibus, siue amicis accipiamus, æquum est, nos uicissim hanc illis gratiam reddere, et nostro labore artes retinere ac defendere.

Quare uos adhortor adolescentes, ut ita inducatis animum, prius uobis cognoscenda esse elementa Philosophiæ, quàm ad superiores disciplinas accedatis, et in ea diligenter collocetis studiū atque operam. ἀπὸ δεξιῶν, inquit, ἡμῶν πάντος: Dimidium facti qui bene cœpit, habet. Faciliora igitur omnia erunt istis in alijs disciplinis, qui rectè cœperunt, qui ad alias asserunt earum artium scientiam, sine quibus illæ neque percipi, neq; tractari, neq; intelligi possunt.

Et hanc orationem existimate me publica auctoritate habuisse, quam si quis contemnit, is sciat Deum ultorem huius contumeliæ fore. Ac Respub. ornauit etiam priuilegijs hæc nostra studia et honoribus, quos nunc his iuuenibus libenter decernemus, quia fingit
larem

laudem hoc tempore in tanta peruersitate iudiciorum merentur isti, qui hæc communia Philosophia studia attigerunt. Dixi.

ORATIO VITI THEODORI NORIBERGENSIS, de studio Linguarum, habita in promotione Magistrorum,
Anno 1533.



Incipio uobis gratias ago, doctissimi uiri, quod huc & honoris nostri causa, & ut hæc primarum artium studia ornaretis, conuenistis. Cum autem existimem, id uestrum officium ad studiorum honorem pertinere, spero uos ita induxisse animū, hoc etiam beneficium nobis dandum esse, ut uos non grauatim audiat. Neque enim huc prodimus, ut dignum aliquid uestra sapientia atque authoritate afferamus, quod in huius nostræ ætatis imbecillitate ne quidem requirendum est. Tota hæc fabula agitur adolescentum causa, ad quam acceditis spectatores, ut intelligat iuuentus, uobis hæc prima studia probari. Quanquam igitur in omni genere humanitas uestra nobis cognita & perspecta est, tamen id quoque nostri est officij, uerecundè petere, ut nos æquo animo audiat. Quare rogo & ut hanc meam iuuenilem orationem boni consulatis, & ut uestra mihi authoritas adsit in hac causa, quam

H b agen

Studium lin-
guarum.

agendam suscepi, quam spero uobis esse probatissimā.
 Institui enim de studio linguarum, ut uocant, dice-
 re. Et si enim plerumq; hic de Philosophia dici solet, ta-
 men neq; hic locus de linguis, si quis rectē aestimet, à
 Philosophia ualde alienus est. Mihi quidem ea Philo-
 sophie pars, quæ est suauissima, præcipuè ex cogni-
 tione linguarum pendere uidetur. Neq; uerò hoc ar-
 gumentum studio nouitatis delegi: neq; enim statui
 me nouo argumento in hac infantia satisfacere posse:
 Sed publica necessitas hortatur, non solum me, uerum
 omnes bonos uiros, quantum pro se quisq; potest, ado-
 lescentiam studio linguarum excusitare, atq; accende-
 re. Maximè uerò conueniebat ad linguarum causam
 agendam, adhiberi non elinguem, sed eloquentem pa-
 tronum, qui ornare eas pro dignitate, & magnitudi-
 ne utilitatum, quas parit earum cognitio, illustrare
 posset. Quod etsi intelligebam à me non posse fieri,
 tamen arbitrabar, me nō debere publicæ causæ deesse,
 præsertim in hoc loco, quo cum mihi dicendi neces-
 sitatem scholasticus Magistratus imponeret, sperabam
 tantum autoritatis in hac oratione futurū esse, quan-
 tum tribuitis uniuerso collegio doctissimorum homi-
 num, qui & has mihi partes mandarunt, & suam sen-
 tentiam mea quacunque oratione uobis exponi uo-
 luerunt: qui cum doctrina, iudicio, rerum usu excel-
 lant, denique cum fide summa & uestris studiis, &
 uniuersæ Reip. consultum uelint, honestissimam uo-
 bis est, monitis eorum libenter & studiose parere.

Sed

Sed uenio ad causam, de qua, quia etiam propter temporis angustiam non satis dici potest, breuiter utilitates præcipuas colligam, quæ nos omnes ad linguarum studium hortantur: loquor autem de Latina, Græca & Hebræica.

Cum autem aliud alij propositum in studijs habeant, nec idem doctrinæ genus sequantur omnes, de singulis, ut uocant, professionibus ordine dicendum est. Ac primum non opinor longa mihi disputatione opus esse de Theologia: Constat enim fontes Theologie Ebraicis, & Græcis literis contineri. Nec possunt ita transfundi linguæ, ut nihil opus sit fontibus, si uelimus iudicare de locis obscuris, quod in multis grauioribus controuersijs fieri necesse est. Toties commendat nobis ipsa scriptura ministerium uerbi: admonet nusquam uoluntatē Dei cerni, nisi in his scriptis: Facile igitur intelligi potest, quātum referat perfectè intelligere naturam sermonis, quod sine linguarum cognitione, & sine eloquentiæ exercitationibus, nemo cōsequi potest. Itaq; cum suæ quisq; salutis causa, tum etiam propter publicam Ecclesiæ necessitatem perfectam sacri sermonis cognitionem expetere debet. Primum enim priuatim quoq; experimur mirificè cōfirmari animos, cum in tanta uarietate opinionum quasi in rem præsentē deducimur, inspicientes genuinum scripturæ sermonem. Deinde de magnis ac difficilibus controuersijs publicè in Ecclesia pronunciare bona conscientia uix possunt doctores, si genus sermo-

Fontes Theologie in Ebraicis & Græcis literis.

Hh ij nis in

Hæreses ex linguarum inscitia. nis in testimonijs, ex quibus totares iudicanda est, nō intelligāt. Multas hæreses peperit inscitia linguarum & figurarum orationis, id quod facile potest ostendi in ipsis historijs contentionum Ecclesiasticarum. Et quamuis non sunt in hoc omnia, tamen in interpretatione sacrarum literarum hoc primum est, ut sermonis genus intelligatur, quo intellecto, multa iudicari possunt, quorum pleraque etiam hoc tempore controuertuntur. Quare nō dubiū est, quin ad Theologiam necessaria sit linguarum cognitio.

Neque uos ab hac scientia deterreant indocti homines, qui ut soli sapere uideantur, non solum hæc linguarum studia damnant, sed omnes bonas artes insensissimè oderunt. Ac si res testibus iudicanda est, opponite illis Hieronymi, Augustini, et multorum tum exemplum sententias, qui censuerunt, ad enarrandas sacras literas necessariam esse linguarum cognitionem. Quid quod ita Deus ipse iudicat, qui cum Euangelio linguarum donum largiens, testatur Ecclesie linguarum cognitionem necessariam esse? Profecto enim contumeliose de diuino munere sentit, si quis existimat, nullum eius in Ecclesia usum esse. Et si istos nihil hæc testimonia mouent, Canones saltem audiant, quorum autoritas eis sacrosancta est. Extant decreta de linguis: extant & constitutiones in Synodis factæ, quæ celeberrimis Academijs de docendi linguis præcipiunt. Cur hæc magna autoritate constituit Synodus, si id studium Ecclesie non est uile?

Audiri

Donum linguarum.

Audiui Gregorium Tifernaten ante annos sexaginta uenisse Parrisios, & à Senatu Academiæ stipendium postulasse, quod ibi Græcas literas docere con-
 fuit. Cumq; nonnullis inciuiliter facere uideretur, quod stipendium flagitare ausus esset, cum Senatui Academiæ neq; accersisset eum, neque significasset, se ipsius usurum opera, neq; omnino lectorem Græcum haberet ullum: erant enim adhuc in Gallia, ut apud nos, Græcæ literæ ignotissimæ: Quare cum interrogaretur, quod hoc regnum esset, Senatui Academiæ quasi imperare stipendium, hic homo paratus citauit constitutionem de linguarum studijs, in qua nominatim mentio fit scholæ Parrisiensis: Senatum adeo non offendit hæc libertas, ut etiam magnoperè collaudauerit hominis consilium & studium: stipendium magno consensu decretum est. Neque uerò id facturus erat Senatus Parrisiensis, si constitutionem illam Pontificiam non probasset, aut hoc studium ludicasset Ecclesiæ inutile esse. Sed desino hac de re longius disputare, cum Erasmus iustis uoluminibus ostendat, linguarum cognitionem ad sacrarum literarum interpretationem necessariam esse. Et meministis, hoc ipso in loco non solum hortari uos, sed etiam seuerè castigare inertiam, atq; ignauiam nostram, D. Doctorem Martinum. Si tantum huius iudicio tribueretis, quantum ipsius & excellens doctrina, & usus postulat, profectò multò auidius & peregrinas linguas disceretis, & multò plus operæ collocaretis in hæc

Gregorius
Tifernates.

Constitutio
de studijs
linguarum,

Erasmus.

D. Martinus.

eloquentiæ studia. Sed quia Theologia nunc in odio est, iuuentus ubiq; cū sacris literis abiicit linguarum & eloquentiæ studium, & eas artes amplectitur, quæ vulgò uendibiliores, & magis quæstuose sunt.

Neq; uerò uitupero alias artes. nam Resp. habet opus magna uarietate artium, quemadmodum uerè dictum est: Non fit ciuitas ex Medico & Medico, sed ex Medico & agricola. Sed illi reprehendendi sunt, qui aut abducunt omnes à sacris literis, aut cū se dederunt alijs artibus, nullam studij partem in sacris literis collocandā esse censent, & ut uideo, nos irridet omnes, atq; etiam insanire putant, qui non in totum abstinemus à sacris literis.

Sed de his nihil hoc loco dicemus, qui cum aduersus Deum impij sunt, tum in Ecclesiam crudeles, qui quantum in ipsis est, uniuersam religionem abolent: cum alijs moderatioribus disputabo.

Doctrina religionis ad omnes pertinet.

Primum ita cogitare uelim bonos adolescentes, religionis doctrinam ad omnes pertinere. Et quemadmodum ille dixit: Homines non solum sibi, sed etiam patriæ nasci: ita ego multò uerius dicere possum, omnes bonos ita sentire oportere, præcipuè natos se esse Ecclesiæ. Itaq; etiamsi quæ rationes probabiles uocant nos ad alias artes (non enim uitupero eas) tamen doctrina Christiana non est negligenda. Aliquid tēporis ac studij huic quoq; tribui oportet, tum ad animos nostros confirmandos, tum uerò ut præparemus nos ad publicam Ecclesiæ utilitatē. Fuit in foro, in iudicijs
Ambrosius,

Ambrosius, interim tamen & sacras literas legebat,
& Græcos Theologos cum Latinis coniungebat.

Deinde linguarum cognitio non tantum Theolo-
gis prodest: habet egregias utilitates etiam in alijs ar-
tibus, quod quomodo uelim intelligi, quæso attendite,
ne quis putet me detrahere aliquid de aliarum pro-
fessionum dignitate. Sic enim statuo, hos, qui ad Me-
dicinam aut Iuris doctrinam accessuri sunt, præfor-
mandos esse quadam liberali doctrina, quæ & Philo-
sophiam, & antiquitatis noticiam continet. Adhiben-
da est etiam dicendi exercitatio, quibus rebus ingenia
& ad suauitatē atq; humanitatem formantur, et acu-
untur, atq; instruuntur, ut percipere & tractare artes
alias facilius possint.

Si quis autem existimat, Philosophiam perfecte
cognosci posse sine Græcis literis, hunc sanè patiar
sua opinione beatum esse. Sed res loquitur ipsa quan-
tum interfit inter Aristotelis interpretes græcè do-
ctos, & illos ineptos, qui cum res grauissimas ab i-
psis autoribus traditas explicare non possent, nouum
quoddam doctrinæ genus pepererunt, plenum prodi-
giosis somnijs, quod nullum in uita aut communibus
negocijs usum habet. Deinde iniuriam Philosophiæ
facit, quisquis eam angustis finibus circumscribit,
ut nihil ei tribuat, nisi illa uulgaria præcepta, quæ in
scholis ex Aristotele traduntur. Ego uerò ut iam non
dicam de Mathematicis disciplinis, cognitione anti-
quitatis, poëmatum, & historiarum, uel præcipuam

Philosophia
sine græcis
literis.

Hh iij partem

partem Philosophiæ esse statuo. Hæc enim continet humanitatis doctrinam, cum proponat omnium officiorum præcepta atq; exempla.

Nihil accidere potest in uita priuata, aut in Rep, cuius non extet imago aliqua in historijs sapientissimè scriptis. Plurimum autem, meo iudicio, prodest accessuro ad res magnas gerendas, intueri in illas imagines uelut in speculum, & uidere consilia, ac bonorum & malorum consiliorum euentus. Præterea multa sunt in ipsis negotijs tum prophanis, tum Ecclesiasticis, quæ sine antiquitatis cognitione, neq; intelligi, neque iudicari possunt. Quoties de imperiorum mutationibus dicendum est? quoties in Ecclesia requirenda sunt ueterum contentiones de rebus maximis? Hæc siue Græcis et Latinis literis nullo modo cognosci possunt. Et quidem Ecclesiasticæ res tantum Græcè scriptæ sunt. Cæterum uarietate & copia rerum atq; exemplorum longè uincunt Latinos, tum Poëtæ, tum Historici Græci. Nam Romani domesticas res tantum ornare studuerunt: at Græci omnium gentium atq; impiorum historias complexi sunt, easq; ita descripserunt, ut uerius philosophentur in ipsorum negotiorum atq; consiliorum expositione, quàm illi qui in scholis nuda præcepta tradunt, ac uerè Philosophiam ex umbra ac puluere in solem educunt, hoc est, usum eius in uita atq; negotijs ostendunt.

Hæc doctrina etiamsi tantum propter suauitatem expetenda esset, tamen satis magna causa esset, cur
græci

Græci uincunt
Latinos.

græcè disceremus. Quæ enim potest esse uoluptas magis digna præstantibus ingenijs, quàm ea, quæ percipitur ex illa ipsa cognitione maximarum rerum? Et quoniã uoluptates ipsæ aliquo modo ad mores pertinent, traduci ad humanitatem & suauitatem hac delectatione animos arbitror.

At uerò nos nō tantum de uoluptate disputamus, de fructu ac necessitate loquimur, quia sine hac liberali doctrina, quæ præcipuè græcis literis continetur, nemo satis idoneus est uel ad ceteras artes tractandas, uel ad res magnas gerendas. Non sunt in hoc omnia. Sed tamen si quid omnino doctrina uel ad excitanda ad uirtutem, uel ad conformanda ingenia proficit, nō dubito affirmare, eam ad rem plurimū conducere hoc doctrinæ genus, de quo loquor. Illud certè negari non potest, ad ceteras artes tractandas requiri hanc doctrinam: Nam & Medicina magna ex parte Græca est, et sine Philosophia percipi non potest. Et si hi qui se dederunt Iurisconsultis, non tantum illam forensensem Rhetoricam auferre student, ut eam ad questum conferant, sed doctrinam expetunt futuram usui Reipub. & ut ipsi loquuntur, non simulatam Philosophiam: His ut possint cum decoro tueri personam suam, profectò etiam alia quadam doctrina opus erit, uidelicet, religionum scientia, noticia antiquitatis, eloquẽtia, & illis literis, quæ cum fontes legum contineant, non minus in concilium adhiberi solent de communibus officijs, quàm ipsæ leges.

Linguas ad omnes artes tractandas requiri.

Hh V Sed

præposita
studia.

Testimonia Po-
etarum & Phi-
losophorum
apud Iurifcon-
sultos.

Sed sunt quidam iuvenes, qui cum propter igno-
ram fugiant discendi laborem, subito irrumpunt ad
summas professiones, quarum titulos prætexunt sue
ignaviae. Hi ut iudicio uideantur has artes aspernari,
hæc nostra studia uituperant. Qui siquidem ita libet,
fiant sanè Solones meri sine Grammatica, sine Dia-
lectica, sine cognitione religionum, sine eloquentia,
sine Philosophia, denique sine humanitate ulla. Ve-
rùm hoc miror, quo isti ore aspicere legum libros au-
deant, quarum auctores apparet præclare instructos
fuisse his ipsis artibus, de quibus dicimus. Quam mul-
ta ex Græcis & Latinis historijs repetunt? Quam
reuerenter assurgunt Homero, quoties eius sententias
uelut oracula citant? Alicubi pronunciant ex uerbis
Demosthenis, alicubi ad uerbum transcribunt Platonis
dicta. Et quidem recentiores Doctores disputant,
ualere in causis Philosophorum ac Poëtarum au-
thoritatem, quia maiorum instituta, moresque, &
grauissimas rationes honestorum officiorum, denique
uim omnem iuris naturalis sapientissimè describunt.
Quæ tanta impudentia est, eas literas contemnere,
de quibus ipsi legum conditores honorificentissimè
sentiunt?

Proinde modesta & bona ingenia adhortor, ut
cum professionis magnitudinem, ad quam se conuer-
terunt, considerabunt, exemplo suorum auctorum
cogitent aliquid studij his nostris artibus ac literis
impertiendum esse. Cum ceteris nolo pugnare, qui
non

non solum nostra iudicia, sed etiam suorum authorum exempla aspernantur: Alia enim alij bona dicunt, ut uere inquit ille: Ἀνάχαρσις παρὰ Ἀθηναίοις σοφιστὴς, Ἀθηναῖοι δὲ παρὰ σκύθαις. Nihil isti afficiuntur suauitate earum artium quas nos miramur, nec nos ab optimarum rerum studijs istorum iudicia abstrahent.

Atque ita cogitate adolescentes, cum in studijs uersemini, constantiam ac fortitudinem uobis etiam adhibendam esse: neque enim sine fortitudine coli aut retineri uirtus ulla potest. Quare non patiamini uobis harum nostrarum artium & linguarum studia, præposteris uulgi atque indoctorum iudicijs excuti. Durate & uosmet rebus seruate secundis: Cur enim non utar fortissimi uiri uerbis apud Poëtam, præsertim in causa multo maiore? Nam ille sedes sibi ac socijs querebat: Vestra studia ad uniuersam Ecclesiam, & ad omnem posteritatem pertinent. Quæ autem causa existere maior ulla potest, quàm quæ salutem Ecclesie continet?

Sepe audiui, Capnionem, cum Romam à Principe Palatino certi negocij causa missus esset, uenisse in Argyropyli auditorium, qui tunc Romæ magna cum laude græcè docebat. Cumq; Capnio reuerenter salutato Argyropylo, in confessu multorū doctissimorum hominum exposuisset ei, se hominem Germanum incensum studio Græcarū literarum, gratulari sibi eam fortunam, quod occasio audiendi ipsius contigisset,

quo

Constantia
in studijs.

Capnio ad
Argyropylium
Romæ.

quo illis quidem temporibus nemo in Philosophia & Græca lingua doctior prædicaretur, orassetq; , ut sibi audiendi potestatem faceret: delectatus Arg yropy lws oratione Capnionis , cùm operam suam benigne pollicitus esset , interrogat, an attigerit antiè Græcas literas. Capnio ait, se Basileæ in Germania audisse lingue elementa. Enarrabat autem foriè Arg yropylum Thucydidem, hunc exhibet illi, ac iubet legere, deinde etiam interpretari. Cùm autem & suauiter pronuntiaret Capnio (audio enim perstudiosum fuisse recte pronunciationis) sententiam sic satis Latine redderet , ibi uerò Græcus ille admirans , conuertit se ad auditores , & exclamans , ecce , inquit , Græcia nostro exilio transuolauit Alpes . Quod quanquam ille uerè dixit (nam exules Græci accenderunt hæc studia apud Latinos) tamen uos ita existimare debetis , diuinitus accidisse , ne infusis in Græciam Turcis , ac deleta natione Græcorum , lingua etiam intercideret , Ecclesiæ in primis necessaria : Itaque in has nationes singulari Dei beneficio propagata est. Neq; uerò negari potest plurimū lucis eam attulisse , cum alijs artibus omnibus , tum etiam sacris literis. Eloquentiæ studia mirificè adiuuit: Nam sine Græcis authoribus intelligi Latini scriptores non poterant. Aditum fecit ad Germanam Philosophiam: neq; tantum ad Aristotelem & Græcos Medicos , sed etiam ad optimos anthores Mathematices. Quantum enim debemus his , qui Eucliden & Ptolomæum latine uerterunt? In his expolis

Exules Græci.

Græce linguæ fructus.

expoliendis, & hoc toto genere artium illustrando, uidemus postea Ioannem Regiomontanum ciuē meum, Græcis literis ualdè adiutum esse. Et nonnulli nunc quoq; in Germania, qui excellunt græcæ lingue cognitione, studium conferunt ad ornandos eius generis authores. Boni uiri sacras literas & amare magis et tractare purius cœperūt, patefactis fontibus.

Has artes, quas recensui, obruere ac delere tristius fuerit, quàm solem è mundo tollere. Neque uerò sine cognitione peregrinarum linguarum retineri earum possessio potest. Quæ ex re faciliè iudicari potest, linguarū noticiam non esse leue aut uulgare Dei donum. Quæ autem impietas, quod scelus est, tale donum, cuius usus tam latè patet, aspernari, & diuinitus illatum in has nationes rursus explodere atq; ejicere? Leges publicè atrociter puniunt sacrilegia; At maius sacrilegium est, Ecclesiam spoliare linguarum cognitione, quàm aurea aut argentea suppellectile. Hæc enim cœlestia dona Euangelio lucem afferunt, et uerius sunt Ecclesiæ supellex, quàm ulla ornamenta aurea. Neque enim dubium est, quin ad hanc utilitatem Deus Euangelio adliderit donum linguarum, ut uocant, ut ad sacras literas explicandas conducant. Itaque sacrilegos istos linguarum contemptores puni-
tate in ipsas aras ac templa impetum tanti furoris olim facere, & uasitatem atq; exitium religioni & omnibus honestis artibus minari: nec dubitate quin Deo poenas daturi sint. Nos uerò si & Deo grati, &

Sacrilegi linguarum contemptores.

Premia habet
Pietas.

erga Ecclesiam pij esse studemus, agnoscamus Dei be-
neficium, & propter Ecclesie utilitatem tueamur et
conseruemus. Si quem ab his studijs hoc deterret, quod
non uidentur labori respondere premia, is non satis
religiose de Deo sentit. Cum enim pietati toties inge-
tia premia Deus polliceatur, non est de eius fide du-
bitandum. Alicubi promittit amplissimos frugum
proventus, si populus liberaliter conseruat ad usus ne-
cessarios templi. Quare nec nobis premia defutura
sunt, si studia nostra ad Ecclesie utilitatem confere-
mus. Et est pietas, expectantem hac promissa,
Ecclesie utilitatibus consulere.

D I X I.

ORATIO DE CONCORDIA ET
communicatione studiorum atq; operarum, in
promotione Magistrorum, dicta à Decano
Magistro Ambrosio Iuterbo-
censi, Anno
M. D. XXXVII.

Agefilaus equi-
tans in baculo
cum parujs
liberis.



VM Agefilaum regem Spartarum,
domi sue cum parujs liberis in bacu-
lo equitantem deprehendisset qui-
dam ex Ducibus, casu interueniens,
atque admirans Regem, & quidem
talem, quo illa etate nullus prestantior in tota Græ-
cia esse iudicabatur, hoc modo cum pueris colludere,
petit

petit Agestilaus ueniam ab isto, siquidem hic ludus uideretur alienus Regia grauitate. Deinde addit, se non tantum oneris ipsi imponere, ut perpetuo hanc rem taceri postulet, sed rogat ut tantisper taceret, donec ipse liberos haberet: significans eum qui liberos non haberet, non intelligere, quid habeant hi ludi, non dico uoluptatis, sed utilitatis. Quamuis enim per se ridiculae res sunt, tamen ad disciplinam, ad mores formandos pertinent. Et prudens pater intelligit, magnam uim assuefactionis esse in tenera aetate, etiam in his leuissimis exercitijs. Ut autem ille Spartanus miratur patrem colludentem cum paruis filijs: ita multi nunc quadam inusitatae sapientiae persuasione derident, cum alios multos ueteres et honestos mores, tum etiam hos scholasticos gradus, et spectacula promotionum: Quos uelim hanc Agesilai responsionem considerare, nec prius uituperare uetera instituta, quam ipsi habeant liberos: hoc est, non prius quam perspexerint quanta sit infirmitas in tenera aetate, quas ob causas, hi ludi, gradus, tituli propositi sint, quantum referat, puerilia ingenia his ritibus certo quodam ordine assuefacere, ac prouehere in discendo, quantum conlucet exemplum, ut assuefiant ad publicos mores amandos. Incredibilis infirmitas est animorum puerilium, quare ad eos excitandos, regendos, aut deprauandos, paruerti saepe magnum referunt momentum. Hanc infirmitatem quo magis perspicimus nos, quos tam usui, atque mutationes Resip. graues erudierunt.

Puerilia studia
& assuefactiones.

eo ma

eò magis amamus hos scholasticos mores institutos, ut
 studiis profit ordo, ut discant adolescentes ordinem
 discrimina intelligere. Itaq; nō recusamus quanquam
 senescentes, in hanc scenam prodire, et amanter pos-
 timus à prudentioribus, ut et ipsi faueant his specta-
 culis, propter iuuentutis utilitatem. Neq; enim tan-
 tum ad hunc coetum, qui in hoc theatrum confluit,
 sed ad nostros liberos, et ad posteritatem pertinent.
 Non fastidiamus hos ludos, tanquam res indignas nobis,
 sed exemplum nostrum prodesse adolescentibus
 ad honestos mores amandos, et conservandos existi-
 memus. Hec prefatus sum, ut imperiti intelligant,
 nos bono consilio hos scholasticos ritus conservare.
 Quod cum ita sit, equum est, uos orationem meam
 patienter audire, quam hoc loco habere me cogit of-
 ficii ratio. Et si autem quedam erant cause, cur de-
 titum studiis et utilitate hoc tempore dicendum uide-
 batur, tamen cum alij sepe uobis cōmonstrant usum,
 in multis uite partibus et uituperatoribus grauitate
 respondeant, relinquam modo id argumentum, et di-
 cam de concordia, deque communicatione studiorum
 atq; operarum, sine qua retineri et consistere Res-
 pub. non potest. Extat autem apud Grecos nomen
 suum epigramma, in quo pingitur optimus Reipub.
 status. Ac eò libentius argumentum Epigrammatis
 illius recitabo, ut exemplum illustre adolescentes in-
 figant animis, quod eos et in schola, et deinceps in
 omni uita edimoneat, qua arte retinenda sit publica
 tran-

Communica-
 tio studiorum
 atque operarū.

tranquillitas. Ea uerò magna est ars, seu sapientia potius, præcipue requirenda in ijs, qui utri boni perhiberi uolunt, quæ, cuiusmodi sit, in hac imagine conspici potest.

Fortè in uia conueniunt cæcus et claudus, ubi cùm sine duce progredi cæcus non posset, claudus etiam uelut hiculo opus esset, retinebatur uterq; suo malo. Vidit autem claudus cæcum ualidos lacertos, firmos pedes, denique robur integrum corporis habere, nec quicquam morbi in eo herere, nisi quod oculis captus erat. Quare prudenter iniit rationem, ut inter se communicarent operas, et alter sarciret id, quod deerat alteri, ut cæcus tolleretur in humeros claudum, claudus isti monstrator uia esset. Exponit suum consilium cæco, et suam operam pollicetur. Et si sarcina imponebatur non leuis cæco, tamen cùm humanitate socii caperetur, non detrectat hanc conditionem, ac sublato in humeros claudus, pergit, et gubernat eum claudus. Ita amanter communicatis operis, iter susceptum conficiunt. Hæc est imago optimi status in Republica. Primum enim in tanta mole, ac uarietate negotiorum, nemo unus par esse omnibus rebus administrandis potest. Deinde tanta est infirmitas ingeniorum, ut etiam qui unum aliquod munus sustinent, tamen interdum non satis sint intenti, interdum fallantur. Deniq; nihil est in rebus humanis ab omni parte perfectum. Itaq; opus est primum in Republica inter ciues beneuolentia ut nō grauati, quod quisq; potest.

Opt. Reipub.
status imago.

de pignora pignora.

ad usum communem conferat, deinde ut quædam uirtutia, in alijs dissimulemus, postremo ut nostra diligentia, dexteritate, & uirtute sanemus, ut sic ubi cessatum est ab alijs arte, ab alijs sarciatur iactura. Talis status optandus est ex animo, & decet bonos omnes, consilia omnia sua, & omnes actiones ad hunc statum efficiendum dirigere. Sic in schola liberè iter conferant singuli suas artes ad communem usum: nemo alterius generis artifices premere conetur: quædam etiam incommoda in alijs tegenda sunt, & uel comiter emendanda, uel arte quadam sarcienda. Ac nos quidem in scholis præcipuè amemus hunc statum, quia Aristoteles, quem sequimur Magistrum in Philosophia, Aristocratiam maximè probat, et hanc antefert omnibus formis politiarum. Sequamur igitur Aristotelem, et in scholis, quantum fieri potest, Aristocratiam efficiamus.

Septem sapientia modestia,

Hæc autem non sunt Aristocratica, sed partim Timonica, partim ολιγαρχικὰ, grauati operas in commune conferre, uel impedire aliorum cursum, qui & ipsi benè merentur de Republica, aliorum aucupari errata, aut etiam calumniari studia, seu odio, seu ambitione, seu aliqua alia cupiditate. Quanta inter se modestia certarunt septem illi summi uiri, qui Sapientes nominantur, qui eodem tempore floruerunt in diuersis ciuitatibus? Nam cum Mileti inuentam auream mensam Apollo iussisset sapientissimæ dari, ciuitas Thaleti dandam esse decreuit: is magnitudinem buis laudis non agnoscens, & libenter alteri uel imper-

tens.

uens, uel cedens, misit Soloni, Solon ad eundem modum Bianti. Cum per omnes septem uagata mensa ad Thaletem redisset, ait Thales, nunc demum se oraculi sententiam intelligere: iussitque mensam offerre Apollini, quod Deus significasset hoc inuolucro, neminem mortalium, sed solum Deum sapientem esse. O uerè Aristocraticos uiros, quorum nemo de alterius laude quidquam decerpfit: deinde qui uiderint, nihil esse furiosius, quam homines sibi sapientiæ laudem arrogare. Itaque comiter inter se nixerunt. Et quidem Solonem accipimus à Thalete didicisse motus astrorum. Nunc uerò quoties illud fit, quod ait Martialis?

Qui uelit ingenio cedere, rarus erit.

Et uidimus aliquoties hoc accidere, ut ortæ dissensionum ex leuissimis iniurijs excitarint ingentes tumultus, quorum exitus ne nunc quidem prospici potest. Cur hinc non uenit in mentem cæci et claudi, ut mutuis officijs cogitaremus iuuandam esse Rempublicam non acerbitate animorum dilacerandam. Romæ Scipionem optimè meritum de patria, inuidi ciues aliqui allatrarunt, quibus ille ex urbe cedere maluit, quàm excitare maiores tumultus, uehemētius concitando. Ita cum non abduceret eum ambitio à moderatione, communi saluti ac tranquillitati optimè consuluit. Cōtrā flagitiose Marius, qui cūm ueretur gloria Syllæ, comatus est eum ut spoliare exercitu et provinciam, patriam implicuit crudelissimo luctuosissimoque bello. Sed omnium seculorum, atque ætatum historiae

Scipio cauet
dissensiones.

Marius excitat
incendium.

Li ij plena

plene sunt exemplorum, in quibus conspici potest, sepe certamina accensa, seu quadam morositate ingeniorum, seu odijs, aut inuidia, magnis imperijs ac ciuitatibus exitio fuisse: Rursus etiam commoditate moderato-
 deratorum ciuium, qui impetus aliorum ratione lenierunt, seruatas esse Respub. Hæc exempla cum legimus atq; audimus, nos quoq; ad moderationem, et regendos animorum impetus hortentur. Decet enim, præcipuè literatos homines, doctrinam uirtutis ad mores atq; usum transferre. Deinde nequaquam committendum est, & quemadmodum nauis, excusso gubernatore, sine uelo, sine gubernaculo uentis iactatur, ita nos extincta ratione, rapiamur affectibus, nec consideremus quid expediat Ecclesie, quid Reipub. que exempla noceant iuuentuti, quid publicis studijs pro-
 prosit aut obsit, sed quâ impellunt turbidi affectus, ceco impetu ruamus. Tale uitæ genus nec Philosopho, nec Christiano conuenit. Nam uel maxime Christianus omnia sua consilia, ad gloriam Dei, ad Ecclesie ædificationem, & ad iuuentutis salutem referre debet. Nec uerò fieri potest in tanta infirmitate hominum, quin incidant errores atq; offensiones. Et Diabolus sepe igneis telis, ut uocat Paulus, sauciat animos, & inflamat odijs, ut Ecclesiam, aut Rempub. dissipet. Has dissidiorum causas intelligere Christianos docet, ut singulari diligentia & muniant pectora aduersus illa tela, & affectibus frenum iniiciant. Si quid in alio desideras, cogita qua ratione moderari possis,
 non ut

non ut exulceres. Plutarchus περι φιλαδελφίας scribit morem fuisse Græcæ gentis, cum duo fratres unâ incedebant, & ad lapidem aliquem excitatum ueniebant, ne seiuncti cederent medium locum lapidi, sed ut ambo simul ad idem latus circuirent lapidem. Huiusmodi ritus uarios singulæ gentes habent, qui & recepti & conseruati sunt, quia aliquid de moribus significabant. Accommodat igitur Plutarchus hunc ritum ad fratrum concordiam, ac moneri eos hoc exemplo ait, ut caueant, ne quis lapis, hoc est, ne ulla offensio diuellat eorum animos. Et si qua inciderit offensus, ut illam coniuncti circumeant, hoc est, dissimulent, deleant ex animo & extinguant. Hæc uirtus non solum priuatis familijs, sed Reipub. & Ecclesiæ necessaria est: itaque extant in scriptis sapientissimorum hominum grauissimæ conciones, quæ hortantur, ut concordiam tueamur, ut placari nos sinamus, ut redeamus in gratiam cum ijs, quorum animi sunt sanabiles. Cum autem de his rebus loci scripturarum uobis noti sint, nolui esse prolixior. Tantum illud moneo, quod apud Homerum est, qui fingit Aten ualidissimo corpore discurrere, & dissidia excitare, sequi uero Litas diuinitus missas, quæ hortantur, ut redeant homines in mutuam gratiam, Et addit Poëta, Litas magna beneficia impertire obtemperantibus, et uicissim eos exaudiri, si quid à Deo petant: Alijs uero qui non obtemperant, imprecari, ut Ate de eis poenam sumat. Nec uerò putate hanc Homeri contionem famili

Mos Græcæ
ad concordiam
accommodatus.

Ate & Litas
Homericæ.

bulosam esse. Sententiam haud dubiè à uetustissimis illis parentibus, quibus uera religio nota fuit, acceptam recensuit, & Poëticam addidit picturam. Quid enim uult aliud, quàm quod toties præcipiunt sacre literæ, ut simus placabiles, ut obliuiscamur iniurias? hoc officio ita delectari Deum, ut uicissim nobis rogantibus det erratorum ueniam, & multa largiatur beneficia. Rursus autem implacabilibus placari nolle, & eorum pertinaciam asperitatemq; animorum punire. Hec sententia nequaquam prophana est, manauitq; haud dubiè à pijs maioribus ad posteros. Scitis enim à Christo nobis seuerissimè commendatum esse hoc officij genus: Remittite, & remittetur uobis. Hec præcepta, si magnificimus Deum autorem, si amamus publicam Ecclesie tranquillitatem, si Reipub. salus nobis curæ est, toto pectore accipiamus, & communem concordiam tueamur. Si quæ sunt in amicis incommoda, aut prudenter sanemus, aut comitate nostra tegamus, cogitemusq; sæpe in uita locum habere illud quod ait Plinius: Qui uitia odit, homines odit. Certè in schola sic uiuere, ut uiuunt in arena gladiatores, turpe ac miserum est. Ferarum enim est talis congressus, nisi quòd hæ cognatarum morsu abstergent, gladiatores uerò mutuis cedibus in sese ruunt. Itaq; & hortor et oro omnes studiosos, ut omni genere officij iuuare Rempub. & tueri communem concordiam annitentur: Id dignum est bonis uiris & Deo gratū: et ut Psalmus inquit, hoc agentibus Deus dabit

Plinij dictum.

dabit benedictionem. Postremo quia non tam mea oratione, quàm auctoritate & sententia optimorum, & praestantissimorum authorum uos adhortor, libuit in fine adiungere memorabile dictum Senecae, qui sic in postremo libro de ira ait: Dum inter homines sumus, colamus humanitatem, non timori cuiquam, non periculo sumus detrimenta, iniurias, conuitia, uellicationes contemnamus, & magno animo breuia feramus incommoda, dum respicimus quod aiunt, uerum iamusq; nos, immortalitas aderit.

D I X I.

DE MISERIIS PAEDAGOGORUM Oratio.



PN Aesopi apologis queritur apud Iouem asinus de suis erumnis, quotidiana se operis confici et enecari: sed est querela Paedagogorum de suis miserijs iustior profectio, si res ad caltulos reuocatur, quàm asini. Quis. n. ullo in pistrino asinus tantum mali pertulit, quantum mediocris paedagogus in uno atq; altero docendo, tum laboris exhaurit, tum molestiae perpetitur? Quo in genere uitae, quia mihi aliquando diu uersari contigit, et experiri quàm sit calamitosum, libuit in praesentia de paedagogorum miserijs dicere et

Paedagogi
asinis magis
miseri.

li iij com=

communia mala nostri ordinis deplorare: Est enim quedam in malis uoluptas, liberè conqueri, sicut Ovidius ait cùm scripsit:

Expletur lachrymis egeriturq; dolor.

Proinde cùm alios æquis animis de alienis negocijs dicentes audiat, & mihi quæso meam agentis fabulam, uerumq; dolorem representanti operam date. Et si ille apud Terentium, cùm dicit hominem se esse, nihil humani alienum abs se esse, rectè iudicauit, humanum esse, alterius miseria affici: debetis profectò et uos uice mea commoueri, & querelam meam patienter audire, mihiq; ueniam dare, sicubi diutius iusto in
 99 commemoradis malis nostris cōmorari uidebor: Nam
 99 ubi dolet, aiunt, ibi manum quisq; habet. Ego cùm per inopiam ingenij sentirem me nil huc adferre posse, quod magnoperè delectaret, & me quotidianæ uitæ consuetudo huius argumenti admoneret, gessi scilicet meo dolori morem, & hanc materiam sumpsi pro uirili tractandam: ex qua equidem nō ingenij laudem, sed in hac carnificina quedam curarum solatia captabam, planè mihi requies, non fama petita est. Nec me finebant hæc mala diligentius elaboratam orationem huc adferre. Sed dum dolori obsequor, sine ordine incondita pleraq; effudi, idq; condonabitis, opinor mihi facile, si qua misratio mei tanget. Neq; enim uacabat animo sic occupato uerborū habere accuratorem delectum.

Sed exordiar aliquando causam, quam animus

meum

meminisse horret, luctuq; refugit, et querat apud nos de conditione paedagogorum, quo genere hominum nulli mihi, ne quidem in ergastulis, uidentur infeliciores. Primum enim cum traditur paedagogo puer docendus, et ad humanitatem ac uirtutem informandus, uidete quaso quam duram provinciam plenamque inferrimi laboris ac periculorum capiat. Non ante matura etas pueri uidetur ut mittatur in ludum literarium, quam cum domestica indulgentia corruptus est, et uicia tum intelligit, tum degustauit: is non modo nullum amorem literarum aut admirationem, sed acerrimum erga illas odium, contemptum praceptorum, turpissima exempla domo adfert. Cum eiusmodi monstro praepetori decertandum est. Si doceas, peregrinatur animus pueri, et ut optime succedat, sexcenties idem inculcandum est, dum illi inuito haereat in animo: cum paululum modo despexeris, rursus ex animo illa omnia toties decantata puero effluunt. Si reddere cogas quae didicit, tū uerò uideas plane ludibrio haberi praepetorem: nam puero, ut est cōtumacia, uoluptas est admisisse aliquid, quod uras et exerceat praepetorem. Si quis cogatur docere camelū saltare, aut asinū fidibus ludere, nonne illum egregie miserum dicas, qui frustra maximum laborem sumat? At id tolerabilius est, quam nostros pueros docere. Nam ut nihil promoueas in camelo aut asino exercendo, certē illi nulla iniuria cumulant molestiam. At isti belli pueri cum strenuē defatigarunt nos, quam sunt in super

Commemoratio & prauidia miseriarum.

Domestica indulgentia corruptus puer.

Persius.

in nos contumeliosi? Inuenias qui palàm ausit conuictum facere præceptori, & manus, auriculas imitatur mobilis albas. Et eiusmodi mores domo ad præceptores adferunt, nihilo reuerentius antea parentes tractauerunt, quàm nunc magistros tractent. Et paulatim uertit in naturam mala consuetudo, ut corrigi et emendari hæc uitia nunquam possint. Quid est, si non hæc miseria, perpetuis curis ac labore in docendo frustra consumi & enecari? Deinde pro tuis meritis etiam ludos deliciaq; & quidem puero fieris?

**Sisyphi saxum
in Scholis.**

Pingunt apud inferos Sisyphum humane saxum in aduersum montem uoluere, quod tamen è summo iam uertice rursum labitur, & plani raptim petit æquora campi: significariq; scribunt eo commento, irritum labore multos mortales confici. Mihi multò clariùs representari uideretur inanis opera, si pingetur ibi pædagogus cum eiusmodi puero, qualem paulò antè descripsimus. Quantò enim maius negotium est pædagogo quàm Sisypho? nec tamen maius operæ præcium fit. Illius in uersando saxo simplex labor est; & curâ uacat: pædagogi uide mihi quàm multiplex negotiû sit. Nunquam nisi coactus à præceptore puer librum in manus sumit, ubi acceperit, oculi atq; animus expatiantur. Ibi tanquam calcaria addenda, quæ admoneant de officijs. Enarrat aliquid præceptor, iam illi delicato somnus obrepit: & securus in utranque aurem dormit, dum se pædagogus dicendo rumpit. Notum ibi negotium fit pædagogo expergefaciendi discipuli.

discipuli. Dictata repetuntur, experrectus adolescens iubetur adijcere animum ad ea quæ traduntur. uerum non est cura Hippolidi, foris est animus tanquam in alio mundo, in ganeis, in alea, in perniciosi sodalitiij ludis. Tantum abest, ut meminisse aliquid studeat, ut eam legem quæ de conuiujs exabat apud Græcos, *μισῶ μνάμονα συμπότην*, ipse de scholis latam putet, & incisam non in æs, sed insculptam animo circumferat *μισῶ μνάμονα μάδότην*. Itaq; si postridie dictata reposcas, qui perfluxerunt aures omnia, nil tenet, tibi magistro redit Labor actus in orbem. Orduur pristinam cantilenam, nec semel repetit, donec isti trunco unum atq; alterum uerbum instigatur. Quis est tam cornea fibra, qui non stomachetur, tantum operæ se perdere, præsertim cum interea & ualitudinis iactura facienda sit? Nam atteruntur & labefiunt corporis uires non modò dicendi labore, sed etiam cura doloreq; animi, quem, quia non respondent nostræ diligentie studia puerorum, indignitas rei parit. Seculum in his miserijs consumitur, dum iste primas litteras didicerit. Nec putet se iam defunctum esse pedagogus: hæc tantum nostræ tragœdiæ præludia sunt, restat Epitafis multò ærumnosior.

Erasmus
in Chil.

Epitafis trahit
Tragœdiæ.

Infinitus labor est, os puerile formare, & ad Latinam linguam assuefacere: Nam cum lingua expoliatur consuetudine benè loquendi, eamq; ad rē disertorum commercia multum momenti adferunt, primum, ut est negligentia, conuerrunt ex proximo, hoc est,

I.
Sermo.

est, à patria lingua omnem sermonem. Latine loqui, quia id difficilius erat, ne quidem conantur. Deinde quia sui similibus delectantur, eruditorum commercia procul fugiunt. Apud unum præceptorem Latino sermone utendum est, ad quem cum uentum est, *Di immortales*, quale spectaculum committitur? Puer aliquandiu in statuæ modum prorsus mutus est. Postea ubi se colligere cœperit, ac meditari uerba, quia animus perturbatus est, oculi superciliaq; peruertuntur, si uideas, dicas comitali morbo arripit: peruertitur & os uelut Cynico spasmo, foedissimo rictu. Post ubi diu secum luctatus est, tandem uocem edit. Sed ne deprehendatur, si quod fortè existet solœcum, stridit obscure. Quidam ingeniosi sunt in postrema syllaba & casu dictionis obruendo, ne percipiatur. Iubet præceptor clara uoce pronunciare: ille iterat & uerba cadentia tollit. Exaudit iam præceptor, sed nihil nisi uerborum portenta. Nec authores qui præleguntur redolet sermo, nec cum Grammaticis præceptis conuenit. Hic demum sentit se uerè miserum esse pedagogus: nam cum ex studijs puerilibus non alius fructus petatur, quàm ut expedite loqui possint, hic uidet sibi operam & oleum in dicendo perire, in tam prodigiosa discipuli infantia. Sed quantæ difficultates exorbendæ sunt, dum huic uitio uideri studet? Dissimulandus ei dolor animi, iracundia reprimenda est, comitate puero perturbatio animi sedanda, blandè inuitandus est ad loquendum. Sæpe trabendi longius de

gius de industria sermones, ut consuetudinem latine loquendi puero faciat.

Hæc una res cum plus satis adferat molestiæ, tamen multò magis exercet præceptorem stylus, quem, ut Latina lingua fiat puero familiaris, adhibendum esse uidet, ut usu scribendi confirmatus tutò loqui possit: Non enim unum remedium ad excutiendum istum ueternum puerilibus ingenijs satis est. Sed cum nihil perinde ad parandum quàm uberrimam sermonis copiam conducatur atque assiduus stylus, non alium laborem tamen perinde recusant suscipere, atq; scribendi. Nihil est opus hic recensere causas: Est enim nota uobis natura hominum nostrorum. Immane quantus labor est percellere, ut uel toto semestri unũ epistolum scribat? Ego uerò comperi non aliam crucem nobis esse acerbiorẽ, quàm cum istis cessatoribus quotidie rixari, cum officij monentur. Neq; uerò unquam cogi potest, ut unum uersum scribat, nisi præceptor adsideat, dicat argumentum, suppedidet uerba. Iste cum inueniendi cura uacat, tum egre dictata excipit. Serò hac consuetudine eò promoueris, ut suo Marte conetur scribere, si tamen unquam conatur. Nam illum crede uirgula diuina ad uirtutem incitari, qui uel serò per sese conatur aliquid componere. Quis non malit in pistrino molere, quàm hanc tam molestam plenamq; stomachi peruicaciam gerere? Sed fac istum tandem coepisse scribere, plurimum opere in emendatione scriptorum ponendum est. Est enim

II.
Stylus.

Emendatio
scriptorum.

scelera

sceleratus præceptor, qui hac in re cessat, si Horatio credimus, qui negat bonum uirum esse, qui cum censor fiat alieni scripti, uitia non reprehendat. Est enim notus uersiculus:

Vir bonus & prudens uersus reprehendet inertes.

Primum autem in corrigendis sermonis uitijs, occlusus præceptor nõ simplicè laborè sumit, dum Grammatica errata mutat, dum obscurè & ambigüe dicta perspicuè explicat, dum impropria corrigit, dum horrendis addit nitorem, & figuris illuminat, & gratiora blandiora què facit. Porro relegere ineptæ scripta puerorum molestum est, quamuis patienti præceptor: quanto magis emendatio fatiget? præsertim cum plerunq; ratio etiam cur quippiam mutarit, indicanda sit. Tum castigandi acrius qui negligentius scripsere, hortandi alij ut inceptum cursum urgeant. Neque uerò tantum sermonis uitia monstranda sunt, sed in his quæ iam nonnihil promouerunt, rerum etiam habenda ratio, & uoluntates regende. Quosdam enim conuitia delectant, in alijs est ridicula uanitas, & inanis iactantia, & serè mores stylus arguit. Hæc uitia cum uires accipiunt, nec è teneris animis auelluntur, hærent in senibus summa cum turpitudine. Expendite quæso: constant hæc mediocribus præceptoribus, uel si dociles habeant discipulos, & tamen nostris ferè aut ingenia desunt, aut deest uoluntas discendi. Duplicatur autem labor, cum summa ui ad officium cogendi sunt. Nam ut in acie parum sælix Imperator, si milites

Simile militare

si milites habeat primùm ignauos , deinde quos non pudeat fugere , postremò qui non obtemperent , sed pugnent iniussi , locum capiant ex suo arbitrio , non seruent ordines: (Etenim apud Thucididem egregius quidam Imperator dicit ad bene pugnandum requiri, ut uelint milites, ut fugere pudeat, ut obtemperent Imperatoribus) Ita in hac scholastica miluita miserrimis curis præceptor conficitur , cum docendos suscepit, qui primùm non flagrant ulla cupiditate discendi. Nihil enim in omni uita egregium effici potest, nisi animus studio eius rei, quam affectat, ardeat, & ad eam magno quodam motu , atq; impetu rapiatur. At nostri turpiter frigent in discendo , nec accendi ulla ratione possunt: magis cogi uolunt tanquam pecudes, Deinde nec laudis amore, nec timore extimulantur.

Porrò cum hominum naturæ propriè pudor institutus sit, quid esse nostros pueros dicam, quos adeò non pudet inscitie? ego uerius monstra hominum dixerim , quàm qui mutilis membris aut cæci nascuntur. Est enim leuius malum , mutilo pede esse , quàm humana mente carere. Isti enim simpliciter humana specie beluinas mentes tegunt, quos in re turpissima flagitiosissimâq; sui nihil pudet . Postremò nunquam quisquam tam fœlix præceptor fuit, cui ita obtemperarit discipulus, ut præscriptam discendi rationem secutus sit , ut ad hos authores euoluendos alligari se passus sit , in quibus eum solis uersari atque commorari, tanquam domi suæ præceptor uolebat, ut ad iē-

pus

**Varietas istius
aetatis.**

pus scripta absoluerit, ut eā quæ edidicit statis horis memoria repetiuerit, ut sermone castigatore apud solidales usus sit. Nostri quidem nihil horum præstant, in carcerem se includi citius patientur, quàm in uno aethore detineri. Varietas grata est illi ætati. Itaq; uaria, sed plerunq; deteriora legunt, si tamen aliquid legunt. Iam scire malunt quàm memoriam aut linguam exercere. Sic sunt pueri in genere, alijs magis, aut minus ignaui. Nam etiamsi quis indole generosa est, tamen ea ætate parum in animis roboris est. Et quemadmodum longus labor est infantium corpora firmare, gestando, alijsq; molliorib; exercitijs, sic infantia ingeniorum non nisi serò curatur, postquam diu summa comitate docueris et assuesceris, nec aliter tractaris, atq; suos alumnos nutricula tractant. In tanta inertia istorum, cogitate quid animi præceptor sit, nimirum idem quod Imperatori, qui abiecta uictoriæ spe, intelligit hosti salutem, tum suam, tum patriæ scelere exercitus sui proditam esse. Consumitur acerbissimis curis, uis dens tam malè locari grauissimos labores in iuuentute formanda.

**III.
Mores.**

Dixi hæc de ærumnis, quas in docendo tantum perferimus, restat altera officij nostri pars longè difficilior superiori, cura regendorum morum. Quis ibi mali non uidet præceptor? Primum etas illa natura ad uitium propensior est. Et Plato scripsit, nullam beluam intractabiliorem esse puero. Itaq; tanto opere sudabit præceptor in regendo his, qui domi summa diligenter

diligentia parentum ad religionem & ad bonos mores instituti sunt, ut leonem aut ursum experiatur facilius posse gubernari quàm hos. Et tamen in scholas quotquot serè mittuntur, pessimos mores, turpissima exèpla adferunt, ut refingendi sint de integro. Est autem, ,
tem difficilius, praua quæ semel infederunt, dedocere, quàm recta docere. Scitis enim Musicum illum gemina mercede docuisse, qui ante sub alijs Magistris male assuefacti erant. Pugnamus ergo cum ingenijs puerilibus, quæ per sese ferocissima sunt, præsertim in Germano & domestico usu corrupto. Videte enim istos bonos parentes, quorum multi se Euangelicos uocant, cum in ea ætate prima esse tradendæ religionis cura debeat, hi ne quidem sacras preces, Decalogum, & hoc genus alia domi docent: pleriq; parentes contemptum religionis docent. Tam corruptum hoc nostrum seculum est, ut iure possis dicere, deceptum esse Satyricum, cum dixit:

Corruptus
huius seculi
status.

Nil erit, ulterius quod nostris moribus addat
Posteritas.

Omne in præcipiti uitium stetit.

Neq; enim dici potest, quanta accessio scelerum omnis generis, nuper adeò ad uetera uitia facta sit: Domestica disciplina periit, quæ tamen nobis pueris erat mediocris: Magna diligentia domi tradebantur elementa pietatis. Nunc alia res est, ridentur sacra, eamque summam sapientiam ducunt. Et quia Dei metus exemptus est animis puerorū, ruitur in omnia uitia,

Kk

quorum

quorum ego iam memoracione non delector: proinde cum in scholam uentum est, necesse est sumi in docendis primis pietatis gymnasmatis operam. Sed quid discerent infecti ante impijs opinionibus? Sed ut ut mediocriter succedet, tamen in officio retinere quantus labor est? domi retinere, arcere à corruptis sodalibus, à ganeis, ab alea, & reliquis similibus? hoc qui potest, illum ego non hominem, sed planè Deum quendam cœlitus in terras publicæ salutis causa delapsum esse pronunciauero.

Mille artes
puerorum decipiendi.

Mille artes excogitant pueri fallendi præceptoris. Et in pluribus tantus furor est, ut palàm contemnant imperiū. Quia enim à literis perpetuæ feriæ sunt, ocium et docet et alit uitia. Est enim uerissima sententia, quam reliquit scriptam Columella in præceptis, quæ patrifamiliâs præscribit: Nil agendo fieri, ut homines malè agere discant. Iam ubi domo tanquam è carcere refractis repagulis fugerit adolescens, miserrimè carere subeunt animum præceptoris. Quæ ille in fabula Mitio sibi uenire in mentem dicit de filio, eadem præceptorem sollicitum habent, ne ille usquam ceciderit, aut perfrugerit aliquid aut uulnus acceperit, & hoc genus alia. Quare iam cogitat sibi summa ui coercendum esse discipulum. Et cum hætenus à plagis abstinuerit, hic demum ad ferocitatem castigandam promuntur uirgæ. Nam nostri homines non nisi plagis oacti, sicut de Phrygibus in prouerbio est, imperata aciunt. Hic ille miser supra tot mala carnificinam cogit.

gitur exercere, rem miserrimam, quæque uel in primis noceat ualitudini nostræ. Nemo enim tam est ἀπαθὴς præceptor, quin ex contumacia adolescentium commoueatur, quemq; non perturbet in uerbis impetus.

Quid iam de cura ualitudinis puerorum dicam? quid de sumptibus moderandis? quid de rationibus sumptuum præscribendis? quæ, ne nimis longum faciam, cogor omittere. Etenim

Non mihi si centum linguæ sint oraq; centum,

Omnia curarum percurrere nomina possim.

Postquàm præceptoris labores recensuit, nunc uideate, quæ uicissim pro his, tum merces, tum gratia reseat. Hæc uerò est tragica catastrophe: Superiora omnia ludum & iocum dices fuisse, prout hæc mala sunt, quæ restant commemoranda. Catastrophe.

Primum merces adeò est exigua, ut Satyricus ea de re questus scripserit:

4.
præmia.

Pœnituit multos uanæ sterilisq; cathedræ.

Iure sterilem cathedram dixit: nam fossorem pluris quàm præceptorem conducunt. In his miserijs aligemus, uiuimus siliquis & pane secundo, & uix nos à fame defendimus. Videtis enim meam maciem, uidetis ut lacer incedam, quem si fortuna fecisset uel bibliopolam, scitis quale sit id genus, ego iam auro onustus incederem, tanquam aliquis Satrapa.

Deinde summa ingratitude puerorum est, qui nò modò nullum se à nobis beneficium accipere dicunt, Ingratitudo.

Kk ij sed

sed neminem peius de se mereri arbitrantur, quam nos. Qui nihil discunt, nos perinde ut literas acerrimè oderunt, uelut suos carnifices. Quidam alij leniter degustatis literis, cum iam aliquam induant eruditionis persuasionem, sic placent sibi (nam id solet ea ætas) ut præceptores nihil morentur, seq; iam ad summum fastigium eruditionis peruenisse putent, ubi ex alto nos despiciant. Et non modo non uident, quàm curtam habeant suppellectilem, sed ne id quidem expendant, quibus acceptum ferre debeant id, quantum cunque est, quod didicerunt. Nec ego interea recito quàm uarijs contumelijs nos afficiant, ut suspendant naso, posticis sannis petant, si quid moneamus. Videte quæso quàm misera conditio nostra sit. In eam ætatem beneficia nostra collocantur, quæ nondum benefacta intelligit, tantùm abest, ut mutuo amore nos complecti, aut gratiã habere pro nostris officijs queat: Sic pereunt nobis beneficia nostra magis quàm ullis mortalibus. Nam etiam cùm senuere discipuli, quia beneficij memoria non solet esse diuturna, nemo iam præceptorum meminit, quidam etiam malam gratiam reddunt, ut Nero fecit. Neq; puerorum parentes pluris nos faciunt quàm ipsi pueri. Non expendant depositam à se liberorum curam nobis imposuisse: Totam enim regendi docendiq; pueri prouincia nobis tradita est, plena sollicitudinibus & periculorum. Ipsi domi suæ securè suum negotium agunt. Et iam cùm mercedulam dederint, ut exprobrant nobis suum beneficium?

neficiū? Si quid rectè fecit filius, nihil laudis adscribitur præceptorī: Si quid peccauit, accusatur præceptor. Diogenes cū adolescentis gestum in edendo reprehensurus esset, pædagogo iniecit colaphum. Sic isti, quicquid peccant liberi, transferunt culpam in præceptores. Talis gratia nobis pro summis laboribus & curis redditur. Si quis hūc conferat omnia uitæ genera, inueniet in nullo tantum calamitatū, quantum in nostro: planeq; affirmare ausim, nos omnium mortalium longè ærumnosissimos esse: qui cū summos labores obeamus, in summa tamen inopia uitam ægrè traducimus, et interim nullo non contumeliæ genere afficimur à discipulis, ac illorum parentibus, deniq; ab his, de quibus præclarè meremur. Neq; quisquam opinor uestrū est tam ferreo pectore, qui si hæc consideret, uehementer misericordia nostri commoueat. Superfunt autem multò plura mala: sed ego desessus sum hac commemoratione, & tempus uetat prolixiorē esse orationem.

Itaq; ut finiam, sunt mihi in hoc extremo actu discipuli nostri commonefaciendi, ut quoniam audiunt sua uitia accussari, ignauiam, contemptum literarum, amorem uoluptatum, atque otij, ingratitude, admoniti à nobis dent operam ut hæc emendant: ita & nobis minuetur labor noster, & ipse donum summa cum laude redibunt, & adferent egregium instrumentum rei familiaris conseruandæ, dignitatis comparandæ, et Reipub. gerendæ. Nam cū

V.

παραινέσις.

Quid accidas improbis discipulis.

Kk iij

uacuit

uacui domum redeunt, quid accidit? quia nihil didicerunt, nullius usus sunt in Repub. domiq; cum summa ignominia uiuunt. Deinde quia in ocio multa uicia contraxere, ea haerent in illis, potant, amant, latrocinantur, ut publicum odium urbis fiant. Exitus autem his moribus respondet: alij inter pocula occiduntur, alij suas fortunas in alea perdunt, alios perdidere amores. Possem infinita exempla recitare, si sineret tempus. Sic enim Deus poenam sumit de his, qui primum Deo authore adhibiti ad discendum, non faciunt suum officium. Nam quod parentes iussere, id Deus tanquam sua iussa fieri uoluit: deinde malam gratiam bene meritis praceptoribus reddunt. Noli enim
 22 putare ullum esse scelus, quod perinde offendant Deum, atq; ingratitudo: sic enim scriptum est, Fore ut non
 22 recedat malum a domo ingrati. Quantum autem Doctoribus debeatur, tum inde existimari potest, quod in uicem parentum succedunt, et illorum affectus erga pueros induunt, tum etiam Paulus comonet cum ait, duplici honore dignos esse doctores. Proinde si cupitis ut fortunet uobis Deus uniuersum uitae uestrae cursum, date operam, ut uicissim ea praestetis, quae ille a uobis exigit, ut grauius obeatis prouinciam uobis a parentibus commissam, et ut praepceptores uestros amanter complectamini, et religiose colatis, ut nostra studia et nostrum amorem erga uos et augeatis, et mala nostra uestra com-

moditate mitigetis,

DIXI.

ORA

ORATIO PHILIPPI MELANTHONIS, de amore ueritatis, dicta ab ipso, cum decerneretur gradus Magisterij D. Andreæ Vuinclero Vratisla. et alijs quibusdam bonis & doctis uiris, Anno
M. D. XXXV. die Aprilis XIII.



ON soleo odiose repugnare amicis: itaque modò etiam facile passus sum mihi prouinciam hoc in loco dicendi mandari, etsi pleriq; alij collega nostri ad dicendum aptiores sunt. Sed cum collegis nostris libenter morem gessi, quibus cum uidetis me coniunctissimè uiuere (Amo enim eos ex animo, & quia me cum eis Respub. coniunxit, et propter ipsorum egregiam doctrinam, & in omni officij genere diligentiam & uirtutem) tum uerà gratificandum duxi his doctissimis uiris, & huic hospiti, qui cum singulari fide et scelicitate literas doceat, non deesse ei studia atq; officia nostri ordinis debent. Nam si rectè aestimes, amplissimè de tota Repub. merentur isti, qui primam aetatem rectè erudiunt, & ad maximas artes præparant. His igitur ostendere uolui, me & honori ipsorum fauere, & hæc scholarum testimonia, seu gradus magnificere. Etenim cum plurimum dignitatis sit in his optimis atq; utilissimis artibus, quarum propagatio & defensio collegio nostro commissæ est: multum etiam dignitatis in hoc gradu esse,

Gradus scholastici fœdera cū Reip. faciunt.

Kk iiij iudi-

iudicandum est, cum in hoc ipso gradu fœdus cum Repub. fiat in quo hi quibus decernitur, obligant se Reipub. ad docendas optimas artes, & utilissimas humano generi. Hoc fœdere quid potest cogitari honestius aut sanctius, modò ut hi, qui aucti sunt hoc honore, magnitudinem muneris sui animo metiantur, & pro uirili tueri studeant? Certè consilium faciendi huius sanctissimi fœderis in hoc gradu, est honestissimum atq; humanissimum. Quare digni odio sunt Cynici, qui ut ceteros honestos mores, ita & gradus grauiſſimo consilio institutos, quiq; obligant homines ad defensionem bonarum disciplinarum, aspernantur.

Exposui consilium meum, quare in hanc scenam produci me passus sim. Solet autem hic uel de artium dignitate, uel de studijs ueritatis duci. Hic mos cum ualdè mihi probetur, sumpsi & ipse argumentum ex eodem genere. Et quoniam constat, honestas disciplinas, leges & religiones, uincula esse humanæ societatis, facile iudicari potest, maximè necessariam esse ad uitam omnium bonarum artium, doctrinam. Itaque de hac parte non disputabo prolixius: nam id quidem persuasissimum esse omnibus debet, & monent idem quotidie doctorem uoces & literæ. Dicam igitur de una quadam uirtute pernecessaria his qui in studijs uersantur, uidelicet, de amore ueritatis, seu de odio sophistices.

Amor ueritatis Etenim nulla uox humana satis eloqui potest, quantum referat, hæere in animis infixum ab ineunte ætate acerrimum sophistices odium. De hoc queso,

quæso, ut me diligenter audiatu adolescentes, quem iam ætas & magnarum uarietas erudierunt. Nihil opus est iam dicere, quantum Reipub. cura angat atque exerceat animum meum. Illud tantum dicam, ut me maiori studio audiatu: uerè hoc affirmare possum, me paterno affectu atque amore complecti omnes studiosos, ac uehementer uestris periculis affici. Itaque quod aliàs sæpe monui, idem nunc quoque, quoniam in hoc confesso doctissimorum hominum oratio plus habere debet authoritatis, obtestandos uos esse duxi. Ac longè aliud præcipiam uobis, quàm apud Sophoclem Vlysses præcipit Achillis filio adolescenti Neoptolemo, cum docet eum mendacijs circumuenire & fallere amicum, & quidem multis argumentis declarat, hoc artificium usitatissimum esse in uitæ negocijs. Cumque adolescens miratur, qua fronte, quo ore mentiri quispiam ausit sciens, respondet Vlysses, nefarie is quidem, sed significans quales sint hominum mores:

Vlysses docet
mentiri Neoptolemum.

Vbicunque spes lucri est, pudere non decet.

Atque utinam hæc Vlyssæa Philosophia tantum in priuatis & leuibus negocijs exerceretur. Sed experimur eam peruasisse in grauissimas Regum deliberationes, in scholis corrumpere artes, & quod est præcipue deplorandum, regnare in Ecclesijs, & obruere religionem. Quare si solidam doctrinam & utilem generi humano expetitis, & hoc uestrum curriculum Deo placere, & prodesse alijs uultis, uehementissi-

Kk V mum

Sophistice.

num odium Sophistices animo concipiendum est. Atque hac in re primum quid uocem Sophisticen, deinde quàm perniciosa sit, considerandum erit. Non enim apello Sophisticen, tantum ridiculas illas cauillationes, quæ pueris traduntur in Dialecticis, ceratinas, & crocodilinas, & similes. Illa uobis cauenda est Sophistica, quæ mirificam sapientiæ speciem præ se fert, & in curia, in subsellijs, in Ecclesia dominatur; ubi alios piget inquirere ueritatem, alij explicare commodè non norunt, alij per ambitionem de industria nebulas offundunt. Et interim magna autoritate inserunt animis falsas & nocituras opiniones.

Melancholicorum exempla.

Medici narrant Melancholicorum exempla, quorum alius errore mentis putauit se factum esse gallum gallinaceum; alius sedit in uacuo theatro, somnians se uidere spectacula. His persimiles uidentur plurimi hebetiores, qui leui aliqua cauillatione decepti, amant absurdas opiniones, & quod est miserandum, his ita blanditur error, ut sibi applaudant, se beatos ducant illa insania. Exempla sunt in scholis & in Ecclesijs plurima. Stoici propter leues cauillationes discesserunt à natura, & suam illam ἀπαθείαν ridicule sibi finxerunt. Longius etiam à natura discedit Epicurus, qui prorsus euerit Physica; tollit efficientes & finales causas, & quidem de his inuentis utriq; sibi mirum in modum placent. Quid nunc Anabaptistæ? quàm sunt planè τῆς ψυχῆς ἐννοεῖς, ac dementati Sophistica? sed hos hebetiores omitto.

Stoici.

Epicurus.

Anabaptistæ.

Alij

Alij quidam abundant ingenijs, qui in studijs suis non proponunt sibi hunc finem, ut ueritatem eruant ac patefaciant, sed ut de omnibus rebus prodigiosa uarietate disputent. Et has praeſtigias summam ingenij laudem esse ducunt. Tales fuerunt olim Academici seu Pyrrhonij potius, qui omnia pariter incerta esse contendebant, & ne probabilius quidem alio aliud, ac Geometrica principia etiam euertere conabantur, scilicet, ut acuti, ut copiosi uiderentur. Tales sunt apud Platonem Sophista, Gorgias, Thrasymachus, nec ipse raro ad eundem modum ludit. Hec ingeniorum licetia plurimum habet periculi. Ea quae amant, amplificat in immensum: quae non amant, extreme abijciunt, dicunt uicina pro ueris, miscunt non coherrentia, distrahunt ea, quae coniungi oportuit, perinde ac si Centauros, ac Chimeras pingerent: nihil propriè nihil diserte dicunt, ludunt ironijs & alijs delicijs. Videte quibus colorib. nunc ingeniosi homines pingant abusus Ecclesiasticos, quibus technis ueras sententias obruant. Quàm multa inueniunt σοφα πάραυτα, ut medeantur absurdis opinionibus, quoties in eum locum uentum est, ubi oportet seu uersare dolos, seu certa occumbere morti?

Academici

Cum hac Sophistica bellum ἀνανδρον debet esse omnibus, qui & boni uiri perhiberi uolunt, & studia sua referunt ad communem utilitatem. Plato grauissimè dicit, dandam esse operam in dicendo, non ut hominum plausus captemus, sed Deo grata dicamus.

Platonis
grauissimum
dictum,

Quare

Quare tota mente, totoq; animo in hunc scopum unum intueamur, hūc directā sit manus, oculi, cura, ut & eruamus, & quam simplicissimē ac planissimē patefaciamus ueritatem. Hæc enim & Deo nos conciliat, & maximē conuenit naturæ, et salutem affert Rebuspub. & Ecclesijs. Nec ulla existimemus officia Deo gratiora esse, nihil Reipub. utilius, quàm hoc studium explicandæ ueritatis. Rectissimē enim dictum est illud in legibus Platonis: ἀλγέθια πάντων μοι ἀγαθῶν θεοῖς ἡγείται αἰτίον, πάντων δὲ ἀνθρώποις.

- Veritas omnium bonorū causa est dijs et hominibus: Quàm crebrò præcipit Christus de colenda & tuenda ueritate? quàm sanctè commendat nobis eius studium? quàm horribiles pœnas etiam proponit his, qui ueritatem uiolant? Porro qui amant Sophisticen, & in cæteris artibus ludere consueuerunt, ad eundem modum ludunt in doctrina cœlesti. Iam hîc remedia querenda erant, quibus præmunirentur animi contra Sophisticen. Sed me uetus uersiculus perterrefacit, qui negat remedium esse contra Sycophantæ morsum. Et ita latè grassatur hæc pestis, quam uel Sycophanticam, uel Sophisticam potes appellare, ut contagium uix usquam possis effugere: Repugnandum est tamen arte aliqua. Primiū ingens odium Sophistices concipiendum est. Deinde uidendum in scholis, in Ecclesijs, concilijs, quinam inquirant ueritatem, qui ludant quadam ingenij procacitate, qui defendant priuatas aliquas cupiditates. Atq; hic assumendum est

Quomodo Sophistice repugnandum.

dum est illud Epicharmi, in quo nerui atq; artus esse sapientiæ dicuntur μέμνησο ἀπὸ τῆς αἰσῆς. Non statim assentiendum est, præsertim monstrosis opinionibus, non est præcipitanda sententia. tempus adhibendum est in consilium, quod uerè est, ut ille inquit, sapien-
 tißimus monitor. Deinde sit directæ mens ad inquisitionem ueritatis, adhibeat methodum, quæ, ut Plato inquit, ignis est cælo allatus, qui præbeat lumen ad ueritatem cernendam. Coherceat se quisq; intra septa methodi, nec temere excurrat in alienos locos. Amet proprietatem in artibus, & sibi subinde illud præceptum utile Stoicorum inculcet: ὁ σοφὸς ἐνθυσιάζει τὴν αἰσῆν, sapiens propriè loquatur. Magnam uim & hoc habet, multum operæ collocare in ijs artib. quæ plurimum habent demonstrationum. Nam & Galenus fatetur, se penè in amentiam Pyrrhonorum delapsus esse, nisi in Geometria uidisset tantam esse uim demonstrationum. Neq; hoc eò dico, quod putem in diuinis oraculis, aut ubiq; requirendas esse demonstrationes: sed consuetudo methodi prodest studiosis, & format iudicia. Postremò & Rempub. animo tueatur, consideret duas esse pestes Ecclesiæ, & Reipub. præcipuas, Tyrannidem et Sophisticen: sed hanc multo nocentiorẽ Tyrannide. Omnibus seculis Sophistica contaminauit & dissipauit religiones. Et falsas opiniones secutæ sunt factiones, dissidia, cædes, bella, imperiorum mutationes, in quibus nihil mali non inest. Spargit enim Diabolus mendaciæ tanquam semina
 cate-

Tempus.

Methodus.

Demonstrationes.

Respub.

ceterarum cladium. Quid quod anime etiam demeritate ruunt in perniciem? Ac dici non potest, quàm facile saucientur mentes, quanta prudentia opus sit, ne à recto cursu depellantur. Christus minatur atrocissimas poenas his, qui paruulorum mentes ledunt, et inquit: Vae homini per quem accidit scandalum. Hæc periculi magnitudo maximè debet nos exuscitare, et curam acuere discendi, ut uera et utilia Ecclesiæ proponamus: neque enim sine maximo studio, sine multarum rerum atq; artium cognitione, sine longo usu formari iudicia de magnis rebus possunt. Ac semper nobis ipsi subijciamus cum hæc pericula de quibus concionatur Christus, tum etiam quàm iucunda bonis mentibus sit ueritas, quantum uitæ præsidium sit in omnibus negocijs, quàm digna uirtus bonis uiris, ueritatis amor. Cogitemus philosophum esse non præstigiatores, aut Eurybatum aliquem, sed φιλαλάδαι. Sciamus nostro ordini cōmendatam esse ueritatis defensionem: expendamus quantum sit scelus, hanc stationem, in quam à Repub. collocati sumus, deserere. Habent autem interdum illecebras falsæ opīones sedulantur cupiditatibus nostris, ambitioni, superstitioni, aut alijs. Aduersus has insidias obfirmandus est animus, et illud Euripidis præceptū tenendum, quod Aristoteles proponit his, qui populo concionantur in ciuitatibus: μή μοι τὰ νόμιμα λέγε, ἀλλὰ ὧν πόλις ἀεί. Ne plausibilia dicas, sed quibus opus habet ciuitas.

Præceptum
Euripidis.

Hec in

Hæc inculcate animis optimi adolescentes : nam studia uestra non tantum ad priuatas utilitates uestras, sed ad totam Rempubicam ad gloriam Dei, ad Ecclesiæ salutem pertinent. Quod cum cogitabitis, maiore cura ad tantarum rerum defensionem animi erunt instruendi ac preparandi. Atq; has causas in bonis ingenijs plurimum ualere spero, quæ decet profectò maxime & uoluntate Dei, & comminationibus diuinis, & periculis publicis, & ipsa rerum dignitate moueri.

D I X I.

ORATIO DE ODIO SOPHISTICÆ

ces, in promotione Magistrorum, recitata

à M. Erasmo Reinhold. Salsfeldensi,

Decano. Anno

1544.



Rbitror probabili consilio institutos esse hos congressus, in quibus testimonium doctrinæ ijs, quorum explorata est eruditio, tribuitur. Decet enim hæc quasi censoria iudicia pu-

*Ornamenta
Ecclesiæ &
Reipub.*

blicè fieri. Sed quæcunq; sunt causæ, me cōgressus ipsi delectant. Iuuat enim cœtus uidere bonorum & doctorum uirorum, qui sunt præcipua ornamenta Ecclesiæ & Reipub. Et cum alios in alijs artibus excellere animaduerto, subit animum cogitatio, quanta uarietate

Militia Chri-
stiana.

rietate artium Deus & instruxerit, & inter se copu-
lauerit genus humanum. Sæpe etiam mihi lachryme
erumpunt intuenti his pompis iuuentutem, cui quasi
per manus Ecclesiæ gubernationem & curam con-
seruandæ doctrinæ omnis generis tradimus. Hic ego
cum impediētia Ecclesiæ pericula animo præmetior,
non possum non deplorare causas, quæ multæ sunt, et
uota facere pro uobis adolescentes, qui in hanc diffi-
cilissimam militiam conscripti estis, & aliquando post
subituri acerrimas dimicationes. Hæc obseruantur a-
nimo meo, quoties ad hos congressus accedo, in qui-
bus & hoc mihi uidetur pulcherrimè institutum, ne
sint inerudita, muta & barbara spectacula, ut sunt
aularum, sed ut in Ecclesia iuuentus audiat aliquid,
quod ad eruditionem, aut mores prosit. Hæ concio-
nes sunt præcipuum decus horum congressuum.

Postquam igitur me publici muneris ratio cogit
iam hoc loco dicere, ualdè optarim me orationem ad-
ferre posse utilem iuuentuti, et non iniucundam præ-
ceptoribus nostris. Deceueram autem aliquid de illa
dulcissima Philosophiæ parte dicere, quæ cœlestis
motus & effectus inquirat, quam in hac schola doceo.
Sed hoc tempore inter ceteras occupationes, ea quæ
inchoaueram, absolueri non potui. Quare delegi ali-
ud communius argumentum, de quo me recentium
conuentuum actiones admonuerunt. Lego in edictis
Principum haberi deliberationes de dirimendis con-
trouersijs Ecclesiasticis. Magna et Heroica uirtus est

Deliberationes
de Ecclesiæ
controuersijs.

Princi-

Principum, si ueritatem patefieri & confirmari uolunt. Id si facturi sunt, decet *ὁφθαλμοῖς*, et benè precari ut salutare institutum Deus prouehat. Sed ô rem miseram, acerbam & execrandam, hoc moliri harum actionum duces *νοῦς βαρβάρους* audio, ut fucosis conciliationibus tenebras Euangelio inducant, & illucescentem ueritatem nouis præstigijs obruant, ac tanto scelere otium redimant. Hanc ad rem adhibent homines callidos, sed prauè institutos, & ad Sophisticam adfuefactos. Christus ait mendacium à Diabolo oriri: nulla igitur ætas caret Sophistica. Semper enim Diabolus ferit mendacia, & ut sint plausibilia, commendat aliquo prætextu. Hæ insidiæ nunc quoq; cauendæ sunt, præsertim cum hæc ætas fato quodam audeatur obnoxia crebrioribus mutationibus, & mira sit ingeniorum inconstantia, curiositas, petulantia. Et urget occasiones Diabolus. Alij fastidiunt rectè traditæ, alij arrogantia nouas opiniones quærunt, alius metu à certamina, ut in ueteri uersu dicitur. *ἐπὶ τοῖς ἀλλοῖς κτωρ ἀλόου ὡς κλίνας πῆρεον*. Imbuendæ sunt igitur bonæ mentes amore ueritatis, & instillandum acerrimum odium Sophistices. Hanc ob causam exempla quædam superiorum temporum, non solum in Ecclesia, sed etiam in Imperijs collegi, ut admoneant fugiendas esse similes præstigias, & Sycophanticam indignissimam uiris grauib, & perniciosam uitæ. Exordiar autem ab Ecclesiastico exemplo.

Sophistica
omnium temporum.

Cum esset ingens Ecclesiæ calamitas, discordia ex

Exemplū Aeth.

Ll

impio

impio Arij dogmatenata, multi, ut sunt hominum consilia, non tam ueritati, quam tranquillitati consultum cupiebant. Itaq; in Smyrnensi Synodo quesita est ambigua formula, quæ si ab utraque parte recipere retur, disidium tolleret. Conuenit, ut omnes Ecclesie pariter legerent in Symbolo *ὁμοιοῦς*, cum antea pij legissent *ὁμοούσιος*. Hic cothurnus utrique pedi congruens uidebatur sustulisse discordiam. Sed quid accidit? Fucosa nunquam durabilia sunt. Cum alij aliter interpretarentur symbolū, rursus incendium maius ex illa ipsa symboli corruptela ortum est. Confirmabatur enim Ariani, non sanabantur: pij premebantur, imbecilles & indocti perturbabantur. Talis est exitus horum consiliorum, quorum imago in Comædijs proponitur, non ut ea imitemur in religionibus, in imperijs, in moribus, sed ut cauere discamus. Ludunt serui fallacijs, ut Syrus. Huic equidem consilio palmam do, hic me magnifice effero, qui uim tantam in me & potestatem habeam tantæ astutiae, uera. dicendo ut eos ambos fallam. Sed ille idem ueterator aliquantō post deprehensus, quid ait? Perij scelestus, quantas turbas consciui insciens. Non diu se fellerat senes, sed sibi plagas accersuerat. Narrant historię in illa Smyrnensi Synodo adfuisse Hispanum Episcopum Ofium recte sentientem, ac propter eruditionem & pietatem clarum: Hic siue mollicie animi, siue circumuentus aliquatechna, ut sit, comprobauit ambiguam & hypochondricam formulam. Tanto uiro non leue uulnus inflixit

Comædiæ.

Ofius Episcopus.

infixit hic error, præsertim intuenti postea nouas dissipationes. Dolebat à se proditam esse ueritatem, confirmatos impiorum furores, perturbatum Spiritum Sanctum in bonis, adductos in dubitationem imbecilles. Quid est turpius, quàm de cœlesti doctrina sic ludere, ut in comœdijs ludunt Pseudolus, Paestrio, Phormio, aut similes Sycophantæ? Et tamen uidemus potentes nunc præcipuè admirari, & in cœlum uehere tales Pseudolos, qui flexiloquas conciliationes præscribunt, qui circumuenire et obruere tardiores quoquo modo possunt.

Delectantur homines captionibus, ut celebratur Romanus Magistratus, qui Regi ueteratori bellè impositus, cum in conditionibus pacis cum Antiocho factæ scripsit, ut dimidium nauulum Antiochi Romani retineret. Hic Romanus dissocari omnes naues curauit, & trabes sectas ita diuidi, ut dimidium relinqueretur Antiocho. Alius quispiam pactus aliquot dierum inducias, noctu populabatur agros. Denique multa huius generis astute, aut etiam calumniose acta leguntur, quæ si in Ecclesia imitari doctores uolent, funditus delebitur religio. Venit Athenas Demetrius, regum suæ ætatis florentissimus Antigoni filius, ut Eleusinijs initiaretur. Venit autem mense Martio, quo fieri Eleusinia non licebat, quibus attributi erant menses duo, November & Augustus. Vt igitur regi mos gereretur, nec tamen sacra pollui uiderentur, inuenta est bella ratio. Lex lata est, ut mensium nomina mutarentur,

L l ij

rentur,

Conciliatores
malitiosi.

rentur. Similimares, nunc agitur. Volunt illi cōciliatores retineri cum alia multa deliria, tum etiam errores, quibus polluitur cœna Domini. Adfingamus, inquit, moliores interpretationes, ubi legitur offerri hostia ad animarum redemptionem, intelligamus non nunc offerri à nobis, sed Deum interpellari, ut propter hostiam, quæ ab ipso Pontifice Christo oblata, tunc redemit animas, nos exaudiat. Aegrè amittunt satisfactiones, sed molliunt nomen. Volunt uocari castigationes Ecclesiasticas. Talibus fucis pingere absurda dogmata conantur, nec illud agunt, ut erroris emendent, ut medeantur Ecclesiæ, sed ut nōquis pretextibus neruos retineant uitiosorum cultuum. Hoc consilio quærunt illa ἀσφα πάριον, ut plausibili species perniciosas commendent populo. Has corruptelas cœlestis doctrinæ quantū oderit Deus, uox illa docet: Non assumes nomen Domini Dei tui uanè. Et minatur Deus se puniturum esse has contumelias sui nominis & ueræ doctrinæ. Ac admonere singulos de hac uoce Dei, calamitates uel publicæ, uel priuatorum debebant, quæ profectò sunt pœnæ humanorum flagitiorum, ac præcipuè contemptus Dei, & deprauata religionis.

Nimium sibi blandiuntur Sycophantæ, si putant se impunè ludere in Ecclesiâ, euoluere res ueras, facit ornare errores. Exitum ludæ proditoris expectant, quem imitantur. Vt enim ille prodidit osculo filium Dei: ita Euangelium quadam blanda specie delere ipsi conantur.

Osculum Iudæ.

conantur. Semper calumniosa legum deprauatio et
 fraudes in iudicijs, etiam in imperijs diuinitus puni-
 te sunt, non solum in Ecclesia. Meministis sophisma
 Critie, qui unus erat ex triginta uiris, qui regebant Critie so-
phisma.
 Athenas, postquam capte à Lacedemonijs, rursus pa-
 cem impetrauerant. Etsi autem eo tempore crebræ
 seditiones præbebant causam triginta illis, ut asperius
 seuirent in ciues, tamen legem condiderant ipsi, ne
 quis ex suo Catalogo indicta causa interficeretur.
 Cum igitur Theramenem collegam Critias interfici
 iussisset, implorat Theramenes legis auxilium, petit
 ne indicta causa interficiatur: respondet Critias, legem
 loqui de ijs, quorum nomina sunt in catalogo, seu-
 tem iam Theramenis nomen in Catalogo delere. Ita
 eludit legem Critias. Sed huius cruenti Sophismatis
 poenas statim postea dedit: cum amici Theramenis
 pulsæ ciuitate Rem publicam recuperarunt, et Critia-
 am, et quosdam alios, quos ille crudelitatis socios
 habuerat, interfecerunt. Nec illa religionum Sophis-
 mata sunt incruenta, de quibus iam dicimus. Nam si
 pij deprehensis suis confirmare errores non uolent,
 rursus grassabuntur Tyranni asperius, quàm antea,
 confirmati iam iudicijs horum conciliatorum, quo-
 rum authoritas propter sapientie et moderationis
 opinionem apud Principes multum ualet. Nulla du-
 rabilis tranquillitas in Ecclesia sine ueritate constitui
 potest. Fucosa moderationes et ueritati nocebunt, et
 inflammabunt discordias ac seuitiam, et parient in-
 finitas

finitas diffipationes & sectas. Ideo optemus toto pectore, ut Deus regat Principum consilia, & Ecclesiam ab hac Sophistica liberet, ut precatur filius Dei iam aditurus mortem, cum ait: Pater sanctifica eos in ueritate, sermo tuus est ueritas. Orat prohiberi corruptelis ueritatis. Ad has preces nostri Pontificis adiungamus & nostra uota, ac fugiamus illam nouam Sophisticam Ecclesie exitialem.

Causæ.

Alij alias causas habent, cur ad hæc Sophismata confugiant. Aduersarij prodesse sibi hæc consilia uident ad tuendas opes. Docti, quales sunt Vintoniensis, Vucelius & similes, laudem ingenij ambiunt. Sic uolunt à Regibus predicari, ut Sycophanta apud Plautum: Ut ego te propter perfidiam tuam amo, te metuo, te magnifico. Nonnulli metu hæc tanquam latebras querunt, ut Theramenes cum quidem subinde Reip, formam mutabat, tamen quoties labescere partem suam uidit, inclinauit ad alteram, et se arte ex periculis euoluit, ut dicit Aristophanes: Subito pro Cleobolus, id est, ut in ludo talorum dicitur, pro monade senionem exitisse, πένω μιν inquit, ἔγω τῶν νέων, ὅτι χίος ἀδελφός.

Andromaches querela, qua depingit Sophistas,

Denique suo oculo consulunt, non Ecclesie, qui applaudunt his Sophismatibus. In hos uere competit illa acerbissima querela Andromaches apud Euripidem, quam sceleratè Menelaus decerpserat. Cum enim confugisset ad aram, ne à Menelao interficeretur iubet ille adferri infantè filium Pyrrhi et Andromaches,

cumq;

eamq; iubet ab ara discedentē redire ad percussorem: quod nisi faciat, minatur se filium ipsum interfectorum esse. Hic generosa mater filij salutem anteponebat sue, ac discedit ab ara. Postquā igitur ad percussorem redit, insultat Menelaus deceptæ mulieri. Te inquit, ego quidem interficiam, sed infantem filia mea perdet. Hic illa iusto et ingenti dolore adfecta exclamatur: O dignissimi odio Spartani, & execrandi ab omnibus hominibus, dolosi, mendaciorum architecti, insidiosi, flexiloquas ambages captantes, aliud loquentes, aliud sentientes, malè pereatis. Quo possunt ueriores elogio describi huius temporis Sophiste, quàm his Andromachæ uerbis? Quid precari iustius est, quàm ut conseruetur doctrinæ puritas, deleta & extincta hac Sophistica. Et ut Andromachæ dira imprecatur impostoribus: ita minantur eis poenas diuina oracula apud Esaiam: Vae ijs, qui malum dicunt bonum, tenebras lucem. Hæc fulmina exuscitent nos ad amorē ueritatis, et ut caute Sophisticen possimus, maiore cura incumbamus in studia ueræ doctrinæ, & instruiamus ac præmuniamus animos rectis sententijs.

Quantum periculi est, si inermis cum lupo con- Cautio
gredi uelis, tantum periculi esse credite, si sine solida
eruditione astutos illos & insidiosos Antagonistas
adoriamini. Et Christus, etsi iubet imitari simplicitate columbas, hoc est, iubet esse sine uirulentia, tamē hortatur, ut simus prudentes sicut serpentes,
hoc est, simus intenti in hostem, & cauti, ut Serpens

dicitur singulari arte, caput tegere in dimicatione. Porro ad cauendas insidias, eruditione opus est, ut pseudographias in numeris nemo iudicare potest, nisi artifex, & ita dogmatum deprauationes refutari non possunt, nisi à peritis. Nec uero dubitate, quin plerisque uestrum ingentia certamina ueniens atas paritura sit, quæ iam animo intuentes omnibus ingenij uiribus ac neruis contendite, ut instructi & parati ad maxillarum rerum explicationem & propugnationem accedatis. Et hanc curam memineritis Deo placere, & gratum sacrificium esse, qui quidem & studia iuuabit, ad hunc directam finem & scopum. Nego, cum fucosas conciliationes detestor, propterea moderata consilia, moderatas sententias improbo, sed corruptelas cauere uolo. semper est moderatissimum, quod est uerum, recte, proprie, perspicue & diserte traditum.

Artes mediocritatem
querere.

Notum est illud Aristotelis scite dictum: Artes omnes mediocritatem quandam querere, quod certum non de prauis & corruptis artium operibus, sed uerum intelligendum est. In his est sua & ueris præceptis conueniens mediocritas, & ut dicam, apta harmonia. Et cum in sententijs constantiam laudo, non confirmo malorum pertinaciam, aut ingeniorum petulantiam. Retineatur illa à Platone laudata celestis mediocritas, uidelicet, Geometrica, quæ arcet Tyrannidem & frenum inijcit uulgo, iubet esse idoneos indices & gubernatores. Tales cognoscent dogmata, et
dijudi-

*dijudicent ex ueris, certis, & non calumniose detor-
tis testimonijs, reprimant Tyrannos, frenent petu-
lantia ingenia: deniq; curent in Ecclesia extare ue-
ram & certam doctrinam, propriè, & dilucidè ex-
plicatam, non dilutam Sophistica, Hoc toto pectore
optamus, ut tollatur ex Ecclesia Idolomania, & De-
us Pater liberatoris nostri Iesu Christi uerè inuocetur
& colatur, ut fulgeat Christi gloria, ut multi ad pie-
tatem & salutem inuitentur. Hec opto, cum fucosas
conciliationes fugiendas censeo: ac prius dehiscere
mihi terram uelim, quàm ab hac sententia deducar.
Nec moror aut Thèramenis, aut similiū iudicia, qui
clamitant, Scholasticos alieno periculo fortes esse, qui
si non amant hoc decus, ut pro religione pericula &
labores perferant, indigni iudicandi sunt, qui nos
tueantur. Erit Ecclesia Deo curæ, etiamsi ab
ipsis deserta et proiecta fuerit, quam qui-
dem Deus sine humanis præ-
sidijs seruare
solet.*

ORATIO DE REGVM OFFICIO,

Habita à D. Laurentio Zoch, Doctore Iur-

ris, in promotione D. Casparis

Ezelij.

M. D. XLI.



*A*epe in his spectaculis de legum dignitate, grauissimæ orationes habite sunt, ut reuerentia Iuris & discipline inferatur animis inuētutis, & iniuste ac rabiose cupiditates

frenentur. His adhortationibus si ullo unquam tempore opus fuit, nunc profectò in hac postrema, & plusquam ferrea etate, non modò uoce & sententijs bonorum & doctorum, sed multò magis autoritate, imperio, & armis Regum & Principum leges tuenda et retinenda sunt. Videmus enim hanc etatem inimicam esse modestiæ, discipline, pudori, iusticiæ, religioni, quarum rerum custodiam cum Deus summis gubernatoribus commendauerit, rogandus est, ut aliquando excitet eos ad coercendos furores, & frenandas libidines improborum, ad restituendam et seruandam disciplinam, ad renouanda uirtutis studia, sicut orat Dauid in Psalmo: Exurge Deus ad tuendam legem quam dedisti. Nunc iacēt leges oppressæ audacia & petulantia multorum, ut sine diuina ope, & summorum Regum autoritate, nostra uox parū proficere possit.

Hæc ætas inimica legibus.

Ideo

Ideò iam quedam de Regum officio disputabimus, uidelicet: An in tanta religionum, legum, morum, & disciplina dissipatione, cessantibus Pontificibus, Romanus Imperator Synodum indicere, & iudices controuerfiarū idoneos legere, et ea, quæ recte et pie constituantur, armis tueri debeat. Hanc quæstionē nec indignam cogitatione eruditorum, imò summorū Principum, nec alienam ab his temporibus esse iudico. Nec profectò aliud ullum est maius in terris munus, quàm doctrinæ gubernatio ac dijudicatio, & disciplinæ restitutio. Nec quisquam de genere humano melius & gloriosius mereri potest, quàm si liberet Ecclesiæ erroribus, sanet ambigentes animos, honestis & sanctis legibus ac moribus consuetudinem uitæ ornet. Nullæ uictoriæ clarissimorum Ducum, nulli triumphè plus ueræ laudis habent, quàm salutaris emendatio dogmatum ac morum. Proinde quisquis est, qui hoc tantum munus in Ecclesia, uel inter homines sustinet, uidelicet, qui est in excubijs, ut doctrinæ puritas & boni mores conseruentur, is iure summum gradum inter homines tenet. Et tantæ rei curam Romanis Pontificibus olim Synodi cōmendarunt. Nunc autem in hoc tanto dissidio orbis terrarum, & ingentibus religionum ac legum periculis, nulla æqua cognitio hæcenus instituta est. Audio etiam cōtendere multos, nihil opus esse noua cognitione, quia hæc res antea in Synodiis iudicata & constituta sint. Quare non sit permittendum, ut rursus in quæstionem uocemur.

tur. Nullum inquit finem fore mouendi dogmata, si Synodorum decretis assuescant homines refragari. Sed hæc facile refutari possunt.

**Refutatio
obiectionum.**

Primum multa nunc agitantur controuersie, de recentium temporum abusibus, quæ nanquam in ueteribus Synodis agitate sunt: nondum enim in Ecclesiam hi morbi inuaserant. Deinde quedam in ueteribus Synodis decreta, quæ ad causas præsentis quædam dicunt, magis patrocinantur Ecclesijs nostris, quàm aduersarijs. Postremo quedam antea agitata sunt propter alias circumstantias, quæ sæpe uariant negocia. Tempore Synodi Nicenæ erant in usu satisfactiones: Sed tunc erant castigationes, uel exempli causa institutæ, uel ad explorandos mores eorum, qui lapsum suorum ueniam petebant. Nemo tunc affungebat spectacula illa mereri remissionem peccatorum. Hæc recentior ætas uestigium retinet antiqui ritus: sed plerumque mutauit, & multas adfinxit absurdas opiniones. Cum igitur controuersie pleræque huius temporis non sint agitate à ueteribus, & in quibusdam aduersarij magis discesserint à ueterum Synodorum decretis, quàm nos, iniustum & crudele est defigere cognitionem, nec legitima Ecclesiæ iudicio tollere errores, ac discordias. Quid respondebunt Pontifices, qui præsumunt, cum Filius Dei in postremo iudicio palam apparebit, eosq; accusabit prætermisæ officij: ostendet ipsorum uel pertinacia, uel negligentia infinitas animas à Deo auulsas esse ac periisse?

**Pontificum
negligentia.**

Sed

Sed si non faciant officium Pontifices, oportebit ne Romanum Imperatorem Synodum conuocare, et iudices idoneos deligere suo & Synodi, ac partium iudicio? Respondeo:

Ad munus p[ro]p[ri]um Imperatoris maximè pertinet, in t[an]to periculo cessantibus Pontificibus, cōuocare Synodum, & constituere legitimum iudicium. Nec est Synodus sine capite, etiamsi non accedat authoritas Pontificum, qui officium suum negligunt. Et si enim Episcopis sua reuerentia debetur, tamen tota Ecclesia mandatum habet, ut caueat prauas opiniones, & dogmata diiudicet, ut inquit Christus: Cauete à Pseudoprophetis. Hoc præceptum ad uniuersam Ecclesiam pertinet. Ergo, etiamsi Pontifices id negligant, tamen reliqua Ecclesia obtemperare debet, instituere cognitionem et diiudicationem. Id ut fiat, præcipua membra Ecclesie cæteris anteire debent.

Munus p[ro]p[ri]um
Imperatoris.

Ad hæc etsi interest inter officium ciuilis Magistratus, & potestatem Ecclesiasticam, tamen Magistratus ciuilis custos est totius legis in externa disciplina. Vt prohibet ac punit armis iniustas cædes, furta, & similia delicta pugnancia cum secunda tabula Decalogi: ita multò magis prohibere ac punire debet externa scelera pugnancia cum prima tabula uidelicet idolorum cultus, blaspheemia dogmata, periuria, prophætationes manifestas ceremoniarum diuinitus traditarum. Errat qui nullum esse discrimen iudicat inter Armentarium & Magistratum, qui custos est ciuilis

societatis.

Precipui gubernationis
fines.

societatis. Armentario satis est pecudum uentri prospicere: Sed custos ciuilis societatis non tantum corpora, pacem, & (ut ita dicam) uentris bona tueri debet, sed meminerit se esse Dei ministrum. Huius glorie primum seruiat, intueatur finem humane societatis, & hunc precipue sciat sibi tuendum esse. Tota enim hæc societas diuinitus precipue instituta est ad hunc finem, ut in ea innotescat ac celebretur Deus. Id fieri non potest, nisi unâ uiuentes alij alios de uoluntate Dei, de officijs Deo gratis, de uita æterna, de premijs piorum, de impiorum poenis doceant. Ideo tam multa sunt uincula societatis, generatio, educatio, institutio, imperia, contractus, iudicia, ut in hac tanta uarietate negotiorum ostendamus nostram de Deo sententiam, nostram professionem, & præstemus obedientiam. Sit igitur prima cura Magistratuum omnium ut religiones sint puræ, luceat in imperijs mandatum de confessione, quod certè non solum ad priuatos pertinet, sed etiam ad summos gubernatores, ut uox celestis in Psalmo testatur: Et nunc reges intelligite, erudimini qui iudicatis terram. Hæc semper precipua cura fuit piorum Principum, qui arma pro Ecclesia Dei gerebant, ut Moysis Iosue, Dauidis, Iosaphat, Ezechie. Horum uictorie non eò spectabant, ut populus in ocio uoluptatibus frueretur, sed pacis funderet, ut certa sedes maneret Ecclesie, ubi propagaretur doctrina celestis. Opus est pace non solum ad educandam sobolem, sed etiam ad docendam iuuentutem.

tem, & reliquam multitudinem, & discipline ac religionis conseruationem. Hos esse fines præcipuos gubernationis in Imperijs, nihil dubium est.

Sint sanè magni et laudati Duces Alexander, Iulius, & alij: Sint gubernatores domestici excellentes prudentia, Solon, Augustus: Sed multò essent illi ipsi maiores, si partis uictorijs, constitutis imperijs curassent Deum rectè inuocari, celebrari, coli. Id præcipuè efficere bonus gubernator debet, sicut bonus paterfamilias, non tantùm quærere patrimonium liberis debet, sed etiam tradere Dei noticiam, & mores eorum regere. Vt autem pauci patresfamilias omnia sua officia complectuntur, ita pauci Principes in hoc summo opere elaborant. Rara est hæc perfectio, ut rare sunt gemmæ inter ceteros lapides. Subinde tamen aliquos excitat Deus duces, aut politicos uiros, qui suas actiones ad uerum finem referunt. Tales fuerunt Ioseph, Dauid, Iosias, & inter monarchas Cyrus, Constantinus, Theodosius, et alij quidam. Horum exempla nota sunt. Quanta fuit animi celsitudo in Constantino? Constantinus. qui cum haberet collegas inimicos Christiano nomini, uiros acerrimos & instructos potentia (nam maior imperij pars adhuc abhorrebat à Christi doctrina) unus se opposuit illis grassantibus in pios, compescuit seuitiam: postea deletis tyrannis, uetuit sacrificari idolis, nihil metuens odia tantæ multitudinis, quæ Euangelium auersabatur. Idem postea sedatis ciuilibus bellis, etiam sustulit dissensiones Ecclesiasticas, conuocata

cata Synodo, nec adfuit tantum, ut uim prohiberet inter partes, sed disputauit ipse, & ueritatem inquiri uoluit. Nam cum Synodi totius Ecclesiæ iudicia sint, non tantum Episcoporum concedenda sunt suffragia, sed etiam alijs pijs et doctis, qui nō funguntur ministris Ecclesiasticis. Constantini exēplum postea Theodosius imitatus est: ut prorsus deleret Idola, eorum templa solo æquauit, indixit Synodum, ostendit formam dirimendi certaminis, uidelicet, ut proferrentur certa testimonia probatorū authorum, nec permitteretur ulli ex sese fingere nouas interpretationes. Aliquanto post secutæ sunt Synodi, Ephesina conuocata à iuniore Theodosio, & Chalcedonensis conuocata à Martino. Sed utranq; arbitror indictam esse consilio foeminae sapientissimæ Pulcheriæ, quæ cum esset soror Theodosij, & postea Martiani coniunx, & propter eximiam prudentiam & grauitatem plurimum polleret authoritate, res eo tempore maxima donū singulari uirtute gubernauit.

Pulcheria.

Iustinianus.

Iustinianus deinde Synodum alteram Byzantium conuocauit. Idem mos fuit pijs Regibus Hispanicis & Gallicis, conuocare Synodos in suis regnis, etiam non consulto Romano Pontifice. Norant enim imperia imitari debere Decalogum, qui ut primum conceditur de conseruanda puritate religionis, ita Principibus hanc esse primam curam oportet: Decalogus enim est forma piæ et honestæ gubernationis. Extat apud Aristotelem definitio Magistratus eruditissime cogitata,

Aristotelis definitio.

¶ **¶**

et mira proprietate ac breuitate complectens officia omnia. Inquit enim, Magistratum esse custodem legis. Ergo cum totius legis custos sit, tueri etiam primam Decalogi tabulam debet. Iam cum extent exempla piorum Regum, cum argumenta grauissima precipiant Regibus conuocare Synodos, et constituere iudicia Ecclesiastica, non dubitari potest, quod sit Romani Imperatoris hoc tempore officium. Sentiat igitur hoc gratum Deo sacrificium fore, si nunc recte diiudicari controuersias Ecclesiasticas, et sanciri disciplinam curet, idque si non fecerit, grauiter offendi uoluntatem Dei: praesertim cum uideatur secutura infinita dissipatio et uastitas Ecclesiae, et morum confusio, nisi uera et salutaria remedia in tempore querantur.

Herent ueteres morbi in Ecclesia multi: ad hos, ut fit in discordijs, etiam noui quidam accedunt. Ergo in utriusque partis negocijs delectus adhibendus est. Nec sunt armis stabiliendi ueteres abusus: sed praecedat uera diiudicatio, quae si modo uelit Imperator, non difficilis est. Adficiatur miserrima Ecclesiae specie: Discordia parit in utraque parte plurimum uitiorum, confirmat audaciam in malis. Alibi trucidantur pii et eruditi, retinentur idolorum cultus, stabiliuntur flagitiose libidines, templa muta sunt, nec habent idoneos concionatores: Et quia doctrina consilium, multi incipiunt amare prophanas et Epicureas opiniones. Haec pestis diu in Italia grassata est, nunc etiam cete-

Discordia in
Ecclesia.

ras nationes inuadit. Alibi emendatis abusibus succedunt noua mala, propterea, quia boni doctores non adiuuantur ab ijs, qui disciplinam tueri debebant. Crescit igitur licentia et legum contemptus: non frenat animos pudor, non modestia, non iuris reuerentia, sed uincit hanc impudentia, quæ in quadam tragedia uocatur omnium morborum humanorū seuiſſimus.

Neglectus studij
literarum.

Quid quod in multis locis, etiam ubi emendate sunt Ecclesiæ, nunc negliguntur studia literarum? nemo opitulatur pauperibus scholasticis, fame necantur pij & docti Sacerdotes, & eorum coniuges & parui liberi. Quare aliquantò post & his defuturi sunt idonei Pastores, & secutura est barbaries, et horrenda uastitas Ecclesiarum. Hæc mala quis potest sine lachrymis uel cogitare, uel commemorare? quorum magnitudo ut tandem Reges excitet, ad uera remedia querenda, omnes pij ardentissimis uotis optent. Profecto iam circumit Christus, esuriens, sitiens, lacertus, flagris uulneratus, ac implorat opem doctorum & gubernatorum omnium, orat, ut corporis uulnera obligent, ut alimenta suppeditent, quem si non respicient, haud dubiè in postremo iudicio hæc saltem audient: Esuriui, & non dedistis mihi cibum, &c. Ite maledicti in ignem æternum. Si consulere Principes Ecclesiæ uellent, non deesset consilium. Sed priuatis & iniustus affectibus impeditur publica utilitas. Tanti fecit Ecclesiam suam filius Dei, ut eam uitæ suæ pretulerit. Multi nunc stultissimos affectus anteferunt salutari

Christus miser

saluti totius Ecclesie, ac funditus eam perire malunt, quam paululum frenare ambitionem, aut auaritiam, aut libidinem. Et tamen hi se defensores Ecclesiarum dici uolunt.

Cum igitur tanta sit hoc tempore dissipatio, et impendeat maior omnium rerum confusio, nisi Deus gubernatorum animos ad salutaria cōsilia flexerit: primum orandus est Deus, ut ipse labentem Ecclesiam fulciat: deinde hortandi sunt Principes, ut curent rite dijudicari controuersias, et disciplinam restituere. Postremo, quia publicæ opiniones, et mores aliqua ex parte imitantur scholasticorum iudicia et exempla, uos quoque quantum possum, uehementissimè adhortor, ut Cyclopes illos, qui sibi omnium scelerum licentiam permitti uolunt, qui leges et uincula bonestæ et ciuilis uitæ quodam non solum barbarico, sed etiam diabolico furore percurrunt, fugiatis ac detestemini, uos uerò ad amorem legum et discipline, ad modestiam, ad studium iuuandæ Ecclesie et cōmunis societatis adsuesfaciatis. Falluntur Tyranni, si nulla Ecclesie iudicia metuant, quia nunc sperant impunitatem. Erit Ecclesie iudicium subeundum, cum filius Dei apparebit, in quo petulantie et contumacie tristissimæ pœnas luent improbi: Modesti uerò et legum amatores, præmia uirtutum strent, et perpetuis laudibus in Ecclesia ornabuntur, et fruentur dulcissima consuetudine Dei, Filij eius, optimorum Principū, Adæ, Nohe, Prophetarum et Apostolorum. Horū de nobis

Quomodo
Ecclesie con-
sulendum.

Am. ij

iudic

iudicia boni iam intueantur animis & ita uideant, ut
illis sua consilia, studia & mores probent.

DIXIT

QVAESTIO, QVARE PLATO DI-
xerit optimum esse statum Reipab. cum, qui medius
est inter Tyrannidem & Democratiam,
proportione Geome-
trica.



VM publica consuetudo mihi ne-
cessitatem hoc in loco dicendi im-
ponat, peto à uobis initio orationis
meae, uiri doctissimi, ne me impuden-
tia aut ingenij fiducia hac mihi par-
tes sumpsisse existimetis. Nam cum ea sit aetas mea, ut
magis aliquanto quam adolescentuli iudicare pos-
sim, quae sit huius amplissimi coetus auctoritas, tur-
pissimum mihi esset, si parum uereri uestra iudicia
existimarer. Itaque non meo consilio, sed officio me ad
dicendum adductum esse statuetis. Semper enim in o-
mni uita mihi non minor laus est uisa, publicis insti-
tutis ac legibus parere, quam doctrina excellere. Quod
cum arbitror uos quoque uiros optimos & grauissi-
mos sentire, spero uos consilium meum probaturos
esse, quod laudatissime scholae consuetudini obtem-
perandum duxi. Cum autem non possim eloquentia
uobis satisfacere, dabo operam, ne cui prolixitas or-
tionis

tionis molesta sit. Et ut nouitate tedium aliqua ex parte leuemus, malui questionem aliquam agitare, quam artium encomium recitare, quod eo in genere in hac ingenij imbecillitate nihil reperire potui, quod non esset uulgatissimum.

Disputabo igitur, quare Plato dixerit eum Reip. Platonis sententia explicatio.
statum optimum esse, qui sit inter Tyrannidem et Democrati-
am medius, proportionem geometricam. Perliber-
alis mihi uisa est Platonis sententia, & ad uitam
utilissima: quam si sequantur hi, qui praesunt, haud
dubie beatissimae erunt ciuitates. Multum etiam Reipub.
conducit, priuatos eam tenere, ut suum locum,
suum munus ita tueantur, ne, quantum in ipsis est, pul-
cherrima illa harmonia geometricae proportionis
perturbetur. Quam autem uim habeat Platonis
dictum, in exemplo facilius conspici poterit. In Ecce-
sia maxime cerni potest, quam perniciosus sit uterque
status, Democratia & tyrannis. Quid enim futurum
esset, si uulgo licentia concederetur, dogmata & ritus
condidendi aut mutandi? Tanta est uulgi stulticia, tam
caeci ac uarij impetus, ut infinita barbaries & omni-
um rerum in Ecclesia confusio futura esset. Vidimus
exempla quaedam: nec aliae res initio Anabaptistarum
insaniam confirmauit, nisi haec in ijs locis, ubi conae-
nerunt? Democratia, in qua uulgo homines nefarij,
feditiosi, cupidi sparserunt uaria dogmata, alij per
ambitionem, alij incitati alijs cupiditatibus, ut pra-
textu religionis consequerentur potentiam, diripe-

*Democratia
Tyrannis in
lib. quatuordecim*

Democratia.

Tyrannis.

rent locupletum facultates. Nam in uulgo non solum nulla ratio est, nihil cōsiliij, nulla moderatio, sed etiam plurimi sunt improbi, et ut quisq; pessimus, audacissimus, ac furiosissimus est, ita plurimum gratia atq; auctoritate in uulgo pollet. Hæc notiora sunt, quàm ut longa oratione opus sit. Rursus et Tyrannis pestifera est Ecclesiæ, cum hi, qui dominantur, non dant operam, ut Christi gloriam ac ueritatem reddant illustriorem, non consulunt saluti Ecclesiæ, sed suam auctoritatem, suas opes defendere, aut augere conantur, ut nunc Pontifices horribili seruitute Ecclesiam opprimunt, nolunt explicari dogmata, Christi doctrinam patefieri, sanari errantes, aut ambigentes conscientias. Relinquitur igitur, ut medius quidam Ecclesiæ status optandus sit. Sed hæc mediocritas, nisi Geometrica proportionem constet, statim degenerat uel in Oligarchiam, uel in uulgi licentiam.

Geometrica.

Est autem Platoni proportio illa Geometrica, cum non unus aliquis dominatur, sed gradus sunt, et delecti optimi, ac doctissimi quique plurimum auctoritate ualent. Ut si in Ecclesia præcipuas functiones doctissimi et optimi quique teneant, nec iaceant pari seruitute omnes boni oppressi, sed gradus seruentur, indocti gubernatores admittant bonorum et doctiorum consilia. Non confundantur gradus, sed unusquisque uelut stationem, suum locum teneatur atq; ornatus. Erruditi iudicent de doctrina, indocti auscultent atq; obtemperent, nec in alienas functiones irumpant conturbata

turbato ordine. Sicut et Paulus grauissimè monet cap. 12. ad Rom. cum præcipit, ne immodestè de nobis sentiamus, sed unusquisq; pro suo dono modestè seruiat, suum munus ornet. Hæc est illa diuina proportio, quæ si esset in Ecclesia & in Rep. uerè beati essemus. Hoc medium inter Tyrannidem & Democratiâ constituendum esse sapientibus gubernatoribus Plato dicit: Sed quantum ab hac forma distet Ecclesia, non est obsecrum: nam aut iacet oppressa Tyrannide, aut horribiliter dissipatur ac laceratur à uulgo. Nec falso dixit Plato, proportionem illam difficulter inueniri, ac iudicium de ea non esse hominum, sed tamen interdum aliquam eius partem rebus humanis contingere, & si quid sit boni in Republica, beneficio huius proportionis existeret.

Optandum igitur est omnibus, ut Deus aliquando hanc harmoniam in Ecclesia restituat, & nos qui in studijs uersamur, demus operam, ut munus commissum ornemus, ut ad docendum & iudicandum ueniamus benè meditati ac parati, ut dextrè, propriè, & sine confusione dogmata explicare possimus. Assuefaciamus nos ad modestiam, fugiamus πολυπραγμοσύνην, et petulantiam. Hoc modo nostri ordinis seu gradus harmonia correctâ, plurimum Ecclesiæ boni afferet. Hæc dixi ut Platonis sententiâ interpretarer, quæ ad illustre translata exemplum, sit magis perspicua. Et præstandum nobis est, ut non solum intelligamus eruditè dicta summorum hominum, sed etiam ut ad

ut in nostrum

Ecclesiam dista
re ab hac har
monia multum

nostrum usum ac uitam accommodemus, & extra
s' holam, ex puluere in Solem, & uelut in aciem pro-
feramus. Monet autem nos hæc sententia de maximis
rebus, uidelicet, qui debeant esse gradus in Rebus pub.
& ne harmonia illa turbetur, suum cuiq; munus dili-
genter obeundum esse: & quoniam unum quoddam
systema est, attemperare unusquisq; suam harmoni-
am ad aliarum uocum proportionem, hoc est, ad alio-
rum utilitatem et mutuam concordiam debet. Quan-
tam hæc cum habeant, in Ecclesiæ exemplo faciliè con-
spici potest. Reliquæ sunt multe & graues disputa-
tiones hoc in loco Platonis, quas omitto, & totam
hanc causam diligentius explicandam doctis-
simo uiro D. Decano com-
mendo.

D I X I.

ORATIO DE GRATITVDINE M.

Alexandri Alesij Scoti, Decani, in promo-
tione Magistrorum, Anno

1534



TSI aliorum consilium, qui hoc lo-
co de uniuersa Philosophia, deque
omni ratione studiorum grauissimè
dicere solent, magnoperè probo: ta-
men quoniam in hac ingenij mei in-
firmitate,

firmitate intelligebam, me non posse tantarum rerum
 uarietatem oratione illustrare, constitui de una qua- Gratitudo ma-
ximarum uir-
tutum, quædam
 dam uirtute dicere, digna cum bonis uiris omnibus,
 tum uerò præcipuè harum nostrarum artium ac lite-
 rarum studiosis, uidelicet, de gratitudine: quam ut
 deligerem, non solum publica causa adductus sum, et-
 si magnoperè opto eam, cum uerè sit maximarum uir-
 tutum nutrix, ab omnibus summo studio coli, uerum
 etiam quedam me priuati ratio commouit. Etenim
 cum per iniuriam me patria pulsum, uenientem hūc
 ex alio orbe, summa humanitate hospitio exceperi-
 tis, & annos iam aliquot amanter tegatis, ualde ela-
 borādum mihi putauī, ut extaret aliqua gratitudinis
 meæ significatio.

Caius Cæsar insignem hospitalitatis laudem tri- Germanorum
hospitalitas.
 buit Germanis: hanc ego in his meis erroribus, et exi-
 lio meo comperi, uos & ueteri instituto retinere, &
 in hac urbe præcipuè exerceri quodam Christiane re-
 ligionis studio, quæ inter cæteras uirtutes hospitalita-
 tem coli præcipit, & ampliſsimè laudibus ornat.
 Quare gratiam hoc nomine habeo huic publicæ di-
 cendi consuetudini, quòd aditum mihi ad uniuersos
 uos patefacit, & occasionem præbet diu optatam, ui-
 ciſſim meæ uoluntatis declarandæ. Aptiſſimum igitur
 hoc argumentum meæ personæ esse iudicaui. Deinde
 non solum orationem meam, sed etiam exemplum ar-
 bitrabar profuturum esse, exuscitandi aliquos ad gra-
 titudinem maiori diligentia præstandam. Agnosco
 Mm v autem

autem me neq; de uirtute ipsa, neq; de uestris meritis pro dignitate dicere posse, sed spero uos pro candore uestro officium hac in re meum probaturos esse, etiam si eloquentia desideretur. Quare uos etiam atq; etiam oro, ut hominis peregrini orationem bona cum uenia audiat. id beneficium etiam inter cetera, quae mihi à uobis liberalissime tribuuntur, grato animo recensabo.

Vox naturæ de
gratitudine.

Sacrae literæ.

Scitis autem adolescentes, nullum officium iustum ac magis necessarium esse, quam habere gratiam bene meritis. Hæc enim una uox est non solum eruditorum omnium, sed ipsius etiam naturæ, quæ mutuis officijs homines inter se deuinctos esse uoluit. Quare ingrati cum hæc naturalia uincula societatis humanæ dissoluant, ipsi naturæ bellum inferre iudicandi sunt. Et si autem hæc ipsa naturæ lex diuina quedam uox est, mentibus hominum inscripta, tamen et in sacris literis extant clara præcepta, quæ nos ad colendam gratitudinem hortantur, et quidem gratis præmia, ingratius uero poenas diuinitus proponi docent. Sic enim scriptum est: Non recedet malum à domo ingrati. Quare non solum natura ingratos tanquam immania monstra odit, et execratur, sed etiam urget eos Deus iustissimis poenis.

Proinde si naturam aspiciemus, et quasi euoluemus animos ipsi nostros: si sacras literas consulamus, non solum uidebimus, quantum habeat ingratitude sceleris, sed etiam constituemus, non esse dubitandum, quis

Deo

Deo poenas ingrati daturi sint. Hæc si considerabitis, ut uos præsertim decet, qui ad studia uirtutum adhibiti estis, statuetis, uos, et ut Deo et naturæ pareatis, cum erga alios, tū maxime erga præceptores uestros, et hanc Academiam gratos esse debere. Etenim cum nullum sit maius beneficium in terris, quam ueritatis et rectæ doctrinæ communicatio, profectò nullis plus debemus quam his, quorum labore, fide, ac liberalitate res tantæ, tanquam in uita necessaria nobis contingunt. Neq; enim ignoratis uitam sine literis, sine religionis scientia, sine antiquitatis noticia, sine aliqua naturæ atq; honestorum officiorum cognitione, non solum incultam, sed planè miserrimam fuisse. Deniq; etiam pecudum uita optabilior fuerit, quam hominum, quamlibet affluentium omnium rerum copia, si cum illis tenebris coniuncta et impijsimis illis erroribus et uitijs ageret. Itaq; facile iudicari potest, plurimum nos debere illis uitæ ducibus, qui nos in lucem ex obscurissima caligine educunt, et bene beateq; uiuendi rationem monstrantes, maximis erroribus animos nostros liberant.

Præceptoribus
maxima debetur
gratitudo.

Vetustas diuinos honpres decreuit illis, qui fruges et meliorem uictum hominibus ostenderunt. Sed si rectè estimamus uera bona, multo melius de nobis merentur, qui optimarum rerum doctrinam nobis patefaciunt ac tradunt. Etsi ego quidem ueterum historias et interpretor, non uictum, sed uiuendi leges et disciplinam à summis quibusdam uiris traditam esse, qui po-

Frugum inuen-
toribus quare
diuini honores
attributi.

qui postea frugum inuentores uocati sunt, ut significaretur, non minus ad tuendam uitam necessarias esse literas atq; artes, quàm fruges ipsas. Nec fieri potest, si uim ac dignitatem literarum intelligimus, quin pariter et artes, et doctores artium amemus, per quos hæc cœlestia munera diuinitus ad homines propagantur. Nam illud etiam nobis cōsiderandum est, non solum debere nos præstantibus doctoribus propter assiduitatem, diligentiam, fidem, et ceteras uirtutes, quæ in doctore fideli requiruntur, sed quoniam nulli fiunt artifices, nisi diuino quodam afflatu, bonos doctores, uelut numina cœlo demassa, et ut Plato uocat tãquam Dei interpretes uenerari debemus. Erratis enim, si artes repertas esse, nisi Deo monstrante, aut conseruari posse creditis, nisi Deus artificum ingenia exuscitet. Quod si in paruis artibus, in Musicis, et Poëtis opus est diuino motu, ut Poëta inquit:

Est Deus in nobis, agitante catēscimus illo.

Quantò magis opus est diuino afflatu in illis summis artibus, in explicatione religionum, in eruendis causis naturalibus, in inquisitione motuum cœlestium, in legibus et uitæ officijs tradendis, in formanda oratione? Itaq; ut ceteræ sacre res, ita et boni doctores singulari honore afficiendi sunt. Et si in his ad industriam accedunt ceteræ uirtutes, dexteritas in docendo, fides, assiduitas, qualis debet esse nutritionis, his uerò par gratia reddi nulla potest. Nam si qui tales sunt, uitam discipulis impendunt, propterea quod

non

Doctores uelut
numina.

non sine maximis curis, ac laboribus assiduitas illa
 prestari potest. Quid? quod interim negligenda est
 rei familiaris procuratio, perpetienda odia improbo-
 rum, qui literas, qui religionis doctrinam, qui ceteras
 artes hostiliter oderunt? Videmus enim quæ sit vulgi *Vulgi natura*
 natura, quod fastigium sapientiæ in eo collocat uno,
 quod ait Horatius:

Virtus, fama, decus, diuina humanaq; pulchris
 Diuitijs parent.

Præterea Tyranni natura Philosophos oderunt: Ne Tyranni
 quæ uerò tot difficultates, tot labores, tantaq; peri-
 cula boni uiri, qui possessionem literarum in scholis
 tuentur, susciperent, nisi eos ut id facerent, quædam
 uis amoris & erga uos, & erga Rempublicam hor-
 taretur. Necesse est autem plus quàm ferreis animis
 præditos esse eos, qui & beneficijs affecti summis, et
 amore uere patrio inuitati, non redamant præce-
 ptores.

Cum igitur uobis hoc quidem tempore, adolescen-
 tes, magna fide ac dexteritate tradantur in hac scho-
 la diuina atq; humane literæ, primum dabitur operâ,
 ut beneficij magnitudinem intelligatis: Deinde ut præ-
 ceptoribus grati sitis. Dei beneficio hæc schola multis
 doctrinæ Christianæ locis magnam lucem attulit, ac
 ex alibi usquam purius ac simplicius explicatur do-
 ctrina Christiana. Ad hæc omnes Philosophiæ par-
 tes proponuntur, et cum Physicæ, quam sic uocant,
 abestis, tum etiam ostenduntur causæ cælestium mo-
 tum,

Theologia in
 hac schola
 purissima.

Philosophia.

tuum, quæ est omnium partium Philosophiæ longè præstantissima, & ut Aristoteles inquit, maxime cognata diuinitati. Atque hæ Philosophiæ partes ed magis amandæ sunt, quòd plurima monstrant & de-
 rissima uestigia diuinitatis in natura, quorum am-
 maduersio maximam profectò uim habet ad excitan-
 dos animos, ad religionem, & ad omnia uirtutis of-
 ficia.

Artes dicendi.

Nec desunt artes, quæ formant iudicium de ratio-
 ne dicendi: et ad has adhibentur optimi autores Gre-
 ci & Latini, non solum, ut genus sermonis illorum
 imitemur, sed etiam ut inde rerum cognitionem, Phi-
 losophiam, antiquitatem, historias petamus. Nec uerò
 uideo, quid adolescentiæ proponi melius atq; utile
 ad solidam eruditionem comparandam, et ad forma-
 da iudicia possit. Satiùs est enim profectò uersari in
 Mathematicis, in Aristotele, Plinio, Alberto, Pontano,
 Demosthene, Homero, Sophocle, Vergilio, Liuito et si-
 milibus authoribus, quàm in Tartareto, & huiusfe-
 rinæ cæteris, qui et præstantissimæ Philosophiæ par-
 tem non attigerunt, & illam quam profitentur, ut
 nihil aliud dicam, inutilibus disputationibus ob-
 ruunt.

Disputationes.

Habetis & disputationes, in quibus iam annis di-
 quot uidimus explicatas res ad uitam utilissimas.
 Non enim proponuntur inanes λόγους μάταις, in qu-
 bus tantum de uocibus rixandum sit, sicut inter se
 corui contendunt (libet enim uti Galeni uerbis) sed
 agitantur

agitantur controuersia, quæ forment iudicium de religione, de Philosophorum sectis, de finibus bonorum, de causis cœlestibus, & similibus locis. Utinam uerò diligentia præceptorum in disputationibus uestra sedulitas responderet. Nam in hac parte præcipue deesse uobis adolescentes ipsi uidentur, eaq; causa est, ut et præceptorum studia fiant ad disputandum languidiora. Magna uirtus, egregia doctrina atq; humanitas est, & in aliarum professionum Doctoribus, ut reconsultis & Medicis. Deinde non solum doctrina præceptorum fruimur, sed multis etiam alijs officijs singuli utimur. Quare, ut aliquando finiam, adhortor uos, ut quod est iustissimum & humanissimum, detis operam, ut præceptorum erga uos beneuolentia, meritis, laboribus, assiduitati, gratitudo uestra respondeat.

Aristoteles scribit Græcos templa Gratiarum in medijs urbibus condere solitos, ut ciues mutuae beneficentia atq; gratitudinis admonerentur. Ita & uos in medijs scholis collocata gratiarum templa existimate, cum de gratitudine auditis concionantes, & sacros libros, & auctores, qui uobis enarrantur. Scholas enim decet esse officinas ut cæterarum uirtutum, ita maxime gratitudinis. Nullum enim uitium magis pugnat cū natura & societate humani generis, quam ingratitudo. Nec de nihilo est, quod dixerunt ueteres: Dixeris maledicta cuncta cū ingratiū dixeris. Quid quod etiam immanissimis beluis indita sunt gratitudinis

Templa Gratiarum apud Græcos.

Gratitudinis exempla in bestijs.

dinis simulachra? Meministis leonē in circo reddidisse gratiam fugitiuo, à quo uulnus ipsius curatum fuerat: Turpiſſimum autem eſt nobis, uinci iuſtitia & pietate à beluis. Laudantur et ciconiæ, quibus adulti quæ per ætatem nequeunt pabulum exire, pulli cibos afferunt. Ita uos quoque memineritis ἀντιπαιδῆς πατέρος, hoc eſt mutua pietate colendos atq; ſouendos eſſe præceptores bene meritos.

Quarti præcepti præmium

Postremo gratitudine impetrabitis, ut Deus magnis faueat ſtudijs ueſtris, eaq; ad ſalutem ueſtram totius Reipub. gubernaturus ſit: Vt enim ingrati haud dubiè puniet, ita gratos amat ac tuetur. Videtis quàm ingens præmium addiderit quarto præcepto? Honora patrem & matrem, ut ſis longæuus ſuperuivam, hoc eſt, ut totius uitæ curſus fauſtus ac fœlix ſit. Idem locus concionatur de officio erga præceptores qui cum ſuccedunt in parentum munus & curas, parentum habendi ſunt. Et ſi rectè eſtimamus, maiora beneficia à bonis doctoribus, quàm ab ipsis parentibus accipimus. Nam doctrina religionis & aliarum honeſtarum rerum longe præferenda eſt ipſi uitæ. Et hæc igitur iuuen.

De Officio.

Dijs maiorum umbris tenuem & ſine pulchritudinem terram,

Spirantesq; crocos, & in urna perpetuum vivas

Qui præceptorum ſancti uoluere parentis

Eſſe loco. &c.

*Quare non minus crudeles ſunt ingrati aduocati
pra*

præceptores quàm, qui parentibus ingrati sunt. Hæc autem impietas præcipuè à Christianis abesse debet, in quibus uel maximè eminere gratitudinem oportet, ut intelligatur etiam Christo grati esse pro ijs beneficijs, quæ ab eo infinita quotidie accipimus.

Hæc sæpe multumq; uobis cogitanda sunt adolescentes, ut animum ad gratitudinem excitetis: quod si feceritis, simul illud assequemini, ut literarum atque utriusque uim magis intelligatis, cum uidelicet expenditis beneficiorum magnitudinem. Deinde gratitudo lætetur animos etiam ad ceteras uirtutes. Est enim *Gratitudo* *fontis iustitiæ.* *Gratitudo* *fontis iustitiæ.* Libentius etiam ac facilius parebitis præceptoribus, si et uos ab ipsis amari intelligetis, et ut iustum eos redamabitis. Talent autem Academiam, quam uos habetis, ubi tanta discendi facultas est studiosis; ubi uerè sunt fores, ut dicitur, & pavori musarum, non amare, animi est et à literis et ab humanitate aberrantis: Vos autem parentum auctoritate, hoc est, diuina auctoritate huc missi estis, ut literas percipiat is, et animos ad uirtutem et humanitatis officia aduersetis. Ea; in re non solum uestræ saluti consueueritis, sed etiam à Reipub. uos in hac statione collocatos uirtute, ut olim ex studijs uestris aliqua redeat utilitas, et ad Ecclesiam et ceteras Reipub. partes. Optime putatis esse scholam, sed mihi credite, ingens neccocium sustinetis, et quod ad uniuersam Rempub. etinet:

Quare uos hortor, ut propter gloriam Dei et sa-

NE

lutem

Gratiarum ac-
tio auctoris.

lutem uestram, officium uestrum studiose diligenter-
que faciatis. Inuitabit uestra gratitudo præceptorum
studia, ut instructiores ad docendum accedant, et ma-
gis sint assidui. Reliquum est, ut et ego gratias agam
amplissimis et doctissimis uiris, pro beneficijs in me
priuatim collatis. Quanquam autem hæc commemo-
ratio leue officium uidetur, tamen, quoniam signifi-
cationem aliquam habet gratæ mentis, præsertim cum
fiat in loco publico, non duxi eam esse prætermitten-
dam. Cogor autem uerecundius de uestris meritis di-
cere, propter modestiam uestram. Tantum illud dico,
me libenter profiteri, non minus me uobis deberi,
quam meis parentibus. Itaque uobis et habeo gratiam,
et polliceor me, sicubi potero re ipsa de laudare ani-
mi gratitudinem, summa fide daturum operam, ut in-
telligatis, me officio meo non defuisse. Scitis Deo gra-
ta esse hæc officia, quæ in hospites conferuntur. Non
cum in mundo uniuersa ipsius Ecclesia exulet, pos-
ulat, ut communes exilij erumnas mutuis officijs, mu-
tua beneuolentia leuemus ac mitigemus. Orabo itaque
Christum, ut uos quoque defendat ac gubernet
in his communibus peri-
culis.

D I X I.

ORA

ORATIO DE INGRATITVDINE

Cuculi,habita in promotione Magistrorum,

à Decano, Magistro Ambrosio Iuter-

bocensi, Anno

M. D. XXXVII.



Citis Adolescentes, hos coetus disciplinæ causa institutos esse, ut cōueniant hūc illi, qui præsunt Academiæ, ad inspicienda iuuentutis studia, & reliqua multitudo suo officio declaret,

se delectari his congressibus, in quibus et doctissimi homines conueniunt, & habentur orationes, sumptis materijs, ex magna quadam optimarum artium uarietate, quæ sunt utiles uitæ, ac moribus. Ac uerè iuuenes eo decet libentius interesse his pompis, quia bonæ menti nullum est iucundius spectaculum, quàm uidere tales coetus uirorum excellentium ingenijs, doctrina & uirtute. Nam & ipsa uirtutis pulchritudo in præstantibus uiris, oculos atq; animos hominum mirificè capit: & iuuat eos uiros intueri, qui sunt præcipua ornamenta Reipublicæ. An existimatis exercitum Græcum ad Troiam quidquam spectasse libentius, quàm unà incedentes heroes, Achillem et Aiacem? Intelligebant enim horū uirtutem præsidio esse uniuerso exercitui. Quare & his, qui præsunt Academiæ, gratias ago, quòd ut ueterè honestissimumq; morem conseruarent, non grauatim huc accesserunt:

Præstantissimorum uirorum coetus iucundus.

Nn ij Et re-

Et reliquorum laudo officium, qui sua frequentia, no-
luntatem & studium suum erga præceptores osten-
dunt. Et quoniam nihil magis decet in congres-
su eruditorum, quàm commentari aut differere de re-
bus bonis, & hæ dicendi partes mihi datæ sunt, ma-
gnoperè optatum, me posse adferre oratione dignam
hoc honestissimo coetu. Sed est humanitatis nostræ,
favere etiam mediocribus ingenijs, præsertim cum
exercitationis causa hæc consuetudo dicendi in-
stituta sit. Ut autem alij hoc loco interdum de artium
dignitate, interdum de uirtute aliqua dicunt, ita fir-
mam & ipse aliquid ex Philosophia. At uerò pars
Physices non infima, cognitio naturæ animantium.
Nam inquisitio naturæ eorum multa monstrauit re-
media, deinde morum ueritas indita animantibus, mo-
net nos, hunc mundum non temerè aut casu extitisse,
sed à mente aliqua æterna ortum esse, quæ impres-
sit imagines morum etiam brutis animantibus, ut ex-
emplis illis admoniti homines, discerent amare rectè
facta, & odisse uitia. Quàm uenusta imago est Eccle-
siae, halcyonum partus, quæ cum in scopulis in mari
nidificent, solent incubare ouis, & excludere pullos
in media bruma, cum quidem mare tanquam infer-
uens illis incubantibus per illud tempus mitescit, &
placidum est. Me quidem hæc imago sepe admonet
Ecclesie, quæ perinde ut halcyones in mari, hoc est,
in summis periculis uersatur. Deinde parit eo tempo-
re, cum tempestates solent esse saeuissimæ. Fortasse an-
tem hoc

Naturæ ani-
mantium
cognitio.

Halcyones ima-
gines Ecclesie.

tem hoc sunt foeliciores halcyones . illis mitescit mare: Ecclesie non tantam rationem habent Tyranni, ut placati aliquantisper concedant otium parienti . Sed tamen id quoq; fit: diuinitus aliquantisper tegit Deus Doctores, dum propagata doctrina soboles adolefcit. Conueniunt Ecclesie & mores halcyonum, nesciunt adulteria, & extincto coniuge, alter manet cœlebs, et paulò post, luctu moritur. Mulier etiam senem maritum Cerylum, ut apud Græcos legitur, gestat humeris suis aquatum. Itaq; ueteres scripserunt honesti coniugij exempla esse, quod quidem non displicet, sed tamen ad Ecclesiam non malè quadrat exemplum, quæ gestare & fouere omnibus officijs benemeritos doctores debet. Possem aliqua multa exempla commemorare, in quibus apparèt, diuinitus has imagines propositas esse, ut de multis magis rebus in uita nos admoneant.

Ac præcipue eo me delectat istarum rerum cogitatio, quòd uideor mihi uidere testimonia diuinitus impressa nature, quæ ostendunt mundum non extitisse casu, quæ quidem ita sunt illustra, ut ueteres etiam Philosophos mouerint. Ideò enim præclare inquit Aristoteles, in primo de partibus animalium: Cum in omnibus partibus nature insit admirandum quiddã, satis apparere, naturam non extitisse casu. Stoici etiam hoc consilio naturam definiunt, uim arte progredientem ad generandum: & profitentur se in definitione addere artem, ut significant naturam mente

Diuina testimonia nature impressa.

Nn iij qua

quadam regi in omnibus actionibus, quæ velat artifex est omnium generationum, et motuum in natura. Libenter igitur ex huiusmodi materijs sumsi hoc loco argumentum, ut iuvenes admoniti et ipsi hec vestigia Dei in natura cōsiderent. Sed video me in exordio longius euagatum esse, quam volebam, et si arbitror vobis quidem, qui et Philosophiæ et religionis amantissimi estis, non fuisse ingratam hanc commemorationem.

Historia cuculi

Nunc venio ad argumentum, quod huc afferre præcipue constitui. De ingratitudine, impietate, et sceleris Cuculi dicturus sum: qui quale hominum genus representet, postea explicabo, prius enim narranda est historia. Aristoteles in nono libro de natura animalium, scribit, Cuculum propter timiditatem, quam in ipso insignem esse compertum est, non facere proprium nidum, nec suos pullos excludere, sed deponere ouum in alieno nido, ac plerumque Curruce. Hæc cum reperit ouum inter sua, simul huic etiam incubat. Deinde pullis exclusis, quia Cuculus magnitudine et viribus superat reliquos, quidquid sedula mater ibi adfert, suppositicius iste præripit. Ita fit, ut ceteri pulli fame moriantur: Putant etiam matrem eò maiore cura hunc fouere, quia magis eum miratur et amat propter magnitudinem corporis. Interdum ipse Cuculus factus robustior, ceteros pullos deuorat, interdum senior cuculus exorbet oua Curruce: adeo multiplex est in hoc genere crudelitas: Postremo

nō ubi adoleuit sceleratus & impius pullus, addit ne-
 fariam & plusquam tragicam catastrophē: Nam
 Currueam, qua incubante natus est, a qua magna as-
 duitate nutritus est, crudeliter laceratam deorat.
 Hanc pro maternis beneficijs, & pro nutritione ui-
 cem iste ἀγρογος rependit, dignus qui perpetua sca-
 bie notatus sit, & quem oderint, ac fugiant reliquæ
 a res ceu dirum portentum. Ita enim natura fertur il-
 lum damnasse impietatis, ut uerē erret, sicut polluti,
 sine nido, & sine ulla societate, sicut apud Homerum
 de poena impiorum dicitur, ἀνέγριος καὶ ἀφρότωρ: So-
 lus enim sine ulla societate sui generis, aut aliarum ἀνέγριος καὶ
 ἀφρότωρ.
 lum uagatur. Non igitur obscura est significatio:
 imago proposita est in terra uolucris, ut uideamus,
 turpissimæ naturæ similitudinem habere ingratos: Si-
 cut in alijs fœdis animalibus aliorum uitiorum simi-
 litudo proposita est, ut cognita turpitudine bestię,
 homines magis abhorreāt à similibus uitijs: ut in lupo
 inest rapacitas & crudelitas; in Polypo tanta libido,
 ut extinguatur in concubitu: Noctua piscis tam uorax
 est, ut non desinat se onerare cibo, donec rumpatur.
 Sed longum esset exempla persequi. Ad institutum ar-
 gumētum redeo. Adfectat Cuculus etiam Musicæ lau-
 dem, quare ubi lusciniam audiuit, eò aduolat, & exci-
 tatus cantu illius, cum ea certare studet. Hinc intelligi
 magis potest, in quo genere hominū ingratos haberi
 significet, nempe inter eos, qui obstrepunt melioribus
 in dicenda sententia, in studijs Ecclesiasticis, aut alijs
 Cuculi cantus in Ecclesia & Repub.

que uitæ conducunt. Hic quanta cuculorum agmina numerari possunt, non modo si ueteres historias repetamus, sed etiam si præsentia negocia consideremus? Homero obtreſtabat Zoilus, ceu Luſcinie cuculus. Ciceroni Clodius, & alij multi. Habuerunt ſuos cuculos & heroici uiri: Scipioni obtreſtabat Carbo, Alcibiadi Hyperbolus. Quanquam quid opus eſt exempla colligere? Plena eſt horum quotidiana uita, ſed maxime in Eccleſia: & ad hanc totum hoc ſymbolum maxime conuenit.

Curruca.

Curruca Græcis eſt Hypolauis, que nomen inde habet, quòd humi ad ſaxa nidificet, talis eſt uera Eccleſia, ſpreta & abiecta in mundo. Hæc dum omne fouere, & iuuare conatur, etiam ſuppoſiticios fortum nutrit, qui cum propter hypocriſin ueniant in admirationem, facile beneficio Eccleſie, authoritatem & potentiam conſequentur. Hanc adepti, deinde graſſantur in ipſam matrem, eamq; dilacerant, & crudeli tyrannide opprimunt. Deinde illum ſeralem & infaſtum ſonum edunt in Eccleſia: ſonant impia & pernicioſa dogmata. Arium euexit ad honores Eccleſia Alexandrina, qui cum eſſet ſuppoſiticius fortum, poſtea Eccleſiam orbis terrarum horribiliter diſſipauit. Quid in ſcholis accidit? que cum ſunt bene conſtituta, pars ſunt Eccleſie uel præcipua. Primum enim ingentia certamina, pericula, difficultates, publice ſuſtinent boni doctores, propægande rectæ doctrine cauſa: deinde priuatim, ut nutrices ſouent infan-

tulos,

Arium.

Scholæ.

tulos, ita summa cura, diligentia, sedulitate, prouebant ingenia discentium. Et tamen sepe fit, ut educatus atque institutus magna fide, postea oblitus omnium beneficiorum, et incitatus ambitione, aut naturæ maleuolentia, aut inuidia, impetum faciat in præceptores, nec nocere tantum ipsis, sed odio ipsorum bonas artes opprimere et delere conetur. An hoc cuculorum genus non uidetur odio dignum? Non enim iam uituperō homines hebetes, aut tardos, sed ingratos, et nocendi cupidos.

Tales cuculos odisse, omnes à natura bene instituti debent, et tales hic pingere uolui, ut admoniti adolescententes, procul eos fugiant et execrentur. Student enim hi cuculi alijs affricare suam scabiem, et inueniunt uel stolidos, uel malos, qui illo horrido cantu toneantur. Magnum per sese scelus est ingratitudo in qualibet re, sed tum est uerè cuculi scelus, et parricidium, quando ad eam accedit odium pie doctrine, aut aliarum honestarum artium, quando ingrati, hominum odio, et animi morbo, postea rebus bonis bellum inferunt, labefaciunt dogmata, detrahunt de artium dignitate: nec rara sunt exempla. Et sepe accidit, ut cum semel in præceptores incurrerint, postea rabies augeatur, et crescat discordia, uelut incendium. Deinde Respub. propter horum scelus et ingratitudinem plectitur.

Verum cuculi
scelus.

Quidam Atheniensis Orator, cum significare uellet, quibus modis factiosa et Tyrannica ingenia pos-

NON V tentiam

,, tentiam cōsequantur, inquit: Serpens nisi deuoret serpentes, non fit Draco. Ita ingrati illi incensi odio aut ambitione, persuadēt sibi, hanc esse uiam ad gloriam, formidabilem fieri alijs, et opprimere dissentientes uel aut arte. Quanquam minus flagitium est, in pars, quàm in benemeritos seuire, ut facit Cuculus. Cum igitur ingratitudo non solum priuatim sit turpis et in digna homine, sed etiam sepe Reip. noceat, adhortor uos Adolescentes, ut animos uestros ad gratitudinem assuesciatis, ad quam nos non modo inuitant natura, et homines doctissimi, qui quasi explicātes naturę iudicium, de gratitudine copiosissimè præcipiunt, sed etiam coelestia oracula uocant, quæ quidem horrendas etiam pœnas minantur ingratis. Sic enim scriptura inquit: Non recedet malum à domo ingrati. Hoc dictum queso affigite animis, et expendite, quàm grauē, quàm durabiles pœnas minetur Deus, cum ei, semper hæsurā mala in domo, in liberis ingratorum. Quid dici tristius poterat?

Beneficium
quod a scholis
contingit.

Iam cogitate quale sit genus beneficiorum, quod in schola benè constituta accipitis. Nihil homini contingere melius potest, quàm recta doctrina, primum de religione, deinde de honestis uitæ officijs, de rerum natura, deniq; de omnibus artibus, quæ sunt uitæ utiles. Traditur autem uobis, Dei beneficio, doctrina Christiana purè & simpliciter. Proponuntur & ceteræ honestæ discipline, nec ulla pars Philosophiæ negligitur. Enarrantur optimi auctores Græci & Latini.

Latini, qui aut fontes Philosophiæ continēt, aut profunt ad formandam orationem. De præceptoribus ipsis non dicam, sed tamen dexteritas & prudentia in doctore duplicat beneficium. Nam qui in docendo nō adhibet rerum delectum, aut non uidet quid cuiuslibet ætati conueniat, is sepe ita distribuit ea quæ tradit, ut si canis paleas, asinus daret ossa, ut in prouerbio dicitur. Prouerbia Spero autem uobis cognitam esse fidem et prudentiam in ijs qui docent.

Cum igitur tanta sit magnitudo beneficiorum, nō est obscurum, quod sit uestrum officium. Certè Deo gratiam debetis, qui his pulcherrimis muneribus uitam humanam ornauit. Is uult dona sua intelligi, uult ea magni pendere à nobis, uult gratiam reddi his, per quos impertit ea humano generi. Quare cogitate quid Deo debeatis, et mementote ingratos poenas Deo dauros esse.

Philippus Macedo habebat militem, qui ei propter Philippus Macedo inurit stigmata ingratorum ortitudinem in primis charus erat, hic naufragus ad uillam cuiusdam agricolæ agrè enatauit. Agricola cum audisset militis clamorem, accurrit, eumque rigentem frigore & penè exanimè ducit in uillam, & quiuis potest officijs recreat, post triduum cupientem bire etiam uiatico instruit, Discedens miles prolixè sollicitetur se gratiam relaturum esse. Vide quid acciderit. Nam et hic miles Cuculi scelus imitatus est. Narat Philippo naufragium, beneficiū hospitis tacet, et sic sibi donari illud prædium, facile impetrat à rege liberali.

liberali, præsertim cum Rex bene meritum esse indicaret: inbet igitur induci eum in bona que petiuera miles. Non tulit iniuriam agricola expulsus bonis, ab eo quem seruauerat, sed uenit ad Philippum & commemorat suum beneficium erga militem. Hic adeo exarsit ira Philippus, ut Pausania mandaret, ut priori domino prædium restitueret, militi uero ex auro do stigma inureret, inscriberetq; fronti, hæc uerba: *Hospes ingratus.*

*Hospes
ingratus.*

Tanta nature uis est, ut nemo tam ferreo animo sit, qui audiens hanc historiam, non ualde probet infamissimam Philippi sententiam. Quantum autem in deesse Reipub. hoc modo notatos esse scholasticos ingratos, eos uidelicet, qui ad ingratitudinem etiam addunt impietatem, qui nocere præceptoribus, & studijs cupiunt. Hos oportuit stigmatis notatos, quia si agnoscerentur, minus nocere possent. Ego uero optarem illis etiam insculpi cuculum in fronte, uorantem suam nutricem. Sed quanquam hæc contra leges, tamen Deus tandem eis stigmata inurit, quæ instantur quales fuerint. Cogitate igitur quantum displiceat ingratitudo, quàm sit indigna hominibus, quàm inimica toti nature, quàm turpis, quòd dignus etiam puniatur; deniq; quòd Reipub. nocent, et ingrati, odio hominum, artes etiam odisse & prætere incipiunt. Hæc si uobis sæpe subijciatis, excitet animos ad gratitudinem, & ad colendam communem tranquillitatem. Ad hæc officia assuescendum.

*Ingratis discipulis
cuculus insculpendus.*

animi. Ideò in scholis, & in his optimis studijs uersamini, ut mores uestri fiant meliores, ut artes profuturas ad illustrandam gloriam Dei, & ad tuendam communem societatem uobis paretis, non ut discatis sycophanticam nocituram bonis uiris & Reipub.

Quàm tetra imago est ciuis apud Demosthenem, Aristogitonem, Aristogitonem apud Demosthenem. cum pingit Aristogitonem, circumeuntem in foro, et uibrantem spiculum seu exertam caudam, ceu scorpionem insidiari ciuibus, & circumspicere quem feriat, quæ aliqua calumnia opprimat: deinde, qui cum nullo ciue ullius officij societatem habeat, sed cum illis uiuat, quos apud inferos aiunt assidere impijs, uidelicet, cum inuidia, furijs, & alijs pestibus. Ita describit Demosthenes Aristogitonem. Quid autem alienius esse debet præsertim ab homine docto, instituto ad humanitatem, & cuius mores & eruditio debent prodesse Reipub. cuius tota uita debet esse *νομιμα*, & plena officij, quàm isto Aristogitonis more uiueret qui quidem proprius est Sycophantarum, qui irruunt in bene meritos.

Cum autem mihi quidem impossibile sit, magnitudinem huius cause equare dicendo, non uolui esse prolixior. Et tamen hæc præcepta interdum inculcanda sunt adolescentibus, et ostendendum quanta sit uirtutum turpitudine. Ideò hæc pauca de ingratitudine hoc tempore collegi, quæ ut boni consulatis oro. Est enim etiam grati animi, qualemcunq; operam bonam, publicæ utilitatis causa susceptâ, probare Dicitur.

DE

DE VUTILITATE FABVLARVM

Oratio.



On dubito, quin ut quisq; modestissimus est, ita maximè miretur, idque merito, quid mihi puero, nondū primos oblito uagitus, in mentem uenerit, cur hic in corona doctissimorum

uenum dicere constituerim. Neque uerò ipsi frontis adeo perfricti sumus, ut in hoc auditorio uel mirari ausimus, ni cogant honestissimæ rationes. Nam cum huc prodire turpe sit, nisi cum eloquentia, tum auctoritate locum cum decoro tueri possis, uideremq; forte ridiculus, si tale quiddam hac ætate susciperem, quæ quid possit, quantum sapiat, nemo ignorat. Id ut eruditionem non desideres, primā in puerilibus ingenijs laudem uerecundia meretur, in qua ni sentiam quā longè absit hæc theatraica ostentatio, ne ego planè stupidus sim. Sed uicit has rationes præceptoris mei autoritas, qui de ingenio meo periculum factum hanc dicendi prouinciā iniunxit, quā si recusassem, parum plus uideri potuisssem. Sic enim existimo, præceptoris uel in re iniqua probum adolescentem parere oportere. Itaque malui quiduis uideri, quā præceptorum auctoritatem detrectare. Quæ pater mea facillè, ut spero, me ab omni calumniā liberabit. Inpetrabitq; à uobis, ut boni consulatis, quod nonnulli meo periculo præceptoris morè gerere studeo. Interim

Præceptorum
obseruatio.

quo

quo me consilio periclitari noluerit, ipse uiderit. Ius- Laus fabulæ
 sit autem, ut de fabularum laude dicam, quod argu-
 mentum in speciem quidem puerile est, & huic ætati
 aptum. Cæterum si quis propius contemplatur, intel-
 ligit ei prudentissimorum hominum eloquentiam uix
 parem esse. Quæ enim literarum, quæ uitæ pars, non
 aliquid à fabula mutuatur? Sed nos pro ingenij no-
 stri modulo rem agemus, modò puerilem orationem
 audire non sit molestum. Efficiam autem, ni spes me
 fallat, ut intelligatis, non aliud genus literarum utilia-
 us esse repertum, quàm fabulas. Quod ut uerisimile fi- Causæ
 at, primum causas aperiemus, cur à maioribus confi-
 ctas esse iudicemus. Videbant illi cōmuni mortales cō- Infantia nostra
 ditione, non corporibus modò, sed animis etiam im-
 becillis nasci, eamq; legem, opinor, ita sanxit natu-
 ra, ut educandæ tuendæq; sobolis curam in parenti-
 bus auerret. Os primum inerme & edentulum est,
 serò admodum lingua, manus, pedes officium suum
 facere incipiunt. Estq; tanta in tenero corpusculo im-
 becillitas omnium membrorum, ut ni uagiret infans,
 uiuere penè nesciretur. Et huic corporis modo singu-
 lari beneficio natura conuenientem alimoniam in
 maternis uberibus condidit, quòd solidioribus cibis
 non statim os firmum sit. Itaque materno lacte infans
 tantisper alitur, dum uiriculæ firmiores factæ solidio-
 rem cibum admittant, suntq; authores Medici, qui in-
 tegro biennio solo lacte alendos censent, paulatim po-
 stea solidior cibus datur, nec ille tamen aliquā diu nisi
 præ-

premanfus. Iam & alumna manu infantis ore inter-
 ritur, priusquam huius manus officio suo fungi pos-
 test. Omitto quanta industria, quantaq; cura colloca-
 ri in cunas, in crepundijs gestari soleat, ut membris
 habitus suus, lineamentisq; decor aliquis paretur. At
 que hac corporis conditione, fallor ergo, nisi natura
 uelut spectaculo quodam animorum imbecillitatem
 adumbravit, monuitq; quanta cura excitari, insitum,
 ac erudiri rudes puerorum mentes uelit: est enim &
 sua his infantia. Videmus quàm serò agnoscant domi-
 sticos etiam, strig; metuq; uacant, nullo rerum absenti-
 um sensu tanguntur. Proinde sapientes niri nature
 uim propius contemplati, haud equidem sine mentis
 reor, sine numine diuûm, uiderût animis suo quodam
 lacte opus esse. Quæso te, nonne ridiculus fuerit, si
 quis infantem anniculum per urbes aliquot circumspe-
 rat, precipiatq; ut illarum situs, item hospitum op-
 mina accuratè obseruet, memineritq; ut domum in-
 ens, equalibus recensere possit. Ad eum modum in-
 ptire iudico, qui talia pueris proponunt, quæ capiti
 illorum nondum assequitur. Est omnino ueritate
 bil uenustius, nihil amabilius, sed longius à conspectu
 & ab oculis hominum recessit, quàm ut cerni, tem-
 agnosciqu; possit: suntq; pueriles animi ad eam tem-
 quam per gradus quosdam ducendi, inuitandi, quæ
 is illecebris, ut subinde propius cōsiderare liceat, quæ
 quidem omnium pulcherrimam, sed heu nimiam
 seueram ignotamq; mortalibus. Et perinde atq; quæ
 ab ur-

Remota ueri-
 tas a conspe-
 ctu nostro
 longius.

ab infantibus amari uolunt, saccaro aut similibus rebus inuitant, ita lenocinijs quibusdam commendanda ueritas est, & rudibus animis insinuanda. Exco-
gitarunt itaq; prudentissimi homines fabellas, quæ primùm admiratione excitarent, ceu ueternum quen-
dam domientes puerorum animos. Quid enim magis nouam nobis uidetur, quàm lupum cum equo, leo-
nem cum uulpècula, quercum cum cucurbita homi-
num more colloqui? Taciti apud nos miramur, qui sensus, qui sermo bestiarum fuerit: paritq; hæc admi-
ratio uoluptatē quandam propius cognoscendæ rei, iuuatq; discere, quam ob causam hæc conficta sint. Ibi paulatim animus excitatus, erigit se in contemplatio-
nem rerum humanarum, & agnoscere uirtutum ui-
tiorumq; discrimina incipit. Deinde altius insidunt, cum uerba tum sententiæ eorum argumentorum, quæ cum admiratione exceperimus, & uelut aculeos relin-
quunt in animis, quibus accendimur cura quadam peruestigandarum earum rerum, quæ nouo cōmento tradita sunt. Hoc opinor consilio, primùm confictas
esse fabulas, quod nulla dicendi ratione excitare super-
ne puerorum mentes citius posse uiderentur. Fortasse hoc etiam agebant fabularum authores, ut amœnis
argumentis ingenia puerorum mitiora redderent. In-
est enim in ea ætate, sicut in recentibus pomis, acer-
bum quiddam & ferum, quod nisi humaniore insti-
tutione corrigatur, in barbariem quandam & belui-
nam scuitiam abit. Videmus enim hoc docendi genere

Admiratio pa-
rit uoluptatem

Mitigantur
puerorum in-
genia fabulis
amœnis.

Bellum ranarum & murium.

Hesiodi fabulæ.

usos esse quondā grauiſſimos et ſapientiſſimos homi-
nes, quod nūc, quando malo publico è ſcholis exulat,
nō facile dixerim. Homeri Poète prudentiā tantope-
rè mirantur eruditi, ut ſupra cōmunem mortaliū ſor-
tem uehant, planeq; ſentiant, diuina quadam ui men-
tem illius percitam fuiſſe. At is pueris, quos in Græcia
paſſim docebat, bellū ranarum et murium ſcripſit, ut
ſimul teneros animos lepidiſſima fabula delectaret, ſi-
mul doceret, quantum præſtaret diſſimulare quā ul-
ciſci iniuriam, quā ſint incerti turbarū ac bellorum
omnium exitus: nec rarò accidere, ut ab inferioribus
potentiores uincantur, ſepe malū omne in auctoris ca-
put uerti. Nam cū mures nonnulla ſanè iniuria pro-
uocati, armis illum uindicare, quā diſſimulare mal-
lent, nimiumq; ſuis uiribus aduerſus imbelles ranas fi-
derent, donarunt ſuperi uictoriam imbellioribus, et
belli autores pertinaciæ ſue iuſtiſſimas poenas dede-
runt. Quaſo quid æquè retulit puerilibus animis in-
feri, atq; odium bellorum ac turbarum, tolerantia ſu-
dium, et hoc genus alias humanitatis artes? Heſiodum
tanta fuiſſe prudentia apparet, ut carmen eius diuinū
uideri uoluerint, qui ſenſerunt, eum calamis à Mūſis
acceptis uatē eſſe factum. Is uerò cū perſuaſiſſimum
ſuis ciuibus eſſe uellet, nihil foedius, nihil immmanius ef-
ſe uiolentia ſeu iniuria, rē ipſam uelut in tabula depō-
xit, cōpoſito de accipitre et luſcinia apologo. Docet
hic quoq; Græcā iuuentutem, et nō ſunt contemnendi
ſcriptores, qui Aſopicas fabulas ab ipſo cōſictas pro-
diderunt.

Docci

Dixi quo consilio putem repertas esse fabulas, potestq; ex hoc uelut fonte precium earum & utilitas estimari. Neq; enim tam prudētes uiri fabularum auctores his nugis unquam delectati fuissent, nisi ad erudiendas pueriles mentes plurimum conducere sensissent. Quid quod non modo pueris, sed celeberrimis etiam ciuitatibus fabula salutare fuerunt? Cū plebs Romana cum patribus dissideret, secessumq; esset in sacrum montem, nec se uerore ulla oratione flecteretur, missus est Agrippa, qui uniuersam multitudinem lepidō apologo, de uentre, & reliquis hominis membris, ita cepit, ut statim liberet in gratiam cum patribus redire. Demosthenes grauis Orator, cū Macedonē ea conditione cum Atheniensibus fœdus facturū esset, ut illi Oratores sibi dederent, qui perpetuis concionibus animos ciuium aduersus se exacerbarent, iniquissimam conditionem Reipub. festiuo quodam apologo dissuasit, quanquam ab ea non ita multum plebs diutino bello nexata abhorreret. Nā cū docere uellet, in hoc postulari Oratores, ut urbs destituta Oratorum presidio, Regi tyrannidi pateret, mira lucē & perspicuitate Macedonē consiliū, ante oculos multitudinis posuit hoc commentū: Lupos quondam cum pastoribus pactos esse, nihil se posthac hostile caulis illaturos esse si sibi canes, dederentur. Placuit stultis pastoribus conditio, canesq; dediti sunt. Proinde ubi lupt uiderunt excubias caularum sublatas esse, liberē grassari in gregem cœpēre.

Fabula Agrippæ
p. Romæ
salutaris.

Apologus
Demosthenis.

o o ij

Hæc

Fabularum uis
maior quam
Mercurii &
Orphei.

Hæc fabula cum docuisset quanti referret Oratores seruari, Rempub. tantisper seruauit, dum hoc consilium ualuit. Miram quandam fabule uim inesse, uel hæc exēpla testantur: necesse est enim efficacissimam orationem fuisse, quæ implacabiliter tratis ciuibus Romanis arma è manibus extorsit, quæ Athenienses grauiter afflictos adduxit, ut quanquam una uoce pacem omnes flagitassent, bellum tamen quam pacem mallent. Eat mihi nunc aliquis & prædicet uel Mercurij uirgam, qua finxit uetustas animas orco euocatas esse, uel Orphei cytharam, qua syluas et saxa traxisse ferunt. Mihi quidem non minus admiranda esse Musica uidetur, qua concitatur multitudinis uis sedatur atque ea quæ bestias & saxa demulcit, & haud scio, an qui illa de Mercurio Orpheoque finxerunt, significare uoluerint, peculiari quodam dicendi genere rudes mortales & feros adhuc mansuefactos esse. Quod si uerum est, consentaneum est, id apologo effectum esse, quo orationis genere facillimè capiuntur imperitorum mentes. Certè qui populis suis legem condiderunt, multa apologis similia posteris reliquerunt. Quid enim illa Lycurgi scena? nonne apologum representabat, cum exemplo duorum catulorum, doceret naturam & ingentem uim institutione ac assuetudine uinci? Non libet hic peregrinas leges, peregrina instituta recensere, cum in sacris literis tam multum extet apologorum, ut satis appareat, ipsum cœleste numen ita iudicasse efficacissimam

Legislatorum
Apologi.

curæ

cissimum hoc orationis genus, ad flectendos hominum animos esse. *Quæso te, quæ potest laus amplior cõtingere apologis, quàm quod eos cœlesti numẽ etiam approbat? Iamdudum opinor, puerilium uos nugarium pertædet: et ego partes meas esse sentio, ne diutius uos æquo obtundam: quatinus mihi quidem adeo aridet argumentum, ut nulla unquam oratione arbitrer satis laudari posse. Quod est enim dicendi genus, in quo perinde cum summa utilitate, summa gratia coniuncta est? Verè nimirum dicit Horatius: Omne tulit punctum, qui miscuit utile dulci. Quæ talis oratio, mores, studia, ingenia hominum proprius expressit, quàm apologi? idq; tanta cum gratia, ut nullis epodis incantari citius hominum mentes possint, quàm cupiant apologi. Proinde æquales meos adhortor, si qua orationis mee est autoritas, ut ad discendos apologos se toto pectore conferant. Sunt qui nescio quibus obscuris authoribus tractandis ingenia atterunt, & magno labore desipere discunt. At apologi foelicissimè excitant, exhilarant, & erudunt pueriles mentes. Ad hæc cum extent Latine, orationem etiam uelut molliore quodam succo aiunt. Adeo siue moribus formandis præcepta queris, siue rectè loquendi exemplum, nulli commentarij præferant utrunq; quàm apologi, foelicius.*

D I X I.

Oo iij

ORA

ORATIO CONTRA AFFECTATIONEM nouitatis in uestitu.



Ametsi non dubium est uobis, audito-
tores candidissimi, quin ualde uobis
mirum uideatur, quod hanc cathedram
doctissimorum hominum conscendere,
tantamq; prouinciam ac onus suscipere
ausus sum: tamen, cum scholae nostrae
morem sciatis, non dubito, quin quae uestra
hactenus erga omnes, qui in hunc locum dicturi
prodiierunt, fuit humanitas ac beneuolentia,
me quoque benignè placideq; audituri sitis. Ego uero non de bello Troiano,
aut huiusmodi peruulgata fabula dicturus pro-
dij: sed cum nulla uirtus perinde adolentesce-
ntes atq; modestia, cepi consilium de quadam eius uirtu-
tis parte dicendi. Idq; argumentum eo suscep-
ti libentius, ut si non hinc propter eloquentiam laudem mere-
rer, tamen mihi interea tanorem, sicut ille Cytherae-
dus dixit, neq; ad eius uirtutis studium excitarem.
Institui autem orationem contra affectionem noui-
tatis, et aliarum ineptiarum in uestitu, quod uicini-
ssimum sit opinione nocentius, tamen adeo uulgare est,
adeo cepit iuuentutis animos, ut nullis neq; legibus
eorum, qui Respub. gubernat, nec doctorum sermo-
nibus corrigi possit. Quoties enim his nostris tem-
poribus de hac re leges scriptae sunt? Quam multi
graves uiri quotidie hac de re queruntur? Sed tanta

Nocentissimū
malum uesti-
tus ineptiae.

mali uis est, ut reprimi aut sanari non possit. Quotidie nouæ formæ excogitantur: nunc placet Gallicus pileus, nunc Hispanicus cucullus. Alij Sarmaticis brachijs delectantur, et hæc ipsa quàm uariè deformant? Integra uestis parum digna uiro esse creditur, sed lacerata, et misle uariata coloribus, qualem olim scurrarum fuisse uestitum, picturæ ueteres ostendunt: eademum plurimum habet admirationis, atq; hæc singuli quotidie mutant. Nullus Proteus tam uarias induit figuras, quàm nostri iuuenes, subinde habitum mutantes, non aliter atq; in scena hi, qui plures personas sustinent. Quanquam igitur hoc uitium usque adeo receptum sit, ut non adolescentis oratione, in qua nihil esse authoritatis potest, non aliqua mediocri eloquentia tolli possit: tamen libuit in argumenta honesto ingenij uires experiri. Quæso autem uos, ut pro uestro more benignè me patienterq; de honestissima causa dicentem audiatis. Id si nulla alia res, tamen ætas mea à uobis impetrare debebat, quæ propter imbecillitatem non poterit susceptum onus perferre, nisi singulari fauore uestro animum meum confirmaueritis.

Est autem cum per sese turpissima nouitatis in uestitu affectatio, tum hoc etiam nomine magis fugienda, quia multas ex se alias pestes gignit, et pleraq; animi uitia prodit atq; alit. Nec procul nobis argumenta sententiæ nostræ petenda sunt. Etenim cum nuper hic de conseruandis ueteribus moribus quidam ex

nostro sodalitis grauiſimè dixerit, ſpero me facilius hanc cauſam de uſitato uestitu retinendo, uobis probaturum eſſe. Etenim ut in alijs publicis inſtitutis oſtendit, oſtendit eſt nouitatis aſſectatio, ita etiam in uestitu merito improbari debet.

Venenum Rump. legum
morumque
mutatio.

Semper autem ſapientiſſimi homines ſenſerunt, ueteres mores, ueteraq; inſtituta ciuitatum ac populorum ſumma cura conſeruari debere, quòd nulla res, perinde ledat publicam tranquillitatem, atq; crebra legum morumq; mutatio, non aliter atq; corporis humani ualeitudinem ratio uictus ſepe mutata labefactare ſolet. Eius mali, ut uetera omittamus, noſtra etiam miſerabile exemplum uidit. Poſtquam enim paucis tantum ritus Eccleſiaſtici, qui iam neſcia quomodo degeneraſſe dicebantur, abrogati ſunt, incredibilis omnis diuini atque humani iuris contemptus ſecutus eſt. Et non modò diſciplina in ciuitatibus regendis, et Magiſtratum authoritas periclitari coepit, ſed religiones uniuerſas, fidem, iuſiurandum, et omnia vincula ſocietatis humanæ laxata eſſe uulgus exiſtimat. Inde cum quotidie maximi motus in ciuitatibus exiſtunt, tum uidisti ante biennium luctuoſum inter ciues noſtros bellum in uniuerſa Germania exariſſe. Nihil igitur uenenum nocentius Reipub. exiſtimemus, quàm receptorum morum mutationem, quæ in uulgo licentiam, audaciam, cõtemptum Imperij, deniq; nihil non earum peſtum, quæ ciuitatibus exitio eſſe ſolent, parit. Merito igitur celebratur uerſiculus ille:

Moris

Moribus antiquis res stat Romana uirisq;.

Veteres mores
cur opini.

Adhæc cum ueteres Dijs proximos esse credamus, non
leuius est, uetustissimos mores optimos esse, quos illi
scilicet maiores nostri ciuitatum conditores à Dijs
ipsis didicisse uidentur. Proinde ferendi non sunt, qui
consecta maiorum instituta fastidiunt, qui ueterem di-
ciplinam soluunt, qui nunc hos, nunc illos mores in-
patriam accersunt, qui scribunt aboleriq; leges ut li-
bitum est. Et constat olim in Rebus pub. clarissimos
ciues acerrimè uetera instituta defendisse. Nam ut a-
lia maiora omittam, Romæ quoties sumptuarie le-
ges perlatæ sunt, ut maiorum more uestiret ciuitas?
Cato quanta contentione legem Oppiam tuetur apud
Linxum, quæ modum sumptibus mulierum præscri-
bebat? Augustus cum uideret Romanos peregrino
uestitu delectari, sentiens quantum in eare mali inesa-
ret, longa oratione ciues obiurgauit, et ad togæ usum
reuocauit, illum etiam Virgilij uersiculum citans:

Sumptuarie
leges Roma-
norum.

Romanos rerum dominos gentemq; togatam.
Si nulla ratio esset alia improbandi hæc uestitus uitia,
tamen erat honestum nobis, exempla magnorum ho-
minum sequi, à quibus dissentire, quid aliud quàm in-
fania est? Et quod Cato, quod Augustus senserunt,
probari omnibus bonis uiris existimemus, quorum iu-
dicia nihil morari summa impudentia est.

Turpe exem-
plis nihil
commoveri.

Sed dicat aliquis, non magnoperè, uel ad priuatos
mores, uel ad Rem pub. pertinere hæc ineptias uestitus,
neq; atroci oratione exagitare rem non perinde ui-

O O V tiosam.

**Vructis
ita animus.**

tiosam. Ego uerò utinam dicendo magnitudinem meaequare possem : tantum enim turpitudinis hac in re est, ut nulla mediocris eloquentia ad eam explicandam satis sit. Etenim cum non minus uestis quam oratio animi character atque imago sit, quid dubitemus, illos, qui tantoperè monstrosa ueste delectantur, animos etiam monstruosos habere? Incedit aliquis pileo tectus Hispanico eoque uariè picto: Thorax deinde Gallicus est, cuius manica adeò non respondent ad brachij modum, ut laxissimae sint, qua parte brachium gracilium est. Et cum uestis naturam imitari debeat, istis planè diuersum placet. Quid amplius? plebeius uestitus est, nisi distinctus sit uarijs coloribus uelut panno. Ad hoc conscissum esse oportet, tanquam mendici pallium, id demum regium est. Venio ad pallium. Palliorum ac tunicarum tam multae, tamque uariae formae sunt, ut totus hic dies ad recensendum non sit satis futurus, si singulas enumerare uelim.

**Fabula de
Germanis.**

Atque hic uenit in mentem mihi fabulae cuiusdam Germanicae. Audisse enim uos de patribus uestris opinor, regem Turcarum iussisse sibi omnium gentium habitus pingi. Cum itaque pictor plurimarum gentium uestitum depinxisset, tandem pingit nudum hominem, et iuxta uarios pannos. Postea artifex à rege iussus interpretari picturam, cum exposuisset cetera, dixit nudum illum Germanum esse, cui certa forma uestitus pingi non possit, quia quotidie nouam excogitet. Doceo nam hanc nationem, quae grauitatis atque constantiae laus

tie laudem alioqui sibi uendicat, hac parte leuitatis
 instimulari posse. Cogit enim res ipsa fateri, apud nos
 incredibilem uarietatem uestitus esse. Quid de calceis Calcei.
 dicam? olim erant rostrati, nunc sunt trianguli figura,
 ceu deltoton. Quid aliud quàm monstrum putan-
 dus est, qui tam dissimili habitu, tamq; uarie incedens
 sese circumspicit, & tanquam lunonis auis, admi-
 ratur? quem profecto, nisi admirationem consuetudo
 mali nobis exenisset, monstrum aliquod transmar-
 num citius quàm hominem esse multi crederent.

Sed si sapientissimis hominibus, imò si sacris liti- Pictura animi
habitus.
 ris creditis, talem habitum non obscuram quandam
 animi picturam esse iudicare debetis. Scriptum est e-
 nim in Ecclesiastico: Amictus, risus & incessus, pro-
 dunt hominis ingenium. Similis in animo inconstan-
 tia, similis cupiditatum uarietas, qualem in uestitu cer-
 nis: deniq; legum et morum patrie fastidium simile in
 animo haeret. Quod si res nihil prater ea turpitudi-
 nis haberet, tamen hoc reprehendendum erat, tantum
 esse ingratitude erga patriam, quae genuit, quae
 educavit, quae optimis legibus uitam defendit, ut ni-
 hil hunc nisi peregrinus placeat. Quid enim unicuiq;
 echarius, iucundius patriae esse debet? Nunc autem cum
 haec nouitas mores etiam infamat, quis non existimet
 procul fugiendum esse? Nonne apud Virgilium cum
 molliciem obijcit Troians Turnus, à ueste coniectu-
 ram facit? ut enim:

Et tunica manicas & habent sedimicula mitre.

Animad-

Animaduenterunt enim docti uiri, sermonem, habitum
incessum & alios corporis motus, tanquam actionem
esse animi, in qua uelut in speculo cuiusq; natura cer-
ni potest. Quemadmodum enim in equis & leonibus
animorum motus, cauda atq; aures indicant, ita affe-
ctus hominum, non tantum sermo, sed uestitus, qui
quasi tacitus quidam animi sermo est, declarat. Itaque
non temerè à Græcis in prouerbio dictum est illud
Vestis uirum facit. Vt enim honestus habitus digni-
tatem homini conciliat, & quandam commendatio-
nem morum adfert: ita monstrosa uestis abhorren-
tius ab approbatione oculorum, iudicioq; bonorum
uiro-um officit existimationi. Quid enim aliud quam
monstruosam mentem ista dissimilitudo uestitus par-
tim Gallos, partim Hispanos, partim Sarmatas imi-
tantis significet? Quæ constantia potest existere in
horum mentibus, qui toties sui dissimiles facti pro-
deunt? Socrates calceis Sicyonijs contra suam consue-
tudinem uti noluit, tametsi ipsius confessione apte-
rant pedibus. Nec ille morosus in re parua uideri de-
bet. pars quædam grauitatis atq; constantie fuit, ne
quidem in paruis rebus sui dissimilem esse. Proinde
Homerus inquit, honestum habitum ad existimationem
augendam conducere, nostri enim uersum:

Namq; uiro uestis magnum decus addit honesta.
Neq; id ad uestis precium pertinet: non enim güm-
me, aut aurum, aut purpura, quarum rerum usus in
ciuitatibus bene constitutis, etiam interdictum est ho-
nestis

Vestis uirum
facit.

Socrates.

vestis hominibus, magnoperè ornant viros, sed quia pro ingenijs ac moribus uestitum serè quisq; sumit, magnam commendationem habet honestus habitus, quod eo boni viri delectari iudicentur. Quisquis igitur honestam existimationem apud bonos viros colligere studet, is ad illorum iudicia, ut reliquæ uitæ instituendæ consilia, ita etiam uestitum accommodet. Ut enim nostris temporibus Principum familiæ ex forma uestitus discernuntur, ita adolescentium mores, boni viri ex habitu dijudicant. Nullum autem patrimonium, nullas opes hæc ætas pluris facere quàm existimationem debet. Hanc magna ex parte consequi poterit hac diligentia, si sequatur illorum iudicia in uestitu. Si qui uerò ita depuduerunt, ut existimationis nullam rationem habeant, ut bonorum de se iudicia nihil morentur, hos non tam homines esse, quàm humana specie beluinos animos gerere existimare debemus. Nostra oratio ad sanabilia ingenia pertinet, alijs publicis poenis ad sanitatem reuocare, et coercere oportuit.

Hactenus dixi uestitus ineptias quasdam animi esse corrupti notas. Sed ut nemo uolens stigmata, quæ deprehensis in aliquo flagitio inuri solent, quantumuis innocens sibi accersit, ita has notas turpitudinis uitandas esse, ne famæ noceant, censeo. Sed hæc ineptiæ non tantum nocent existimationi: aliud maius malum secum trahunt: nam inter corruptelas Rerump. merito affectatio, siue nouitatis, siue peregrinitatis in uestitu

Existimationis
ratio habenda.

Quæ ultra gl
nat uouitas
uestitus.

uestitu numerari debet. Hac de re dum dico, queso diligenter attendite. Intelligetis enim multa ingentia uitia ab his principijs oriri : ut enim usurae per gradus crescunt, ita à paruis principijs paulatim audacia robur colligit, donec penitus ex animis pudorem, omnis quæ diuini atque humani iuris metum eiciat. Nemo, inquit Poëta, repente fit turpissimus : per gradus labuntur mores in deterius.

Nec libet in re manifesta exempla colligere. Sed quoniam inter adolescentes studiosos doctrinæ Christianæ dicimus, recitabo uobis unum quoddam exemplum, quod in libris confessionum scripsit Augustinus de matre. Hanc in pueritia inquit, mira diligentia ad sobrietatem à nutrice adsuefactam esse : neque enim licuit ei, ne aquam quidem, nisi in iusta coena, aut iusto prandio bibere. Nutrix interrogata quo consilio preceps etiam aquæ potu interdiceret, respondit : Nisi et ætate sitim perferre discant, postea matronas factas, cum uini copia sit, simili intemperantia uino se ingeritare, qua nunc aquam bibant. Est igitur prudentia non exigua, senum uitiorum præuidere, ac in tempore tollere. Ut enim in morbis corporum medicandi seruum est, tum demum querere remedia, cum morbus ad summum peruenit : ita frustra adhibetur medicina uitijs, postquam adoleuerint.

Quæ igitur uitia gignit nouitas uestitus? Cuius alia multa, tum hoc omnium perniciosissimum, quod adolescentium animos adsuefacit ad contentum le-

Educatio matris Augustini.

Contemptus legum.

gum.

gum. Nam cū in paruis rebus, primū à consuetudine bonorum, & publicis institutis discesserint, paulatim ita confirmatur audacia, ut etiam in maioribus rebus non modò bonorum uirorum iudicia, sed omnes leges contemnant. Et is qui nunc uidetur ludere, dum has ineptias in uestitu amat, paulò post omnibus legibus, omnibus Magistratibus audebit oppedere. Tantam ruinam edit res, quæ quidem in speciem parua uideri potest: uerum exemplum latissimè patet. Nam cū semel legum repagula effregerint, nihilo deinceps firmiores omnes leges, quàm aranearum telas esse existimabunt. Et ut scitis ἀρχὴν ἡμίσεως πᾶντος. Quod quanquam in priuatis moribus uidere possumus, tamen in ciuitatum inclinatione clarius perspicitur. Quæ enim ciuitas non ita collapsa est: quia cū primū disciplinam in paruis rebus neglexisset, aluit petulantiam uulgi, adeò ut postea in maximis etiam rebus imperium detrectarit.

Præterea cū uestis imitetur animi affectus, ut supra dixi, sit, ut illis ipsis cupiditatibus inclusis in animo, quas præmi & coerceri oportebat, frenū laxetur. Sunt qui propter feritatē animi, habitu delectantur, qui terrorem intuētibus incutiat: In his quoniam sibi indulgent, crescit feritas. Sunt qui propter molli-
ciem animi ornent se propemodum mulierum more, quos effeminatiores uestis reddit: Vt enim febris alitur, si quis ei morem gerat, & bibat quidquid uittat, natura expedit: ita morbi animi crescūt, si quis eis indulgeat,

Feritas &
mollities

**Peregrinae
luxuriae ap-
probatio.**

dulgeat, nec remedia opponat. Sed omnium maxime nocent in commune hi, qui gentis alicuius externae uestitum amant: ut enim amatores amasiarum colorem imitantur: ita isti se eius gentis mores, luxum, aut alia uitia amare, & patrios ritus ac leges contemnere, hac uestitus imitatione significant. Qui Principes primum Romam adduxerunt Diademata, et plerasque peregrinas uestes? nonne illi qui ueteribus legibus deletis, in urbem obscœna sacra exterorum, ut Bacchanalia, præterea exempla scœdissima peregrinae luxuriae adferebant?

Hostes patriæ.

Videmus hoc tempore quosdam Turcico habitu delectari, non credo ob aliam causam, nisi quia nostre religionis & legum nostrarum facietas eos coepit, quos quoniam externa imperia expetere, mores religionesque amare apparet, non dubito eos hostes patriæ appellare. Non enim tantum illi, qui foris arma gerunt aduersus patriam, hostes putandi sunt, sed multo magis isti, qui disciplinam ciuilem, qui maiorum instituta nihil ad se pertinere arbitrantur, alios mores foris accersunt.

**Lacedæmonij
eiiciunt Mile-
sum hospitem.**

Lacedæmonij hospitem Milesum cum alijs delicijs adfluentem, tum in uestitu sumptuosiorē quàm pro Spartana consuetudine, iusserunt ciuitate excedere, ac domi milesia exercere. Hec illi in hospitem constituerunt: quantò minus ciuibus permitti debebat, exempla bonis ac ueteribus moribus offectura, in patriam inuehere? Neque enim abit hoc sine publicorum

corum morum corruptione, quia ut est uulgus natura φιλόνηυον, statim has nugas imitatur, & legum metu paulatim deposito, amorem externorum uitiorum induit. Estq; in maximarum ciuitatum interitum uidere, ab his principijs cetera uitia orta esse. Iure igitur in autores talium exemplorum, tanquam in hostes patriæ, seuerissimæ poenæ constitui debebant.

Tunc bellum parari aduersus patriam, tunc obsideri eam non foris, sed intra moenia putetis, cum patrius uestitus exuitur. Hos cum peregrinis clandestina foedera fecisse, & cum legibus in perniciem patriæ conspirare arbitremini, quos externorum, atq; hostium mores magis quam patrij delectant. Non enim hic cultus aliud spectat, nisi eò, ut domestica ac publica disciplina corrupta, trahat omnium ciuium animos ad externa imperia, peregrinas religiones, et omnia turpitudinis genera recipienda. Sed cum hæc nouitas omnibus hominibus turpissima sit, tum in primis abesse à Christianorum moribus debebat, quos in omnibus partibus præcipuam grauitatem præ se ferre decet. At hoc accepimus, Turcas, & plerosq; barbaros, religiose patrium morem in uestitu retinere. Cum autem Christianæ literæ singularem nobis modestiam ac uerecundiam, & morum constantiam præcipiant, turpe est, hac parte leuiiores nos perhiberi ijs gentibus, quæ Christiana præcepta ignorant.

Leuiiores gentibus sumus.

Videte queso Dauidem, quàm diligenter putauerit in huiusmodi, quanquam paruis rebus, decorum

pp

seruan

seruandum esse. Is enim, cum legatis suæ gentis à uicino quodam Rege uestes per contumeliam decurtatæ essent, ac barba contra morem rasa esset, iussit ut extremo regni oppido se tenerent, nec prodirent in publicum, donec barba creuisset. Quid aliud sensisse sanctissimum Regem creditis, quam ad officium boni uiri pertinere hanc quoq; diligentiam cautionemq; ne genere uestitus, aut similibus rebus, cuiusquam oculos offendat?

Scholasticis
militares.

At hanc diligentiam maximè nos scholasticos prestare oportuit. Sed ô Deum immortalem, quis ordo, quod genus est hominum, qui has ineptias magis amant quam scholastici? Militaris plerisque habitus delectat, quem non uno modo deformant, sed quantum quisque potest, monstruosum facit. Ac tum demum sibi fortes uiri, tum satrapæ, denique plane beati uidentur, cum maximè nouum habitum, maximèq; abhorrentem ab oculis bonorum uirorum excogitarunt. Quædam format, quia non possum uerecundè nominare, prætermitto. Effet enim optandum, ut abderent ac tegerent diligentius eas partes, quas natura ipsa abdedit, ne in promptu positæ ambitiose se ostenderent. Non neglexerunt hanc partem sapientissimi legum latores in Græcis ciuitatibus. Scribit enim Xenophon in institutis Lacedæmoniorum, Lycurgum præcepisse, ut pueri in publico, manus intra uestes continerent, ut taciti incederent, ne circumspectarent, nec deijcerent oculos ab his, quæ ante pedes essent.

Et quis

Verecundia
gentilis.

Et quidem hæc magnarum uirtutum tyrocinia quædam esse existimant: Ait. n. Xenophon, ideo hæc instituta esse, ut ad uerecundiam, pudorem ac modestiam à prima statim pueritia adsuescerent. Quanto magis nos, qui in scholas missi sumus, ut non modò literas perciperemus, sed ut ad omnia honesta officia institueremur, hæc incunabula modestiæ, in uestitu atq; in excessu seruare oportuit?

Verùm quid hoc monstri est? aliud oratio scholarum sticorum disputantium, de honestis officijs, aliud uestitus inquitur, quæ summam impudentiam præ se fert. Planeq; miror quid illis in mentem ueniat, cùm cogitant, quantum à se ipsi dissentiant, quàm non conueniat ad orationem suam, ad studia, hic habitus. Si in scena prodiret cum habitu scurra Agamemnō, nemo non uociferaretur, illum histrionem decori oblitum esse, nescire scenæ, quod aiunt, seruire. Tam morose iudicamus in ludis. Quid putatis graues uiros iudicare in serijs rebus, quantum huic scenæ nos seruire uelint, in quam, quia ludum hunc esse non modo literarum sed omnium uirtutum percipiendarum arbitrantur, ideo deducti sumus, ut hinc optima disciplina adsuescatis, bonos mores ad Remp. afferamus? Sed quales mores afferent illi ad Respub. qui tanquam in impudentiæ ludo uersati essent, iudicia bonorum uirosum contemnere consueuerunt, qui pudorem & uerecundiam penitus ex animis eiecerunt, qui legum metu deposito, licere sibi quidquid libet, existia-

Agamemnon
in habitu
scurra.

exifimant? Multa enim, ut dixi, uitia alit illa ineptiarum affectatio.

Quam spem de se præbere bonis uiris potest is, qui in prima pueritia legibus se coherceri atq; gubernari non est passus, sed qui, tanquam Tyrannidem teneret, suo arbitrio uestire, suo more uiuere uoluit? Nemo profectò illum in ulla uite parte moderatum, aut legum metuentem fore credet. Et hac impudentia pleriq; sunt, qui ex scholis postea, non tantum ambiunt administrationem ciuitatum, sed multò honestiorem prouinciam docendæ religionis, ad quam asferre singularem modestiam oportebat.

Eberardus
Barbarus.

Audiui in terra Sueuica Principem fuisse summam prudentia ac pietate præditum Eberardum Barbarum, sic enim uocant; Ad hunc aiunt uenisse iuuenem quendam petentem sacerdotium, fortè huic uentus aperuit uestem, ut uideret Princeps scissas militari more caligas. Id nunc nemo tegere studet, tanta est impudentia in illo casus retexerat: Ibi Princeps, ut erat acerrimus exactor custosq; discipline morum, ita cõmotus est, ut quanquam loqui latinè nō soleret, tamen ira ei hec uerba expresserit: Vade ira. Sic illum, quia ei succederet, è conspectu suo abire iussit. Ac tantum abfuit, ut sacerdotium conferret, ut etiam uehementer oburgatum dimiserit, quòd in Principis conspectum uenire cum scarræ habitu, quòd ambire sacerdotium ausus esset, cum hac significatione impudentiæ, ac lenitatis, à qua longissimè abesse sacerdotes decet.

○ ccc

O censuram dignam laude, dignamq; memoria uestra commilitones. Merito enim tanti uiri, cui fama est in hoc toto Germanie Imperio, summam sapientie laudem tributam esse, commoueri iudicio debemus. Huic enim omnes populi cum omnes ordines, in concilijs populorum Germanie de maximis rebus sepe adfensi sint, adsentiamur et nos hac in parte, et statuamus id quod res est, nulli nō ordini hominum hæc ineptias, sed maximè scholasticis indecoras esse. Neq; uerò sic ille sensit: & nunc sentiunt idem omnes boni uiri, & omnium honestorum hominum hac de re consensum consentiunt. Quis enim uestrum, qui modò liberaliter institutus est, qui nisi sit impudentissimus, audeat in conspectum sui patris cum inusitata ueste uenire? Quod cum ita sit, putate hæc uitia in cōmuni odio bonorum uirorum omnium esse.

Quanquam autem merito pro legibus haberi debeat, quidquid omnes boni uiri sentiunt, tamen si minus apud uos alienorum autoritas ualeat, ualeat apud unumquemq; sui patris authoritas, quam est pietas quedam maximam & grauissimam ducere. Quare si parentū animi ab his ineptijs in uestitu abhorret, abhorrent aut haud dubiè, uoluntatem illorum pro lege habeamus. Neq; enim existimare debemus hæc tantum leges esse, quæ sunt in publicis libris scriptæ. Hæc lex non in æs incisa, non tabulis lapideis insculpta est, sed in animis nostris scripta diuinitus, ut parentum iussa non minoris faciamus, quàm illa prætorum edicta. Et

Voluntas patrum pro legibus habenda.

Pp iij tamen

tamen extant etiam Magistratuum leges hac de re: extant & præter hominum doctorum præcepta, in sacris literis grauissimæ admonitiones, ut ambulemus coram hominibus inuicti, hoc est, ne quid incestu, sermone, gestu indecorum admittamus. Et Paulus iubet fugere iuueniles cupiditates, significans, ut de his homines interpretantur, delicias illas in uestitu, aut in reliqua corporis actione. Quid est autem, si non est insania, neque bonorum uirorum iudicijs, neque parentum, neque legum, neque sacrarum literarum auctoritate permoueri? Neque leue peccatum sit oportet, quod tanto consensu honesti homines uniuersi damnant: sed uident illi quantam ruinam trahant hæc initia, cum in paruis rebus discessum est à maiorum institutis, perspicuntque quæ discipline perturbatio sequatur.

Hæc argumenta uos commoueat optime Commilitones, ut longum ualere dicatis illis in uestitu ineptijs, semperque ueniat in mentem, illas non minus esse turpes notas, quam stigmata, quæ damnatis rerum capitalium inuruntur: uestis enim uirum facit. Quare si sint indecora, nocent existimationi, non aliter atque illæ, ut uocant, Thraciæ notæ. Porro talibus stigmatibus delectari, ea uerò inaudita amentia est. Ad hæc dum cupiditatibus, ut uidentur, leuioribus nimium indulgetis, interea multa alia uitia uires accipiunt, legum contemptus, audacia: adiunguntur corrupta sodalitas, honesta studia omnia deseruntur, succedit ocium, id est voluptates inuitat. Atque harum rerum qui fit exitus

Stigmata ineptiarum uestitus.

que κατὰ πρόφῃ, sæpe uidemus. Non igitur nihil periculi est, ut quidam existimant, ignoscere sibi in his nugis, ut uocant: Nimis quàm uerum est has nugas seria ducere. Vetus est uersiculus, magna teneri non posse, si parua negligenter tueamur.

ἡ μὴ φουλάσσεις μὴν ἀπολαῖς τὰ μείζονα.

Idem hic fieri uidemus: Nam qui parum firmi sunt aduersus has leuiiores cupiditates, hos citius opinione alia maxima mala oppriment. In primis autem nos qui Christo nomen dedimus, uerecundiam ac modestiam in omnibus uitæ partibus colere decet, & quia ea uirtus Deo in primis placet, & ut bonis exemplis aliorum mores meliores reddamus.

D I X I.

ORATIO CVIVSDAM STUDIO

si de capta & direpta urbe Roma,

Anno 1527.



¶ Tsi intelligebā, eos, qui hoc loco pro more scholæ fictas fabulas agunt, multo minus oneris sustinere, quàm qui ueras causas tractandas suscipiunt, tamen me non fiducta ingenij, quod sentio, quàm sit exiguum, sed magnitudo doloris perpulit, ut hunc in locum non fictum argumentum ex ueteri aliqua tragœdia, sed historiam adser-

Pp iiii rem

Direptio urbis
Romæ.

rem nimis quàm ueram. Sum enim dicturus de crua-
delissima urbis Romæ direptione, & deploraturus
indignissimum casum ciuitatis, omnium reginæ atq;
dominæ. Ebenim cum nemo tam ferus sit, tamq; pro-
fus ab hominis sensu alienus, qui non acerbissime fe-
rat indignam patriæ, quæ genuit quæq; educauit, for-
tunam, quo tandem animo nos accipere urbis Romæ
interitum atq; excidium decet, cum ea urbs una in
terris fuerit omnium gentium communis patria? Ego
profectò non minus illius calamitatē commoueor,
quàm eius ipsius oppidi; quod me primùm nascentem
excepit, aduersis rebus perturbarer. Cum igitur esset
hoc in loco mihi pro more dicendum, non potui, cum
esset animus dolore occupatus, alia de re orationem
instituire. Vbi dolet, inquit, ibi manū habet. Quæ
re cum assidue uersaretur ob oculos eius urbis dire-
ptio atq; incendium, quæ nobis leges, quæ religiones,
quæ omnes honestas disciplinas tradidit, deniq; à qua
plura beneficia, quàm ab ipsa patria, in qua quisq; ge-
nitus est, omnes accepimus, coegit me magnitudo do-
loris, de fortuna urbis, deq; miserrimis temporibus
queri, præsertim in hoc cœtu, apud homines doctissi-
mos, qui intelligunt quantum huic urbi, ex qua
literæ, & humanitas huc importata est, omnes ge-
tes debeant. Quod autem de capta Troia Virgilium
præfatur:

Quis cladem illius nobis, quis funera fando
Explicet, aut possit lachrymis æquare labores?

,,
Romana bene-
ficia.

ego multò iustius usurpem : Nulla est enim tanta eloquentia, quæ atrocitatem huius rei pro merito exponere possit, quæue explicare queat, quantam ruinam omnium optimarum rerum, huius unius urbis euersio secum trahat. Quid ullo seculo accidit indignius, quàm quod ille ipse exercitus, qui à Cesare in Italia, ad salutem omnium bonorum, ad custodiendam urbem, Imperij arcem, collocatus erat, illi ipsi urbi nefariam uim, contra optimi Principis Caroli uoluntatem, contra discipline militaris leges, contra auspiciam, contra maiorum exempla, intulit? Est enim liberandus culpa Caesar, qui etiamsi iustis de causis Romano Pontifici irascitur, tamen hoc exitu uictoriæ minime delectatur. Neque enim obscurum est, cum naturâ ad clementiam moderationemque duci, & à crudelitate abhorrere. Et cum maiores suos nomen ac titulum Imperij in hanc nationem à seruata urbe Romania intulisse uideat, dubitari non debet, quin in illorum intuens exempla, intelligat omnes imperij opes ac uires ad huius urbis salutem defensionemque maxime conuertendas esse, & ab illa uim atque uastitatem depellendam. Quàm multos numerare potest, cum imagines auitas aspexerit, qui turbulentissimis tempestatibus urbem Romam maximis terroribus liberauerint, qui quanquam periculosissimis bellis domi impliciti, tamen uelut ad patriam defendendam huc summa uirtute accurrerint, quia in huius unius urbis periculo periclitari omnium gentium salutatem existimabant.

Exercitus
Cæsar's indi-
gnitas.

Carolus V.

Clementia
Caroli.

existimabant. Huc adde, quòd nullius Regie familie, si quis omnes numeret, plura clementer aut pie facta recenseri possunt, quàm Austriacæ. Et maiorum suorum adeò non dissimilis est Carolus, ut quantũ omnes Imperij magnitudine antecedit, tantum etiam uincat clementia. Quod enim in illa historia factum clementius legitur, quàm quod inimicissimum Regem, à quo bellum contra ius gentium motum erat, captum in caue, non modò dimisit incolumem, sed etiam denudum affinitate, in regnum restituit? Tantam clementiam ac bonitatem nulla humana uox pro dignitate predicare atq; ornare potest.

Exercitus
Graecia.

Longè igitur fallitur, si quis in tale ingenium tantam iracundiã cadere existimat, ut ullas quamuis magnas iniurias hoc modo ulcisci uoluisse uideatur. Illi uerò priuatum dolorẽ, uel urbi ipsi, à qua Imperiũ nomen habet, uel tot sanctissimis aris, uel altarium gentium, quæ suas Resp. sine huius urbis consilio tenere non possunt, utilitati condonasset, quamuis iratus, si licuisset ei præsentì, rem subitam minimeq; expectatum regere ac gubernare. Quare Cæsar nullo modo in hac oratione accusandus est, qui exercitum in Italia ad custodiam tranquillitatis publicæ habuit, non ad latrocinium exercendum, non ad euertendam urbem imperij arcem, non ad prophananda templa, non ad diripiendæ bibliothecas, non ad trucidandos sacerdotes, non ad uirgines & honestas matronas rapiendas. Hæc cum omnia tegi suis armis, suoq; exercitu Imperator

ator uellet, exercitus, ut sæpe aliàs accidit, contra disciplinam militarem, cōtra fidem Imperatori datam, uaritia, ad dirpendam urbem opulētissimam, quam ne praesidio esse animaduertat, incitatus, omnia iura atq; humana iura uiolauit. Hos latrones optimo iure accuso, qui iniussu Imperatoris sine legitimis uicibus, urbem Romam inuaserunt. Finge iustam causam fuisse Romæ inuadendæ: tamen seditio est, ne legitimo Imperio impetum in quenquam facere. Quid autem tam contrarium militiæ est, quàm seditio? quia hanc unam ob causam, iure gentium bella geruntur, ut coerceantur hi, qui per seditionem, ne Magistratum auctoritate, arma capiunt. Non igitur milites nocendi sunt, qui iniussu Imperatoris urbem expugnauerunt, sed quoniam ius gentium commune uiolarunt, hostes non modo Imperij, sed uniuersæ societatis hominum. Romani aliquot Imperatores alij in filios, alij in Principes ciues capitaneiter animaduertunt, quia iniussu Imperatorum, cum legitimis hostibus prouocati pugnassent, fuitq; tanta disciplina seueritas, ut hostium loco haberentur, qui præter Imperatoris edictum, gladium strinxissent. Quanto iustius hostium loco ducendi sunt isti Latrones, qui inauditam crudelitatem iniussu Imperatoris aduersus inermes exercuerunt? At quam tandè ob causam scuitū est in urbem? Quia pecuniam non numerant auaro atq; crudeli exercitui. Quid aliud causæ latro dicat, cur uiatorem occiderit? Olim Gallos prope-

Militaris disciplina apud Romanos.

Causa urbis tentata, auaritia.

propemodum iusta ira pertraxit ad urbem : nam Legatus Romanus contra ius gentium in acie pugnauerat. Ipsi latrones nihil causantur aliud, quam pecuniam non esse datam, quam flagitarunt. Non igitur tentata urbs est, quia Gallus et Venet uesset alieno animo erga Caesarem, quia Gallis et Venetis esset equior. Nihil in gratiam Caroli susceptum est. Auaritia et amplissima praeda spes perpulerunt, ut transgressi Apenninum, maximis itineribus summa celeritate cōfecti ad urbem properarint. Nec dierum aliquot inedia, nec hostis à tergo, et à lateribus remoratus est iter. sic accenderat omnium animos praeda cupiditas. Hec si iusta causa oppugnationis uideri potest, non intelligo, cur non omnes latrones excuset praeda cupiditas. Si haec iusta bellandae causa in terris est, nihil obstat iam, quò minus in urbibus unusquisque inuadat in aedes locupletiorum, si quidem ex praeda ius est mandandum erit.

Sed non disputabo subtiliter de causa, nec patrociniabor Pontifici, in quem culpa confertur. Nullam igitur in uictoria moderatione utendum fuit? Nullum ne discrimen sacrarum ac prophanarum rerum habendum? Quis tam crudelis unquam uictor fuit, quam apud Ethnicos, qui non abstineret uim à templis? Augustinus scribit, Gotthos, cum cepissent urbem, non modo à Christianorum templis uim abstinuisse, sed etiam his donasse uitam, qui cō profugerant. Tanta nominis Christiani reuerentia apud barbaros illos fuit, qui

Gotthi sacris
pepercerunt.

qui doctrinae coelestis ignari, nomen tantum Christianorum audierant. At isti sacrilegi quas aras, quod sacellum reliquerunt intactum? Et accepimus non tantum omnia sana spoliata esse, monumenta sanctorum uirorum preciosiora, et thesauros ad publicam utilitatem totius Italiae ibi conditos, direptos esse. sed etiam caede et alijs sceleribus prophanata esse, decantatae sunt per ludibrium sacrae cantiones. Ita nulla non contumelia affecta est religio Christiana. Quid Turcae aliud faciunt expugnatis Christianorum urbibus? O ueram uocem Poetae, qui dixit:

Nulla fides pietasq; uiris qui castra sequuntur.

Quae uox si unquam alias, nunc maximè usurpari potest. Nunquam enim antea captis urbibus perinde polluta sunt ac prophanata omnia sacra. Nunquam ante in Germanico milite notata est auaritia, nunquam sacrarum ac diuinarum rerum similis contentus fuit: sed cum alijs in rebus continentior ceterarum nationum militibus haecenus fuit, tum singulari religione uim à sacris rebus abstinuit. Nunc autem o Dij immortales, quàm dissimilis hic exercitus maiorem nostrorum fuit? quàm longè degenerauit à ueterum modestia? Maiores nostri nihil præter uictoriae laudem cupiebant domum reportare. Itaq; nec priuatorum fortunas diripiebant, tantum abest, ut attigerint res sacras. Nec procul exempla continentiae requirenda sunt. Quis toto Veneto bello à Maximiliano exercitum unum oppidum audiuit direptum esse? non
 ms pro

Maximilianus
in uindicanda
auaricia acer-
rimus.

mo profectò. Et Maximilianus ipse, cum esset in puniendis delictis lenissimis, tamen in uindicanda auaritia militum acerrimus fuit. Etenim cum in eo bello capta Vincentia, quidam iniussu suo in aliquot ciuium aedes prædandi causâ impetum fecissent, statim totam illam cohortem oppressit, & plures ducentis securi percuti iussit, ut eo exemplo ostenderet, non omnia uictoribus in uictos licere.

Hispani nouæ
discipline
eragianti.

Habes Carole Cæsar auitum exemplū, quid de exercitu iudicare te oporteat, qui auaritia corruptus, omnia diuina atq; humana iura uiolauit. Et haud scio, an noceat nostris hominibus cōtagio Hispanorū, ut uereor, nouæ discipline Magistros habent. Ab his tanquam lanistis auaritiam crudelitatemq; discunt.

Non minus autem sacrilegium est, bibliothecæ, quàm phana diripere. Non enim inter sacras res, aut diuinas recensenda sunt aurea uasa, quibus in ceremonijs nostris utimur: & non recensendi sunt libri, qui cœlestia oracula, qui doctrinâ religionis, alias honestas artes diuinitus ostensas generi humano, continent. Neq; uerò usquâ bibliothecæ locupletiores sunt, nullæ, quàm fuerunt Romanæ. Huc omnis generis scriptores ex toto orbe terrarum, magna cura bonorum Pontificum conuecti sunt. Huc nuper adeo, quicquid reliquum fuit literariæ suppellectilis in tota Græciâ, importatum est. Hæc monumenta cum eterna esse debuerint, tamen furore militum aliqua ex parte corrupta dicuntur. Et haud scio, an impia flamma per

Bibliothecæ
Romane.

urbem uagata, bibliothecas etiam attigerit. O iactus
 ram nullo unquam seculo reparabilem. Quot religio-
 nis nostræ interpretes, qui præterea nusquam extant,
 quot aliarum optimarum artium auctores amissos
 arbitremur? Quis uon uehementer doleat tot seculo-
 rum labores, tot nocturnas uigilias à doctis hominibus
 ad utilitatē posteritatis lueubratas, in hanc fortunam
 incidisse? Statuas, aut picturas elegantes magnorum
 uirorum magno cum dolore amittimus, quas uel pro-
 pter artis bonitatē, uel propter memoriam eorū, quos
 representabant, si fieri posset, eternas esse optamus.

Quantò magis dolere debemus tot ingeniorū im-
 eritum? quæ non modò propter scriptorum pulchri-
 tudinem miramur, sed etiam propter utilitatem ama-
 mus. Neque enim retineri Respub. sine honestarum ar-
 tium cognitione, et sine libris possunt. Cum igitur
 arma geri debeant ad tegendas omnes pacis ar-
 tes, uidete quantū scelus isti latrones admiserint, qui,
 uæ armis defendi inprimis oportuit, ea noua et im-
 uerita amentia dissiparunt atque euerterunt. Hæc
 im in urbibus bello captis, non aliter atque templa,
 sacra symbola, aras, boni Imperatores semper conser-
 uari iusserint: isti odio, credo, religionis Christianæ,
 in ueruti sunt impijs manibus lacerare ac perdere.
 Non est autem obscurum, quantum detrimenti acce-
 rit Resp. bibliothecis illis dissipatis, quæ in Eccle-
 siasticis dissensionibus tanquam oraculum consuli so-
 lant: ex quibus publici legū libri, præterea omnium
 bonæ

bonarum artium emendabantur. Neq; uerò studia literarum sine literis ac libris emendatis florere possunt. Quae si extincta fuerint, quae barbaries, quae religionum confusio, quae ciuitatum perturbatio apud omnes gentes secutura est? Non igitur ad unam urbem haec calamitas pertinet, sed ad omnes gentes, quae retinere religiones, ac studia bonarum artium sine Romanis bibliothecis non possunt. Neq; uerò impunè erunt istis latronibus, tot scelera in unius expugnatione nobis perpetrasse. Videt haec Deus, inspector atq; arbiter omnium humanorum consiliorum atq; factorum. Huic ulciscetur contumeliam templis, libris & similibus monumentis religionis illatam, non aliter atq; de Rege Assyrio supplicium sumpsit, qui sacra uasa Hierosolymis abiata prophanauit. Neq; illa uox Baptistae cuiusdam, quem Romae aiunt, & antea ciuibus bene cladem, & postea uictoribus minatum esse, sine timore emissam uidetur. Legistis enim, ut opinor, dixisse Baptistam illum, futurum, ut rapta undique spolia breui reuoluant. Neq; enim diu tolerare Deus sit contemptum, superbiam in rebus secundis, crudelitatem in imbecilliores, potest. Non enim possum hic dicere qualem carnificinam in tota urbe exercuerint. Nec debet commemorare raptas à complexu parentum uirgines, non abstractas à maritis honestas matronas, non mactatos senes ac sacerdotes. Quanta enim fuerit à urbe licentia audacissimorum hominum, inde expleri potest, quòd duodecim diebus, nullos habuit ex-

Danielis
Capit. V.

Baptista.

citus militari more, Magistratus. In tot dierum ἀναρχία, tranquilla alioqui ciuitas, nihil non mali ab urbana multitudine pertulisset. Quantò atrocioran esse fuit accidere ab armatis & uictoribus? Est enim uerissimum illud, quod apud Euripidem Rex quispiam dicit: Nullo non incendio seuiorem ἀναρχίαν exercitus esse. Nusquam audiuius aut legimus, in ulla ciuitate capta, tantam licentiam exercitus uictoris fuisse ut tot diebus nullis Magistratibus regeretur, aut coherceretur.

Accepimus & antè Romam captam esse, primùm à Gallis, deinde post multa secula à Gotthis. Verùm multò grauius hoc tempore afflicta uidetur. Galli enim tantum in desertas aedes se uierunt. Ciues partim in Capitolium se receperant, partim Veos profugerant, intenti in occasionem rei bene gerendæ. Nam arcem Vrbs, non Imperium, non Magistratus, non sacra, non cætera ornamenta amisit. Postea Gotthos, quanquam ex lōginqua obsidione irati: uehementius essent, legimus ita moderatos esse in uictoria iram, ut edictum etiam propositum fuerit, ut parceretur his, qui in templa Christianorum confugissent, & ut urbs sine cæde diriperetur. Atqui hoc tempore tantum abfuit, ut à sacris rebus abstinerint uictores, ut non cupidius aliunde prædati sint. Cædes factæ tota urbe miserorum ciuium: Bona ciuitatis pars incendio deleta. Studia omnium honestarū rerum, quæ ibi floruerunt, armis contrita, obmutuerunt. Abolita sunt & hæc,

ἀναρχία
exercitus &
licentia.

Galli.

Gotthi.

Germani &
Hispani.

Quæ

quæ

que si mansissent, instaurare collapsam urbem potuissent ueteres Magistratus, leges, forma iudiciorum.

Iustus igitur hic dies, qui fuit pridie nonas Maij, (eo enim proximo anno urbs capta est) inter atros, quàm Aliensis numeretur. Ac uereor futurum, ut ad posteros hic dies multo uerius Aliensis uideatur illi urbi fuisse, quàm ullus alius: Neque enim facile se ex tanta calamitate urbs recreabit. Ac uide quantum distet ab exemplis ueterum Germanorum, huius exercitus facinus. Carolus primus depulsis ab urbe Longobardis, à uastitate urbem atque Italiam prohibuit. Ottho primus liberauit eam Berengarij Tyrannide. Et ut multa omittam, fortissimus ac sapientissimus Princeps, auus Carole tuus Maximilianus, quanto consilio Gallum ducentem maximum ac fortissimum exercitum ad urbem, irritatum atq; accensum odio Iulij Pontificis, inde usq; à Rauenna, ubi maxima pugnâ exercitum Pontificium uicerat atq; fugauerat, ad ultimam Gallie oram, in Belgicum retraxit, ne quâ clade urbs ab irato uictore afficeretur? Nunc autem temporum labem, ille ipse exercitus, quem Cæsar uniuersæ Italiæ præsidio esse uoluit, inauditam crudelitatem in urbe Principe totius Italiæ, imò totius oris exercuit. Non exempla ueterum Germanorū, non dignitas urbis, non ingentia beneficia collata in omnes gentes, flexerunt eos ad misericordiam. Quis non doleat usq; adeò deformatam esse eam urbem, quæ olim rerū, ut inquit Virgilius, pulcherrima Princeps, imperij

Exempla ueterum Germanorum.

Roma Princeps Imperij.

perij omnium gentium fuit, quæ una exempla plura uirtutum protulit, quàm omnes ubiq; aliæ ciuitates: quæ nobis leges, quæ literas, quæ religiones, quæ humanitatem, quæ omnes honestas disciplinas, quæ denique omnem benè uiuendi rationem nobis tradidit, ut hanc urbem semper tanquam communem patriam omnium gentium homines coluerint. Nonne tot urbis meritis, etiamsi quid peccasset Pontifex, condonari debuit? Nunc Pontificis peccatum furiosus exercitus parricidio uindicat, dum sceleratas manus in urbi iniicit, quæ nobis omnibus pro patria esse debet. Longè enim plura beneficia ab ea unusquisq; nostrum accepit, quàm ab eo loco, qui nascentem primum excepit. Ad hanc urbem omnes controuersie omnium gentium delatæ sunt. Hæc tanquam in excubitis semper fuit ad retinendam religionem. Hoc semper in terris doctissimorum hominum domiciliū fuit. Hæc fugientes omnes honestas artes ex Græcia exuantes excepit. Hic nuper omnes bonæ disciplinæ tanquam renatæ sunt. Hinc in omnes terras propagatæ sunt, non aliter atq; semina frugum in totū terrarum orbem, à Triptolemo sparsa sunt. O ingratos homines, qui si hæc beneficia intelligunt, nullam putant se hic merenti ciuitati gratiam debere. O amentes, si non intelligunt.

Nonnulli odiose colligunt urbis uitia et incommoda, quæ inde ad alias gentes peruenerunt. Sed est stulti hominis, quod dolet meminisse, quod placet ob-

Vrbis uitia
odiose colligi.

Qq ij liuisci.

iuisci. Hoc erat humanius, commodum agnoscere, &
 tam multis benefactis incommoda condonare. Quae,
 qualiacumque sunt, talibus certe remedijs corrigi non
 poterunt. Nemo dubitet parricidij esse reum, qui pa-
 tri leuiter deliranti oculos effodiat, aut praecidat me-
 nus. Quid igitur hoc aliud est, quam parricidium,
 tam atroces poenas de patria propter nescio quae er-
 rata sumere? Itaque miseret me non modo fortunae ur-
 bis, sed etiam aliarum gentium: Magnam enim tem-
 nam bonarum rerum apud omnes nationes hic ur-
 bis casus, ut uereor, trahet, nisi respexerit Deus pro
 sua summa bonitate, & horum malorum, quae im-
 pendent, remedia ostenderit. Vos quoque existimo de
 interitum nobilissimae urbis doleret, um impendens
 tam malorum metu perturbari. Etenim cum coli patriae
 honoribus ab omnibus debuerit, tamen a nobis maxime,
 qui lingua ciuitatis utimur, quique plura quam uulgo
 beneficia ab illa accepimus, id fieri debet. Ius nobis a
 uulgo commune est: studia optimarum artium, non
 sunt communia, quae longè antecellunt alijs omnibus
 humanis rebus. Vos igitur uerè Quirites, quoties
 funestam luctuosamque patriae direptionem recorda-
 mini, expendite quae a nobis officia tali tempore
 quaerantur. Bona uulgi pars ridet Sardonium risum
 aliena calamitate, & triumphat, quasi re bene gesta
 a quorum opinione longissime uos abesse conuenit.
 Neque enim intelligunt, quid illi urbi debuerint, et
 quid detrimenti ex eius interitu Respub. accepit.
 Deinde

Roma patriae
 honoribus
 colenda.

Deinde cum in hoc misero urbis casu uidentur etiam studia literarum in quoddam discrimen uenisse, uos quod bonos ciues decet, magis in hæc studia incumbite, quæ si conseruauerimus, non desperandum est, quin urbs ipsa rursus in pristinum statum et dignitatem resitui possit.

D I X I.

VITUPERATIO EBRIETATIS

scripta à Vito Vuinsemio.



Arcus Cato, cum aliquando ad plebem Romanam importunius de diuisione frumenti atque alijs suis commodis tumultuantem, orationem, qua placaret eos, habere instituisset, et parum æquis auribus se à plerisque audiri animaduertenteret, in hunc modum initio dicendi fertur exclamasse: Quàm difficile est, inquit, ad uentrem uerba facere, qui aures non habet? Sentiebat enim surdo fabulam cantari, si quis, præsertim apud uesanam multitudinem, uentri leges dictaret.

Venter caret
auribus.

Idem ego mihi quoque accidere uererer, si hæc oratio, quàm iussu præceptorum de sobrietate ac temperantia institui, mihi alicubi in coetu uulgi ac heluorum, pro nulla re magis quàm pro uentre sollicitorum habenda esset: hi enim ad primam statim mentionem sobrietatis, me risu et clamoribus exploderent.

Qq iij aut

Heluonum
furor.

aut indignantes è medio perturbarent. Non enim in-
mitius seuit ira leæne, abrepis catulis, quàm furor
istorum heluonum, quando uentri suo & gulæ finem
modumq; statui audiunt. Quare si in tali theatro per-
orandum esset, causam mihi hanc relinquendam, &
capite obuoluto, qua possem exeundum putarem.

Cùm uerò in hoc doctissimorum uirorum & ado-
lescentum confessu, quibus cum honestissimis ingenu-
arum artium studijs, cum Musis, hoc est, cum huma-
nitate commercium est, quibus plus sanæ mentis in-
esse, & mores ac sententiæ cum studijs congruere de-
bent, contra ebrietatem, qua in hac quidem uita nîl
foedius esse potest, dicendum sit, nihil dubito, quin
satis equos & benignos auditores sim habiturus. Et
me contumelia uos afficere iudicarem, si uelut dubi-
tans de uestra in hac causa beneuolentia, longa præ-
fatione eam mihi conciliandam putarem. Quapro-
pter hac quidem parte omissa, unum uos precabor, ut
si minus quàm pro atrocitate ac foeditate huius flagi-
tij dicam & propter imbecillitatem oneri succum-
bam, id pro uestra equitate etati meæ, quam graui-
bus argumentis tractandis, adhuc immaturam esse
detis, et tenuitati ingenij condonetis. Quod me qui-
dem à uobis non difficile impetraturum, spondet sum-
ma humanitas uestra mihi non ignota.

Ommissa igitur longiore præfatione, ad rem poti-
us ipsam accedamus. De temulentia mihi & ebrietate
in præsentia oratio erit, adolescentes, de qua ego, sed
dico

alio quodā modo dicere possum, quod de uirtute Plato dixit, incredibiles eam amores in animis hominū, si oculis perspicere posset, excitaturam: Ita ebrietatem, si eius turpitudine, quanta est, à nobis cerneretur, ac si nō oculi nostri rem tam fœdā consuetudine quadā, quā nihil in rebus malis nocentius est, propè iam ferre didicissent, haud dubiè grauissimum odium sui apud omnes parituram. Nemo enim est, qui non toto corpore atq; animo cohorresceret, ac uelut abominosum & infausum aliquod monstrum paueret, quoties in ebrij alicuius hominis conspectum incidisset, si non ueluti morbo quodam oculi nostri hebetati cæcutirent, & mentes ad sensum tantæ fœditatis consuetudine ipsa iam occaluisse. Si enim cum quid in naturarum à communi lege ac ordine deerratum uidemus, exhorrere atq; ea mōstra abominari solemus, utpote cum ex boue bicipites uitulos, ex sue canem editum, aut aliquid inusitatū ē terra natum, uel in cœlo conspectum accepimus, non minus certè abominabile & obscœnum portentum iudicandum est, cum homines excellentissimam illam naturam, quæ ad gloriam Dei, ad immortalitatem, ad uirtutem atq; temperantiam condita est, illa immani heluandi ac perpotandi consuetudine, ita ex hominibus in feras bestias transformari uidemus, ut præter oris lineamenta in illis humani nihil amplius agnoscere possis.

At quid de bestiis dico, quarum uita ut ut est, multò certè, quàm horum hominum, minus est detestabi-

Ebrietas
monstruosa.

Q. q

iii

lis, ut

Miserabile ho-
minis excellen-
tiâ deformari.

lis, utpote quæ naturæ ipsi tamen conformis & con-
sentanea est. At isti homines fugere prorsus seipsi, &
hominem ex homine exuentes, naturam humanam
odisse uidentur, imò uerò cum ea belligerantur, et ex-
pugnata ipsa, aliam, ac nimio plus quàm beluinam
induunt, ut rectè dictum sit: Omnem naturam quæ à
,, sua specie degeneret, in multò deteriore abire, quàm
,, sit ea quam natura ingenuisset, & cum horrendum,
tum uerò etiam miserabile est, ex omnibus animantib.
unum hominem tam longe ab ea excellentia, ad quam
diuinitus conditus est, degenerare. Quid enim esse aut
cogitari potest, non iam dicam humanitati, sed ipsi
omnino naturæ magis aduersum, quàm suis membris,
ualetudini, uitæq; propriæ, ultrò, & nulla de causâ
uim afferre? Solent hoc nonnunquam facere, qui men-
te capti, atque ob furorem, ne seipsos ledant, uinculis
cohercentur. At isti heluones, qui adhuc mentis ac
rationis compotes, si dijs placet, uideri postulant, si
modo sunt, et non multò grauiori genere furoris agi-
tantur, hostilem in modum sibi ipsi manus afferunt, in
seipsos seuentes, infestissimosq; morbos, cruciatusq;
que exitium, ultrò ac uolentes uidentesq; sibi accer-
sunt. Id ita esse quotidiana exempla nimis multa te-
stantur, et res loquitur ipsa, ut nunquam uerius quàm
hoc tempore dici potuerit, plures crapula, quàm gla-
dio occumbere: imò uerò plures crapula seipsos cru-
deliter occidere, quàm ullo alio genere mortis aut
casuum humanorum perire. Nam quod hæc sit com-

mutis

munis labes ac ruina sanitatis, animi pariter ac corporis, quod ad corrumpendum, ad frangendum uigorem omnium membrorum, ad exitium, ac mortem nulla magis compendiaria, nec breuior sit uia, non longum, neq; difficile erit ostendere.

Quem enim unquam uidistis ebriosum hominem, cui non in media iuuenta corpus omni genere morborum confectum, ac debilitatum, sensus omnes labefacti corruptiq; fuissent? occupat illos senium et occasus uitæ, dum adhuc sunt iuuenes, dumq; quam maximè uiribus pariter corporis, atq; animi uigere ac ualere debebant. Neq; id mirum, nulla enim pars est corporis, neq; animi, quæ non ista immuni perpotandi ac heluandi consuetudine grauissimè lædatur. Stomachum primum, & epar, quæq; alia membra nutritioni ceterorum destinata sunt, necesse est, isto poculorum profluuiio ita debilitari atq; corrumpi, ut neq; coquendo præparandoq; , nec distribuendo corpori hunc quo uiuimus uigemusq; sanguinem, amplius usui esse possint. Calor naturalis, qui coctionis effector est, quo, ut Cicero testatur, omnia aluntur ac crescunt, & sine quo neq; aliquidquam potest, nec crescere, ita in istis potu atq; ex eo natis uitiosis humoribus obruitur ac demergitur, ut uel nullum eius amplius sit, uel admodum segne in corpore ministerium. Hinc quam multiplicibus grauibsq; morbis afflicentur isti nepoteres, uidemus: neq; enim id rarum aut obscurum, statim color ipse, quem sanguis prout est, gignere solet,

Ruina sanitatis & salutis.

Morborum ex ebrietate series

Qq V que

quæ sit valetudo indicat, is uerò talis est, ut te, eorum
 quempiam intuens, emortuum cadauer, non uitium
 corpus putes intueri. Caput illis tremulum est, incerto
 motu nutans, uertigine laborant perpetua: ea præ-
 nuncia est apoplexiæ: oculi rubentes, & continuis le-
 chrymis stillantes, oculorum anguli tumentes: iudici-
 um id est cachexiæ totius corporis, qui gradus ad hy-
 dropis in proximus est, genæ labentes, et quales trahi-
 dis aut senio confectis aniculis, nasus morphaicus, or-
 ris halitus multò quàm cloacæ grauior, dentes putri-
 di, scabriquæ, spirandi difficultas, tussis, ructus, et vo-
 mendi expuendiq; , præsertim horis matutinis, sæ-
 da necessitas, lingua ad hæc titubās etiam sobrijs, uox
 rauca, & obscurus pro sermone stridor, manus tre-
 mula, nodosæ, morbo articulari fœdum in modum
 distortæ ac fractæ, uenter, quem quis uerius poculori
 latrinam dixerit, propēdens, morbosus, crura quidē
 elephantis, tumida, labentia, plena fœdis ac granito-
 lentibus ulceribus, pedes podagrosi: podagra enim
 istorum heluonum assidua comes est, & pedissequa
 Nam bellè conuenit, quod Epigrammaticus Græcus
 ait, Bacchum cum Venere aliquando concubuisse, &
 ex eo concubitu progeneratam esse filiam Podagoram.
 Hæc duo enim quæ per se ac sola plurimum nocent,
 quando in unum conueniunt, tum uerò nihil est ma-
 gis pestiferum. Fit autem plerunq; , ut homines tem-
 lenti ac ebrij, tunc, cum cibo potuq; ad summā dissipati
 sunt, ad res Venerias proruant sese. Hinc subitè mor-
 tes atq;

Venter poculo-
rum latrina.

Podagra Bac-
chi & Veneris
filia.

tes atq; intestata senectus, ut Satyricus ait. Hinc istum
 pоторum, penè porcorum dixeram, gregem circum-
 sistit uelut agmine facto morborum omne genus, sequi-
 turq; totius corporis & omnium membrorum extre-
 ma labes ac deformatio, cerebri tamen præcipuè: ea e-
 nim pars cùm temulentiae uelut sedes sit, ex omnibus
 grauissimè læditur. Nam cùm stomachus, cuius uirtus
 et calor, ut diximus, assidua poculorum proluuie ex-
 tinguitur, incoctos illos crassosq; uapores ad caput et
 cerebrum exhalat, uenæq; ac meatus ibidem replètur,
 atq; præcluduntur, necesse est magnam spirituum per-
 turbationem, sensuumq; ac motus totius corporis labe-
 factationem sequi: instrumenta enim sensuum sua poten-
 tia, ac uigore destituuntur, spiritus quo omnia in cor-
 pore uegetantur ac uiuunt, obstructo per uenas trans-
 itu non potest officio suo fungi, hinc pleraq; organa
 sensuum præmoriuntur. Neros uerò & ea membra
 quæ ex his cōstant ac motui delegata sunt, ea, inquam
 omnia fonte ipso ac principio neruorum cerebro læso.
 & ipsa sua ui destitui, ac debilitari necesse est. Hinc ibi
 la capitis crebra nutatio atq; grauedo, qua hoc genus
 hominum perpetuò laborat. Hinc manuum tremor.
 hinc omnium articularum dissolutio, quam paralysin
 dicunt. Vix manus amplius leuandis, & ad eos atque
 ad illam poculorum charybdim admouendis calicibus
 sufficit. Videtis ne quàm tremulo & uacillanti motu
 combibonibus calicem porrigant, & quantum inter
 porrigendū uini effundant? O miseros homines, qui-
 bus iam

bus iam etiam manus ad eam, quam ipsi solam, ac summam uoluptatem rentur esse, ministerium amplius denegat.

Medici facetia.

Memini ego Medicum quendam ad uirum equestris ordinis graui morbo decumbentem aliquando uocatum, et ab egroto atq; amicis de origine ac causis morbi, ut fieri solet, interrogatum, respondere: Fluxionem quandam è manu dextra in caput defluentem, fontem illi et causam morborum esse. Cum illi mirabundus quid id fieri posset, quæreretur, Medicus cantarum, qui propè in mensa adstabat potu plenus, protinus correptum ad os admouebat, ostendens hanc esse fluxionem tot morborum causam. Facet ille quidem nec minus uerè: sentiebat enim ualitudini nullam nocentiorum esse pestem, quàm istas perpotationes. Sed non audiunt Medicum isti nepotiores, neque quidem, cum alterum pedem in Charontis cymbabebent. Multo enim peius animo ualent, quàm corpori, id quod infra ostendemus. Nam cerebrum, quæ rationis ac mentis sedes est, ita illis concussum et labefactum est, ut non modo mente, sed ne sensibus quidem integris uti possint: destituunturq; non tantum illis uirtutibus, quibus homines à cæteris animantibus separantur, sed ijs etiam, quæ cum brutis nobis communia sunt, sensu ac motu.

Galenus crapulam à uibrando et quatiendo et pite dictam affirmat, et ab hac præcipua labe reissimè nomen inditum. Id satis in istis beluonibus apparet.

Galenus crapulam à uibrando et quatiendo et pite dictam affirmat, et ab hac præcipua labe reissimè nomen inditum. Id satis in istis beluonibus apparet.

apparet, quibus uel cerebri nihil est, uel si quid est, id ita est quassatum atq; affectum, ut suo amplius officio fungi nequeat. Declarat hoc sensuum, quos exteriores uocant, extrema debilitas in ebriosis, quorum iam non est diminuta actio, ut Medici loquuntur, sed corrupta prorsus, imò uerò per sepe etiam ablata. Non enim hi tantum, si qua sunt aliquo interuallo seposita uident, aut agnoscunt minus, sed etiam ea quae quidem sunt proxima. Surgit his mensi geminis luminibus, ut ait luuenalis: pro cantara una duas uidet: pro uno conuiuia geminos salutant: deniq; iam omnia conduplicata cernuntur eis: pro calice candelabrum, manibus prehendunt bibituri: foras ituri à ianua deerrantes, in fornacem incurfant. Atq; haec adhuc sunt initia morbi: nam si, ut plerunq; solent, sic heluari pergunt, postremo luminibus prorsus & auribus capiuntur, cæterisq; sensibus destituuntur, trabuntq; semimortua & enecta crapula misera corpora, et sunt reuera quod dicuntur, uiua cadauera, atq; terræ inut

Primæ ad pax
roxysmum æ
celisioes.

Viua cadauera

lia & execranda onera, donec alium apoplexia, alium morbus comitialis horribiliter prius excarnificatum extinguat. Nam hic morbus est familiaris hominibus ebriosis, atq; ipsa adeò ebrietas quid aliud est, si propius consideres, quàm species quedam morbi comitialis? præcluduntur enim crudis illis, densisq; uaporibus, quos, ut dixi, stomachus & cætera membra nutritioni destinata, à nimio potu exhalant, uenæ, atque meatus cerebri, ac per eos spiritui transiui negatur.

gatur, unde sentiendi & mouendi potentia cetera membra destitui necesse est, id quod ebrijs perinde ut morbo comitiali laborantibus accidere uidemus, multiq; sepe ita sunt subito prefocati, tetroq; et horribili genere mortis extincti. Cui tu infestissimo hosti istos cruciatus, atque hæc tam seua supplicia posu optare?

Vim mentis
lædit crapula.

Sunt hæc quidē, quæ corpus patitur à crapula, grauissima, sed grauiora tamen quæ parti præstantiori, nempe animo accidunt. Non enim tantum oculorum, aurium, manuum, pedum, ac ceterorum membrorum sanitas uigorq; ebrietate corrumpitur, sed multo grauius illæ *divæque* ac uirtutes animi leduntur, atq; u pars præcipuè in ebriosis suo naturali motu usq; destituitur. Nam quæ uis integra mentis in ijs esse potest uel ad percipiendas retinendasq; ueras ac propriarum rerum imagines, uel ad faciendum de illis sanum rectumq; iudicium, in quibus ut breuiter dicam, omnis corporis animiq; sanitas, non secus quàm in phreneticis labefactata, ac dissoluta est, sensus omnes uel in sede sua moti atq; uersi sunt? Quem uos igitur ullam re usum talium hominum esse, aut quid publice priuatæ rei ipsis mandandum putatis? Primum uoluptudo debilitata, ad omnia publica & priuata officia obseunda, ad res gerendas, atq; ad omnes contentiones suscipiendas eos inutiles reddit. Deinde cum omnis animorum atq; ingenij uigor ista nocentissima beluodii, ac perpotandi consuetudine ita sit enervatus, ut

ne scia

Natus uis in
ulla re ebriosis.

ne sensus quidem communis amplius sint compotes, quid ab eis consilij in grauibus atq; impeditis negocijs petas? aut quid rei serie committas credasue illis, quibus cerebrū perijt cor uino sepultum est? Prodeunt ad consultandum membris et mente corrupti, uinolenti, balentes etiamnū pridianam crapulam, semis omnes, oculis natantibus, uinum ac cereuisiā crudam incoctamq; adhuc redolentes: Summa, quorum neq; res, nec mēs officium suum facit. Hi deinde de grauissimis, nonnunquam etiam periculosissimis negocijs ententiam rogātur, quibus, Hercules, nō plus mentis est quā boui aut porco. Quid ergo respondent? Stulti iam celare, inquit Heraclitus, difficile est, in uino erō impossibile. Vocem ergo hi homines non in conuiuium tantum, atq; inter illa immania pocula, sed alio etiam saepe loco, & in consilio publico emittunt ex iugulum preditionum, eructant suam ἐὼλον καὶ πόσαν: non enim tacere possunt, nec uideri uolunt minus aliquid sapere. Afferunt ergo inter pocula & combibores suos meditatam iam ante, ac decantatam furiose aliquam fabulam, eam statim pro folio Sybillæ Delphico oraculo cum applausu audire, & cum sensu accipi, adorarique postulant. perieris si diffidias. O ter & amplius miseram ac perditam Rempublicam quæ à talibus administratur consultoribus. calamitosos & afflictos ciues, quibus hi leges dicunt. Quid enim tam absonum, absurdum, atque ab omni sensu humano alienum cogitari potest, quod iste su-

Stultitia remp-
lentorum.

**Faces Rerum
pub.**

**Conuicium
Achillis apud
Homerum.**

istæ furiosæ bestiae uel cum exitio publico non audeant? quas tragœdias nulla de causa illi non excitant? quibus motibus, bellis, atq; incendijs hi non miscent omnia atq; perturbant? Reuera faces Rerump. nam horribilium saepe cladium non uno in loco tales homines Rebuspub. authores fuerunt. Ilias malorum monet eas ciuitates, quæ sunt sub rectore temulento. Recte enim Cato dixit: Vno excepto, neminem unquam ad euertendam Rempub. sobrium accessisse: uix enim ulla Respublica diu stetit, quæ ebriosorum consilio gesta est: uix ulla non floruit, quæ à siccis ac sobrijs hominibus administraretur. Non igitur potuit Achilles apud Homerum atrocius conuicium ignauo, ac uesano Regi dicere, quàm ut temulentum eum uocaret, hoc uno probro quidquid erat grauissimorum flagitiorum complecti uisus. Nam in quibus hoc uitium radices egit, de illis nihil est, quod tibi pollicearis, aut speres moderati boniue: sunt homines omnibus partibus suis ac membris fracti, corruptique, omni genere turpitudinis & flagitiorum contaminati. Aquam è pumice petas, si consilium ab eis ulla in re aut prudentiam requiras. Quomodo enim animum intendere possunt ad aliquam seriam cogitationem, qui illa perpetua heluatione potuq; penitus sepulti sunt ac demersi? Nunquam illi, aut rarissimè expergiscuntur: sobrij certè nunquam sunt, etiam cum non sunt potius, tamen illi furiosi motus uino concepti, et excitati, ab hac in eis exæstuant.

Plato

Plato in Epistola quadam ad Dionis propinquos, de sua in Siciliam peregrinatione ita scribit: Quò cū nuenissem, inquit, uita illa beata, quæ ferebatur, plena Italicarum, Syracusanarumq; mensarum, nullo modo mihi placuit, bis in die saturum fieri, nec unquam pernoctare solum, cæteraq; quæ comitantur huic uitæ, in qua sapiens nemo efficitur unquam, moderatus uerò multò minus. Negat Plato gigni sapientiam in ijs locis, ubi homines bis in die saturi fiant. Quid si ad nos ueniret, ac uideret homines non per interualla bis aut sæpius in die saturos, sed perpetua quadam crapula uinoq; distentos, nunquam ieiunos siccossue, sobrios nunquam? tum uerò longè ab his locis sapientiam pariter ac modestiam exulare diceret: Nullus enim modestiæ, aut ulli uirtuti locus esse potest in ista plus quàm beluina uentris ingluuie, ac uitæ fœditate. Induunt enim homines ex hoc uiuendi more furiosos uastosq; mores, & tota natura effèruntur. ea sensuum, ac ingeniorum feritas, deinde etiam in sobrijs manet. Sicut enim cū cuipiam in Sole uersanti caput cœpit dolere, ubi iterum in umbram redijt, dolor tamē, quem calor fecit, manet, nec statim remittit: Ita ubi homines illa barbarica heluandi consuetudine deuincti furere cœperunt, durat ille furor etiam cū non sunt poti, & ijdem rabiosi ac turbulenti motus in animis manent, seuiuntq; ac debacchantur sobrii pariter ac poti, nec facile possis discernere, quocunq; tempore in eos incidas, utrum biberint nec ne.

Bis in die saturum fieri.

Simile.

Rr

Seneca

Vitia uino concepta, sine uino ualere.

Seneca grauiter ac uerè dixit, cōsuetudinē inſanie durata uitia uino concepta, etiam ſine uino ualere. Et ſanctus Paulus iubet nos uitare ebrietatem, propterea quod in ea inſit aſotia, id eſt, uita immanis ac beluina, Dei pariter atq; hominum, omniſq; honeſtatis cōtemtrix: qualem hoc genus hominum lurcones, & heluones degere uidemus, qui nihil penſi habent, niſi ut totos dies noctasq; perpotent, quibus mens ipſa & ratio omneſq; ſenſus ſcilicet heluando potandoq; obruti atq; obſtupefacti, nunquam redeunt ad ſeſe, nunquam cogitant aliquid ſerium, aut dignum homine, ſed quod in tali uita fieri neceſſe eſt, ſi ad omnis generis immaniſſima ſcelera proruunt ſeſe, quaſi nemini quidquam poſt ſe reliqui facere ſtatuierint. Non iam dicam de turpitudine, quæ in ipſorum cōuiuijs etiam regnat, non de furioſis clamoribus eorum, quibus platee totas noctes perſonant: hæc adhuc initia ſunt furoris, & quaſi primæ ad paroxyſmum acceſſiones. Innumera alia & grauiora nobis ſlagitia ex hac lagna erumpunt, atq; utinam talium hominum furor nō nunquam etiam Eccleſiam non conturbaret, et Roſp. non eſſet exitio.

Cambyſis furor in Prexaſpen, & duodecim Principes Perſarum.

Cambyſem Cyri filium tradunt ab hac ſeria agiturum fuiſſe, quem cum Prexaſpes unus ex Principibus & paternis amicis amanter ac fideliter admoneret, quod Perſis illa eius perpotandi conſuetudo diſpliceret, iuſſit ipſe Principes conuocari, & interrogabit utrum aliquid in ſe, quod reprehenderent, haberent.

illi metu mussabant, nec erat inter eos qui hoc ulcus tangere auderet, quin pleno ore laudabant eum, & patri etiam Cyro præferebant pleriq;. Quibus laudibus inflatus Rex, Prexaspem solum accersi iubet. Atq; ut uidere possis, inquit, me etiam potum, tamen mentis compotem esse, hodie ubi largius bibero, sistes mihi filium tuum minorem natu in foribus coenaculi, in eum cum arcu sagittam emisero, nisi ipsum pueri cor uulnera uero, tum tu me ebriosum atq; insanum iudicato. Hæc ita ut dixit facta sunt. nam post horam cœnæ, cum largius iam inuitasset sese, puerum adduci sistiq; iubet, & arcu accepto, sagittam in eum eiacularur, collapsumq; ex uulnere, secari et ictum inspicere iubet. Cumq; arundo in ipso corde pueri fixa ostenderetur, cachinnans, Vides nunc, inquit patri, etiam ebrium me, tamen egregium esse iaculandi artificem? Prexaspes aduertens hominem reuera uesani ac furiosum esse, continuit sese, dolorem dissimulans. Postridie uero eius diei & duodecim Principes Persarum, ob rem nihili ac nullius momenti causam, crudelissimo supplicio affecit, in caput uiuos defodiens, ac per eundem temulentiae furorem alia multa etiam dictu infanda & horribilia auditu designauit, donec Deus cum proprio gladio ictum uita expulit. Tales homines, imò uero tam immanes bestias nobis gignit ebrietas, quorum uitam & facta cum post tot annos legimus, horremus.

Sic igitur statuatis, adolescentes, crapula nullum

Crapula furit
terrabilior.

R r ij horri-

horribilius, nullam tetrius, aut nocentius malum, in
Deorum natum, aut è Furiarum sedibus excitatum, in
hunc mundum ac lucem, ad multorum hominum ex-
tium immissum esse. Hæc enim atrocioris furoris gene-
re, quàm ullæ Erynnæ homines concitat: hæc domus
vastas reddit & urbes: hæc rei priuatæ & publice
communis clades ac ruina est: hæc infandis libidini-
bus humana atq; diuina iura polluit: hæc cædibus &
sanguine horrendum in modum nūscet ac perturbat
omnia: Exclamet hîc aliquis:

**Leges contra
luxum.**

Dij talem terris auertite pestem,

Sapientes quidam Principes, legumq; latores in
omnibus benè constitutis Rebus pub. singulari curæ
diligentia ebrietatem prohibuerunt, nec minus ciui-
tates contra luxum ac crapulam, quàm contra illam
aliud nocentissimum hostem, muniendas censuerunt:
intelligebant enim in ista barbarica & immani vita
nullam disciplinā publicam neq; priuatam posse con-
seruari.

Tulit Pittacus Mityleneus legem, ut si quis per-
mulentiam, sceleris aliquid commisisset, duplo gra-
uiore pœna plecteretur, quod causa ipsa, quæ eum ad
peccandum impulisset, grauius etiam peccatum ef-
ficeret. Alij alijs pœnis atq; ignominijs in ebriosos
aduertunt. Et si qua gens natura moderatior ho-
maniorq; fuit, ea sua sponte sceditatem ebrietatis ex-
osa, frugalitati ac sobrietati deditit sese, nec legibus
opus

opus fuit prohibere, quod publica inter homines uenecundia sustulisset.

Sed regnat hoc uitium inter barbaras ac feras illas gentes præcipuè, & cernere est, quod ut quæq; natio maxime barbarica, & ab humano uitæ cultu aliena est, ita ad heluandum ac perpotandum profusissima est, quasiq; foedere quodam inter se iunctæ sunt barbaries & crapula: Pulchra, me hercle, societas, & dignum habet patella operculum.

Barbaries & crapula coniuncta.

Fera etiam quedam in illis Septentrionalibus ac Sarmaticis oris inueniri dicitur, immani uoracitate: quæ cum in aliquam prædam incidit, eo usq; cibo inmodicè ingesto, distendit uentrem, ut parum absit, quin crepet. Deinde inter angusto spacio distantes arbores transiens, uiolenta ibidem compressione crudum illum cibum iterum per annum exprimit. itaque sese exonerat, quod nisi faceret, periculum uitæ erat. Est hæc omnium foedissima uentris ingluuiens huius bestie. Sed ea haud dubiè imago quedam est intemperantiae ac morum earum gentium, de quarum immanibus conuiujs horribilia, sed tamen à uerò non abhorrentia narrantur: Rarò transigi symposium sine multis cædibus: Si quis propinatum dolium haurire cesset, illi à proximo quoq; compotore protinus necem imminere: Si quem interfecerint, non propterea conuiuium dissoluitur, sed prouoluto in medium trunco corporis, & impositis aliquot nummis (is apud eos mos est) heluari pergunt. Malos etiam

Septentrionalis ac Sarmatica fera.

Cædes propinantium.

Mali generis conuiuantium.

Rr iij Genios

Genios inter eos, cum agitant cōuiuia, propalam obambulantes conspici dicunt, maiore quàm humani corporis imagine, quos illi nihil exhorrentes, pro socijs ac conuiuijs salutare solent, et coeptum conuiuium permultos ex ordine dies noctesq; uno tenore continuare. Hæc si quis apud sanos, et sobrios homines, et istarum barbaricarum beluationum ignaros referat, fabulam ad aliorum terrorem confictam narrare uideatur: non enim facile credi potest, tantam feritatem et immanitatem cadere in humanam naturam. Sed qui uiderunt, ac talibus conuiuijs sæpius interfuerunt ipsi, hi et hæc uera esse, et his horribiliora etiam fieri affirmant.

Redeo igitur eò, unde digressa est oratio, nempe istam scædam, immanem, atq; homine indignam uentris proluuiem, apud barbaras illas gentes, et quæ utrū inter homines an beluas numeres, dubitare possis, præcipuè conspici, homines moderatos, et ad aliquam humanam disciplinam adsuefactos, semper natura exhorruisse, ac detestatos esse.

Tanto magis igitur et nos, Adolescentes, qui cum Musis, hoc est, cum humanitate commercium habemus, eam odisse, et ut nocentiissimam pestem fingere, istorumquæ beluonum consuetudinem, tanquam pestiferi morbi contagium, deuitare debemus. Et quoties nobis talis quispiam occurrit, hoc elogium illi in fronte scriptū putemus, quod de Tantalò est in Trægœdia?

Heluones
deuitandi.

Nolite

Nolite hospites ad me ire ilico istuc,
 Ne contagio mea bonis, umbraue obsit,
 Tanta uis sceleris in corpore & animo hæret meo.

Reuera enim nullius morbi contagium nocentius
 est, quàm talium hominum consuetudo.

Proponamus nobis uerbum Dei, quod multis in Verbum Dei.
 locis nos ab ebrietate reuocat ad ieiunium, ad sobrie-
 tatem inuitat. Nota est sententia: Ne corda uestra gra-
 uentur crapula. Et sanctus Paulus populum Israël-
 ticum à crapula ad idolatriam prolapsum affirmat.
 Atque Christus ipse ait: Hoc genus demoniorum non
 eijcitur, nisi ieiunio & oratione. Ex quo perspicue
 apparet, istis comassationibus ac heluationibus Sa-
 tanam accersi & interesse, sociumq; ac conuiuium es-
 se istorum lurconum. Testatur hoc etiam euentus tali-
 um symposiorum, quæ raro sine cæde alijsq; imma-
 nibus, & horrendis flagitijs transiguntur. Vbicunq;
 igitur tale aliquod conuiuium apparari uidetis, Ado-
 lescentes, ne putetis Angelos illic mense ministros
 & custodes adesse: Hi tantum sobriorum coenis inter-
 sunt, eorum curam gerunt, cum isto grege heluonum
 commercij nihil habent: sed Satanæ illis ministrat,
 Satanæ pocula miscet, unaquæ cum uino ac cereuisia
 sulphur atque picem phlegethontis propinat, quibus
 potis, statim furere incipiunt. Nonne uidetis quàm
 uelut lymphatici bacchentur, & tanquam rabiosi
 canes inter seipsos, & cum alijs, cruento ferro con-
 currant?

Satan minister
 ur pocillator.

R r iij

Hoc

Alexander
Macedo.

Hoc est quod & Alexander Macedo sibi accidere sensit, et questus etiam est, nempe quod cum bibisset, in eam rabiem accenderetur, ut inter pocula intimos & charissimos amicos contrucidaret, & Bacchum cum furorem sibi obijcere credidit, ulciscentem Thebanæ urbis excidium. Satanas fuit iste Bacchus, qui asiluius talium conuiuiorum affecla solet esse. Hic gaudio est, homines per uolentiam in furorem actos, sic inter se cadibus & omni genere inhumanitatis committere. Hoc illi spectaculum iucundissimum est: ita affectos eos & sui impotes, deinde suo arbitrio quò uult ducit ac impellit, donec alij de fenestra at per gradus prolapso ceruicem frangit, alium trucidum obijcit sodali, aut ad cadem faciendam impellit, alij subitanea morte, aut alio quopiam tristi & inaudito casu animam aufert. Omnes horrendo genere lethi absumit, & ad inferos abripit.

Spectacula
Satanæ.

Hic exitus, nec alius finis est istarum beluationum. Qui sic periisse uolet, ille sanè eis se adiungat: non melius de se non est quod speret: nullus enim eorum, honesto aut naturali genere mortis occumbit, nullus, naturæ reposcenti animam reddit, sed ante diem suum ipsi manu crudeliter perimuntur, sanitatem corpori & mentis expugnant poculis, & cadunt ante tempus à natura præfinitum turpissimo & horribili genere mortis, qui poterant multos adhuc annos uiuere, & sibi, suisq;, ac Reipub. prodesse. O execrabilem uitam quam exigunt. O mortem multò execrabiliorē.

Mirum

Miretur aliquis quàm illi reuera miseri & miserabiles homines, atq; in neminē magis, quàm in seipsos crudeles, tandem uoluptatem ex ista dira & immani beluatione capiant: Nam gustus certè, qui sensus solus cibo & potu afficitur, illis iam olim periit: is enim coctione sublata, nullus esse potest. Fames uerò ac sitis, quæ optimum condimentum sunt, quàm longissimè absunt ab eis: Esuriunt nunquam, sitiunt multò minus, ingurgitant tamen adhuc, urgentq; ac torquent seipsos, regurgitantes, per os ac fauces potum infundentes, donec ad plenum istam cloacam poculis expleant. Nulla certè hæc delectatio potest esse, sed est, quod quiuis sana mente præditus intelligit, manifestus ac diabolicus furor.

Miserabile
tabilis.

Diuus Ambrosius ocium dicit esse puluinar Satanæ? At ebrietas non modò puluinar, sed molle ac delicatum cubile est Satanæ: nusquam ille cubat ac requiescit libentius. Qui igitur hunc conuiuium et conuictorē, cohabitatorēq; atq; etiam condormitorem habere cupit, ille tantum hanc ei sedem præparet. credite mihi, non diu aberit, uita ac factis condignā mercedem etiam redditurus.

Ebrietas delicatum cubile
Satanæ.

Defessus iam propè sum dicendo de re foedissima, & uos haud dubiè multò etiam magis audiendo defessi estis: sinem igitur iam faciam. Ac si apud uos sum scipere personam monitoris meam hanc etatem non putarem dedecere, uos adhortarer Adolescentes, ut ebrietatem tanquam omnium flagitiorū malorumq;

Rr V foma

Infame nomen
sobrii,

fomitum ac fontem uitaretis, sobriam uerò uitam, et
uirtutum omnium, honestatis ac sanitatis magistrum,
parentemq; amplecteremini. Scio ego quàm infamem,
et iam propè etiam probrosum sit apud istos luco-
nes dici sobrium aut siccum. Sed uos audite uocem
nature optimæ parentis, quam isti degeneres filii
spernantur, ea uos ad sobrietatem uocat, uocat enim
et uerbum Dei, inuitant omnium bonorum ac san-
rum hominum fidelia atq; grauissima monita et præ-
cepta. Si ergo uobis cordi est ualetudo uestra et salus,
quam nemo sanæ mentis compos unquam proieci-
dam censuit, si studia uestra, quæ sanè debent esse cari-
ssima, si uirtus et honestas, si deniq; pietas, ac salus
animarum uestrarum, cogitabitis his omnibus nihil
esse infestius ebrietate. Si uerò aliquè hæc tot tam san-
ctissima nomina nihil mouent, is ad eorum gregem per-
tinet, de quibus à me iam dictum est: nec me a orationi-
mitior fiet; Grauius enim hoc morbi genus est, quàm
ut multis Anticyris exhaustis sanari possit. Christus
mentes nostras pro sua infinita bonitate gubernet, et
ab hac execrabili atq; impia heluandi consuetudine,
ad sobrietatem, ad poenitentiam ac pietate-
tem flectat atque tra-
ducat.

D I X I.

ENCO

ENCOMIUM SVEVORVM, A QUODAM
causa exercitationis scriptum et
pronunciatum.



ON dubito, quin plerique mirentur,
quid mihi in mentem uenerit, cur
Sueuos potissimū, procul ab illorum
finibus natus, laudare insituerim:

Quibus tametsi hoc respondere po-

teram, nos in declamationibus non anxie, aut super-
nitiose argumenta eligere solere, sed ferè casu oblati
uti: nonnulli etiam paradoxas materias, ut in re
difficili experiantur ingenij uires, sumunt: tamen
ego certo quodam consilio hoc argumentum susce-
pi tractandum. Etenim cum prauo quodam studio
homines, et philautia, nostros nimium amemus, ex-
ceros contemnamus, cogitabam me honestè facturum
esse, si gētis, quæ hinc procul abest, laudes colligerem,
et commonefacerem uos, alienam uirtutem non esse
honore, ac prædicatione fraudandam. Nonnulli sunt
ingeniosi in alienis uitijs insectandis: quidam etiam
ex criminatione aliorum, grauitatis famam aucupan-
tur: Ego liberalis ingenij esse duco, magis, commemo-
ratione uirtutum alienarum delectari. Quanquam
nimis sua cuiq; genti uitia esse uideamus, tamen nullam
rationem, præsertim in Germania, existimo tam esse
perditis moribus, ut non multa pulcherrimarum uir-
utum exempla ibi reperire possis. Porro ut in pri-

**Aliena uirtus
prædicanda.**

**Virtutes nosse
debemus, non
uitia sectari.**

uatis

uatis amicitijs ad mutuam beneuolentiam alendam multum facit, si uirtutes amici noris & admireris, ad uitia cōniueas: ita inter uicinas gentes rectius conueniret, si singule aliarum uirtutes nosse potius studerent, quàm uitia. Hoc ego consilio ad hanc causam accessi, ex qua sanè non tam eloquentiæ laudem, de qua in hac ingenij infirmitate, & quadam mearum rerum difficultate, iam olim desperaui, quàm officij & humanitatis auferre cupio.

Proinde, quantum nostræ uires sinent, hanc nationem sine aliarum contumelia ornabimus. Neque enim aut Sueui tam sunt inopes domesticarum laudum, et non nisi ex aliarum contumelia colligenda sint proconia, aut aliæ nationes contemni ac probro afficiantur. Nullis germaniæ populis Franci cedere debent, qui suæ uirtutis uestigia impresserunt in medietate Galliam, & maximis gestis rebus, & quidem ex utilitate publica nomen Gallie nouum indiderunt. Nostris uerò temporibus doctissimos ea regio homines genuit, in quibus uel obscuram alioqui unus Ioannes à Regio Monte nobilitare posset, uir græcè latinè non leuiter doctus, & uniuersæ Philosophiæ ita peritus, ut unus restituerit disciplinam, quæ sic uocantur collapsas, & ab interitu uindicaret. Austriæ quam debemus, quæ cum alios Principes summam uirtutem Maximilianum edidit nemini optimorum imperatorum postponendum, qui iuxta domi ac personæ continentia singulari fuit, iustitia incredibili, magnitudo

Francia.

Austria.

tudine animi diuina? Quid Frisia, quia Agricola[m] genuit, quantum laudis meretur? Batauos suos Erasmus quàm claros fecit? Sed quid ego aliarum nationũ laudes recenseo, cum de Sueuis oratio instituta sit? Verum hæc ideo præfatus sum, ut intelligeretis, me, cum nihil in hac causa de amplissimis ornamentis aliarum nationum detraham, ueris laudibus Sueuiam ornaturum esse. Quæso autem uos, ut pro humanitate uestrae benignè audiat: nam candor est exterorum uirtutibus, & earum commemorationi fauere, quas quidem nos, quia inter eruditos dicimus, paulò longius etiam inde usq[ue] ab antiquitate repetemus. Quamquam autem sola uirtus ueram & solidam laudem parit, tamen & antiquitas generis, quia nonnihil momenti adfert ad uirtutis studium, suam laudem meretur.

Frisia.
Batauia.

Fortes (inquit Horatius) creantur fortibus & bonis,

Antiquitas generis
Sueuorum.

Est in iuuentis, est in equis patrum

Virtus, nec imbellem feroces

Progenerant aquila columban.

Quare cum ueterum Sueuorum summa uirtus fuisse perhibeatur, credibile est ad posteros propagata esse emuna quadam uirtutis: & quemadmodum formæ corporum in natis imitantur patres, ita posterorum ingenia non sæpe naturæ maiorũ dissimilia sunt. Proinde non exiguam laudem Sueuicæ nationis hanc esse luco, quod à maiorib[us] incredibili uirtute, fideq[ue] præditis,

ditis, quique maximis gestis rebus suae posteritati prae-
luxerunt, orti sunt:

C. Caesar.

Frugalitas.

Habent autem ueteres Sueui grauissimum testem
suarum laudum, C. Caesarem, qui sic describit eos:
appareat, et domi optime constitutas Respub. dome-
sticamque disciplinam habuisse, et foris incredibilem
eorum fortitudinem, scientiamque rei militaris pro-
prium fuisse. Etenim ut praetermittam, quanta gens
frugalitas fuerit, quia uinum importari contra legem
erat, quae exercitationes iuuentutis fuerint in armis,
quanto labore durata corpora, et animi ad periculi
adusfacti, tum mihi prorsus uidere quanta Pla-
tonis ciuitatem uideor, cum lego nihil illis priuati quicquam
fuisse, sed sine cupiditate communiter coluisse, qui
quique loca occupassent, quae in re apparet, animos ge-
tis uacuos auaritia, et similibus bestijs, unde in ciui-
tatibus graues motus existere solent, summa reliqua
iustitiam ac pacem coluisse.

**Fortissimus
ciuitatis status.**

Plato ait ita fortissimum ciuitatis statum fore
quam proxime conetur exprimere hanc legem quae
de amicis extat, τὰ φίλων κοινὰ. Quam autem
Graecam ciuitatem, quas Athenas, quam Sparta
aut Locros nominabit aliquis, in qua perinde quae
communes possessionesque fuerint, ut apud Sueui
qui nisi admirabili iustitia praediti, et magna
charitate deuincti fuissent, nullo modo illam re-
communionem exercuissent. Quaedam gentes
se ortas esse praedicant: mihi non minor laus uidetur
ad tale

ad tales viros, quales fuisse ueteres Sueuos intelligitis, uerè posse originem referre, quàm ad Herculem aut Martem.

Non est instituti mei, laudes aliarum in Germania nationum extenuare, tamen hoc in confesso est, nullos maiores monumentis literarum, perinde, ut Sueuos celebratos esse: quod quidem argumentum esse mihi uidetur, uirtute etiam eos reliquis omnibus in Germania nationibus præstitisse. Pleræque nomine ueteri amisso, ne quidem coniecturam capere possunt, ex quibus orti sint maioribus. Et haud scio, an soli Sueui nomen uetus retinuerit, sed cum ita mutant gentes nomina, si uel patria pulsæ, uel imperio deiectæ, amissa libertate, in aliorum potestatem ueniant, uerisimile est Sueuos, quia nomen retinuerunt, libertatem suam summa cum uirtute defessam, nunquam amisisse. Nam quod sedes mutarunt, et à Balthici maris littore, quod olim tenuerunt, propius Rhenum accesserunt, id accidit, quia laceßiti Romanis armis in ripa Rheni domo acuta præsidia primum collocarunt, postea capti aeris celiq; elementa his in locis confederunt, et occupauerunt eam Germaniæ partem, longè promotis finibus, quæ inter Rhenum, Alpes, Lycum, et Mœnum est, hinc Sueuorum fines hoc tempore. Neq; uerò degenerarunt, mutato celo à pristina uirtute: sed his primum locis magis inclaruerunt, et noua gloria Sueuico nomini accessit.

Virtus quam cæteris illis maior.

Fines

Nam ne omnia commemorem, neque historiam potius

Imperii Roma-
ni titulus Sue-
uis delatus.

tius quàm encomium composuisse uidear, tantum in signia quædam ornamenta attingam. Quid potuit contingere Sueuis illustrius, quàm Romani Imperij titulus? Non ille quidē scelere raptus, sicut antea sepe acciderat, sed delatus Germaniæ atq; Italiæ populari consensu. Quid potuit honorificetius accidere, quàm hoc tot gentium iudicium, quæ tantam uim uirtutis in hac esse natione senserunt, ut non dubitarint suam salutem, suas fortunas, & tranquillitatem totius Imperij Sueuorum Principum tutelæ committere? Id demum uerè gloria est, & bono Principi maximè optanda, ut intelligant, existimentq; homines, eum præditum, & ea charitate erga subditos, ut nūquam prius, quàm illorum saluti consulere, & eorum prudentia, tum animi magnitudine, ut defendere, seruareq; pacem, & arcere ac prohibere iniurias legibus ac armis munire tranquillitatē publicam esset. Quos triumphos, quæ tropœa mallent sibi imperij Principes, si saperent, quàm hoc de se iudiciū quod bonos uiros fieri?

Fridericus
Barbarossa.

Proinde, cum periculosissimis temporibus et uos Imperij summa delata sit, magnum quiddam nationi reliquæ gentes tribuerunt. Neq; uerò non sponderunt expectationi. Fridericus, cui à Barbaris nomen factum est, et huius nepos Fridericus Siculum uocarunt, quorum uterq; omni generis ratoriarum uirtutum, cuius laudatissimorum principum conferri meretur. Ac uero Friderico Ger-

atq; Italia maximis laboribus & periculis pacatae sunt. Arma in Asiam postea translata, Suladinus repressus est, & bona Asiae parte ad Armenias usq; expulsus. Nihil hic libet attollere, aut amplificare, tantum extremis digitis leuiter attingo res istius gestas. Verum uos ipsos cogitare hoc in loco uelim, quantum beneficium id temporis in Europam contulerit, crudelissimis hostibus repressis, & procul ab Italia & Germania summotis.

Nunc uidetis quanto in periculo simus, quia diu neminem similem custodem Imperij huius habuimus. Ille procul in Asia querendum sibi hostem esse duxit, sensitq; serum tum auxilium fore, si pateretur Barbaros in nostros fines suas copias traducere. Nunc cum in ipso uestibulo Germania constiterint saeuissimi Turcae, ac florentissimum Regem, regno exutum, fugientem ex acie, penè ob oculos nostros trucidarint, intelligitis quàm optandum sit Fridericum aliquem exoriri, cuius nomen hostibus terrori sit, quiq; opponere immanissimae genti praesidium ausit. Si Fridericus ille euiuiscat, non de Hungaria uastanda, non de uexantia Germania iam Barbari cogitarent, sed de retinenda Thracia, deq; focis ac laribus suis propugnandis: si quidem Germanicis copiis iam ut fuit illius & celeritas & diligentia, circumfessi summa ui oppugnantur. Non uacat huius Principis egregia facta commemorare, uerum quia bello meliorem, quàm pace fuisse aliqui putant, ut cognoscatis quanta seueritas eius

Nullus iam similis custos Imperij.

ss fuerit

In Palatinum
& Moguntinū
animaduersione
grauis.

fuert domi in dicendo iure, in latrocinijis puniendis
& disciplina Imperij retinenda, recitabo quā gra-
ter animaduertit in Principem Palatinū, & Mogun-
tinum Episcopum, qui bellum ipso absente in Italia
mouerant. In Episcopum, quia parcendum dignitas
Sacerdotum duxit, mitiorem poenam constituit, totū
enim eum pecunia multauit. Sed in Palatinū
durius consuluit: Nam cōēgit eum per totam urbem
Vuormaciam canem ab humero pendentem gestare.
ea fuit illis temporibus censoria nota nobilitatis. Idē
exemplum in plerisq; alios equestris ordinis uir-
Palatini socios, constitutum est. Nullas ego uictoris
plus laudis mereri existimo, quā huiusmodi exem-
plum. Nam eum benē imperare putes, qui domi ciui-
lem disciplinam conseruare norit. Nihil foris arma
nihil triumphus proderunt, si domi nimium liceat in-
probris. Is demum Imperatoris nomine dignus est, &
non tantum hostibus formidabilis est, sed etiam cum
in officio retinere studebit.

Censoria nota
nobilitatis.

Fridericus Ne-
pos.

Quid de Friderico Nepote dicam, cuius pulcherrima consilia, si non impediissent Romani Pontifices, non alium habuisset utiliorem Principem Germani. Ingenium in eo acerrimum fuit, magna etiam literarum scientia, & ut aliud boni nihil praestiterit, magnam illi gratiam debemus, quod curauit in Latinam linguam conuerti ex Saracenicis sermone τὸν μετὰ τὸν Πτολεμαίου Ptolemæi: Nam absq; eo libro tota Astronomia funditus interijisset. Itaq; Sueuis debemus, quod reliqua

reliqua est illa Philosophiæ pars, quam iure dixeris præstantissimam esse. Magna laus est inuenisse artes utiles huic uitæ, sed non minor est, uel restituisse uel conseruasse. Siquidem imprimis in literis hoc accidere uidemus, ut non minus negotij sit cōseruare inuentas, quàm inuenire. Videtis quales Imperatores Sueuia nobis ediderit, qui nisi belli pacisq; artes omnes apud illos floruissent, minimè idonei ad imperandum uisi fuissent.

Etenim ut non in quouis solo fruges nascuntur, ita non ubiq; boni uiri proueniunt. Sed ibi tantum, ubi bonis legibus ac moribus ad uirtutem ac decus inuitatur, et adsuescit iuuentus. Quis putet enim Mileti aut Sibri in summo luxu, inter turpissima exempla, in maxima licentia, fortem uirum, aut temperantem, aut iustum euadere potuisse? Quæ tam excellens natura, quæ tanta ingenij uis in ullo esse potuit, quæ inter tot uitiorum illecebras non corrumperebatur? Quare necesse est disciplinam fuisse in Sueuorum ciuitatibus probabilem, quæ tanquam in ludo Principes ad honestatem instituti sunt, quaq; adducti exteri iudicauerunt hanc nationem uirtute ac industria imperij molem sustinere posse. Neq; enim ignoratis, quid imponatur oneris cum isto titulo, aut quantum fidei, quantum consilij, quantum animi robur, quantam moderationem, quantam diligentiam in omni genere flagitent homines ab eo, cui libertatem suam, fortunas, salutem, ac uitam committunt? Sed cum res foris gestæ,

Disciplina Summa
uicæ terræ.

et leges quibus domi pax stabilita est, quæ quidē hactenus in publicis legū codicibus extant, multorū aliorū literis prædicentur, nolui hoc in loco diutius commorari. Propero enim ad nostra tempora, quæ si diligenter considerabitis, uidebitis profecto illos, non solum respondere iam maiorem gloriæ, sed etiam superiorum decora longè uincere. Esset autem infinitum totā Rempub. depingere, et omnia instituta, legesque pietatem in colendis religionibus, seueritatem in coercendis delictis, bellicarum rerum peritiam, armorum magnitudinem, ciuium inter ipsos æquabilitatem, exponere. Quæ cum angustia temporis præmittere cogat, excerpam ex reliquis laudibus unam quandam partem, in qua uidere est, quàm bene detecta Germania mereri studeant.

Fœdus Sueuorum publicæ pacis tutelam suscipit.

Cum annis iam aliquot nullum satis magnum et firmum præsidium in Germania esset, aduersus subitos tumultus, et quotidiana latrocinia, ciuitates Sueuorum fœdus inter se ritè et Cæsare auctore fecerat. Id fœdus diu iam tanquam in statione est, defendendæ publicæ tranquillitatis gratia. Multos improbum metu continet, quosdam etiam tumultus, armis et bello compressit. Quanta autem laus est, unam hanc nationem publicæ pacis tutelam suscipere, et saluam omnium causam suas fortunas, suam uitam in discrimine adducere? Sed hoc planè diuinum est, quod cum publico iure imperium sibi in alios uindicare posset, nam hoc ius imperij in terris semper fuit, cogere et parcendum

parcendum illos, quos tuis laboribus tegas & serues.

Sueui libertatem omnibus relinquunt, quibusdam Iusticia huius
foederis. etiam bello uictis amissam restituerunt: & cum fa-

ciant infinitos sumptus, laboresq; maximos subeant, nulla tamen cōmoda uicissim, ab his quos defendunt, recipiunt, suis fortunis publicos sumptus tolerant, ne cuius libertatem minuant, suo periculo omnium salutem propugnant. Quid honestius, quid moderatius

cogitari potest, quā sine cupiditate arma tenere, & alios ita defendere, ut de libertate eorum nihil detra-

has? Athenienses accepimus aliquandiu ad hunc mo- Athenienses.

dum Græciæ principatum tenuisse, ut cum permitte-

rent alijs ciuitatibus libertatē, ipsi tamen in excubijs essent, suoq; discrimine omnes tuerentur. Ea in re in-

primis magnum humanitatis, iustitiæ, & temperan-

tiæ exemplum suæ specimē sapientissimā ciuitas præ-

uit, quod sine cuiusquam incommodo publico pa-

cem custodijt. Cum autem summos honores Athenis,

ob eam causam reliqua Græcia decreuerit, sepe enim

nissæ ex seruatīs ciuitatibus coronæ, positæ statuæ,

lata Atheniensibus ciuitas, pars agri, societas sacro-

rum & connubiorum, & hoc genus ornamenta alia:

lebemus & nos si non ingrati esse uolumus, pulcher-

imum beneficium Sueuicæ nationis amplissimis lau-

libus uehere. Nam satis intelligimus, quantum in pa-

re insit boni, si publicæ tranquillitatis custodibus nul-

lam gratiam habemus: Quoties enim paruos liberos

idspicis, quoties coniugem intueris, toties meminisse

Ss. iij te

te oportuit, illorum incolumitatem aliqua ex parte te his debere, qui ocium nobis faciunt, cum aliarum honestarum rerum gerendarum, tum alendæ & educandæ sobolis.

Populus Romanus immunitatem donat Græcos.

Populus Romanus, non sæpe uictis gentibus libertatem seu αὐτονομίαν concessit. Græcis id honoris habuit, ut post bellum cum Philippo Macedone gestum immunitatem donaret, & ut singulæ ciuitates suis legibus uiuerent, permitteret. Ea de re, cum decretum in Senatu populoq; Romano factum, T. Quintius Imperator in Nemeis, quo ex more ad spectaculum tota Græcia conuenerat, uoce præconum recitari iussisset, audissentq; gratissimum præconiū uniuerſi, Dij immortales, quantis honoribus adfectus Imperator, quàm gratis sermonibus Romanum nomen celebratum est. Esse unam eam in terris gentem, quæ sua impensa, suo labore ac periculo pro libertate aliorum bellum gerat, detq; operam, ne quod toto orbe totum iniustum Imperium sit, & ubiq; fas, lex, potestissima sint, ita iudicarunt Græci, non aliud maius beneficium homines hominibus præstare posse, quàm quod accepissent à Romanis. Quid enim certius gratius est, præsertim si coniuncta sit cum libertate?

Quantum laudis & gratiæ mereantur Sueui.

Non minus igitur laudis in Germania merentur Sueui, qui suo præsidio pacem alijs gentibus finitura libertatis earum muniunt, quàm merebantur, uel Athenienses, uel populus Romanus apud Græcos.

immunitate donatos : Nam ter à Maximiliani morte Germaniam maximis periculis magna foelicitate liberauerunt. Fauet enim Deus iusta bella pro publica salute gerentibus. Quare grata nobis memoria Sueuici foederis esse debet: Hoc enim ocium, quo frui nobis hactenus licuit, & hæc studia, quæ omnia nobis de manibus excutiuntur, simul atq; aliquis motus bellicum canere cœpit, istorum armis defensa sunt. Quantum autem studium rei militaris sit in ea gente, quanta uirtus, quanta scientia gerendi belli, non ignoratis: Neq; enim alia natio celebriores duces habet.

Porro cum foris Sueui & fortitudine incredibili, & summa iusticia in defendendis uicinis utantur, Quales sint domi. quid dubitemus quales domi sint? Nisi enim domi ciuitates haberent bene moratas, nec sumptus, nec milites suppetere: aut quomodo milites parere armati scirent, qui domi parere legibus non didicissent? aut quomodo tolerare militiæ difficilimum laborem, & graue Martis opus, ut Vergilij uerbis utar, si domesticis ocio ac luxu effœminati essent? Habent igitur et ciuitates legibus ac iudicijs diligenter constitutas, & tranquillitatis urbanæ tuendæ cura non alibi maior est. Lex est enim in Sueuicis urbibus, ut si in rixa aliqui gladios strinxerint, ac uel puer uel muliercula, procul etiam inclamans pacem imperet, capite puniatur, qui audito nomine pacis, in super ferire audet. Cùm nulla tam seuera lex in reliqua Germania sit, æstimari potest, quanta diligentia uulgus Sueuorū coerceatur.

Lex de stric-
tis gladijs se-
uera.

SS iij Et

Et ad tranquillitatem urbium hoc quoq; facit, quod urbana multitudo minus aliquantò ocij habet, & frugalior est, quàm in uicinis nationibus.

**Diuerforia &
hospites.**

Magnum ibi scelus est, & inusitatum, conspiciendum. In diuerforijs magna mundicies est, & fides hospitum summa, nec magis domi suæ peregrini, qui apud illos tuti sunt. Quid autem gratius accidere peregrinanti potest, quàm talis hospes, ad quem tutum sit diuertere, apud quem securus acquiescat, qui comitate, qui mundicie itineris tædium leniat? Gens ipsa nimè idonea ad fallendum; imprimis gaudet fidem suam peregrinis probari. Sic inter suos etiam uiuunt, nulla diuturna odia sunt, nullæ insidiæ: quanquam enim ingenia sint ferociora, tamen facillè placantur, & quia nihil dissimulare didicerunt, insidiari non norunt.

**Ingeniorum
acrimonia.**

Albertus.

Ceterum non deesse eis ingeniorum acrimoniam, inde adparet, quod celeberrimos, maximeq; strenuos mercatores habent. Neq; desunt ibi, qui & ament & colant literas: Hæc enim natio Albertum procreauit, quo ex nostris hominibus nemo uberiores naturalium rerum cognitionem habuit. Non nihil uerò laudis intulit eò & Capnio, uersatus in græcis & hebraicis literis difficilimis temporibus, & cum peregrinarum linguarum studia nondum in Italia satis florerent: ac cepi enim ita Venetum quendam Oratorem olim de eo prædicasse. Nam cum apud Cæsarem Fridericum Legatus sui Principis esset Capnio, cumq; Venetæ ciuitatis

Capnio.

uitatis Oratoribus, qui per id tempus eò uenerant, frequenter esset, accidit aliquando, ut Capnio fortè pulcherrimè græce scriptum Enchiridion noui Testamenti in manibus haberet: Quod cum uidisset Tenetus, & animaduertisset, non esse rudem græcarum linguarum Capnionem, conuersus ad suos Collegas, ait: Videte quæso in Germania hunc uirum propter cognitionem literarum in admiratione esse, quas nostri tam pertinaciter contemnunt. Et nobilitauit egregijs monumentis Sueuiam Stofflerus Mathematicus, cum primis & diligens, & eruditus, cuius quia beneficio quotidie utimur, duxi eius hic mentionem esse faciendam: fastos enim multorum annorum confecit & digessit, in quibus componendis dici non potest, quantum laboris fuerit ei exauriendum: Est enim immensi negotij, motus syderum exactè supputare. Nulla temporum discrimina, nullas mensiū uices nossimus, nisi hunc laborem uir ille optimus sumpsisset. Porro simile quiddam pecudum uitæ fuerit, non habere descriptum annum in certis spaciis, non arendi, serendi, plantandi, aut aliarum rerum iusta tempora nosse. Habent & artifices ingeniosissimos: hi enim plasticen sculpendi artem, quæ prorsus amissa fuerat renouant.

Sed desino omnia persequi, nam ego non omnes laudes, sed præcipuas Sueuicæ gentis recensere uolui. Magnam commendationem habet generis nobilitas, & maiorum uirtus, nam ex bonis uiris natos, uerifi-

mile est aliquam paternæ uirtutis similitudinem re-
 ferre. Audistis autem uetustissimos Sueuorum à Cæsare
 predicari, & præclarum iudicium postea de Sueuis
 Germania atq; Italia fecerunt, quando ad eos Imperi-
 um detulerunt. Nostriis uerò temporibus, nullo mo-
 do tenere tantas Respublicas tamq; florentes & pa-
 catas possent, nisi omnibus belli ac pacis artibus in-
 structi essent, nusquam in urbibus tranquillitas maior,
 nusquam minus latrocinorum est, quam in horum a-
 gris. Vicinis adeo non sunt graues, ut sæpe eos maxi-
 mis periculis liberauerint, reddantq; procul etiã is-
 tata omnia. Domi uerò pax perpetua multarum bo-
 nestarum artium studia excitauit atq; alit: *Quæ* cum
 ita sint, faueamus illorum laudibus, easq; sine inuidia
 predicemus. Nam cum uirtute nihil melius aut pul-
 chrius sit in quauis gente, iuxta meretur amari. Nos
 enim Vnio minoris est precij argento insertus, quam
 si in auro gestetur. Sed ut superbi atq; inhumani
 genij est, in priuata consuetudine uitæ, se tantum mi-
 rari, & ita sibi arrogare omnia, nihil ut alijs reliqua
 faciat, ita iniustus est, qui suam gentem sic amat, ut
 nihil exteris tribuendum putet. Hoc potius ad mutui
 inter nos charitatem, & beneuolentiam alendam fa-
 ciet, si quæ in unoquoq; fuerint laude digna, ea
 candidè miremur, atq; comple-
 ctamur.

D I X I.

ENCO

ENCOMIVM FRANCIAE, M.

Irenæo autore.

NOBILITATE GENERIS, VIR

tute & Dignitate præstanti, Danieli

Stibaro, M. Irenæus

S. D.



VM nuper in patriam uenissem of-
ficij causa, uirum optimum, tuiq; a-
mantissimum, Ioachimum Camera-
rium comitatus, adeo amanter à te
exceptus sum, ut multum me tibi de-

bere iudicarem. Quare cum significationem aliquam
mei erga te studij extare uellem, tibi potissimum hanc
oratiunculam de Franciæ laudibus dedicandam esse
censui: quam eò tibi arbitrabar non ingratam fore,
quòd his exercitijs & literarum studijs, te præcipuè
fauere scio. Nec uerò quidquam hoc tuo loco atq; or-
dine, cum in Reipublicæ gubernatione uerferis, di-
gnius est, quàm ciuium studia excitare, & literas tueri
atq; ornare. Intuetur in te iuuentus in patria, tuamq;
autoritatem existimat literarum studiosis magno præ-
sidio esse. Nisi enim tui similes uiri præstantes uirtute
& autoritate, literis opem ferrent, quæ barbaries,
quanta uastitas ad posteritatē futura sit, ipse optimè
intelligis. Itaq; hanc oratiunculā ita tibi mitto, simul
ut patrociniū meorum studiorum tibi cōmendem.

Nihil

Nihil dulcius, inquit Homerus, unicuique esse, patria sua: Quare nemo non fauet suae patriae praedicationi. Sed cum tam tenuis oratio argumenti amplitudini nequaquam respondeat, fortasse consilium editionis huius multi reprehendent. Nec id ego ambitiose defendam, illud tantum opto, exercitationem hanc meam, & in dedicando officium, tibi probari. Bene uale.



Esse uereor, ut satis uerecundè facere uidear, quod in hunc ornatissimum coetum doctissimorum iuuenum produci me patior, cum neque à doctrina, neque ab eloquentia ita instructus sim, ut aliquid afferre possim dignum uestris auribus, uim quoniam scitis nos auctoritate praceptorum cogi, ut in hunc locum prodeamus, quam detrectare nobis non est integrum, peto à uobis, ne me fiducia ingenij, sed officio adductum, hoc onus suscepisse iudicetis.

Cum autem haec ipsa declamandi consuetudo, potestatem nobis faciat de uarijs rebus dicendi, ego quoque cum auctoritate praceptorum mihi haec partes mandarentur, non incommode me facturum existimabam, si de patriae meae, Franciae uidelicet, antiquitate & laudibus quaedam colligerem.

Et si autem uidebam historiam nostrae gentis multò esse longiorem, quàm ut una oratione explicari posset, tamen quia sciebam hanc totam declamandi consuetudinem

consuetudinem ideo institutam esse à præceptoribus, Franciae laudes.
 ut adolescentum ingenia exerceantur, & ad res maiores præparentur, malui operam sumere in colligendis patriæ laudibus, quàm in alio quodam argumento. Primum enim neminem tam inhumanum aut ferreum esse existimo, qui non intelligat quaecumq; studium ornandæ patriæ bono uiro dignissimum esse, quem admodum & Poëta inquit:

Et pius est patriæ facta referre labor.

Deinde cum multarum utilitatum causa summo studio peregrinæ historiæ inquirantur, quanto magis decet nos operam dare, ut domesticas cognoscamus? Nam hæc magis afficiunt animos nostros, propterea, quod sicut aliarum rerum, ita etiam gloriæ maiorum nostrorum hereditas ad nos pertinet. Magis autem afficimur nostris bonis, quàm alienis. Minimè igitur negligenda sunt nobis domestica exempla, præsertim cum multi Francorum Principes omni uirtutum genere ita excelluerint, ut cum præstantissimis ueterum Regum conferri possint. Prodest eò etiam res maiorum tenere, quia in hoc Imperij forma, multa ex recentioribus historijs iudicari solent, in controuersijs iuris publici, & religionum.

Francorum
 principum
 excellentia.

Sed initio ueniam à uobis peto, si expectationi uestræ non satisfacere potero. Est enim perdifficilis nostrarum historiarum explicatio. Nam si Græcas aut Romanas historias recitarem, quanto me labore leuarent eloquentissimi et sapientissimi scriptores, à quibus

bus & res & genus orationis mutuari possem? In nostris autem res procul ex uarijs & indifertis scriptoribus querenda sunt. Deinde & in elocutione mihi sudandum est: Carent enim literarum lumine, ac pleraeq; res honeste indignis modis contaminate sunt scriptorum ineptijs.

Has difficultates cum animo prospicerem, diu mecum dubitabam, an hoc argumentum pertexerem: Scilicet uicit amor patriæ, ac perpulit, ut hæc qualiacunq; colligerem, Idq; eo feci libentius, quod sentiebam me meretricam capere uoluptatem, ex tractatione huius argumenti, & cogitatione uirtutis maiorum nostrorum, à qua cum considero quantum Germanici Principes hac ætate degenerarint, non possum non deplorare horum temporum infœlicitatem. Nam maiorem rerum non solum uiribus, quæ non desunt nostræ ætati, sed multo magis animi magnitudine, consilio & concordia fines Imperij protulerunt, & barbaris nationibus domitis totam Europam pasarunt, & pacem legibus, disciplina, religione munierunt, et ornatum, fuitq; tanta admiratio sapientiæ, iustitiæ & fortitudinis eorum, ut extraneæ nationes nullis Regibus suam committere mallent, quàm nostris. Quæ ob causam Italia illud augustum nomen summi Imperij à Græcis ad nostros homines transtulit. Hos uoluisse duces publici consilij inter omnes Reges, & principes custodes, non solum regnorum omnium, sed etiam Ecclesiæ, quibus iudicijs quid potest ullis Regibus con-

bus contingere gloriosius? Hoc igitur decus nunc a deo non tuemur, non solum ut foris non retineamus antiquam Imperij possessionem, sed ut Turcas in Germania, & ob oculos nostros impune grassari sinamus. Interim plerique aut per ignaviam dedunt se voluptatibus, aut impediti priuatis affectibus, non referunt consilia sua ad communem salutem, quod Principibus uiris & heroico genere indignissimum est. Has querelas dolor mihi expressit, & si sciebam eas non congruere orationis exordio.

Cum autem deceat nos Germanos uerè Germanos, & mutuo amore deuinctos esse, spero uobis quoque Franciæ laudes non ingratas fore, cum hæc natio communi Germanico nomini magno sit ornamento, & multas res gesserit, quibus Germaniam reddidit illustriorem. Ego quoque nostros homines ita ornabo suis præconijs, nihil ut de aliena laude decerpam, sed potius ex Francicis aliqua præconia ad alias nationes deriuabo.

I quidem nō ualde improbo studium illorum, qui ignotas gentium origines, ad clarissimos heroes, aut etiam cœleste aliquod numen, ut ipsi loquuntur, referunt, ut cogitet posteritas, diuinitus constituta esse regna, amet patriam, maiore cura defendat leges à maioribus acceptas, ipsis etiam Regibus, tanquam propagatis à diuina stirpe, numen aliquod inesse existimet. Nam & ipse ita sentio, regna diuinitus constitui, nec gentem ullam, aut Regem, sine cœlesti motu atque adflatu,

Gentium origines
ad quos
allatæ,

flatu, Respub. fundasse, & legibus ac disciplina man-
nissse, et saluti posteritatis foeliciter cōsuluisse. Hæc
sunt cœlestia beneficia, quæ Deus per summos heros
impertit humano generi, ut & sacra litera docet, &
sapientissimi Philosophi fatentur. Ita Lacedæmonii,
cum haberent Reges ab Hercule ortos, diligenter co-
uebant, ne qui propagati ab alia stirpe succederent.
Fuit & Macedonis Regibus Hercules generis aut.
Sed omitto exempla, quæ sunt innumerabilia.

Franci regnum
in Gallia con-
stituerunt.

Cum autem Franci tantos habuerint successus,
& regnum in Gallia constituerint, quod legibus
institutis longè præstat omnibus regnis totius
terrarum, nec uerò aliud ullum regnum hodie est
tiquius, ubi una gens possessionem sui regni, & quæ
si sedem maiorum suorum diutius tenuerit, quid
bitemus diuinitus excitatam esse hanc gentem, &
roica uirtute ac foelicitate, tantis auctam incremen-
tis? Hoc consilio arbitror quosdam ad Hectorem
tulisse Francorum originem. Sed hæc fabulosa
tamus, dum illud tamen teneamus, Deum fuisse
huic genti, in auspicijs regni, & maximis rebus
rendis, & subinde heroicos uiros in hac natione
tituisse, quorum singularis fuit uirtus et foelicitas.
autem heroica naturæ initium ueræ nobilitatis.

Germaniæ do-
tes.

Verum si quid in uniuersum habet conueni-
tionis patria: Francos uetustissimos scitote non
grinam in Germania, sed uerè Germanicam gentem
esse. Sunt autem propriæ quædam dotes, ut aliam
gentem.

gentium, ita Germanorum. Existimantur esse aperti, ingenui, amantes candoris, et veritatis, constantes, tenaces promissorum, reuerentes religionum, excellunt fortitudine, et imprimis delectantur gloria militari, abhorrent à crudelitate, et à foedis libidinibus. Si qua igitur nobilitas est, quam in commune habet gens Germanica, aliquid laudis adferet Francis paria. Adeo enim non fuerunt dissimiles ceterorum Germanorum, ut aliquibus uirtutibus etiam reliquas nationes superarint.

Sed quam initio regionem tenuerint, dicendum est. Porro ut in iudicio finium regendorum, adiudicatione controuersia dirimitur, cum certi fines ostendi non possunt, ita gentium sedes, cum origo ignota est, plerique attribuant ijs locis, ubi gentes rebus gestis magis inclauerunt. Constat Francos moto bello aduersus Romanos, late in secunda Germania uagatos esse, deo quidam sedes eis tribuunt uicinas Sicambrijs et Caucis, id est, Gethris et Frisijs. Itaque sub Constantino scribuntur occupasse Bataniam, et Pyratiam in mari exetasse, et longa lateque Gallie littora popu-
atos esse. Sed mihi posterius descendisse propius Bel-
gicum uidentur, ac propemodum adsentior ijs, qui
certam tribuunt sedem in ripa Germanica, supra Con-
oniam Agrippinam, in ea regione, quam Catti tenu-
unt, siue ea est Hasia, siue etiam uicinia superior, ut
ex Ptolémæo apparet, quæ nunc habet Franciæ ap-
pellationem. Unde probatis imperij finibus, partim

Sedes Franco-
rum.

Tt

Moeni

Aurelianus
Imp.

Moeni ripam occuparunt, partim effusi sunt in Vbios ac in Belgicum, unde saepe repulsi à Romanis Imperatoribus, tandem tamen in Galliam peruasunt. Nam Imperatorum primus Aurelianus cum Francis ad Moguntiam confligit, cum nondum procul à patria discessissent. Quare credibile est, Francos tenuisse initio loca, non longè distantia à Moguntia. Postea late uagati circa Coloniam Agrippinam, penetrarunt in Vestualiam. Proinde Marcellinus Francis adiungit Camaucos, quos fuisse Vuestualorum partis constat.

Apparet & ex Aufonio, huius gentes non pridem fuisse, cum ait:

Accedent uires, quæ Francia, quæq; Camauis Germaniq; tremant, tum uerus habebere times.

Inde progressi, populis ad Albim usq; imperant. Quare Claudianus inquit:

Vt iam trans fluuium non indignante Cayco. Pascat Belga pecus, mediumq; ingressa per Albem Gallica Francorum montes armenta pererrent.

Julianus.

Confligit & Iulianus cum Francis ad Iulium. Itaq; sedem huic genti supra Vbios tribuimus, sicut Cattis, seu in uicinia. Postea infra Coloniam Agrippinam late uagata est. Quod uero pars Francorum Salingi uocabantur, recentior est appellatio illorum, qui à Moeno ad Sala fontes progressi, penetrarunt in Turingiam, & cum Turingis diuturne bella gerunt: Ptolemæus enim ad Salam collocat Turingios.

mos, quos esse Turingos nomen ipsum testatur.

Porrò nomen uidetur fuisse non unius gentis, sed Nomen generale Francorum. multarum, quæ coniunxerunt se, ad defendendam Germaniæ libertatem: Constat enim hodie Francum dici liberum, à nostra appellatione, die freien francken, id est, liberi iuvenes, sicut nunc appellamus milites, die freie knecht. Ergo siue una gens fuit, siue multarum nationum bellicosissimi homines, apparet libertatis aucthores extitisse, non procul à Rheno & ab Ubijs, homines excellenti uirtute & iustitia præditos, qui Imperium Romanum, quod illis temporibus erat atque qui tranquillum, & toti orbi terrarum formidabile, laceßere armis ausi sunt, & repressi toties, nunquam tamen animis fracti, fortune aut uirtuti Imperatorum resserunt. Nec uerò ulla gens dimicauit cum præstantioribus imperatoribus, quam Franci. Quæ enim ætas habuit duces bellicosiores, quam fuerunt Aurelianus, Probus, Diocletianus, Maximinus, Constantinus, & Constantinus? Horum uirtute & foelicitate cum aliæ prouinciæ tumultuantes facile renouarentur ad officium, tamen Franci etiã uicti, iugum nunquam acceperunt, nunquam arma abiecerunt, tantus amor patriæ fuit, tantum seruitutis odium. Quanta igitur uirtus in maioribus nostris fuerit, inde facile estimari potest, quod ut Romani bellum cum Carthaginiensibus de Imperio uaria fortuna, annos circiter quadraginta, sed per interualla gesserunt, ita Franci Romanos, toti iam orbi terrarum dominantes, ar-

Bella Francorum.

Tt 4 mis

mis exercuerunt annis amplius centum, inde usque ad Aureliano ad Theodosium, donec non modo libertatem recuperarunt, sed etiam potiti Gallijs, Belgica et Celtica, post Theodosium regnare ibi coeperunt. Non minus negotij fuit tueri possessionem Galliarum, cum ferocissima nationes eam appeterent, Burgundi, Alemanni, Hunni, quam antea fuerat eripere eas Romanis. Quare nisi fortitudine, scientia rei militaris, tolerantia laborum, denique etiam iustitia et disciplina velleissent, tanta certamina tot annorum sustinere non potuissent.

Recensui opinionem, de Francorum ortu, et efficijs regni Francici, quae maxime probatur et dicitur. Cum autem non modo Belgicum inuasissent, etiam à Moguntia progressi, occupassent vicinam Mosam, fuit ea regio propria Francorum sedes in superiore Germania, quam aduersus Alemannos, et Sueuiam et Heluetios tenebant, non sine acerbis praelijs defenderunt. Itaque illa Francorum arx opposita Alemannis, retinuit Franciae nomen. Haec est causa, cur Regio ad Moenum Francia et etiam nunc appellatur. Sed Auentinus negabat Francos ad Moenum novos esse colonos, et sentiebat hos esse primos gentis, hanc esse ueram patriam gentis Francorum, propterea quod Strabo *Γερμανίαν* ponit inter Noricos et Vindelicos, quo in loco et Suetonius Brenno esse testatur, inde paululum progressos arbitror ad Moeniripas, et deinde Romanis bellis in Belgicis tractis

Auentinus
Francos dicit
αὐτοχθόνους.

tractos: à qua sententia profectò non multum abhorreo, nec inuitus hunc honorem tribuo nostris ciuibus, ut αὐτόχθονας, non colonos ex alijs ortos gentibus, esse existinem. Contendebat etiam Auentinus apud Ptolemæum pro Brennis, quos inter Noricū & Vindelicum collocat, legendum esse βρέγγος. Et citatur Parthenius uetus scriptor, qui Francos ait esse ἐθνος ἀλλότρου.

Parthenius.

Sed plus laudis est in uirtute, quàm in origine. Cum igitur res gestæ ostendant fuisse gentis Francicæ excellentem uirtutem, simus hac laude contenti, & de generis origine disputare aliquando desinamus.

Occupata Gallia, fœdus cum Romanis sub Iustiano fecerunt, quare non modò belli iure, sed etiam ex fœdere Galliam tenent. Et uirtute ac fide perfecti, ne Romanos pœniteret societatis Francicæ. Nā Aetile Francorum auxilijs ingenti prælio uictus, & ex Narbonensi Gallia expulsus est, quam adhuc Imperatorius præfectus Aetius tenebat. Testantur igitur historie, Francos tunc socios Romani Imperij, non uestigales factos esse.

Franci socij
Imperatoris
Romani.

Accedit ad ueterum Francorū laudes hæc quoq; quod cum audissent doctrinam Christianam de uero cultu Dei, & admoniti agnoscerent barbaricos ritus & ἀδωκενία plenam esse turpitudinis & sceleris, cupide amplexi sunt Christianam religionem, & magnâ pietate coluerunt. Nec sine cœlestibus ignis ad pietatem uocati sunt: Nam Ludouicus, qui

Quomodo ad
Christianam re-
ligionem uoca-
ti sint.

Tt ij pri

primus inter Reges amplexus est Christi doctrinam, hoc signo confirmatus esse fertur: Habebat coniugem Christianam, quæ cum eum sedulo hortaretur ad ueritatem agnitionem, & commemoraret, nullam esse uirtutem digniorem Regibus, quam uera pietate Deum colere, etsi inflexit eius animum, tamen non statim persuasit, ut baptismo initiaretur. Gerebat autem Ludouicus ille bellum cum Alemannis perdifficile, cum in postrema pugna, quæ supra Coloniam Agrippæ commissa est, turbata & inclinata Francorum ac uictoria uideretur penes Alemannos futura esse, & Ludouicus clypeum ad cælum tollens, inspectam exercitu, Christum inuocauit, & Deum confessus est, ut ostenderet se exaudire inuocantes, & propugaret hastes, uotumque fecit, se statim parta uictoria baptismo initiaturum & se & exercitum, deinde pergentes reuocauit. Testatur igitur Christus se implorantes opem ab ipso tuare, reddidit animos milibus, ac restituto prælio, tanta strage Alemanni ceciderunt, ut deditione facta, Francis parere coeperunt. Hoc initium fuit Regibus Francis colende pietatis Christianæ circiter annum Christi 480. quam quidem prædicta annos amplius mille, tanta constantia retulerunt, ut Ecclesiæ Christianæ sæpe dubijs temporibus magno præsidio fuerint, eamque ob causam Christianismi appellati sint. Nec armis tantum defendendam religionem, sed multo magis ornauerunt eam scholis & propagatis studiis in Gallia & Germania.

Hactenus

Nactus de auspicijs regni Francici, & quasi de prima etate dixi. Posteriores deinde non solum retinuerunt partem opes, sed etiam auxerunt, ac non modo potentia crevit, sed etiam accesserunt maiora studia civitatum, artium, religionis, doctrinae, iusticiae, disciplinae. Itaque cum facile equitate & lenitate Imperij pacem domi tenerentur, foris ad communem Europae defensionem bella necessaria gerebant. Carolus Martellus repressit Sarracenos, deleta ingenti eorum multitudine, adeo ut Hispania partem tunc amitterent. Pipinus pacavit Italiam; & Parrhisys constituit curiam iudicium, quam vocant Parlamentum, quo nullum est sapientius, ac melius, constitutum iudicium toto orbe terrarum. Ab his summis viris ortus Carolus Magnus, auxit avitam & paternam gloriam. Neque enim tantum armis pacavit Italiam, sed etiam domitis Longobardis iura & leges dedit, ut ad posteritatem Italia quieta esset.

Quomodo
eorum creverit
potentia.

Parlamentum.

Cum igitur appareret Francicos Reges, & magnitudine Imperij, & uirtute ceteros Reges in Europa vincere essetque aliquo custode publice tranquillitatis opus uniuersae Europae, ac praecipue Italiae, cuius possessione Graecos Longobardi depulerant, bono consilio Romana Ecclesia Carolum appellauit Imperatorem, ut ei defensionem Italiae atque ecclesiae commenderet. Quod autem illustrius testimonium uirtutis Francie commemorari potest, quam haec iudicia exterarum nationum, quae non modo auxilium à Francis

Iudicium exte-
rarum nationum
de Francis.

Tt. iij

implorant.

implorauerunt, sed etiam existimauerunt se illis imperantibus libertatem suam posset retinere. Quare magnam fuisse iusticie opinionem de nostris hominibus necesse est. Fertur illud Græcum, τοῦ ὁπλῶν φίλος ἔχει, γέροντα δ' οὐ. acutè fortassis: Nam crescentē Francorum potentiam formidabant Græci. Sed tamen Italia non amicum modò ac uicinum, sed etiam domum habere Francum propter uirtutem et equitatem im-

Carolus instaurat Academi-
as

pèris, non recusauit. Vt autem Carolus belli glori-
par fuit summis Imperatoribus, ita pacis artibus opti-
mos equat Principes. Academiā Bononiensem, ante
à Theodosio constitutam, instaurauit, quasq; noui-
ipse addidit, alteram in Italia Papiensem, alteram
Gallijs Parrhisiensem, ut serè extincta optimarum
tium studia rursus excitaret, et doctrina religionis
ac Resp. muniret et ornaret. Nec uerò obscurum est
quàm præclarè meritis sit de toto orbe terrarum
scholis constitutis, quarum præcipua operam
nis septingentis conseruate sunt litere. Hec est
laus summi Principis, pacem restituere, religionem,
iusticiam, disciplinam tueri, ornare, et ad posterum
propagare. Quà dissimiles sunt ab hac imagine ex-
citus illi, qui his proximis annis Italianam fœda popu-
latione dilacerarunt, nec gerunt bella hoc fine, ut po-
stea religiones, et literarum studia excitent, sed ut o-
ternam barbariem et uastitatem efficiant. Quam
fuerunt foelicia Francorum Imperia, qui salutio-
nium gentium consuluerunt, et religionem ac li-

Vera laus
principis.

tra

teras magnæ cura prouehere conati sunt.

Sequitur tertia Francorum ætas, cum Gallia à Germania auulsa est, post id tempus fuerunt tamen in Germania Francorum Duces, qui uetustam Francorum sedem in utraq; Mœni ripa, & magna parte regionis Rhenana tenuerunt. Nam Francia nostra olim aliquantulo latius patuit, nunc ferè Scale non figuram efficit, cuius latus Septentrionale porrigitur ab ortu uersus occasum, à Sale fontibus usq; ad ostiũ Mœni in Rhenum influentis: Latus Meridianum ab ostio Mœni ad flumen Altmilium, à Meridie magna ex parte præcingitur sylua, quæ à uassitate nomen habet. Orientale latus ab Altmilio Sale fontes porrigitur iuxta montes Sudetes. Nec procul recessit à uetustibus uicinis, quorum Strabo fecit mentionem. Nam & hodie Vindelicos à Meridie attingit, & ferè ab ortu aspiciat Noricum. Habet ad Mœnum sitas metropoles, Bambergam, Vuirceburgum, & Francofordiam. Hic tractus in ripa Mœni hodie retinet in Germania Franciæ nomen. Olim bona pars ripæ ad Rhenum à Spira usq; ad Coloniam uocabatur Franciæ Ducatus. Moguntia enim quissiam è uetustissimis Ducibus seculatus est, cui nomen Meingos, & Cunradus, qui condidit templum Spirense, non procul à Spira regiam habuit Lympurgam.

Tertia Franco-
rum ætas.

Franciæ ducatus.

Peperit autem & hæc tertia Francorum ætas laudatissimos Principes, Henricum Bambergensem, qui Belgicum recepit, & expulit Italia Saracenos: dein

T. V. de Cuna

de Conradus recepit Burgundiam, & eam Imperi
partem, quam uocant Arelatensem, & domuit Pan
nonas. Posterius eius, artificijs Pontificum Romanorum
impliciti sunt civilibus bellis, sed tamen res gesserunt
maximas. Henricus quartus sepius acie dimicasse so
bitur, quam C. Cesar. Postea extincta stirpe Ducum
nostra nobilitas & ciuitates, ne externos dominos ac
ciperent, neque libertatem suam amitterent, summum
Principatum magna ex parte transfulerunt ad Ep
scopos, quorum diu fuerunt equiora Imperia, & nu
mus periculosa libertati: Pars regionis & Burgen
uijs Noribergensibus parere coepit inuitata, ut &
nor, & nobilitate & uirtute familie. Nam Burgrau
à Guelfis orti sunt, qua uix est ulla uetustior in Ge
mania nobilitas, fuitq; par nobilitati uirtus: possunt
comemorare multos, qui res maximas gesserunt, &
prætereo ceteros. Alberti fortitudo & foelicitas
prælijs, tanta fuit, ut germanici Achillis cognomen
celebretur.

Nec uerò extincta sunt in nostris hominibus se
dia uirtutis, etiam si fata Imperium Europe ad al
gentes transfulerunt. Nam equitatus Francicus, per
tia rei militaris, disciplina, fortitudine, genere arm
rum, non cedit reliquis nationibus germanicis, qui
equitatu pollent. In ciuitatibus indicia legibus, & u
re constituta sunt, gens ipsa cum natura amat calo
rem, fidem, iusticiam, liberalitatem, tum uerò dom
stica & publica disciplina ad uirtutem, & omnia

Episcopi.

Burggrauil.

Quales hodie
Franci.

manitatis officia assuefieri solet. Cumq; ingenia sint minime fucata, uix inuenias alibi firmiores amicitias.

Est autem in tanta corruptione publicorum morum, ubiq; plurimum est uitiorum, tamen ubi minor est ignauia, consuetudo laboris multa uitia arcet, et adfert hominibus duriciem, ut minus appetant incontinenti voluptates, et luxum. Est autem utraq; Mœni ripa admodum ferax et culta, quare Franci agriculturæ dediti sunt. Hoc durati labore luxum aspernantur, ac magna ex parte est, ut ille inquit.

Nostri operum patiens, paruoq; assueta iuuentus, Nonnulli et mercaturam exercent, sed magis crebro œconomicam, quæ uitæ necessaria est, et plena humanitatis. Quid enim est laudabilius, et uitæ utilius, quam deuinciri inter se homines mutua rerum necessariorum communicatione? Huius rei copiam soli fertilitas suppeditat, quod frumenti tantum gignit, ut uicinjs etiam impertiamus. Vinum autem uberiorius apud nos nascitur, quare procul in regiones longinquas euehitur. Pro hoc, salem et metalla nostri reuehunt. Est autem uena auri atq; argenti apud nos interdum inueniuntur, tamen nostri contenti agricultura, non scrutantur eas. Ferrum tantum erunt, et excoquunt, quod magis necessarium est ad uitæ usus, et copiosius gignit nostra regio. Extrema ora horridior est, itaq; plerisq; locis re pecuaria sustentantur homines. Noriberga uero, nam hanc quoq; in ora

Laborios

Mercatura
œconomica
apud Francos

Francia

**Ager Bamber-
grafs.**

Franciæ rectè collocari arbitror, floret cum exodien-
tium artificum frequentia, tum mercatura, quæ non
absimilis est œconomica: Euebit enim artificum ope-
ra, nec sine hac negotiatione suppetent artificum
officinis sumptus. Quare et hoc genus mercaturæ
Platone laudatum, et autoritate legum in digdis
grauissimè comprobatum est. In agro Bambergensi
mira est hortorum amœnitas et fertilitas, in quibus
si non, ut in Alcinoi hortis, punica mala, fici, et ole-
nascuntur, tamē ingens est copia multorum fructuum
qui uite sunt utiles. Et ut ceteros omittam, latissimos
campos Glycyrriza occupat, cuius magnus est usus
multis remedijs. Cumq; gentes propius ad Arctos ac-
cedentes, propter frigora et intemperantiam habent
crebriores tusses, et desillationes, et pulmonum in-
commoda, quibus medetur maximè Glycyrriza, non
tamen debent uicini nostre regioni, quæ remedium
presentissimum suppeditat. Est et ars ac ratio col-
di digna admiratione, quæ adhibetur in plantanda
propaganda Glycyrriza: Certat enim ars cum natu-
mirifica emulatione.

**Salus & flu-
mina.**

Hactenus de gentis ingenijs ac moribus, et de so-
bonitate breuiter dixi, quæ Physicam habet causam
non obscuram. Vt enim ceteræ regiones, quæ tanqui-
ualles præcinguntur montibus ac iugis, uelut irriga-
tur defluenti ex saltibus pingui humore: ita et Fran-
cia fit uberior, procincta hinc saltu Turingico, istius
saltu Suenico. Et rigatur fluminibus ambitiose con-
pau-

Servagantibus, Moeno, Tubaro, Lasso, Regnicio.

Nonnihil et coelestes causae adiuvant soli bonitatem Coelam;
em, et hominum ingenia. Cum enim Ptolomaeus uni-
verse Germanicae attribuat primum trigonum, uide-
ret Arietem, Leonem, et Sagittarium, ac adiungat
moderatorem Iovem et Martem, horum uis ma-
xima est in media Germania. Francia autem fere uni-
versus est Germania. Quare et solum minus est hor-
ridum, cum à Ioue, et ut oppositi trianguli natura fe-
cit, à Venere temperetur. Et studia moresque hominum
non obscure imitantur Iouis et Martis naturam: Sunt
nisi in gubernandis ciuitatibus acres et industrii: le-
ges et disciplinam, si quae natio, nostri maxime amant,
ignauiam iudicant esse turpissimam: quare nobilis in-
uentus militiae cupida est, et passim castra sequitur.
Nec domi etatem in ocio agunt, sed habent assidua e-
questria exercitia. Est item Francia sinistro humero
Boeotiae recta subiecta, qui agriculturae studium excitat:
et quoniam aliqua ex parte refert Mercurij et Satur-
ni naturam, addit uiam ingenij. Proinde non solum in
vulgaribus, domesticis, aut ciuilibus negocijs, singu-
laris est in nostris dexteritas, sed etiam in literis et re-
conditis artibus multi excelluerunt, quos enumerare
longum esset. Sed tamen silentio praeterire illos, quo-
rum extant monumenta utilia Reipublicae esset hominis
ingrati.

Quis uestrum non amat nomen Regiomontani? Regiomonta-
nus non ueneratur eum, ut numen aliquod diuinitus
in terra

in terra missi, ad instaurandam ueram Philosophiam
 de motibus coelestibus? Nullius enim industria plu-
 praeſtitit in eo genere doctrinae restituendo, quam Re-
 giomontani: qui cum ingenio, & eruditione in Ma-
 thematis excelleret, uideretq; sine cognitione Graeco-
 rum literarum praestantissimos scriptores mathe-
 matum non possantelligi, dedit se Graecae linguae, &
 secutus Bessarionem Graecum Cardinalem in Itali-
 am, magna cum laude ibi & docuit suam Philosophiam, &
 homines graece doctos uicissim audiuit, Lustranti bi-
 bliothecas, inquisiuit optimos autores, ut Ptolema-
 quem illustrare cupiebat, sitim & squalorem de-
 geret. Itaq; magna uarietate monumentorum nos-
 truxit, enarrauit autores ueteres, difficiles artis qu-
 stiones agitauit, adidit tabulas, ut posteritas rei me-
 artis possessionem posset. Porro doctos homines in-
 ligere decet, quantum sit beneficiũ, tradere doctrina-
 de motibus coelestibus. Amissa enim uera animi deſor-
 ptione, qualis barbaries, quanta tenebrae in his-
 religionibus, imò in omnibus uita actionibus segre-
 ra essent? Quare Regiomontano gratias omnes ge-
 tes debent, nosq; ipsius causa Franciam, in quata-
 tum ingenium natũ est, magis amare decet. Cumq; ha-
 natio minimum habeat scrulium ingeniorum, inſu-
 dijs etiam ostendit ingenuitatem, odit sordes & au-
 cupia, questus in literis: ac plurimi amplectuntur la-
 nestas artes, doctrinae ac ueritatis amore. Ideo multi
 apud nos etiam in ijs artibus excelluerunt, quae nũ-
 go iacet

gē iacent spreta, quia non faciunt, ut dicitur πῶς τὰ ἀλφῖτα. Et quoniam nostri sunt imprimis νοῖωνοι, eruditi non solum suae oblectationis causa doctrinam colunt, sed liberaliter impertunt alijs etiam ea quae didicerunt. Virtutem esse ducunt, operam ad propagandas & conservandas artes conferre. Itaque nunc ichonerus magno cum labore prouehit Mathemata. Quam multos in hac parte Philosophiae excellentes Norimberga genuit? cuius ciuitatis genius peculiariter auere huic Philosophiae uidetur. Clari sunt editis mumentis Pircamerus, & alter Vuernerius, quem uerē artificem fuisse, eruditissimae ipsius observationes de motu octauae sphaerae, testantur.

Norimberga

Sed dicam de alijs artibus. Poeticam in Germania Conradus Celtis excitauit primus Conradus Celtis, natus in nostra traucias qui cum uenam satis haberet foelice, & esset xpolitus ijs literis, quibus ad carmē componendum pus est, non contentus uulgari eruditione, adiunxit hilosophiam, & cum excitandae iuuentutis causa, tūc erō etiā erudiendae, passim refferat sua Poēmata Phycis & Astronomicis locis. Haec argumenta uel praepue conuenire poēmatibus recte sensit, norat enim uera exempla Hesiodi, Empedoclis, Arati, Manilij, uerat & luculentum poema recens Pontani. Quare r sibi & patriae honestum fore putauit, si & ipse in ersibus Philosophiam complecteretur.

Conradus Celtis poeta.

Habuit recentior etas Poētā summo ingenio uttenuum, qui nisi immatura morte extinctus esset,

Huttenberg

ad scribendi facultatem plus eruditionis & iudicij
adhibiturus erat. Sed quanta in eo uis ingenij & no-
turae ubertas fuerit, ostendunt & in inueniendo ac-
men, & in explicando uerborum splendor & copia.

Contrarius.

Prætereo plurimos, quorum eruditio & ipsis de-
cuis, & patrie ingentes utilitates attulit. Sed facere
iniuste, si nō in hac commemoratione laudum parti
complecterer, præceptorem meum, Ioachimū Ca-
merarium, præsertim cum non solum eius studia, sed
etiam optimi mores exemplo nobis esse debeant. Ni-
minem enim uidi, in quo magis luceret id, quod pro-
priae uocatur *ἀρετή*, hoc est, quædam à ueritate
profecta in omni actione moderatio, quam in
Cumq; iustitia, reuerentia religionis, & continen-
tia eximia præditus sit, tum uerò maxime emittitur
amor ueritatis, quæ uirtus homine Philosopho no-
mine digna est. In disciplinis uerò totum orbem attingit
complectitur, nemo ex nostris hominibus Graecior
fior est. Quare pari facultate Græcè & Latine
mens & solutam orationem scribit. Et hanc scientiam
facultatem consumit non in materijs uulgaribus,
Philosophicis, edidit eruditissima poemata, *Acro-*
& *Phænomena*. Quanta autē uirtus est, quod hanc
suam industriam confert ad publicam utilitatem,
ad iuuanda studia, & ad ornandam Christianam
Ac ne quidem in cæteris rebus deest eius officium
pub. Cum prudentia & diligentia excellat in
uilia negotia sustinet. Hunc & in instituentibus

rum ratione, & in moribus imitandum nobis proponamus. Neq; enim minus ornamenti literis addit ipse uita sanctitate, quàm ei peperit eruditio. Porro nimis proluxa futura esset oratio, si recensere omnes conarer. Quare etsi prætereo cæteros, tamen animo tacitus ueneror omnes, qui aliqua egregia uirtute de hominum uita, & de patria benè meriti sunt.

Hæc de Franciæ laudibus collegi, nihil detrahens de aliarum gentium gloria, quare ut meam orationem boni consulatis, uos etiam atq; etiam oro. Existimabo autem me non exiguum operæ precium fecisse, si quis hæc encomia audiens, magis amabit Franciam uel propter cæteras dotes, uel quia tot lumina doctorum uirorum, qui de omnibus gentibus benè meriti sunt, genuit. Cumq; nomen Francicum initio multis gentibus commune fuerit, hæc laudes ad alias nationes etiam aliqua ex parte pertinent. Itaq; opto, ut alant mutuam inter nationes beneuolentiam, non accendant odia, quæ debent abesse à germanis, quos ipsa appellatio Germanitatis, cum ad candorem, tum ad fraternum amorem adhortatur. D I X I

ENCOMIUM FORMICARVM,

scriptum ab Erasmo Ebnero.



MO in hoc coetu dixit unquam, quantum equidem iudicare possum, cui perinde beneuolentia uestra, atq; mihi opus esset, non modò quia hæc ætas mea

Vu

singulari

singulari favore confirmanda, & adiuuanda est, sed etiam quia argumentum adfero, quod etiam si nouitate placere possit, tamen ita est exile, ut nullam magnopere admirationem mereatur. Alij res gestas clarissimorum Imperatorum recitarunt, & tum honeste facta summorum hominum, dicendo ornauerunt, tum aut populorum, aut Tyrannorum turpiter facta grauissime uituperauerunt. Ego quoniã deerat eloquentia par tantis causis, infirmitate uirium humilium argumentum querere coactus sum. Qua de re dum aliquot dies delibero, dumq; reputo quas res exiguae laudauerint ueteres scriptores, à Luciano uideo missam, à Virgilio apes mirifice ornatas esse. Cum igitur mihi honestum esse putarem, ueterum exempla sequi, fornicas sumpsit laudandas. Neq; nullum operæ precium esse iudico, in tanta naturæ uarietate, hæc minutissima animantia contemplari. Etenim non modo Ethnici scriptores dignam hanc materiam in qua elaborare putauerunt, sed etiam principes Christianæ doctrinæ mentione paruorum in natura rerum delectari uidentur. Christus iubet nos passerem intueri: Solomon precipit non modò contemplari fornicas, sed etiam ad eas tanquam in ludum discendi causa mittit. Quis commemorem quàm multa animantia Basilii diligentissime descripserit, & Basilium secutus Ambrosius, eandem animantium historiam in enarratione perum sex dierum penè ad uerbum recenset, docet in illis proposita nobis esse à deo, & tanquam p^{er} plur

Paruarum rerum illustres imagines.

plurimarum uirtutum simulachra, quæ nos officij nostri admonerent. Turpissimum est enim homini tam longè à sua natura degenerare, ut à bestiis etiam uirtute superetur.

Non igitur inutile uidebatur ingenia, moresq; et totam quasi πολιτείαν formicarum describere, quod inde plurima pulcherrimarum uirtutum exempla, et uerè, quod aiunt Græci *μυρμικὰ ἀγαθῶν* capere liceat. Videte autem quantum mea mescellerit opinio. Quod enim argumenti genus arbitrabar propter tenuitatem sine magno negotio exponi et perpoliri posse, id in experiundo cognoui longè secus esse. Comperi enim non mediocris artificis esse, honore uerborum res exiles ornare ac illustrare. Quanquam igitur sentiebam me suscepto oneri imparè fore, tamen quoniā non ad ingenij famam, sed exercendi styli causa susceperam, desistere nolui, sed peregi fabulam quam inceperā. Quæso igitur uos, ut pro humanitate uestra me benignè audiatis, quod si nulla alia res, tamen scholæ consuetudo à uobis impetrare debet, etsi suam laudem honestus conatus meretur, non indigni fauore iudicandi sumus honestissimo argumento suscepto, etiā si rei, quam instituimus, difficultate uicti sumus. Sed ut philosophi in descriptione animantium, primū de cuiusq; procreatione disputant, ita et nobis formicarum ortus, inde usq; ab ovo, ut aiunt, repetendus erit. Verū historia formicarum longior Iliade futura sit, si omnia commemorare uelim: sed hoc ad earum

De ortu formicarum diuino.

V u ij laudem

laudem magnopere pertinere existimauimus, quod cum tam multa diuinitatis uestigia in eis extant, intelligi possit, eas non sine certo Dei consilio natas esse, multoq; uerius quā Poeticos heroes genus à Ioue summo ducere, ut poëta inquit. Quomodo enim in haec terrena natura futuri praescientia sine diuina uideri potest? Non hanc tantam haberet hic uermiculus industriam, longè alienam à brutorum captum, nulla gregalium noticia, nulla mutua collocutio inter eas esset, nulla nossent temporū discrimina, nisi mentem Deus indidisset tantarum rerum, tamq; uariā capacem. Etenim sapere, meminisse praeterita, consequentia cernere, futura prauidere, ne homines quidem nisi diuinitus commoti, excitatiq; possunt.

Quis enim, quamuis ingeniosus, sine Dei opem, varios motus stellarum, magnitudinesq; molem tantam, & alia multa deprehendisset? Multo minus igitur fieri ratiocinari, & futura uidere, & animaduerti praesentia, nisi Dei beneficio possunt. Neq; enim haec aliunde, quā à Deo in terrenam naturā propagatur. Habent igitur formice non dubium generis sui authorem Deum, cuius rei id quoq; signum esse intelligi potest: Nam cum sacrae litterae mittant nos ad formicas, tanquā ad Magistros, profectò significant hoc consilio à Deo fabrefactas, & his ingenij dotibus instructas esse, ut docere nos utilia possent. Vt enim uermiculus paterfamilias, si sapiat, filium docendum trahat ei, cuius non probat eruditionem: ita credibile est, ut

diu

Formicæ no.
sui doctores.

diuinum spiritum nos ad huiusmodi Magistros mittere, qui non doceant cœlestia. Necesse est igitur eas artes, quas nobis istæ discendas proponunt, diuinitus in sensibus ac natura formicarum scriptas atq; sculptas esse, uereq; esse in eis, ut Poëta ait, partem aliquã diuinæ mentis, & haustus æthereos. Dixi hæctenus de formicarum ortu ac nobilitate, quæ non paruam commendationem habet: Adfert enim nobilitas non nodò in hominibus sed etiam pecudibus, quedam uirtutis semina, quæ à parentũ natura in posteros propagantur. Nunc de ingenijs ac moribus, deq; omni uicæ consuetudine illarum dicendum est. Atq; hæc pars rationis, quid aliud habet, quàm honestissimã quamquam formam recte uiuendi? Nemo Philosophorum non tradidit bene uiuendi præcepta. Sed huius insecti historia, quid sit rectum, quid turpe, quid utile, quid non, quid deceat, melius Chrysippo & Crantore dicit. Quis non hæc singularis prudentiæ diligentiaq; indefessæ opera esse dicat? Colligendi uictus tempora intelligunt, proinde aceruum frumenti in messe comportant, condunt, comparcuntq; in hyemem, præuiuent enim hyeme in uacuis agris frustra se pabulum quaesituras esse. Onera morsu gerunt, longè maiora, quàm pro corporis portione ferre posse credibile sit. Quedam grandiora protrudunt, tota corporis mole obnixæ: semina priusquam condant, arrodunt, ne uersus exeant in fruges è terra, madefacta imbre proerunt atq; siccant. Nec noctu, plena luna uacua sunt:

Ingenium ac
mores illarum

Colligendi
ut tempore
& modum

V u iij Vsq;

Vsq; adeò turpe ducunt feriari, ut nullum sibi tempus idoneum labori perire sinant. Interlunio cessant ab opere, si quæ in itinere ferendis gravis grauate sunt, gregales norunt, & quoniam sæpe tanquã ex diuersis ciuitatibus in eadem uia conueniunt, in unum aliquem locum omnes uniuersum comieatum comportant, ibiq; sua signa recognoscunt, ibi uelut exercitum recensentes, agmina separant, & suum cuiq; apprehendum tradunt. Obuiæ inter se quasi colloquuntur, ac percõtantur, donec agnoscant singula suos ciues.

Industria.

Nulla tam sapienter constituta ciuitas fuit unquam, quæ ad hanc formicarum politia conferri possit. Nec cum nullum urbibus uenenum nocentius sit, quam otium, uidetis hanc pestem procul ab hoc animakulo abesse. Nunquam ardentissimi æstus à labore absterrent, non noctu uacua sunt, quod tempus alijs animabus natura ad quietem dedit. Non magnitudine iterum, aut asperitate uiarum defatigari se patiuntur. Sed sæpe ex longinquo frumentum conuehendũ. Sæpe per confragosa saxa, magna ui grana in aduersos montes protrudenda sunt. Ita omnes difficultates, non uirium magnitudo, non corporis moles, sed animi robur, et industria superat, ut adpareat, hic etiã uirum esse id, quod est apud Historicum quendam: Nichil tam altum à natura constitutum esse, quo non possit uirtus eniti. Non dubium est autẽ, quum ut omnia ex ocio uitia nascuntur, ita Labor plerasq; pulcherrimas uirtutes gignat. Proinde nec ceteræ uirtutes à

Sunt huic generi. Quis enim non uidet singularem iusticie intellectum in eis esse? quia certos dies constituunt recognoscendis oneribus, ut cuique agmini suum tenere sine iniuria liceat. Facile est enim ab alieno abstinere his, quibus in sua uirtute industriaque spes posita est: sed illi quicum per luxum atque libidines sua effuderunt, postea rationem incunt, quomodo de alio heluentur. Hinc in ciuitatibus nouæ tabula flagitatorum, bella ciuilia, et innumerabilia alia mala, quæ ciuium discordia parit, nata sunt.

Quid autem de parsimonia forficarum dicam? **Parsimonia.** quæ in hoc genere maximè cernitur? Non enim tantum in præsens sibi consulunt, sed cōparcunt, et propiciunt sibi in futurum: quæ uirtus cum per sese magna sit, et mirabilis, tamen hoc etiam gratior esse debeat omnibus, quod iusticie ueluti custos est. Neque enim uolerare infinitos illos sumptus sine alieno decoctores possunt, sed longè dignissima bono ciue uirtus est, in commune querere, et communia bona summa diligentia augere. Quæ res enim alia omnibus ciuitatibus exitio est, quàm quod priuata bona, publicis utilitatibus plerique omnes anteferunt? Atqui ita sentire nos oportuit, quoniam patriæ salute, nostra salus coninetur, et quoniam ipsi à patria in qua nati, educati ad humanitatem, et religionem instituti sumus, uiuis legibus uitam nostram ac fortunas defendimus, iam multa beneficia accepimus, æquum esse, ut nos etiā illius utilitates pro uirili inuenimus, imò quidquid

V u iij

Seneca de quo
dam Pacuio
conuiuante.

aramus, quidquid serimus, quidquid metimus, ad patriæ utilitatem referendum esse existimemus. Denique illius salutem, ac tranquillitatem antiquiorē dignitate, ac salute nostra, ducamus. Hanc uirtutem licet in formicis cernere ad communē usum, ad fiduas operum conferentibus. Videtis quā multarū uirtutum exempla nobis formicæ proponant, ad quam imaginem si maximam hominum partem cōtuleris, quotus quisque erit his uirtutibus præditus? Bona pars uoluptatibus atque ocio dediti, nulla de re in omni uita sunt solati, quā de conuiuio adparando, aut alijs similibus uoluptatibus comparandis. Seneca scribit, Pacuium quendam prætorē in Syria fuisse, qui quotidie splendide conuiuatus, cum se copioso uino de die ingurgitasset, solitus sit uespere funus sibi adparare, accersitibicines, qui funebres modos canerent, et hoc genus alia curare ad funeris speciem representandā. Anna cum iam sustinere se ebrius non posset, iubebat lectulo impositum, tanquam funus inferri in cubiculum, et cantari funebres modos: *βελιωται, βελιωται*. Iudicabat enim eum demū diem præclare se uixisse, quo ita esset conuiuatus: nec ducebat esse uitam expellendam, cum non liceret eiusmodi uoluptatem perfrui. Quis non statuat plus esse mentis formicæ, quā huic Pacuio, qui uitam homini hanc unam rem, ad pecudum uoluptates perfruendas, datam credidit? Et quamuis exemplum Pacuij in funus faciendo non multi imitentur, dogma tamē hoc præclarum

larum maxima pars hominum proficitur, qui nihil in omni uita dignum homine suscipiunt ac gerunt, sed in ocio, et inter pocula temulenti etatem exigunt. Sed quoniam sanorum hominum iudicio, uentres isti non homines, sed uerius monstra hominum sunt, desino formicas cum his conferre, quos non modo formicarum exempla, sed ne quidem publicæ leges ad sanitatem reuocare possunt. Nulla autem inter omnes laudes formicarum amplior esse mihi uidetur, quàm ea, quæ apud Solomonem est: Is enim inquit, formicas non modò stultos, sed sapientes anteire prudentia. Neq; ego, nisi tam grauem authorem haberem, aude-rem hoc paradoxum inter doctissimos homines dicere. Sed quia formicarum laudes colligere institui, non fuit hæc prætereunda, præsertim cum esset amplissima. Quid audio? omnibus Philosophorum scholis, omnibus Rerumpu. gubernatoribus, deniq; omnibus sapientibus uiris, formicæ præferuntur. Hoc planè est iuxta prouerbum. Formica camelus. Et cum non possim hoc loco omnes causas, cur ita scripserit Solomò, recitare, sunt enim multe, quas ex ipsius Christianæ doctrinæ fontibus longè repetere oporteret, tamen unam hanc commemorandam esse duxi.

Tanta desidia est humani animi, ita penitus hæret in nostris medullis uoluptatum atq; ocij amor, ut nulla tanta sapientia sit, quæ non uoluptatum illecebris uinci, et expugnari possit, ut industriam, laboremq; remittat. Quod cum etiam Poëtæ animaduertissent,

V u v finxerunt

Solomoni

Animi humani
desidia in Her-
cule notata.

finxerunt Hercule tot domitorem monstrorum, Omphales amore captum, muliebri ueste, in gynecio tinentem colum. Atq; hoc illi de summo uiro fingeant, ut significarent nullam tantam esse uim animi, que non frangi ac debilitari blanditijs uoluptatis possit. Compara uerò mihi formicas ad hunc Herculem, aut si mauis ad Alexandrum, harum industriam sedulitatemq; nulla res unquam retardat. Illi scilicet heros summa sapientia ac fortitudine præditi, quàm immutati sunt alter amore mulierculæ, alter etiam magis beluinis uoluptatibus? Huc igitur sacræ literæ sapientes etiam uiros accersunt, & in hanc Academiam uocant, ut discant, non modo similem in laboribus constantiam præstandam esse, sed etiam ut uideant quanta sit infirmitas humanorum animorum, qui tam facile defatigari se patiantur, ut formicæ etiam robore animi summis uiris præsent. Et has ideo intueri iubet, ut cum uiderint tantum uim uilissimæ bestiole diuinitus datam esse, petant & ipsi, expectentq; à Deo similem constantiam industriamq;. Sed de hoc toto loco, alij rectius dicent.

Exhortatio ad
sedulitatem.

Vos autem optimi Commilitones, quoniam ita iubent sacræ literæ, intuemini formicas, & cum aliarum uirtutum exempla ab eis petite, tum imprimis earum sedulitatem exprimere contendite. Etenim si uel nulla proposita essent nobis laboris nostri præmia, tamē quoniam deus præcipit ut laboremus, parere illi uoci debemus. Nunc autem cum etiam tanta præmia proposita

proposita sint, quæ est amentia, tantarum rerum magnitudine non excitari, aut acui ad laborem? Nil sine magno uitæ labore dedit mortalibus, inquit Poëta. Proinde nolite putare, sine magna animi contentione ulla uitæ præsidia comparare uos, aut retinere posse. Quæ de re cum omnes omnium doctorum uirorum libri pleni sint, et referri hoc genere exhortationum, ego uobis, quoniam propter ætatem, uel admonendos uos, uel ad cohortandos parum autoritatis habeo, recitabo uobis grauissimum locum, qui extat in Xenophonte, quemq; se Xenophon ex Prodicti libro transcripsisse fateatur. Sunt autem cōtrariæ orationes Virtutis & Voluptatis ad Herculem deliberantem, utrâ uitæ uiam ingreditur, uoluptatis ne, an uirtutis sequatur, sic enim ait.

Cum Hercules ex pueritia egressus, iamq; propè pubertatem esset, quæ ætate sui compotes facti adolescentæ, significant utram uiam, uirtutis, an ignauie ingredi uelint, exiit in solū locum, seditq; tacitus seculum deliberans, utram uiam uiret. Hic adparuerunt ei duæ mulierculæ maiores humana specie, quarum altera uultu modesto & liberali erat, nullo peregrino cultu aut fūco ornata, sed genuina bonitas formæ adparebat, in corpore mundities, in oculis pudor, in incessu modestia, uestem præterea candidam gerens, Altera erat habitior, & fucata, nam & rubor, & candor maior erat natiuo. Et incedebat supina, oculos late pandens, ueste induta, quæ formam maxime com-

mendabat,

Orationes uirtutis & uoluptatis ad Herculem.

Voluptas.

mendabat, contemplans interim se, & circumspiciens, an alij se uiderent, nonnunquam etiam umbram suam respiciens. Postquam autem propius uentum est, illa prior modestè pergebat. Hæc autem ut auerteret, accurrit ad Herculem, ac inquit : Video te Hercules deliberare utram uiam ad uitam agendam ingrediaris: Quod si me tibi adiunxeris, ducam te in cunctissima & facillima uia. Nulla res iucundata, qua non poteris, & molestiam nullam perpeties. Neq; enim aut bella, aut alia grauius negotia curabis, sed hoc unum cogitabis ac queres, ubi aut cibum at potum suauiore inuenias, aut quod delectet oculos, aut unde olfaciendo, aut tangendo aliquam uoluptatem percipias, aut ubi amoribus perfruaris, aut quomodo mollißimè cubes, & quomodo hæc omnia sine aliquo labore consequaris. Etsi quis incidit in megestatis, non est quod timeas me tibi aliquid labori imposituram esse, efficiam enim, ut fruaris his, quæ alieno labore parata sunt in promptu. Nec ullare & finirebis, unde modo speres te aliquam uoluptatem posse lucrifacere: Ego enim meis sodalibus potestati facio, ex omnibus rebus uoluptates decerpere. Hæc Hercules audiens, inquit: Mulier, quod est tibi nomen? Tum illa: Mei sodales uocant me *Felicitatem*. Qui me aspernantur, uocant me *Ignauiam*.

Virtus.

Interea accessit & altera mulier, dixitq; : Veni & ego ad te adolescens: Noui autem tum generosæ parentes tuos, & indolem educationemq; tuam. Hæc

nihil spem faciunt, fore, ut si me secutus fueris, manas & honestas res geras, & me multò clariorem auid homines efficias. Nec longa te præfatione, quæ d uoluptatem fingi solet, morabor, sed simpliciter id uod res est, uereq; narrabo, quod Dij constituerunt. Nulla uera bona, sine labore curaq; mortalibus Dis dederunt. Sed siue Deos tibi uis esse propicios, placandi sunt: siue ab alijs diligi uis, beneficijs adiunendi sunt: siue honore adfici à ciuibus cupis, bene uereri de patria oportet: siue uis in admiratione esse pud omnes Græcos, benefactis id te consequi oportet: siue uis ut terra pariat tibi fruges, colenda est: siue x pecudibus ditescere uis, pascenda sunt. Siue bello pes tuas augere uoles, ut socios in libertatem adferas, & inimicos in seruitutem redigas, belli artes didicenda sunt ab his, qui eas norunt, & exercenda, ne uomodo eis utendum sit, scias: Si rabur corporis uis confirmare, consuefaciendum est, ut rationi obediat, & exercendum magno labore ac sudore. Quod cum dixisset uirtus, interpellat eam ignauia, inquiring: Viles Hercules, quàm asperam & longam uiam ad fecunditatem hæc tibi mulier ostendat, quo ego tibi commendariam & planam uiam monstraui: Tum uirtus & misera, dic nunquid habeas boni, & nunquid suauis unquam cognoueris? quæ nullum laborem uis illorum consequendorum causa suscipere. Et ne quid expectas naturale desiderium suauium rerum, sed anæquam natura expetat eas, implet atq; obruis te,
edip

edis priusquam esuris, bibis antequam sitis, condimenta uaria ad irritandam famem excogitas, nima pressa, ut inuites sitim, comparas, in aestate niuem quæras. Et ut suauiter dormias, non modo mollia strata, sed etiam lectos facis, somnum enim accersis, non ut per laboris interualla quiescas, sed inopia negocij, superdore ac legum metu amori operam das, nocte abuteris, et optimam diei partem somno perdis. Et cum Deo te esse glorieris, ex Deorum numero eiecta es, opponantur te et honesti homines. Neque unquam suum carmen, tuas laudes audiui. Et pulcherrimum spectaculum nunquam uidi. Nullum enim unquam recte factum tuum spectasti. Quis tibi improbandum det? quis egenti dabit aliquid? Quis sane mentis tuo choro esse uelit? ubi iuuenes imbecilli corporis sunt, senes fatui, qui cum adolescentiam in ocio perdiderint, senectutem miseram et calamitosam agunt. Tunc et pudet anteactæ uitæ, et piget primum querere necessaria etati subsidia. Suauia in adolescentia ante tempus præcepserunt, laborem et ærumnam eam etatem distulerunt. Ego uero apud Deos uersor, et apud honestos homines. Nullum honestum facium neque Dijs neque homines sine me faciunt, ideoque me Dijs et homines honore adficiunt. Grata sum operatrix artificum, fida custos familiæ dominorum, beneuola, adiutrix seruorum, iucunda comes laborum in pace, firma periculorum, in bello auxiliatrix, optima amicitie socia. Et mei amici suauis uoluptas
 sum

Sine fastidio percipiunt ex cibo & potu, expectant enim illorum naturale desiderium. Somnus etiam suavior eis est, quàm ociosis, quem etiam cum opus est, sine molestia abrumpunt, nec propter hunc, necessaria intermittunt. Et iuuenes senum laudibus gaudent, & senes delectantur iuuenum honoribus, & incredibili uoluptate rerum à se gestarum meminerunt. Et sine difficultate praesentes labores conficiunt, per me dijs chari, amicis, chari patriæ. Et cum ex hac uita descendendum est, non obscuri aut ignoti iacent, sed laudes eorum perpetuò à posteris prædicantur. Hæc tibi ò fili bonorum parentum Hercules contingent, & ueram foelicitatem stabilemque ita consequeris, si laborem non defugies.

Sic uirtus apud Xenophontem concionatur, & ad labores suscipiendos, non tantum Herculem, sed omnes adolescentes, uerissimam grauisimamque uoce hortatur. Qua oportuit aures uestras undique circumsonare, & inertes animos tanquam claustrales excitari. Atque hanc ipsam uirtutis orationem diuinitus in Formicis scriptam putate, quam quoties uidebitis, ueniat in mentem hanc uobis imaginem, quæ uos ad laborem incitet, in terris à Deo propositam esse. Et sicut comœdiæ exhibentur, ut in illis exemplis discamus, quid in uita deceat: Ita Deus in hac rerum natura uaria spectacula fecit, quæ nos officij nostri commonefacerent. Proinde cum formicæ conuehentes rana, condentesque in commune spectabitis, existimate hanc

te hanc tanquam Dei uocem esse, quæ iubet ocium,
 nocentissimam pestem fugere, & suscipere honestos
 labores, quibus & nobis ea quæ in omni uita neces-
 saria sunt, comparemus, & societatem communem
 hominum iuueamus. Quod si facietis, fauebit uestri
 illis laboribus Deus, & omnem uitæ cursum fortune
 bit. Contra eos qui capti amore ocij uoluptatum,
 non uolent formicam audire, atq; imitari, ad quos
 Deo tanquam ad magistros missi sunt, hi sciunt
 grauissimas poenas contemptæ magistræ, imò con-
 pti cœlestis mandati, daturus esse: odit enim
 ocium Deus, ideoq; non unum cala-
 mitatis genus ex ocio na-
 scitur.

DIXIT

PRIMITO-

MI DECLAMATIO.

num Philippi Melanthonia
Catalogus.

A	Dhortatio ad doctrinæ à Paulo tractatæ stu- dium	folio 9
	De Theologicorum studiorum dignitate or- ratio	fol. 20
	Oratio de gradibus in Theologia	fol. 34
	Oratio de puritate doctrinæ in Ecclesiâ conserua- da	42
	Oratio de dignitate studij Theologici, & ministerio	51
	Lazarî querela ad omnes Reipub. gubernatores	60
	Historia de diuite & cæco Lazaro, carmine reddita	70
	Exemplum Latronis in cruce propugnantis gloriam Christi	76
	Oratio de Ecclesiâ, quam Deus testatur se conserua- turum	91
	Oratio de diuino Apostolo	102
	Responsio ad scriptâ delectorum Colonienſium	112
	Oratio de legibus	119
	Oratio de dignitate legum.	126

Æ Rec

INDEX.

Oratio de iudiciis secundum arbitrium iudicis	23
Oratio de iure scripto, & veterum interpretum dignitate	23
Oratio de equitate & iure stricto	23
Oratio de dignitate legum	24
Oratio in laudem artis Medicæ	24
Oratio de utilitate & dignitate Medicinæ	26
Oratio contra Empyricos medicos	26
Oratio de artibus liberalibus	27
Philosophiæ studium Ecclesijs esse necessarium	27
Oratio de doctrina Physica	30
Oratio de laude Astronomiæ & Geographiæ	31
Oratio de dignitate Astrologiæ	31
Oratio de utilitate Arithmetices & Geometriæ	33
Oratio de Dialectica	34
Artes dicendi ad omne genus doctrinæ necessariæ	34
Oratio de eloquentiæ exercitijs & laudibus	34
Oratio in laudem nouæ scholæ Noribergensis	35
Oratio in laudem uitæ scholasticæ	40
Oratio de gradibus studioforum	40
Oratio de corrigendis studijs literarijs	41
Oratio de restituendis scholis	41
Oratio de ordine, & Methodo discendi	41
Oratio de lingue latine, græcæ, hebraicæ studijs	41
Oratio de concordia et cōmunicatiōe studiorum	49
Oratio contra Empyricos medicos	50
Oratio de miserijs podagricorum	50
Oratio de studio ueritatis	59

Oratio

INDEX

Oratio de odio Sophisticis	519
Oratio de Regum officio in religionis pugna	539
Oratio de Platone dicens, optimum esse statum Reipub. cum qui medius est inter Tyrannidem, & Democrati- am proportionem Geometricam	548
Oratio de gratitudine	552
Oratio de ingratitude Ciceruli	563
Oratio de utilitate fabularum	574
Oratio contra nouitatem uestitus	582
Oratio de capta & direpta urbe Roma	599
Oratio contra Ebrietatem	613
Oratio in laudem Sueuorum	635
Oratio de antiquitate & laude Francie	651
Oratio de Encomio fornicarum	673

x ii

INDEX

INDEX RE

RVM PRIMOTO

mo, comprehensarum copio-
fior.

A.

A braham facinora preclara	16
Academici omnia incerta statuunt	54
Academici labefaciunt principia Geom- trica	35
Academiarum libertas	6
Academicorum τὸ ἐπὶ ἔχον	44
Achillis clypeus	34
Adami πλῆροφροῖα ante lapsum	21
Adami conditio post lapsum	7
Adam primus Theologiæ Doctor	5
Adam ad cognitionem Dei conditus	4
Academiæ publica uox	47
Admiratio parit uoluptatem	57
Ad uitium in omnes posteros propagationem	24
Adolescentib. retinenda corporis puritas	11
Adolescentes intra septa continendi	41
Aegyptij Mercurio sacra faciunt	28
De æquitate Aristotelis sententia	26
Æquitati quando locus	33
Æquitatis regula	33

Agamemnon

INDEX.

Agamemnon prodit in habitu scurræ	793
Agelaim equitat in baculo cum pueris	494
Alexandri querela de se ebrio	632
Alexander studiosus medicinæ	310
Albategnius quando uixerit	328
Alesij exilium	460
A literis simile	473
Armana uidua	120
Analytica posteriora	448
Arcepsia seuior incendio	609
Anathema, Muranatha quid	87
Querela Andromaches conuenit in pontificios	536
Angeli custodes Ecclesiæ	65
Armina numero mater	288
Armini descriptiones uariæ	320
Armini cursum primi parentes obseruauerunt	320
Arminus producit, non ager	420
Antoninus Imp: uentriculo medetur	310
Antoninus seipsum iugulat	214
Arpelles pictor	270
Arpollinis mensa aurea	498
Arpollo inter Musas	293
Arpostolorum scholæ	466
Arbitrij periculosi iudices	187
Aristocratiam Aristoteles probat	498
Aristogito apud Demosthenem	572
Aristophanis lex in controuersijs	89
Aristotelis sententia de iure scripto	189

Aristotelici Europi	40
Arithmetice initia	34
Arithmetices usus	37
Arithmetica prima artium	34
Ars ab experientia	27
Artem exerceat, qui didicit	27
Artes inferiores non negligenda	47
Artis definitio	34
Artium magna uarietas	44
Artium fundamenta necessaria	44
Artium orbis nomenclatura	44
Artium primæ origines	44
Artium tria genera	44
Astrea fabula	40
Astrologia quid	38
Astrologia circa que	37
Fauorini de Astrologia sententia	37
Astronomie studiosus Carolus V. Imperator	37
Astronomia martinus	37
Astronomia cum cælo senescit	37
Astronomiam conscribi curauit Fridericus Imp.	37
Astronomie uaria utilitas	37
Athenienses de pace pullati consultabant	37
Athenienses secundum LL. indicarunt	37
Atheniensium & Spartanorum in erudiendis liber studium	37
Augustinus utitur Mercurij alia	37
Augustini matris educatio	37

INDEX

Augustinus refinxit incendia carnis	156
Augustini querela de superstitione	136
Augustinus voluit coniugiarata	153
Augustus Caesaris peritum	217
ut solida xxi	55

B.

Baccularij à Bacca Lauri	419
Bambergensis ager	668
Basilij iudicium de Ecclesia iudicibus	173
Beda, Gregorius docti	441
Bestiis gratitudinis exempla	160
Buceri uxor honesta	164
Buceri altera coniux	165
Buceri doctrina sua	167
Bucerus effecit se ad negotia occupari	122
Bucerus effert placidam disputationem	154
Burggrauij unde	666

C.

Cain & Abel iudicant de creaturis	27
Calcei rostrati, trianguli seu deltoides	587
Calceographia	190
Caligula Iuris consultorum hostis	226
Cambysis contra Prexaspen crudele facinus	627
Canis Aescopieus	359
Canonici ociosum genus hominum	165
Carpinio uenit ad Argyropilum Roma	491
Carpionis & Stöffleri laus	649
Carolus Magnus fundit Academiis	664

iii x

Caroli

INDEX

Caroli V. laus	602
Castellanus opprimit Bigotium	173
Cassius longinus luraconsulius excecatur	245
Castitas uera	158
Castitas in coniugio	156
Castitas à Deo praecepta	157
Catilinea yvencis	328
Catharmata, periphomata	53
Cerylum senem uxor gestat aequatam	561
Christi postremum praeceptum de charitate	90
Christus miser circumit	946
Ciuitates cur conditae	187
Ciuitas constat ex agricola & medico	309
Ciuum moderatione seruantur Respub.	500
Classes sunt septa	42
Claudi more pilam tenere	341
Coelestium motuum commoda	32
Coelibes immundi non possunt inuocare	160
Coelibatus impius	17
Clibistorie, Calliope poësi praefecta	291
Collegia sunt scholae	400
Cœna Domini prophœtatio	244
Cœna communis	146
Cœna Domini mos uetus	147
Concio leporum	161
Coniunctio incesta fœdus	169
Constantinopolis schola LL.	241
Constantinus fortis	244

INDEX

Consuetudini mos gerendus	192
Conradus Celtus, Huttenus	669
Contarenius Monachos pastores facit	158
Crupula unde dicta	620
Cruentum grauiſſimum ſcelus parricidium	569
Crupula & barbaries copulata	629
Creatio pictura operum Dei	28
ſeculi hiſtoria	566
ſectus diuini cura preſantiſſimum opus	541
Cupiditate & Pallide abſtinentia	594
Celeſtem operationem adinuat ſapiens	333
Dei	
Deali ſtatue	287
Danielis fortitudo in periculis	248
David ſtudioſus decori	594
Decem tabule æſtræ	14
De Chriſto concionatus natura rerum	84
Dei faciem cernere	99
Dei inuocatio ætæ piorum	139
Dei ſunt omnia, Philoſophi amici eius	306
Dei poſteriore	100
Dei tranſitio	100
Democratia	549
Demosthenes octies deſcripſit Thucydides	389
Demosthenis Apologus	589
Demosthenes amator Thucydidis	367
Demosthenes meditatui dixit	391
Demosthenis maximus numerus	344

INDEX

Deum turba unde	140
Deus funditur in omnes res	167
Deus quid	312
Deus eterna mens	139
Deus quid pythagoras	344
Deus pater ostenditur Philippo	100
Deus inspector iudicum	206
Diabolus Christi hostis	89
Diaboli longitudo	95
Diadema artemis Oceanus, et gladius Delphicus	286
Dicendo Deo grata dicamus Plato	514
Dicendi artes humanitas dicta	361
Diuturnus hominis propterea	287
Dialectica exercitatio uarij generis	43
Dialectica quid, Plato	349
Dierum uices promissionum et peramentum indicia	149
Dieta uictus ratio	575
Discipulis ingratus cuculus insculpendus	591
Divina testimonia natura impressa	566
Docendi et discendi ratio prisca	305
Doctore et loqui signum scientia	414
Docti ut fungi nati	487
Doctores uelut iumenta	591
Doctrina uera regula	114
Doctrina contentione quodam latronum	77
Doctrinam seruare	81
Donum linguarum	414
	Ebra:

INDEX

Ebrietas furiosa	619
Ebrietas Sathanae cubile delicatum	633
Ebriorum Sathan pocillator	639
Ebriosorum stultitia	623
Ebrietas ruina sanitatis	617
Eccles uxores pastorum lupae vocat	352
Ebrius ad res nullas utilis	622
Ecebolus Rhetor Apostata	479
Ecclesiae conseruandae ratio	347
Ecclesiae & scholae olim in Germania	129
Ecclesiae concordia quae	44
Ecclesiae Balsamum & res	59
Ecclesia Cymba	828
Ecclesiae canes sunt Pontificij opulenti	65
Ecclesiae pastorum misera conditio	65
Ecclesiae facies tempore crucifixi Christi	83
Ecclesia tempore Seth	96
Ecclesiae nomine orandum	816
Ecclesiarum reformatarum miracula	86
Ecclesiae scholis carere non possunt	92
Ecclesiae primae etatis exempla	98
Ecclesia tempore Abrahae	96
Ecclesiarum opes non mouerunt discordiam	169
Ecclesiae concordia quomodo alenda	48
Ecclesiae uerae tituli	170
Ecclesia ad concordiam opus habet consensu	42
Eloquentiae praemium	393
Eloquentia	

INDEX

Eloquentia studiosi erant principes olim	387
Eloquentia quid	388
Eloquentia vis	388
Eleusinia quando fiebant	39
Epaminonda quid iucundissimum	397
Epicuræi sunt ædiles	340
Episcopus unius uxoris vir	165
Epode Maiorum	208
Euangelion superat humanas leges	1
Euangelij lumen ubi	70
Euangelion mentium Christianorum aliud	4
Euangelij & Philosophiæ discrimen	101
Euangelio quæ obstant	8
Euangelij Doctor latro dexter	71
Euangelium non labefacit Oeconomiam	216
Euripus	181
Examina curam acuiunt	414
Examinum utilitates	417
Exempla legibus congruant	118
Experientia sine arte latrocinium domesticum	274
Experientia fallarum	271

F.

Fabula Germanorum, quibus nulla uestis pingi potest	586
Fabule cur conficiæ	577
Fabula Agrippæ	579
Fabula Hesiodi, quomodo Poeta factus	578
Fabularum vis maxima	580

INDEX.

De fato questio	383
Favorinus febrem laudat	358
Philautia ingenijs pernicioſa	419
Florentia græcarum literarum profeſſores recipit.	401
Formicarum ortus diuinus	675
Formice noſtri doctores	676
Formularia leguleiorum	203
Franci quales hodie	666
Franci Regnum in Gallia conſtituunt	656
Francie Reges Chriſtianiſimi	662
Franci doctores	660
Franci ad Chriſtianam religionem uocati	661
Francie laudes	653
Franciſcus Stadianus Ariſtotelicus	449
Francorum ſedes	659
Francorum potentia quomodo creuerat	662
Francus nomen generale	659
Francorum bella	659
Fructus doctrine cum ætate inſtatureſcunt	423
Frugum inuentoribus diuini honores attributi	559
Furtum duplex	233
Francie Ducatus	665
Fundamenta artium difficilia	433
G.	
Galeni oraculum & experientia	319
Genes que	212
Geometrica proportio	614
	614

INDEX

Germanorum hospitalitas	559
Germanorum ueterum exempla	610
Germania mutata in deterius	388
Germanie dotes	656
Gothi sacris pepercerunt	664
Graduum defensio et similitudo	413
Gradus humane nature	350
Gradus studiorum cur instituti	347
Gradus primus lusus	411
Græcorum φιλαδέλφια	50
Grammatica ueluti nutricula	41
Græce lingue fructus	495
Græci superant Latinos	47
Gratiarum templa apud Græcos	519
Gratitudo fons iusticie	51
Gratitudo maximarum uirtutum nutrix	514
Gratitudine nullum officium iustus	514
Gregorius Tifernates flagitat stipendium	484
H.	
Halcyones imagines Ecclesie	564
Hebræorum leges	222
Helleborum porrigere	299
Helluonum furor	614
Herculem imitentur adolescentes	657
Hercules Omphales amore captus	651
Heresium origo, Artij et Anabaptistarum furor	40
Hesiodi et Homeri pœsis	10
Hesiodus quomodo poëta factus	3
Hesiodus	

INDEX.

Hesiodi querela de Malis neglectis	253
Hieremie politia	118
Hipocrati Herculis honores deferuntur	256
Hipocratis de Sydexibus sententia	331
Historie Encomium	493
Historia Eberhardi Barbati	596
Historie sanctorum cur cognoscenda	105
Homeri laus	365
Homeri authoritas	490
Homerice Ate ex lite	502
In Homero quid observandum	364
Homicidarum receptio	234
Honestus habitus utilis ad estimationem	588
L	
Idee ex optimis scriptoribus sumenda	363
Ἐπεὶ ἀνάλος	91
Imperatoris munus	541
Impiorum gaudium breue	33
Ingrato stigmata inuruntur à Philippo	571
Invidia nutrit uana studia	452
Ionas filius Sareptane	464
Iouiani lex	163
Ira Sathane præten dit finem mundi	469
Itrnerius imperij imaginem restituit	230
Israëlitici populi stupenda liberatio	97
Iunonis spectrum	68
Iupiter apud Aethiopes conuiuans	23
De Iure scripto Aristotelis sententia	223
Iure	

INDEX

Iure scripto ciuitates reguntur	217
Iure scripto omnes Gentes usi	218
Iurisconsultorum magna antiquitas	299
Iurisconsultorum munus	340
Iurisconsulti perstringuntur fabula	303
Iuris scientie capita	24
Ius scriptum Mercurialis status	290
Ius scriptum, potest moderari iudex	29
Ius scriptum praesidium contra Tyrannidem	21
Ad studium Iuris cohortatio	304
Iuris periti apud inferos iudices sunt	27
Ius scriptum necessarium	23
Iusticia quid	41
Iusti sunt philosophi Plato	41
Ixion cum nube concumbens	49
L	
Lacedaemonij efficiunt Mylestium hospitium	17
Lapis ad regulam, non regula ad lapidem accom-	
danda	
Latronis dimicatio, est confectio	
Latronis pia opera	
Latro interpres patrum	
Latro fide impetrat Paradysum	
Latro in extremo iudicio a fidebit	
Latro Apostolus, defendit gloriam Christi	
Lazari querela	64
Lazari historia carmine explicata	70
Lazarus imago Ecclesie	71

INDEX.

azari & diuitis historia explicata	61
azarus sui temporis Ieremias	62
De Lazaro disputatio	202
eges diuinae representant Archetypum	11
eges locis scripturae comprobatae	178
De lege scripta Constantini dictum	231
x legibus omnia iudicanda	175
eges XII. tabularum	192
egum auctoritas	442
eges animis hominum infixae	244
eges Hebraeorum	191
eges uox Dei	250
eges silent inter arma	242
eges idem sunt Rebus pub. quod a autia Sydera	192
eges Moysis scholae praecipuntur	462
eges Romanae, cur receptae	215
eges aureum ciuitatis monumentum	199
eges Lotharii tempore prolatae	229
egibus Solonis utuntur Athenienses	191
egibus Romanis, cur utendum	194
eges sumptuariae Romanorum	585
De Legibus Marij uox	242
egislatorum Apologi	580
De Legibus sententia Aristot.	228
egibus naturae, cur utendum	211
egum abrogationem, quae sequantur incommoda.	185
egulei homines trahuntur naribus	204
	Legum

INDEX.

Legum hostes qui	176
Legum anima et spiritus	199
Legum promulgationis, apud Locrenses mos	224
Leo Cumanus	259
Leonum foetus informes, sic etiam ingenia	426
Lex Aquilia	277
Lex mens, sine cupiditate	221
L. Placuit uerba	23
Lex contra falsa testimonia	19
Lex de Monoculo	21
Lex de strictis gladijs	647
Lex Locrensium	24
Lex Moysis uniuersalis	10
Lex Draconis	1
Lex iniustus lata	16
Lex norma interpretationum	17
Lex DEI diuinitus mentibus inscripta	27
Lex uox Magistratus	22
Liburni ad conuentum Augustanum	100
Libidinum poena	17
Linguarum inscitia, parit Hareses	44
De linguarum studijs constitutio	44
Linguae externae discenda	46
Linguae ad omnes artes requiruntur	45
Linguarum donum, Apostolis collatum	376
Linguarum contemptores sacrilegi	49
In literis non festinandum	41

Litterae

INDEX

Literarum Imperitia, ira Dei iudicium	379
Literarum Tyrannis	443
Literarum facilitas	456
Litere à Gottis ruinam passa	443
Literarum ordo	477
Litere, ut Elementa	474
Litere Graecae & Latinae coniungenda	452
Literarum usus in sacris literis	454
Litere quando reflorescere coeperint	452
Logica tres Chordae	288
Loquendi certa ratione opus est	359
Lutheri scriptorum causa prima	131
Lycurgi praecepta de moribus	794
Lycurgi leges memoriae insculptae	186
Lycurgi prudens calliditas	233
Lyra Orphel	291
Lyra in τὰ χοῶδες	284
Lyra Aegyptio sacra	284
Magici medietas	276
Magistratus definitio Aristotelis	344
Magistratus cur uocentur Di	478
Magistri bullati	447
Magisterium titulus	419
Magistri cuiusdam in uocabulo Salamo oscitantia	377
Malagmata sua quidam deuorant	266
Malchion prodit Samosatagni deliria	58
	24
	24

INDEX

Manus est causa sapientie Anaxagoræ	343
M. Papyrius laudauit disciplinam militarem	316
Marchio laudat Liburnos	387
Marie statua in Syria	147
Maximilianus auaritie osor	606
Medendi uim, tota natura habet	267
Matrum contumelie liberos offendunt	151
Medicinae auctor Deū ipsum ueteres fecerunt	261
Medicina Clinica	420
Medicina Sanctorum	271
Medicine & Iurisprudentie collatio	211
Medicine contemptiores, sues & scarabei	213
Medicina rerum naturas scrutatur	251
Medicina filium Thesei	251
Medicine histiones	270
Scripturae testimonia de medicina	261
Medicina dignitas & honestas	251
Medicinam corrumpit Thessalus feruens	271
Medicina diuinitus mortalibus donata	261
Medicinae antiquitas	271
Medicè uiuere	251
Medici practici praferendi Theoricis	267
Medici de fluxione locus	610
De Medicis imperitis Iureconsultorū sententia	271
Medici praestigiatores Tyriacks Krämer	270
Medici a Rom. & periculis conseruati	268
Medicorum libri continent rerum naturam depicti.	277
Medico	

INDEX.

<i>Medicorum Symptomata, Crifis</i>	277
<i>Medicorum de Hydropico quodam contentio</i>	265
<i>Medicorum Astrologia ficta</i>	271
<i>Medicus à Carione vocatur ανατομης</i>	259
<i>Medicus præstat uiuum naturæ opus</i>	260
<i>Medicus naturam apum sequitur</i>	256
<i>Medicus homini Deus</i>	265
<i>Medicus doctus eligendus</i>	274
<i>Medicis Cesarum stipendia olim data</i>	258
<i>Medicus Naturæ inuestigator</i>	266
<i>Medicus anatomicus</i>	254
<i>Medicus unus, multis hominibus præstantior</i>	255
<i>Medicus philosophus uir diuinus</i>	350
<i>Medicus non recipiendus sine consilio doctorum medicinæ</i>	276
<i>Melancholicorum exempla</i>	322
<i>Melanchthonis præceptores</i>	123
<i>Melanchthonis lenitas</i>	172
<i>Mencelai crudele facinus contra Andromachè</i>	534
<i>Mens quid</i>	312
<i>Mercurius Deorum apparitor, Vlyßi moly herbam ostendit</i>	254
<i>Mercurius donat Palladi tibias</i>	336
<i>Mercurius natus Ioue, nouas artes excogitat</i>	283
<i>Mercurij Chelis exposita</i>	284
<i>Methodus in artibus necessaria</i>	300
<i>Militum officia</i>	518
<i>Missa priuata</i>	149

INDEX

Minos Iouis dargyris	14
Moly herba	203
Mortuus homini fenestras corporis optat	254
Murichi crudelis uox ad Carolum V.	69
Moni hi satisfactionem requirunt, nullam faciunt	139
Monetarius & Anabaptiste aereis de uoluntate	476
Morborum ex ebrietate series	68
Morionis exemplum	379
Mores ueteres retinendi, & cur optimi	584
Mortui cur inuocandi	141
Mortuorum mentio, superstitionum semina	137
Myses ad promissiones de Christo respicit	99
Moyſis reuelatio admiranda	91
Moyſis oraculum de obseruandis temporibus	39
Mundus non casu extitit	21
Munus docendi sacrificium	34
Muri debent esse ferrei, non faxei	401
Muse Syrenes uicerunt cantu	304
Musica erigit mentes ad caeleſtia	290
Musici concentus αυλοπαιδια	437
N.	
Narcissi fabula	430
Natura recondit bona in herbarum modulis	29
Natura hominis sine philosophia manet	377
Nixianzenus Episcopo patre natus	59
Nisipoloni uicia	186
	188

INDEX

Nero in cruce pendet	80
Noctua piscis vorax	167
Νομοφύλακας Atheniensium	208
Noriberge laus	400
Numerorum authores	289
Numeri principia Philosophia	289

O.

Officiorum humanorum gradus considerandi	406
Opera indebita	133
Oratione nulla cantilena dulcior	396
Ordine nihil honestius Xenophon	348
Osius Episcopus Hispanus	530

P.

Pacis & belli conditiones	366
Pedagogi Asinis magis miseri	503
Pallium diuæ Annæ.	142
Pantheræ mitiores Pontificijs	88
Parentum uoluntas, pro lege habenda	197
Patriæ amor	184
Parlamentum Franciæ	663
Patrum scholæ	466
Patrum & aliorum Heroum collatio	107
Paulus consolator mentis afflicte	18
Paulus uocatus, nullo suo merito	109
Pauli eloquentia	17
Paulus εν τρωµα	104
Pauli doctrina summa & effectus	15. 110
Pauli testimonijs errores refelluntur	133

y iij

Pauli

INDEX.

Pauli flexanimus spiritus	19
Pax optima rerum	307
Periclis cura in dicendo	391
Periclis & Lysimachi eloquentia	9
Periclis uehementia	104
Persicus ignis	145
Philosophi Spurij qui	349
Philosophia sine græcis literis non percipitur	457
Philosophia quid	454
Philosophia sacris literis lucem adfero	39
Philosophorum mimi	191
Philosophicæ amicitie forma	45
Philosophia & Christianismus diuersa	16
Philosophia uera	32
Philosophia γὰρ καὶ κατὰ φύσιν	16
Philosophia & Decalogus, medicina corporis munda	3
Philosophandi ratio audax	441
Philosophia ἀλαϊσμοποιος	13
Physicæ medicina pars	309
Physicæ principia	301
Physica à matribus familiis obseruata	309
Picus defendit barbaros scriptores	351
Physicæ Pericles excellens	39
Physica Patriarcharum propria	31
Planetarum lumen dissimile	33
Planetarum concursus anno XXXIII.	350
Plato reprehendit satiricam crebram	64

Platon

INDEX

Platonis uir beatus	39
Plato mulieres militare iubet	198
Platonis duplices anime alata, & nuda	339
Platonis definitio Dei	109
Plato laudat ciuitatem, in qua τα φίλων νοινα	638
Platonis & Pauli discrimen	109
Podagra Bacchi & Veneris filia	618
Pœnitentie ratio tempore Cypriani	134
Pœnitentia mitigatio poenarum	133
Poëte & historici primùm legendi	364
Poëte res nature illustrarunt	389
Poëticum exemplum in Psalmo	392
πολυπρωμοσύνη: ex ambitione	217
Politia domus artificiosa	218
Polypi libido	567
Pontifex latro sinister	77
Pontificij conuittantur Christum crucifixum	84
Pontificiorum spectacula	145
Pontificij osculo produnt Euangelium	532
Pontificiorum mitigationes satisfactio	532
Pontificiorum emendationes friuole	149
Preces purioris Ecclesie quales	148
Principum omnium bonorum imagines, in uno an-	
nudo sculptæ	189
Primotheus nobilis Mathematicus	256
Promotionum cause	423
Promotionum ratio & utilitas	35
Propheta temporibus quibus uaticinatur	464
γ v	Propio

INDEX

Propinantes homicida	619
Prophetarum schola	461
Puero nulla bellua intractabilior	91
Puerorum fallendi mille artes	94
Pulcheria uxor Martiani	544
Purpurati Simie	341
Pythagoras libidinem adolescentum cantu cohibet	24
R.	
Regum temulentia uitiosissima	64
Regula plumbea	39
Religionis uera author	23
Religionis professio gloriosa	117
Religionis doctrina ad omnes pertinet	42
Rerum publicarum pestes duae	7
Respub. mutantur propter coelestes causas	341
Respub. Romana literarum domicilium	195
Respub. quae optima Platoni	544
Respub. philosophorum adumbrata	197
Respub. optime status imago	497
Romani immunitate donant Graecos	646
Rhetorum schemata in Prophetis	366
Roma patriae honoribus colenda	61
Romae litterae fordent	403
Roma à Gallis capta	243
Romanorum militaris disciplina	602
Roma pulcherrima princeps omnium gentium	61
Romana Bibliotheca	606
Roma	

INDEX

Rome descriptio	600
Sabbati uacatio	832
Sabbatum Iudeorum	838
Sabbatum quomodo seruandum	239
Sacramenta sine actione nihil	148
Sacre literae non improbant civilem statum	176
Sacra oracula probant Sydera esse certa	342
Saeculum nostrum corruptum	813
Sampsonis uittula	128
Samuel in disciplinam traditus	463
Sapientia humana euertit omnia	117
Sapientia usu prognata	369
Sapientia nulla sine Deo felix	247
Sapientum septem modestia	498
Sareptana uidua propter Eliam pascitur	59
Sathan mille artifex	45
Satisfactiones	132
Saryri tollunt Palladis tibias	337
Saxonie Elector pius erga Theologos	39
Saxonie Elector religionis studiosus	35
Scipionis & Marij diuersa studia	499
Schola ludus	407
Schola praecipua pars ministerij	57
Schola Alexandriae	55
Schola ab ocio dicta	415
Schola excitata per Ioannem	465
Schola Patrum & Prophetarum	95
Schola	Schola

INDEX.

Schola Curia & Synodi	506
In Schola uoluitur saxum Syssiphi	467
Schola curae principum	
Scholastici doctorculi aspides	
Scholasticorum doctorum cura	
Scholasticae uitae sanctitas	42
Scholasticum uitae genus iucundissimum	42
Scholasticum onus	42
Scholasticorum conuentus, militia Christiana	
Scholastici gradus, foedera, cum Repub:	
Scholastica uita, imago aureae etatis	42
D. Schurpffius hortatur ad LL. reuerentiam	21
Scripta uoluenda cum sollicitudine	42
Scriptura sacra summum bonum	
Scriptura aucta unde	
Scythorum barbaries	
Seditionis descriptio	34
Sem domitium	
Semidei aulici	42
Seneca de paccatulo conuiuante	62
Septentrionalis fera uorax	62
Sermonis commoda	32
Sermonis uno genere utendum	52
Sibaritarum luxus	42
Si Musica mutatur, Respub. mutatur, Plato	47
Smyrnenfis Synodus cothurnos fecit	59
Societatis humanae finis	54
Socratis de Philosophia sententia	5

INDEX.

Socrates senex cum puellis equitat	175
Socrates κλειπτονῷ	193
Socratica Epoda	17
Socrates in schola Dionysij, quid fecerit	281
Socrates hoc unum dicit se scire, quod nihil scit	450
Solœcis in Ecclesia errores pariunt	359
Sophisticè quomodo refutanda	524
Spiritus unitus	49
Stoici & Epicurei discedunt à natura	522
Studiorum impedimenta	119
Studiorum duæ pestes	430
Studiorum ueratio	442
Studium conferendi συζητησις	414
Stylus optimus dicendi effector	369
Styli exercitium necessarium	368
Stylus exercendus	509
Styli encomia	390
Styli corrigendi ratio	510
Sueuorum disciplina	643
Sueuorum uirtus & finis	639
Sueuorum antiquitas	ibidem
Sueuis imperij, titulus datus	640
Sydera oracula Dei	332
Syderum circuitus efficit uicissitudines	332
Συμβάσεις	114
T.	
Temporis habenda ratio	421
Theocriti Comata fabula	394
Theodosij	

INDEX.

Theodosij lex de bonis Ecclesie ab Augustino com-	61
probata	
Theologi indocti Gygantes	71
Theologia contempta, propter crucem	72
Theologia sapientia diuinitus prodita	74
Theologi Scenici	76
Theologia inrudita gignit errores	219
Theologi multi Cadmei fratres	78
Theologastri triobolares	219
Theologastorum Styli imperitia	274
Theologistarum traditiones perniciose	78
Theologo Adam uetus exuendus	411
Theologo cognoscenda partes anime	79
Theologie fontes in Hebraicis & grecis literis	43
Theologo Physica necessaria	80
Theologica professio quid	227
Theorici & practici Philosophi eodem honore	411
gni	
Theremanes inconstans	514
Timanthes nobilis pictor	297
Tubinga sacerdos impostor	246
Tyranni triginta	341
Tyrannis pestifera Ecclesia	550
Tyranni oderunt Philosophos	557
Tyranni quomodo occupent Tyrannidem	570
Tyranni triginta carnifices	181
V.	
Valetudo quomodo conseruatur, Cicero	577
Vana	

INDEX.

<i>Arctas pueri grata</i>	913
<i>Arros suos à peste seruat</i>	310
<i>Vergilius cum Homero certauit</i>	366
<i>Veritas & inficia, uirtutes prestantissima</i>	408
<i>Vestis representat animum</i>	586. 587
<i>Vestis uirum facit</i>	588
<i>Vestitus ineptie perniciosus</i>	582
<i>Vicelij uenenum</i>	47
<i>Victus colligendi tempora</i>	677
<i>Virtutis & uoluptatis oratio ad Herentium</i>	683
<i>Vlyssus oratio hybernis niuib. similis</i>	362
<i>Vlysses mentiri docet Neoptolemus</i>	521
<i>Vlyssi chara libaca sterilis</i>	185
<i>Vlyssis fumum patrie uidere cupit</i>	184
<i>Vnctio quid</i>	37
<i>Vocabula usu, ut nummi probantur</i>	356
<i>Vota qualia</i>	162
<i>Vsura sub pretextu societatis defenditur</i>	216
<i>Vuttenberga uehit Paulum per Mare.</i>	117

FINIS.

ARGENTINAE

Per Samuelem Emmel, & Theobaldum

dieterich. Anno Domini,

M. D. LXXIX.

